


UNIVERSITY OF TORONTO



3 1761 01179832 9



PURCHASED FOR THE
UNIVERSITY OF TORONTO LIBRARY
FROM THE
CANADA COUNCIL SPECIAL GRANT
FOR
HISTORY OF SCIENCE

14

TYCHONIS BRAHE DANI
OPERA OMNIA

TYCHONIS BRAHE DANI
OPERA OMNIA

HAUNIAE MCMXXV
IN LIBRARIA GYLDENBALTIANA
STROMBOLIAE

AUSPICIIS SOCIETATIS LINGUÆ ET LITTERARUM DANICARUM
(DET DANSKE SPROG- OG LITTERATUR-SELSKAB)

TYCHONIS BRAHE DANI OPERA OMNIA

EDIDIT

I. L. E. DREYER
TOMUS VIII



HAUNIÆ MCMXXV
IN LIBRARIA GYLDENDALIANA
TYPIS NIELSEN & LYDICHE (AXEL SIMMELKIÆR)

QB
3
B83
t. 8



TYCHONIS BRAHE DANI EPISTOLÆ ASTRONOMICÆ

EDIDERUNT

I. L. E. DREYER ET IOANNES RÆDER
SUMPTUS FECIT INSTITUTUM RASK-ÆRSTEDIANUM

TOMUS III

HAUNIÆ MCMXXV
IN LIBRARIA GYLDENDALIANA
TYPIS NIELSEN & LYDICHE (AXEL SIMMELKIÆR)

EPISTOLÆ ASTRONOMICÆ

DAVID CHYTRÆUS AD TYCHONEM BRAHE.

1^r **N**OBILIS, generose et magnifice Domine. Gratulor non
5 tam Magnificentiæ vestræ, quam Academiae et urbi Ro-
salarum, de incolumi in hanc urbem adventu vestro, quam
vere Generosæ Nobilitatis vestræ sapientia, virtus, doc-
trina et in Rempublicam literariam merita et Nominis
10 vestri claritas, splendor ac gloria, excellenti virtute ac
† bene meritis parta, deinceps illustriorem et clariorem efficiet. Quod
† igitur CICERO alicubi in Orationibus exclamat: *O terram illam bea-*
tam, quæ hunc virum exceperit! patriam ingratam, si eiecerit, mi-
15 *seram, si amiserit!* idem ego iisdem verbis nunc usurpo, et Deum æter-
num, suæ sapientiæ et virtutis radios, ingenij et virtutis Heroicæ dona
17 in men-†tes præstantium virorum effundentem, precor, ut M. V. inco-
lumem et florentem perpetuo servet, et migrationem in hanc urbem
clementer gubernet, ut paulo post eos, qui talem virum dimiserunt, er-
roris sui poeniteat, et quem retinere omnibus viribus non studuerunt,
20 retrahere tandem ad se omni contentione enitantur. His coram M. V.
ad nos advenienti gratulaturus eram, si accurrere ad M. V. per Arthri-
tidem, quæ me totum possedit, licuisset. Nunc, quæ proficisci a mea
tenuitate possunt officiola, reverenter defero, et pro eruditissimis ad me
literis et volumine epistolarum, mecum superioribus mensibus com-
municato, reverenter gratias ago. Bene et feliciter M. V. in æternum
25 † valeat. Postridie Viti, Anno 1597.

M. V. reverenter colens
DAVID CHYTRÆUS.

2^r **NOBILITATE INGENIJ ET GENERIS INPRI-**
30 **MIS CONSPICUO ET EXCELLENTI, DOMINO OLIGERO**
ROSENKRANTZIO, CONSANGVINEO SUO DILECTO
ET AMICO INTIMO.

S.

1^r **L**ITERAS tuas, Nobilissime OLIGERE, Amice et cognate
35 semper in intimis habende, primo die huius mensis Iulij
Haffniæ exaratas decimo eiusdem hîc Rostochij recepi,
eruditae eas et amoris erga me eximij plenissimas. Ex
quibus liquido patet, illud Ovidianum tibi non compe-
† tere: *Quam procul ex oculis, tam procul ibit amor;*
1* cum

cum tu primus sis, qui ex tot in Dania genere claris et sanguine mihi iunctis me absentem literis invisere (cum aliter fieri nequeat) non neglexerit. Et sane haud opus erat tam exquisita animi tui erga me declaratione, cum integritas tua et erga me benevolus affectus alias mihi satis superque perspecta sint. Habebis me vicissim, quoad vixero, tibi devinctissimum. Admodum gavissus sum, te incolumem ex itinere || navali 5
 Celandico reversum fuisse, idque ijs ipsis diebus cum Hassnia discederem, licet nihil mihi de tuo adventu, antequam Coagij essem, constiterit; alias tecum loqui non intermisißem, si modo ante meum abitum (quod etiamnum ignoro) appuleras. 10

Dedi autem Pictori in mandatis, ut Effigiem meam, quam expetieras, tibi reduci traderet. Quod etiam eum fecisse non dubito. Agoque tibi gratias, quod eam in meam recordationem conservare velis. De rebus meis, quo in statu fuerint, postquam vos reliqui, et quid interea ventilatatum sit, certior ex te fieri averem. Id enim vel prætermisißem vel parcius attigißem videris. Ego adhuc Rostochij certis de causis (licet præter propositum) subsisto. Expectabo autem hîc adventum Legatorum nostrorum, ut cum fratre STENONE colloquar. Utinam vero te in eorum comitatu esse contingeret! || Præstolabor etiam responsum e Dania ad 2^r
 literas quasdam, de quibus te CRAGIUS noster monebit. Suaferunt enim 20
 Politici nonnulli homines, ut nihil alibi moverem, antequam de voluntate Regia omnino mihi constaret. Quod si hæc ab ijs, quæ tracto, studijs, prorsus etiamnum aversa permaneret, idque satis edoceri posset, eo citius et tutius alibi commoditatem exoptatam me inventurum. Quod et mihi ipsi consultius visum est. Plura ex CRAGIO cognosces. Vale, 25
 meque in amore tui constantem perpetuo mansurum, omnino tibi persuade: quemadmodum et ego de tua erga me sincera voluntate nihil addubito. Resalutant te omnes mei quam officiosissime. Datæ Rostochij die 10 Julij Anni Christiani vulgaris 1597.

T.
 TYCHO BRAHE.
 manu propria.

30

[Ex apographo in Archivo Regni Daniæ: Diplomatario Langebekii]

IACOBUS BORDINGUS AD
TYCHONEM BRAHE.

S.



1^r
5
10
15
20
EDDITÆ mihi sunt literæ tuæ, Vir Nobilissime, quibus significas, te patrium solum vertere coactum, et nunc Rostochij subsistere, quod etiam ex alijs iam pridem intellexeram. Doleo profecto non modo vices tuas, sed ingens quoque illud rerum Astronomicarum dispendium, quod ob hæc rerum tuarum inexpectatas conturbationes eventurum, unâ prævideo. Sed quid facias? cum hæc nulla tua culpa aut merito acciderint, nullumque in eo studio laborem, quantumvis gravem aut molestum, detrectâris, omnibus æquis censoribus facile excusatus eris. Verum de his aliquando coram plura. De Illustrissimi Principis mei in || te clementi favore nihil est quod dubites. Literas tuas C. E. reverenter obtuli, ac curabo, ut non tantum ad illas responsum, sed etiam commendatorias ad Sereniss. Daniæ Regem intra biduum vel triduum accipias. Nunc enim tantum otij mihi non fuit, ut confici potuerint, nec etiam iusto diutius illos detinere volui, qui tuas attulerint. Quod reliquum est, officia mea tibi deferò promptissima. Vale. Gustrovij die 2. Augusti Anno 1597.

T. studiosissimus

IACOBUS BORDINGUS.

† [E codice Vindobonensi lat. 9737f]

TYCHO BRAHE AD HENRICUM
RANZOVIVM.

S. P.



45^r
30
35
ITERÆ tuæ, Nobilissime et Amantissime Domine RANZOVI, amice et affinis honorande, per Præfectum tuum CHRISTIANUM mihi redditæ sunt, cum quo loca a te per amice oblata collustravi, et pro benevolo hoc erga me affectu gratias officiose ago quas possum maximas, pro virili oblata occasione relaturus. Placeret quidem utraque conditio, et præ cæteris ea, quæ Segebergæ monstrata est; verum enim vero, cum nonnihil remotiores sic sumus ab urbe quâdam amplâ, nec ego otiosam libenter vitam traducerem, sed libros quosdam e meis prælo ferme absolutos omnino perficere vellem, ad quod Typographia requireretur, et Artifices, qui figuras sculperere noscent, tum quoque qui Instrumentum unum vel alterum pro Observationibus cœlitis
obtinendis

obtinendis (modo nullum ex ijs quæ Haffniæ reposui, mature inde recepero) pararent. Si itaque prope Lubecam vel Hamburgum aliquod prædium mihi ad tempus, donec rebus meis commodius prospectum fuerit, concedere posses, feceris rem inprimis exoptatam. Constitui vero Deo volente, cras Bramstedium usque circa vesperam venire, quia tam cito negotia mea expedire non possum, præsertim in quibusdam scribendis, ut circa meridiem tibi adsim. Si interim Bredenbergam iveris, subsequar confestim, ita ut die Lunæ annuente numine ibi ulterius de omnibus consilium tecum capiam, et desiderium hoc visendæ Arcise eius amplissimæ, inprimisque splendidæ bibliothecæ tuæ, quod me iam pridem incebit, nunc tandem expleam. Interea M^æ T^æ omnia fausta precor, eamque quam diutissime incolumem ex animo voveo. Datæ Segebergæ 17. Septembris Anni 97.

TYCHO BRAHE,
manu propria.

[E codice Basileensi G I 33]

EXCELLENTISSIMO ET CELEBERRIMO
VIRO DOMINO DOCTORI IOHANNI IACOBO GRYNÆO,
IN LAUDATISSIMA BASILIENSIVM ACADEMIA
THEOLOGIÆ PROFESSORI, AMICO
SUO HONORANDO.

ZU BASELL.

S. P.



LARISSIME et præstantissime vir. Quod literis tuis eruditissimis pariter et humanissimis, me licet tibi de facie ignotum et longâ viarum intercapedine disitum invisere, atque hoc officij genere me prævenire non degravatus es, est cur tibi summopere gratias habeam, atque hanc erga me benevolentiam magni faciam. Reddidit mihi eas frater STENO adolescentis eius, qui apud vos studuit, parens, cum ante duos circiter menses Rostochium, ubi tunc morabar, cum cæteris Legatis S^mi Regis nostri nomine ad Administratorem Magdeburgensem nuptias eius filiæ expetituris, pertransiret. Rescriptissimam vero actutum, si internuncius aliquis præsto fuisset, quem etiam hucusque desideravi, donec commodum hic Danorum tabellarius mihi heri Bredebergam ad Nobilissimum Dominum HENRICUM RANZOVIUM, Producem Holfatiæ Regium, ituro obviaret, quem ob id rus, ubi pernoctavi, mecum regredi volui, quo tibi paucula saltem, licet loco et tempore minus oportunis rescriberem, atque me tuas accepiße, easque apprime gratas fuisse, ad minimum significarem. Cumque eas in hoc itinere me-

cum non habeam, specialiter ad singula, quæ continebant, respondere non datur, nec omnia nunc memoriter succurrunt. Attamen has qualescunque potius quam nullas ad te dare mei officij esse ratus sum. Existimo te non ignorare, me ante aliquot menses Daniâ excessisse, siquidem rumor is, uti rescivi, late per Germaniam sparsus est. Quæ vero rationes me Patrium solum vertere in hac quinquagenariâ ætate, et totam familiam in Germaniam transferre compulerint, plures et graviores fuere, quam calamus referre sustineat. Ut tamen de aliquibus eorum conscius reddaris, sic habe: Post innovatam Reip. nostræ constitutionem creato hoc novo Rege, duo Dynastæ, qui omnia pro arbitrio moderari præsumunt, sive ob earum quas ibi tractavi, artium incitiam, sive contra me odium et malevolentiam, aut certe utraque de causa effecerunt, ut non saltem subsidij a laudatissimæ memoriæ Rege FRIDERICO secundo in Astronomiæ isthuc liberalem || propagationem deputatis et postea a Senatu Regni confirmatis privarer, sed et ulterior huius exercitij sustentatio plane denegaretur. Quapropter in exteris potius Regionibus Astronomiæ redintegrandæ universum apparatus, derelictâ Insulâ, in quâ eundem prius molitus eram, transferendum satius duxi, quam ut tot Annorum a me exantlati labores, totque erogati sumptus incassum abirent, atque ego plurimorum Excellentium et Eruditissimorum hinc inde virorum per varias Europæ Regionibus, diu de me conceptam spem circa hanc sublimem Artem instaurandam indecenter frustrarer. Acceperunt et aliæ non paucæ tribulationes, quibus abitum meum eo citius promoverunt, adeo ut ne quidem a Parocho meo in mei contumeliam et despectum persequendo abstinuerint, quod is detestandum et impium istum Exorcismum in Pædobaptismo me conscio omiserit. Ideoque officio privatum et per integrum mensem citra latam sententiam incarcerationum, parum abfuit, quin etiam capite plecterent, nisi ego cum meis Amicis apud reliquum Regni Senatum tantam sævitiam avertissem. Quin et Rusticos tam contra me quam eundem Parochum meum clancularie excitatos tantum aberat, ut secundum leges (prout urgebam) eorum iniustam perfidiam et rebellionem refrænare voluerint, ut potius horum immeritâ defensione susceptâ in malitia illos confirmârent. Ego autem Parochum tandem ex istis afflictionibus liberatum in Germaniam mecum recepi, sicque nos a tot iniurijs et molestijs vindicavi. Mansi autem primum cum meis Rostochij per Anni Quadrantem, idque certis de causis, præsertim ne præpropere quid fecisse viderer, et nostratibus rem prudentius expendendi tempus non reliquisse. Inde vero a prædicto Domino RANZOVIO, Affine et Amico meo singulari, viro omni laude || dignissimo, huc in Holsatiam ob luem Epidemicam ibi grauantem evocatus, quandam ex Arcibus eius semisse saltem milliaris Hamburgo distantem Wandesburgum

burgum dictam, quam is benigne mihi conceſſit, cum familiâ inhabito, et ſtudijs meis, quantum hæ inexpectatæ mutationes ferunt, etiamnum vaco, iſthic moraturus, donec Deus (cuius Providentiæ omnia committo) mihi et meis oportuniorem locum et conditionem clementer largitus fuerit. Neque enim diffido, eius benignitate nobis alicubi in Germaniâ rectius quam in Daniâ, proſpectum iri. Ideoque Patriæ et Neceſſariorum dereliſtionem tantæque rerum noſtrarum conturbationes minus graviter fero. — Tandem bona cauſa triumphat. 5

Conſtitueram olim Baſileæ Aſtronomiæ reſtitutionem moliri, antequam a dicto FRIDERICO Rege optimo, ut in Daniâ id ipſum faciſſimè, invitarer. Et ſi commoditates et ſubſidia ſuppeterent, forte etiamnum tale quid iſthic aggrederer. Sed in viciniore loco, ad quem Inſtrumenta mea ob magnitudinem commodius tranſſerri poterint, id ipſum (uti ſpero) præſtare concedetur. 10

Hæc tibi, Excellentiſſime GRYNÆE, utut in hoc itineris curſu otio deſtitutus, reſcribere volui, ne nuncius hic plane vacuus meis urbem veſtram repeteret; hæc vero tenuia et extemporanea boni conſulas rogo, atque ulterius per literas amicitiam (ſiquidem aliter non liceat) colere ne ſuperſedeas. Ego vicifim omnia ſinceri amici officia lubens tibi deſero. Vale. Dabantur raptim in pago Bramſtedt tribus milliari- 20
bus Bredenbergå remoto, die 8. Octobris ſtylo v. Anni 97.

Tui ſtudioſiſſ.

TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

NOBILITATE NON TANTUM GENERIS,
SED ET GENIJ ATQUE INGENIJ VIRO INPRIMIS CON-
SPICUO DOMINO OLIGERO ROSÆKRANTZIO DE
ROSENHOLM, CONSANGVINEO, AFFINI ET
AMICO INTIMO.

S. P.



EDI ad te literas, Nobiliſſime et Præſtantiſſime Domine OLIGERE, Cognate et Amice chariſſime, ac tuis reſpondi, priuſquam Roſtochio diſcederem; quas etiam tibi redditas, utut is, quem iſthuc ablegavi, reſerſus nondum ſit, nihil ambigo. Nunc vero, cum amanuenſem meum cum Preſbytero iſthuc remeante ad vos mittere decreviſſem, denuo te pro neceſſitudine noſtra meis compellandum, et de ſtatu meo brevibus edocendum cenſui. Scias itaque me ob luem Epidemicam 35

Epidemicam Rostochij ingravescentem in Holsatiam a Nobilissimo viro, Domino HENRICO RANZOVIO literis perbenigne evocatum disceſſiſe, qui aliquot Arcium ſuarum optione mihi data, quam vellem
 1^v ex ijs, inhabitandam conceſſit, ac pluribus etiamnum || beneficijs me
 5 ſibi devincire non ceſſat. Elegi autem præ cæteris mihi oblatis Wandeburgum, dimidio ſaltem miliari Hamburgo remotum, eo quod egregia ibi commoditas ſuppeteret, et vicina civitas, unde in omnes ferme Europæ partes frequens internuncius offertur, neceſſaria omnia procurandi oportunitatem ſufficientem concederet. Ubi ſtudijs conſuetis more
 10 ſolito gnaviter incumbo, et a præſtantibus ac Eruditis hinc inde viris in maiore, quam ipſemet deſidero, et unquam in Patria factum, pretio et honore habeor. Et ſi non conſulto hîc in vicinijs Daniæ ſubſiſtere voluiſſem, conditiones iam antea fuiſſem naçtus, quales Patria vix largiretur; quas etiam me, quam primum lubuerit, ex divina providentia
 15 aſſecuturum, nihil addubito; ut hanc rerum noſtrarum mutationem
 2^r neu-||ti quam doleam, ſed Deum ob id mihi iſthæc evenire permiſiſſe conſidam, quo meliorem in Germania aut alibi locorum fortunam largiretur. Quod autem tam diu in propinquo moratus ſum, hinc factum, ut reſponſum ad literas Ill^{mi} Ducis ULDARICI, meo nomine ad
 20 Ser^{mum} Regem noſtrum perſcriptas, quibus etiam meæ adiunctæ erant, expectarem. Neque enim longius diſcedendum, aut apud alios Mag-nates quidpiam tentandum duxi, antequam reſponſione accepta, qualis etiamnum eſſet in me et mea ſtudia animus Regis, comperirem. Cum vero his iplis diebus hanc adeptus ſim, qualem ob quorundam in me
 25 malevolentiam recepturum prævidebam (licet non adeo aſperam et
 2^v immeritam) id quod tam diu premebam, iam efficere, nihil || reſtat obſtaculi. Daboque operam, favente Numine, ut nemini iſthic ſim amplius mea præſentia moleſtus.

Relatum mihi eſt te fratris mei AXILLI filiam SOPHIAM in uxorem
 30 ducturum. Quod equidem lubentiſſime inaudivi, atque in hoc coniugio omnia vobis quam fauſtiſſima et precor et auguror. Et licet meo iudicio nihil rectius facere potueris, quam ut uxore ducta te ab Aulicis compedibus liberares, cum alios tolerabiliore et minus ingratos futuros ſpes ſit (ſiquidem per viam univerſæ carnis eundum eſt) videris
 35 nihilominus, ne per hanc SOPHIAM terrigenam ſublimiorem quandam ac Philoſophicam, Diam illam, et mentem a terrenis caduciſque ad longe altiora tollentem, atque immortalitati conſecrantem negligas.
 3^r Solet enim in || his fieri id quod præcinebat OVIDIUS: *Succeſſore*
 † *novo pellitur omnis amor*. At cum et illa, quatenus fert ſexus, Philoſophica futura ſit, ac Amitam SOPHIAM, quoad datur, haud degene-rans imitatura, ſociam altioris alicuius, quam vulgus capit, SOPHIÆ
 40 potius quam obſtaculum fore, præſagio et opto.

Plura rerum mearum, temporis angustia præpedito mihi nunc scribere non datur; ex sorore SOPHIA, tibi etiam amica, tum quoque communi Amico Domino Doctore NICOLAO CRAGIO cognosces. Quæ vero me concernentia, mi OLIGERE, nosti, fideliter (uti tibi confido) indica, a me tacite habenda: nec invidos olores ac detrectatores meos verearis. Quos et te haud extimescere, omnino mihi persuadeo. Ego iam pridem illorum malevolentiam superare et negligere didici. Vale mi optime OLIGERE, meque quod || facis mutuo amare perge. Dabatur Wandelsburgo ex arce Ranzoviana die 7. Novembris Anni 97.

Tuus ex intimis
 TYCHO BRAHE,
 manu propria.

[Ex apographo in Archivo Regni Daniæ: Diplomatario Langebekii]

NOBILITATE NON TANTUM GENERIS,
 SED ET GENIJ ATQUE INGENIJ VIRO IN PRIMIS CON-
 SPICUO DOMINO OLIGERO ROSÆKRANTZIO DE
 ROSENHOLM, CONSANGVINEO, AFFINI ET
 AMICO INTEGERRIMO.

S. P.



ORDATISSIME mi OLIGERE, cognate desideratissime et affinis exoptatissime. Postquam priores hisce viferint tandem an non potius sui ipsius, et patriæ, cuius honori studere merito debuissent, maiore incommodo quam meo nostræ satis arguunt compositoris malevolum animum pari præiudicio et avaritiæ nefanda labe infectum:

*Proh superi quid non mortalia pectora cogis
 Sacra fitis Rosei fontis, præbendaque sacra!*

Dolendum certe est, imo supra modum dolendum, iuvenem hunc Regem, alias suapte natura virtutis capacem et generoso animo præditum, talibus glaucomatistis ita occæcari et in devia deduci, ut id, quod verum rectumque sit et Regno ac sibi forsan maiore duratione honorificum, quam multa alia, quæ inutiliter fiunt et profunduntur, perspicere et sentire nequeat, utpote alienis oculis et auribus tam videns quam audiens. Veniet forsan tempus quando et oculatior, magisque auritus (experientia et usu rerum sic suadente) reddetur. At quantum ad me meaue tamdiu exantlata studia nimis sero. Præveniam potius, et mihi favente divina providentia, dum adhuc tempus superest

est iamque alea iacta est, numeratae teſeræ re Bene ſit Regi precor, utut mihi præter culpam et iniuriam non faventi. Bene ſit vobis omnibus præſertim integrioribus. Bene ſit uni-verſæ Daniæ ex animo opto.

5† Deo tra fortuna, ſequamur. Iamque vale
1v mi amantiſſime OLIGERE, et quæ hîc deſiderantur, in priori-||bus at-
que poſtſcriptis lege, TYCHONEMque ex aſſe tuum ſincere redamare,
quod et ſponte facturus es, nunquam deſiſte. Iterumque et ſæpius vale.
Dabantur ſubito Wandelſburgo prope Hamburgum, die 16. Novembris

10 Anni 97.

Tuus intimus et extimus

TYCHO BRAHE,
manu propria.

1r POSTSCRIPTA.

15 A MANTISSIME OLIGERE, ſi res tuæ ullo modo ita ferrent, nihil
magis in votis haberem, quam ut peractis Regijs Nuptijs velles
Bredenbergam venire et mihi iſthic indicato prius tempore, idque per
certum et fidelem internuncium, obviam ire: partim inviſendi optimi
20 illius Senis RANZOVII communis noſtri Affinis et Amici integerrimi
gratia, partim ut bibliothecam eius, qua vix ampliorem et ſplendidi-
orem Germania habet, luſtres, ſive iſthic fuerit Produx, ſive non; eſt
enim mihi ſemper liberum, nec dubito quin et tibi, quem pariter is
(prout tua meretur virtus) ex animo diligit; partim etiam, ut nos invi-
cem adhuc ſemel (dum modo ſæpius non liceat) compellemus, ante-
25 quam longius diſiungamur; quod non ſaltem ſanguinis ratio et amicitiae
vinculum, ſed et nova inter nos affinitas expoſcit. Neque enim ignoras,||
1v me poſt Patrem eſſe e ſponſæ agnatione proximum adeoque primum,
ideoque non negligendum aut prætereundum; veluti in cæteris vix ad-
miſiſti. Atque hæ erunt tibi ſufficientes cauſæ, imo unica earum, quod
30 iſthuc impetrata vel non impetrata venia eas. Et ſi de me tacere, idque
tibi ſoli ſecretum reſervare, cautius duxeris, libenter id concedam. Mihi
enim perinde eſt, ſive quis mea de cauſa palam ſive clam agat; modo
id quod æquum eſt et res poſtulat, agat. Indica ſaltem actutum, quid a
te in his præſtari poſſit, ut et ego de meis interea rebus ſic eo commodius
35 diſponam. Exemplum nuperarum (de quibus in prioribus dictum) lite-
rarum nunc non addo. Habebis id alias aut ubi convenerimus, ſi etiam-
num in Cancellaria veſtra teſtum habetur; uti ſolent ea, quæ lucem
2r oderunt. De tua enim voluntate nihil || addubito. Cum ante menſem
circiter Obſervationes meas Aſtronomicas invitante Serenitate hîc
40 Wandelſburgi renovarem, atque in libro, quo priores Uraniburgi circa
æquinoctium vernum deſinentes denotâram, has poſteriores ſubiun-
gere voluiſſem, ut earundem tanto tempore præter ſolitum interrupta-

rum occasio mihi et alijs in posterum memoria non excideret (quod tamen vix futurum) exposui primum isthic prosa disceßus mei ex Insula Venusia, adeoque tota Dania, rationes brevibus comprehensas, moxque dictante genio incidit Carmen elegiacum, quod unâ isthic adscripsi. Cuius hñc te participem reddo, cum sciam te Poëticis delectari, 5
atque ex Pegaseis fontibus canoras hausisse lymphas. Si itaque et tu pariter responderis, non quidem consolandi gratia (cum scias me nihil in his asperi, sed potius omnia ex usu puta-||re), verum ut Urania e 2
Dania vestra in alia magisque gratiosa et commoda loca mecum migranti Propempticum concinnes, nobisque utrinque sic congratuleris, 10
rem tam illi quam mihi non saltem iocundam sed et acceptam præstiteris. Neque authoris nomen prodere opus erit: uti et mea apud te secreta haberi, et nemini quidpiam inde communicari velim. Tradas potius Vulcano, ubi legeris. Sufficit in memoria habere qua vales, cum et antea hæc ita se habere, satis superque memineris. Iamque pluries 15
vale. Dabantur ut supra in literis.

T. B.

ALTERA POSTSCRIPTA MINORIS MOMENTI.

CUM Præfectum illum, quem discedens Venusiæ nostræ præfeci, 20
DAVIDEM PETRI nomine, apud me suspectum reddiderit Parochus ille prior in Insula, interea dum hñc mecum egit, nescio an odio aliquo privato an rei veritate, et inter alia narrârit, eum, cum Patri tuo optim. mem. inserviret, aliquot centenis eum defraudaße, rogo velis mihi scheda aliqua obiter indicare, quid de huius Præfecti fide 25
vel secus exploratum habeas. Nescio enim quantum Parocho isti fidentum sit, cum quia alteri infensus erat, tum quod me sibi omnino optime cupientem, supra quam credi posset, ante abitum despexerit, adeoque ut contumelias et calumnias, nulla de causa in os mihi dicere non erubuerit, quas tamen patienter ferens, ex alto derisi, hominemque 30
tanquam sui non compotem, addito viatico et munere, dimisi. Quod te scire volui, ne in mei gratiam quidpiam de eo amplius sis sollicitus. Plura ab ESCHILLO BILLE nostro intelliges, qui acta habet in literas relata et testificata. Datum ut in prioribus.

T. B.

† [E codice Hauniensi Ant. Coll. Reg. 316 in 2°]

153b^v **NOBILISS. ET EXCELLENTISS. DOMINO**
TYCHONI BRAHE, DOMINO IN KNUDSTRUP ET
EQUITI DANO, DOMINO ET AMICO MEO
 5 **SUMMA OBSERVANTIA**
COLENDO.



153b^r **N**OBILISSIME et Excellentissime Domine TYCHO, cum
 10 post abitum tabellarij summopere tunc festinantis obser-
 vationes in 4 ad 20 Nov. diem habitas calculo subijcere
 vellem, inveni me errasse in abignatione distantiae 4 ab
 Aldeb. quæ revera tunc erat 8° 51', non vero 9° 51', quod
 ex festinatione factum esse scias. Distantia vero 4 et Hu.
 15 Orio. vera fuit 19° 8', ut post diligenti consideratione sextantis inveni.
 Verum sextans quo utor (ut et in literis indicavi) mihi nequaquam satisfacit,
 maxime propter vulgarem divisionem, eamque minus ratam. Sic
 ergo se habent.

20 Nov. H. 12 P. M.

	Dist. 4 et Aldeboræ	8° 51'	
	Dist. 4 et Hu. dext. Orion.	19 8	
20	Altit. Merid. 4	57 54½	vel 55'
	Altit. Aldeb.	52 0	
	Altit. Æquat.	36 22	Ergo se recte positio instr. quadr. tunc habuit.
	Decl. 4	21 33	fere B.
25	Afc. R.	70 13	

Afc. hanc ex asc. R. Aldeb. et ex asc. R. Hu. dex. Orion. inquisivi vice-
 versa. Afc. R. Hu. Orio. ex loco longit. et latit. iuxta tuum Canonem
 constitui videlicet hoc tempore 83 Gr. 23' fere.

†	Longitudo 4	11 39	II
30	Latitudo 4	0 42½	Merid.

Fuit ergo medio motu ☉ iuxta tuam restitutionem oppositus die 22 Nov.
 Hor. 2½ circiter P. M. iuxta verum motum ☉ opponebatur die 23 Nov.
 Hor. 9 A. M.

Si Ephemerides STADIJ se recte habent, calculus parum deviat. Sed
 35 tuum de his iudicium peto, et quæ calculi utriusque sit differentia.

♂ quoque hisce diebus aliquoties diligenter considerabo, quod tamen
 ut in posterum subtilius et expeditius fiat, T. Ex. observationum mea-
 rum in literis propositarum dilucida resolutione haud dubie efficiet.
 Et hanc designationem Tabellario in vicina urbe adhuc commoranti
 40 transmisi, ut literis meis eam infereret. Vale.

De

De altitudine ☾ capienda dubium.

153b^v

Cum ☾ limbus uno quasi minuto extans per rimulam capitur, observatio certa esse non potest; nam centrum ☾ haberi nequit. Nam circa unum latus pinnacidij per unam rimulam conspicitur limbi extremitas, per alteram rimam conspicitur maior portio ☾. Relinquitur igitur, incertam esse altitudinem, cum nec medium Lunæ (ut in stellis) habeatur, nec etiam revera sciri possit, an portio unius vel 2 minut. vel plus minusve de corpore Lunari conspiciatur, et proinde ignoretur, an semidiameter ☾ uno vel duobus minutis minor sit addenda vel subtrahenda. Hoc dubium in accipienda ☾ altitudine certa me valde torquet. Cupio igitur certi quid in hoc negotio ex T. E. cognoscere. Vale. 23 Nov. 97.

T. Exc.

observ.

D. FABRICIUS.

15

N. B. Quomodo etiam minimarum stellarum centrum per rimulas sext. vel quadr. haberi possit, valde miror (cum illarum diameter vix 1 minut.). Aut enim rimulas valde amplas esse oportet, et sic incertus per rimulam talem laxam vel amplam prospectus esse videtur, aut si rimulæ mediocres, non videbitur. Quomodo igitur agendum sit, magnopere scire cupio, et quæ rimularum pro minimis stellis laxitas vel amplitudo maxima esse debeat in instru. 4 pedum, cognoscere valde desidero.

[Ex apographo in codice Vindobonensi lat. 10702]

VIRO NOBILISSIMO ET AMPLISSIMO

59^rDOMINO TYCHONI BRAHE, DANO, MATHE-
MATICORUM PRINCIPI AD MANUS.

25



UM te, Vir amplissime, Mathematicorum omnium non huius tantum ætatis, sed totius ævi Monarcham constituerit incomparabilis doctrina iudicijque præstantia, iniquum fecero, si opusculo de proportionibus cœlorum nuper in lucem dato (sub titulo: *Prodromus dissertationum cosmographicarum*) ullam gloriam, tuo iudicio et commendatione neglecta, aucuper. Quæ me causa movit, ut ignotus ex hoc obscuro Germaniæ angulo literas ad te mitterem, oratum per illum ingentem Veritatis amorem, quem in te quoque inesse fama tuæ magnitudinis prædicat: ut, quid tibi de isthoc videatur negotio, ea syncretitate et humanitate, quæ in te prædicatur, explices, brevibusque literis significes. O me felicem, si quod MÆSTLINO, idem et TYCHONI videbitur: quibus ego duobus propugnatoribus non dubitabo totius

30

35

totius orbis iam excitatas infectiones forti animo sustinere. Sin autem id consecutus fuero, ut quæ insunt infirma, inepta, et puerilia, qualia mihi per ætatem multa exciderunt, censura volueris notare: an ego non rursus huiusmodi reprehensionem totius mundi, si esset, assensui
 5 præferam? Exemplaria non dubito, quin antea habeas: quare facile patior, ut difficultas transmittendi per tantum intervallum a mittendo me avocet. Tuorum autem operum ad nos nihil perfertur: quæque de te sciebam, ex MÆSTLINO didiceram. Dabis igitur veniam, si quibus in locis tui nominis mentionem faciens, iniuriam tibi tuæque hypothesi
 10 faciam. Plura dicturum quæsiturumque reverentia me retinet. Aperienti voci viam, scriptis ad me paucissimis: efficies enim, ut tibi demonstrem, quanto sim discendi, quam laudis cupidior. Vale, Vir Nobilissime, meaque tibi studia commendata habe. Idibus Decemb. An. 1597.


Nobilitatis et Magnitudinis

Tuæ Reverent.

M. IOHANNES KEPLERUS,
 Illustrium Styriæ Procerum in Gymnasio
 Græcensi Mathematicus.

[Ex apographo in Archivo Regni Daniæ: Diplomatario Langebekii]

2^r GENEROSO TYCHONI BRAHEO, MATHE-
 MATICO PRINCIPI, COGNATO ET AFFINI
 DESIDERATISSIMO.

1^r ENEROSE mi TYCHO, cognate affinis desideratissime,
 25 amicorum intime. Iam inde quo literæ tuæ desideratissimæ pridie Non. Decembris reddebantur, medijs his turbis nuptialibus, laboriosissimis districtus præpedimentis distineor, ne quod valde exoptâram, responsum usque huc festinare licuerit. In præsens vero, ubi liberior aliquanto adspirat aura, rarissimam hanc felicitatem, qua cum amicis ingenuæ mentis tuto communicare conceditur, flagrantissime cupitam, adlubentius eo excipio, quo rariores eius census, multivarios inter, ut nosti ingenia, habeam et æstimem. Utut autem facile sciam nil præter spem, haud multa præter voluntatem, exuli iam pridem tibi, modo libero, accidisse, doleo nihilo etiamdum minus, non tui equidem, sed
 30 mei ipsius, sed patriæ immerentis, sed bonorum in patria omnium, quibus integrior mens et animus, causa, quos paucorum quorundam livor, alia obtentui sumpta causa, suo desiderio, sua gloria, suo privavit amore et gaudio; alias equidem, ut nihil est certe, quod, natura sic
 imperante,

imperante, in rebus caducis apparere solentius autumem dissimilium
 inter se haud interrupta unquam contentione et pugna, quam non ab-
 strusis modo, sensusque latentibus Naturæ laboribus familiarem, sed
 et concitatis destinati humanarum rerum dispensatoris Mentis facino-
 ribus pene domesticam indies ostentari suspicimus, ita et nihil est, cur 5
 eundem hunc Naturæ morem demirarer, si vel maxime hoc ex circo
 etiam Musæ iunctim omnes recentibus æmulationibus proscriptæ ex-
 ularent, tecumque castra moventes, se in universum hinc, ubi nihil
 prisce et integri moris, subducerent; magis est vel tandem experiendo
 discere, perversam eiusmodi, non utique alias insolentem, scena hac 10
 tripudiantis invidentiæ, caute suspectare inconstantiam, pru-||denter 1 v
 que provisus, quæ tempus commonet, subductas sui rationes non sto-
 lidis ac evanidis, aut solidis et ævo dignis firmare munimentis, ne ali-
 enis quam proprijs innixi mage virtutibus, ad aleatorios quosvis for-
 tunæ iactus * cernimus nutare, quin et concidere penitus eveniat. Tu 15
 vero nobis, tu inquam TYCHO generose facem hinc prætulisti, tu tuo
 nobis præluxisti exemplo, tu veræ virtutis ipsi sibi ex aße undique suf-
 ficientis, vestigia posuisti, quibus insistere, quis ad hanc metam adspi-
 rans non adniteretur? Ipse ego certe (qui licet illustri huic consueui
 accersiri non merear, in spem tamen secundam aut tertiam saltem ac- 20
 ciri indies adnitor) multa nec levia in me malevolentiae indicia, utut
 premantur, erumpere sentisco, aut σὺν δαίμονι ἐσθλῷ quod spero in-
 casum, nec enim ad hosce ventus ego mea distendi vela, neque enim
 importuoso isti me commiserim vado. Sed de me coram ipse præsens,
 ne adfectu et præcipitantia, quorum causas procul habeo, imprudens 25
 nimis in literas intutas, relatrices, rationum mearum secreta conijcere
 videar, quæ non aliter constant, quam si nulli, nisi alteri mihi reddan-
 tur. Ad diem itaque anni adproperantis quintum decimum, favente
 Numine, aliud vitæ meæ facturum initium, tædiosissimo huic renuncia-
 turus ergastulo, rogationi tuæ amicissimæ vel non rogatus sponte ad- 30
 sentiri iam pridem est animus, nec vero ad ullius unquam æmulationes
 et odia me in his, quæ recta sunt, comparaturus sum unquam. Et vero
 quid mage dedeceret, te, quem non affinitate modo, sed et sanguine, sed
 et necessitudinis vinculis omnibus peculiari sorte, iure primum aestimo,
 colo et observo, te inquam post tot benevolentissimi animi in immeren- 35
 tem indicia, infalutatum præterire? Age ergo, num circa dictum tem-
 pus sat commodus tibi meus || videatur accessus, litera per hunc tabel-
 larium adsignifices una aut altera; faxo ego hinc interim, ne, quod in 2 v
 me desideres, præter vires forte, fiet quidquam; alia præsentis adloquio
 reservanda, quo et si quæ nova sunt, quæ referre interest, relata velim, 40
 nisi quod hoc unicum in præsens referre intersit, communem nostrum
 CRAGIUM in Poloniam brevi ablegandum, ad 1. Ianuarij litteris huc
 esse

esse advocatum, quem, itinere per Holfatiam sumpto, te invisurum nullus dubito, cui et quo me adiungere queam, modo non festinantior abierit, enixe studebo. Ego vero si non studio me continerem, finem vix habiturum esset hoc meum per litteras adloquium, ut et potiora, imo
 5 vero, quod ego sentio potissima, Epistolij tui capita commodiori oportunitati lubens reservem. Ludant interea meæ Musæ, qua valent, ad hæc; aperte equidem, ast suo sub velo. Interea te præpotenti rerum nostrarum gubernatori, Trinuno Numini, cum universa tua familia, consilijs et actionibus, commendo. Vale felicissime.

10 Te nulli secundus integerrimo colens animo

OLIGERUS ROSÆCRANTZ.
 Perscribendam
 Haderflebiæ XVI Decemb.
 CIO CI IIIC.

15 Salutari te suo nomine officiosissime voluit IACOBUS ULFELDIUS, quem te sincere etiam maioribus renitentibus amare et suspicere scias.

[Ex apographo in Archivo Regni Daniæ: Diplomatario Langebekii]

2^r NOBILISSIMO ET ERUDITIONE NON VUL-
 GARI PRÆEMINENTISSIMO VIRO D. OLIGERO ROSEN-
 20 KRANTZIO DOMINO HÆREDITARIO IN ROSEN-
 HOLM, COGNATO, AFFINI ET AMICO
 MEO INTEGERRIMO.

1^r S.



25 NOBILISSIME OLIGERE, cognate et affinis charissime, redditæ mihi quidem sunt literæ tuæ postremæ, eruditæ illæ et amoris ac constantiæ erga me plenissimæ. Sed aberam tunc Wandelsburgo in oppidulo quodam sex miliaribus inde distante, quod Bramsted vocatur, ut cum Domino Produce isthic mihi obvio de quibusdam lo-
 30 querer. Reperi autem ibidem Illust^m Dominum Administratorem et ipsius Ill^m conjugem, qui me singulari favore clementer complexi sunt. Domum autem reversus pridie Natalitiorum hæc tuas accepi, quas una e filiabus meis reddidit, nuntij, qui eas apportarat, nulla facta
 1^v mentione, cum ea, ubi is esset, ignoraret. At cum postmo-||dum statim
 35 ad currum conscenderem huc Hamburgum cum meis iturus, ut festos dies hic transigeremus, mihi indicabatur, nuntium tuum adhuc adesse; non quidem retrospicere licuit, sed data scheda, quæ illum suo officio perfunctum testaretur, redire eum permisi, cogitans hic cum Nobilibus
 3 Danis,

Danis, qui D. Administratorem domum deduxerunt, tuis respondere velle, quod etiam sufficienter præstarem, nisi illi hodie præter opinionem, incidente quadam ingrata necessitate, abitum festinaßent, cum alias me unâ cum BALTHASARE ALFELDIO Wandesburgi invisere constituißent. Cogor igitur premere ea, quæ latius ad te scribere animum induxeram, illa in adventum tuum ad me Wandesburgum, quem tam amice polliceris, procrastinaturus. Ego itaque te desideratissime OLIGERE isthic, volen-||te Numine, præstolabor, et avidissime cum alacritate excipiam. Utinam CRAGIUS noster tecum sit vel præcedat; tunc inter nos coram sermones miscebimus de ijs, quæ nunc scribere importunitas vetat, quæque per se calamus non satis tuta sustinet. Fac igitur mature fies promißis, de quo etiam nihil addubito, utque queas nobis salvus adeste. Vale. Dabantur Hamburgo, postridie Natalitiorum Anno 97.

Tuus TYCHO BRAHE,
manu propria.

Refaluta meo nomine quam officiosissime D. IACOBUM ULFELDIUM, de cuius fide et constanti in me amore satis certus sum; neque enim levitatibus et nugis est obnoxius. Scripsißem illi, nisi temporis penuria præpedirer. Saluta etiam BROCKENHUSIUM illum, qui se meum vocat discipulum; eius literis respondere iam non suppetit otium; habeat itaque me excusatum.

[Ex adumbratione in codice Basileensi G I 35]

TYCHO BRAHE AD IMPERATOREM RUDOLPHUM SECUNDUM.



UGUSTISSIME Imperator RUDOLPHE Secunde. Cum de tuæ Imperatoriæ Maiestatis erga liberalia studia, præsertim in his principaliora, Mathematica et Astronomica, clementi favore, diu multumque inaudiverim, ipsaque tua Cæsarea Maiestas non tantum potentißimorum et laudatißimorum maiorum suorum ALPHONSI Regis Arragonum etc. MATTHIÆ HUNNIADIS, HENRICI illius secundi ob indefessam rerum cœlestium contemplationem Astronomi dicti, CAROLI quinti, FERDINANDI ac Augustißimi Parentis MAXIMILIANI secundi aliorumque, studijs his impense addictorum, quos numerare longum foret, celebratißimo exemplo, sed et sua ipsiusmet vere Heroica et Cæsarea inclinatione, quantum Regnorum ac Reip. gubernatio ferunt, ijsdem his laudabiliter vacet exercitijs: omnino mihi polliceor, Cæsaream tuam Maiestatem clementi animo accepturam, me viarum

viarum intercapedine alijsque difficultatibus, quo minus Cæsaream
 tuam Maiestatem ipse cito adeo, ac præoptarim alias, accedere liceat,
 præpeditum, hæc literas arduum licet negotium concernentes sum-
 miſſe exhibere non vereri ipſi. Cuius meæ fidentiae cauſam hanc pri-
 5 mam habeo et præcipuam Imperatoriæ tuæ Maiestatis clementiſſi-
 mum erga me eaque, quæ multis abhinc annis tracto ſtudia, favorem,
 iam pridem mihi vel ex ſolo eo ſingulari diplomate perſpectum, quod
 Cæſarea tua Maiestas tanquam in epiſtola ad me directo ſermone cle-
 10 menter mihi impertiri, non ſine harum artium præclaro elogio, dig-
 nata eſt. Cæſarea itaque tua Maiestas præſentibus hiſce clementer
 ſcire dignetur, me, evidentibus iſſque haud levibus de cauſis mutato
 Patrio ſolo, in Germaniam tuæ Cæſaræ Maiestati ſubditam cum
 Aſtronomica mea ſupelleſtile, adeoque tota familia, nuper conceſſiſſe,
 ut eſt rerum humanarum omnium quædam ſubinde vicifſitudo. Ubi, ||
 30 favente cœleſtium Opifice, Aſtronomicos meos labores per 21 Annos
 in patria mea dulciſſima Dania exantlatos continuare ac ad propoſi-
 tum ſcopum dirigere et abſolvere decrevi, impetrata primum hîc ali-
 cubi et conſtituta rebus cœleſtibus ſat commoda, conſtanti et inviola-
 bili ſede, unde fundamentalis earundem tractatio æviternum ad po-
 20 ſteros etiam in Imperij ipſius decus (uti confido) non contemnendum
 tranſmitti poſſit. Quocirca ad tuam Imperatoriam Maiestatem om-
 nium primo mihi concedendum, eiſque clementiſſimam voluntatem
 quam humillime explorandam cenſui, an non illuſtre hoc Aſtronomi-
 cum negotium ſolide et ſolenniter inſtitutum in aliqua ſuarum ditio-
 25 num porro continuare atque ad optatum finem, Dei beneficio, perdu-
 cere daretur. Sunt mihi ad hoc Opus in promptu Inſtrumenta varia,
 eaque maxima et affabre elaborata, qualia et quanta vix uſpiam in-
 venire datur. Sunt plurimorum annorum exactiſſimæ Obſervationes
 veterum inventis non cedentes. Sunt multa alia huc conducentia, et
 30 non pauca, imo præcipua iam conſecta. Ut vero Cæſarea tua Maiestas
 ſpecimen aliquod eorum habeat, mitto cum filio meo Organorum, quæ
 hætenus in uſu habui, quotquot tam cito exſcindi curare licuit, deli-
 neationem, appoſita earundem ſuccincta explicatione. Offero quoque
 humiliter Canonicam Affixarum Stellarum expoſitionem, quotquot
 35 in noſtro climate utcunque viſuntur, numero millenarum, quas omnes
 intra Annos 20 præteritos ſumma et indefeſſa diligentia meis Organis
 cœlitus quam ſcrupuloſiſſime demenſus ſum, cum ſine harum, potiſſi-
 mum Zodiaco vicinarum, exacta verificatione Planetarum viæ et mo-
 tionum ad amuſſim non percipiuntur. Qua etiam in parte (quoad er-
 40 rantia videlicet ſidera) quid hætenus præſtiterimus, quidque in poſte-
 rum ſuperaddendum reſtet, prior ille, de quo dixi, liber ſuo loco pandit.
 Plura meorum de Aſtronomia Operum tua Cæſarea Maiestas, cui me
 3* meaue

meaque studia omnia humiliter offero || et commendata cupio, brevi, 4^r
 aspirante Universitatis authore, obtinebit. Interea hæc primitias alijs
 gravioribus viam sternentes non aversetur. De cætero Cæsarea tua
 Maiestas per Dominum Procancellarium Imperij aut aliquem e suis
 Confiliarijs intimis, referente Domino Doctore THADDÆO HAG- 5
 GECIO, clementer intelligat, qui a filio meo præsentem singula uberius
 cognoscat. Utque Cæsarea tua Maiestas, hoc intermediente, sibi hu-
 millime meo nomine proposita clementer excipiat, et responsum, quan-
 docunque eidem commodum fuerit, impertiri dignetur, qua possum
 submissione precor. 10

Deus Cœlestium et Terrestrium author tuam Cæsaream Maiestatem
 felici Imperij et Regnorum gubernatione quam diutissime florentem et
 incolumem tueatur. Datæ Wandelsburgo ex Arce Ranzoviana prope
 Hamburgum sita, die 2 Ianuarij Anni 1598.

[Ex apographo Hauniensi excerpt. Langebek. 178]

15

IOHANNES ISACIUS PONTANUS AD TYCHONEM BRAHE.

..... SCALIGER observationes utrasque (quæ munificentiae tuæ 2^r
 sunt) vernalem aio et autumnalem, suis inseruit, et videbis propediem.
 De secessu vero in Germaniam itidem intellexerat, et dolere se fatetur, 20
 si eiusmodi rerum conturbaretur commoditas, quarum iam fructus re-
 dundaret ad Europam universam. Placet quidem ei Germania; sed ne-
 scit, an mores undiquaque gentis ad illam facilitatem humanitatemque
 apti, quæ debebatur, apti tibi. Optaret, si Dania omnino deferendi staret
 animus, Bataviam potius inviseres, amicam studijs, benignam . . . ; et 25
 denique te tuasque virtutes et honorabit, et fere dixerat, adorabit. Eset
 certe in omnem eventum hæc ora propinquior Daniae, et ille hîc Ordi-
 num sensus, ut omnes gratias non modo retinendas, verum etiam ac-
 quirendas sciant.

[Ex

[Ex apographo in codice Monacensi Bibl. Univ. 693 in 2°; cf. apographum in Archivo Regni Daniæ: Diplomatario Langebekii]

MAGNIFICO ET PRÆSTANTISSIMO VIRO
DOMINO TYCHONI BRAHE, NOBILI DANO, DOMINO
ET FAUTORI SUO OBSERVANDISSIMO.

HAMBURGK.

S. P. D.



UM nuper ex Italia per utramque Germaniam in Angliam venissem, Generose et præstantissime Domine TYCHO, accepißemque a quodam meo amico Domino MATTHÆO ROYDON, Anglo, Mathematicum, ut mihi videbatur, scientißimo, te ex Dania atque Uraniburgo tuo in Germaniam conceßiße, atque adeo cum Lare prope Francofurtum ad Mœnum confediße, gaudebam simul et dolebam. Gaudebam equidem, tum quod meæ, quam alioqui in Daniam ad te suscepturus eram, profectionis compendium facerem; tum etiam quia sperabam te Haßiæ nostræ, cum in proximo eius eßes, futurum aliquando inquilinum. Id quod quamvis optare verius, quam sperare potuerim, quippe qui non ignorabam te Daniæ Regnum patriam tuam cum Haßiæ vix commutaturum, nihilominus quo facilius illud crederem, fecit Illußrißimi Principis MAURITIJ Domini mei clementißimi in viros præclaros amor ac munificentia singularis, utpote et quæ tibi cum laudatißimæ memoriæ parente eius diu interceßit familiaritas. Dolebam tamen, quod adverßi aliquid in Dania tibi eveniße referrent, tuæque abitionis ex Dania alij alias recensebant caufas. Siquidem fuerunt hîc in Anglia, qui tibi cum PETRO SEVERINO Medico litem fuiße nescio quam abeverarent, teque indignitatis adverßarij puditum eße, et ideo inde disceßiße. Alij Cancellarium Regium feudum aliquod tibi a FRIDERICO II felicitis memoriæ conceßum, sibi arrogaffe, aliaque ad Aßtronomiæ ſtudium exædificandum adminicula, ab eodem Rege et Regni Proceribus tibi nuncupata, nunc fuiße adempta caußabantur. Hoc verißimilius et mihi et illis vißum eßt, illud de medico plane incredibile. Quotußque enim eßt, qui ignorat, te ex præclarißima profapia ibidem prognatum, et ſummæ apud Regem auctoritatis virum tam levi molimine non poße ex patria moveri, ut taceam e patria emoveri. ¶ Verum cum in Angliam etiam delatum ſit, SEVERINUM illum apud hunc novellum Cancellarium multum valere, adeo ut is ferme totus ab illo dependeat, atque obſcurum non ſit, Doctorem illum (ut referunt) diutina tui invidia laboraße, fortaßis hoc, quod per ſemetipſum non potuit exequi, per hunc Cancellarium, cui Rex plurimum tribuere dicitur, effectum dediße.

Hæc,

Hæc, Illustrissime et præstantissime Vir, quamvis ad me nihil spectant, tibi significo, ut etiam externorum de tuo Uraniburgo inopinato disceßu iudicium ac sollicitudinem cognoscas. Cæterum paucis abhinc diebus, cum de loco ubi hæeres sollicitus, eos qui ex Germania recens venirent, interrogarem, intelligo te non prope Francofurtum, ut ille existimabat, sed iuxta Hamburgum sedes posuisse. Quare rogatus ab amicis Anglis, qui ad te abituri erant, has ad te depropero, ut cognoscam, an inibi sis mansurus, an vero alio iturus. Qua in re illis rem gratam facturum me non dubito, tibi etiam non iniucundum futurum illud arbitratus sum, si intelligeres etiam in Anglia esse, quos amor tui sollicite tangeret. Quamobrem plane confido, te has meas literas, quamvis ab homine tibi hætenus ignoto et tua familiaritate indigno profectæ sint, æqui bonique consulturum, et ad illas prima data occasione respondurum.

Faxit Deus, ut te aliquando, Vir Præstantissime, in Haßia videamus, exinde enim magnum decus ac nomen acceßurum Patriæ meæ existimarem. Sin minus id superis visum sit, efficiam, ut te aliquando, volente Deo, ubicunque Germaniæ etiam sis, invisam, coramque venerer. Vale et meæ impudentiæ ignosce, vir longe præstantissime. Salutem porro accipe a multis in Anglia tibi etiam forte ignotis, nominis tamen tui observantissimis. Londini Angliæ, anno 1598, 15. Calend. Februarij.

T. Magnif. addictissimus

HENRICUS ELLENBERGER,
Haßus. M.

[Ex apographo in Archivo Regni Daniæ: Diplomatario Langebekii]

NOBILISSIMO ET PRÆSTANTISSIMO
VIRO, DOMINO OLIGERO ROSÆKRANTZIO DE
ROSENHOLM, COGNATO ATQUE AFFINI
SUO UNICE DILECTO.



PTIME a te factum, Exoptatissime mi OLIGERE, Cognate et Affinis desideratissime, quod hisce indicaris et tuæ moræ causas, ac quod CRAGIUS noster Lubecam confestim transiturus sit, non autem huc, uti sperabamus, venturus. Utrumque vestrum satis excusatum habeo, cum neuter proprij adhuc sit arbitrij. Tu ergastulo et compedibus istis aureis solutus, brevi (quod etiam tibi summopere exopto) tibi ipsi redderis, quo virtuti et studijs, non aulicis indulgeas affanijs. Tumque te promissi fidem liberaturum nullus addubito. Interea quod nonnihil Iutizâris, cum et Iutus sis et in Iutia verferis, nolo Scannico

nico supercilio exactius rimari. Adfis nobis felici fidere, quam primum
 1^v adfueris, quod etiam, ut mature fiat, et cupio || et opto. Iam enim teneris,
 quia sponte promissisti; nec nippizare licet Iuto in Scanicas transituro
 Nuptias, gentemque Scanicam constantem et dicti factique memorem
 5 æmulaturo: transplantatione quadam, ut fieri solet, quam etiam tibi
 non ingratam aut infelicem futurum, auguror atque confido.

Si res meæ ullo modo id patientur, dabo operam, ut intra triduum
 vel quatrimum Lubecæ adsim. Et si communis ille noster, dum per
 diem unum vel alterum isthic commoror, supervenerit, erit mihi gra-
 10 tißimum, quod ipsius fruar alloquio; utcunque iam antea prævidebam,
 non licere illi hac transire, vel mea forte de causa. Quod ex alto rideo.
 Habeo alias Lubecæ quod agam, satisque necessario. Nam res meæ
 2^r atque Instrumenta nuper eo appulerunt, quorum quædam || huc recepi,
 quædam isthic in ædibus RANZOVII conservantur. Et nemo adest,
 15 qui discrete ordinare possit, quæ et quomodo huc vehenda, ita ut nunc
 discohærentia attulerint aurigæ, non sine meo incommodo et temporis
 dispendio. Sunt et alia quædam, quæ isthic exequi constitui, quæ etiam
 volens reieci in tempus tui vel ipsius adventus, ne peregre abessem, ali-
 quo vestrum huc interea superveniente, utque aliquem ex vobis, si non
 20 utrunque, eo deducerem, prout res vestræ ferrent, absolutis interea
 quibusdam ex meis, quæ præ manibus habeo, et indies urgeo. Vellem
 autem, ut tuum ad nos acceßum ita disponeres, quo Lubeca redux hic
 domi esse queam, ubi adveneris. Quod etiam ipsas, quas tibi isthic vestri
 2^v Politici neßunt, moras, sponte effectum || ras prævideo. Promisit OTTO
 25 LINDENOW, se tibi certo traditurum centum illos Ioachimicos, quos
 mihi pro curru et tribus equis sibi venditis debet, quando me accederes.
 Rogo itaque, ut ante abitum eos ad te recipias et meo nomine persolu-
 tionis des chirographum, tecumque eisdem sumas. Cuperem etiam,
 mi amantissime Cognate atque Affinis, quod quingentos vel sexcentos
 30 Ioachimicos mihi uspiam, sub tuo tamen silenter nomine procurares,
 quos etiam tecum adferre queas. Restituet eos ad Pascha ESCHILLUS
 BILLEUS noster, quem satis integræ esse fidei, nosti, ex ijs, quos mihi
 debet, duobus millibus. Et si opus erit, curia mea Haffniensis interea
 pignoris loco erit, tam pro summa quam interesse; aut etiam ædes in
 3^r ori-||entali platea Haffniæ SCHYRMANNI, quas hypothecæ loco
 habeo pro 1000 Ioachimicis, qui illi ad festum Paschatis resignati sunt
 iam antea. Pendet vero domus quotannis 80 Ioachimicos, interesse pro
 millenis paulo maius solito, ut res satis tuta sit. Sin vero commode fieri
 nequeat, ut hac in parte nostris desiderijs morem geras, nolim te nimi-
 40 um sic occupari, aut ullas adventus tui remoras inde invenire. Causa,
 cur id expetam (ut tibi secreto eam communicem, cui his maiora con-
 credo) est, quod post paucas hebdomadas tres ex meis, quos intimos
 habeo,

habeo, in diversa Germaniæ loca ablegare decreverim: inter quos etiam filius natu grandior erit, qui nunc apud Administratorem per mensem abest, ipso sic volente. Et quoniam emissarij mei præcipuos Germa-||niæ Magnates, adeoque ipsum Imperatorem quidam ex ijs 3^v
meo nomine accessuri sunt, de rebus magni momenti, uti ipsemet facile 5
coniectari possis, isthic acturi, et a me quædam exhibituri, volo ut nihil ijs ad viaticum desit, quo minus omnia decenter et honorifice peragant. Cumque summa hîc sit annonæ caritas, adeo ut triplo ferme pluris veneant, quam Rostochij, ubi 700 thaleros intra anni quadrantem in-
sumpsi, facile æstimare poteris, quantam hîc, cum familia, quæ 24 per- 10
sonas attingit, per dimidium fere annum exposuerim pecuniam. Summa vero illa maior, quam mecum accepi, apud Duces Megapolitanos foenori exposita est: uti nihil inde repetere liceat ante statutum tem-
pus. || Charissime OLIGERE, te in his facturum, quicquid per te præ- 4^r
stari queat, omnino mihi persuadeo. Neque quid amplius peto aut 15
desidero. Ego tibi vicissim in quovis officij genere exhibendo quam lubentissime morem geram. Vale, resalutatus a meis omnibus quam officiosissime. Dabantur raptim Wandelsburgi die 22. Ianuarij, quo ipse Tabellarius tuas attulit, anni 98.

Tuus TYCHO BRAHE, 20
manu propria.

[Ex apographo in Archivo Regni Daniæ: Diplomatario Langebekii]

OLIGERO ROSÆKRANTZIO, VIRO COR- 2^r
DATO ET MIHI AMICO, CONSANGVINEO
ET AFFINI CHARISSIMO. 25



OBILISSIME Domine OLIGERE, Consangvinee et 1^r
Affinis desideratissime et præ multis dilecte. Incidit ali-
quid hodie post tuum a me discessum, quod in scheda
memoriali tibi tradita annotatum non recordor: nempe 30
quod sit nomen Baronis illius Austriaci, qui uxorem in
Cimbria duxit. Illud enim mihi memoriâ excidit. Cu-
perem etiam scire, ubinam habitet, et quomodo intitulandus sit, iuxta
morem vobis consuetum; quo illi scribam convenientius de putidissimo
et mendacissimo isto Plagiario, cuius hîc facta est mentio; atque eorum,
quæ ipsi de eo constant, cum mecum ab ERICO LANGIO adductus 35
esset, indicationem efflagitem. Admoneas etiam, || an Latinæ linguæ 1^v
sit peritus, nec ne; quo sciam, an Germanice vel Latine illi scribendum
sit, aut etiam Danice, si hoc callet idioma. Vale, et literas Regi desti-
natas, ad non Regias oblique respondentes per hunc nuncium remitte,
quantum otium tibi permiserit, critizatas, atque globis marginalibus 40
auctas:

auctas: quod etiam ut in prioribus facias, quibus hæ nonnulla respondent, rogo; nec te id effecturum diffido, quoniam sic in te recepisti. Iamque ulterius et perpetuo quam felicissime vale, mi exoptatissime et desideratissime OLIGERE. Raptim Wandesburgi die 14. Februarij Anni 98.

Tuus TYCHO BRAHE,
manu propria.

[Ex apographo Hauniensi excerpt. Langebek. 179]

TYCHO BRAHE AD ANDREAM SEVERINI
VELLEIUM.



UPER cum OLIGERUS ROSENKRANTZ consanguineus Affinis et Amicus meus dilectus hîc me per duas invisisset hebdomadas, redditæ mihi sunt unâ cum CHRISTIERNILANGIJ tuæ literæ, ad quas tunc respondendi commoditas non dabatur. Videntur hæ ultimæ tuæ, licet lenire et excusare quædam in prioribus laborent, a primis tamen illis motu proprio ad me datis [non] longe abesse, et privilegijs scaterere iudicis, quæ tamen tibi lubens condono, siquidem non aliter vis. Obijcis ab initio post ea, quæ de LANGIO et Anglicis literis habes (ad quæ postea respondebo) quod iter tuum iuxta promissum non præstitum arguam. Et quid ni? cum sponte promiseris, nec præstititeris? Valetudinem tuam, rem domesticam et anni tempus tunc æque noras atque postea. Miraris igitur me ita singula tua verba et iota notare. Atqui scis me semper Geometrice loqui, cum serio loquor. Quod et in alijs, præsertim Amicis, quibus bene fido, et requiro et observo. Quorsum enim verba, nisi rebus consona? Hoc ego idem sentio atque illudere et negligere. Neque perinde esse, ac candide, aperte et libere agere, uti tu vis. Immo quiddam his repugnans.

Quod aliquo loco non sis inter reliquos Phariseos et Gnathones, equidem tibi congratulor, nec hanc felicitatem invideo. At quod non talia antea affectâris, quodque adhuc ijs, si liceret, te participem non redderes, haud dixerim. Si autem me hîc fallis, est cur tibi hanc animi cellitudinem et constantiam magis adhuc congratulor. Et si nunc ex Politicis non pendes, veluti antea, cordatius forsan agis. Eorum fructus sunt præ foribus. Cudentur Machiavellistarum doli et technæ in ipsorum, uti meriti sunt, capita. Quod et hætenus iustus iudex exequi solitus est. Quod prandio alicuius interfueris, nihil ad me. Neque ob id ea de re mentionem feci, quia hoc morarer, sed quoniam tu occasionem dabas de ERICOLANGIO et me quædam addendo, quæ tamen neuter nostrum curat. Si talibus, qui astutam vapido servant sub pectore vul-

pem,

pem, fidis, te ipsum decipis. || Qui et quales eiusmodi sint, fere omnes in 4^v
 Dania norunt, atque in posterum plus forte noscent. O patria, o mores.
 Omnia nunc ruere in peius fata ipsa docebant. Si tibi deinceps vixeris, †
 uti scribis, rectissime feceris. Nam uti nunc agitur scena Mundana, si
 unquam antea, locum meretur illud NASONIS »nimium praelustria 5
 vita«, et »bene qui latuit, bene vixit«. Quod mihi iam tandem con- †
 grularis mutationem hanc et sortem aliam, rectius facis, quam cum
 prius eandem indoleres, tanquam invidens mihi hanc felicitatem. Sic
 enim ego infirmas accipio querelas. Et, si sufficienter delictum illud
 expiare volueris, tacita quædam psalmodia Urania nostræ omnibus 10
 que nobis Propempticum concinna, quodque ea e Cimmerijs, non dico
 Cimbricis, tenebris, quibus diu multumque offuscabatur, sese tandem
 Superum dono et provisu vindicârit, atque in apertam et gratam Uni-
 versæ Europæ lucem universalior reddita aseruerit, congratulare; no-
 bis autem, quod tot Machiavellismis, iniurijs, odijs, invidijs, malevo- 15
 lentijs, calumnijs et detractionibus atque contemptibus superatistran-
 quilliori auræ restituti simus. Hisce igitur si Carmine aliquo, uti Poëta
 es, applauseris, || apposite feceris et in gratiam cum Urania nobisque 5^r
 omnibus redieris.

Rogas deinceps, ut definam minuta quæque in literis tuis non recte 20
 intellecta exaggerare. Te scripsisse, quod tu cum familia mei esetis amici
 in Dania despecti, me statim accepsisse, vos a me despectos. Atqui tua
 non tam clare sonabant verba, pro ut nunc ea explicas. Aiebas enim:
Vale, salutatus a tuis amicis in Dania despectis. Non addidisti, te
 aut tuis. Ideoque tuam sententiam prima fronte non satis assecutus sum. 25
 Ingerebat hoc dubium, quod scirem, mihi in Dania a calumniatoribus
 imputari, quod in despectum patriæ, Regis, consanguineorum et ami-
 corum inde disceberim. Et sane OLIGERUS ROSENKRANTZIUS,
 cui hæc tua verba legenda dedi, non aliter capere potuit, quam ac si
 tale quid insinuares. Obscurius enim quam decuit, scripta sunt. Nec 30
 ego plane asserui, te quidpiam in me loqui. Ideoque addidi: »*si recte*
tuam mentem percipio« aut simile quid. Et quod tu infers, me exce-
 psisse, quasi vos me despiceretis, scilicet tu et tui, id non saltem est mi-
 nutula quæque exaggerare, sed et sensum meum quasi data opera plane
 pervertere: cum de te et tuis, || quos semper dilexi atque etiamnum di- 5^v
 ligo, nihil sinistri suspicer, sed in genere de meis in Dania malevolis
 locutus sim, a quibus despicio, eosque vicissim ex alto rideo et despicio,
 si quando præ altioribus curis eorum (quod tamen rarissime facio) me-
 miniße lubet. Tuos casus, tuaque infortunia magna ex parte scio, et
 horum authores non ignoro. Habemus enim hîc mutuo participatio- 40
 nem quandam, licet mihi nihil mali inde evenerit, sed longe plus boni
 etiam invitis authoribus. At nihil tibi hîc exprobro, condolui semper,
 et

et amovere ista studui et cum quorundam ex meis offensione, et plus pro te laboravi, quam conscius es, aut facile crediturus. Norunt id utriusque nostrum, non saltem Amici, sed et inimici, tum quoque neutrales.

5† Quod neque tu neque ego moriemur inulti, omnino mihi persuadeo. Nam iustus est Deus, etiam tacentibus et patienter sustinentibus, et quæ immerito pertulerunt hominibus, illi vindicta danda est, *oc hand vil rette det nod, om * Thule nogen sdoon end aldrig leffde eller haßde leffuet*: Non tamen Planetarum revolutiones præficiendæ sunt ei, qui libere et sine tempore, in tempore tamen satque tempestive agit.

6r Demum de victualibus mentionem facis, quod primum et præcipuum esse || [de]buit. De his enim nunc maxime agitur in tanta hîc annonæ caritate, quanta vix unquam fuit, et familiæ meæ propria, quæ quartum attingit septenarium, præter eos, qui indies invisunt. At tu videris hîc aurem claudere, *paa dan/sche at være schulørit, oc icke gide høret oc mercket ret*. Nam quid pro quo infers. Satis scio, etiam ab- que tuo iuramento (*jaa sandt hielpe mig Gud*) (an hoc Theologicum est?) quod si præsens ipse fuisset, non potuisset ista expedire aliter sine rerum dispendio: scilicet postquam hyems intervenisset, portus conclusi essent, nec terrestre iter commodum foret. At antea, dum primas istas tuas scribebas, nulla eiusmodi erant obstacula, aut si qua erant, quare adeo categorice promisisti? quare tot tantaque præstanda enumerasti? Sororem etiam meam in auxilium vocans, a qua ne verbum intellexi, licet ter eidem scripserim. Crediderim vos omnes excellenter iudicare.

25 At si quid vobis Scanicæ, id est veræ et fidei tenacis, restat mentis, en nulla nunc adsunt subterfugia, quin recte facere liceat, modo libeat. Ego nullum in me officium ingratum esse sinam. Et si adhuc acceßeris unâ cum LANGIO aut etiam solus sine ipso, idque ante Paschatis festum (modo fieri queat) inprimis erit id mihi acceptum et eo plenius priora diluentur errata. Vale cum uxore a me salutata, totaque domo.

30 Dabantur Wandelsburgi die 18. Februarij Anni 1598.

Tuus TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

IACOBUS MONAVIUS AD TYCHONEM
BRAHE.

S.



BONA quidem fide, sed paulo tardius mihi redditus est et
 in manus meas pervenit fasciculus ille, quem circa finem
 anni superioris ad me misisti, Nobilissime et præstantissi-
 me Domine TYCHO, magnamque debeo gratiam Viro
 optimo et amico integerrimo Domino VINCENTIO
 MOLLERO, quod in eo curando voluit tibi que mihi
 gratificari. Vix autem possum exprimere verbis, quam grata mihi fuerit
 Epistola tua, tam amice scripta, et quam accepta ea, quæ unâ cum literis
 tuis ad me pervenire voluisti. Cæterum quod tam serum responsum
 mitto, non tantum fit eam ob causam, de qua dixi, sed etiam propter
 invaletudinem meam, quam totis fere tribus mensibus sensi prorsus in-
 commodum, et quæ me velut ineptum fecit ad omnes res agendas.
 Nondum quidem ab ea sum prorsus liberatus. Sed tamen per Dei gra-
 tiam, habere cœpi melius, et sentio vires tum animi tum corporis non
 parum firmiores, quam fuerunt. Deus Opt. Max. si volet, poterit hoc
 robur augere, idque tantum cupio fieri ad gloriam sancti nominis ip-
 sius, et ad animæ meæ, quæ mihi est cura in his terris præcipua, salu-
 tem. Quod attinet ad famam obitus mei isthuc ad te perlatam, unde
 tibi data occasio faciendi mentionem nominis mei in Epistolis tuis, fa-
 cile potuit hic error committi in aula Cæsaris, ubi fratrem habui uni-
 cum Medicum Imperatorium, Virum, quem ab alijs, quam a me præ-
 dicari malo, qui [ante] annos decem obiit Pragæ. Quia autem hic error
 tibi expressit tam honorificas et amicas voces de me, ut inde, quanti
 memoriam nominis mei post obitum || meum facturum fueris, æstimare
 liceat: agnosco me plurimum debere tuis erga me amoris et animo, quem
 ut mihi conserves, donec vixero, obnixe rogo; ego vicissim, donec in
 hoc corpore sanguis erit, te vicissim amare observare et colere . . . prædi-
 care et laudare non desinam. Frater ille meus charissimus, cuius modo
 feci mentionem, erat rerum Mathematicarum et amantissimus et in-
 telligentissimus, ac propterea tui quoque unice observans et studiosus:
 ac illum sæpe hoc egisse [scio] ut amicitiam tuam consequeretur, a qua
 cura etiam non abstinuisset, si Deus ei longiora vitæ spatia concessisset.
 Nunc in alia Schola philosophatur, coram Deum cernens, et cœlos
 opera manuum eius contemplans amoris erga fratrem, si memo-
 riam illius hoc loco tibi volui commendare. Cæterum quod ad discessum
 tuum e patria, et præsertim ex Uranoburgo attinet: primum de eo cer-
 tior factus sum, ex literis communis amici Domini DAVIDIS postea
 enim

enim plenius edoctus de omnibus illis circumstantijs a CHRISTIANO SEVERINO LONGOMONTANO, qui circa finem anni superioris ad nos venit et quem per aliquot dies apud nos retinuimus, et hospitem gratissimum habuimus; atque utinam tunc venissent ad me literæ tuæ, cum adhuc apud nos hæreret. Erat enim de te valde sollicitus et hac inprimis de causa.

Ego quidem de ijs quid dicam? Cum essem aliquando Magdeburgi, vidi super domo quadam aureis literis inscriptum saxo, || quod erat supra fores, hunc ineptum sensu, sed reipsa nimis verum verum: *Eft erit atque fuit Vndanck in fine laborum*. Hic versiculus mihi subinde venit in mentem, quando de te rebusque tuis cogitavi. Sed et hoc mihi incidit, quod si mundus hic non sit dignus istis Atlanticis bonis et donis nostri TYCHONIS? Etiam hoc cogitavi, quod si hæc Τύχη, quæ Domino TYCHONI contigit, nunciet instare finem mundi? Ut ut sit, adhuc valde dubito, tuamne vicem [an patriæ potius tuæ], imo totius Reipublicæ Christianæ magis dolere debeam. Legi diligenter, quæ ad me misisti, et pro ijs communicatis magnas tibi gratias ago, neque est, ut putes, ea ventura in manus aliorum. Miratus sum Regem nihil voluisse conferre in hæc studia, Regibus et eorum subsidij atque [adiumento] dignissima, qui tamen nuper tantos sumptus fecit in coronationis festo. Aliud fuit iudicium ALFONSI: imo aliud etiam ipsius patris FRIDERICI. Nolo de his plura; in quibus tamen hoc etiam addo, me idem facere, quod tu facis, hoc est discernere Actorem a Poëta fabulæ. Facis tu etiam hoc præclare, quod tanto animo (nimirum cœlo et astris digno) hæc quæ tibi contigerunt, fers, nec propterea cogitas aliquid omittere in laudabili cursu abs te et olim instituto, et per tot annos servato, sed quod cogitas ad metam usque illum Da hic Deus ut perficias quod cœpisti. LAZARUS vir magnanimus frequenter in ore solitus fuit habere versum istum: *Esse aliquid si velle tenes, et posse tenebis*. Tibi vero datum est et velle et posse. Amplissimi || viri D. HENRICI RANZOVII maior nunc erit gloria, et fiet ipsius nomen illustre clarius, postquam Musis tuis hospitium condit. Erit enim vicina urbs Hamburga, tibi satis oportuna ad absolvenda ea, quorum editio fuit cœpta in Huenna. De consilijs tuis, quæ apud meum deponis, diligenter cogitavi, et spero ea sic geri posse, ut [non] plane careat successu, verum opus erit tempore: cum nunc omnia, quæ aguntur in aula Cæsarea, tantum Martem in hoc gravissimo Reipublicæ christianæ periculo, quod hoc anno non sine causa (Deus omnia avertat) metuitur. Agam interea, quantum nunc agi potest per amicos, ut quasi via quædam sternatur, ad ea, quæ sunt deinceps cura et opera tractanda; faciam te quoque certiore de rebus omnibus, quæ argumentum facere ad ea, quæ sane tui animi, consilij et instituti. . . . Si viveret adhuc Dominus IACOBUS

BUS CURTIUS, quantopere ostenderet sibi esse cordi et curæ res tuas et negotium publicum! Sed tamen spero, non defuturos aliter etiam in aula amicos, de quibus alio tempore, si Deus volet, rebus magis exploratis te monebo. Pro transmissio libro Epistolarum, qui mihi a te est amplissimum munus, magnas ago gratias, et peto magnopere, cum reliqua tua, quæ iam cœpta sunt, ad finem perducta fuerint, ut ijs etiam meam ornare non recuses. Dabitur opera, ne te huius et beneficij iure et merito pœniteat.

Literas tuas ad IOHANNEM ROTHMANNUM, quem cognovi || nunc vitam agere in Republica Erfurdensi, per certos homines curabo, 3r
si quid aliud a me postulas fieri, semper tibi parata erit pro viribus fida mea opera. Ex CHRISTIANO tuo hoc etiam libenter cognovi: Te nimirum natum esse eodem et anno et mense, quo ego sum in lucem editus, valde etiam delectatus sum, inter ... quæ nunc mecum communicasti, lectione carminum tuorum ad quæ non legi sine varijs 15
animi perturbationibus. Multa enim de multis, tum tuis tum ijs quæ sunt similia, cogitavi. Geram tibi morem in eo quod petis, et curabo, ne aliquis te non indignus de rebus tuis, quæ te digna sint. Tu vicissim, si non est molestum, exorna meum Symbolum aliquo Epigrammate. Quale sit Symbolum meum, cognosces ex nostro VINCENTIO 20
MOLLERO, qui, si voles, dabit tibi legendum Libellum quendam nostrum, quem de eodem Symbolo curavi publice edi. Equidem miseram ad te exemplum, quod doleo perijße. Si postuletis aliud, non invitus communicabo. Interim habe tibi hanc inscriptionem mei.

Salutat te reverenter amanter et officiose optimus senex Doctor HER- 25
MANNUS noster, cui vix credas quam grata fuerit salus et abs te dicta, et nomine præstantissimi senis ...


Si non est molestum, rogo ut meis etiam verbis reverenter et officiose salutes Illustrum Dominum HENRICUM RANZOVIUM, qui suam 30
erga me benevolentiam semel et iterum mihi declaravit. Tu eam, si placet, augebis et con-||firmabis. Et quoniam HEMMINGIJ vestri facta 3v
est mentio, tuque de eo nunc liberius scribere potes, rogo te per amicitiam nostram, dic mihi in aures meas, an fidem mereatur hæc inclusa pagella, quæ ante aliquot annos fuit circumlata.

Deus scit me istud quærere nec malo animo, nec ad malam fidem 35
.... enim amo et colo istum optimum et optime meritum senem, quem aliquis cum potest amare et colere, sed tantum cœpi mihi constare historiam rei gestæ, de qua mihi et alijs semper iure integrum iudicium. Bene et feliciter vale, vir præstantissime et Nobilissime, mihique conserva tuam benevolentiam, cuius fundamenta prima, eaque tunc 40
valde tenuia sunt ante multos annos cum ex tuis peregrinationibus reversus per aliquot septimanas viveres in domo et mensa hospitit

hospitis tunc mei M. LAURENTIJ DANI. Ego te amare et obſervare,
et meam tibi fidem quocunque potero genere nunquam de-
ſinam. Vratſlaviae VII. Martij tempore eclipſeos Solis 1598.

[Ex apographo in Archivo Regni Daniæ: Diplomatario Langebekii]


5 DEM GESTRENGEN, EDLEN VND ERN-
VESTEN HERREN TYCHO BRAHEN ITZO ZU
WANDESBEGK, MEINEM BESONDERN
GUNSTIGEN LIEBEN HERREN
VNDT FORDERER.

10 ENEROSE et Magnifice D. TYCHO, omni cum obſer-
vantia colende mihi Domine. Negotium commiſſum
apud D. IOANNEM BÆKELIUM, quomodo confece-
rim, a M. V. ex ſcheda inſerta apparebit. Duci OTTONI
15 Brunſvicenſium et Luneburgenſium de ſententia M. V.
diligenter ſcripſi. C. ipſius omnino acquieſcit et . . quod
M. Veſtræ commodum futurum eſt. De acceſſu Reginæ in hanc civita-
tem nihil ad me perfertur, ſicut et ex filio nihil tale accipio. Verum is,
quæ alias publice et notorie ſparguntur, confirmat. M. V. et mihi quo-
que ubi vacaverit a negotijs, ... dabo operam, ut illam inviſam. Reli-
20 qua committo prudentiæ M. V. Quæ ut cum ſuis optime valeat, toto
pectore opto. Datæ raptim Hamburgæ XI. Martij An. 1598.

M. V. omni cum obſervantia
qui colo
VITUS WINSHEMIUS.

25 [Ex apographo Haunienſi excerpt. Langebek. 178; cf. apographum manu ſcriptum in fine ex-
empli Haunienſis P. J. Reſenii *Inſcriptionum Haſſnienſium* (Hauniæ 1668)]

TYCHO BRAHE AD IOSEPHUM
SCALIGERUM.

1^r S. P.
30 IU multumque in votis habui, Illuſtris Domine IO-
SEPHE SCALIGER, cum adhuc in Dania Patria mea
morarer, ut tecum per litteras amicitiam contraherem,
præſertim cum a plerisque iſthinc ad nos venientibus
35 tuum in me, licet de facie tibi ignotum, candorem et be-
nevolentiam aliquoties perceperim, ſed ſemper aliquid
intervenit obſtaculi, quominus id efficere commodum fuerit. Nunc
autem, cum hunc Nobilem et doctum adoleſcentem FRANCISCUM
TEGNAGLIUM

TEGNAGLIUM mihi domesticum et meæ e Dania migrationis comitem in Bataviam ablegarem, non intermittendum duxi, quin aliquid saltem ad te litterarum darem, utut iam essem occupatissimus. Ad quod me etiam non minimum invitavit excellentissimum et laboriosissimum illud opus tuum redintegratum de Temporum Emendatione, 5 quod his ipsis diebus primum accepi, atque quantum per negotia licuit, perlustravi. Nec possum satis mirari exactam tuam in eo concinnando diligentiam, pari iudicio atque eruditione coniunctam. Debet tibi sane vel pro hoc solo labore (ut cæteros illos præclarissimos a te exantlatos præteream) omnis posteritas immensas gratias, quod temporum epo- 10 chas et rationes tam sedulo et subtiliter extricare volueris. Nec curandum si qui (uti fit) inveniantur ingrati Zoili, quales et hæcenus nonnullos habuisti, qui e contradictionibus famam venari satagunt, sed ex alto despiciendum. Memini, me cum ad quendam eorum mihi Heidelbergæ scribentem litteras responsi loco darem, de te ipsum (siquidem is 15 occasionem præbuerat) discrete admonuisse, ut te tuaque suspiceret potius quam vellicaret, atque a talibus contradictionibus abstineret, vel ad minimum ut modestius et maiori verecundia rem ageret. Quid hoc pacto apud ipsum profecerim, ignoro. Nam postea inter nos altum silentium. 20

Reperi in hoc novo tuo volumine, dum illud evolverem, te alicubi circa finem facere mentionem mearum observationum, quas circa utrumque Æquinoctium in Dania habui, easque cum Hipparcheis conferre, ut anni Alphonsini a te nunc assumpti magnitudinem probares. Ago autem tibi officiose gratias, quod tam honorifice et candide mei 25 et mearum inventionum isthic memineris, et cuperem, ut hæc ipsa uberius adhuc expenderes, conferendo nimirum HIPPARCHI omnes observationes, sed prius limitatas, ut sibi invicem, quoad fieri poterit, correspondeant, aut seligendo eas quæ exactiores videbuntur; hac tamen adhibita cautione, ut is annus Iulianus retro numeratus eandem 30 cum nostro, qui adhibetur, habeat respectu bisexti rationem, ita ut vel ambo sint bisextiles vel pariter hinc removeantur. Ideoque nostra Tabella utriusque Æquinoctij, quam e primo capite Progymnasmatum Astronomicorum assumpsisti, eos annos continue exhibet, qui ab uno in alterum bisextilem includuntur. Pluribus enim opus non erat, licet 35 multos præterea in promptu habeam pariter sibi invicem correspondentes. Optandum sane foret, ut veteres parem in his præstitissent accurationem, quod tamen ab ijs factum non esse, propriæ eorum annotationes, ut tu quoque non iniuria arguis, produnt; utique magis indubiam Anni Cœlestis rationem, quoad minima momenta, nunc 40 obtineremus, præsertim si a pluribus Artificibus per aliquot interlapso secula res nunquam hians aut claudicans comprobata esset. Quin et utrobique

utrobique medium *Æquinoctium* capiendum, ut intricatio ea, quæ ex Apogæi et Eccentricitatis mutatione provenit, præcaveatur. Conducit etiam ALBATEGNIJ Aratenfis intermedias Observationes in consilium adhibere. Quibus omnibus rite expensis et adhibita in singulis
 17 cautela, quod || parallaxin ☉ inter observandum *Æquinoctia* forte neglexerint, atque his etiam *Æquatoris* inclinationem non satis scrupulose applicârint, dummodo ex altitudine ☉ meridiana in utroque solstitio Poli sublimitatem rimati sunt, existimârim de Alphonfina Anni quantitate nonnihil adhuc deceßurum, ita ut vix 49 minuta ultra inte-
 10+ gras horas explere possit, nedum ea in 6 H. excederet. Si itaque omnes quas habes observationes Hipparcheas tam in *Æquinoctio* vernali quam autumnali in Tabella discrete expositas (annotando ubique qualis iste annus fuerit respectu bisexti Iuliani) mecum communicaveris, dabo operam, ut hæc cum nostris ulterius collata exactum quid non
 15 tantum anno Civili, sed et Astronomico præfiniendo suppeditent. Et si plures in promptu tibi sunt vetustissimæ *Æquinoctiorum* Observationes, diligentiam aliquam redolentes, eas etiam pari modo impertiaris, quæso. Tum quoque de Epochâ antiquissima illa Iudaica, quando *Æquinoctium* die 21. Aprilis sex horis a Meridie extitisse creditur, si quid indubitati habes, unde id probari queat, et ad quem meridianum referendum sit, atque quomodo hic annus ad bisextum sese habuerit, quantumque ab hisce temporibus citra omnem ambiguitatem distiterit, ex-
 20 pone et plenius de his omnibus, quæ a te collecta, mecum per litteras agere non degravare. Erit id mihi longe gratissimum. Quicquid vicissim mea opella præstari queat, quod tibi acceptum sit, habebis me semper ex voto. Fieri autem potest, ut nonnulla horum in hoc libro tuo elucidaveris, quæ adhuc explorata non habeo. Nam mihi accurate eum relegere plurimæ occupationes nondum permiserunt. Porro referet dictus adolescens quædam ad te meo nomine secreto, de quibus tuum iudi-
 25 cium et consilium cognoscere averem. Is etiam plura, cum mearum rerum sit conscius, de ijs aperiet. Quare ut ipsum benigne audias, tibi-que commendatum habeas, etiam atque etiam rogo. Vale vir tam doctrina quam genere revera illustris. Dabantur subito Wandesburgo ex Arce Ranzoviana, quæ est prope Hamburgum, die 14. Martij Anni 1598.

35

Illustris tuæ Magnif. studiosi.

TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

TYCHO BRAHE AD CHRISTIANUM LONGOMONTANUM.




ILECTE CHRISTIANE, scripsit ad me ante paucos dies 1^r
 IACOBUS MONAVIUS Vratislaviensis, Amicus meus 5
 integerrimus, te sub finem anni præteriti Vratislaviam
 venisse, et discessus mei causas e Dania per omnes cir-
 cumstantias sibi retulisse, tum quoque te admodum de
 me sollicitum fuisse, atque hac inprimis de causa inde
 abijisse LipSIam. Quod sane mihi auditu pergratum fuit, dum te ita 10
 animatum agnosco. Ego tibi vicissim ex animo bene favere atque ad
 meliora quæque promovere non intermittam. Indicavit insuper ibi-
 dem MONAVIUS, quod te ad sororem WITICHIJ B. M. deduci cura-
 verit, ubi omnes illius libros perlustraveris. Rogo itaque ut de ijs, qui
 et quales fuerint, præsertim manuscripti, et an eos vendere velit, quali- 15
 que pretio, mihi significes. Vidisti proculdubio plagiarij mei impuri
 illius URSI maledicentissimum scriptum, in quo præter alia innumera
 convitia meo et meorum honori non parcit. Ego quidem refutatione
 illum indignum censeo, cum omnes modestiæ limites imo honestatis
 longe transcendit; efficiam || tamen ut non impune ferat. Cum vero 1^v
 tibi de plagio ipsius tum quoque omnibus circumstantijs procul dubio
 ex aliorum, qui tunc adfuerunt, relatu innotuerit, rogo in charta de-
 signare velis, quidnam hac de re a tuis apud me commilitonibus in-
 audivisti. Ego quidem nonnulla adhuc recordor, sed poterant aliqua 25
 tanto temporis intervallo, et inter tot alias curas mihi facile excidisse;
 tum quoque quid alij in Academijs, ubi interea fuisti, de hoc maledico
 scripto sentiant. Verum ut tecum plenius non tantum de hoc negotio,
 quod ex alto despicio, sed et de alijs quibusdam longe maioris momenti
 loqui queam, antequam ad ulteriora hinc peregrinationem suscipiam,
 atque plus forte disiungamur, cuperem quam maxime, ut meis sumpti- 30
 bus actutum huc Wandelsburgum, dimidio saltem milliari Hamburgo
 remotum, te conferres, quo de necessarijs quibusdam tecum præsens
 agere queam. Neque enim omnia chartis committere commodum est.
 Si viaticum tibi ad manus non est, mutuo ab aliquo pete, vel oppignora
 quid, a me, qualecunque tandem sit, bona fide redimendum, aut ali- 35
 quis pro te spondeat. Faxo ut illi sit indemne. Non est quod verearis,
 ne te hîc ultra voluntatem detineam, nam ipsemet || non constitui hîc 2^r
 diu manere. Est nunc apud me IOHANNES MOLLERUS Electoris
 Brandenburgici Mathematicus, qui Hvenæ in coronatione (ut scis)
 nobis aderat. Is negotijs præest Astronomicis et studiosis meis, quos 40
 hîc non minus quam antea Uraniburgi haud paucos sustento. Vide
 iam,

iam, mi CHRISTIERNE, ne fallas expectationem meam, sed quam
 primum te hic sis. Invenies me vicissim gratum, ut huius pro me
 suscepti itineris te nequaquam poeniteat. Sume tecum exemplar Ephe-
 † meridum novarum N. EVERHARDI e novis (ut iactitat) Tabulis sup-
 5 putatarum, quod illas in aliqua Academia facile nancisceris, et si quid
 aliud nosti, quod meis desideriis conveniat. Hamburgi hic liber venalis
 non est. Mihi nihil præter solum eius libri titulum in catalogo hucusque
 videre licuit. Vale, et confestim, prout tibi confido, ad nos advola. Rap-
 tim Wandelsburgi die 24. Martij Anni 1598.

TYCHO BRAHE,
 manu propria.

[Ex apographo in Archivo Regni Daniæ: Diplomatario Langebekii]

TYCHO BRAHE AD VITUM VINSHEMIUM.

1^r  XCELLENTISSIME Domine Doctor VINSHEMI,
 15 Amice honorande. Accepi nudius tertius ab OLIGERO
 nostro literas, in quibus facit circa calcem mentionem
 librorum, qui adhuc apud Dominum D. BÆKELIUM
 residui sunt, quos omnino obtinere desiderat, et æquum
 sane est, ut, ex quo pecuniam totam is receperit, libros
 20 omnes tradat, aut se ita apud OLIGERUM purget, ut sit contentus.
 Ego consanguineo meo et affini amicoque intimo deesse non possum,
 quin procurem id, quod a me requirit. Si sponte BÆKELIUS hoc præ-
 stare noluerit, cogor iure rem agere, utut id libenter non facerem. Rogo ||
 1^v itaque peramanter tam OLIGERI quam meo nomine, velis adhuc se-
 25 mel apud ipsum urgere, ut stet promissis. Excusationes, quas ultimo
 adduxit, vix accipiet OLIGERUS, nam ille aliter ad me rettulit ea de
 re, imo VESALIJ Anatomiam mihi dono dedit, licet ego id recularim,
 nisi alium ex meis libris æquivalentem eius loco habere vellet. Nec
 valor eius est maior sex vel septem Ioachimicorum, etiam si de novo
 30 ematur. Fac itaque, mi Domine Doctor VINSHEMI, ut OLIGERI ex-
 pectationi satisfiat, et schedas, quas hac de re ultimo accepisti, remitte.
 Scripturus enim sum hisce diebus OLIGERO et negotium hoc exposi-
 turus. Vale, et si quæ nova scis, indica. Raptim Wandelsburgi die 28.
 Martij Anni 98.

[Ex adumbratione in codice Vindobonensi lat. 10686²⁴]

TYCHO BRAHE AD IACOBUM BORDINGUM.

S. P.



LARISSIME et Excellentissime Domine Doctor BORDINGE, Cancellarie dignissime et Amice honorande. Cum hic Mechanicus senex M. PETRUS IACHENOW denuo isthuc a me rediret, non omittendum duxi, quin ad Illustrissimum Principem ULDARICUM, Dominum meum Clementissimum, aliquid literarum submisse darem, liquidem eius Cel^{nis} Clementissimam erga me voluntatem indies magis magisque experiar. Rogoque ut ipsius Celⁿⁱ easdem meo nomine submisse offeras atque in meliorem partem interpreteris, si quid liberius, re sic urgente, indicavi, idque in silentio secreto prematur, cum ex eâ, quam erga Illustrissimum illum et optimum Principem, tum quoque te, gero fiducia, sinceroque animo profisciscantur. Poterunt hæc forte nimis audacter prolata cenferi, liquidem veritas plærumque odiosa sit; attamen si rei molem et eorum, quæ mihi immerito contigerunt, cumulum spectemus, vix supremis labris attigisse, quæ dicenda forent, videbor. Verum ego hæc omnia Deo committo. Veritas temporis filia aliquando forte prodet, quid æque aut inique factum sit. Ill^{mo} Duci necdum quidpiam responsum esse, etiamnum intelligo. Quod et prælagiebam. Quale responsum ad meas receperim, ex ijs utcunque intellexisti, quas Lubecâ tibi perscripsi, cum inde Instrumenta mea et supellectilem librariam huc transferri curarem. Quare

*Sat Patriæ nostrisque datum, nunc Teuthona tellus
Excipit, et Patriam largitur maximus Orbis.*

Curo quædam ex meis Operibus hîc labore Typographico compleri, quæ, ubi absoluta fuerint, vobiscum communicabo. || In re pecuniariâ me isthic concernente satis actum est. Recepi literas fideiussorias et priores restitui.

Novarum rerum nihil peculiare est, nisi quod res composita dicatur inter Pontificem et Ferrariæ Ducem. Batavos se absentare et tractationem de pace averfari, neque enim hostibus satis fidunt tam sæpe circumventi. Novam Reginam in Anglia electam frementibus Scotis narrant. Nihil tamen adhuc certi constat. Vobis proculdubio isthic his plura et certiora innotuerunt. Rex noster Ser^{mus} fuit apud Dominum RANZOVIUM Bredenberga præcedente hebdomadâ ab eo isthic magnifice et splendide exceptus et mox inde Haderlebbiam recepit. Plura nunc non vacat. Sum enim occupatissimus. Tu vero mi amantissime

tißime Domine BORDINGE quam feliciffime vale, meque folitâ bene-
volentiâ (quemadmodum et ego tui amorem non deponam unquam)
conftanter profequere. Raptim Wandefburgo die 29. Martij Anni 1598.

[Ex apographo in Archivo Regni Daniæ: Diplomatario Langebekii; cf. *Epistolæ ad Ioannem Keplerum scriptæ* ed. Hansch (1718) p. 114 sqq.]

7^v DOMINO OLIGERO GEORGIJ F. ROSEN-
CRANTZIO DANO, DOMINO HÆREDITARIO IN ROSEN-
HOLM, ET INTER NOBILES DOCTO, INTERQUE
DOCTOS NOBILI, DOMINO ET AMICO SUO
10 IN ÆVITERNUM COLENDO EIS XEIPE.
TICHONI BRAHE NON MINUS APERIENDAS ET LEGENDAS.
1^r EY IPATTEIN.



15 **B**INAS tuas literas, illas Lubeca, has Hamburgo ad me
datas, quam blande exosculatus fuerim, Generose RO-
SENKRANTZI, animus meus tibi multis acceptis bene-
ficijs devinctus a multisque perspectus annis tanquam
in speculo et tabula apud te loqui potest, lingua non po-
test. Tute enim nosti, quam impense te amem, colam,
quantique faciam, ut quoties literas tuas video, frigidam toties mihi
20 suffundi, et ad cursum amicitiae protensio-rem me instigari a te per-
suadear. Quod cum intelligere te ex literis tuis intelligam, non est, quod
pluribus tibi fidem faciam. At vero quantumvis dulcis mihi utraque
tua fuit Epistola, amariores tamen aliquanto fuerunt, quod simul in
illis de plagio Liddeliano in illustrem Astronomum TYCHONEM
25 BRAHE, consanguineum et affinem tuum, virum multiplici scientia
admirandum, narrabas. Quod magis animum percellerat, quia ipse
Dominus TYCHO suis idem ad me literis testatum reddiderat. Que-
rebatur tecum de singulari tum impudentia, tum ingratitude DUN-
CANI LIDDELIJ Scoti, qui nunc in Inclyta Iulia Matheseos Profeßo-
30 rem agit, quod is non tantum literis ad suos privatim datis, sed et ex
publica prælectionum suarum cathedra Tychonianarum Hypotheseon
† se primum esse inventorem sit gloriatus. Querela illa certior fuit, quod
multis bonorum virorum testimonijs et literis videbam TYCHONI fi-
dem eius rei factam luculenter, et gravior, quod is non solus, sed et cum
35 alijs duobus Plagiarijs tantum facinus in TYCHONEM ausus fuisset.
1^v Indignabar mecum || et ridebam tamen cum Phavorino cornices illas,
homines in alienis plumis tripudiantes, ridiculos, quod ambitiose ad
maiora aspirarent, odiosos, quod ea consequerentur apud quosdam,
miserabiles, quod tandem apud omnes laude turpiter exciderent. So-
lent

lent enim subventanea (quod aiunt) parere, qui laudem ex fuco virtutis, non ex virtute, concipiunt. Hac spe potuiſſem ego et meum et tuum animum tranquillum reddere, niſi inſuper adiectum fuiſet, quod propius me tangit et pungit acrius. Legi enim LIDDELIJ illius verba, quod is in teſtimonium Plagij ſui (cuius tamen TYCHONEM præpoſtere inſimulare vult) me teſtem invocet et adducat. Sic enim ſcribit: »*Primas meas theorias iuxta triplicem hypotheſin ſatis imperfectas, quas ante ſeptennium Roſtochij propoſui, TYCHO a Doctore CRAMERO Paſtore nunc Stetinenſi accepit.*« Sic ait. TYCHO BRAHE ergo inventa ſua hauſit ex meo libro, ex LIDDELIJ prælectionibus, qui harum hypotheſium inventor eſt, qui primus deduxit, qui primus explicuit, ſi Dijs placet, atque in eius rei teſtimonium fide dignum, egone a LIDDELIO aſciſcor? Obſtupui, ingenue fateor, ubi hæc lego, me in falſum rei teſtimonium dicendum vocari, et abuſu mei nominis (quod hucusque ſincerum Dei beneficio ſervare ſtudui) rem tam a vero alienam ceu pallio involvi et incruſtari. Mi Domine ROSENKRANTZI, tute ipſemet noſti, cum tot annos unâ viximus, quo DUNCANUM hunc loco ſemper habuerim, quam honeſte de illo tibi fuerim locutus, quod is fores Scholæ Mathematicæ et || aliarum quarundam Philoſophiæ partium mihi adoleſcenti aperuiſet; quod autem nunc obloqui illi cogar, id vellem ne fuiſet unquam opus. Sed meministi mecum illud PERICLIS Athenienſis, cum amicus eum rogaret, ut pro ſe cauſaque eius falſum deieraret, δεῖ με συμπράττειν τοῖς φίλοις ἀλλὰ μέχρι τοῦ βωμοῦ, et quod Philoſophus noſter: ἀμφοῖν ὄντοι φίλον ὅσιον προτιμᾶν τὴν ἀλήθειαν. Non poſſum enim contra veritatem, niſi quis ſimul me adulate et amico uti velit, quod a pia mente ducere eſſe alienum. Ego de illo Magiſtro meo non potuiſſem tantam in me ſperare iniuriam, qua me nunc affecit, quem nihil eius conſcium ad falſum rei teſtimonium allegavit. Falſimonium committit (quod in foro crimen falſi appellant) qui annulo ſignatorio alieno ſuas periculi et doli plenas clam domino obſignat literas; nonne illum idem patrare credas, qui alienis alienorum nominum ſubſcriptionibus in teſtimonium ſine teſtimonio vocatis ſua falſa confirmat? Præpoſterum eſt te vera loqui, cum ne quidem loquaris, affirmare ea, quæ num affirmare nescias. Ita mecum agit LIDDELIUS, ut teſtis ſim, teſtis nunquam auditus, ut affirmem, ignorem, vera loquar, cum ne quidem loquar. Indignum, inſanum. Quia vero tantopere is meummet hac de re teſtimonium flagitare videtur, ago verum hoc meum teſtimonium, contra illud ſuum, non meum. Tibi et TYCHONI de hoc plagio Lidelliano vera petenti, quantum mihi quidem conſtat, deponam, idque tam perſpicue, ut ſi tu paulo ſuperiorum annorum ἀνάμνησιν tecum per otium renoves, omnia || puncta tua mihi ultro ſis adiecturus. Docuit DUNCANUS

LIDDELIUS

LIDDELIUS Scotus in Academia Rostochiana Mathemata, quando
 ego auditor fui anno 88 et sequenti, inter cætera explicando etiam mo-
 tum secundum iuxta triplicem hypothesin, primam Alphonsinorum, se-
 cundam COPERNICI, et aliam tertiam novam. De hac tertia nova agi-
 5 tur, cuius sit auctoris? Me oportet reddere testimonium? Egone respon-
 deam? Respondeat ipse DUNCANUS, idque ex scriptis Commentarijs,
 quæ ego adhuc hodie mecum servo bona fide, qua et servant alij multi,
 tunc adolescentes, nunc viri, qui tum temporis eadem eiusdem usi sunt
 institutione privata, inter quos est quoque, ut unum nominem, com-
 10 munis noster amicus M. IOACHIMUS PRÆTORIUS, Collega in hoc
 templo et Gymnasio mihi honorandus. In quibus commentarijs (tu
 oculatus mihi testis es, vidisti, legisti) DUNCANUS novam illam Dia-
 typosin appellavit Tychonianam, idque expressis syllabis literisque, ita
 quæstionem suam formans: *In nova illa, seu Tychoniana Diatyposi,*
 15 *quomodo horum quinque planetarum motus salvantur?* etc. Sic
 tum temporis docuit, sic dixit, sic dictavit, sic didicimus, sic audivi-
 mus, sic scripsimus, sic credidimus. At, inquis, nunc aliter Helmstadij
 dicit, aliter docet? Id vero ego capere non possum, quo modo, si DUN-
 CANUS unus sit et esse velit, Rostochij hanc hypothesin sibi derogare,
 20 Helmstadij vero eandem arrogare per tam breve locorum temporisque
 intervallum queat? Nisi cum Horizonte animum linguamque mutarit,
 3^r quod ego vix conceperim. Credo ego potius DUNCANO LIDDE-
 LIO Rostochiensis Studioso contra DUNCANUM LIDDELIUM Pro-
 fessorem Helmstadianum. Dicit forte præ modestia et verecundia se
 25 illa vice TYCHONI inventionem ascripsisse? Ergone hac vice vere-
 cundiæ fines transiit? Ergone contrarium hoc immodestiæ ascriben-
 dum? Et qui novit viri ingenium, neque hoc admittet. Quid multis?
 Barbari dicere solebant, prout iacet litera; ita hinc quoque dicendum
 et pronunciandum iam est, ex dictatis Rostochianis unius LIDDELIJ
 30 tertiam hypothesin, quam et nova placita solebat appellare, non DUN-
 CANI sed TYCHONIS esse; propria confessio, inquiunt Iurisperiti, est
 fortissima probatio. Satis superque hæc tibi, mihi et alijs sufficere possent,
 nisi, quia sic sermo coeptus est, unum et alterum adhuc verbum ex ijs-
 dem liberet adijcere. Dici non potest, quam præclare tum temporis in
 35 ipsa tractatione istius hypotheseos, quoties occasio dabatur, de TY-
 CHONE Scotus senserit, et omnibus veteribus prætulerit, et cum Illu-
 strissimo Landgravio Hassiæ b. m. coniunxerit. Sic enim in eiusdem
 commentarijs tit. de longit. et latit. in Sphæram BRUCÆI legitur. »*An*
 40 *vero stellæ fixæ suas latitudines sive distantias ab Ecliptica varia-*
rint, nullus veterum cognovit, verum Landgravius et TYCHO
 † *BRAHE ex crebris observationibus invenerunt stellas fixas lati-*
 tudines suas ad mutationem obliquitatis Zodiaci variasse.« Et de
 latitudine

latitudine (ait: »*Quod antea a nemine ante TYCHONEM obser-*
vatum est, latitudo Lunæ maxima mutata est, et hodie est 5° 15'.» 3^v
 Item de eccentricitate Solis tit. de motu Solis inquit: »*in quibus omni-*
bus Artifices hoc seculo, ut sunt Illustrissimus Princeps Landgra-
vius et TYCHO BRAHE, multa invenerunt, quæ observationibus 5
COPERNICI non satis consentiunt.« Sic ille. Quis hîc, quæso, per
 febrim potuisset suspicari, LIDDELIUM tanti artificis, quem sic ipse
 commendaret, præceptorem esse, et illum huius discipulum, uti nunc
 iactitare audet? Ni seipsum Scotus tantum artificem, aut artificibus
 illis artificiosiore et superiore constituiisset, talis non constitueretur. 10
 Sed tu, Domine ROSENKRANTZI, pro ἀγγινοία tua, qua polles, me
 etiam tacente, aliud argumentum certitudinis pro TYCHONE, ut opi-
 nor, colliges, quando audis, quod observata, quæ COPERNICO non
 satis consentiunt, TYCHONI ascribat, ut sic tecum ratiocinare: Qui no-
 vas hypothesen in Astronomia contra omnes antegressores suos invenire 15
 et statuere vult, is ut longe prius observata τῶν φαινόμενων Syderalium
 nova acquisierit, necesse habet; quare? quia hypothesen novæ, non
 præsuppositis novorum φαινόμενων fundamentis, anilia sunt τερτί-
 σματα, quandoquidem hypothesium sit salvare motus observatos; quod
 si ergo LIDDELIUS Scotus in obscuro latens et instrumentis destitu- 20
 tus nulla φαινόμενα nova primus observavit, quid eum principio im-
 pulsit, ut ab hypothesi Coperniana (quam mordicus tueri solebat) de-
 siliret, et de nova cogitare inciperet? Mirum enim, si se observata a
 TYCHONE primo ac-||cepiße largiri posset. Sic me iudice haud leve 4^r
 argumentum duxeris ad evincendum DUNCANI Plagium. Taceo, 25
 quod in ipsa tractatione huius novæ hypotheseos, talem se præstiterit
 LIDDELIUS, ut multis indicijs sit colligere, eum auctorem et inven-
 torem non esse. Qui enim ipse inventor et auspex est in scientia apo-
 dictica certæ alicuius hypotheseos, quam alios docet, illum dedecet
 fluctuare aut aliquid eius in medio suspensum relinquere. Sic enim 30
 DUNCANUS, ubi generaliter Tychonianum typum depinxit: »*An*
primus motus, quo omnia ab ortu in occasum feruntur, ob Terræ
motum an cœli extimi rectius dicatur, in medio hîc relinquimus;
probabilius forte videbitur, si extimo cœlo ascribatur.« Audis, quam
 non usurpet sibi arbitrium statuendi, decidendi, sed aliunde quasi af- 35
 flatum exspectet, quid hîc sentiendum sit, quid non sit, quem procul
 dubio tum temporis nondum ex TYCHONE hauserat. Fortius est,
 quod ibidem paulo post ansam præbet sentiendi et disputandi contra
 hanc Hypothesin, cum inquit: »*COPERNICI hypothesin absurdam*
plerisque videri, hanc vero (Tychonianam subintelligens) princi- 40
pijs Geometriæ nihil repugnare, licet nonnulla videatur physica
absurda ponere.« Intelligebat autem orbes æthereos ex ARISTOTE-
 LIS

LIS sententia, quod paulo post usu ex disputatione Physicæ Aristoteleæ cum eodem habita didici. Proposuit enim idem ibidem Disputationes physicas, in quarum nona, cum ad libros priores de cœlo venisset, intrepide orbes reales defendere volebat, quos cum || exercitij ergo opponendo Tychoniana observata refellerem, excanduit homo tantum in modum, ut etiam hanc datam hypothesein plane repudiaret et damnaret, immemor fortasse τῆς μεταβάσεως τοῦ γένους. Unde acerbitati istius ego cedens, surrexi tum temporis, atque Scholis istius valedixi, ut meministi me tibi sæpius narraſſe, et plurimi adhuc in vivis sunt, qui et spectatores et auditores eius fabulæ fuerunt. Quæ ideo repeto, non ut de re ipsa (quam inter puerilia nostra pono) agam, sed ut evincam LIDDELIUM semper hypothesein illam sic tractaſſe, sic contra disputaſſe, ut alterius, non suum inventum eſſe clariſſime dederit cuius contestatum. Rigidius enim pro illa pugnaſſet, ſi proprium figmentum (ex quo immortaliter ſe victurum eſſe ſperaſſet) fuiſſet. Talis, ut audis, ROSENKRANTZI, fuit Scotus in Schola illa Aſtronomica Roſtochij, quoties collecto grege illi docenti aſſedimus; ſed eſt tamen quod diſſimulare nequeo, quod et alij mei tum temporis commilitones (quos nominare poſſum) norunt. Quando M. DUNCANUS haud obſcure colligeret, magno applauſu excipi TYCHONIS novam, eamque tam concinnam hypothesein, tum laudis, ut opinor, immatura aviditate flagrans (ut erat natura glorioſior) uni et alteri ſuorum auditorum (cœtu dimiſſo) inſufurrare ſolebat, ſe habere literas propria TYCHONIS manu exaratas, in quibus TYCHO illi hanc hypothesein adſcribat, his inter cætera verbis: »*Rem acu tetigiſti*«. Verum nunquam tamen plene literas eas mihi quidem viſendas legendaſve || volebat aperire, neſcio cur, etiam cum multis rogaretur. Quia autem integras legere non licuit, multi mecum potius credebant publicis commentarijs DUNCANI, quam eiufdem clancularijs et ſubreptitijs ſufurris. Exemplar iſtarum, quas iactat, literarum Helmſtadij deſcriptum mihiſque communicatum nunc legi, ſed lectis illis merito exclamo: Quid eſt ollas et cucurbitas lippire, ſi hoc non ſit? Seipſum amare et ſapere vix Iovi conceditur. Perſtringit enim amor ſui oculos, ut quid album a nigro diſſet, diſcerni non queat. Sed ego illud prolixius hîc agere non teneor. Epistoſa ubi in lucem fuerit protracta, pro ſe loquetur.

Habes, domine ROSENKRANTZI, quid mihi ex Liddelianis commentarijs conſtet, de inventionem novæ ſeu Tychonianæ hypotheſeos. Quod etſi fere præterire potuiſſem, tamen ne tuæ petitioni deeſſe volveſſe viderer, nolui omittere. At vero plus mea intereſt, an verum dicat Scotus, quod propoſitas a ſe ante Septennium Theorias a me acceperit TYCHO, ut affirmare non erubeſcit.

Narrabo autem brevibus, ut ſe res habet, atque non minus tibi quam mihi

mihi notum, ut quasi te tibi narrantem me audias, modo recorderis. Cum Anno 91, a. d. 14 Calend. Iunij e palæstra Academica Rostochiana
 advocati essemus ab Illustri tuo Domino Parente, GEORGIO, Prorege
 Daniæ b. m. et substitissemus Hafniæ aliquamdiu, indultum est utri- †
 que, ut ad Insulam Huenam (qua Urania TYCHONIS tum tem-||poris 5v
 pedem fixerat) excurreremus, quod Dominus parens tuus intelligebat,
 nos quoque singulari Astronomiæ amore accendi et magni D^{num} TY-
 CHONEM ex illa arte facere. Hac occasione ego, ut cum artifice de
 arte conferre possem, cœpi recentius ὑπομνήματα, quæ tam a DUN-
 CANO, quam D^{no} BRUCÆO, illo magnæ famæ viro, et alijs præ- 10
 ceptoribus meis imbibissem, ruminare. Et quia partim navi eundum
 erat, ad facundum itineris comitem commentaria, quæ uno grandi
 volumine complicata habebam, et adhuc habeo, ut nosti, adhibere
 cœpi. In quo volumine inter alia etiam LIDDELII dictata contine-
 bantur. Ita κατὰ συμβεβηκός librum ad Insulam Tychonianam mei, 15
 non illius causa transtuli. Ubi illuc ventum est, post multa, ut fit, fa-
 miliares et eruditæ collationes de rebus varijs (quia tota insula erat
 cornu copię rerum visu et auditu mirabilium) itemque de arte Astro-
 nomica inciderunt et, nescio qua occasione, de BRUCÆO, de LID- 20
 DELIO et alijs in hac scientia tum temporis in Academia Rosarum
 claris. Sensi autem statim non levibus ex signis, TYCHONEM sinistre
 sentire de LIDDELIO, quod is ea, quæ ex privato cum TYCHONE
 colloquio, quando ante ibi fuisset, furtim subduxisset, alijs in Academia
 iniussus propalasset. Ego excusavi virum, quod is non sibi illa nova 25
 placita arrogasset, sed nominatim sub Tychoniano titulo et honore
 proposuisset. Quod cum difficulter sibi pateretur persuaderi Dominus
 TYCHO, oportune incidebat, me subito interventu fidem facere posse
 libro || meo, quem manu propria ex ore ipsius excepißem. Sic ecce pro- 6r
 ducitur liber, ostendo locum unum et alterum, ubi hoc fiebat, ut supra
 annotavi. Quo viso acquievit plane Vir Nobilis, et de istis commen- 30
 tarijs inter nos nihil quicquam amplius actum, nihil cogitatum, nihil
 somniatum est ab illo toto tempore usque in hodiernum diem. Septi-
 mus nunc agitur annus ab illo tempore, quo Uraniburgi ego et tu fui-
 mus. Ante illud tempus nec ego nec literæ meæ, nec manus nec nomen
 in Daniam, quod ego sciverim, ad TYCHONEM unquam venerunt. 35
 Quis enim ego, adolescens tum temporis, quis, inquam, eram ætate,
 ingenio, fama, ut cum tanto viro et genere et fama Nobilissimo atque
 ab ipso Magistro nostro sæpe proclamato huius sæculi artifice, qui cum
 Landgravio solus esset in Astronomia artifex, literis amicitiam con-
 traxissem, aut mea ad illum mittere potuissem? Post illud tempus, quo 40
 et secunda vice, interlapso triennio, in Daniam redijmus, ego nullas de
 rebus Astronomicis vel ad TYCHONEM vel alium quenquam dedi
 aut

aut dare potui literas. Meministi enim professionis meæ Witebergenſis
Herculeas moleſtias, et ſtudiorum genus longe ſanctius, quam ut de
illis rebus mihi in Theologico ſtudio ſemper παρέργοις ne per ſuſpirium
cogitare, nedum ad Artificem aliquid conferre quiverim. Effricta igitur
5 fronte mentitur (da verbo veniam) qui dicit TYCHONEM unquam
Theorias Liddelianas a me accepiſſe. Dictum puta. In teſtimonium
veritatis voco conſcientiam meam, quæ mihi mille teſtes eſt, et te, Dn.
6^v OLIGERE, qui probe adhuc annales iſtius δια-||τριβῆς noſtræ Acade-
miæ, in qua iuncti unis ædibus, una menſa, uno lecto, diu noctuque,
10 domi foris fuimus, ni fallor, remetiris. Iniuria igitur Scoti eſt, eaque in
me iniurioſiſſima, quod me nunquam auditum hoc modo in teſtimo-
nium ſui falſimonij invocat, tantum ut me inviſum et ſuſpectum bonis
viris, quos contra inſurgit, reddat; malitia, quod alios abuſu mei no-
minis decepit; impudentia, quod me ignorantem et nihil tale cogitan-
15 tem in ſuos præſcriptos cogit gyros, ut mea lingua, non quod mea mens
verum eſſe concepit, loquatur, ſed quod ille finxit, vel abſens effutiat.
Nonne os meum quovis mancipio hoc pacto eſſet ſervilius? Satis pro
imperio. Unde vero ſcit, TYCHONEM theorias has a me accepiſſe?
Ego non dixi nec potui dicere, ille non vidit nec potuit videre, neque
20 ullus alius. Si audiſſe ſe dixerit, reddam cum THALETE Mileſio
† reſponſum, qui aiebat verum a falſo tantum abeſſe, quam oculi diſtant
ab auribus, ſentiens eos plerumque mentiri, qui audita non viſa refe-
runt. Aut quid ſi dicam, quod dicat ſe audiſſe, quæ nunquam audi-
vit? Si per divinationem ſit abſecutus, dicat an ex ſortibus, an augurijs,
25 an ex aſteriſmis, an ſomnijs. Sed ex his procul dubio, niſi forte com-
pertum ſit, ex graculorum garritu, εἶπε καὶ ὁ Γραῖω τάλαθῆα κοσκινό-
† μαντις, dicebat ille apud THEOCRITUM.

Habes, Nobiliſſime Domine ROSENCRANTZI, non ex ingratitu-
dine in præceptorem olim meum (quæ enim hæc gratitudo in gratiam
7^r præceptoris commentiri?) || ſed ex candore et veritate, qua amicitia no-
ſtra fundatur, redditum verum teſtimonium contra effictum illud, non
meum de plagio, ut vocas, Liddeliano. Tu hoc exemplo edoctus re-
† cordare tui uſitati ſymboli Νῆφε καὶ μέμνησο ἀπιſτεῖν: tum alias, tum
ſi alij in poſterum de me ſimilibus mendaciorum floccis tuas aures op-
35 plere tentarint, reſerva alteram mihi liberam, quod cum feceris, et
veritas et amicitia noſtra in æviternum ſibi inter nos conſtabunt. His
te Deo commendatum volo. Vale. Deproperatum Stetini, Anno ſalutis
reparatæ CIO IO IIC. II Calend. Aprilis.

N. T. ſemper amicus

40 DANIEL CRAMERUS,
Paſtor et Profeſſor Eccleſiæ et Gymnaſij Stetinenſium.

[E codice Vindobonensi lat. 10702]

CLARISSIMO ET PRÆSTANTISSIMO VIRO 153^v

M. IOHANNI KEPLERO ILLUSTRUM STYRIÆ PROVIN-

CIALIUM IN GYMNASIO GRÆCENSI MATHEMA-

TICO EXIMIO, AMICO SUO PLURIMUM

DILECTO.

GRETZ IN STIRIEN.



RUDITISSIME et præstantissime Vir, Literæ tuæ e Styria 152^r
 Id. Dec. superioris anni ad me datæ circa initia Martij
 per Tabellarium Helmstadio venientem mihi redditæ 10
 sunt, quæ præter doctrinam et humanitatem singularem
 erga me, licet tibi de facie ignotum et longe disitum, te-
 stantur benevolentiam, quo etiam nomine tibi gratias
 habeo. Librum tuum, quem Prodrum vocas Disertationum Cosmo-
 graphicarum, iam ante videram, et quantum aliæ occupationes fere- 15
 bant, perlegeram. Placet is sane non mediocriter, et ingenij tui acumen
 sagaxque studium non obscure hinc elucet, ut de stylo terfo ac rotundo
 nihil dicam. Ingeniosa certe et succincta est speculatio, Planetarum di-
 stantias et circuitus symmetrijs regularium corporum, uti facis, ad- 20
 stringere, et plurima in his satis consentire videntur, non obstante quod
 proportionibus Copernicæ per omnia in minimis quibusque haud ubi-
 que adstipulentur, cum eæ ab ipsis etiam apparentijs nonnihil deflec-
 tant. Quare laudo hanc tuam in excogitandis perquirendisque talibus
 diligentiam. An vero per omnia ijs acquiescendum sit, non ita facile dix-
 erim. Si veriores Eccentricitatum utrarumque in singulis Planetis com- 25
 mensurationes, quales plurimis annis conquistis in promptu habeo,
 adhibeantur, poterint accuratiorem in his trutinam exhibere. Verum
 mihi in complendis et edendis meis operibus Astronomicis, quæ in
 Dania quodammodo imperfecta reliqueram, occupatissimo non sup-
 petit nunc otium, ea accuratiore lima inter se conferendi. Fiet hoc forte 30
 alias. Id autem te scire velim, Eccentricitates ipsas utriusque illius, ut
 sic nunc loquar, Eccentrici, quas COPERNICUS paulo aliter excusa-
 vit, non habere eas adinvicem proportionibus, ut una sit alterius tertia
 pars; veluti ex PTOLEMÆO deduxit. Neuter vero eorum demonstra-
 tum reliquit. Sed hæc aliam inter se habent rationem et in singulis 35
 variant. Neque enim tres acronychiæ observationes, utut inter se in
 Eccentrico (quod præstat) remotæ, sufficiunt ad trium superiorum Pla-
 netarum Apogæa (quæ etiam non paucis gradibus tam ALPHONSI
 quam COPERNICI placita cœlitus eludunt) et Eccentricitates ambas
 ad amußim extricandas; sed per totum orbis circuitum in plurimis lo- 40
 cis hæc experiunda veniunt, veluti a nobis quoque factum est, adeo
 ut

ut etiam tardigradi illius Saturni circuitum expectaverimus. Nam eundem Soli in Ω oppositum ante annos 29. Augustæ Vindelicorum diligenter observavi, quemadmodum et nunc; uti etiam in intermedijs Acronychijs dispositionibus, quotquot habere licuit, in toto Boreali
5 semicirculo nullis omnino prætermiſis, quemadmodum etiam in reliquis duobus Planetis, quorum circuitus minori clauditur tempore. Habeo enim in promptu 35 annorum Observationes cœlestes, inde
† ab adolescentia factas, quarum 25 posteriores magna accuratione pol-
lent: quas omnes non vulgaris thesauri loco conservo, et hinc Astro-
10 nomixæ restaurationem molior. Ut vero de Marte aliquid exempli loco
152^v addam, || cum is maximam ingerat varietatem, atque inter Cœlum et Tabulas discrepantiam cæteris evidentior, scias tantum abesse, ut eius Eccentricitas sit minor reddita (prout voluit COPERNICUS, quo suæ imaginationi circa quietem Solis fidem faceret) ut potius nunc
15 aliquanto maior sit, quam ea, quæ a PTOLEMÆO prodita est, licet discrimine non magni momenti, Apogæo eius quinque gradibus COPERNICI terminos anticipante. Quin et orbis annuus iuxta COPERNICUM aut Epicyclus secundum PTOLEMÆUM non videtur eiuf-
† dem semper magnitudinis, quoad ipsum Eccentricum collatione facta;
20 sed alterationem introducit in omnibus tribus superioribus sensibilem, adeo ut angulus differentix in σ ad Gradum unum Minuta 45. ex-
crescat. Quomodo hæc cum tua speculatione concilianda sint, tute videris. Veneris Eccentricitas multo minor est, quam statuit vel PTOLE-
† MÆUS vel COPERNICUS, et Apogæum eius non est in orbe fidereo
25 fixum, uti hic voluit, sed initia \odot nunc attigit; nec tamen solari (quod in medio sexti gradus hæret) uti volunt Alphonsini, plane unitum. Hæc et similia, quorum plura suo tempore habebis, tuæ alias indu-
striæ excogitationi applicata eam, an undequaque rite constet, probabunt. Ego omnem orbium realitatem, quomodocunque tandem ab-
30 † mantur, cœlo eliminandam censeo. Quod me omnes Cometæ, inde a nova stella conspecti, qui nullius orbis leges totaliter secuti sunt, quidam vero contrarium quid præ se ferebant, indubitanter edocuerunt (ut de refractionibus frustra multiplicatis ex orbium solidorum copia nihil superaddam). Nec poterit Terra annuo cieri motu, ut de librationibus otiosis (neque enim talis est æquinoctiorum præcessio, ut opi-
35 † nabatur COPERNICUS) taceam: utut diurnus plausibiliter ob minorem gyrum illi attribui queat, modo tam gravi et opaco corpori is com-
† peteret, quieti potius, quam motui accommodo. Quare ut tollantur Epicycli, vix alia commodiore ratione Hypotheses ordinari queunt,
40 quam ut circa Solem mobilem sint centra circuituum quinque Planetarum quiescente Terra, et circa hanc revolutis luminaribus et tota octava (uti vocant) Sphæra, eam etiam in meditullio respiciente. Cuius
absceſus

abſceſſus iuxta COPERNICUM in immenſum pene abit, eiufque poſitionem vel hoc ſolo abſurdo infringit. Nec etiam tua cogitata hîc ullam cum cæteris Symmetriam (prout ſimul fieri debuit) admittunt. Oportet autem in re bene proportionata nihil dari inproportionatum, alias tota Symmetria confunditur, et ſuſpecta evadit: præſertim in hoc loco, ubi tam magnum atque evidens ingeritur obſtaculum. Hæc et alia, quæ ſingula commemorare nunc non vacat, me circa tuam inventionem alias ſolertiſſimam, optime KEPLERE, dubium || reddunt. Interim non poſſum non conatus tuos, tam eximios et raros magnificere. Hortorque ut ulterius his animum intendas, deſque operam, ut ſimile quid noſtris hypotheſibus, quas ubi non incompertas eſſe liber ille oſtendit, applicare poſſis, cum pene omnia ijs pariter conveniant. Neque ob id opus eſt, ut orbium ſtatuatur compages ſolida. Sufficit circuitus et remotiones ſiderum inter ſe talem concinnitatem atque harmoniam obſervare. Nec prætereunda eſt octava Sphæra, quin in hoc choro proportionabiliter locum aliquem obtineat. Nullum enim eſt dubium in univerſo omnia certa harmonia et proportionem ad invicem divinitus relata et ordinata eſſe, ita ut tam numeris quam figuris ſuccincte comprehendantur, veluti a Pythagoreis et Platonicis iamdudum aliquatenus præviſum eſt. His itaque ulterius ingenij nervos applica, et ſi omnimodam conſonantiam, quæ nulla ex parte claudicet, et in qua nihil etiam deſideretur, adinveneris, eris mihi magnus Apollo. Quantum ego tuis hac in re arduis conatibus ſubvenire potero, me neutiquam habebis difficilem, præſertim ſi me nunc in Germania degentem et e patria huc cum tota familia, ne tantus ille periret Theſaurus Aſtronomicus, tot annis, laboribus et ſumptibus comparatus, proſectum aliquando inviſeris et mecum coram de eiufcemodi ſublîmibus rebus iucunde et grate contuleris. Vale. Dabantur Wandelburgi in arce Ranzoviana ſemiſſe tantummodo milliaris Hamburgo remota, quam nunc inhabito, et tranſlatis huc e Dania machinis meis Aſtronomicis totaque ſuppelleſtile libraria rebus cœleſtibus non minus quam antea invigilo, et Divina gratia otio fruor Philoſophico. D. 1. April. ſtylo veteri Anno 1598.

TYCHO BRAHE.

manu propria. ||

POSTSCRIPTA.

NESCIO quo caſu acciderit, ut idem Tabellarius, qui mihi tuas Helmſtadio attulit, famoſum quoque et nefarium ſcriptum cuiuſdam feri Urſi potius quam veri hominis, inde mihi ſimul tuis alligatum adportârît. Huius cum impudentes calumnias et infanda mendacia atque convicia, quibus ſupra modum et citra omnem verecundiam ſcatet, obiter percurrerem, reperi etiam ibi tuum quoddam Episto-
lium,
quo

† quo se ornare et sua flagitia tegere nititur. Quod cum perlegissem, miratus sum te eum tanti facere. Sed errorem excusavi, quod non nisi auditu et scripto isto, quod Fundamentum vocat Astronomicum, hoc faceres. In quo fere nihil habet quod suum est. Omnia potius alijs surrepta et prærepta, prout facere consuevit. Et plagium quod ego ipsi imputo in meis Hypothesibus, non saltem error crabus, quem in delineatione Martij orbis commisit, sed et multa alia, quæ suo tempore pandam, evincunt. Estque etiamnum apud me fasciculus quidam eorum, quæ quando Nobili cuidam Dano meo affini inserviens anno 84 cum eodem Uraniburgi adebet, clam descripsit. In quibus non dissimilia egit. Ego sane hanc Hypothesium rationem iam longe antea excogitaram, nec eam libro de Cometa Anni 77 inseruissem, nisi tales Plagiarios, quibus hæc apud me innotuerat, veritus fuissem. Quare et hoc miror, quod eius voces Hypothesin, cum et in libro tuo et literis hisce eam mihi (nec immerito) attribuas. Interim etiam magna eius prædicas Elogia, utinam non Hyperbolica! In titulo vocas eum Mathematicum nobilissimum (qualis sit Mathematicus, non dixerim, Nobilitas eius, si genus spectes, est ex rusticis Dithmarsis, qui eum etiam fastidiunt). Ais deinde Illustrissimam eius gloriam ipsum tibi notum fecisse, qua Mathematicos huius ævi tantum præcedat unus, quantum Phœbeius orbis minuta sidera. Plura addidisses, si tempus ferret. At quam competenter etiam ulteriora excusas, quod Mathematicorum non sit garrulitas. Nescio an tale quid tunc apud te tacite senseris, genio sic suggerente. Præterea quod omnes Docti magni ipsum faciant, eum præceptorem appellas, hypotheses meas illi tribuis. Et tandem concludis, ut sideribus (quorum permodicam habet notitiam) et scientiæ, quam sibi hinc inde (si qua est) corradit et suffuratur, tanquam decus Germaniæ valeat. Talia de ignoto inconsiderate scripsisse videris: quæ ego quidem nullatenus moror. Imo mallem vera esse, vel aliquem eiusmodi dari, cui tanta in Astronomicis et Mathematicis competere Elogia. Ego non ultimus essem, qui eius celebraret gloriam. Non tamen supra PTOLEMÆUM aut COPERNICUM, aliosque eximios viros, qualis in Germania MÆSTHLINUS nunc est, efferrem, nisi dignum fore satis perspectum haberem. Sed sint hæc qualiacunque velint, id equidem non arridet, quod tua sic in libro isto contra me maledico abutatur Epistola, ut hac quasi se purgare, atque quantus sit, quamque multum ipsi tribuendum (si Dijs placet) probare velit, se ipsum ita nimium extollendo et sibimet placendo atque alijs tacite detrahendo. At quoniam in iuventute ea per ignorantiam scripsisti, nec forte existimâras eum unquam literas illas publicaturum, nedum ut ijs in aliorum despectum et contumeliam unquam abusus foret, idcirco est, cur hæc placidius feram. Cuperem nihilominus ut primo quoque tempore apud me declaratum

claratum relinqueres, an tibi gratum sit quod sic fecerit, et quid de scripto isto virulento sentias, tum quoque alij Eruditi, ad quorum manus illud pervenit. Neque enim dubito, isthuc perlatum, siquidem Pragæ excusum sit, suppresso tamen Typographi nomine, uti fit in famosis libellis. Plura de his non addo. Nec enim digna sunt, ut multis revocentur. Tuum est hæc ipsa obiter subiuncta candide interpretari et schedam hanc Vulcano tradere. Iamque iterum et sæpius Vale. Datum ut supra in literis.

T. B.

[Ex apographo in Archivo Regni Daniæ: Arch. priv. Tych. Brah.]

TYCHO BRAHE AD ANDREAM SEVERINI VELLEIUM.

S. P.



LARISSIME et eruditissime Domine Magister ANDREA, veteri amicitia mihi iunctissime. Scripsi ad te ante aliquot hebdomadas per tabellarium quendam Ripensem, qui semel atque iterum hîc fuit, et inter alia de victualibus isthic in meum usum conquirendis denuo admonui. Nec dubito eas te recepiße litteras, utut altum agens silentium nihil interea responderis. Quod tamen te facturum existimabam, si non prius, saltem circa hoc tempus, cum boum mercatores inde Hamburgum frequentes veniunt. Rogo itaque ut id, quod omisum est, emendes, atque de victualibus procurandis quæ spes sit, indices. Scripsi denuo ea de re ANDRÆ SEVERINI, civi isthic primario, qui suam mihi hoc in negotio dudum addixit operam. Spero ipsum suo officio non defuturum. Tu tamen nihilominus, quantum in te est, fac ut desiderijs meis respondeat eventus, nec tot pollicitationes nimium frustra. Adhortare etiam amicos et consanguineos meos per occasionem, si quos faventes et fidos inveneris, ut mihi iam extero, et amplam hîc in summa annonæ caritate alenti familiam id præstent officij, quod sibi vellent, si eorum talis eßet conditio. A sorore MARGARETA, quam mihi non defuturam putabas, ne verbum quidem accepi, licet bis illi scripserim, vix tertio facturum. Scio quidem victualium exportationem severe isthic prohibitam eße; attamen non me indigenam Regni Nobilem, sed mercatores hoc edictum concernere crediderim, nisi forte odio mei id fiat. Quod quomodo in Patria promeritus sim, ignoro. Id tamen scio, me isthic ultra tonnam auri insumpsiße, ut eius honori studerem; et quod plus est, prorsusque irreparabile, viginti unum Annos de potißima ætatis parte isthic non satis commode contriviße. Quod quam maxime doleo. Nec mihi hæc temporis et ætatis iactura evenisset, nisi ab optimo et laudatiß. mem. Rege FRIDERICO ita

ita persuasus fuißem, cui et Patriæ id concedendum ratus sum. Neque enim ullo modo persentiscere tunc potui, me nihil aliud quam invidiam, odium, calumnias et fraudulentas persecutiones inde reportaturum, unâ cum rei familiaris non exigua iactura. Sed ita est, uti nuper
5 ad me clarissimus ille IACOBUS MONAVIUS Vratislavia perscripsit,
† inter alia hunc Kluppelhardum addens: »*Est, erit atque fuit Vndanck in fine laborum*«. Imo is et altius ea quæ mihi in patria evenerunt, si non nimis hyperbolice exaggerans, in hæc verba prorumpit: »*Sed et hoc mihi incidit: Quid si mundus hic non sit dignus istis Atlanticis bonis et donis nostri TYCHONIS. Etiam hoc cogitavi: quid si hæc*
10 *Τύχη, quæ Domino TYCHONI contigit, nunciet instare finem mundi? Utut sit, adhuc valde dubito, tuamne vicem an Patriæ potius tuæ, imo totius Reip. Christianæ magis dolere debeam*«. Moxque addit: »*Miratus sum Regem nihil voluisse conferre in hæc studia*
7v *Regibus et eorum subsidijs atque adiumento dignissima,|| qui tamen nuper tantos sumptus fecit in coronationis festo. Aliud fuit iudicium ALPHONSI, imo aliud etiam ipsius patris FRIDERICI*«. Hæc et similia non saltem ille sed et multi alij viri in Germania atque alibi cordatiores et mihi et sibi invicem de me meisque rebus sæpius scribunt.
20 Ego vero invite fero quod Regi meo serenissimo et toti Patriæ imputentur ea, quæ paucorum machinata est perversitas, ab unico et veteri meo olore, quem tute nosti, de quo etiam ex Anglia mihi relatum est, præstantibus viris ibi innotuisse eum has turbas ex inveterata contra me invidia subdole et Machiavellice solum movisse, idque per alios,
25 cum ipsemet par non esset, proficiscens. Quod et multis Germanis, nescio quibus indicijs innotuit; adeo ut vel sic (si non satis ante) famosus evadat. Ego semper Regem et Patriam, omnes in ea probos et integros viros excusare soleo. De cæteris taceo, et dissimulo ad tempus. Omnia succeßive et per intervalla suam sortiuntur maturationem et fructuum
30 edunt specimen, ut quivis ea quæ levit, metat. Sed valeant ista unâ cum istis.

Tu vero mi amantissime Domine Magister ANDREA me, prout antea constituißti, hîc invise, ut semel adhuc, siquidem sæpius non liceat, nos invicem intueamur et colloquamur, antequam disiungamur longius.
35 Hyems nunc non obstat. Est inter Pascha et Pentecosten iucundissimum Anni tempus et profectionibus imprimis aptum. Valetudo si qua tibi est remissior, motu corporis inter peregrinandum et aëris mutatione recuperatur potius quam infringitur, cum quies illi minus conveniat. Nihil igitur aliud obflare poterit, quin post paucas hebdomadas hîc
40 adsis, quam cura domestica et parsimonia; domui satis uxor providebit. Et maior est in amoris constantia parsimonia Amicum veterem negligere quam aliquam pecuniulæ partem, quæ refarciri potest, atque alias
7
interdum

interdum profluit? Dedi etiam literas eodem tempore ad CHRISTI-
ERNUM LANGIUM quo ad te, cuius filius etiamnum mecum est, et
ne quidem ab illo quidpiam responsi accepi. Adest iam tempus ad quod
usque filium eius in meam familiam me recepturum addixi. Vellem
itaque ut Parens se, quid in posterum de eo agi velit, resolveret. Est qui- 5
dem is satis modestus, et quantum ego scio, honeste se gerens, attamen
hisce sublimioribus, quæ ego tracto studijs, minus idoneus. Nescio an
alijs. Neque ea quibus ego incumbo, ipsi in posterum multum usui esse
poterunt. Oportet enim in ijs excellere, si quid hinc emolumenti spe-
randum. Effice igitur ut Parens mihi mature de sua voluntate scribat. 10
Alterum quoque LANGIUM IOHANNEM per literas suadente OLI-
GERO ROSENKRANTZIO nostro sollicitavi, qui etiam nihil rescrip-
sit. Miror vestram taciturnitatem, cum ego multo forte pluribus onustus
occupationibus responsione non superfedeam, undecunque tandem ad
me perferantur literæ, quod creberrime fit ex varijs Europæ locis, sed 15
nihil novi est me a meis in Patria negligi, apud externos non item.

Vale et si potes audesque, veni, nihilque metue, res enim caret peri-
culo. *Stans tegor in solido, ventus strepat, ignis et unda.* Saluta ex †
me uxorem tuam unâ cum alijs amicis Ripensibus. Dabantur Wandef- 20
burgi die 10. Aprilis Anno 98.

Tuus TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

GEORGIUS ROLLENHAGIUS AD TYCHONEM BRAHE.

S.



OBILISSIME et Doctissime TYCHO, habui iam per
annos aliquot in aula Cæsareæ Maiestatis inter appari-
tores præcipuos affinem Lunæburgensem CASPARUM
LEHMANNUM sculptorem quidem gemmarum ex 30
profeßione, sed interim omnium rerum admiratorem,
inprimis Astrologiæ. Ea de causa cum me amicus co-
lat, interdum quoque invisat, ut ante septimanas non ita multas fecerat,
incidit in sermones privatos obiter URSI Dithmarsii mentio, quem di-
cebat titulum iam habere Cæsarei Mathematici, etiam si et vestitu et 35
vita urfus sit, libello quoque privatim aliquibus dato, te indignis ex-
agitare modis. Rogavi itaque hominem, ut eum libellum mecum com-
municaret, quod fecit. Sed incuria cuiusdam mei amici, cui mandaram,
ut præcipua inde capita enotata mihi occupatissimo describeret, in ali-
enas manus incidit, perijtque nobis prorsus, donec pridie Paschatos, 40
quo

quo tuæ ab Hamburgensi mihi reddebantur de consilio cum Cæsare contrahendæ notitiæ, Praga reversus est nuncius meus, aliudque exemplar earundem calumniarum secum, ut scripto ab affine meo peteram, attulit. Quod si vidißes, fieri non posse arbitror, quin aliquam eius
 5 in literis ad me tuis mentionem fecißes. Sic per me exemplar primum
 † accipis. Quæso considera insigne exemplum Regulæ Ciceronianæ, ||
 1^v eum, qui semel verecundiæ fines transgressus sit, bene et gnaviter impudentem esse oportere, neque tamen propterea SOCRATEM asinum se calcantem ad iudices traxiße, neque ARISTOPHANI publice ipsi in
 10 os maledicenti maledicta regeßiße. Legi pro hac mea ætate multa veterum et recentium Philosphorum certamina, etiam de rebus maxime inter ipsos controversis, nunquam vero scriptum insolentius, impudentius, quod haud dubie non parum te irritabit, ut sane contentiones dignitatis sunt acerrimæ. Sed quid facies? Hoc scio profecto, quod si
 15 cum stercore certo, vinco vel vincor, semper ego maculor. Ut itaque generosi equi canum latratus non relatrando et mordendo, sed animose prætereundo ulciscuntur, ita prudentiß. quique Eruditorum maledicentißimos oblatratores silentio ulti sunt. Et licet hi suos invenient subinde approbatores (stultis enim stulta placent, et gaudent aulæ monstris)
 20 tamen dicere ipsas adversitates lubet . . . decus. Tædebat me quondam in Berlinensi aula dominari TORNEISSERUM hominem illiteratißimum, nos vero cives in literis educatos ut umbras contemni, deque consignatis aliquot problematibus, volebam præsentem Illustriß^{mo} Electore vel Germanice cum ipso conferre. Utebar ad eam rem LEVINO
 25 a Schullenburg nostro Decano. Legebat meas quæstiones Elector, meque patienter audiebat. Tandem dicebat intelligere se eius ineptias, 2^r
 neque quicquam ab eo medicamento || accipere. *Was schadets aber das der Kayser ein Elephanten hatt?* Itaque me ad cænam iußit adesse, dedit quoque veniam privatim cum TORNEISSERO postridie
 30 colloquendi, sed is mihi nunquam erat domi. Sic didici magnates nostros non tam quærere veritatem quam opinionum pompam. Quod monstrum plures habet spectatores, quam genuina corporum forma. Sic fortassis in illa quoque aula, de qua scribis, hic SIMON MAGUS imprudentium animos dementavit, ut existimetur esse aliquid magni.
 35 Quare prudenter id periculi tentandum est. Alias Colonienfis ille vere generosi est animi et prorsus politici, qui quærit imperij pacem, et illustrare apud posteritatem nomen, nec dubites, quin facile eum habeas amicum; sed an utilem, ideo incertum est, quod longißimis itineribus et summis Imperij negotijs est occupatißimus. In aula ipsa qui iam sint
 40 politioribus literis imbuti, ignoro, olim CRATO et Dominus CURTIUS Musis nostris aditum liberrimum ad summam Maiestatem concedebant. Is, qui rerum summæ præest, amat mathemata, et Vulcani officina-

nam, ut audij, inprimis si Magistrum nactus fuerit candidum. Sed hæc Deo curæ erunt, et albis puellis, ut ille inquit. Affinis tuus ERICUS LANGIUS ex Haßia ad nos redux iam diversatur Wandio in comitatu Mansfeldensi apud IOHAN. ERNESTUM ab Aßaburg nobilem potentem et eruditum; distat is locus hinc decem milliaribus. Si volueris illi scribere, efficiam, ut literas tuas obtineat. 5

GEORGIUS ROLLENHAGIUS.

[Ex apographo in Ioannis Kepleri *Operum omnium* ed. C. Frisch vol. I (Francofurti et Erlangæ 1858) pp. 44—46; cf. codd. Guelferbutanus 15. 3 Aug. in 2° fol. 317 et Monacensis lat. 1607, fol. 110] †10

CLARISSIMO ET PRÆSTANTISSIMO VIRO
DOMINO M. MICHAELI MÆSTLINO, MATHEMATICARUM
ARTIUM INSIGNITER PERITO, EARUNDEMQUE IN
INCLYTA ACADEMIA TUBINGENSI PRO-
FESSORI CELEBERRIMO, MIHI
PLURIMUM DILECTO.

15

TÜBINGEN.

S.



NNUS iam agitur decimus, eruditissime et præstantissime MÆSTLINE, ex quo quidam e meis domesticis, qui aliquandiu mihi in rebus Astronomicis inservierat, exemplum tuarum literarum Tübingâ ad se datarum in Daniam mihi transmisit, quibus pollicebaris, te librum nostrum de Cometa anni 77 tibi ab eodem communicatum diligenter perlecturum, tuamque de eius contentis sententiam conscripturum, atque mecum de eis per literas collaturum, quas te Marpurgum ad eundem mittere decrevisse, ad me postea procurandas innuisti. At ego tot interlapsis annis, neque hac de re aut quapiam alia, negotium Astronomicum, quo utrinque afficimur, concernente, ne verbum quidem a te accepi, siue scripto, siue aliorum indicatione, qui isthinc venientes me Uraniburgi, dum adhuc in Patria degerem, inviserunt. Existimaßem equidem te ob communia nobis studia scriptione aliqua saltem tot interlabentibus annis non superseßurum, præsertim cum id facturum sponte in te receperis. Ne vero ego ob id tecum per literas, siquidem aliter non liceat, familiaritatem contrahendi omnem occasionem respuiße videar, quod ab humanitate et exercitijs, quibus delectamur, sublimioribus alienum foret: en nunc prævenio, et ad scribendum respondendumque ultro te invito: data nimirum hac commodiore, qua nunc fruor, oportunitate, quam antea in Dania, ex quo in

20

25

30

35

in arce quadam Ranzoviana, dimidio saltem miliari Hamburgo remota, nunc habitem, unde in varia, non saltem Germaniæ, sed totius pene Europæ loca creber et commodus datur nuncius. Si itaque quid habes, de quo mecum in rebus Astronomicis, sive Cometicum illud
 5 negotium, sive quidvis aliud concernat, conferre libuerit, invenies me pro meo modulo, et quantum hæcenus in ijs aſequi licuit, ad respondendum non difficilem.

Allatum mihi nuper eſt eruditum quoddam ſcriptum Mathematici excellentis IOANNIS KEPLERI e Styria, in quo revolutiones Planetarum ſecundum formam Coperniceam ad 5 regularia corpora harmonice redigere ingenioſa ſane ſpeculatione conatur, qua etiam de re nuper ad me perſcripſit, egoque illi, quantum præ occupationum mole licuit, meam viciffim de talibus aperui ſententiam. Video autem te in eodem libro de Hypotheſi a nobis ante annos complures adinventâ nonnulla quaſi dubitanter adferre, cum promiſcue eam etiam alijs tribuas, plagiaſijs forte meis nimium auſcultans, tum quoque plura de eadem inferens, quæ ſi conſideratius expendiſes, et ſententiam noſtram atque omnes occaſiones huius Hypotheſeos conſtituendæ undique perſpectas habuiſes, hæſitationibus eiufcemodi forte ſuperſediſes. Atqui ego, ſi tibi quid in hac inventione ſcrupuli reſtet, id amovere atque penitus rem omnem explanare paratus ſum, quod etiam res ipſa docebit, ubi Planetarum motus ad eam normam a nobis adeo accurate expanſos cognoveris, ut nihil ſit, quod ſenſus amplius requirant, utut tu in eodem libello de Aſtronomiæ correctione non ſaltem dubitare, ſed et animum abijcere videaris, licet antea aliter ſpem feceris. Si ab anteriore per corpora iſta regularia dimenſione factâ, ea reſtituenda erit, potius quam ex accuratis obſervationibus a poſteriori ſumptis, veluti inſinuas, utique nimis diu, ſi non prorſus in perpetuum fruſtra expectabimus, antequam tale quid a quoquam præſtari poterit. Cum
 30 enim iſtorum regularium corporum dimenſionis explicatio, ſi omni ex parte admittenda foret, obſervationibus antecedentibus niti et comprobari debeat, nec etiam particularia quæque præter generaliora illa, utcunque ſe habentia, hinc ea qua opus eſt præciſione derivari poſunt, quod te non latere arbitror. Neque etiam adhuc ſatis extricatæ ſunt
 35 Planetarum biformes inæqualitates, quas duplici eccentrico vel circello excuſant. Ignoratur enim iuſta harum proportio, ut de Apogæis non dicam longe aliter ſe habentibus, quam fert non ſaltem Alphonſina, ſed et Copernicea ratiocinatio. Quin et annua illa diverſitatis evidens inſinuatio necdum ſatis comperta eſt, ita ut undique ſuis numeris abſolute conſtet, ut ob id e Coperniceis proportionibus circulo-
 40 rum hæc ea, quæ requiritur, ſubtilitate rimari invium ſit; qua etiam de re erudiſſimum KEPLERUM per literas admonui, et in Marte,
 ubi

ubi hæ differentiæ magis sunt sensibiles, exemplum indicavi. Verum de his et similibus nimis prolixum foret hîc singula exequi.

Ubi opera mea Astronomica lucem publicam viderint, quod nunc magnis viribus nec minoribus quam antea in Patria urgeo, perspicias, uti spero, rem Astronomicam aliter quam putatur redintegrari posse, et me non contemnendam in ea locasse operam; quare de his plura nunc non addo. Aliud quiddam est, etsi minoris momenti, quod tamen ad negotium hoc omnimode exequendum non parum conducit, pro ea videlicet, quam meridianorum ingerit in rotundo Terræ globo alteratio, diversitate necdum satis accurate explorata, de quo tecum agere averem. Si itaque aliquot Eclipses, præsertim Lunares, isthic exquisita diligentia præteritis annis observatas habes (de quo non dubito) earum momenta per observationum etiam circumstantias mecum mature communices velim, quo collatione facta cum 20 aut pluribus Lunæ deliquijs a me non paucis iam transactis annis diligenter consideratis conferri queant. Existimo me aliqua inter ea, quæ ego denotavi, inventurum, quæ etiam a te isthic observata sunt, atque hinc meridianorum intercapedo, aut ad minimum ductus alicuius meridiani per certa quædam Germaniæ loca pervestigari poterit, præsupposito nimirum quodam cognito ad rationem eam, quam PTOLEMÆUS et COPERNICUS assumerunt. Hoc si mihi præstiteris officij, rem non saltem gratam, sed etiam Astronomiæ promotioni non inutilem effeceris. Idem quoque apud alios, quotquot novi cœlestibus apparentijs fideliter attendere, qui sane perpauci (quod dolendum est) existunt, experior, ut certi quid in his, quoad licuerit, statuatur. Ad ultima duo luminarium deliquia, quæ in Febuario proxime elapso contigerunt, te sedulo attendisse non dubito; quare eorum etiam momenta et phases isthic animadversas indica. Lunæ Eclipsis, quæ 11. eius mensis die contigit, hîc ubi polus elevatur $53^{\circ} 35\frac{1}{2}'$, principium habuit, quando superior Lunæ limbus attollebatur supra horizontem 24° fere. Hinc tempus provenit, adhibito viso loco Lunæ iuxta nostram restitutionem et refractionum impedimento sublato, H. 4. 14' post mediam noctem antecedentem. Finis deliquij infra horizontem evenit. Visa autem est Luna ferme tota offuscari, minima eius portiuncula ab umbra Terræ libera existente. Solis eclipsatio, quæ 25. die accidit, hîc, quantum inter recurrentes nubes animadvertere licuit, initium habuit H. 9. 52' A. M. per Armillas Æquatorias 6 pedum in diametro (nam Instrumenta mea Astronomica huc in Germaniam e Dania, ut conscius sis, transtuli) temporis momenta denotando. Medium eius, uti neque finem, ob crassiusculas et continuas nubes intervenientes conspiciere non dabatur. Conveniunt hæc tempora in utraque Eclipsi satis præcise cum nostro redintegrato calculo, ex 18 Lunaribus et 6 Solaribus prius subtiliter denotatis eclipsationibus depromto,

depromto, ut de alijs hincinde sæpenumero expensis amborum luminarium motionibus huc etiam conducentibus nihil addam. Quantitas corporis Solaris Lunæ interventu offuscati debuit iuxta mea ratiocinia
† eße digit. 10 $\frac{3}{4}$ in hoc horizonte, idque a superiori parte, cum calculus Coperniceus et phasin et momenta huius obscuracionis aliter exhibeat, uti
5 et in Lunari Eclipsi tam is quam Alphonsinus nimium cis et ultra exorbitârunt. An deliquij Solaris magnitudinem nostris numeris recte attigerimus, iudicent illi, qui eius medium sereniore aura usi conspexerunt. Id vero sciendum est, Lunam in novilunijs eclipticis non apparere ea
10 magnitudine, qua alias in plenilunijs, utut in eadem fuerit a Terra remotione, sed quasi pro quinta parte eam certis de causis alibi referendis constringere; unde fit ut Luna nunquam totum Solem prorsus obtegere queat, etiam si centraliter quoad visum interponatur, lumine Solari
† eam aliquali adhuc vestigio ambiente, quod et in hoc ultimo deliquio
15 animadvertere poterant illi, quibus maxima offuscatio patuit. Oportuit enim tunc Solem de Lunari corpore utrinque plus includere, idque corniculatim, quam linea per diametrum ducta exigebat, utut Lunæ diameter tunc fuerit iuxta nostrum etiam calculum 34 $\frac{3}{4}$ ’, apparere autem apud Solem non potuit maior quam 28, quam limitationem a ne-
20 mine antea animadversam cognovi, sed in aliquot Solis observationibus, cum tam a superiore quam inferiore parte tegetetur, sic me docuit
† experientia. Tuum erit, excell. MÆSTLINE, quid in his et similibus compertum habeas, mihi etiam aperire, atque in posterum iucundam inter nos de rebus Astronomicis collationem, quam et ego non invite
25 admittam, exercere. De Eclipsium autem, potissimum Lunarium, a te subtiliter animadversis momentis me, quam primum fieri queat, certiores redde, ut correctionem longitudinum, de qua dixi, quam brevi in quadam tabella adornare constitui, tam hinc, quam ex alijs quibusdam aliunde conquisitis indicijs eo promptius expediam. Iam vale, v.
30 cl. et de rebus Astronomicis laudabiliter merite, in quibus etiam expoliendis et locupletandis ut in posterum perseveres, te adhortor. Ubi rescripseris, effice, ut literæ quocunque tandem viarum ductu, sive per Norimbergam, sive aliquam aliam celebrem Germaniæ urbem Hamburgum perferantur, in hospitium isthic meum, quod est apud HERM.
35 REUTTER sub signo coronæ aureæ, sicque eas me certo obtenturum non ambigo. Iamque iterum et sæpius vale. Dabantur Wandelsburgo die 21 Apr. 1598.

TYCHO BRAHE,
manu propria.

40 Cum intellexissem Tabellarium toto hoc die Hamburgi moraturum, curavi exemplum literarum KEPLERI ad me unâ cum meo responso describi, hisque adiungi, quo de earum etiam contentis certior fieres: ubi plura huc facientia invenies.

[Ex

[Ex apographo in Archivo Regni Daniæ: Diplomatario Langebekii]

TYCHO BRAHE AD THADDÆUM HAGECIUM.

Post scripta ad D. D. Thaddæum Hagecium.



N alteris tuis, optime mi THADDÆE, facis mentionem
 istius calumniatoris Ditmarfici, quodque eius scriptum
 maledicum in Daniam ad me mitti, antequam in Mora-
 viam abires, procuraveris, mihi significas, quo maturius
 id obtinerem, pro qua tua in me benevolentia gratias
 habeo. Famosum istum libellum non quidem inde ac-
 cepti, nescio, an eo pervenerit, literæ enim solæ absque libro mihi red-
 ditæ sunt hîc Wandelburgi, e Dania transmißæ; attamen ante paucos
 dies istum a quodam studioso Helmstadiensi mihi mißum accepi. Ex-
 istimas tu quidem, me ad omnia percommode responsurum, quod eti-
 am mihi foret quam facilimum. Verum ego cum tam impudente con-
 viciatore, qui omnes verecundiæ limites transilijt, et totus calumnijs
 et mendacijs scatet, verba commutare mihi probrosum duco, neque
 enim dignus est, ut in scriptis meis nominetur, nedum refutetur. Erit
 forte alius, qui pro me tum quoque ROTHMANNO, bonæ mem. id
 faciet, eiusque effrenem maledicentiam retundet. Ego vero eum non
 verbis sed verberibus dignum censeo, et iuxta leges puniendum, quod
 contra Imperij constitutiones, tam famosum, impudens et meris nugis,
 mendacijs et malitijs refertum scriptum in publicum edere non sit veri-
 tus, et nihilominus Cæsaris Mathematicum in frontispicio se profitetur,
 nec tamen Typographi nomen subiungere audet, uti sit in famosis li-
 bellis. Constitui itaque, modo cum bona Cæsaris venia, uti spero, id
 fieri queat, istum || pessimum blateronem in ius vocari curare, et publice
 plagij iniuriarum et mendaciorum accusatum et convictum legibus
 coerceri et puniri, tum quoque Typographum, qui tam scurrilia im-
 prebit citra ordinationes Imperij, mulctari, totumque illud scriptum
 uti meretur irritum reddi, auctorem vero, unâ cum Typographo, quem
 tu facile nosti, istic re et corpore in arresto detineri, donec res iure de-
 cisa sit. Interim ad præcipuas Germaniæ Academies tam Pontificias
 quam alias scriptum istud mittam, et earum censuram, adiuncta mea
 declaratione, exquiram, quæ omnia postea in ius proponam. Quid
 Helmstadiensis Academia de hoc iudicet, ex ijs, quæ studiosus ille unâ
 cum libro transmißo ad me perscripsit, videre est, quæ est eiusmodi:
*»Rerum novarum hîc nihil est, nisi verum et ferum istum Ursum
 non hominem (cuius librum hîc quidem non venalem, sed a magno
 quodam viro acceptum, vobis mitto) pro suo ingenio in vos debac-
 chatum esse, qui, quod vobis gratulamur, sui ipsius ore suam pro-
 didit*

didit inscitiam, et innata verborum virulentia ac canina calumni-
 andi rabie vestram probe ultus est iniuriam, utque doctissimus noster
 CASELIUS, cæteraque Professorum cohors attestatur, quod im-
 puro suo scripto de doctorum virorum cœtu plane se exemit, nec
 5 dignus est, ut Cæsaris amplius vocetur Mathematicus, nedum ut
 sit. Sed næ ego desipio, qui γλαῦκας εἰς Ἀθήνας. Introspectiatis! Brunf-
 2^r vicenssem Cancellarium Pragæ fuisse, vere ad || vos delatum est,
 URSUMque exemplar sui operis illi obtulisse, quo pravi ingenij
 scurrili specimine statuit hîc professionem ambire atque impetrare.
 10 Sed ut Cancellarij humanitatis erat, oblatum librum non renuere,
 ita sapientiæ, tam impurum scriptum plane improbare et irridere,
 quod etiam ab Ill^{mo} nostro (uti ab aulico mihi coniunctissimo certo
 comperi) prorsus damnatum est, adeo ut eius indignitas muneris
 alicuius illi apud nos deferendi Illustrissimo cogitationem plane
 15 ademit. Nos illius torfa in se tela lætamur, vestramque virtutem a
 tali gregario milite invictam, ut novum quiddam non miramur,
 qui, si vos isthic agere intellexisset, haud dubie ut in alijs omnibus
 discessum e Dania exilij convitio calumniose perstrinxisset. Sed
 huius monstri calumnias nunquam melius quam silentio retunde-
 20 tis, non enim dignus est ira Cæsaris. Hæc ille, et postea in post-
 scriptis quibusdam de DUNCANO LIDDELIO Scoto Professore ist-
 hic agente, quem meas sibi publice arrogasse Hypotheses, quas tamen
 a me, cum in Dania semel atque iterum mihi adebet, didicerat, fama
 percrebuit, ideoque scire avebam, an res ita se haberet, nec ne, sic pro-
 25 loquitur: »Maxima diligentia inquisivi de vestris hypothesibus, an
 DUNCANUS eas sibi arrogaret, nec potui intelligere ex ijs, qui
 quotidie cum illo conversantur, eum nunquam ausum fuisse eas
 appellare suas hypotheses, quod etiam in publicis eius prælectioni-
 2^v bus nunquam audivi. Scit bene se obtinere non || posse, ut fides ei
 30 adhibeatur, sed aliquoties dixit de suo conterraneo CRAIGO, licet
 saltem privatim apud suos familiares, quem suum vocat Præcep-
 torem, quod vos aliquando scripsistis quædam contra illum, in qui-
 bus illum mancipium ARISTOTELIS appellatis, quod eum male
 habet. Ille, cum Rostochij privatim doceret, vestras Hypotheses
 35 Tychonianas appellavit, nec pro suis venditavit, qui satis est con-
 scijs a nemine esse excogitatas, antequam vos eas invenissetis,
 quia in Dania eas a vobis intellexerat, diu antequam URSI istius
 Ditmarsici plagarij vestri Fundamentum Astronomicum (si dijs
 placet) evulgatum est, ubi iste perfrectæ frontis URSUS hanc in-
 40 ventionem, quam tamen non satis capere videtur, sibi attribuere
 non erubescit, quam procul dubio apud vos habuit, cum ante mul-
 tos annos Nobiliss. viro ERICO LANGIO serviens, Uraniburgi
 cum

*cum dicto ERICO per multos dies mansisset. De hoc URSO, cum DUNCANUS maledicum in vos scriptum vidiſet, licet vobis ob suum conterraneum et præceptorem CRAIGUM non valde faveret, sic dixit: Se satis mirari non poſſe iſtius URSI impudentem audaciam, et quod nulla honeſtas, nulla modeſtia, nullum virtutis 5
vestigium in eo reperiatur, quod omnes etiam docti coguntur fateri, et aiunt: ipſum evacuaſſe omnis impudentiæ poculum, ipſumque valde, uti et meritis eſt, execrantur, neque poteſt honeſtus animus cordati cuiuſvis viri aliud in poſterum ſentire de iſto impudenti URSO, quam ipſum omnes verecundiæ limi-||tes ſupra modum 3^r
exceſſiſſe, neque dignum, ut in conſortio honeſtorum virorum amplius verſetur.«*

Hæc nimirum eſt Helmſtadienſium Profeſſorum de URSO iſto Ditmarſico ſententia, cui plures etiam Academiae non difficulter adſtipulabantur, et quotquot ſunt Hamburgi viri docti, ad quos infamis iſte liber 15
pervenit, non meliori Elogio auctorem ornant. Hæc vero ob id tibi paulo prolixius refero, dilectiſſime THADDÆE, quod ſciam tibi etiam tam inverecundum et ſceleſtum facinus diſplicere, rogoque ut rationem in eas, mihi que tuum conſilium aperias, quomodo iſ abſque Cæſaris offenſa de iure caſtigandus ſit, neque enim ad tot tantaque convitia at- 20
que calumnias ſalvo honore meo prorſus ſilere decet, cum non ſaltem me, ſed et domum meam honeſtiſſimam, de qua fama hæcenus verita eſt aliquid improbi loqui aut ſentire, ſcurrilibus mendacijs et infamationibus proſcindere non erubelcat, multaque alia, quæ piget referre, ſingula tamen ſuo tempore, in ipſum, prout meretur, retorquenda; ſed 25
hæc aliquantiſper diſſimulanda cenſeo, donec in altero negotio, quod longe maioris eſt momenti, ex voto, uti conſido, omnia tranſacta fuerint. Iſta alia ſuam bene invenient occaſionem, præſertim ubi Cæſar, cum rectius noverit et clam apud Ducem Brunſvicenſem Profeſſionem in Academia Helmſtadienſi ambiviſſe, aut repulſam paſſum eſſe reſciverit. 30
Nec etiam ea, quæ in eodem ſcripto circa calcem habet, || admodum 3^v
honorifice de Cæſare, cuius ſe iactat Mathematicum, prolata videntur, ubi ſuam penuriam, ſibi que nihil dari, et neſcio quæ alia in Reges et Principes ſcommata ſeu potius convitia exaggerat. Os enim ex eo abundat quo cor repletum eſt. Velim itaque, mi THADDÆE, ut in hoc quo- 35
que negotio tuum mihi ſignifices cum conſilio iudicium, et quomodo Eruditi atque honeſti viri iſtic tam in aula quam urbe ſcriptum illud æſtiment, et an Cæſari tale quid innotuerit, atque utrum placeat vel diſpliceat, tum quoque ut de Typographo, quæ ſcire opus eſt, cognoscas. Feceris mihi hac etiam in parte rem imprimis acceptam, et nihil ad- 40
dubito, quin tuo hîc non ſis deſuturus officio, cum ſciam te non minus ægre ferre ea, quæ in me evomuntur, maledicta verba, quam ſi eiufce-
modi

modi quid tibi ipsi contingeret, velut et ego in te semper pari affectus sum animo. Vale.

Hæc Mathematicum quidam Professor Wittebergenſis, M. MELCHIOR IÆSTELIUS ſcripſit ad CHRISTIANUM SEVERINI LON-
5 GOMONTANUM, meum antea Studioſum, qui ſic habet:


De RAYMARI nuperrime in te impudentia et debacchatione per librum quendam ſuum recens, ut intelligo, editum ſparſa, idem IÆSTELIUS literis ſuis ultimis ad me miſiſ hæc ſubiungit:

»Pervenit ante paucos dies ad manus meas libellus quidam RAI-
10 MARI, in quo toto non tam ſophiſtice quam ſcurriliter in Generoſum Dominum TYCHONEM invehitur. Etſi autem certum eſt, neminem ſanum aut cordatum hoc probaturum, Generoſum item equum non curare latratum canum, tamen minime dubito, quin ſaltem coquus Domini TYCHONIS futilitatem et virulentiam ip-
15 ſius retundet.«

[Ex apographo in Archivo Regni Daniæ: Diplomatario Langebekii]

1^r GENEROSO ET VIRTUTE AC LITERIS HU-
MANIORIBUS EXCELLENTI VIRO D. OLIGERO ROSEN-
KRANTZIO, DOMINO DE ROSENHOLM, COGNATO
20 AFFINI AC AMICO SUO INTEGERRIMO ET
DESIDERATISSIMO.

S. P.

25  UAS Roſenholmio in initio Martij ad me dediſti, Gene-
roſe OLIGERE, Conſangvinee et affinis exoptatiſſime,
circa 24^{tu}m eiufdem recte accepi, mihiſque fuere longe
gratiſſimæ, ad quarum contenta, ubi opus fuerit, nunc
brevibus reſpondebo, poſtea alia quædam ſubiuncturus.
ERICUS SPARRE (quem tu per feſtinationem BRAHE
vocas) hac non tranſivit, ſed alia via Roſtochium declinavit, ubi cum
30 Doctore STURTZIO locutus grandia pollicitus eſt, quæ apud Regem
† ſuum, compoſitis potiſſimum Svecicis rebus, meo nomine efficere vellet.
Sed ego talibus Politicis et politis verbis tantum fidei adhibeo, quan-
tum et tu. De Coldingenſi conventu nondum certi quid nobis conſtat.
Quidam Hambugenſibus, quidam Suecis irrequietandis bellum de-
35 ſtinatum fuiſſe autumant. Exitus acta probat. RANZOVIUS noſter
victor quidem in ſua cauſa Haderſlebiæ fuit, idque iure merito. At
ſententiam in adverſarium unâ cum exſequatione obtinere nequivit,
utut Rex admodum illi inſenſus fuerit. Quam primum enim is, qui ſe
† periclitari animadvertit, [Cancellarium acceſſit, iniurias, non ſaltem
8* RANZOVIO],

RANZOVIO], sed et [ipſi Regi illatas ſuperavit manum forte non va-
 cuam porrigens]. De [PEPLERO] quod || pudore quorſdam affeceris, ſi 1^v
 modo quem habent, recte quidem a te factum, ſed nihil tam iniquum
 eſt, quin ſi mihi ullo modo adverſetur, æquum ſit. Ego vero nihil inde
 moveor, ſaltem hominum quorundam effrenem malitiam et conſci- 5
 entiam nimis latam demiror, quibus ſibi ipſi plus nocent quam mihi.
 Iudex generalis [Bergenſis], qui cum ſuis aſſeſſoribus ſententiam pro-
 tulit, eam facile tuebitur, ſi ius locum invenerit, ſin minus, tranſeant
 iſta cum cæteris. Ego me ijs, niſi admodum fuerit neceſſarium, non
 miſcebo. Interim tamen, quæ a me accepitſti, [Laumanno] communica, 10
 ut, quæcunque ex ijs probationis contrariæ loco expetierit, habeat,
 aut etiam [Præfeſtus meus] prius ab [ESCILLO BILLE et te] inſtinctus
 illa proponet. Addam adhuc plura, ſi quæ invenero huc facientia. Sen-
 tentiam conſcriptam iudex ipſemet adferet, nec difficulter obiectioni-
 bus ſingulis obviabit. Scripſi ad illum nonnulla hac de re, ſed nihil ad- 15
 huc reſponſi accepi. Citationem unâ miſi, quam is tamen forte prius
 obtinuit. Mihi nihil de ea, [niſi ex te] conſtat. An [Uraniburgi] lecta ſit,
 aut adhuc legenda, ignoro. Sed quidquid ſit, perinde eſt, nec teneor
 ſecundum Leges, ſi modo pondus haberent, citationi illegitimæ et non
 annuæ auſcultare, etiamſi res maioris eſſet momenti. *Dette er lige 20*
faa gott ſom allt dett andit; naar de erre trette aff dette, faa kand
de || finde paa nogen ny Huffroe. Ego interim alia cogito. Quod tam
 fuſe cum [Cancellarij uxore] de me rebuſque meis locutus ſis, recte et 2^r
 cordate a te factum. Vellem adhuc particulariora ſcire, atque ut ea
 ipſa per occaſionem (dummodo induciæ inter vos ſunt) denuo incul- 25
 cares, additis commentarijs et amplificationibus. Exiſtimant [Machia-
 velliftæ iſti] ſuas machinationes ita latere, ut nemo in [Dania] præter
 authores eas intelligat. Interim exteræ nationes de his loquuntur et
 ſcribunt; uti vel ex hac epiſtola mihi a tuo diſceſſu miſſa, quam prope
 rem ipſam in Anglia attigerint, cognosces. Ipſum originale addidi, 30
 mihi, ubi deſcripſeris, remittendum, ut eo certius probetur, me nihil
 in eo mutaſſe. Doct̃or IANUS MULIUS, qui hîc nuper apud me fuit,
 Doct̃orem illum, qui ea ſcripſit, in Italia, antequam promotus eſt, no-
 vit, et ex alijs literis ad ſe datis eius, uti mihi retulit, chirographum
 cognovit. Is tibi ſecreto ſciſcitanti plura referet. Nam et illi exemplum, 35
 ut ſibi deſcriberet, permiſi, quo eo facilius [Machiavelliſtis] innotefce-
 ret, atque ut hinc perciperent, quam caute et prudenter ſibi ipſis con-
 ſuluerint. Quid eruditi paſſim in Germania atque alibi de mea iſthinc
 emigratione ſentiant, longum foret referre, neque noſtratibus forte ſatis
 honorificum. Habes hîc unâ ſolius MONAVIJ Wratillavienſis literas 40
 ad me nuperas, quas cupio mihi remitti, quibus in quantum hunc ca-
 ſum || exaggeret, percipies, adeo ut quodam in loco nimis hyperbolice 2^v
 loquatur.

† loquatur. *Det var noch hand var en Jyde.* Ego semper Regem nostrum
Serenissimum, aliosque in patria cordatos viros excusare soleo. Cæteri
fatis sunt [famosi] tam intra quam extra Regnum, ut me notatore non
indigeant. Exemi quoque et Regem et quovis integros viros ab ijs, quæ
5 mihi evenerunt, in prioribus meis ad MONAVIUM. Hinc est, quod
ait, me recte facere, quod discernam actorem a Poëta fabulæ. Quod
vero de administratore nihil apud [prædictam] attuleris, consulte fac-
tum est. De ULFELDIO quod scribis, eum ementita omnia, quæ tacite
tibi significaram, abeverasse, equidem facile ita esse credo, cum nun-
10 quam pro veris ea habuerim, cumque multa alia ijs graviora effecta
sciam.

GERHARDO RANZOVIO de equis scripsi, prout a te indicatum
est, nec tamen me eos expetere ante festum Pentecostes. Victualia iam
antea intellexi in Dania et cara esse, et ne eveherentur prohibitum.
15 Nescio tamen, quo iure viro e familia Nobili isthic oriundo, qui in
œconomiae propriae subsidium ijs uti vellet, nec lucrum aut mercatu-
ram circa ea exercere, interdictio ob stare possit, præsertim si per alium
virum nobilem, non autem mercatores negotium hoc procuretur. Sed
cum maioribus in Patria carere possim, cur non et istis? Curabo ali-
3^r unde e vicinis locis minori-||bus (uti spero) difficultatibus id effectum
dari. Interim tua propensa voluntas mihi apprime grata est. Baronem
illum, cuius inter nos mentio facta, in Austriam abijisse intellexi, nec
scitur, an reversus sit. De maledico isto scripto, cuius causa ad ipsum
litteras dare volui, non sum sollicitus, nam author eius tanta impu-
25 dentia verecundiae et veritatis limites in eo superavit, ut nulla alia red-
argutione, quam propria ipsius temeritate et scurrilitate opus habeat,
prout Eruditi et cordati omnes fatentur, uti colliges ex postscriptis qui-
busdam ad THADDÆUM, quid hac de re mihi Helmstadio significa-
† tum sit; ubi etiam appositum est, quid Mathematicus Wittebergen-
30 Roslochium ad CHRISTIERNUM SEVERINI, qui mecum per aliquot
annos fuit, perscripserit. Habes quoque exemplum litterarum ROL-
LENHAGIJ, quas his ipsis diebus accepi, qui fusius de his agit et li-
brum istum scurrilem unâ misit, quem ERICO LANGIO destinavi,
liquidem author eum semel atque iterum isthic pro testimonio in re
35 falsissima alleget. Verum iste calumniator alia ratione per oportunita-
tem castigandus est; ubi superfluum habuero exemplar, tibi mittam;
aut obtinebis forte aliunde. Nam in Daniam famosum illum librum
iam antea venisse intellexi. Habebunt in hoc mei osiores, quibus se ti-
tillent; multaque proprijs commentis non dissimilia ibidem reperient;
40 licet non ita κατ' ἐξοχήν quidvis fingere ausi sint. Sed valeant ista. ||
3^v Venit heri in manus meas liber Ephemeridum cuiusdam MARTINI
† EVERHARTI (ut et hoc obiter intermisciam) quas ex novis suis tabulis
Belgicis

Belgicis se supputasse in frontispicio aßerit, atque in epistola dedicatoria
 [ad Regem nostrum] multa de iisdem pollicetur. Et recte quidem ad ap-
 parentias Cœlestes appellat, modo pro ipso sententiam ferre vellent,
 cuius tamen contrarium deprehenditur, adeo ut ne fixarum quidem
 loca nedum Erraticarum hinc inquirenda ipsi Cœlo consona protulerit. 5
 In fixis enim stellis retinuit ubique easdem longitudes et latitudes,
 quæ ex calculo Prutenico derivantur. Quæ si rite se habuissent, quantis
 laboribus et quot millibus Ioachimicorum parcere potuissent? In Pla-
 netis motus eorum ex utroque calculo nimirum Alphonsino et Coper-
 niceo simul mixto, et huic quam illi pro arbitrio propius accedendo, 10
 quodlibetice, quo imperitis fucum faceret, confarcinavit, maiori sane
 compendio, quam si ex ipso Cœlo (prout ait) omnia deduxisset, an vero
 pari certitudine, non dixerim. Arbiter ille, quem pro se allegavit, con-
 stans est, nec in ullius gratiam, aut ex affectu vel inscitia quidpiam facit:
 adeo ut difficilem teneat tali sub iudice causam. Si ad terrestres rem 15
 detulisset, minori id foret periculo; tunc enim similia similibus congru-
 erent atque placerent. Cupio ex te scire, quid remunerationis loco [a
 Rege nostro] acceperit, et an fides illi habita, eum in receßu præstare,
 quod primo acceßu pollicetur. || Non crediderim, eius oblationem libe- 4r
 rationalius exceptam, quam Iureconsultorum et aliorum. Verum hoc extra 20
 propositum, nec de istis mentionem ullam fecissem, nisi ex te etiam
 scire animus foret, quomodo nostrates ex ijs, qui mei odio laborant,
 quosque satis nosti, de utroque scripto pronuncient. Neque enim dubito
 urfinum et ferinum istud ijs multum solatij additurum, quo malevo-
 lentiam propriam aliena probent, mendacia mendacijs, iniurias ini- 25
 iurijs. Atqui hæc demonstratio talibus sufficiat, qui veriora nec amant,
 nec cupiunt, nec tolerant. Ab Everhartianis Ephemeridibus solaque
 earum inscriptione et præfatione inducere possunt ea, quæ ego tot an-
 nis molitus sum, et necdum absolvi, ab alio quodam iam peracta esse
 et Regi dedicata; ut tanto apparatu Astronomico, tantisque impensis, 30
 prout ego feci, non fuerit opus; Tabulas iam ab alio esse confectas, quæ
 diu frustra a me expectabantur; minori negotio iam omnia peracta esse,
 ita ut totus meus frustretur labor. Hæc et sexcenta alia eiusmodi pro
 iudicij libertate seu potius levitate, procul dubio comminiscuntur, et
 facilis est assensus. Quis enim Cœlo inconsulto hæc dijudicarit? Cœlum 35
 vero consulere quotusquisque rite novit? Sed suo tempore patebit, quam
 parum aut potius nihil ab EVERHARTO isto præstitum sit, motusque
 siderum potius confusione quadam utriusque calculi sic intricatos quam
 extricatos esse, adeo ut nullo certo, sed saltem opinabili et pro authoris
 arbitrio utcunque assumpto nitantur fundamento; quod potius est 4v
 Astronomiam depravare quam instaurare, destruere quam ædificare.
 Tuum erit nostrorum hominum, præsertim eorum, quos nosti, acre (si
 Dijs

Dijs placet) iudicium de utroque libro, quatenus clam expiscari licuit, mihi tacite innuere. Exemplum literarum tuarum, quod requiris, mitto, originale autem refervo. Quidquid in hoc mutaveris, idem fiet in altero, nec quidpiam tuorum edam, nisi consenferis. Quod [a GERHARDO RANZOVIO pecuniam nancisci] nequiveris, facile credo. Servant enim [Holfati ea elocanda] statuta tempora. A mercatore illo Hamburgense [nihil impetrare licuit] uti [* nerue] nec Flenfburgense, unde incommoditatibus quibusdam aliquandiu obnoxius fui. Nemini potius quam tibi multis de causis aedes illas meas Haffniæ extructas concederem.

Et de precio facile inter nos conveniret, si prius nimium tibi videretur. Da adhuc operam, ut eas præ alijs possideas. Invenies (uti existimo) isthic pro aliqua saltem pecuniæ parte conquirenda rationes non admodum difficiles aut tibi (quod nollem) damnosas. Si minus, effice, ut alium emptorem habeam, quem censueris non incompetentem. De libris tuis apud D. BŒKELIUM residuis aliquoties diligenter egi, sed is multa quærit subterfugia. Minatus sum, me rem ad iudices delaturum, et ne sic quidem profeci. Neque per [WINSHEMIUM] tuum alias, uti haberi vult, Amicum quidpiam efficere potui, uti ex schedis quibusdam, quas conquistas adiungam, ipsemet colliges. Solam VESALIJ || Anatomiam unâ cum PERERIJ in Genesin Tomo primo nactus sum, quorum hic libellus est in 8^{vo}. Utrumque mitto. Nam licet VESALIUM, ut mihi reservarem, liberum conceberis, nolui tamen id facere, nisi æquivalens quid ex mea reciperes bibliotheca. Sed nescio, quidnam in ea sit, quod tibi arrideat. Præterieram fere ea, quæ de commentarijs tibi notis ais, te per oportunitatem in ijs laborare, ut propediem obtineam unâ cum responsione ad [Germaniam,] in quorum utroque rem acceptam præstiteris, tibi que res meas curæ esse, eo plus probaveris. Mitto autem nunc carmen illud Germaniæ ad Daniam. Si quid in hoc criticare volueris, tibi liberum erit. Responde luculenter, prout commodum fuerit, et replica nonnulla in Germaniam acute. Patriam quoque et Regem excusa aliosque integros et cordatos viros, præteritis ijs vel potius tacite notatis, qui culpa non vacant; et in fine me Germaniæ Dania commendet, siquidem ita evenit, ut me carere debuerit. Sed nihil hîc tibi præscribo. Per te ipsum facile invenies responsionem. Materia est locuples et tibi non ignota. Præstiterit autem mea Sententia, carmen esse Elegiacum, et rationes addere ab initio, quare non Heroico et pomposo versu rescribas. Sed audi quidpiam aliud, sive fortuitum, sive quod sic fieri debuit; cum [Rex Haderflebiæ RANZOVII] hospitium ingreßus, forte fortuna in eius conclave venisset, illo absente, in mensa calendarium [Ranzovianum] reperiens, cui Elegia nostra ad Daniam inserta erat, quam || [RANZOVIO] miseram, conspecto [Rex] titulo et mei nominis subscriptione (uti existimo)

avide

avide Elegiam illam perlegit, adeo ut circiter horam in ea perspicienda
 absumpserit, statimque seposito Libro tacitus discessit. Quod ubi [RAN-
 ZOVIVS] a ministris percepit, valde succensuit pueris, quod librum
 illum non amovissent, illi autem per ignorantiam se excusarunt. Sed
 [Rex] nullum verbum de hoc ad [RANZOVIVM] retulit, neque mei
 ullam fecit mentionem toto illo tempore dum Haderslebiæ eßet, uti
 neque Bredenberga cum in vicinia a RANZOVIO splendide excipere-
 tur; quod consulto factum esse existimamus. Ego vero ubi rescivi, [Re-
 gem] Elegiam illam tam studiose evolvisse, mihi volupe erat ita factum.
 Utinam saltem omnia in ea ad unguem intellexisset. Et optarem, ut
 carmen SOMMERI, qui hñc nobiscum aderat, unâ adiunctum fuisset,
 quod is domum reversus mihi misit, in quo manes regis FRIDERICI
 Danos alloquentes deque meo habitu cum ijs quasi expostulantes in-
 troducit, cuius etiam hñc exemplum adiungo, et tuæ censuræ subijcio.
 Si et illi sive per te sive alium quempiam respondere placuerit, liberum
 erit. Videtur is, nescio quo furore Poëtico percitus, veritatem in multis
 libere ebuccinare. Et pro tali authore Carmen non est inelegans. Sub-
 iunxi insuper denuo nostram Elegiam ad Patriam, ut habeas correctius
 quam antea exemplum. Est enim distichon quoddam additum, quod
 prius aliqua incuria omisum erat, cum a [Rege] tam diligenter perlu-
 stratum præter morem in talibus, et || sic eiusdem silentio quasi authenti-
 cum redditum sit.

Astronomia nostra Mechanica iam typis absoluta est, cuius exemplar
 dono mitto secreto habendum, et nulli communicandum, nisi forte SO-
 PHIÆ nostræ utrique, si placuerit, tacite ostendendum. Addita sunt
 paucula quædam ad tuum carmen, ut compleretur pagina, sententia
 tamen manente ut prius. Videbis in fine RUDOLPHI illius, qui me
 hñc invisere solet, odam Horatianam, quæ, nisi animus me fallit, tibi
 non displicebit. Æmulatur Poëtam illum Wittebergensem F. TAUB-
 MANNUM, qui etiam quædam de meo habitu nunc concinnare dici-
 tur, unâ cum plærisque alijs hinc inde Poëtis, quæ ubi nactus fuero,
 tibi impertiar. Habebis etiam cum hoc eodem nuncio Stellarum octavæ
 sphæræ restitutionem, etiam Cæsari dedicatam, sed saltem in mem-
 brana manuscriptam. Quin et tertium quendam eiusdem quantitatis
 et formæ librum ad Cæsarem adorno, qui ☉ et ☾ motus velut in Ephe-
 meride ad aliquot sequentes annos, quotquot mature absolvere licu-
 erit, continebit, apposita ad singulos dies differentia utriusque calculi,
 Alphonfini et Copernicei, quæ subinde maior est quam putatur, etiam
 additis quibusdam alijs, huc proprie et utiliter facientibus, quo habeat
 Imperator Specimen quoddam in ambobus luminaribus nostræ instau-
 rationis Astronomicæ, donec ea, quæ pariter in quinque Planetis mo-
 lior, penitus absolvantur, qua in parte nunc strenue laboro; et com-
 pendia

pendia quædam adinveni, quibus id commodè exequi liceat, etiam
6^v ante-||quam Tabulæ nostræ huc facientes prorsus consummatæ fuerint.
Nam ea, quæ principaliter huc conducunt, in promptu habeo. Able-
gavi autem hisce diebus FRANCISCUM TEGNAGLIUM nostrum
5 ad Archiepiscopum Coloniensem cum exemplaribus duobus librorum
iam paratorum. Deditque unâ RANZOVIUS ad eum meo nomine
diligenter literas, meis quas hîc vidisti adiunctas. Intentio est, ut im-
petrem a Colonienſi literas ad Cæsaream Ma^{tem}, quibus me meaque
studia ei serio commendet, illisque adiutus eo confidentius Cæsari
10 postea mea offeram, atque ea, quæ desidero, proponam. Interim Pra-
gam ad THADDÆUM singularem meum amicum scripsi, et eum de
 proposito meo secreto certiores reddidi, ut omnia tacite exquirat, quid
in his consultum fuerit, meque de eo admoneat; spero me propediem
responsum obtenturum. De negotio apud Illustrissimum Administra-
15 torem, qui nunc est Septemvir Imperij, sic habet: cum filius meus TY-
CHO Berolini diu substitisset, quod ob plurima irrepentia in ea Electo-
ratus mutatione obstacula essent in Aula alias occupatissimi, post no-
nam tandem hebdomadem reversus unâ cum IOHANNE MÜLLERO
Mathematico Principis et liberorum eius instructore, literas quidem
20 tam ab Electore quam Electoribus attulerunt, et Regi nostro Ser^{mo} et
Reginæ inscriptas, tum quoque aulæ Magistro et Cancellario, ac ad
me etiam seorsim dederunt literas tam is quam illa unâque eorum
Cancellarius. At ego cum omnes perlustrarem, et ex copijs earum,
7^r quæ obſignatæ erant, || contenta perspexissem, vidi nimis aulico more
25 compositas esse, parumque ad rem facere. Fundantur præcipue literis
illis quas Bramstedij Principi præſens obtuli, quæ obiter in ea festina-
tione (ſiquidem ſummo mane Princeps diſcedere voluit) exaratæ erant.
At Inſtructio, quam poſtea MÜLLERO tradidi, alia quædam et parti-
culariora continebat, quorum minima pars in literis Electoris attingi-
30 tur. Incertus itaque ſum, an literas hæſce non magni ponderis ad Regem
et Reginam mittere velim, cum mihi uſui iſthic futuras vix putem. Si
Megapolitanæ tam diligenter ſcriptæ nihil profuerunt, adeo ut ne re-
ſponſionem quidem promereri potuerint, multo minus hæ. Sed mitto
tibi earundem Exemplaria, ut tu ea ſecreto perlegas, et nulli niſi ESCIL-
35 LO noſtro aperiens deliberare et mihi ſignificare poſis, an in Comitijs
proximis exhibendæ ſint eæ literæ vel ſecus? Tum quoque an Regi
duo illi libri de Aſtronomia Mechanica et Stellis cum meis ad ipſum
literis offerendi, et an quidpiam ad Senatum Regni ſcribere conducat,
de reſtituendis mihi impenſis, ſiquidem ea, quæ molitus ſum, ex Regis
40 FRIDERICI et eorum conſenſu ac comprobatione iuxta Senatuscon-
ſulti tenorem et pollicitationem conſervari nequeant; et de inſtrumentis
meis iſthic reſiduis in Germaniam tranſvehendis, cum in Dania otioſa
ſint:

sint: ac quibusdam alijs ad res nostras peculiariter facientibus. Quod
 si tale quid tentandum censueris, de ijs, quæ principaliter attingenda,
 captato etiam cum alijs, quos fideles nosti, præsertim ESCILLO nostro,
 con-||filio, me mature admone; et simul commentaria in utranque Epi- 7v
 stolam (uti nosti) mitte. In responsione ad Germaniam non opus est 5
 festinatione. Fiat id per oportunitatem et otium. [Genealogias et Ge-
 nefes Aulæ Magistri et Cancellarij,] tum quoque res gestas, prout inter
 nos facta est mentio, tacite inquire, mecumque communica. Cætera
 habes in scheda memoriali tibi tradita, nec quidpiam hæsito, quin
 operam daturus sis, ut nihil in ijs prætereatur. Plura itaque nunc non 10
 addam, cum forte in his nimius fuerim, teque plus satis (quod amicitiae
 nostræ tribuas) molestarim. Unum saltem addam, quod te tuamque
 terrigenam SOPHIAM concernit. Scripsi mox a tuo hinc disceßu AX-
 ILLO fratri, eique hortator fui, ut permetteret te ex arbitrio Nuptias
 tuas disponere atque celebrare, et rationes addidi, cur id suaderem. At 15
 si vera sunt, quæ nuper hîc a cive quodam Malmogienfi inaudivi, pa-
 rum profeci hoc meo consilio. Aiebat enim ille, quod AXILLUS frater
 trium filiarum e suis Nuptias uno eodemque tempore Malmogij circa
 medium Augusti celebrare decreverit, quare et tuæ inter eas erunt. Si
 id tibi non satis placuerit, æqua mente ferendum est, quod aliter fieri 20
 nequit. Scis Damasellas hîc fata regere, neque ullis rationibus moveri
 posse. Verum ego hoc saltem ex indicatione illius civis scribo nihil certi
 alias habens. Tu vero, quid in his futurum nosti, indica, atque per cir-
 cumstantias explica, Deique providentiæ (uti facis) om-||nia committe. 8r
 Is tibi et tuæ omnia fausta ex animi sententia largiatur. Vale et resaluta 25
 ex me Matrem tuam officiosissime, tum quoque fratrem AXIL-
 LUM unâ cum coniuge et liberis, non præterita, quam nosti, SOPHIA,
 in quo nomine acquiescere lubet. Dabantur subito Wandelsburgo die
 8^{vo} Maij Anni 98.

Tuus TYCHO BRAHE, 30
 manu propria.

Feci superius mentionem libri de Mechanica Astronomia, quod eum
 tibi mitterem, verum postea consultius duxi exemplar illud, quod Regi
 nostro destinavi, unâ cum altero libro fixarum restitutionem continente,
 ad te dirigere, ut utrunque in hisce Comitijs (modo tibi visum fuerit) 35
 ipsi meo nomine submisse offeras, et liquidem talibus non delectetur,
 uti a te et alijs cognovi, tibi facile expetenti ambos concedet. Da itaque
 operam, ut obtineas, et ne veniat in manus ac potestatem aliorum,
 mihi forte minus faventium. Quod si Rex te ijs non donarit, habebis
 a me postea alia exemplaria. Monstra hæc saltem sorori SOPHIÆ et 40
 KRAGIO nostro et fratribus meis, si qui ex ijs talia curant. Attende
 vero ad ea, quæ infra Insulæ Huennæ Topographiam consignata sunt †
 iuxta

† iuxta calcem, *Saa skal I see hor høfflig ieg haver ganget om der med, for Sandhed lader sig icke siige*: sed forte malevoli et hæc finisre interpretabuntur more solito.

POSTSCRIPTA.

5 **L**ITERAS alias, quas scis me ad varias Principes Germaniæ scripsiße, ||
 8^v non duxi consultum ijs mittere, antequam de Cæsaris voluntate, postquam interceßorias Colonienfis et meas ipsi cum libris destinatas acceperit, quidpiam certi compertum habeam, ne in pluribus locis negotium hoc tentatum difficilius forte fiat, et pluribus anfractibus involutum reddatur iuxta tritum illud: qui Lepores binos etc. Interea
 10 tamen iussi, ut FRANCISCUS noster cum Comite MAURITIO in transitu per illa loca meo nomine secreto loquatur, ut intelligere queam, quid spei sit apud Batavos, si Cæsar et Germania oblata non acceptarint, dedique hac de re ad MAURITIUM literas, ita tamen ut nihil
 15 absolute statuerem, sed FRANCISCO omnia hypothetice saltem proponenda et expiscanda concedidi; obtuli etiam MAURITIO duo librorum exemplaria, hac tamen cautela, ut eas tacite sibi soli reservaret, donec Cæsari, cui dedicantur, exhibiti essent. Habet etiam alias FRANCISCUS secum ex operibus meis singula quædam Exemplaria, quæ
 20 illustribus et præcipuis viris, prout oportunum fuerit, monstrare poterit, quo videant rem serio agi. Iamque iterum vale, et Doctorem NICOLAUM KRAGIUM nostrum, ad vos procul dubio reversum, de ijs quæ hisce literis scripsi, certiolem redde, quatenus eum scire conveniat, et carmina atque literas, ut singula per otium perlegat, cum ipso clam
 25 communica, et illius quoque de ijs, quæ perscripsi, consilium exquire. De ipso enim nihil addubito, quin rebus nostris ex animo bene cupiat. ||
 9^r Postquam hæc exarata erant, accepi CRAMERI tui literas et binas ad te scriptas, quarum alteræ a me lectæ sunt, prout ille in inscriptione conceßit. Habes hîc utraq; cuperem tamen Apologeticas illas mihi
 30 remitti, sed prius monstrantur Doctori NICOLAO, ut videat quam ingenue CRAMERUS veritatem contra Scotum illum profiteatur. Addidi et eas, quas mihi scripsit, licet id vetuerit, ut videas ex ipsiusmet verbis, quid velit me suo nomine apud te agere, quod tuo relinquo arbitrio, qui optime nosti, quid hac in re conveniat vel secus.
 35 Non fuit mihi otium literas hæc relegendi, sed tu pro tua industria sententiam facile percipies, si qua in parte inter scribendum aberratum est, aut forte prætermisum.

T. T. B. ||

POSTSCRIPTA ALIA.

POSTQUAM has ad te absolvißem literas, accepi Praga Responsum 1
 a THADDÆO nostro ad ea, quæ illi scripseram, quæ hîc legisti,
 quod satis bene se habet pro hoc primo initio. Exemplum Epistolæ
 illius inclusi ijs literis, quas Doctori NICOLAO KRAGIO, communi 5
 nostro amico, scripsi; is te eius faciat participem. Tuum erit unâ cum
 ESCILLO BILLEO consilium capere, quid vobis videatur ex re mea
 esse hîc facere vel omittere; libenter enim amicorum, qui integri sunt,
 consilij ausculto. Poteris etiam, si tibi tutum videbitur, AXILLO GYL- 10
 DENSTIERN hæc ipsa clam aperire, nam et is, uti existimo, mihi bene
 cupit. De fratribus meis vix habeo quod dicam, videntur enim illi me
 meaque obiter curare et ne curare quidem, quod nimis multis comperi
 indicijis, licet id ipsum patienter feram atque me intelligere dißimulem.
 Ego sane aliter pro ijs laboraßem, si ea alicui eorum evenißen, quæ
 mihi. *Mens dett er nu saa viit kommen y verden, att den giør en* 15
møgitt gott, som giør en intedt ont. Gid jeg kunde kun nyde dett
derpaa. Sed quo degredior? quo me iustus trahit dolor? nec tamen †
 doleo, siquidem ita seculum hoc ferat; miror saltem, nihil ferme integri
 et prisce moris retinere BRAHEOS meos, qui longo temporum tractu
 constantiæ et mutuæ fidei nomen promeriti sunt. Sic mutantur et trans-|| 20
 plantantur omnia. Iterum et sæpius, diuque multumque cum tua tuiſ- 1 v
 que vale. Raptim Wandelsburgo die 28. Maij Anni 98.

TYCHO BRAHE.

[Ex apographo in Archivo Regni Daniæ: Diplomatario Langebekii]

THADDÆUS HAGECIUS AD TYCHONEM 25

BRAHE.



OBILISSIME Domine TYCHO et amice observande, 30
 scripsi tibi propemodum ante mensem integrum, et cum
 hucusque nihil rescripseris, nisi forte tardiusculæ ad te
 pervenerunt meæ, te ipsum expectabam, expectoque
 etiamnum. Dominus Procancellarius CORADUCIUS
 diebus hisce me allocutus est, et dixit te iam Cæsari de
 meliori nota commendaße, modo ipse venias, et te Cæsari præsentem;
 in hoc solo cardo rei vertitur.

Aliud, quod scribam, non habeo, nisi ut quamprimum ad nos ad- 35
 voles. B. V. Pragæ penult. Maij novo Stylo 1598.

T. THAD.

[Ex

[Ex apographo in Archivo Regni Daniæ: Diplomatario Langebekii]

NOBILISSIMO VIRO DOMINO TYCHONI
 BRAHE OTTONIDI DANO, DOMINO IN KNUDSTRUP,
 ASTRONOMORUM HAC TEMPESTATE PRINCIPI
 ILLUSTRI, DOMINO ET AMICO SUO
 EE XEIPE.

S.



ISI tibi, Nobilissime Domine Tycho, Domine et amice
 honorande, quod petivisti a me proxime, testimonium
 de plagio Liddeliano; id ut omnino spero, legisti, in-
 tellexisti. Nunc exspectas a me Propempticon ad tuam
 Uranien scriptum. Id ego promisi; en solvo. Sed nescio
 an moneta sat ponderosa. Iterum autem ex te meoque
 intime dilecto et honorando ROSENCRANTZIO exspecto responsum
 et in hanc et alias meas literas. Spes ne me confundat, uterque facietis.
 Hæc paucula habui. Te Domino commendo, et iam iam post dies octo
 ad promotionem meam Doctoralem Witebergæ σὺν θεῷ habendam
 eo. Tu felicissime vale cum OLIGERO. Stetini. Pridie Ascens. Domini
 Anno 98.

T. M. Add.

DAN. CRAMERUS.

† [E codice Basileensi G II 2]

CLARISSIMO ET PRÆSTANTISSIMO VIRO
 DOCTORI IO. IACOBO GRYNÆO, APUD BASILIENSES
 VERBI MINISTRO ET IN INCLYTA ILLA ACA-
 DEMIA PROFESSORI CELEBERRIMO,
 AMICO SUO HONORANDO.

BASEL.



LARISSIME et præstantissime vir, quas in Decembri
 superioris anni ante semestre Basileâ ad me dedisti lite-
 ras, recte quidem accepi, quibus tamen rescribendi nulla
 sese obtulit interea commoditas, antequam idem, qui
 tuas reddidit tabellarius, e Dania reversus, et ad vos
 denuo pergens, hac transiret, quare moram hanc can-
 dide accipias rogo. Non possum non ingentes tibi agere gratias, optime
 GRYNÆE, quod de me, utut longa viarum intercapedine disito, tibi-
 que de facie ignoto, adeo benevole et sincere sentires, et ea quæ mihi
 ob quorundam in Patria livorem et malevolentiam, crastâ veri igno-
 rantia, sive per imprudentiam, sive datâ operâ, non dixerim, con-
 iunctam ab inexpectato, et aliter quam forte promeritus eram, evene-
 runt,

runt, tibi adeo cordi esse finas, ut huic rerum nostrarum conturbationi condoleas, meque confoleis et confirmes. Debemus equidem omnes præ cæteris Regionibus, plurimum Patriæ, quæ nos edidit, excepit et fovit. At quid faciendum, si hæc gratitudinem nostram respuat, neque bene merita agnoscat, imo pro his quævis incommoda et damna machinetur otiumque et commoditatem virtuti rebusque bonis operam navandi interturbet atque præripiat? Et quis quæso Patriæ suæ mores atque iudicia subinde perversa in hac mundanæ scenæ confusione et irregularitate unquam corrigit? præsertim hoc sæculo, quando omnia videntur in peius ruere. Ferenda igitur sunt forti et constanti animo, quæ caveri et emendari nequeunt, et de verâ illa ac Cœlesti potius Patriâ omnis turbulentiae et enormitatis experte, serio cogitandum eoque anhelandum. Interim vero dum in hoc terrestri versamur exilio, eas quæ nobis obveniunt graviores interdum adversitates, quam ijs sustinendis pares simus, || siquidem avertere non datur, loci mutatione declinare atque evitare licitum existimo; ideoque et ego a gravioribus iniurijs, quas non paucas a quibusdam nostratium, qui nunc fatis Republicæ ferme soli præesse volunt, pertuli, totque fluctibus et tempestatibus in Germaniam discedendo, auxiliante Cœlesti Numine, me vindicavi: sperans tranquilliores et tutiores me hîc inventurum portum. Quam arduæ vero causæ me eo impulerint, verbis eloqui non facile datur, nec satis consultum arbitror, si quis ea, quæ in Insula illa Hellepontici Danici, quam inhabitavi, molitus sum tot præterlapsis annis, quæque abiens isthmic effecta reliqui, conspexerit expenderitque, non obscure vel hinc colliget gravissima fuisse illa, quæ me hæc omnia posthabere et Patrium solum deferere totamque familiam in Germaniam transferre adegerunt. Habet præsens tabellarius secum librum quendam hîc per otium hybernum excusum, quem meo permisso Nepoti ex fratre OTTHONI BRAHE, qui cum suo præceptore in vestra laudatissima Academia aliquandiu antea versatus est, filius meus natu maior dono mittit; hunc si tantum tibi a gravioribus officij tui curis superest otij, ut quædam in eo perlustrare vacet, mandavi tabellario, ut dum isthmic moratur, tibi inspiciendi copiam faciat; cognosces hinc utcunque, veluti opinor, præsertim ex ijs, quæ appendicis loco de structuris addidi, et quæ infra Insulæ topographiam consignata sunt, mihi antea non fuisse in animo talia unâ cum tota Patria totque in ea sanguine iunctis et amicis derelinquere. Adiuncta sunt eidem libro quædam carmina manu scripta, quæ hanc mutationem aliquatenus attingunt, quod si ea etiam percurrere commodum fuerit, erit tibi id liberum. || Sed desino de his plura.

Ego hanc sortem, quæ mihi contigit, lubens et fortiter, Divinâ favente clementiâ, feram, nec quidpiam inde movebor aut cursum a virtutis


tutis tramite remittam, quamvis mihi unâ cum meis extra Natale solum
in peregrinis oris reliquum vitæ, prout Deo visum fuerit, transigendum
sit, nec enim Patriam hisce terreni globi angustis limitibus metior. Sed
perinde esse duco, ubi quis in huius terræ superficie degat, modo bene
5 et commode degat, nec contra conscientiam quidpiam agere aut ad-
mittere cogatur. Domino HENRICO RANZOVIO, affini et amico
meo honorando, literas tuas prælegi curavi, illique ex te salutem dixi;
is vicissim te peramanter resalutat, gratumque illi fuit, quod tam ho-
norifice de illo scripseris et senferis. ANTHONIUM RANZOVIVM
10 nondum convenire licuit, neque mihi constat, ubi is moretur; cum da-
bitur occasio, huic etiam tuo nomine salutem nunciari curabo. Plura
nunc ob occupationum molem addere non vacat. Hæc itaque qualia-
cunque subito effusa boni consulas, et amicitiam inter nos semel per
literas contractam hac etiam ratione, siquidem aliter non liceat, con-
15 servare non desinas. Deus te cum tota domo incolumem conservet et
a malis tueatur. Dabantur Wandelburgo die 7. Iunij Anni 98.

Tuæ excell. studioß.

TYCHO BRAHE,
manu propria.

20 [Ex apographo in Archivo Regni Daniæ: Diplomatario Langebekii]

2^v ERNESTUS ELECTUS ET CONFIRMATUS
ARCHIEPISCOPUS COLONIENSIS, SACRI ROMANI IMPERII
PER ITALIAM ARCHICANCELLARIUS ET PRINCEPS
ELECTOR, EPISCOPUS LEODIENSIS, PALATINUS
25 RHENI, DUX UTRIUSQUE BAVARIÆ
3^r NOBILISSIMO, NOBIS SINGULARITER DILECTO TYCHONI
BRAHE, DOMINO DE KNUDSTRUP.

2^v  LEMENTI nostra salutatione præmißa. Nobilissime, sin-
30 gulariter dilecte, quas mihi Iuvenis ille notus a te literas
dedit, et quæ de rebus tuis addidit, singulari lætitia legi
et audiui: Munus vero Litterarium librorum tuorum,
quos, ut a te rerum istarum peritissimo profectos, et de
cœlestibus illis corporibus tractantes, quorum vel solus
aspectus idiotarum oculos pascit, cognitio vero et meum et omnium
35 peritorum animos honestiore voluptate moratur, mihi supra modum
fuit acceptum. Gratias pro ijs tibi ago, et quod factum a me hætenus
non indiliger, pergam sedulo te tuaque Cæf. M^{ti} commendare. De-
claravi hunc animi mei sensum latori literarum tuarum et harum re-
3^r latori. Ex eo intelliges, quæ de omni-||bus, quæ scire cupiebas, illum
feci

feci certiore. Vale et tibi persuade, et tuâ et studiorum optimorum
causâ me quidvis conaturum. Leodij XXV Iunij 1598.

ERNESTUS,
manu propria.

[Ex apographo in Archivo Regni Daniæ: Diplomatario Langebekii]

GEORGIUS ROLLENHAGIUS AD TYCHONEM BRAHE.

S.



TSI nihil erat, Nobilissime et Doctissime TYCHO, quod
ad te præcipue nunc scriberem, tamen cum forte acce-
deret me Tabellarius Lipsicus, volui te hisce salutare, et
quæ meus affinis ad me de URSO et de expectatione
tui scribit, tecum communicare. Is affinis meus arte qui-
dem est gemmarum sculptor ingeniosus, sed officio ap-
paritor Cæsaris, estque hoc eius, quod mitto, chirographum, ut si nota
tibi iam tamen sint, intelligas ibi quoque innotuisse; sin ignota, deli-
beres, quid ad eam expectationem tibi sit faciendum. Quod bene vertat
ad salutem tuam et Uranies Deus Opt. Max., cum Ill^{mo} D. Brunsvicensi
de negotio tuo locutus sum. Ille quidem præclare de te sentit, sed Regni
et Regis desertionem caufatur. Et quamvis causas declararem tuas, et
Regem ab alijs regi dicerem, tamen mansit in sententia, ideo quod a
suis Nobilibus se deferi, et coram camera accusari molestissime fert.
Coniunx existimabat expectandam esse occasionem, qua coram Regem
ipsum convenires: sic omnia facile te impetraturum. Princeps in vin-
culis habet PETRUM HAGEN L. L. Salderiorum advocatum. Ipsos
quoque fratres Salderios Lemgaviæ sub Comite Lipiensi nuper cœpit,
propediem eosdem in Lycaoniam suam attracturus. Habent enim Le-
ones Leonina || ingenia. Deus, in cuius manu est cor Principis, dirigat
illud ad clementiam et iustitiam. Saluto generosum senem Mæcenatem
meum D. HENRICUM RANZOVIVM, eique facilem, viridem, et læ-
tam senectutem precor. Pestis graßatur passim in vicinia, præsertim
Halberstadij, et ad nos eius semina quædam allata sunt. Deus avertat
ulteriora. Vale. Datæ die 18. Iunij Anno 98.

EXEMPLUM

EXEMPLUM LITERARUM GERMANICARUM QUÆ
LATINIS HISCE INCLUSÆ ERANT.

EIN gantzwilling dienst jedertzeit beuor. Insunder gun-
stiger her Swager, das es Euch, sammt Euhren lieben Haus-
frauen wolginge, frisch vnd gesundt wehrt, solde mir
lieb sein. Ick danck Godt den Almechtigen vor liebes ge-
sundheit, der erhalte uns ferner nac seinem willen, amen.

Nachdem mir der Her Swager vor diesem von des VRSI
halben gescriben, hab ich ein wenig nachfrag gehabt allhie bei Ihr May.
Camerdiener, ob derselbige VRSUS im vngnaden wehre bey Ihr May.
saa hab ich den bericht bekommen, das ehr woll nicht im vngnaden
sei, alleine das ehr sich vor viell außgeben vndt itzundt nicht sich be-
findet, vnd in astrologia das geringest nicht vorstehet etc. Es hatt sich
also begeben, das ehr von Ihr May. ist probiert worden, mit des Fürsten
von Siebenbürgen seiner natiuitet, darinne er wider den anfangk, noch
ende gewußt, dadurch || ehr in vorachtung vnd vorlachtung kommen,
vnd dieweil ehr das ziell vnd die warheit nicht gesetzt, vnd sein judi-
cium falsch, will itzundt dagegen scriben, vnd vorachtet vnd scalliert
die Astrologiam auf das Höegste auß, es sein lauter lügen vnd bedrug
darin, da ehr sie doch von ersten gelobt vnd dardurch zu Ihr May. ge-
kommen. Die ander vrsach ist das wi man ihm gefragt worumb ehr den
sich zu hoff angegeben dafür, vnd Ihr. May. Herrn Brüdters Höegst-
seliger gedechnuß Ihr Thema gemacht (welch sich recht befunden)
vnd itzundt dar wider sei, hat er nichts wissen zubeantworten. Man
hat aber ehrfaren, das ehr solchs nicht selbst gemacht, sondern auß des
ELIÆ PREUSENS seinen Büchern genommen, vnd sich dardurch also
herfür gethan etc. So hab ich auch vornommen, das TICHOBRAHE
alhier ahn vnsern hoff wirdt kommen, vnd Ihr. May. große vorlangen
nach ihm haben, vnd werden ihm ein Sloß ihngeben drey meil wegs von
Prag, dar ehr seinen residentz soll haben, ein seer lustiger Ort, Brandeiß
genant. Deß von DIEFFENBACHS Söne sein alhier zu Prag, die wer-
den nach Strasburg geschicht zu studiern, vnd wen der Her Swager will
schrieben an die örter, dar ehr meint, will ichs woll behendigen, vnd
habe gutte gelegenheitt darzu. Sonsten auf diesmal nicht mehr. Den
Godt beuohlen sammt Euhren lieben Haus-||frauen vnd kinder, vnd
von mihr vnd meinen Hausfrauen gegrüßt. Datum Prag den lesten
May stylo nouo 98 Anno.

E. D. W. Swager vnd Discipulus
CASPAR LEHMAN Röm. Kay.
Maytt Hartschir.

[Ex apographo in Archivo Regni Daniæ: Diplomatario Langebekii]

TAM DOCTRINA EXIMIA QUAM PROSA- 1^r
 PIA CLARA VIRO INSIGNITER DECORATO DOMINO
 OLIGERO ROSENKRANTZIO DE ROSENHOLM,
 CONSANGVINEO, AFFINI ET AMICO 5
 INTIMO.

S. P.



UÆ nuper tibi destinavi, exoptatissime mi OLIGERE
 consangvinee et affinis carissime, per CLAUDIUM MU- 10
 LÆUM, quem ante Comitia istuc misi, te omnia nunc
 accepisse non dubito. Succurrit post MULÆI abutum in
 libro de Astronomia Mechanica pagina quæ est G. 3. in
 qua Domini IACOBI CURTIJ, circa quadrantis cuius-
 dam subdivisionem, inventio exhibetur, in ipso titulo ante hoc nomen:
 CURTIO omisam esse literam I. vel potius IAC. unde prænomen eius 15
 indicaretur, et postea in infima eiusdem tituli linea impressum est:
 GENEROSE ADINVENTA pro INGENIOSE ADINVENTA; quod
 nescio an in eo, quod misi, exemplari emendatum sit; sin minus, cu-
 perem id adhuc abs te calamo, quod facile fit in tam densa papyro,
 corrigi, ne Zoili et hinc habeant quo abutantur. Quid de literis Berlinen- 20
 sibus actum sit, ex te cognoscere aveo. Si quid in Comitijs illis, quod
 mea interest scire, tibi innotuit, hoc quidquid est, mature etiam, ante-
 quam MULÆUS (modo fieri potest) reversus fuerit, significa. Fuit ante
 triduum hinc apud me IACOBUS ROSENKRANTZIUS noster, in Bel-
 gium hinc cogitans; is graves et difficiles in hisce Comitijs controver- 25
 sias motum iri referebat; et inter alia PEPLERI istius causam || reco-
 gnoscendam decidendamque existimavit. At quo iure id fieri queat,
 ignoro, cum citationis forma mihi etiam non sit præsentata, nec quid-
 piam a Præfecto meo de ea innotuerit, ut existimem, eam ne quidem
 Uraniburgi lectam esse, aut si id factum, non debito tempore aut modo; 30
 sed sit hoc quidquid velit; si ius et fas locum inveniunt, nihil periculi,
 sin secus, nihil novi. Existimo, imo expertus sum, quod si ego in Dania
 quidpiam proponerem, quod æque verum sit atque ea, quæ Geome-
 trice demonstrantur, posse nihilominus ea ipsa apud quosdam, qui iu-
 stitiæ præesse volunt, falsitatis insimulari. Quid igitur faciendum, ubi 35
 ius et veritas ob privatos affectus atque personæ odium locum non
 merentur? Aiebat insuper dictus noster Consangvineus, se exemplum
 literarum, quas Ser^{mo} Regi nostro, cum Rostochij essem, scripsi, unâ
 cum responso ad easdem, cum Fioniam transiret, apud Nobiles quos-
 dam reperisse, et si recte memini, CANUTUM RUD hinc nominavit, 40
 quem a CAROLO BRUSCHIO talia accepisse opinabatur. Quod si sic
 est, optarem, eos, qui horum facti sunt participes, ea, quæ mihi rescripta
 sunt,

sunt, rectius quam litera ipsa prætendit, explanata habere, quæ incautis et inscijs plausibilis forte videri queat, cum tamen longe aliter res se habeat, et mihi foret quam facilimum, uti ipsemet scis, omnia isthic obiecta replicare et contrario modo demonstrare, sed obstant ea,

2^r quæ prius dixi, et autoritas eorum, qui hæc || vafre confarcinarunt, veritati nunc prævalet. Opus igitur est patientia, et tandem bona causa triumphat, si non in Dania, saltem alibi: O utinam in nos illud Virgilianum non propediem quadraret. *Exceßere omnes adytis arisque relictis Dij, quibus imperium hoc steterat.* Item illud paulo antea:

† 10 *Fuimus Troes, fuit Ilium et ingens gloria Danorum.* Solet enim regnum divinitus puniendum sanis destitui consilijs, et in partes quorundam vafritia discindi, atque sub veri bonique prætextu contraria tecte agere. Solent etiam omnia præcedere, qualia non pauca isthic audiuntur, si modo, quæ narrantur, veritati congruunt. Cum quæsi-

15 vißem a prænominato ROSENKRANTZIO de halece characterizato in Norvegia reperto, nihil quidem certi de eo referre potuit, attamen aliud piscium genus, quod latini aculeatum, nostrates *Hornfi/k* vocant, adhuc longe mirabilioribus notatum characteribus nuper prope insulam Toßingam, seu potius parvulam illi adiacentem, repertum

20 esse, certissime affirmavit; quarum figurarum, si tibi hac de re quid constet, efformationem mecum communicari vellem. Scripsit mihi postea CRAMERUS tuus, et carmen quoddam literis inclusit. Misit etiam BRASCHIUS Poëta Rostochienfis Heroicum in mei gratiam concinnatum, sed neutrum satis placet; habes tamen hîc utrumque, Cramerianum ipsius manu scriptum, unâ cum literis, prout accepi; neque enim describendi otium suppetit; quod tamen, cum exemplum eius non ha-

25 beam, mihi || remitti velim. Habeo præterea alia eiusmodi, inter quæ est quoddam ex orientali Frisia admodum prolixum; et cuduntur hinc inde adhuc plura in memoriam rei apud nos bene gestæ. Expectat autem

30 Germania avide tuum pro vicina sua responsum. Expecto et ego commentaria illa, quæ scis, quibus mea per oportunitatem intertexam; ubi vero tua absoluta fuerint, ea cum KRAGIO nostro tacite communica, ut et is ex rei transactæ historia, quam pro maiori parte novit, suam quoque interponat sententiam. Exemplum earum, quas THADDÆUS

35 HAGGÆCIUS ante aliquot hebdomadas Praga mihi scripsit, Domino Doctori NICOLAO KRAGIO iam antea misi, qui procul dubio te eius reddidit participem. Sed et hisce diebus breves quasdam ab eodem THADDÆO denuo accepi, quarum hîc habes descriptum; paucioribus rem expedit, siquidem dubitavit an hîc essem, an vero iter

40 Pragam versus suscepissem; vides eos serio meum adventum expetere et expectare, atque ipsi Cæsari me concernentia iam innotuisse. Tu et KRAGIUS consulite in medium, et aliorum quoque, quibus res meæ serio et sincere cordi sunt, sententiam tacite expiscemini. Ego nihil certi

concludere


concludere possum, antequam TEGNAGLIUS et MULÆUS ad me reversi fuerint. Fuit hesternæ die apud me Dominus Doctor VITUS WINSHEMIUS a comitibus Oldenburgenſibus, ubi diſidij cuiusdam inter eos componendi cauſa adfuerat, iam primum reſuſus; is inter alia de Doctore BÆKELIO rettulit, ipſum urgere pecuniam || ſibi pro 3^r libris, quos accepisti, promiſſam; a te vero ſibi perſcriptum aiebat, ne pecuniam illam eidem BÆKELIO traderet, antequam omnes libros reſiduos depromeret, quod ipſum præſtare aut nolle aut non poſſe intelligo, et prætereſſe tres vel quatuor ſaltem reſtare, eoſque non magni momenti, quique in ipſius non ſint poteſtate. Quæſivit igitur WINS- 10 HEMIUS a me, quid illi hac in re faciendum exiſtimarem; ſuaſi, ut tuæ voluntati morem gereret et ſecum pecuniam reſervaret, donec alter per omnia tuis deſiderijs et ſuæ pollicitationi ſatiſfeciebat. At ille excipiebat, ſibi brevi Berlinum et in Miſniam eundem, BÆKELIUM vero tam diu pecunia carere nolle, imo ſtomachabundum dixiſſe, quod 15 mallet libros ſuos recipere, quam diutius pecuniam iſtam expectare. Statuimus itaque, ut Dominus Doctor VITUS in ſua abſentia pecuniam a te miſſam alteri fidedigno viro ex amicis ſuis Hamburgi traderet, et ſi interea reſponſum a te reciperet (nam ſe tibi hac de re ſcripſiſſe innuebat) filius ipſius, qui iſthic remanet, literas tuas aperiret, atque 20 ſecundum earum contenta negotium hoc exequeretur. Tuum itaque eſt mature, quid in his fieri vis, ſignificare; ſi tuo loco eſſem, aut reſtituerem illi libros, ſiquidem ſic vult, aut concederem illi pecuniam iam antea addiſſam, utut pauculos illos libros procurare nolit aut forte nequeat, quo poſſis ab ipſo liberari; eſt enim paulo moroſior, et inſuper 25 (quod tamen cum multis commune habet) γυναικοκρατούμενος, Imperatrice eius nimis importuna exiſtente. Cuius rei MULÆUS documentum || dabit; ego nihilominus, quidquid hac in re fieri velis, quantum in me eſt, effectum dabo. Currum, quem promiſiſti ante Paſcha, Pentecoſtes etiam feſti, imo et IOHANNIS BAPTISTÆ tempora, fruſtratus eſt, et licet Cimber ſis, privilegioque gentis gaudeas, tamen te præter cæterorum morem quidpiam Schanicæ conſtantiae habere, præſertim cum per coniugium in Schanum quodammodo tranſplanteris, exiſtimarem potius, ideoque per incuriam quandam eorum, quibus hoc negotium mandavi, neglectum eſſe. Sed ſit quidquid velit, nolim 35 tibi hac in parte uti etiam nulla alia gravis eſſe; ſaltem ſcire deſidero, quid expectandum ſit vel ſecus, ne fruſtra alium conſieri procurem. De ædibus etiam meis Haſſnienſibus quid fieri poſſit vel non, a te certior reddi aveo. Iamque cum utraque tua SOPHIA, addita inſuper tertia illa quæ et URANIA appellatur, quam feliciter vale; ſaluta 40 fratrem AXILLUM et alios, ſi quos mei iſthic tangat memoria. Deus vos omnes tueatur a malo. Dabantur Wandelſburgo die 23. Iunij Anni 98.

Tuus TYCHO BRAHE.

[E codice

† [E codice Vratislaviensi Bibl. urb. III R 243]

207^v NOBILITATE, SAPIENTIA, PIETATE ET VIR-
TUTE PRÆSTANTISSIMO VIRO DOMINO TYCHONI
BRAHE, DOMINO PATRONO ET AMICO VETERI
5 SUMMA OBSERVANTIA COLENDO.


207^r  LARISSIME vir ac frater in Domino dilecte, CLAU-
DIUS MULERUS tuus domesticus tradidit mihi literas
10 tuas humanissime scriptas, ex quibus intelligo te memo-
rem esse veteris nostræ consuetudinis atque amicitiae, id
quod mihi pergratum et periucundum fuit. Rogo Deum
optim. max. ut te quam diutissime sanum et incolumem
cum tota familiâ conservet. Etsi autem per valetudinem non licet pro-
lixius scribere, tamen animus meus, donec vixero, tibi adhærebit sin-
cerus. Quod autem salutes me nomine MONAVIJ præstantissimi viri
15 HERMANNI et DANIELIS BUCRETIJ, est mihi pergratum, precor-
que illis vicissim et animi et corporis constantem valetudinem, et rogo
te clarissime vir, ut in tuis ad eos literis vicissim salutem dicas meo no-
mine. Porro quod MONAVIUS petat copiam quarundam literarum
PHILIPPI ad me scriptarum, non possum ipsius voto satisfacere. Nam
20 et ipsæ li[teræ] perierunt et fuerunt scriptæ de privatis negotijs et po-
liticis non publicandis etc. Quare rogo, ut boni consulas, quod non
possim in hac re tuæ petitioni satisfacere, alias promptissimus ad omnia
præstanda, quæ tibi intellexero fore grata. Vale vir clarissime cum fa-
milia tua et domesticis omnibus. Deus te conservet, amen. Roschildiæ
25 27. Iunij Anno 1598.

NICOLAUS HEMMINGIUS,
manu propria.

[Ex apographo in Archivo Regni Daniæ: Diplomatario Langebekii]

1^r NOBILITATE TAM INGENIJ QUAM GENE-
30 RIS VIRO INSIGNITER CLARO, DOMINO OLIGERO ROSEN-
CRANTZIO DE ROSENHOLM, CONSANGVINEO AFFINI
ET AMICO MEO INTEGERRIMO.

S. P.

35  TSI utraq[ue] literas, utpote eas quas cum MULÆO mihi,
qualque postea ad te scripsi, desideratissime mi OLIGERE,
tibi redditas esse non ambigam, atque ex ijs inter alia te
cognovisse, quæ Praga a veteri meo amico THADDÆO
mihi perscripta sunt, tamen cum ante paucos dies ab
Amico illo meo Magdeburgensi, quem scis mihi scribere
solitum

solitum esse, nonnullas acceperim, eadem de re quædam agentes, harum quoque exemplum tecum communicandum duxi, quo plenius intelligeres qualis sit Cæsareæ Mat^{is} erga me voluntas; præsertim cum ESCHILLO BILLEO nostro mihi nunc respondendum sit ad quasdam hisce diebus mihi ab eo missas, et quendam ex meis nunc Lubecæ habeam, qui has ad vos certo dirigat, oblata videlicet commoda aliqua oportunitate, interea dum alijs meis negotijs isthic exequendis occupatur. Velim autem, ut hæc ipsa quæ nunc scribo mittoque, non nisi intimis nostris monstres; tute satis nosti, quinam ex ijs fideles sint, licet et illi, uti fit, pauci; nolui nomen eius, qui hæc ad me scripsit, subiungi; sed tu et Doctor NICOLAUS facile colligetis, quisnam sit; solet is libere mihi scribere, utut de facie ignotus ignoto; nollem itaque hæc eius literas alijs patere, potissimum ob ea quæ de Principe alias satis noto scribit. || Aut igitur hæc admodum secreta habe, aut Vulcano trade. Quam facile mihi sit, Principis illius obiectis respondere, tute satis nosti, nam desertus deferui, ne ipsemet spectator essem ruinæ eorum, quæ in Patria tam diu tantoque nixu molitus sum, quod tamen nec Regno nec Regi imputandum duco; authores satis noti, utque adhuc famosiores reddantur, promeruerunt. Quod autem, mi OLIGERE, hæc, quæ nunc mitto, prioribus superaddam, ideo factum, quod ex te alijsque intimis amicis opportunum simul consilium capere velim, quid faciendum existimetis, ubi tale quid mihi oblatum fuerit. Intelligo ex ijs, qui loca illa norunt, esse arcem splendidam et amœnam, in quam ipse Cæsar solitus est ante paucos annos animi causa nonnunquam secedere, quamque post Pragensem maximi facit, et circa quam venationem exercere consuevit, dum his et similibus delectaretur. Nunc enim intra duos vel tres proximos annos saltem in arce Pragensi eum se continuisse referunt. Ego quidem de feudo aliquo in Silesia, Moravia, Lusatia, aut alijs ditionibus Cæsari subiectis, obtinendo potius essem sollicitus, quam ut in tam pomposo Bohemiæ loco versarer, sed obtemperandum est Imperatoris clementi voluntati, quacunque tandem ratione mihi et meis benefacere velit, ita ut studijs etiam, quibus occupor, liberaliter provideatur, siquidem Patria nostra hanc curam tam in-||confiderate posthabuerit. Loquere de his secreto cum ESCHILLO BILLEO nostro, tum quoque KRAGIO communi amico, et quid consilij dederint, literis significa, alias vero hæc, ubi præsertim minus securum fuerit, cæla. FRANCISCUS TEGNAGLIUS meus necdum huc reversus est, sed spero illum brevi feliciter affuturum. Cuperem etiam, ut MULÆUS reditum acceleraret, neque enim de rebus meis, quomodo et quando quippiam agendum, omnino statuere possum, antequam hi duo redierint. Interea tamen me, quoad datur, itineri accingo, omniaque Divinæ providentiæ committo, cui etiam te cum omnibus tuis commendo.

mendo. Vale. Dabantur raptim Wandelburgo die 28. Iunij Anno Domini 1598.

Tuus TYCHO BRAHE,
manu propria.

POSTSCRIPTA.

5 POSTQUAM has ad te exararem, acceßit me huc WALTERI
SCHOTI Hamburgensis filius GABRIEL, a quo pannos Mater et
tu emere soletis, et se brevi Rosenholmium venturum aiebat. De curru
quoque, quem mihi confieri procuras, retulit, Matrem tuam, cum ul-
10 timo ibi fuißet, eum brevi paratum fore dixiße; quare se illum in navem
ex Arhusia Lubecam secum recepturum pollicitus est, cumque de te
2^v ipso percontarer, in Selandiam abiße existimavit. Et insuper se apud
fratrem meum AXILLUM fuiße, atque ibi || percepiße, quod ad nup-
tias trium filiarum, quæ requiruntur, indies adornet, inter quas et tuæ
15 celebrabuntur, idque futurum sex abhinc hebdomadibus commemora-
vit. Incidit itaque in mentem, me tibi Epithalamium quoddam promi-
ßiße, quod cum tam cito ob alias occupationes, quibus varie distrahor,
fieri vix queat, hoc saltem breve Epigramma, quod nunc ex tempore
20 in buccam venit, hîc subiunctum habe. Deus author universi omnia
tibi in hoc coniugio ex voto prospera et salutaria largiatur. Tu autem,
ne huius novellæ SOPHIÆ amor, alterius et diu tibi excultæ sophiæ
amorem labefactet, sed potius adaugeat atque confirmet, effice. Hoc
† opus, hic labor, multos ea meta fefellit.

EPIGRAMMA AD OLIGERUM ROSENCRANTZIUM
SPONSUM.

25 *Tene OLIGERE etiam materno fauciat arcu
Ille levis toto qui volat orbe puer?
Iste puer cæcus minimusque nec ardua curans
Quem poteras alto despiciere ingenio.
30 Omnia sed vincit, dices, cedamus amor
Indomito; summos stravit et ante viros.
Est (fateor) fortis; Musæ, Dictinna, Minerva
Sunt tamen e quibus is nulla Trophæa gerit.
Intimus es Musis, placet et Dictinna, tibi que ||
3^r Artibus exculto culta Minerva favet:
Attamen aut Arte aut Pharetra, qui vincere nullas
E tribus his potuit, te superavit amor.
Scilicet ut tandem miro te falleret astu,
Miscuit inter se nomina nominibus,
40 Proque alijs Sophijs Sophiam ut tibi protulit unam
Præ Sophia omni, unam, victus, amas Sophiam.*

T. B.

[Ex

[Ex apographo in codice Monacensi Bibl. Univ. 693 in 2^o]FRANCISCUS TENGNAGEL AD
TYCHONEM BRAHE.

S. P.

129^r

OBILISSIME et præstantissime Domine TYCHO. Re- 5
bus M^æ T^æ ex animi sententia confectis, officij mei esse
ratus sum (liquidem incertus sim, utrum priores meæ
raptim Coloniae ad te exaratæ tibi redditæ sint nec ne)
particulatim nonnulla et fusius referre, cum tunc otium
singula attingendi mihi non suppeteret, omnis tamen 10
nunc ingratis, quæ in itinere mihi evenerunt, liquidem illibenter talia
te audire norim. Aquilgranum cum appulsem relicta 3 die Iunij Colo-
nia, ibi Serenissimum Principem Electorem Coloniensem ERNESTUM
iam itineri Leodium versus, quod postero die ingressus est, accinctum
reperi. Qui quamprimum de eo, quod cum literis tuis adeßem, inaudi- 15
vit, confestim me accersitum humanissime compellavit, gratissimum sibi
munus M^æ T^æ literarium significans, et daturum se operam, ut M^a T^a
reipso se insignem personæ suæ et rei Astronomicæ fautorem comperiat.
Quem suum affectum iam pridem antea conceptum, in posterum etiam
magis magisque se declaraturum pollicebatur. Interim velle se, ut Leo- 20
dium curru suo proprio me conferam. Omnem enim fere se eo comita-
tum unâ translaturum, et rebus suis intra triduum in Limburgensi pro-
pinquo Ducatu expeditis actutum subsequuturum. Id quod et factum
est. Ibi singulis fere diebus in Cameram ad secretum R^{mæ} eius Celnis
colloquium per aliquot nonnunquam integras horas vocatus fui, hu- 25
manissime exceptus, tandem etiam (quod tam subito ob innumeras,
quibus Leodij quotidie distringeretur occupationes, fieri non posse pro-
lixè excusavit) liberalissime dimissus, donata mihi aurea sua effigie, unâ
cum equo, quem centum et viginti Coronatis a Magistro Palatij sui
coëmerat. Quæ vero R^{mæ} eius Celnⁱ de negotijs M^æ T^æ in scriptis tradi- 30
didi, et simul oretenus exposui, summa cum voluptate legit et audivit,
Danos rem se indignam in eo, quod M^{am} T^{am} non in eo (uti decuit)
precio habuerint, atque tam inconsiderate dimiserint, vel potius ami-
serint, magno suo opprobrio commisiße perhibens vix ulla ætate apud
cordatos et intelligentes expiandam. Et aiebat insuper, eorum officij 35
fuisse sponte sua omni conatu in hoc eniti, quo te beneficijs atque offi-
cijs liberaliter præstitis apud se in Regis et Regni honorem retinerent,
tantum abest, ut tuæ ambitioni, velut inaudierat, causas tam evidentes
et intolerabiles præbere, atque voluntatem et decretum Optimi Regis
FRIDERICI post fata rescindere, Senatorumque omnium literas tibi 40
(prout compertum habebat) in membrana statim ab obitu FRIDERICI
Regis

Regis conceſſas exauthorare ipſis fas eſſet; cumque me ſemel interro-
garet, in quantam pecuniæ ſummam excreſcere poſſent, ſi computaren-
tur omnia, quæ a Rege FRIDERICO et Senatu Regni ad Aſtronomiæ
129^v inſtaur-||rationem M^æ T^æ conceſſa erant, me certo illud dicere non poſſe
5 referente, tantum tamen M^æ T^æ ſuppetijſe, ut omnes e quibuſcumque
tandem oris adventantes, Reges, Principes, eorundem Legatos, Doc-
tores, Studioſos, et cuiuſvis ordinis homines ſplendide ſemper et muni-
fice tractârit, præterquam quod tot et tantos ſumptus in Aſtronomiæ
redintegrationem, quales nemo anto ipſum, erogaret, et alias copioſam
10 aleret familiam. An vero beneficijs Regijs, an etiam pro parte proprijs
bonis hæreditarijs, illos haberet redditus, mihi non ſatis conſtare: Exi-
ſtimare tamen ſummam eorum, quæ ex Regno quotannis habebat,
quatuor thalerorum millia mea opinione non multum exceſſiſſe, mox
R^{ma} eius Cel^{do} in hæc formalia verba prorupit: *Was? Solte man ein*
15 *Solchen Man vmb ſo ein geringes geldt auß dem Land ziehenn*
laſſen. Schande iſt es. Ein Herr verſpielt mehr auf einen abendt.
Goldt bekompt man alzeitt aber ſolche leutte nicht alzeitt. Sed
quandoquidem ita iam evenerit, quocunque tandem Danorum fato
et oſcitantia, ut in Germaniam veniens M^a T^a ſibi propior reddita ſit,
20 magnopere ſe ea de cauſa lætari, et avide hanc commoditatem in po-
ſterum arrepturum. Placere ſibi, quod nulli Principi Germaniæ, aut
Regioni exteræ ſuam operam addicere velit, antequam de Impera-
toriæ Maiestatis clementiſſimæ voluntate erga ſe et ea quæ tractat ſtu-
dia, certo conſtaret. Et omnino cenſuit, hanc Regiam artem Imperatori,
25 tanquam præcipuo Europæ capiti, omnium primo offerendam eſſe,
ac neutiquam ſe ambigere, imo multa deſignaturum, Cæſaream Mai-
eſtatem pro eo quo eſſet erga omnes liberales diſciplinas, inprimis vero
Mathematica et inter hæc Aſtronomica ſtudia ſingulari favore et amore,
M^{am} T^{am} libentiſſimo animo excepturam, munifice cum familia et toto
30 apparatu Aſtronomico ſuſtentaturam, nec commiſſuram, ut M^{am} T^{am}
migrationis huius e Dania unquam pœniteat. Qua etiam de re ſe non
ſaltem commendatitias, ſed pariter congratulatorias ad Imperatoriam
Maiestatem daturum, tum quoque intimo eius Secretario BARVITIO,
de quo ipſe bene meritus eſſet, quique illi aliquo modo obſtriſtus, unâ
35 ſcripturum. Et ſi præter omnem ſuam opinionem Cæſ^a Maiestas Aſtro-
nomica ſtudia in totius Imperij nunquam intermoriturum honorem et
decus conſervare et ſuſtentare ab alijs forte diſſuaſus gravaretur (quod
tamen ipſam ſponte ſua non admiſſuram certe ſciret) multos fore, qui
hanc gloriam ſibi et ſuis ditionibus accedere ſummopere deſiderent,
40 nec eam occaſionem negligent. Imo ſe ipſum ſuis impenſis id præſti-
turum, nec ullis niſi ſoli Imperatori, cui hic honor primum debetur,
hac in parte ceſſurum. Hæc et plura eiufcemodi diverſis temporibus

ad me dixit, quæ referre nimis nunc prolixum foret. Latius D. V. de his coram. Unicum tamen præterire non possum, quod mihi disceburo confirmationis eorum omnium loco sub ipsum valedictionis tempus inculcavit; ferme his for-||malibus verbis: *Saget dem guttenn ehr- 130^r*
lichenn Mann viel guts von meinet wegenn, und das ich hernacher 5
also bey ihm handeln werde, als wan er mein leiblicher bruder
wehr, und ich ihn von jugendt aufgekant hette, dessen er sich gentz-
lichenn zu mir versehenn soll. Saget ihm auch daneben alles was
ihr sonstenn von mir gehöret habt, und bitet ihn das er mir seinenn
zustandt zueschreibe, so offt ihm gelegenheit vorkelt. Wan ich vor- 10
mercke, das er bey Hamburg etwas verziehenn wirdt, ehe er zur
Kay. Ma. ziehet, bin ich willens einenn von meinenn nobilibus,
deme ich in pyronomicis exercitijs vertraue, zu ihm abzufertigenn,
von diesem und anderem meinetwegenn mit ihm zu conferiren.
Und so baldt ich, ob Gott will, zu ihr Kay. Mt. komme, will ich ihm 15
 TYCHONEM, wo er alda in des Kaisers gebiet anzutreffen, be-
 suchenn und weiter mit ihm kuntschaft machenn. Nam plane nihil
 dubitavit, se alicubi in Imperatoriæ Mat^{is} ditionibus te reperturum.
 Sicque me clementer et liberaliter (uti prius innui) dimisit. Pericula et
 damna, quæ in hoc itinere perpeßus sum, quæque in prioribus meis 20
 aliquatenus attigi, hîc utpote ingrata, non lubet iterare.

Venio nunc ad Holandos, ad quos in Patria aliquantisper moratus me contuli, quo commoditatem promptiorem et tutiorem redeundi nanciscerer. Ibi cum Hagam, ubi iuris suprema est administratio, quam vel in transcurfu cognoscere avebam, pervenissem, Illustrissimus Prin- 25
 cept MAURITIUS, qui Mam Tam novit et magni facit, benignum et clementissimum se mihi exhibuit. Cui libros quosdam Mæ Tæ secreto ostendi. Quos cum illi apprime arridere viderem, eos consulto ipsi tan-
 quam ex tua voluntate dono dedi, atque illud inscripsi. Qui sane nihil
 [magis] in votis habuit, quam te in Hollandia novas Uraniaæ sedes 30
 figere et stabilire, seque id Ordinibus sedulo propositurum, modo de
 tua voluntate certior redderetur, aiebat. Neque enim ambigere, quin
 et Ordinibus hoc perplaciturum sit. Existimavit etiam, non reperturam
 Mam Tam ullum locum Genio et studijs suis aptiorem. Quod ut ad Mam 35
 Tam suo nomine cum insigni animi sui et amicitia declaratione, donec
 ipsemet istic comparuero, perscriberem, iussit, et has quoque inclusas
 ad eam primo quoque tempore mittendas dedit. Neque tantum ab
 Illustrissimo Principe hoc ipsius et Ordinum notum percepi; sed et IO-
 HANNE BARNEFELDIO, qui nomine quidem Advocatus supremus,
 sed reipsa quasi Comes ceu Regulus est Hollandiæ. Nam ab eius nutu 40
 et voluntate ferme pendent omnia. Cumque et ipsum non minus quam
 MAURITIUM (qui brevibus ob innumeras suas occupationes Mæ Tæ
 gratias,

gratias, pro libris actis, rescriptis, particularia ut M^æ T^æ oretenus exponerem iubens) in nostras partes inclinare animadverterem atque te eo accersendum et benigne tractandum censere, subiunxi, me de tua voluntate hac in parte nihil certi referre posse, siquidem intellexerim, te Imperatoriæ Maiestati omnium primo tua studia demisse offerre decrevisse, tunc ille mox obmutuit et nihil amplius hac de re ingebit, sed quasi alio declinans orationem, aiebat, se esse in procinctu itineris Anglici, ubi legatum acturus esset nomine Ordinum. Ideoque nunc pluribus mecum loqui non posse. Ubi reversus fuerit, sique res ita postularit, et de tua voluntate sibi quidpiam constiterit, hoc negotium se apud Ordines peracturum. Inaudivi etiam in Hollandia, Angliam magno tui teneri desiderio, quod et ad te perscriptum esse quidam referebat: verene an falso, me fugit. Sed || tu rectius dispicies, quid tibi faciendum sit. Prævides enim quantis tumultibus Regnum illud obnoxium sit, quæ tunc primum gliscent, ubi Regina ferme decrepita fatis conceperit. Habes, si sic luberet, Scotiæ Regem in magna illa Britannica Insula, non saltem affinitate Danis coniunctissimum, sed et tui amantissimum, vel ex ea consuetudine, quæ vobis interceßit, ex quo illum cum nobili suo Comitatu te in tua Insula invisentem magnifice excepisti, deque rebus eruditis (uti est Princeps doctus) cum eo affatim contulisti.

Hæc M^æ T^æ, donec ipsemet Wandelsburgi me sitero, præsignificanda habui, quantum nunc inter peregrinandum licuit, ut, quid in posterum sibi faciendum sit, eo citius et rectius statuatur. Vale vir nobilissime et præstantissime, ac me propediem expecta. Amstelodamo die 6. Iulij Ao. 1598.

M^æ T^æ perpetuo devinctus
FRANCISCUS G. TENGNAGEL,
manu propria.

[Ex apographo in codice Monacensi Bibl. Univ. 693 in 2°; cf. apographum in Archivo Regni Daniæ: Diplomatario Langebekii]

IOSEPHUS SCALIGER AD TYCHONEM BRAHE.

S. P.



ISCESSUS tuus ex Dania, Vir generosissime, ut nobis acerbißimus fuit, ita ancipites animi nos semper habuit, quem locum fortunis tuis deligeres. Ubi enim illæ sitæ forent, ibi et animo tuo et serijs studijs tuis aliquid quietis partum iri confidebamus, idque eo impensius optabamus, quo propensior nostra in te semper fuisset voluntas; itaque cum primum accepißem, te Rostochij subsediße, non mediocriter me consolabar, quod ex eo, quod vicinum Daniæ tuæ locum optabes,

te cito in patriam rediturum ominabamur. At vero non prius te Rostochium commigraſſe renuntiatum, quam ex alijs accepimus, te iam inde pedem extuliſſe. Ab eo tempore fruſtra ſemper quæſivimus de ſtatu rerum tuarum ac de ſedibus, quas tibi conſtituiſſes. Denique nihil certi ad nos de te ferebatur præter infelicitatem patriæ tuæ, quæ te carere poſſet. Quare incerta animi mei de ſtatu rerum tuarum ſententia non paſſa eſt me officio illo erga te fungi, quod tu prior occupavi. Teſtis eſt mei conſilij iuvenis quidam Mathematicus, qui hîc agit et in veſtris domeſticis ſe fuiſſe profitetur. Ab eo primum ante aliquot dies te in Arce Ranzoviana degere reſcivi et recte ſe curaturum, ſi quid ad te literarum vellem. Id meditantem oppreſſit me adventus Nobilis adoleſcentis, FRANCISCI TEGNAGLIJ domeſtici veſtri, qui tuas plenas amoris, humanitatis, eruditionis mihi attulit, ut nondum conſtituerim, utrum mihi gratuler de tuis illis humaniſſimis literis, an doleam hoc officium a te præreptum fuiſſe.

Quod de meo opere de emendatione temporum aliter iudicas ac imperiti, quanquam in eo agnoſco amorem tuum in me, tamen exprimet confeſſionem ab illis, me non operam luſiſſe, vel eo nomine, quod tanto Viro mea placuerint, præſertim φιλαληθεστάτῳ et harum rerum intelligentiſſimo. Invidia neque nunc primum neque primi afflati ſumus, cui opportunum ſe facit, quiſquis aliquid ſupra captum plebeculæ facit. Livore ab huiuſmodi perſtringi, eſt laborum ſuorum fructum percipere. Si ſcirent, quantum addant gloriæ noſtræ importunitate ſua, cautius agerent, quam agunt. Ego horum neminem vidi, niſi imperitiſſimum, et quod pluris eſt, nequiſſimum. Quicquid ſcribunt, id vero chartæ detrimento eſt, non exiſtimationis noſtræ. De ſimiolo Heydelbergenſi, quem trophæa MILTIADIS non ſinunt dormire, minus mirarer, ſi THEMISTOCLES eſſe poſſet. Sed imitari bonos aliorum hominum eſt, non ſtercoreorum et barbarorum et ab omni morum humanitate remotiſſimorum. Sed quid mirer, cum inveniat ſecutores et admiratores? εὖρεν ἄλοκας τὸ πῶμα. Quid in literis præſtiterimus, non eſt pudoris noſtri dicere. Hoc unum ingenue profitemur, neminem vivere, qui plures ad infaniam ſcriptis ſuis adegerit. Sed, ut fit, non unius generis homines ſunt. Alij a nobis diſcunt et diſſimulant, ne nobis aliquid acceptum ferant. Alij palam carpunt, et tamen nihil illis tam ægre eſt, quam quod illorum auctores non ſint, propter quæ tam hoſtili animo nos petunt. Sed quid de hac ſæce generis humani te morer? igitur de illo opere noſtro, quod inſtitueram dicere, fateor me plus laboris, quam induſtriæ illo contuliſſe. Vix enim aliter mihi perſuadere poſſum, et nobiſcum præclare agi putamus, ſi ſtudioſiores quam doctiores habemur. Moneo autem me hominem imbecillis ingenij non potuiſſe tantam telam percurrere, ut non aliquando humanitus dormitarim, cum aliud

aliud pro alio contra animi nostri sententiam nobis excidit: quorum partem in Erratis correximus, partim imprudentes omisimus, quale illud, »*Saturnum in annuo motu duodecimam partem unius gradus efficere*«, quum vellemus dicere duodecim gradus, de quo et similibus

5† possum iurare sancte: ἡ χεὶρ βέβληκεν, ἡ δὲ φρενὴν ἀπόσκοπος. Quare, vir generosissime et doctissime, eiusmodi παροράματα potius quam ἀμαρτή-

135† ματα, qualia multa in EUDOXO || divinus HIPPARCHUS civiliter excusat, et quæ ingenui Lectores emendare, non exagitare debent, tuum quoque est aut ἀπροσκόπως καὶ ἀπταιστως præterire, aut, si per gravi-

10 ores tuas occupationes tibi licet, corrigere. At illa parva dictu menda retribuentis istis sunt argumenta novæ foeturæ librorum. Quod Septembrem vocamus, quem modo Octobrem, et feriam quartam, quam modo tertiam dixeramus, hoc typographias excalfacit. Barbaria et im-

15 prudentia invenit ibi quod agat. Divinæ æquinoctiorum observationes tuæ locum invenerunt in calce librorum nostrorum, non utique quem debebant, sed quem potuerunt. Non enim prius illas acceperamus. Et tamen ibi sunt a nobis collocatæ, ubi convenientissime cum Hipparcheis conferri possunt. Sane illud continuum quinquennium omnium

20 priscarum observationum dignitatem et fidem elevat, cum tuæ sibi consent, Hipparcheæ quadrante diei plus aut minus distent, quod quidem illa æquinoctia valde suspecta nobis facit. Nos ex septem illud delegimus, quod ab autore ἀκριβέστατον vocatur: quemadmodum et anni forma ALFONSINI GELALÆÆ quanquam elegantissimæ nobis præ-

† lata est. Tuus annus Cœlestis pauxillo minor GELALÆO. PTOLE-

25 MÆI vero observationes tam nobis falsas esse constat, quam multa alia

† apud illum scriptorem eximium. Ecce anno 886 Nabonassari, Pharmuthi IX, feria prima, Februarij 23, Christi 139, Sol, inquit, erat ἀκριβῶς in 3° 30' Piscium. At in meridie prima Thoth primi, Sol erat ἀκριβῶς

† in 3° 20' Piscium, eodem teste, nempe 26 Februarij. Ergo in 886 annis

30 προήγησις tridui tantum facta fuerit. Quid absurdius? Hæc et plura ἀτοπήματα diligenter in PTOLEMÆO annotavimus. Quare lubricæ sunt eius observationes et male illis fiditur. Itaque non miror, si in 285 annis, tot scilicet, quot inter illius et HIPPARCHI observationes inter-

35† sunt, unius diei progressionem æquinoctia tantum fecisse dicit, utpote qui sibi persuasisset in 300 annis id fieri. Itaque hinc illæ lacrimæ. A prima meridie Nabonassari ad æquinoctia ab se observata, sunt fere anni noningenti, et proinde triduum tantummodo æquinoctia εἰς τὰ προηγούμενα promota esse, quare omnes loci Solis ab eo notati ab hac hæresi pendent, et propterea falsi. Neque hac fine stat eius sententia.

40 Si 23. Februarij est 3° 30' Piscium, ergo æquinoctium in 23. Martij, quia anno sequenti ita observarat. Ergo ab hac Epocha æquinoctij verni retro proportionem 300 annorum addet diebus Iulianis, ut locum Solis

Solis designet, quod facit in omnibus eclipsibus veteribus. Quare qui sequitur illas Epochas Solis, sciat se 300 annorum προηγῆσαι sequi. Arabes, qui mentem et consilium PTOLEMÆI non animadverterunt, ex illis æquinoctialibus PTOLEMÆI observationibus μορμολυκεῖον illud Trepidationis pepererunt, ut ex prægressione æquinoctiorum ni- 5
hilo monstrosior motus octavæ Sphæræ εἰς τὰ ἐπόμενα natus est. Neque enim ideo ullus motus Trepidationis assignandus, quod PTOLE-
MÆO Instrumenta sua imposuerunt; neque Sphæram octavam ab
occidente in orientem ideo promoveri putandum, quod puncta æqui- 10
noctialia in Ecliptica in antecedentia promoventur. Circuli enim æqui-
noctiales ad illa describuntur. Puncta vero mobilia sunt, ergo et ipsi
circuli ad ea descripti sunt mobiles, et consequenter polus æquinoctialis
mobilis. Itaque tempore HIPPARCHI polus æquinoctialis aberat a
cauda Cynosuræ gr. 12 24'. Hodie minus distat, quam tribus gradibus.
Et tamen omnes putant polum mundi esse non æquinoctialis circuli, 15
et quidem HIPPARCHUS primus huius eximiæ rei observator in ea
hæresi fuit. At error est, neque unquam circulus arcticus ullius loci
parallelus fuit Tropicis aut æquinoctiali. Circuli arctici et antarctici
polus idem est cum polo mundi. Circuli æquinoctialis polus variat, ut
diximus. Hactenus igitur nunquam polus æquinoctialis fuit polus 20
mundi; sed fore aliquando, fidem facit accessus propior ad Cynosuræ
caudam, sive ea est polus mundi, sive aliud punctum non longe ab ea
remotum. Quid tui iudicij sit, quando illi duo poli convenerint, libenter
audiverim. Nam magna res est. Item velim ex te scire an κατάχρησις
illa et confusio poli æquinoctialis cum polo mundi aliquem errorem 25
invexerit in collocatione Asterismorum in Sphæra solida. Multa enim ||
in illis desidero et HIPPARCHUM ostendemus ea re deceptum. Edi- 136r
turi sumus in calce MANILIJ nostri aureolum libellum PTOLEMÆI
adhuc ἀνέκδοτον περὶ ἀπλανῶν ἀστέρων, in quo per singulos dies anni
Actiaci et Iuliani, quæ stella matutino aut vespertino oriatur occidatve 30
in quinque Climatibus, diligentissime designatur. Sed recentiores Aste-
rismorum Astrothesiæ valde illis repugnant, neque bene cum illis pari-
ant tabulæ directionum præclari Artificis REINHOLDI. Nos omnes
omnium Asterismorum Hipparcheas observationes accuratissime col-
lectas in suos dies Iulianos digessimus, in quibus perfectissimus ille arti- 35
fex notat, quæ prima stella cuiusque Asterismi, quæve ultima oriatur
aut occidat, et cum qua parte Eclipticæ. Deprehendimus male illi cum
PTOLEMÆO convenire, in qua lite componenda, tuo, Vir clarissime,
aut nullo auxilio opus est. Vix tandem vanitas anni fiderei autore THE-
BITHIO nobis comperta est; qui scimus eadem die Iuliana eandem 40
stellam semper oriri vespertino et occidere matutino, quod vere doce-
bat nos Ægyptiorum sententia, quæ semper eodem tempore Iuliano
Caniculam

Caniculam oriri sciscit. Quod verum est. Nos tamen illi commentitio
 anno Sidereo ascensionem accommodavimus, ut et προηγῆσαι ἰσημε-
 ρωῇ unius gradus per 70 annos, cuius opinionis auctor COPERNI-
 CUS, PTOLEMÆUS observat unum gradum promotionem fieri in
 5 centum annis. Ego vereor, ne in pluribus. Sed tu hæc melius, a quo et
 alia expectamus. Nam nos homunciones procul spectamus, et intra
 vestibula sacrarij consistimus, quia nondum ἐπόπται sumus, neque spes
 unquam fore. Itaque sufficit nobis summorum virorum vestigia ad-
 orare, quorum tu Princeps, qui talia diu observasti. Nos vero vobis
 10 tantum a labore adesse possumus, quantum a peritia nobis defumus.
 Itaque quod sedulitas nostra nos docuit, id non pigebit in medium pro-
 ferre. Aio igitur tempore HESIODI Arcturum vespertino oriri solitum
 † in Bœotia et Attica VIII. die Martij Iuliani, eademque die in eodem
 tractu ortum illum observatum a METONE et EUCTEMONE, et
 15 postremo notatum sæculo PTOLEMÆI. Hoc confirmat sententiam
 nostram de confutatione anni siderei, et Ægyptiorum scitum, qui an-
 num, quem Iulianum nos vocamus, κυνικόν vocabant, quod per plus,
 quam mille quingentos annos Caniculam semper eodem anni Iuliani
 die oriri prodiderunt. Hæc observatio, ut spero, tibi ingrata non erit.
 20 Magnam a nobis inibitis gratiam, si paucularum stellarum, quæ pro-
 piores sint Eclipticæ, ut Basilisci et πρόποδος τῶν Διδύμων observa-
 tiones vestras nobis communicare libuerit cum latitudinibus, longitu-
 dinibus et die Iuliana. Fortasse non infeliciter cum illis Hipparcheis et
 Ptolemaicis conferentur. Annum cœlestem verum a te prodi unico posse
 25 certo scimus, a quo plura in Astrologia quotidie expectamus. Quam
 ineptus et imperitus fuit auctor Anni Pontificij, non dico nunc. Magis
 miror, tot millia hominum errores non deprehendiße. Sed te mora-
 mur. Vale, Vir Præstantissime. Lugduni Batavorum VII. Eid. Quintiles
 Iulianas, CIO. IO. XC VIII.

30

Tibi devotissimus et tuæ
 amplitudinis studiosissimus
 IOSEPHUS SCALIGER.

[Ex apographo in Archivo Regni Daniæ: Diplomatario Langebekii]

TAM ANTIQUÆ PROSAPIÆ QUAM PRO- 10^v
 PRIA VIRTUTE INPRIMIS NOBILI ET ERUDITIONE SIMUL
 SOLIDA CLARO VIRO DOMINO OLIGERO ROSÆ-
 KRANTZIO DE ROSENHOLM, CONSANG- 5
 VINEO, AFFINI ET AMICO
 INTEGERRIMO.

S. P.



UAS ante disceßum tuum ex ultimis Comitijß Hafnien-
 sibß deproperasti, desideratißime mi OLIGERE, Con- 10
 sangvinee, Affinis, et (quod plus reputo) Amice integer-
 rime, his ipsis diebus ob moras, quas isthic neßeabat MU-
 LIUS, pridie accepi. Erantque utut festinanter scriptæ,
 et ad singula, quæ expectabam, propter otij penuriam
 non respondentes, admodum gratæ. Quod literæ Electoris et Electo- 15
 rißæ Brandenburgensis Regi et Reginæ oblatae non sint, parum moror.
 Neque enim ob [id] eas mißi, quod magnopere cuperem, ut exhiberen-
 tur. Ideoque (uti scis) liberum id tibi reliqui. Scio eas scatere [politic[iß]-
 mis et aulicis], || uti fit apud tales homines. *Allene det var ander-* 1^v
ledes lovet; naar jeg seer til, da colluderer de begge [Canceler] 20
med hverandre, for den eene ravn piller ikke øyet ud paa den
anden: quamvis alterum magis integrum et sincerum duxerim, quam
 vestrum istum NICOLAI MACHIAVELLI Neophitum, qui adhuc
 quotidie discit a suo [præceptore contiguo]. Nec tamen id quod tu in-
 finuas, inde inferri poße, si traditæ fuissent literæ, existimarim. Nam 25
 conditio mea nullatenus isthic defletur. Et cur hoc, cum ego ipse hanc
 prætulerim et etiamnum præferam priori? Neque commutarem, *om*
man endskiönt || vilde give mig Penge til, som naar man bytter. † 2^r
 Nec ullis modis reditum captavi per literas illas, utut tam vestratibus
 quam mihi invisum, plus tamen forte mihi quam illis. Ideoque solli- 30
 cite excepi apud Principem hunc urgentem, ne tale quid verbo scrip-
 tove moveret. Neque eæ, quas Bramstedij illi obtuli, quarum exemplar
 (ni fallor) habes, tale quid præ se ferunt. Recompensationem solum-
 modo expensarum moderate requirebam, suo forte tempore validius.
 Videbo, quomodo literæ illæ suis restituantur autoribus, modo id citra 35
 offensam per aliqualem excusationem fieri queat, vel (si mavis) || præ- 2^v
 textum. Quod autem Regi libros destinatos non tradideris, nec tuum
 nec aliorum probo consilium. Maluißem enim certis de causis mature
 exhibitos, quam retentos. Neque tamen suspicor, te tenacitate quadam,
 et amore mei atque librorum eos pro te ipso servare voluiße, ne forte 40
 æmuli nostri et malevoli ad se [dono Regis] reciperent. An [Regi] placi-
 turi

turi sint nec ne, fusque deque fero. Nec sane ob id illi communicandos
censeo, quod sic ipsius gratiam aucupari cupiam; cum sat sciam, ne
quidem gratiori munere aliquo aut quovis officio ob eos, quibus magis
auscultat, id impetrari posse (quod et cordate fero) vel literæ meæ Ro-
3^r stochio scriptæ cum suo responso (necdum || uti pollicebaris, critizatæ)
satis superque testatum relinquunt. Nec si[c] intempestive [supplex]
fio, cum nihil petam, nihil deprecem, nihil supplicem, sed potius labores
meos quos [ille] cum suis aspernatus est, me Cæsari nunc dedicare,
aliumque atque adeo summum Imperij caput pro studiorum meorum
10 Mæcenate quærere, posthabitis invidentibus et detrectantibus [Danis]
ostendo ostentoque, ut hoc potius (si quid foret infimulandum) culpæ
imputari posset, quam quod nimis me dmitterem. Tu itaque, mi OLI-
GERE, omnino libros [Regi] trade in manus, sive [volenti] sive [repug-
nanti], aut si id tibi commodum non fuerit, fac ut per aliquem alium
3^v meorum, aut etiam [RAMELIUM] id fiat; ita tamen, || ut per quoscun-
que sive temet ipsum vel alios Regi porrigantur, tibi, siquidem Rex (uti
scio) talibus [imo nullis (quod dolendum)] libris delectatur, cedant.
Invenies facile rationem. Quod et antea, cum mecum hîc es, præ-
monui. Sin [Rex] ipsemet (quod [miraculi] loco duxerim) eos retinere
20 voluerit, aut etiam præter omnem nostram prævisionem et amolitio-
nem in aliorum, quorum quam minime vellemus, potestatem deven-
rint, id ferendum erit. Habeant, quod tacite suspiciant atque admiren-
tur, quodque capere aut imitari non possint, palam vero contra con-
scientiam (uti solent) rodant, extenuent, invertant et cavillentur. Id
4^r populus curat scilicet. Faxo autem, || si res ita ceciderit, ut tu nova,
etiam picta et ornata obtineas exemplaria, quibus hanc iacturam leves,
præfixis etiam carminibus, sed in te directis, qualia nuper, dum Duci
IOHANNI ADOLPHO hos libros dono mitterem, præposueram, quo-
rum tenorem in adiuncta scheda habes. Liber de Stellis erat in charta,
30 non membrana scriptus. Et hunc Duci ULDARICO Megapolitano non
conceßi, cum alterum nuper antepositis etiam suis carminibus dono
mitterem. Quanti utrunque fecerit, quam comiter et benigne TENG-
NAGLIUM meum exceperit, quam gratus erga me fuerit, atque in
4^v posterum esse velit, et quam clementi || denique favore me prosequatur
35 Ser^{mus} Elector Colonienfis, ex ijs, quæ ad CRAGIUM nostrum scripsi,
cognosces, et aliquatenus etiam ex adiunctis literarum exemplis, quæ
cum CRAGIO quoque communices, præsertim quæ antea non habet,
velim, ut et ille nostra tibi. Quæ enim alteri vestrum scribo mittoque,
utrique scribo et mitto pauculis differentibus. Exemplum scripti istius
40 famosi apud CRAGIUM videbis, quale mihi Helmstadio mißum est.
Addidit quidam ex meis studiosis annotationes marginales, ubi præ-
cipue fit mei honorifica mentio, ne diu tam memorabilia loca quæ-
renda

renda forent. Egregius sane liber, qui a Professoribus Hafnienſibus
 tanto applauſu, licet tacito || murmure inter eos ſuſurrato excipitur. 5^r
 Gaudent monſtris monſtroſa ingenia et prava pravis. Oſtendet tibi
 dictus noſter communis ſecreto literas quaſdam a [IOANNE STUG-
 GIO IOANNI] Omnivendæ, vel potius Ardelioni ex compoſito ſcriptas 5
 adinſtar *Beinenkorf*, ut ille et ij, quibus hoc ſcurrile ſcriptum magni †
 et grati muneris inſtar congratulatus eſt, ſibi ſic aſenſum et laudem
 præberi fruſtra lætentur; aut ſi fucum capiunt, ſciant alios ſcire, quam
 parum veri bonique illi ſciant vel ſapiant, quamque infulſi invidi et
 malevoli ſint cenſores, quodque nos eos clam ſe titillantes et conri- 10
 dentes palam pungamus et rideamus, imo ex alto deſpiciamus. || Li- 5^v
 brum autem hunc, qui mea Elogia deprædicat et ebuccinat, mihi per
 hunc ipſum nuncium remitti volo. Nullum enim aliud habeo exem-
 plar. Ubi plura naſtus fuero, vobis et alijs communicabo. Eroque ad-
 huc facilior, quam inſitor iſte veſter librorum. Nam gratis dabo et 15
 aperte faciam, quod iſ ſubdole et teſte. Ephemerides iſtæ novæ ex no-
 vis (ſi Dijs placet) Tabulis ſupputatæ ne quidem apud Germanos fidem
 merentur, quam autor in Præfatione venditat, nedum apud [vos Da-
 nos], qui terrena potius quam Cœleſtia curatis. Heu tam averſus Equos †
 veſtris Sol iungit ab oris. In Septentrione enim ſemper habitavit || bar- 6^r
 baries. Et verendum, ut ne nunc quidem ſatis extirpata ſit, aut poſt-
 liminio redeat, contemptis ingenuis et humanioribus literis unâ cum
 virtutis integritate. Quod Cognatus meus [LINDENOVIVS], ea quæ
 ipſemet non invite, antequam diſiungeremur, promiſit, nunc conce- 25
 dere tergiverſetur, licet tunc æque erat in Politicis prudens atque nunc,
 non miror. Cimber enim eſt, cur non Cimbrizet et nippizet? Quamvis
 (ut dicam quod res eſt) parum curem, ſive communicet, ſive non. Poti-
 oribus enim intentus ſum, quam ut talibus Mundanæ ſcenæ frivolis
 nugis immorer. Volebam ſaltem memoriæ et rei || bene geſtæ cauſa 6^v
 hanc hitoriolam penes me habere, *att man kunde læſe den ſom et* 30
Eventyr om Afftenen. Scripſit iſ ad me, et quod in diverſis locis hære-
 ret hæc confabulatio, non mitti excuſavit. Tum quoque de Comœdia,
 quæ iſthic a perſonato Anglo introducta eſt, quodque ferme in Tra-
 gœdiam verſa fuerit, indicavit. *Kan /kee den /gammele/* pater con-
 ſcriptus *lader ikke af*, furijs ſic impellentibus, etiam in deſunctum 35
lævire, førend han ſtaar op igien og gjør Jertegn. Mones, et quidem
 recte, ut circumſpecte in quibuſdam agam. Quod et facio, faciamque.
 Imo pluſ taceo, diſſimuloque || in tantis iniurijs, tamque falſis obiectioni- 7^r
 bus, quam forte opus eſet. Sed ſerviendum eſt tempori et loco. Quod
 differtur, non aufertur. Sunt Regibus, fateor, longæ manus. At Philo- 40
 ſophis et veritatem tuentibus adhuc longiores et fortiores. Nam ipſo-
 rum Imperia et Iuriſdictiones etiam ultra fata mortalium ſe extendunt. †

Cætera

Cætera momentanea et caduca sunt. Tandem bona causa triumphat. Reges et Dominos habere debent, qui se non habent, et non concupiscunt, quæ Reges Dominique concupiscunt. Illi semper metuant, ne
 † fractus labatur axis, et pavidos feriant ruinæ. Rex est, qui metuit nihil.
 5 Hoc Regnum sibi quisque dat. Sed de his satis. ||

7^v Ædes meas Hafniacas pro duobus millibus non vendam. Confliterunt mihi, antequam ultimo ibi essem, et quædam in ijs complevissem, ultra 3000 Ioachimorum. Tunc vero vix intra millenos in eas ulterius erogavi. Satis est constans structura, quæ alijs in Civitate lapideis domibus duratione sua non cedit. Nec fundus ille paludosus, quem tanta
 10 arte emendavi, ponderosorem sustinuit. Si vendi iusto precio nequiverint, date saltem operam, mei Amici, ut inquilinum fidelem pro ijs ad Michaëlis festum obtineam, qui id quod æquum erit, inde solvat.
 8^r Causa PEPLERI etiam invitis (uti existimo) || ijs, qui eam promovere
 15 satagebant, male illi cedit, et prout revera meritis erat, imo mitius. Si Amstelredami mansisset, neque [HUITFELDIO] auscultaßet, sed apud me in Norvegia rursus habitandi veniam unâ cum culpa deprecatus fuisset, liquidem me ad condonandum non futurum difficilem ISAACUS PETRI iam antea illi indicarat, forte rectius sibi consuluißet. Sed
 20 confusus meis adversarijs nunc prædominantibus (apud quos ego, etiam si Geometrice demonstrarem, nihil veri iustique obtineo) maluit
 8^v hanc Camarinam movere, et maiora subire pericula maioresque misérias. Cum BÆKELIO per MULÆUM || uti voluisti, agam, ubi fuerit, nunc enim peregre abest. Quid obtinuero, ex adiuncto responso videbis.
 25 Pecuniam totam iam antea tradiderat illi WINSHEMIUS, me inscio, nec tamen, postquam rescivi, multum dissentiente. Erat enim is valde importunus, præsertim vero uxor; et minabantur, *at de vilde*
 † *flaae Skade og Interesse paa*. Et nescio, quæ alia crocitabant. Quid igitur faceremus? Litem forensem ob id movere tibi forte ingratum
 30 fuisset, nec nobis volupe. Et habet is inter iudices sibi addictos, ut vix aliquid obtinuißemus. Nam et hîc iudicia sunt personalia, non realia, ferme ut apud vos, licet paulo minus ob processum Iuris Civilis in cognoscendis || causis et non præiudicandis magis æquum et legitimum.
 9^r Dabo operam, quantum in me est, ut eos, quos adhuc desideras, nanciscaris. Quod si obtinere nequivero, transeant cum cæteris. Satis habes
 35 librorum. Unica SOPHIA omni prævalebit Philosophiæ, etiam Platoniciæ et veriori, nedum Aristoteliciæ et fucatæ, atque in Logimachijs verborum fundatæ. Ignosces, quod de Præceptore tuo id quod res est, dicam. Nam et ipsi Itali, qui alias ei admodum mancipati sunt, illum
 40 hoc (uti scis) elogio deprædicare non sunt veriti:

*Doctorem calamo ingratus, Dominumque veneno
 Perdidit, igne Patrum dogmata, nos tenebris.*

Non tamen reprehendenda || duxerim, quæ in ipso laudabilia et recte 9^v
 constituta sunt, qualia te Lynceis oculis discernere posse non ambigo.
 Præstabit tamen (uti opinor) vivæ illi palpabili et tractabili SOPHIÆ
 operam dare, quæ pro libris liberos dabit, pro facundia fæcunditatem,
 ut pulchra faciet te prole parentem. Quod ante revolutionem Phœbi †5
 annuam faxit Deus. Cecini tibi breve et fortuito incidens Epigramma
 loco Epithalamij; quod nescio an acceperis, siquidem nullam in literis
 eius facis mentionem, nisi serius forte nactus sis, quam eas scriberes.
 In omnem itaque eventum denuo reliquis, quæ mitto, cum alias sit
 breve, addidi. Restituas mihi velim || carmen CRAMERI tui, quod cum 10^v
 cæteris in hoc genere coacervare lubet. Multa enim hinc inde talia ab
 Eruditis in mei gratiam cuduntur, ut suo tempore videbis. Plura nunc
 non addo. Ubi tu plura rescripseris et currum promissum, quem indies
 expeto expectoque, ne iter meum retardetur, miseris, ulterius respon-
 debo. Vide saltem, ne quidpiam eorum silentio prætereas, de quibus 15
 antea movi, quæque memoriæ causa denotata habes. Iamque felix et
 incolumis cum tua costa vale, et matrem tuam officiose ex me saluta.
 Hancque non negliges, atque non detento hoc Nuncio actutum rescribe.
 Iterumque vale. Dabantur || Wandelburgo die 10. Augusti Anni 1598. 10^v

BÆKELIUS hisce diebus domi non fuit, ut responsum eius tibi mit- 20
 tere nunc possem. Quam primum is redierit, omnem hac in re movebo
 lapidem, ut desiderijs tuis satisfiat.

Tuus TYCHO BRAHE.

[Ex apographo manu scripto in fine exempli Hauniensis P. J. Resenii *Inscriptionum Haffnien-*
sium (Hauniæ 1668)]

EXCELLENTISSIMO ET PRÆSTANTISSI- 34^r
 MO VIRO DOMINO NICOLAO CRAGIO I. V. DOCTORI,
 HISTORICO REGIO ET ACADEMIÆ HAFFNIENSIS
 PROFESSORI EXIMIO, AMICO SUO EX INTIMIS
 UNI ET SINCERE DILECTO.

S. P.



NTE octiduum primum huc reversus est MULÆUS,
 literasque tuas, Præstantissime et amantiſſime Vir, attu-
 lit, multo serius quam sperâram. Detentus quidem ab
 ESCHILLO et ACCIO, at non, ut causas moræ interea 35
 per literas significaret prohibitus. Quod tamen serio ei in
 mandatis dederam. Nec tanta illi secreta aut mysteria
 scribenda erant, quod interfuerit, in quorumcumque tandem manus
 literæ eæ venirent. Et quod omnium maxime displicet, præcipuo ne-
 gocio,

gocio, nempe pecuniario, infecto reversus est. Quod tamen non tam illi quam dictis duobus imputo, et ACCIO potius quam ESCHILLO. Nam hic ministrum suum Flenzburgum misit pro duobus millibus Ioachimicis meâ causâ isthic obtinendis, sed frustra. Ille solutionem summæ
 5 debitæ tergiversatur, et dilationem petit ob debita fratris defuncti et nescio quas alias impensas; cum tamen sit in bona re, et Cancellario nunc affine gaudeat, quem diutina avaritia et tenacitas satis nummo-
 † sum reddidit. *Huor kand da AXEL staa til at trenge?* At ego totius summæ restitutionem denuo urgeo. Nolo enim quidpiam mearum
 10 pecuniarum amplius in Dania hære, præsertim in istâ invisâ affinitate. Ego quidem non incircumspecte hætenus eidem ACCIO scripsi. Nam quamvis non obscura mihi cum eo interceberit familiaritas præter sanguinis rationem, quæ hac tempestate etiam inter ipsos fratres in
 15 aquam degeneravit (ideoque eam minus reputo) tamen nos satis novimus nos, et plus esse in verbis quam factis compertum habemus. Si is serio rem egisset tacentibus fratribus meis cæterisque consanguineis, et Regno et Regi et Parenti servatus fuisset is, de quo scribis, forte honor. Ille enim ferme solus, quæ et quanta in istâ Insulâ confeceram, rectius
 20 erat, partim ob habitationis suæ vicinitatem, dum Landscroniæ Præses erat, partim quod nonnunquam me invisere solitus, eaque inspicere, et de ijs me referentem audire. Attamen ad literas mihi obsignatas, quibus unâ subscripserat, non minus quam cæteri obtulit, magno equidem omnium illorum honore, et ad posteritatem historijs commen-
 28^v dando. O prisca fides! ô obsoleta veterum Danorum con-stantia! sed
 25⁺ fit nunc perinde, prout Germania nostra vestræ nuper scripsit Daniæ:

*Curat se quilibet unum,
 non alios, metuitque sibi, si causa probetur
 alterius, sit iusta licet.*

Sed utinam hæc de solo ACCIO, quod ad plurimos alios, qui ipso mihi
 30 coniunctiones esse debebant, redundat, dicere liceret. *Det var en gott,*
 † *om der var ingen værre end hand.* Si non multum boni præstat, attamen non ita nocet, ut cæteri. *Och det er en stor naade i denne tiid.* Et interdum etiam consolari videtur, meliorisque fortunæ spem facere, quam tamen in vestrâ Daniâ nec exspecto nec expeto. Bene mecum
 35 actum iudicarem, si absentem et non modice læsum immeritis cavillis et calumnijs persequi nonnulli e vobis abstinere possent, quamvis et has nugas non plus morer, quam Cynthia pleno sublimis fulgensque lumine canum oblatrantium insipientiam, quos et generosi equi negligentes prætereunt, modo non plane mordeant. Tunc enim ne calci-
 40 trant. Egregiam sane consolationem vafra ista et Machiavellica inter quosdam e vobis Gymnasiarchis confederatio hinc nata est, quod ve-
 tus

tus ille meus domesticus, qui per me ad potiora promotus est, nunc ingratus cuculus ijs scurrile et mendacissimum efferi istius URSI scriptum impertitus sit. Sic enim habent quo sibi abblandiantur, quasi de re bene gesta, quod eorum antesignanus ipsissima ut ut latens causa fuerit, cur patria me nunc careat: exigua sane iactura, si ista convicia atque
 5 calumniæ vim Geometricæ veritatis obtinerent. *Der som den herlige Distractor famolorum librorum sad endnu i Narrehuset thill Augsb- burg, der jeg en gang løste ham ud for 18 Cruner.* cum vinum suffu- ratus erat, *da skulle hand sidde der saa lenge til hand kunde reci- tere Bogen uden ad, och kand skee æde den op til bedringe, førend*
 10 *jeg skulle løse ham der ud igien,* ut et ipse sic ex hac incorporatione † melius addisceret, quam antea mentiri, || pugillare, fallere, peierare, et 29r plures eiusmodi virtutes, quibus liber iste scatet, et quarum ipse non ignarus est. Istud impurum scriptum Academiae Witembergenfis, Lip- sensis, Helmstadiensis, Rostochiensis et plures in Germaniâ detestan-
 15 tur, authoremque eius tanquam bonorum consortio amplius indignum, qui tamen apud quosdam vestratium decantatur, laudatur (*got folch tilhobe*) execrantur; quod et literis apud me testatum reliquerunt. Bris- goienfis sane Academia non obscure mihi significavit, se in Poëtastrum istum, qui contumeliosum illud distichon concinnarat et subiunxerat,
 20 prout meruit, animadversuram fuisse (modo is author est, et non potius ursina bestia) si adhuc in vivis esset. Nam ante quadriennium in summa egestate eum obijse mihi relatum est. Sic et viri Principes tantam im- pudentiam abominantur. Apud Brunsvicensem author officij, quod in schola ambivit, ea de causa repulsam passus est. Dux ADOLPHUS
 25 Holsaticus, quamprimum nænias istas vidit, statim addita execratione folia omnia laceravit, atque ad Cancellarium suum D.D. IONATHAM GUTSLOVIUM librum igne absumendum proiecit. Quod et factum est. RANZOVIUS noster non minus movebatur paucis solummodo
 30 introspectis verbis, omnia dira authori imprecans, et capitis poena † mulctandum secundum IOB tam infandum facinus censens. En non- nulli ex eruditis vestris huic applaudent, in sinu vident, sibi que hunc
 librum congratulantur, ne quid superesset, quod ingrata Patria, aut
 potius in ea ingrati quidam contra me auderent. Id tamen cum cæteris
 35 omnibus flocci facio, nec calumniatorem istum responsione dignum arbitror, sed poena potius secundum statuta Imperij. Quod et me im- petraturum confido. Tunc demum triumphent ipsius applausores. *Man*
skulle med rette icke rose aff Marchen, førend torffvet bleff holdet. †
 Sed valeant || et iste et isti, indigni de quibus hæc scriberem, non sine
 29v chartæ detrimento, cui vesanum istud scriptum obfuit, non vero exi-
 40 stimationi nostræ, ut cum SCALIGERO nostro loquar. Quare pluribus de his nunc supersedeo.

A SCALIGERO, cuius modo memini, litteras mihi attulit FRANCISCUS TENGNAGLIUS meus ante biduum redux, rebus bene expeditis. *Thi det var paa thiden en gang att tale om gott folch, och lade de andre fare.* Est autem Epistola illa admodum erudite et humaniter scripta (uti sunt summi illius viri omnia) cuius exemplum tecum communico. Quæ de Polis diversis Mundi et Æquatoris, deque Polari stellâ, fixarum progressu, anni quantitate, PTOLOMÆI craßa hallucinatione ex ortu Caniculæ eodem die Iuliano, tot interlapsis seculis, atque similibus commemorat, minus sibi constant. Nam et bonus interdum dormitat HOMERUS. Quâ de re, ubi rescribendi otium nactus fuero, ipsum candide admonere constitui. Is nostra plurimi facit, uti non saltem ex his literis, sed et ex ipsa redintegrata temporum emendatione nuper publicatâ liquet, in quâ meas Æquinoctiorum observationes, quas Danicas vocat (*som vel forskyldt er* a quibusdam Danis, *att de skulde saa kaldis*) supra istius HIPPARCHI inventa (quæ tamen et PTOLOMÆI et omnium veterum traditionibus præfert) longe evehit. Utrum ipsius hîc censuræ, qui rem ponderat atque intelligit, potius standum sit, quam Curia Magistri apud vos, qui horum plane rudis est et nil nisi pecunias somniat, ac Rusticorum opera Astronomiæ et Iurisprudentiæ anteferre non erubescit, tibi et alijs absque glaucomate negotium introspicientibus æstimandum relinquo. Is adeo lætatus est, quando TENGNAGLIUS cum meis illum acceßit, ut præ gaudio exilierit, et quodvis humanitatis officium adeoque pecuniam, si eâ destitueretur (quod alias rarissimum est) illi obtulerit, nihilque magis in votis habuit, quam ut a Batavis accirer. Ideoque in partes Imperatoris minus inclinavit. Et cum de pollicitis Principis MAURITIJ, qui etiam mihi Germanice admodum humaniter scripsit, ac BARNEFELDIJ nonnulla illi retulißet FRANCISCUS, subiunxit SCALIGER, lenta admodum esse illorum consilia. Sed se eos adhortaturum, ut mature rem agant, et me eo pertrahere elaborent. Omnino enim oportere ut Batavis, non alijs cedam.

Qua vero clementiâ et benignitate Elector Colonienfis (qui Cæsaris potius partes hac in re tuetur, ut et tu) eum exceperit, verbis satis exprimere non potest. Manfit apud ipsum usque in quartam hebdomadam, singulis pene diebus ad secretum eius colloquium per aliquot horas vocatus, adeo ut consiliariorum suorum interpellationes subinde eâ de causâ averterit, multa sciscitatus, multa respondit, libros meos diligenter evolvit, laudavit; scripta etiam quæcunque FRANCISCUS ex meis secum habuit, ad se recepit, pauca restituit nec ea nisi descripta, adeo ut ne carminibus quidem in mei gratiam concinnatis parcere voluerit, occasiones abitus mei e Dania non sine admiratione expendit, et percunctatus FRANCISCUM quantum id fuerit, quod istic quotannis

annis in redditibus habuerim, respondente illo, et summam in honorem
 Regis et Regni aliquantulum augente (*det var noch hand var eders
 landmand*) quatuor millia thalerorum eam attigiße; subiunxit Prin-
 ceptis hæc formalia verba: *Was? Solte man fölichen Man vmb so*
ein geringes Geltt aus dem Lande ziehn lassen? Schande ist es.
Ein Herr verspielet mehr auff einen abent; Gelt bekommet man
allezeit, aber föliche leute nicht allzeitt. Tandem litteras promotori-
 ales ad Imperatorem exquisitâ diligentia ipsemet et composuit, et su-
 apte manu scripsit, inscio tam Cancellario quam Secretario, || quarum
 tenorem unâ cum ijs, quas ad BARBITIUM supremum Imperatoris
 Secretarium, qui ab ipso ad hoc dignitatis fastigium evectus est, et annua
 etiamnum habet stipendia, pariter dedit, te accepiße existimo. Scripsit
 etiam ad me succinctas et eruditas, quas suo cubiculario mane in lecto
 ipsemet dictavit, eo quod FRANCISCUS abitum festinaret. Earum eti-
 am hîc exemplum habes, cum ijs, quas ad Dominum RANZOVIUM
 unâ dedit. Placuit illi quam maxime, quod in Germania postmodum
 habitare decreverim et se charißima omnia, quæ haberet, depositurum
 aiebat, quod Imperator Clementißimo et summo favore me meaque
 studia sit profecuturus et liberaliter sustentaturus; addebatque, quod si
 Cæsar præter omnem suam expectationem in eo difficilem se præ-
 beret, tunc seipsum proprijs impensis id effecturum, et omnino cura-
 turum, ne extra Germaniam abeam, aut ad Danos redeam: egitque
 Deo gratias, quod ipsi iam propior essem quam antea; et siquidem ip-
 sum tam cito ac vellem, invisere (quod tamen admodum in votis ha-
 buit) haud possem, se quendam nobilium suorum intimum huc ad me
 mißurum, antequam in superiorem Germaniam me conferrem, dice-
 bat, qui de secretis quibusdam ad artes abstrusas pertinentibus mecum
 ageret, atque ad ipsum ea quæ percepißet, referret. Et ut paucis rem
 absolvam (siquidem omnia narrare nimis foret prolixum) cum alias
 tum præsertim ubi FRANCISCO discedenti valediceret, tenens illum
 diu per manum, his ipsis verbis conclusit: *Sagett dem || gutten ehr-*
lichen Man viel gutes von meinent Wegent, meinen gnedigen
Grues, auch daneben, das er mich freilich von seinen besten freundt
halten soll den er hatt, vnd das ich ihn hin wiederumb nicht anders
haben, vnd bey ihm thun will, als wan er mein leiblicher Bruder
were, vnd ich ihn mein lebenslang vnd von jugent auff gekantt
hette. So wohl gefälts er mir. Vnd so baldt ich gehen Prag kom-
men werde, will ich ihn besuchen, es sei wo er in Ihr Kaiß. Mayt.
gebiet zu finden: adeo certus erat, se isthic me reperturum. Atque hæc
 de optimi illius Principis Clementi erga me favore paucis indicata sunt.
 Ex quibus tute * cæteros parvo æstimavit, nulli facile cætera colliges,
 quodque non tam invisus atque despectui habitus sim in Germania at-
 que

que apud quosdam in Dania, vel inde ratiocinaberis. Quin et veſtrates etiamnum omnem mei curam abijcere video, nec quicquam ut iſthuc abſque meo incommodo reſtituar, ſollicitos eſſe. Nam ſi eo uſque expectent, donec ego ijs ſupplex futurus ſim, ad calendas Græcas (uti tu recte auguraris) expectabunt. Nihil equidem ſatius ducerem quam
5 Patriæ et Regis mei honori ſtudere, vel ob optimum illum et laudatiſſimæ memoriæ FRIDERICUM huius Parentem, qui præclare de me meritus eſt. Sed quid faciam, cum ipſi me reſpuerint, contempſerint, detrimento non exiguo atque multis iniurijs affecerint, odio et invidia
10 perſecuti ſint, artis, quam tam diu excolui, quamque totus pene orbis a me efflagitat, inſtaurationem non ſaltem non promovere voluerint, ſed et ſuſtentationem denegarint, ac ſubſidia, quæ prius habui, || ſubtraxerint? Si mihi more cæterorum Nobilium vivendum foret, nec al-
† tiora peragenda ſuſcepiſſem, reliquos inglorius annos iſthic traxiſſem,
15 Bacchum et Cererem conſumere natus. Hæc et ſimilia RAMELIO noſtro, qui erga te ob itineris moleſtias non ingratus (quod laudo) fuit, quemque ego pro ſincero habeo Amico, indices quæſo, ne interrogatus de abitus mei cauſis reſpondeat ſe nullas ſcire, ſed me ſponte meâ citra ullas neceſſitates iſthinc abijſſe; veluti heri Generoſus Dominus GU-
20 LIELMUS SLAWATA, Liber Baro in *Chlum* et *Koſchumbergk*, ex commendatione RANTZOVII me hîc inviſens mihi retulit, ſibi perconſtanti a RAMELIO reſponſum eſſe. Satis quidem polite et Politice, an vero ſatis cauſæ Amici rationes ita habuerit, qui ſic leviter et citra iuſtas rationes quidpiam admiſiſſe tacite inſimulatur, præteritis ijs, qui
25 in cauſa fuerunt, non dixerim. Quod Rex Sereniſſimus, quotieſcunque mei incidit mentio, nullam malevoli animi ſignificationem oſtendat, veluti tu ſcribis, et RAMELIUS etiam CLAUDIO MULÆO inſinua- vit, et credo et lubenter audio. Nam cur male volet illi, qui ipſum diſſo- factove nunquam offendit, cauſas non habet. Sufficit me tacere, et quæ
30 paſſus ſum, diſſimulare. Si reliqui duo nunc proximi a Rege, quibus meæ emigrationis cauſas verius imputo, adhuc clanculario mei labo-
† rant odio, fit id iuxta proverbium: *Quem læſeris, oderis*; ideoque nihil novi. Quod etiam ex alto potioribus intentus negligo.

Etſi vero per totam pene æſtatem de Cæſaris Clementiſſimo erga
32^r me favore et propenſione, tum quoque aliorum quorun-||dam Prin- cipum, mihi conſtiterit; tamen nihil movere, aut certi quid de mea hinc proſeſſione ſtatuerere volui, antequam huc reverſus, ut id quod iam nullos videlicet iſthic vel ex ipſo nihil dicam, qui talibus minus attendit) mearum rerum curam ſuſcep-
40 turos, vel Patriæ cauſa nedum mei. Idque nunc ſatis demonſtratum arbitror, ut eo magis excuſabilis ſim apud omnes cordatos et ſinceros viros, quod me alio, re ſic urgente, conferam. Conſtitui itaque favente

Divinâ clementiâ, quamprimum currus meos, quos adorno, cætera-
que parata habuero, Pragam proficisci atque Cæsareæ Maiestatis in
me Clementissimam voluntatem experiri, relicta hîc interim familiâ
meâ muliebri, ad quam aut ante hyemem, si Deo ita visum fuerit, re-
vertar; aut si Cæsar id voluerit, mihi que loci oblatis commoditas pla- 5
cuerit, eam isthuc addito certo et fideli comitatu evocari curabo. Si
conditiones apud Cæsarem meis desiderijs non arriserint, ad Coloni-
ensem me convertam. Et si nec ibi, ad Batavos. Pollicitus enim est Prin-
ceps MAURITIUS, se apud ordines confœderatos meâ de causa sedulo
acturum. Idem et BARNEVELDIUS addixit se facturum, quampri- 10
mum ex Anglia redierit, ubi nunc Legatum agit. Sed FRANCISCUS,
qui cum utroque oretenus hac de re egit, ut secreta omnia haberent,
nec quidpiam Ordinibus proponerent, eos tacite monuit, donec de mea
voluntate certi quid resciscerent. Æquum enim esse, ut Imperatori me-
am operam honoris causa primum offeram. Quam si renuerit, tunc 15
demum de alijs medijs cogitandum. In Angliam quibuscunque tandem
pollicitationibus allectus vix iturus || sum. Nam et mihi mores gentis 32^v
suspecti sunt, præter id quod Regina vetulæ obitus magnos motus ciebit
peregrinis maxime formidabiles et perniciosos. Quæ omnia propterea
fufius tibi scribo, ut de meis consilijs mearumque rerum statu te (quod 20
non dubito) sollicitum certiorum facerem.

Quod literæ Electoris Soceri Regis non sunt exhibitæ, parum moror.
Nam et parum habent ponderis, nimisque Politice et aulice conscriptæ.
Non amplius mare Balthicum transibunt. Videbo tamen, quomodo 25
apud Electorem et Electorissam, qui mihi favere videri volunt, id civi-
liter excusam. At libros quos Regi destinavi, maluisse oblatos esse cer-
tis de causis: non tamen quod ego aut sperem aut cupiam, Regem eos
magni facturum, qui alias videtur literis non admodum delectari. OLI-
GERUM etiam nostrum instruxi, quomodo is eos statim dono obtine-
ret, ne in aliorum potestatem devenirent; non quod inimicorum cavil- 30
lationes et malevolas interpretationes verear, talibus satis assuetus, sed
ne ij, quos indignos reputo, meis gaudeant laboribus. Quocirca eos
adhuc Regi per OLIGERUM uti et illi scripsi. Si tamen id
facere non audeat ita tamen ut libri OLIGERO, si Rex eos
(uti alij cedant. Habebit RAMELIUS, si voluerit, altera 35
Exemplaria. Ad cætera quæ scribis, quia me parum concernunt, non
respondeo. Id saltem superaddam, si PETRUS BRAHE cognatus meus,
quem fratris loco semper dilexi, propterea corbizatori et magno meo
bono fœdifrago isti valetudinem primogeniti sui filij, de cuius || indole 33^r
multa præclara inaudieram (adeo ut sperârim eum familiæ nostræ, 40
modo disciplinæ isthic aliquem locum mererentur, decus futurum)
concredidit, eumque sic amisit, proh dolor (cum plus sæpe periculi a
Medico

Medico quam morbo, præsertim tam vulgari) certe male pro se ultus est iniuriam, si qua erat, quod cum CRASSÆO bis vel ter Rostochij locutus sum, et nullum tamen aliud officium aut operam ipsi præstiti. Neque enim ab omni humanitate tam alienus esse poteram, ut tergiversatione eius alloquij satis superque afflicti afflictionem adderem, qui commiseratione potius quam odio dignus est. Et si Salvatoris nostri monitis auscultaret PETRUS, culpam improvisam tam enixe deprecanti Dei saltem et conscientiae causâ remitteret. Sed fit ut plurimum id quod infers; volumus nobis maxima a Deo debita condonari; nos autem proximo ne minima quidem. Vere igitur nostri Deus misereatur, atque hanc etiam obstinationem, et ab eius voluntate aversionem clementer ignoscat. Cui te tuamque ELSULAM et liberos omnesque tuos commendo. Vale, et prolixitatem hanc boni consule. Dedi tibi sic exemplum, ut et tu solito fusius ad me scriberes. Ignoramus enim an postea, cum longius disiuncti fuerimus, ea dabitur, quæ nunc, literas inter nos commutandi oportunitas. Quæ de Cæsare et Colonienſe, meisque rebus nunc indicavi, sorori meæ, ESCHILLO BILLEO et ROSÆCRANTZIO nostro secreto impertire, nec ullis alijs. Iamque iterum unâ cum ijs cæterisque Amicis, qui forte (uti fit) nunc mihi de multis unus et alter erunt, quam felicissime vale. Dabantur Wandesburgo die 20. Augusti st. vet. Anno 98.

Tuus TYCHO BRAHE,
manu propria. ||

33^v Addidi præter ea, quæ ultimo miſi, et alia duo Exemplaria literarum
25 THADDÆI, quas ante triduum accepi, ut hinc videas, quam serio me expectent.

Cum IOHANNES STYGGIUS, qui nunc Hamburgi est, undecunque resciviſet tandem, quosdam ex Professoribus apud vos famosum istud de me scriptum magni facere, quodque OLBURGENSIS id illis procurarit, tantæ iniquitatis impatiens, quosdam ad ipsum direxit literas, ita consulto scriptas, quasi hoc factum approbare et laudare videretur: quemadmodum author libri, quem *Beinkorf* vocant, Pontificios contrarium sentiendo commendat. Mittit tibi MULÆUS exemplum, quod ipsi STYGGIUS tradidit, tibi impertiendum. Habeas tamen omnia secreta. Nec nisi cum OLIGERO nostro aut etiam sorore quidpiam hac de re communices. Et tacite interim inquiri procures, quomodo hæ literæ factioni cui OLBURGENSIS adhæret, placuerint. Rogo, velis hunc amanuenssem meum Germanicum promovere in ijs, quæ isthic meo nomine expedienda habet, atque urgere, ut quam citissime huc revertatur: idque intra 14 dies, si ullo modo fieri possit, ac remittas cum eodem famosum istud scriptum. Neque enim eo carere possum ob mea
13* elogia

elogia quæ deprædicat; siquidem hoc unicum habeam Exemplum, et author huius non palam sed clam distrahi procuret.

Addidi Exemplar Germanicum cauſarum diſceſus mei e Dania, quod Domino RAMELIO per occasionem legendum dare poteris; ut ſi neſcius ſit, quas habuerim abitus rationes, et immemor eorum, quæ cum ipſo Roſtochij locutus ſum, hinc diſcat, et in memoriam revocet; alias forte hæc || ipſa penitus et ulterius conſignabo. Tu interim char- tam hanc a RAMELIO receptam ſecreto penes te ſerva in memoriam rei bene geſtæ, cum ſis hiſtoricus. Vix enim in cæteris veriora habes documenta: Licet hiſtoriam Huennenſem poſteriorum præſertim An- norum narrare non audeas, quia veritas odium parit. Facient id tamen forte alij. Neque enim ignota eſt hæc Metamorphoſis, aut alibi ira ta- cita ut apud nos. Scribunt enim et loquuntur multi ea de re, quos mal- lem tacere.

[Ex apographo in codice Monacensi Bibl. Univ. 693 in 2°; cf. apographa Hauniensia in excerpt. Langebek. 179 et in fine exempli P. J. Resenii *Inscriptionum Hafniensium* (Hauniæ 1668)]

ILLUSTRI ET EXCELLENTISSIMO VIRO

DOMINO IOSEPHO SCALIGERO, IUL. CÆS. FILIO,

MAGNO ACADEMIÆ LUGDUNENSIS DECORI,

AMICO SUO INPRIMIS HONORANDO.

S. P.



ERMAGNO equidem gaudio me tuis cultiſſimis et hu- maniſſimis literis affeciſti, Vir Illuſtris, Amice hono- rande, partim quod de ſtatu mearum rerum, poſtquam Dania exceſſi, te ſincere ſollicitum probent, partim quod de recondita circa Anni et ſiderum rationes contempla- tione mecum ſolerter agant. Pro qua tua in nos bene- vola affectione, quodque meum TENGNAGLIUM adeo comiter et humaniter exceperis, et habeo et ſemper habiturus ſum gratias. De abitus vero mei occaſionibus e natali ſolo, quæ non leves aut exiguæ erant, deque locis et conditionibus, quibus poſtea uſus ſum, nihil hic referam, indignum reputans, tuis auribus talia occinere. Nec ego hac forte quidpiam moveor, cum oporteat Philoſophiæ ſtudijs addi- ctum κομποπολίτην εἶναι, nec ullis mutationibus locorum temporum aut ho- minum affici, ſed eodem in quavis rerum et eventuum viciffitudine ſibi conſtare animo, ac fluctuantis inſipientiſque Mundi perverſa iu- dicia ex alto negligere. De ijs etiam, quæ tibi ob eximiam virtutem et doctrinæ præcellentiam ignavorum et malevolorum peperit invidia, nihil addam, cum et hanc ſuperare magnanimi ſit ingenij. Tales æmuli et

et Zoili non alijs, sed sibiipſis detrahunt, ſuamque fatuitatem cordati-
oribus ludibrio exponunt, ut graviore opus non habeant vindicta quam
propria. His itaque prætermiſis et ſublimi firmoque animo poſthabi-
tis, ad ea quæ cognitionem non poſtremam ſapiunt, et a te mota ſunt,
5 accedamus.

Sphalmata, quæ Eruditiſſimo tuo volumini, arduo ſummoque labore
comparato de Emendatione temporum per incuriam aliquam irrepſe-
runt, nemo intelligens et ſani iudicij tibi imputârit; ſed aut Typographo
† aut occupationum tuarum moli. Talia etiam mihi (ſi parva licet com-
10 ponere magnis) in meis quoque editis ſcriptis, ubi ea denuo inſpicio,
ſubinde contigiſſe animadverto, quæ tamen nemo niſi malus et verbo-
rum potius quam rerum otioſus æſtimator cavillatus fuerit. Noſtras
æquinoctiorum obſervationes tantopere a te probari plurimum mihi
congratulor. Et ſi liceret mihi de meis inventis id, quod res eſt, teſtari,
15 multo ſane auro redimerem, Anteceſſorum noſtrorum ſive veterum
ſive recentium tam exquisita diligentia adminiſtratas fuiſſe animad-
verſiones. Certe anni Cœleſtis ſubtiliſſima dimenſio, a qua plurima
alia dependent, nos non ita fluctuantes et incertos redderet. Solis in
æquinoctialia puncta ingreſſum dimetiri, nedum alia, ubi declinatio
20 eius minus variat, altiori indiget molimine quam putatur, alijsque me-
dijs et Organis, quam vel Antiquos in uſu habuiſſe, aut etiam REGIO-
MONTANUM et COPERNICUM eorumque coætaneos adhibuiſſe
legimus, indiget. Oportet enim ea tanta tamque ſolide et exquisite ela-
borata eſſe, ut intra ſextam Minuti unius partem Altitudinem Solis
25 meridianam diſcernere queant. Nec uni ſed pluribus potius ſtandum,
collatione accurata, prout a nobis non ſaltem illo quod produxiſti quin-
quennio, ſed et plurimis alijs Annis pari præciſione factitatum eſt. Ha-
benda etiam ratio Parallaxeos Solis, tum quoque refractionis in de-
cliviore præſertim ſitu. Quæ omnia cum vetuſtus ille et in ſcrutandis
30 Luminarium motibus laborioſiſſimus HIPPARCHUS vix præcaverit,
non mirum eſt, ipſius Æquinoctiorum obſervata tantopere claudicare,
ut intra diei quadrantem ſibiipſis non conſentiant. Quæ tamen aliqua-
tenus inter ſe ob refractionum et Parallaxeων neglectas implicationes
conciliare tentavimus. At vix intra duas vel tres horas id præſtare li-
35 cuit, cum inſtrumentum, quo uſus eſt, ſingula Minuta non exhibuerit,
ſed ſolummodo duodecimam (uti opinor) gradus partem. Quod vel
137 ipſe prodit, dum nimis lato || modo Æquinoctia aut in Horizonte aut
Meridiano, neglectâ ubique ſex horarum differentia, contigiſſe abſumat
potius quam perſuadeat, ſuis nimirum intra has metas diſſiſus Organis.
40 PTOLEMÆUM quidem adhuc minori certitudine hæc et alia ſcruta-
tum, multa ab ipſo ea, qua opus fuit, præciſione non enucleata pate-
faciunt. Attamen illum totum diem in ingreſſibus Æquinoctiorum hal-
lucinat

lucinatū fuisse non dixerim. Oportuisset enim eum sic per quincuncem †
 fere gradus Solis declinationem admittere erroneam, quod ea instru-
 mentorum magnitudo et elaboratio, qua Tropicorum intercapedinem
 sive Eclipticæ obliquationem intra tertiam minuti partem rimatus est
 (nisi et hanc ab HIPPARCHO mutuabatur) non patitur. Sic et Lunæ 5
 latitudo maxima ab illo per Parallaticum deprehensa adeo magnam
 Instrumenti fallaciam non arguit. Si omnia loca, quæ in eo suspecta
 habes, denotaveris et mecum unâ cum observationibus HIPPARCHI
 ad annos et dies Iulianos retro subactos, addita indicatione bisextilium
 communicaveris, imprimis gratum, nec inutile (uti spero) præstiteris 10
 officium.

Scripsit ad me studiosus ille Danus, olim mihi domesticus, qui iam
 apud vos est, CHRISTIANUS IOHANNIS, penes te esse librum de
 HIPPARCHI observatis, in Italia ante aliquot annos Græce editum, †
 cuius exemplar impressum, aut meis sumptibus descriptum unâ cum 15
 tuis annotationibus marginalibus, ubi potissimum quid erroris aut du-
 bij subesse putaveris, si impertieris, non modico me affeceris beneficio.
 ALBATEGNIJ quoque, quem et MAHOMETEM Aratensem (uti
 scis) vocant, opusculum castigatum (plurimis enim id quod extat scatet
 mendis) unâ cum ijs quas author ipse subiunxerat Tabulis, obtinere 20
 averem, tum quoque si quid præterea apud te, antiquitatum solertiissi-
 mum excultorem, similium librorum repertum fuerit, quod Astrono- †
 miam in ipso Cœlo, non solis chartis quæsitam illustret. Optime sane
 feceris, si me de ijs reddideris certiolem, et conatus nostros ita non
 parum iuveris. 25

Quæ de Æquinoctiali eiusque polis mobilibus, quodque differant a
 polo Mundi dixeris, in ijs tibi adstipulari non possum, aliter me instru-
 ente ipsa experientia. Deprehendi enim ex mutata latitudine fixarum
 iuxta proportionem mutatæ obliquitatis Signiferi, a temporibus TIMO-
 CHARIS, HIPPARCHI et PTOLEMÆI, hucusque (si modo eorum 30
 observata in angulo obliquationis maximæ et cæteris omni vitio care-
 ant, qua de re non citra rationes dubito) Eclipticam potius quam Æqua-
 torem cum suis polis instabilem esse, Sole non semper eandem multo
 seculorum interiectu describente, et una ea loca, quibus æquinoctialem
 transit, successive anticipante. Unde fit ut stellæ fixæ tantundem pro- 35
 gredi videantur, quantum Sol hæc puncta anteriora reddit. Cumque
 id illi motui, qui convenit defectui Anni Cœlestis ab Anno Iuliano,
 non plane cœquatur, fieri nequit, ut stellæ fixæ iisdem Anni Iuliani
 diebus per aliquot seculorum intervalla cum Sole oriantur vel occi-
 dant, alijs etiam concurrentibus causis, quæ discrepantiam pariant. Et 40
 licet id paucis quibusdam stellis utcunque per longum Annorum inter-
 vallum competere possit, tamen non semper aut omnibus. Nec etiam
 ulla

ulla est (uti tam in Opere tuo quam hîc inferis) inter polum Æquinocti-
 † alis et Mundi discrepantia; sunt enim unum et idem. Neque extrema
 in cauda Ursæ Minoris, quam Polarem vocant, quod prope polum sit,
 Mundi polus est, aut proxima huic, nisi æquinoctialis polum intellex-
 5 eris, qui a Mundano (uti dixi) non differt. Distitit quidem hæc stella
 temporibus HIPPARCHI a polo Æquatoris $12\frac{1}{2}$ partibus. At hoc anno
 iuxta nostra Inventa appropinquavit illi intra G. 2 M. $51\frac{1}{2}$, quam ante
 138 annos 25 præcise tribus gradibus || ab eodem removeri, Augustæ Vin-
 delicorum per quadrantem 14 cubitorum in suo Radio, illic a nobis in
 10 horto prope prædium Consulis HEINZELIJ extructum deprehensum
 est. Non tamen ob id hæc stella ullius orbis polus est, aut prope, sed
 hic accessus ad polum Æquatoris sive Mundi fit per mutatam eius lon-
 gitudinem circa polos Eclipticæ, quâ illius declinatio augetur, cum sit
 nunc circa finem signi Υ ; tempore autem HIPPARCHI circa finem γ
 15 versabatur, confectis interea secundum longitudinem paulo magis 24
 gradibus, latitudine autem non plus alterata, quam fert obliquitatis
 Eclipticæ (modo sic se haberet) per tertiam gradus partem decremen-
 tum. Nam ea quam PTOLEMÆI Abacus in 66 exacte ponit gradibus,
 lato modo sumta est. Et si hæc stella nostro Ævo ad Æquatorem re-
 20 feratur, non cadet in Colurum æquinoctialem, ut tu forte existimas,
 sed distabit ab hoc in partibus Æquatoris G. $5\frac{1}{2}$, testante idipsum ratâ
 experientiâ. Coniungi autem ipsa cum polo Æquatoris exacte nun-
 quam poterit. Nam post annos proxime 500, ubi initium ☉ simulque
 Colurum Solstitialem abecuta fuerit, distabit a polo versus Eclipticam
 25 sive Æquatorem $27\frac{1}{2}$ minutis. Et si enim Eclipticæ inclinatio paulo aliter
 tunc forte aucta fuerit (quod tamen vix futurum existimarim) tamen
 hæc latitudinem saltem stellæ alterabit, nec eam polo ob id propius
 admovebit, stellis nimirum fixos Eclipticæ polos respicientibus, Sole
 autem nonnihil mobiles per secula describente, quatenus antiquorum
 30 traditis acquiescendum erit. Quare hæc quæ de diversitate polorum
 Mundi et Æquatoris deque stella polari quacunque tandem occasione
 concepisti, penitus tibi expendenda relinquo.

† De libello PTOLEMÆI, in quo stellarum ortus et occasus ad sin-
 gulos dies Anni Actiaci et Iuliani per aliquot Climata designantur, li-
 35 benter audio, quæ adducis. Da operam, ut eum mature obtineamus.
 Circa Asterismorum ordinationes etiam si aliqua cum Recentioribus
 incidat nonnunquam differentia, nihil turbabit negotium, modo con-
 stet, cuius stellæ fiat mentio. Anni Syderei ab Ægyptijs et Babilonijs
 introducta, posteaque a THEBITIO exculsa, a COPERNICO vero
 40 nostro ævo renovata ratiocinatio, non ita vana atque inutilis est, prout
 existimas, si modo exacte constaret. Nos eam in Progymnasmatibus Astro-
 nomicis adhuc accuratius castigavimus, quatenus Ptolemaicæ cum
 nostris

nostris collatæ ferunt Observationes: Sed ubi Hipparcheas in aliqua
 copia per te nactus fuero, hanc ipsam subtilius limitabo. Nam et ego
 potius cum HIPPARCHO quam PTOLEMÆO standum tecum cen-
 seo. Existimo autem non minus quam COPERNICUS stellas fixas
 quoad se immotas perpetuo manere. Progreßionem vero illam, quam
 efficere videntur, per Axem Terræ in sua revolutione anticipatum li-
 bratumque, uti is voluit, non admitto, cum nihil eiusmodi revera
 Terræ competat, at si veterum tradita omnimode rite constare creden-
 dum, verisimilius erit, ipsum Solem aliam atque aliam diversis seculis
 describere Eclipticam. Et quantulacunque sic subesse possit inæqualitas,
 eam per Solis universalem Hypothesein, prout e præteritis Artificum
 observationibus enucleare licuerit, favente Numine salvabimus. Atque
 huc conducet Anni Syderei ratio, ut et in Planetarum simplici motu a
 certo et immobili puncto deducendo, et accuratius quam hætenus sta-
 biliendo. Neque quidpiam infringit huius anni commoditatem, quod
 Caniculam seu Syrii lucidam, ut veteres hanc vocarunt, per 15 secula
 eodem proxime die Iuliano exortam esse asseveres. Id quod in hac stella
 quodammodo fieri potuisse tibi conceßerim, ut ob id hac experientia
 edocti, || antiquitus Annum Iulianum Cinicum appellarint. Nam et
 ego Geometrice ad motiones huius stellæ interea factas adoptato cal-
 culo, eam in Horizonte Græcorum, ubi polus 40 plus minus gradibus
 attollitur, ortum suum cum Sole a PTOLEMÆI temporibus per 1500
 Annos retro numeratos non nisi unico die Anni Iuliani anticipasse de-
 prehendo. Quæ differentia illis pene insensibilis, siquidem non satis
 scrupulose hæc comperta habebant. Fit tamen ea convenientia per acci-
 dens in hac stella ob declinationem intervallo tot seculorum ita varia-
 tam (nimirum tribus gradibus, dempta una tertia) ut hæc eam altera-
 tionem, quæ ex Anni Iuliani ac Syderei disconvenientia incidere po-
 tuit, emendarit et quasi eliserit. Quod nihilominus in alijs stellis pariter
 non contingit ob aliam atque aliam declinationum alteratarum vicißi-
 tudinem, ut de curriculi Solis inæquali ad eosdem dies revolutione
 per longum temporis tractum ob Apogæi eiusdem mutationem nihil
 nunc dicam. Imo ne quidem in hac ipsa stella, si a PTOLEMÆO huc-
 usque pari modo fiat periculum, adeo constanter diem Iulianum ob-
 servari comprobabitur; differentia nunc usque in tertium diem sese
 extendente, eo quod tardior fuerit posterioribus seculis declinationis
 variatio, quam illis antecedentibus, nec reliquo motui adeo analogæ.
 Et si quis post totidem secula in futurum idem tentet, fiet adhuc maior
 differentia, utpote quæ in quintum diem excrescet. Quin et de Arcturo,
 quod ais, eum tempore HESIODI eadem die Anni Iuliani nempe VIII
 Martij ortum fuisse, qua idipsum prodiderunt in eo tractu METON et
 EUTEMON, numerationi diligentiori non congruit, si modo recte tem-
 porum

porum intervalla nobis constiterint. PTOLEMÆI quidem ævo nona die Martij unico saltem posterius oriri potuit. HESIODI autem, quod noningentis Annis antèrius statuimus, secunda die Martij per 7 nimirum dies prius exoriebatur. At tempore METONIS, qui vix 150 Annis post HESIODUM floruit, idem ortus in tertium diem Martij cadebat. Hisce autem proximis annis decimum nonum ferme diem attingit, ut ob id, quomodo Arcturi exortus ad certum diem Anni Iuliani multis seculis alligari queat, prout tua insinuat annotatio, non videam. Sic aliæ et diversæ stellæ diversimodam quoque in hac pragmatεία ingerunt variationem, ut hinc nihil certi de Annorum rationibus mutuari liceat. Anni cœlestis periodus in ijs quidem, quas accepisti, impreßis chartis a nobis GELALÆA paulo minor adhibita est. Hanc tamen non tanquam universalem illic adduximus, sed solummodo ab Observationibus REGIOMONTANI per unicum Annorum centenarium huc translatam; quod certo consilio fecimus, ut Apogæi et Eccentricitatis, si qua subreperet incomperta mutatio, minus officeret, præsertim cum ad tria vel quatuor duntaxat secula motum Solis inibi emendatiorem tradere intenderimus. At si altius (quod præstat) id petatur, interlapfis plurimis seculis proveniet hic Annus paulo maior GELALÆO, nec tamen in tantum, ut Alphonfinum modum, cui tu nunc subscribis, aßequatur. Qua de re præcisius aliquid, quam antehac statuere licebit, ubi omnibus HIPPARCHI observationibus me instructiorem reddideris, tum quoque si quas alias adhuc vetustiores aut intermedias in promptu habueris. Cuperem etiam antiquissimi illius Iudaici Æquinoctij, cuius meministi, exactam a te cognitionem obtinere, quanto nimirum tempore, quoad annos Iulianos a nostris observatis retro distiterit; ita tamen, ut iste annus, quo hoc Æquinoctium celebratum creditur, pariter a bißextili removeatur cum aliquo e nostris, in quibus ob id quinquennium apponere libuit, quo semper aliquis in promptu esset, qui sic cum vetustis inventis conferri commodius posset. Oportet enim ubique semper hanc collationem fieri in ijs Annis, qui vel pariter bißextiles sunt, vel a bißextili æqualiter distant, quod et in prioribus literis me monuisse recordor. Petis, ut stellarum Eclipticæ vicinarum, præsertim || Reguli et $\pi\rho\acute{o}\pi\omicron\delta\omicron\varsigma$ || communicem loca atque exortus cum diebus Iulianis. Scias itaque cor Ω Anno CHRISTI 1600 Dionysiacò completo (quo vulgariter, licet inepte, uti recte nos edocuisti, utimur) incidere, quoad longitudinem in G. 24 M. 17 Ω cum latitudine G. 0 M. 27 Bor. tuncque obtinere Ascensionem Rectam p. 146 M. 46 ac declinationem p. 13 M. 54, ideoque oriri in Horizonte illo Græcorum cum 24 g. Ω completo, quod cosmice contingit 7. Augusti, Acronyce vero 2. Februarij. Et in nostra quoque latitudine intra eosdem dies tam cosmice quam Acronyce emergit. Propus || longitudinem ad dictum

tempus

tempus habet p. 27 M. 53, latitudinem vero p. 0 M. 58 Merid., Ascensionem Rectam p. 87 M. 42, declinationem p. 22 M. 33 Septentrionalem. Unde in eodem Bœotico tractu nunc oritur cum 29^{no} ferme completo II, id est 10. Iunij cosmice, inter 9^{um} et 10^{um} Decembris Acronyce.

Ut vero plurium stellarum, imo quocunque et qualiumcunque voveris, loca ipsi cœlo adamusim congrua in promptu habeas, atque hinc quicquid placuerit, circa earum habitudines sive veterum sive nostro ævo rimari queas, en hic peculiari libro mille stellarum (plures enim in nostro climate vix observationi patent) exactissimam in ipso minuto, adeoque interdum semisse, quoad longum et latum restitutionem intra 20 elapsos annos magno labore et diligentia a nobis exantlatam, qualem (absit gloriatio) nulla viderunt priora secula, tecum secreto communico. Redegimus autem omnium longitudes consulto ad Annum vulgarem 1600 completum, quibus ALBATEGNIJ ætas G. 10 exacte, PTOLEMÆI 21 $\frac{2}{3}$, HIPPARCHI 24 $\frac{1}{4}$, TIMOCHARIS 25 $\frac{3}{4}$ subtrahunt; latitudine pro ratione variatæ inclinationis Eclipticæ ad Æquatorem in singulis secundum earum peculiarem dispositionem nonnihil hinc inde crescente vel decrescente. Quæ tamen differentia, ultra tertiam Gradus partem, ubi vel maxima est, hætenus alterata esse non invenitur, imo et in hac tantillula mutatione non parum subest dubij. Atque hæc prout ipsi Artifices loca præcipuarum aliquot quarundam fixarum suo ævo prodiderunt, in quibus tamen, PTOLEMÆO præfertim et TIMOCHARI aliquem subrepsisse errorem, quo minus ea satis subtiliter scrutati sint, ob nimiam inæqualitatem suspicor, ALBATEGNIJ et HIPPARCHI denotationibus magis ratis existentibus. Ex quibus etiam præcipue collegi, inerrantes stellas singulis annis 51^{''} conficere; quantum videlicet motui Solis simplici competit, in ea temporis differentiâ, quæ est inter annum Æquinoctialem et Sydereum, quam nos statuimus M. 20 $\frac{2}{3}$ quamproxime. Quare in Annis Iulianis 70 Mensibus 7 unum Gradum absolvunt stellæ, non autem centenis (uti voluit PTOLEMÆUS) longe minus pluribus, prout tu existimare videris. Oporteret enim sic supra modum erroneas fuisse antecessorum animadversiones, quod nimis licentiose asseverare nemini fas est. Additus est iuxta calcem eiusdem libri catalogus 100 insigniorum stellarum Declinationes et Ascensiones Rectas ad annum 1600 et 1700 exhibens unâ cum suis differentiis, per quas non saltem ad intermedium seculum, sed et proxime antecedens ac subsequens hæc utrinque satis commodè adaptari queant. Si vero ortus et occasus earum ad certum Horizontem ratione Solis scire aues, id REGIOMONTANI Tabulæ ex data declinatione et Ascensione Recta non difficulter suppeditabunt, aut, si mavis, per Triangula. Ut autem locus Solis e nostra emendatione etiam tibi verius quam alias constet, addidi Ephemeridem motum eius ad

ad Meridiem singulorum dierum huius labentis Anni in longitudine
 locorum 37 partium expedientem. Inde ad plures antecedentes et se-
 quentes eundem intra unum vel alterum Minutum derivare, exigui
 est laboris. At si præcisius hunc rimari lubuerit, utere meis Tabulis in
 5 motu Solis, quas puto te in capite illo primo de curriculo illius a no-
 bis restituto (undecumque tandem tecum communicato) accepisse. Sin
 minus, habes hic in omnem eventum quaternionem eius calculo ad
 proxima aliquot secula sufficientem. Mitto insuper alium librum, Me-
 10 chanica Astronomiæ nostra complectentem, quem tamen ordine pri-
 mum statuo. Eo inspecto non obscure æstimabis, quanto molimine,
 quantaque diligentia talia tractârim. Et si lubuerit unum vel alterum
 Instrumentum ad instar eorum confici curare, habes inibi Idæam et
 usum. Nec enim inutile foret, si Sextantem quempiam pro Syderum
 distantijs et Quadrantem iustæ magnitudinis pro eorundem altitudini-
 15 bus dimetiendis tibi paraveris. Qua in re prænominatus ille studiosus
 Danus tam quoad divisiones perficiendas quam cætera ordinanda tibi
 ufui esse poterit; unâque in Praxin observationum opus diducere, prout
 apud me didicit; optarem enim, multis in locis cœlestibus diligenter at-
 † tendi, ne idem fiat nostro, quod de ROMULI ævo conqueritur NASO:

*Et inobservata per annum
 Sydera currebant.*

Uti etiam ferme (quod dolendum) nunc accidit.

Facis quoque sub finem mentionem anni Liliiani sive Pontificij, tam
 inepte constituti quam approbati. Quem licet omnibus suis numeris
 25 non exactissime constantem (quis enim hoc inconsulto cœlo præstiterit?)
 convenientiorem tamen priore illo omnino censeo, qui tot dierum ob
 anni Æquinoctialis et Iuliani aliquale discrimen anticipationem com-
 misit, inde ab initio annorum CHRISTI, vel (ut illi maluerunt) a con-
 cilio Niceno. Neque tam facile posthac iuxta modum illum Gregori-
 30 anum adeo enormis divagatio subrepere potest; sed (ut dicam quod res
 est) hæc summa præcisione (si qua foret necessaria) extricare nullis
 eiusmodi compendijs et diverticulis licet. Verum habenda est ipsissi-
 ma motus utriusque luminaris ad quævis secula subtilis notitia; qua-
 lem ne hoc quidem tempore ex usitatis Tabulis citra omne erroris ve-
 35 stigium compertam habemus. Ut primi Mensis huius Anni in Sole et
 Luna ad longitudinem loci 35 partium e nostris animadversionibus et
 Tabulis subductus calculus, atque cum Alphonfinis et Coperniceis
 numeris collatus (quem etiam in quadam charta, ut hinc cætera ra-
 tiocinari queas, adiunxi) te edocebit. Hæc igitur, quæ nunc mittere
 40 commodum fuit, boni consule. Subiungam suo tempore, favente cœle-
 stium Opifice, de cœlestibus plura et maiora. Et quamvis hisce seriori-
 bus

bus nimium tibi faciam nunc negotij, lusus nihilominus insuper quosdam poëticos e multis quos habeo, in mei gratiam, postquam Dania exceſſi, hinc inde a diverſis concinnatos, mihique miſos unâ impertior, non quod tua Heroica vena quid dignum redoleant, ſed tantum ut videas, alijs quoque meam inde emigrationem cordi eſſe. Selegi autem potiſſimum hæc, in quibus diſceſſus noſtri cauſæ utcunque inſinuantur. Si præſtantiſſimus ille DOUSA iunior, quem fata nobis (proh dolor) adeo præpropere furripuerunt, adhuc in vivis eſſet, aliquid cultioris ingenij proculdubio de his meditatſus fuiſet, uti || et antea Cometo-
graphica noſtra melliflua oda ornavit.

Retulit mihi huc reverſus TENGNAGLIUS noſter te admodum in votis habere, ut ad vos in Bataviam tranſmigrem, quod tuo erga nos amori acceptum fero, quemadmodum etiam illuſtriſſ. principis MAURITIJ et Ordinum deſideria et erga me favorem non obſcure hac in parte intellexi, ut de Anglicanis nihil addam. Et ſane non abhorreret animus ab ea loci mutatione, cum ſemper mihi plus arriferint Batavorum ſolertia ingenia quam Germanorum. Verum te celare non poſſum, interea dum hîc in finibus Germaniæ et Daniæ ultra Annum moror, quo Noſtratibus rem rectius diſpiciendi ſatis relinquerem temporis, Patriæ, cui multum debemus, adhuc ſtudens, Sacræ Cæſareæ Maieſtati relatione quorundam e præcipuis in Aula, me hîc hædere innotuiſſe. Quare ipſius Maieſtas per Ampliſſimum Dominum RUDOLPHUM CORRADUCIUM Imperij Procancellarium, intermediente etiam Domino Doctore THADDÆO HAGGECIO veteri Amicitia mihi iunctiſſimo, Pragæ me evocari mandavit, ſpem non dubiam facientibus ijs, Cæſaream Maieſtatem, ſi acceſſero, me meaque ſtudia clementiſſimo favore proſecuturam et promoturam. Qua de re iam aliquot hac æſtate inde ſimilia inſinuantes accepi literas. Commendavit inſuper Sereniſſimus Colonienſis Elector, cui Cæſar multum tribuit, illi me meaque omnia de meliori (ut aiunt) notâ, exquiſito erga me favore refertis ad ipſius Cæſaream Maieſtatem propria manu hoc nomine perſcriptis literis; tum quoque alijs ad Magnificum Dominum BARVITIUM intimum Cæſaris Conſiliarium et Secretarium ſupremum. Dedit quoque idem Colonienſis tam ad Dominum HEINRICUM RANZOVIIUM, Affinem et hoſpitem meum chariſſimum, quam me peculiareſ literas, quibus proſectionem hanc non infrugiferam futuram perſuadet. Quin et, ſi præter omnem ſuam expectationem non ſucceſſerit, ut Cæſar mea ſtudia benigne et liberaliter fovere ſuſtentareque velit, ſe idipſum ſuis ſumtibus haud invite effecturum ſponte pollicitus eſt. Quare hæc media ita commode oblata, præſertim apud Imperatorem ſummum Imperij Caput (cum et Aſtronomiam univerſaliter conſtituere et ſtabilire ſatagam) experiunda ante omnia cenſeo. Conſtitui itaque primo quoque tempore

tempore Pragam proficisci, quo Cæsaris clementissimam voluntatem
humillime cognoscam. Quod si omnia votis nostris minus istinc respon-
† derint, tunc demum de alijs sedibus eligendis certi quid statuam, et aut
ad vos vel etiam Anglos transibo, aut potius ad Regem Galliarum, quem
5 scio me et mea studia liberalissime excepturum eorundemque conserva-
tionem in eo Regno munifice perpetuaturum, et forte veteri Hispania-
rum Regi ALFONSO hac in parte, quantum commode ibi res ferunt,
non cessurum; quicquid erit, cælum et Urania, quæ omnes terras inclu-
dunt, ab omnibus terris non excludentur, utut Dania nostra tam subli-
10 † mibus sacris quorundam inscitia et malevolentia non satis attenderit.
Significabo datâ oportunitate per literas, quomodo iter hoc in Bohemi-
am succeſſerit, ut hinc, quid factô opus sit, prævidere et æstimare queas.
Sed desino te pluribus detinere. Tuum est hanc prolixitatem, quam su-
blimis tui ingenij veneratio, et materiæ, de qua agimus, præstantia,
15 tuaque in me benevolentia extorsit, boni consulere. Vale Vir Illustris et
Magne ac Reipub. Literariæ diu ac feliciter vive. Dabantur Wandef-
† burgo ex Arce Ranzoviana prope Hamburgum die 23. Augusti st. vet.
Anni Christiani vulgaris 1598.

Tuæ Illustris. Amplitud. studiosis.
TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

2 † NOBILISSIMO ET VIRTUTE AC ERUDI-
TIONE VIRO INPRIMIS CONSPICUO OLIGERO ROSÆ-
25 KRANTZIO DE ROSENHOLM, CONSANGVINEO,
AFFINI, ET AMICO SUO INTEGERRIMO.

S. P.



HARRISIME OLIGERE, scripsi tibi semel atque iterum;
nihil tamen adhuc responsi accepi. Quod nihilominus
occupationibus propter nuptias tuas tribuo. Expectavit
te amanuensis meus Hafniæ per triduum, sed cum inter-
ea pro ut constitueras, non accederes, forte vento præpe-
ditus, is noluit diuturniores isthic morasnectere, sciens,
te facile per alium Hafnia Lubecam versus literas posse dirigere. At
35 cum ne hoc quidem factum sit, rogo, velis mihi nunc absque diuturni-
ore procrastinatione ad singula, quæ priores meæ literæ continebant,
respondere, et eas Lubecam mittere, si expeditior non datur ratio. Ni-
1 † hil || iam adeo remoratur iter meum ac currus, quem promissisti, quem
scio Arhusiæ paratum navem expectare, ut Lubecam transvehatur.
40 Quod et Scotus ille (licet et mihi id promiserit) et quidam alij neglex-
erunt,

erunt, cum nemo in tua absentia adeſſet, qui negotium ſerio urgeret. Fac, ut eum quam citiſſime Lubecæ habeam, vel ſaltem indica, cur id fieri nequeat, ne fruſtra illum diutius expectem, ſed potius de alio mihi provideam. Inſtat enim hyems, nec peregrinationem diutius differre commodum eſt. Quæ Colonienſis mea de cauſa Imperatori ſcripſit, 5
puto te accepiſſe. Quin et illuſtriſſimus Dux || Megapolenſis ULDARI- 2^r
CUS pariter ad Imperatorem meo nomine commendatitias dedit, quarum hîc Exemplum habes. Quorſum eæ mihi uſui eſſe poſſint, facile intelligis. Serva id tibi ſoli; neque niſi fidelibus amicis (ſi qui ſunt) inſpiciendum concede; uti nec priora. Addidi alterum exemplar verſuum 10
BRASCHII Poëtæ Roſtochienſis, quod rectius eſt caſtigatum atque re-
viſum. Cupio mihi remitti Carmen Cramerianum, quod tamen lima indiget; et de ſingulis alias, quorum mea intereſſe putaveris, admoneri, tum quoque de libris, an Regi oblatis ſint, quidque reſponderit, et an 2^v
tibi poſtea ceſſerint nec || ne. Plura nunc non vacat. Sed has ſaltem ad
te deproperare lubuit, naſtus tam commodam opportunitatem per
hunc Studioſum Cimbrum hac ad vos tranſeuntem. Vale, ſalutata a
me tua matre et coniuge, mea nepte, quam diligentiffime. Raptim Wan-
deſburgo 5. Septembris Anno 1598.

Tuus TYCHO BRAHE. 20
manu propria.

[Ex apographo in Archivo Regni Daniæ: Diplomatario Langebekii]

TAM NATALIUM SPLENDORE QUAM PRO- 6^v
PRIA VIRTUTE, PRÆEMINENTI DOCTRINA VIRO INPRI-
MIS CLARO OLIGERO ROSÆKRANTZIO DE ROSEN- 25
HOLM, CONSANGUINEO, AFFINI ET AMICO
DESIDERATISSIMO.

S. P.



UM ante biduum per Studioſum Danum, qui ſe ea loca, 1^r
ubi in Cimbria habitas, tranſiturum pollicitus eſt, quæ- 30
dam ad te deproperaſſem, accidit ut heri ſero eas, quas
Hafniæ antepenultimo Auguſti ad me dederas, accepe-
rim. Quare ſtatim miſſo Hamburgum curſore meo, an
Studioſus ille adhuc ibi hæreret, inquiri iuſſi. Quem cum
hodie primum ante meridiem iſthinc diſceſſurum reſciviſſem, has re- 35
ſponſionis loco iterum feſtinanter exaro. Si alias ad me ante menſem
circiter dediſti literas, quam eæ erant, quibus ultimo reſcriptum eſt,
ſcias me illas non recepiſſe. Scribis nunc te ſcire, me currum promiſſum
accepiſſe. At unde hoc? || Hafnia enim tuæ datæ ſunt, et meus, qui 1^v
paulo ante apud te erat, amanuenſis, indicabat eum ne Lubecam qui- 40
dem

† dem nedum huc allatum esse. Quod et literæ meæ insinuabant. Rectius itaque scias, me eum non accepiſſe. Et nihil fere est, quod nunc adeo iter meum remoretur, atque hoc ipsum. Si Lubecam veniſſet, actutum me certioſem reddidiſſet de eo IOACHIMUS BUCH, aliquoties hoc
5 nomine a me per literas admonitus. Si vis, ut eum obtineam, fac ut id quam citiſſime fiat. Cæteroquin Hamburgi alium coëmere neceſſe habeo. Scio tamen per te non ſteſiſſe, quod res hæc tam lente procedat. Et
2^r gratias habeo pro hoc erga me officio maximas, || relaturus per opportunitatem. De libris, cur non oblatis ſint, prolixè diſſeris. At eiufmodi
10 argumenta apud me pondus non inveniunt, imo ne ſexcenta his graviora, utpote qui adverſariorum et calumniatorum perverſas oblocutiones non ita ponderem, ut tu vel alij iſthic ſub aliſ eorum depreſſi, ſed flocci faciam. Libertati enim me aſſerui, quam tuebor. Cum hîc eſſes, aliter ſentiebas et ſponte in te recepisti, quod libros [Regi] in manus tradere velles, imo et quædam alia inculcare de reſcriptis ad me [Cancellarij] literis, ipſo forte [Rege] inſcio. Tunc omnia placebant,
15 adeo ut [Regi] quædam ſcribenda relegeris et approbaveris; || quæ tamen nunc volens omiſi, ne, poſtquam ſemel inclemens reſponſum ad Roſtochio ſcriptas accepiſſem, ulterius ſupplex inſimuler. At quorſum
20 nunc vetus illa et avita conſtantia! An poſtquam in Daniam rediſti, Cælum ruit! o pavidæ mentes! Miſeret ſane me Patriæ quondam meæ, quod nemo ferme in ea ſit (uti audio) qui verum iuſtumque ingenuè profiteri audeat, imo ne quidem de his muſitare. Quo hæc vergant, tandem exitus monſtrabit. Sed utinam non nimis ſero tunc ſapiatis atque
25 animum reſumatis! Non putarim, te Carminis illius, quod Aſtronomiæ noſtræ mechanicæ præfixum eſt, pænitere atque ob id libros ipſummet exhibere || tergiverſari. Neque enim tibi incommodare poterit, quod communiter uſu receptum eſt, nempe in Zoilos malevolos et inſcios talia libris attexere; et ipſemet, cum præſens eſſes, ſciebas, quomodo per alios (ſi qui oblatrant) excuſares. Quicquid id eſt, cum mei non ſit moris, ea, quæ ſemel deliberato conſtituta ſunt, retractare, ſtat etiamnum, ut et ante, ſententia, libros illos [Regi] ipſi in manus eſſe tradendos, quocunque tandem vultu eos accipiat, et quomodocunque a mei malevolis et oſoribus id vertetur aut pervertetur. Altiora tracto,
30 quam ut tam humiles cenſuras ſuſcipiam. Optarem tamen id per te ipſum fieri, ea ſaltem de cauſa, ut tibi, non alijs, cederent libri || illi, quemadmodum inter nos ventilatum eſt. Sin vero id fieri nequeat, offerat eos Affinis meus OLAUS ROSENSPAR, qui et literas meas tradidit, infrugiferas et perverſe exceptas; ut ſint libri hi quaſi earum
35 Corollarium et taciti teſtes, me non ignorare, quam parvam habeat proportionem [Dania] ad totam Terræ ſuperficiem; utpote quæ apice minimi digiti in Globo Terreſtri bicubitali tota tegi poſſit. Et quid de
immenſo

immenſo Cœlo ſentiendum, quod animo volvimus, quod mente comprehendimus et ſuperamus? O humiles curæ! Nihil peius me habet, quam quod non carmina quædam iſſdem libris prænotarim, quæ meos pungerent calumniatores, || ad ſimilitudinem eorum, quæ alijs quibusdam Exemplaribus Viris Principibus tranſmiſſis præpoſui. Nam, ut ſcias, Electori Colonienſi, Principi Uraniæ MAURITIO, Duci Megapolitano ULDARICO Avo Regis, et Duci ADOLPHO Holſatiæ, Affini eius (ut de SCALIGERO non dicam intelligentiore horum æſtimatore) libri hi additis iſſdem, quos tibi præſcriptos miſi, verſibus, communicati ſunt. Num et illi hinc ſtatuent, me ſibi ſupplicem fieri? Num inde quis ratiocinabitur, me pænitudine duci, quod Cæſari eos dedicarim, cui tamen necdum oblatis ſunt, cum ipſemet hoc efficere conſtituerim? quaſi non moris ſit, libros uni Regi vel Principi dedicatos alijs || etiam dono dare. Neque ſane unquam mihi in mentem venit, quidpiam operum meorum, etiamſi in Dania manſiſſem, [Regi] nuncupare, cum ſciam eum ἄμουνον eſſe et literas averſari, imo forte nec cuiquam alijs, cum librorum dedicatio adeo uſitata illiberale quid et mendicitatem quandam præ ſe ferat, niſi id ad pares fiat, atque eorum, quæ iſthic tractantur, gnaros. Nam quod Landtgravio primum Epistolæ Tomum inſcripſi, ut Patris memoriam et diutinam mecum amicitiam recolerem, id factum eſt, utque plus fidei illæ Epistolæ mererentur, quod nihil in ijs eſſet ſuppoſititium. Nec ego quidpiam inde reportavi, ne quidem gratiarum actionem, || quamvis bis vel ter idem Princeps mihi poſtea ſcripſerit. Quod tamen neutiquam curo, cum ad tam vilia non reſpiciam. Sed de his plus ſatis, et forte nimium. Tute facile, quid tibi faciendum ſit, in his et alijs ſtatues. Si nolit ROSEN-SPARRIUS, offerat RAMELIUS. Scurrilem iſtum librum, quem te remittere ais, non recepi. Fac ut eum mature obtineam. Conſtitui enim famoſum ipſum ſcriptorem Pragæ cum Cæſaris venia ſecundum Ius tractari curare; nec aliud Exemplar in promptu eſt, unde accuſationum capita depromam. Nec ſi eſſet, ulterius relegere vacat, aut annotationes marginales, pro ut ibi factum, abſignari facere.

Apud BŒKELIUM iterum agam in tua cauſa || quod potero. Vix tamen præter verba quidpiam impetrabo. Quid tandem factum hîc fuerit, poſtmodum ſignificabo. Si Sophiam prævalere Philoſophiæ non cenſes, ſenties. Utra autem Philoſophia præferenda, Platonice an Ariſtotelice, tecum non diſputo. Inexhauſti ſunt naturæ abyſſi. Inde veritatem petamus, non ex argutis diſceptationibus, quibus ea ſæpius amittitur quam recuperatur. An verſus et Epigrammata, quæ miſi, acceperis, non innuiſ, et iam etiam altum ſilentium de reſponſione Daniæ ad Germaniam, et de Commentarijs in literas, quas ſcis, ſponte pollicitis et pluribus eiufmodi. Exiſtimarim illud Horatianum || etiam apud te


te locum inventurum, quamvis in aliam sententiam detortum: *Cœlum non animum mutat, qui trans mare currit*. Sed plura non addo. Neque enim plura vacat. Instat meridies, abitum parat Nuncius, animus est impatiens. Tu itaque cum utraque tua SOPHIA quam optime vale.

5 Et, si lubet, actutum rescribe, mißis Lubecam literis, quæ me postea, siue hîc adsum siue non, facile invenient. Saluta etiam matrem tuam ex me officiose, et CRAGIUM nostrum, si forte apud te est, de quo tamen ambigo. Nam cum Iutus Iuto quidpiam sponderit, idem reputo, ac si augur auguri. Iterum quam felicissime valete. Raptim Wandes-
10 burgo 9. Septembris Anno 1598.

Tuus ex aße
TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

2^r NATALIUM SPLENDORE ÆQUE AC PRO-
PRIA VIRTUTE AC ERUDITIONE INPRIMIS CONSPICUO
VIRO DOMINO OLIGERO ROSÆKRANTZIO DE
ROSENHOLM, CONSANGVINEO, AFFINI
ET AMICO INTEGERRIMO.

1^r  IX octiduum elapsum est, Nobilissime et Charissime OLIGERE, ex quo per Studiosum quendam NICOLAUM ALBINUM nomine ad te de rerum mearum statu perscripsi, nunc vero, cum nihil addubitem, quin eæ literæ tuto ad te perlatae sint, tamen cum inopinata se hæc occasio offerret per Nobilissimum Virum FRANCISCUM RANZOVIUM, qui iam e Belgio redux rursus iter isthuc parabat, denuo ad te perscribendum ratus sum, quo de curru, quem me accipere innueras, te denuo admonerem, ut eum actutum huc procurares, ||
25 quippe qui maxima ex parte iter meum remoraretur. Lubecam enim
1^v eum necdum allatum certo mihi constat. Cæteroquin non intermiseret
30 IOACHIMUS BUCK (pro ut semel atque iterum ab ipso expetij) quin te per literas ilico de eo fecisset certiore. Rogo itaque etiam atque etiam, ne longiores hac in re moræ nestantur, sed ut sequenti ad summum hebdomada huc ad me perferatur (*Uden faa er, att I vilde holde Jyt/ske Louff, det er at beholde hvad mand loffuer, faa at en anden faar intet deraff. Da maatte man endda i det mindste lade en vide det, faa man skulle ikke vente det thill forgieffues*); nam diutius præstolari non possum. Sed quamvis tum iter ingressus fuero, tamen non ambigo, quin is nihilo serius ad me perveniat, pro ut, antequam
40 disceßero, disponam.

Plura iam non vacat, cum de cæteris || in prioribus fatis superque 2^r
tuis responsum existimem.

Vale mi OLIGERE quam diutiſſime cum matre tua et coniuge SO-
PHIA a me meiſque diligenter ſalutatus. Raptim Hamburgi die 14.
Septembris Anno 1598.

Tuus TYCHO BRAHE,
manu propria.

[Ex apographo in Archivo Regni Daniæ: Diplomatario Langebekii]

NOBILISSIMO TAM NATALIUM SPLEN-
DORE QUAM PROPRIA VIRTUTE VIRO DOMINO
OLIGERO ROSÆKRANTZIO DE ROSENHOLM,
CONSANGVINEO, AFFINI ET AMICO
SUO DESIDERATISSIMO.

S. P.



AC ipſa hora domum rediens a quodam Hollato Nobili 1^r
in vicinia habitante, reperi hîc tuas literas, Chariffime 15
Domine OLIGERE, et nunc primum ex ijs certior red-
ditus ſum, currum diu promiſſum Lubecam veniſſe, a
Factore autem meo eundem Oldelloviam, pro ut man-
daram, tranſlatum percepi, unde craſtina die, volente 20
Deo, eundem huc adferri curabo. Mora autem nimia, quæ interceſſit,
undecunque tandem orta, et tot fruſtra ea de re a me perſcriptæ literæ
tam in Daniam quam Lubecam, effecerunt, ut ante triduum alium
mihi præter eum, quem de novo conſieri curavi, || Hamburgi com- 1^v
pararem pretio 50 Ioachimicorum. Ago nihilominus tibi gratias pro 25
tua in me benevola voluntate quam maximas, quod me hoc donare
volueris, relaturus per opportunitatem. Et licet illum necdum viderim,
ſpero nihilominus eiufmodi eſſe, ut uſui meo inſervire queat. Si quid
deſideratur, Hamburgi facile ſupplebitur. Moram illam plus quam
Iuticam, ſi navi cum lignis combuſtioni idoneis Lubecam tranſmiſſa 30
meo naulo, pro ut iam dudum pollicitus es, redimere volueris, et fa-
miliæ meæ muliebri, quam diſcedens hîc relinquo, pro arcendo hîc
frigore ita mature proſpicere, || id quicquid eſt, promptius expiabis. 2^r
Non poſſum ex hiſce tuis, quæ 7. Auguſti Hafnia datæ ſunt, colligere,
te omnes meas accepiſſe. Adeo parce reſcribis, nec ſingula a me mota 35
attingis. Quin et ſemel atque iterum ad te ſcripſi, ex quo in Cimbriam
te rediſſe conieſtabar. Cuperem, ut ad ſingulas prompte reſponderes,
nec verborum aut charaſterum ita tenax eſſes, ut nunc uxorius alijs
forte quam antea diſtrahare negocijs. Si quid ſcripſeris, mitte ſaltem
hîc Wandelſburgum, ſive per Lubecam, ſive alia via, licet fieri poſſit, 40
ut

ut tunc hīc præsto non sim. Constitui enim, favente Divina Clementia,
 2^v post non adeo multos dies iter || propositum ingredi; præsertim cum
 iam currus et cætera (tuæ tamen literæ me facile invenient) requisita
 sufficienter in promptu sint.

5 Redijt ante quatrimum D. D. VITUS VINSHEMIUS Witteberga,
 ubi diu abfuerat, et attulit secum fasciculum quendam libellorum de
 LUTHERI historia cum duabus ad te Epistolis, quas nunc ad te dirigo.
 Aderant 9 exemplaria eiusdem libelli, quorum octo tibi simul mitto,
 nonum mihi reservo, ut per otium videam, quæ contineat, et an diſona
 10 sint ab ijs, quæ me olim, cum Lipsiæ studerem (ab alio authore, cuius
 3^r nomen nunc non || succurrit, profecta) legiſſe memini. Variant enim in
 talibus scriptores, prout affectibus indulgent.

De cæteris, quæ hæ ultimæ tuæ continent, nihil addo. Nec enim
 moror, qualia apud vos fiant connubia; et de eo, quem tangis, iam diu
 15 antea scivi, quantum fidendum ei vel secus, ut non opus sit ex hac no-
 vitia affinitate me cautiorem reddi. Invaletudinem alterius non miror;
 imo potius miror, eum valere poſſe, qui alios multis modis invalentes
 reddidit. Viderit, ne ea citius illi eveniant, quam putat, quæ iam antea
 prædixi prædicoque. Sunt, qui ex me audiverunt. Quid BŒKELIUS
 3^v responderit in tuo negotio || de libris non præstitis, ex adiuncta scheda
 vides. Miſi ad eum CLAUDIUM MULIUM cum M. CHRISTIERNO
 SEVERINI, qui diu mihi fuit domesticus. Nihil ab eo ferme reporta-
 mus præter morosa verba. Si rem vis iure decidi, fiat id per alios. Mihi
 ob iter instans id non est commodum. Sed suaderem potius, ut id omit-
 25 teres, et ad Doctorem VITUM VINSHEMIUM, qui tui studiosus ha-
 beri vult, serio scriberes, ut is (ſiquidem pecuniam alteri, priuſquam
 volebas, tradidit) efficeret et urgeret, ut quæ tibi revera debentur, ob-
 tineas. Miniteris etiam aliquantulum, te actionem contra eum motu-
 4^r rum || iuridicam, ſi per ſe id, quod æquum est, non fecerit. Sic VINS-
 30 HEMIUS metuens, quod is huic actioni miſceri debeat (uti est per ſe
 meticolofus) eo validius omnem movebit lapidem, ut tibi tua, quæ
 emiſti, niſi quatenus quædam eorum pro lubitu remittere voles, ce-
 dant. Conſultiſſimum iudicarem, ut, ſiquidem BŒKELIUS ſponte ob-
 tulerit reſolutionem pecuniarum, modo libros reciperet, eos illi prima
 35 oportunitate remitteres. Satis enim alias et habes et habere poteris
 librorum talium. Ego in hoc negotio quod potui feci. Quod autem ex-
 pectationi utriuſque noſtrum non reſpondeat eventus, non est, quod
 mihi imputes, ſed potius BŒKELIJ tenacitati, ne quid dicam amplius.
 Vix poſſum in proprijs rebus obtinere, ut Hambugenſes id, quod ius
 40 æquumque poſtulat, libera voluntate efficiant. Tanta est iſtorum ho-
 4^v minum ſordities et || avaritia inſatiabilis, a quibus tamen me poſt ex-
 iguum tempus liberatum iri ſpero.

Tu autem mi optime OLIGERE, diu cum nupera coniuge mea nepte a me diligenter salutata ac omnibus tuis quam felicissime vale; et si vacat (debet autem vacare) brevi rescribe. Raptim Wandelsburgo 25. Septembris 1598.

Tuus TYCHO BRAHE,
manu propria.

5

[Ex apographo in codice Pragensi Archiv. Univ. 62 B 6; cf. apographum in Archivo Regni Daniæ: Diplomatario Langebekii]

DAVID CHYTRÆUS AD TYCHONEM

BRAHE.

S. P.

10

22^r

OBILIS et Magnifice Domine Patrone colende! "Οσσον †
 ἔαρ χειμῶνος, ὅσον μᾶλλον Βραβύλοιο ἄδιον, tanto mihi
 gratior et dulcior tua Epistola multis alijs eodem tem-
 pore allatis fuit, quam a summo et laudatissimo Mathe- 15
 matum artifice, ac vere (ut Summus et Clarissimus ille
 Princeps ad Cæfaream M^{tem} de te testatur) patre Astro-
 nomorum huius Seculi et unico huius laudatissimæ scientiæ instaura-
 tore scriptam, singulari mihi et liberis meis honori et ornamento esse
 iudico. Periucunda etiam, adeo benigna et humanissima voluntatis 20
 tuæ significatio hac in parte fuit, quod exiguum et tenue observantiæ
 erga te huius Academiæ officium, tibi Rostochium ingresso exhibitum,
 quod sine scelere prætermitti non poterat, mentione literarum tuarum
 non indignum esse censes, tibi que non ingratum nec iniucundum ac-
 cidisse; τοὺς τε ἀγαθοὺς καὶ ἀντὶ μικρῶν οἶδαςθαι χάριν ostendis. Ad 25
 Eruditos vero et Claros viros scribens, cum amicorum omnia com-
 munia sint, maxime duxi communes amicorum amicos esse oportere.
 Ideoque de amici præstantissimi Viri statu præsentis, cuius cognoscendi
 desiderio teneri illos non dubitabam, significandum existimavi, præ-
 fertim cum eruditissimæ illius et sublimi ingenio tuo accurate elabo- 30
 ratæ epistolæ (ad quendam Midam his studijs iniquiorem) exemplum
 ideo te mihi coram dediße intelligerem, ut cum pluribus etiam alijs
 amicis communicarem. Quare non solum IACOBO MONAVIO, ve-
 rum PAULO SCHEDIO MELISSO, etiam Poëtarum nostræ ætatis
 Principi, et IOHANNI POSTHIO, utriusque Artis Apollineæ antistiti, 35
 et ABRAHAMO ORTELIO Geographo, quem proximus Mensis Iu-
 nius Terris eripuit, et aliquot alijs minus celebribus impertivi legen-
 dam; qui || animo et voce grata officium meum vicissim prædicarunt. 22^v
 Nobilissimo autem Heroi HENRICO RANZOVIO, sapientia et vir-
 tute præstanti, de hac munificentia gratulor, quod cæteris laudibus 40
 amplissimis hanc quoque addidit, ut ATLANTI Herculeis laboribus
 axem

† axem stellis ardentibus aptum sustinenti hospitium ex Patria discedenti præberet, cuius memoriam URANIA ad omnem posteritatem grata recolet et diuturnius quam ullæ Pyramides aut Obelisci propagatam celebrabit. Quæ URANIA

5† *Regales animos primum dignata movere,
Proxima tangentes Cœlo fastigia rerum,*

nunc etiam invictissimi Imperatoris RUDOLPHI animum flectit, ut patrem Astronomorum huius seculi et unicum laudatissimæ huius scientiæ instauratorem, in patria Centauris quibusdam ac Midis fastiditum, ad se invitet et Regiam hanc ac cœlestem sapientiam Cæsareo suo Patrocinio et sumptu excoli et in sublimi illa arce ætheream artem conservari et longe lateque in suo Imperio spargi cupiat, sicut primi CÆSARIS IULIJ, confusam eo tempore Anni Romani rationem restituere molientis, animum movit, ut SOSIGENEM Mathematicum
10 in Ægypti regno minus honorifice a quibusdam habitum, Romam ad se traduceret, ut sublimem illam ac Cœlestem siderum doctrinam in sublimi summi Imperatoris terrarum theatro, maiori cum sua gloria et
† Reip. fructu propagaret. Proficiscere igitur Deo duce et auspice CHRISTO, quo te Augustissimus Imperator et tua τύχη vocat et viri Excel-
20 lentissimi ac optimi D. D. THADDÆI HAGGÆCIJ, studiorum tuorum socij, et amici coniunctissimi, cum quo annis abhinc triginta Viennæ mihi etiam necessitudo intercessit, consuetudine et familiaritate iucundissima, et Reipublicæ profutura, felix frui; et opera, tot annorum vigilijs et curis elaborata, feliciter pertexe. Nec prolixiore Epistola
23 nunc te ad iter accinctum remorari volo, || sed Deum ardentibus votis precor, ut te incolumem ac florentem optimis studijs servet et cursum huius viæ et vitæ totius, ad Dei gloriam et Reipublicæ salutem gubernet. Poëmata in tui gratiam scripta ad Daniam, et Germaniæ de tali hospite lætantis, et BRASCHIJ nostri RUDOLPHO Cæsari et tibi de
30 tuo adventu gratulantis, inprimis vero Epigramma, quod restitutioni Siderum, Duci ULRICO inscriptæ, præmisisti, summa cum voluptate legi ac coniunctim ea typis descripta extare et in eruditorum manibus versari, toto pectore opto. Bene et feliciter vale. Rhodopoli Nonis Octobris Anno 1598.

35 Mtiam T. reverenter colens
DAVID CHYTRÆUS.

[Ex apographo in Archivo Regni Daniæ: Diplomatario Langebekii]

IOH. GEORG GÆDELMANN AD TYCHONEM BRAHE.



MAGNIFICE Domine TYCHO. Gunstiger Herr, vnndt vornehmer freundt, Ich habe alhier zu Prag mit freudenn vernommen, daß Ihr, Gottlob, frisch vnndt gesundt zu Dreßdenn ankommen, vnndt weil Ihr daneben zu wissen begeret, ob Ihr euch zu der Kay. Maytt. begibenn, oder euch in der nehe, wegen der eingefallenen sterbens leufft, derowegen die Kay. Maytt. von Prag hinweg getzogenn, 5
aufhaltenn sollet, so kann ich euch darauf nicht bergenn, daß obwoll die Kay. Maytt. ein großes verlangenn (alß die in Astronomischen Sachen, gleich wie ihr Großvater CAROLUS Vhoch auch erfahrenn) nach dem Herrn, alß nach dem vornemsten *Mathematico totius Mundi*, dessen Nomen auch vnsterblichen sein wirdt, hatt, auch den 10
Herrn nit weit vonn sich habenn will, dieweil aber ihr Maytt. wegen der vergifften Seuchenn, welche fast alle örter im Königreich Böhheim inficiret, bey sich noch nicht entschlossen, wo sie Ihr Hofflager anstellenn wollenn, alß wirdt der Herr biß auff Ihr Maytt. endtliche weitere 15
anordnung, zu Dreßden, oder Wittemberg, mitlerweil sich auffhaltenn. Thue hiemit vnß Göttlicher Almacht beuehlenn. Geben Prag, 12. *Novembris. Anno 98.* Deß Herrn dienstwilliger 20

JOHAN GEORG GÖDELMAN. D.

[E codice Florentino Bibl. nat. in codicum Galileianorum tomo 27 (*Accademia del Cimento* part. 3 vol. 12)]

SERENISSIMO PRINCIPI AC DOMINO D. FERDINANDO DE MEDICES, MAGNO DUCI HETRURIAE, FLORENTIAE, SENARUM, PISARUM, DOMINO MEO CLEMENTISSIMO.



SERENISSIME et Illustrissime Princeps, Domine Clementissime. Cum hic Adolefcens genere Nobilis et liberalibus disciplinis præclare imbutus, qui mihi per aliquot Annos fuit domesticus, in Italiam nunc cogitet, sitque Tuæ Serenitati ab Amplissimo et Nobilissimo Domino HENRICO RANZOVIO Produce Cimbrico Af- 3r
fini meo honorando, diligenter commendatus, non intermittendum duxi, quin et ego, licet Serenitati Tuæ ignotus, idem submiße præstarem, præsertim ex quo eius mores, integritas et docile ingenium mihi 35
ex


ex diutina consuetudine quam optime perspecta sint. Quocirca Serenitatem Tuam submiße rogatam habeo, ut eum vel meo etiam nomine, sibi de meliori (ut aiunt) nota commendatum habeat. Tradidi illi duos
 5 me submiße offerendos: Quorum contenta Tituli et Præfationes expedient: Quos ut clementißimo vultu suscipere, meque suo favore et benevolentia complecti non dedignetur, qua possum submissione oro. Plura de me meisque studijs, atque ad Cæsaream Maiestatem e Dania Patria mea migratione ab eodem harum exhibitore (si cognoscere non
 3^v degravetur) clementißime percipiet. Quocirca Serenitatem || Tuam gravißimis Reipub. gubernandæ negocijs occupatam ulterius remorari defino. Deus Optimus maximus eam quam diutißime conservet florentem et incolumem.

Dabantur Dresdæ Misniæ die 8 Novembris Anni 1598.

15 Serenitati Tuæ
 Submiße additiß.
 TYCHO BRAHE,
 manu propria scripsi.

[Ex apographo in Archivo Regni Daniæ: Diplomatario Langebekii]

20 POSTSCRIPTA THADDÆI HAGECIJ AD
 TYCHONEM BRAHE.

3^r  UM hæc ad te literas obsignaßem, daturus eas tuo tabellario, nisi adhuc meum puerum hodie, qui est l. Decembr. cum hacce schedula ad D. CORRADUCIUM, quam ad te mitto, ex qua intelliges voluntatem Cæsaris. Est sigillum Dⁿⁱ CORRADUCIJ et manus. Multum gavius sum, me tandem ante hunc meum abitum hoc responsum et resolutionem Cæsaris accepiße. Hisce quod addam amplius non est neceße.

30 EXEMPLUM LITERARUM DOMINI D. THADEI AD AMPLISSIMUM
 PROCANCELLARIUM IMPERIJ RUDOLPHUM CORRADUCIUM.

Mag^{ce} D. et Patrone observandiß. Hucusque noster Dominus TYCHO omnia egit ex consilio tuæ Mag^{tis} et voluntate clementi Cæsaris.
 3^v Venit cum uxore, liberis et familia || ac l2 equis longo et difficili itinere,
 35 sumptibus magnis, Dresdam usque. Et nulli alij Principi, nulli nationi suam operam voluit devovere nisi uni Cæsari. Rogat igitur, et ego intercedo, efficere velit, ut responsum a Cæsare accipiat et negotia sua dirigere stabilireque possit, ac ne ita dubius cum magno suarum rerum dispendio hæreat. Literas meas ad BARVITIUM reverenter peto prima occasione

occasione mitti curet, eumque etiam sua scheda commonefaciat, ut Cæsari negotium proponat, et ultimam resolutionem Dresdam mitti curet. Non pœnitebit, scio, Domine, huius operæ, et futurus est D. TYCHO, ubi de facie aliquando innotuerit, longe gratissimus. || B. v. 4^r
Ex ædibus nostris 1. Decembris Anno 1598. 5

T. M. promptus ad officia
THADEUS.

RUDOLPHUS CORRADUCIUS AD THADDÆUM HAGECIUM.

Quæ D. BARVITIUS iussu Cæsaris de D^{no} TYCHONE nostro ad me rescripsit, hæc sunt: »*De TYCHONIS adventu Cæsar perlibenter intellexit; ut Dresdæ vel Pragæ vel alibi in vicinia tantisper, donec aula certo in loco recolligatur, subsistat, cupit; ubi deinde ille commodè et opportune collocari possit, benigne cogitat.*« Hactenus D^{nus} BARVITIUS, quæ Mag^{tiæ} tuæ ad hæc suas significanda duxi. Interim rogo, ut D^{num} TYCHONEM meis verbis quam officiosissime salutet 10
meamque operam eidem polliceatur meque, quod ei ob ingentes meas occupationes non scribo, diligentissime excuset. 15

RUDOLPHUS CORRADUCIUS,
manu propria.

[E codice Bononiensi Archivi *Malvezzi dei Medici*]

CLARISSIMO ET EXCELLENTISSIMO 2^v
VIRO, DOMINO IOHANNI ANTONIO MAGINO MATHEMATUM IN CELEBRI BONONIENSIVM GYMNASIO
PROFESSORI EXIMIO ET AMICO SUO
INPRIMIS DILECTO. 25

Clarissime et Excellentissime Vir. 1^r



UM plures iam elapsi sint anni, atque uti existimo ad minimum quinque, ex quo quidam inter meos domesticos studiosos eruditum tuum librum quem Tabulam Tragonicam vocas, mihiq̃ue dedicasti, Hafnia e nundinis Francofurtensibus istuc per bibliopolam nostratē allatum, Uraniburgum secum attulerit, idque uno vel altero anno postquam a te evulgatus esset (neque enim ullum a teipso accepi exemplar, siue nullum miseris, siue quod præ nimia viarum intercapedine interciderit) ego vero postquam illud exemplum, quod studiosus meus asportavit, inspexissem et diligentius perlustrassem, mihi admodum placuit, utut nonnulla in eo sint, in quibus tibiipsi forte non satis 30
fatis 35

fatis pro hac prima conceptione satisfeceris, nec in magna numerorum copia proceßus sit sufficienter expeditus, præterquam quod id de quo eius usum pro me præcipue inferis, circa æquationum nimirum angulos in Planetis facilius, quam per Tangentium et Secantium Tabulas
 5 inde colligendos, mihi qua ratione id fieri posset, necdum perspectum, liquidem angulos illos per solas numerorum προσθαφαιρέσεις, nempe additionem et subtractionem absque omni multiplicatione aut divisione minimo negotio investigare liceat; quam πραγματείαν non saltem in
 10 omni genere triangulorum sphaericorum, sed et planorum magno Astro-
 nomici calculi compendio locum mereri nobis constat; laude nihilominus dignissimum cenfui et etiamnum cenfeo hunc tuum laborem in componenda illa tabula cum suo usu, qui sane late patet et multiplex esse potest. Quod autem non antea tibi de his rescripserim, factum est, quod diu a teipso expectarem exemplar aliquod mihi destinatum, quod
 15 alicubi in itinere hædere putavi, ut rescribendo gratus vicissim esse possem, partim quod certum et fidelem internuncium non repererim, qui tibi tuto quippiam a me perferret.

Quæ vero et tuo et aliorum nomine in epistola illic præfixa rogas, videlicet ut Astronomiæ instaurationem, quam diu multumque molior,
 20 mature absolvam et publici iuris faciam, id equidem ut secundum tua et multorum vota præstarem, nihil magis ipsemet in votis habui: sed obstitērunt hætenus quædam, partim proprie ad artem redintegrandam stabiliendamque facientia, partim ex huius inferioris et terrestris mundi tumultuaria scena prodeuntia, et politicis fati obnoxia.

Prius illud tarditas circuituum superiorum Planetarum, præsertim hⁱ causatur, quo minus sufficientes acronychias observationes per totum circuli ambitum citius adipisci concederetur; neque enim tres sufficiunt ad eorum Apogæa et Eccentricitates explicandas, uti imitatione PTO-
 30 LEMÆI et COPERNICI hætenus frustra creditum est, inæqualitate
 adhuc alia, quam eorum ferunt hypothesēs, coincidente, et Eccentricitate illa, quæ Æquanti tribuitur, non retinente eandem ad alteram proportionem, quam illi assumunt et pro cognito præsupponunt potius quam demonstrant; aliter enim ea se habet et in singulis variat. Taceo
 35 nunc, quantum difficultatis ingerant, quantumque temporis requirant
 reliqui duo inferiores Planetæ, inprimis vero vagabundus et varijs ambagibus implicitus ♃, rarissimeque apparens, cum alias circa horizon-
 tem, ubi hi duo observandi ut plurimum veniunt, pauca admodum concedatur aëris satis pura serenitas, ob vapores istic obvolantes, declivior etiam Sphæra aliquid obstaculi suggerente. Quin et ☾, utut
 40 singulis mensibus recurat, non parum suis anfractuosis et pluribus, quam hætenus creditum est, inæqualitatibus obnoxia nos torfit, donec non ex tribus solummodo Eclipsibus haud sufficientibus, uti antecessores,

res, eius motiones scrutaremur, sed sexies ternis aut pluribus eisdem eruere, ut alia prætereantur, neceſſe habuerimus.

Alterum obſtaculum, quod politicum dixi, quodque per ſe ingratum, meam intentionem ſtudiumque in hac arte redintegranda alias indeſeſſum multifariam exagitavit turbavitque inde a deſuncto laudatiſſimæ 5 memoriae Rege Danorum FRIDERICO Domino et fautore meo clementiſſimo, qui me meaque ſtudia, quoad vixit, clementer et benigne iuvit et promovit: in interregno octennali frigidius ijs, quæ requirebantur, proſpectis, donec tandem creato hoc novo Rege adoleſcente, qui, ſive ob ætatem iuniorem, ſive diſſuadentibus, aut minus adhortantibus dynaſtis, utut alias heroico ſit animo et ingenio acri præditus, ac iudicio pro hac ætate plus quam credi poſſet valens, huius ſublimis ſcientiæ in ſuo regno promotioni attendere non duxit operæpretium, ſed per Cancellarium literis a me, quod ſubſecuturum eſſet, diſcrete præmonitum, mihi reſponderi permiferit, ſibi non eſſe integrum in 15 Aſtronomici exercitij Inſtrumentorumque eo pertinentium ſuſtentationem quippiam impendere, ſubtractis etiam ſucceſſive, ſtatim ac coronatus eſt, ſumptibus ab optimo Parente et Regni conſiliarijs mihi conceſſis et eo deputatis, non curantibus ijs qui Regi ſunt ab intimis, Senatus Conſultum mox ab obitu FRIDERICI Regis mihi in membrana impertitum, et a Primario eorum qui nunc Curiae Magiſter eſt, ſuapte manu ſubſcriptum et ſigillo munitum, ſic quod alias || inſolitum 1 v eſt, exauthorari fecit. Unde factum eſt, ſupervenientibus etiam alijs moleſtationibus, ut priuſquam Aſtronomiæ, cuius tam diu tamque impenſe reædificationem in Patria molitus ſum, ruinam ibidem indecoram hiſce oculis ſpectarem, multo potius maluerim iplam Patriam 25 cum omnibus in ea conſanguineis et amicis derelinquere atque in Germaniam me cum Coniuge et liberis totaque mea familia, aſumpto mecum ingenti illo apparatu Aſtronomico, concedere, quod ante ſeliquialterum annum, ſi forte adhuc inſcius es, præſenti et forti animo a me factum eſt. Subſtituti tamen interea cum meis iuxta fines Daniæ et Germaniæ in arce quadam Ranzoviana prope Hamburgum ſita, quo noſtratibus rem rectius diſpiciendi, Patriæ, cui multum debemus, adhuc ſtudens, ſatis temporis relinquerem, atque eo forem excuſabilior, ſi alio me prorſus converterem. Verum cum id nihilominus incaſum 35 fieret, et Auguſtiſſimus Romanorum Imperator RUDOLPHUS reſciſcens me e Dania emigraſſe atque ad Holſatiæ aſtraliorem oram habitare, me pro ea qua eſt erga Mathematicas artes, quas ipſemet etiam laudabiliter exercet, Clementiſſimo favore præditus, ad ſe in Bohemiam evocari mandavit, ſpe facta quod non fruſtra venturus eſſem. Sum itaque iam nunc in itinere, et hic Dreſdæ aliquantiſper cunctor, donec miſiſ in aulam Cæſaris literis edocear, ubi et quando eius Maietas 40 adeunda

adeunda sit, hoc præfertim tempore, cum ob luem epidemicam paßim
 istic graßantem turbata sint omnia, et Cæsar Praga in alium salubri-
 orem locum, ubi solitarie agit, disceßerit. Responsum est Cæsarem ac-
 ceßum meum libenter intellexiße; sed cum ipsemet in Bohemia vix
 5 locum inueniat, ubi a periculo contagij increbrescentis tutus sit, sua-
 dere et cupere, ut aliquamdiu hîc aut alibi in vicinia me contineam,
 donec remiserint istic morbi populariter graßantes; interea velle se de
 commoda et opportuna sede cogitare atque prospicere, ubi me meaue
 colloket. Huic clementißimo Cæsaris responso, uti par est, acquiescens,
 10 constitui, volente supremo Numine, in vicinam aliquam superioris
 Saxonie vel Misnie Academiam hisce diebus me conferre, ut aliqua
 in Progymnasmatibus meis alijsque operibus typographico labore nec-
 dum plane ob eas, quæ mihi in Patria euenerunt, conturbationes ab-
 soluta, ibi compleri procurem, donec pacatiore et saniore in Bohemia
 15 restituta degendi commoditate a Cæsare eo accedere iubeam. Quod tibi
 indicandum duxi, optime MAGINE, ut de statu mearum rerum con-
 scius eßes, utque simul ex iam commemoratis aliquatenus intelligeres,
 quæ et quanta Astronomie, quam intendo, instaurationem remorata
 sint. Plura et particulariora exhibitor harum FRANCISCUS TIG-
 20 NAGLIUS nomine tibi seorsim aperiet. Est ille adolescens genere no-
 bilis, natione Germanus, qui mihi usque in tertium annum fuit dome-
 sticus, meæque e Dania migrationis comes, eßque artibus liberalibus
 egregie imbutus, et Mathematicis etiam, interea dum mecum fuit, ope-
 ram non contemnendam navavit, observationibus simul abuefactus et
 25 numerorum tractationi, alias per se apprime ingeniosus et disciplinis
 quibufvis capeßendis idoneus, moribus insuper integris et virtute præ-
 ditus, ideoque ob tam præclaras animi dotes mihi semper carißimus
 fuit, et filij loco habitus. Hunc igitur de meliori, uti dicunt, nota tibi
 30 commendatum habeas, te etiam atque etiam rogo, quicquid in illum
 contuleris officij et beneficij, eum insuper apud Illustres et præstantes
 istic viros commendatione tua promovendo, id totum non tam ipsi
 quam mihi te præstitiße scias, inueniesque me ad compensandum per-
 petuo pro virili quam paratißimum. Tradidi illi librum quendam tibi
 35 ex me donandum, qui duos in se commodioris vectionis causa com-
 plectitur: prior Mechanicam Astronomie artem, prout a nobis in usu
 hætenus fuit, exhibet: posterior stellas fixas millenas accuratißime
 restitutas labore diutino atque ingenti, impendioque haud mediocri.
 Hoc habe librarium vicißim munus pro libro mihi prius inscripto, do-
 nec plura ex meis quæ desideras chalcographico labore penitus abso-
 40 luta fuerint. Sunt illi quædam etiam alia ad manus, quatenus in hac
 mea peregrinatione in promptu erant, quæ simul monstrabit, et de
 pluribus me meaue studia concernentibus te edocebit. Spero me ubi
 commodius

commodius et durabilius ocium in Germania adeptus fuero, tuis et aliorum votis in Astronomiæ illustratione et locupletatione confundenda uberius satisfacturum. ||

Inserui priori libro circa calcem epistolas tuas ad me datas, cum spacium pro ijs et Curtianis vacaret, idque certis de causis, præsertim ut alios ad hæc studia amanda excolendaque excitarem: et licet te inconsulto hoc fecerim, tamen haud ingratum fore confido, siquidem tibi, ut existimo, id non sit inhonorificum. Observationes quas polliceris in altera Epistola, si quas interea peregisti, obtinere averem. Sin vero id hæctenus neglectum est, ut in posterum sedulo refarciatur et præstetur, rogo; cedit id in artis nostræ, veluti spero, emolumentum, eritque et tibi et alijs, qui hoc factitarint, laudabile. Instrumenta si conficere libuerit, liber is formam et rationem luculenter suppeditabit.

Plura nunc non addo, forsan in iam exaratis epistolæ metas excessi, quod tamen libenter amicitiae nostræ et studiorum communium causa admisi, locis etiam quibus disiungimur crebras interlocutiones non admittentibus, ideoque, ubi fieri potest, non abbreviandis. Sique plura hîc forte omiſsa scire desideras, is, quem tibi nunc enixe commendavi adolescens, cum rerum mearum haud sit ignarus, plura expediet, atque votis tuis hac in parte, uti mihi polliceor, satisfaciet. Eum itaque iterum atque iterum tibi acceptum habe, et ad meliora quæque, quantum in te est, istic iuva et promove, quo aliquando, favente Numine, ad me reversus, tuam in se benevolentiam merito prædicare possit, idque erit mihi longe gratissimum. Vale.

Dabantur Dresdæ Misniæ, ubi est aula Electorum Saxoniae, Novembris 28 stilo veteri. Anno etc. 1598.

Si tres Eclipses huius anni istic a te vel quopiam alio observatae sunt, fac me eius denotationis participem pro meridianorum differentia hinc elicienda. Meis instrumentis sic designatae sunt, ut momenta observata et ad medium earundem reducſta, ita se habuerint.

A.º 1598. Feb. d. 20. Eclipsis ☾ medium 17^h 58' P. M.
Vandelsburgi prope Hamburgum,
defecerunt 11 digiti de ☾.

Martij d. 6. Eclipsis ☉^{is} medium 11^h 5' A. M. N.
Uraniburgi in Dania. Magnitudo
Eclipsationis ibidem apparuit a parte
superiori intra 9 et 10 digitos.

Augusti d. 16. Eclipsis ☾ medium 7^h 42' P. M.
Vandelsburgi.

Hæc omnia tempora recte consentiunt cum nostra restitutione. Quantum vero a calculo tam Alphonsino quam Coperniceo discrepent, tute vide.

vide. Longitudinem Vandelsburgi præsuppono 33° 35'. Uraniburgi 36° 45' atque eandem proxime Venetiarum.

Referet etiam idem adolescens quædam ad te meo nomine secreto, in quibus si mihi tu operam tuam præstiteris, aut per alium istic hominem idoneum, rem longe acceptissimam præstiteris, et ubi de tua voluntate mihi per eundem innotuerit, pluribus instruam, quomodo res peragenda erit, et formam præscribam. Habeo certas causas cur potius in Italia quam Germania id fieri averem. Multum mea interest, ut hoc perficiatur, quod et levi negotio exequi licebit; impensas lubens solvam inveniarque vicissim gratus. Habet exhibitor harum quædam secum eius negotij documenta, quæ tibi clam monstrare et exponere poterit.

Tuæ Excellentię

Studiofissimus

TYCHO BRAHE,
manu propria scripsi.

[Ex apographo in Archivo Regni Danię: Diplomatario Langebekii]

NOBILISSIMO ET ERUDITISSIMO VIRO

DOMINO OLIGERO ROSENKRANTZIO DE ROSEN-

HOLM, CONSANGVINEO, AFFINI ET AMICO

INTIMO, MIHIQUE CHARISSIMO.

S. P.



HARRISIME OLIGERE, Amice, Consangvinee et Affinis integerrime, de statu mearum rerum cognoscendo te esse sollicitum, id sic suadente eo, quo me prosequeris amore, et ego vicissim te, non dubito. Sic itaque brevibus habe: Wandelsburgo statim a Michaëlis festo discedens Pragam versus ad Cæsarem iturus, Magdeburgi primum per octiduum ob Ducem Brunsvicensem, tum quoque ERICUM LANGIUM substiti, postea Dresdæ per mensem integrum, quo responsum a Cæsare, an illis temporibus, cum Praga abesset ob luem Epidemicam, accedendus et compellendus foret, expectarem; quale vero tandem receperim, ex altera pagina cognosces. Cætera exemplum||literarum ad KRAGIUM nostrum, quod adiunxi (neque enim nunc vacat eadem ad te repetere) edocebit. Ingressurus est hac ipsa hora filius meus TYCHO cum quibusdam comitibus iter Wandelsburgum, ut familiam meam muliebrem huc meis curribus adducat; constitui enim, favente Deo, hic Wittebergæ hyemare, aut saltem tam diu manere, donec denuo a Cæsare in Bohemiam vocer. Plura non addo, quia pluribus otium deest. Tu vero, mi OLIGERE, copiosius rescribe, et de singulis, quæ scire mea

mea interesse nosti, affatim instrue, meque sæpius, interea dum hîc sum, tuis literis invise. Invenies me ad par pari || referendum minime segnem. 2^r
 Habebis brevi plura carmina ad Cæsarem de me, tum quoque ad me a varijs Poëtis concinnata, quæ nunc describere non licuit. Tu interim, 5
 ut Dania Germaniæ respondeat, effice, pro ut in te sponte recepisti, si modo Iutorum sit pollicitis aliquando stare. Si ego Schanus tale quid addixissem, certe fidem meam dudum redemissem, utut fuerim non minus quam tu occupatissimus. Sed si adhuc promissis steteris, erit veniæ locus. Cum HUNNIO hîc necdum familiaritatem contraxi, pridie 10
 enim primum huc veni, sed fiet id facile in posterum, uti etiam cum reliquis || huius Academiæ Eruditis. POLYCARPUM decumbentem, cum 2^v
 Dresdæ essem, bis invisi, humanissime ab illo exceptus; is te salutari voluit. Salutem etiam tibi dicit Hospes meus D^{nus} Doctor IOHANNES IESSENIUS, qui mihi in Philippæis olim ædibus commodam habitationem pro me et meis lubenter et benevole concebit. Vale, et brevi 15
 plura a me expecta. Sed da operam, ut prævenias. Saluta coniugem SOPHIAM Neptem meam, utque alteri SOPHIÆ prævaleat, indulge. Dabantur properanter Wittebergæ die 5. Decembris Anni 1598.

Tuus TYCHO BRAHE.

POSTSCRIPTA.

IMPURUM istud et calumnijs scatens Dithmarsii istius scriptum, quod tibi inspiciendum misi, necdum recepi, utut in literis ultimis, quas, cum Wandelsburgi essem, accepi, indicaveris te illud mihi remisisse; fac igitur, ut mature habeam, neque enim eo carere possum propter illa, 25
 quæ in margine adscripta erant, ut inde dem occasionem alteri cuipiam ista maledicta in suum authorem retorquendi; sed luet is brevi quæ meritis est. Retulit de eo ad me Doct. IOHANNES GÆDELMANNUS, Consiliarius Saxonicus et CHYTRÆI Gener, quem proculdubio nosti, quod URSUS iste plane contemptus sit et despectui habitus ab omnibus cordatis viris et ijs, qui in aula sunt Cæsaris, postquam 30
 tam infullsum et temerarium scriptum publicavit, esseque ab ipso Cæsare neglectum et vili pensum.

[Ex apographo in Archivo Regni Daniæ: Diplomatario Langebekii]

TYCHO BRAHE AD NICOLAUM
KRAGIUM.

S. P.



UM Dresdæ adhuc eßem, ante paucos dies literas tuas
accepi, Præstantissime et Amantissime Domine Doctor
NICOLAE KRAGIE, quæ Haffnia datæ erant Calendis
Octobris huius anni. Indicas autem ab initio te meas non
accepiße, quas HOLGERUS ROSENKRANTZIUS no-
ster in tua absentia secum in Cimbriam recepit; miror
itaque eum tanto tempore illas retinuiße. Existimaverat quidem ille,
te eße invisurum sese Rosenholmij, uti ei forte pollicitus eras, at ego
illi scripseram, quod frustra te exspectaret, æque enim rarum eße Iutum
Iuto vera dicere et fidem facere, atque augurem auguri, neque sane in
hoc augurio falsus sum meo ipsius incommodo, siquidem plæraque
erant in illo, quem tibi inscripseram, fasciculo, quæ te mature scire
avebam; spero tamen te id iam accepiße et eius contenta omnia per-
cepiße, quare ut de ijs, ubi præsertim opus est, mihi mature respon-
deas, rogo; atque simul indices, quid de literis illis actum sit, quas IO-
HANNES STYGIUS in Daniam ad quendam mea de causa se scrip-
siße rettulit, et quomodo intellectæ acceptæque. Quæ de Præfecto meo
Huennenfi in hisce ultimis attingis, parum moror, is non saltem erga
me infidelis deprehenditur, atque iniquas reddere rationes suæ villi-
cationis, sed insuper nihil ferme eorum exequitur, quæ aliquoties ei
per literas mando, non sine rerum mearum gravi dispendio, adeo ut
aliqua adhuc ex instrumentis meis et reliqua supellectile isthic in In-
sula, aut etiam Haffniæ residua sint, quæ necdum || Lubecæ accipere
potuerim, utut aliquoties hac de re scripserim et MULÆUS, cum præ-
sens eßet, illi singula oretenus exposuit; taceo quod nullos pisces ex
tot meis piscinis tanti constantibus, siue salitos siue exsiccatos, uti volui,
nancisci queam, sed is illis in suum et suorum commodum saltem uti-
tur, vel potius abutitur. Verum quid de eo faciendum sit, ESCILLUS
BILLEUS dispiciat et statuatur, cui supremam inspectionem rerum mea-
rum concredidi. Quod autem ais eße quosdam, qui Insulam meam a
me petitam volunt, peiore mea futura conditione, equidem non intel-
ligo, quid hæc verba sibi velint, nimis enim obscura sunt, et in varium
sensum trahi possunt. Cum tota Dania mihi nimis coarctata censeatur,
qui quæso insulula tam angusta tamque illucrifera me remorabitur,
his pauciora et longe maiora affectantem sperantemque? Sed vertat se
meus ofor et invidus in quascunque volet partes, quicunque tandem is
sit, non multum de me triumphabit, sed potius infringet dentem solido,
propria

propria delusus ab Arte. Atqui ego de Infula illa non sum magnopere sollicitus, neque etiam quodpiam emolumentum inde habeo, sed potius plus damni, neque tamen ullo iure eam mihi adimere possunt, salvis Regis FRIDERICI Literis, neque etiam sine Senatorum omnium iudicio et consensu id facere licet, si modo non quidvis licet citra ius et fas; oportet etiam me legitime citari. Sed restituant mihi solummodo meas impensas aut dimidiam saltem earum partem, quas in illam expendi ultra summam quam a Rege FRIDERICO et Senatoribus Regni accepi, aut decernant, *om det er billigt att jeg skulle liide saadan Skade thill forgeffvis*. Sed de his alias agemus, quando status mearum rerum fuerit in tutioribus et inexpugnabilibus terminis, quod brevi || me asecuturum, favente summo Numine, confido. Erit forte aliquis potentior, qui mei patrocinium in se recipiet, atque a tot iniurijs et damnis, quot in Dania passus sum, vindicabit.

Quia vero de rebus meis certior fieri desideras, sic habe: Paulo post Michaëlis festum Wandelsburgo Pragam versus ad Cæsarem iter suscepi, comitante me etiam familia mea muliebri Magdeburgum usque, deinde reversa. Substiti autem Magdeburgi per octiduum in gratiam ERICI LANGIJ nostri, qui mihi per quinque dies illic aderat, postea Dresdam profectus, ubi certo illic comperissem, Cæsarem relicta Praga ob morbos Epidemicos, in tutiorem locum septem miliaribus inde distantem se recepissem, nec quempiam admittere, nisi paucissimos quosdam quotidianos ministros, Aulam dissipatam esse, Cancellariam remotam, Consilia et Iudicia omnia filere, in summa Iustitium esse et actiones cunctas ob contagium populare conturbatas, consultius duxi scriptis Pragam ad THADDÆUM nostrum literis, an in tali rerum statu ulterius procedendum sit, expiscari, atque interea Dresdæ responsum præstolari. THADDÆUS acceptis meis in hanc sententiam literis, eas Domino Procancellario Imperij RUDOLPHO CORRADUCIO, qui Pragæ remanserat, actutum legendas exhibuit, is vero descriptum earum confestim Cæsari misit, petens a BARVICIO, ut de Cæsaris voluntate quamprimum fieri possit, quidpiam certi rescribat cumque hoc aliquamdiu protraheretur, uti sunt lenta, quæ apud Magnates expedire oporteat, præsertim eo tempore, quando Literæ Praga allatæ ob infectionis || metum, non nisi post aliquot dierum intervallum legebantur. Hinc evenit, ut usque in quartam hebdomadam Dresdæ responsum expectare necesse habuerim, THADDÆO interea moræ etiam plusquam ego ipsemet impatiente, semel atque iterum responsum urgente, et cum BARVICIO hac de re quasi exposulante, illique IACOBUM CURTIUM Prædeceßorem, quod ille multo citius me concernentia præstitisset, exprobrante, et tandem etiam ad Dominum CORRADUCIUM, qui Pragæ adhuc erat, hac de re schedam scribente.

Accidit

Accidit autem, ut eo ipso die BARVICIJ Secretarij Literæ ad CORRADUCIUM pervenirent, quibus Cæsaris resolutio continebatur, quam CORRADUCIUS actutum Schedæ THADDÆI propria manu subscripsit, eamque sigillo suo munitam THADDÆO demisit, ut me de
5 voluntate Cæsaris inde certiolem efficeret. Quæ autem erant eorum, de quibus dixi, formalia verba, ex adiuncta charta percipies. Ego itaque accepto hoc Clementissimo Cæsaris responso, me illi lubenter acquiescere rescripsi; nam et antea THADDÆO per literas significaram, me in superiori Saxonia potius quam Dresdæ mansurum, donec morbi
10 illi populariter in Bohemia graßantes remiserint, et Cæsari commodius fuerit me eo vocare; neque enim periculo caruit cum meo iuvenili comitatu illas oras passim peste et dysenteria infectas tunc intrare. Recepi itaque me cum meis huc Wittebergam, ubi D. V. hyemare constitui, nisi prius a Cæsare, sopita istic lue Epidemica accersitus fuero, eritque
3^r mihi hîc oportunum in operibus meis || necdum Hamburgi ob Typographorum imperitiam et paucitatem plane absoluta Typis complere. Habito hîc in ædibus, quæ olim erant optimæ recordationis viri PHILIPPI MELANCHTONIS, nunc CASPARIS PEUCERI, inquilino earum modo existente Domino Doctore IOHANNE IESSENIO Philosopho et Medico eximio, qui me perlubenter, imo non sine gaudio
20 ad se recepit, et potissimam ædium partem pro me meaque familia, quam diu lubuerit, inhabitandam benigne concessit. Adest commoditas pro observationibus continuandis, suntque mihi ad manus hîc quædam ex meis Instrumentis, quæ in Bohemiam mecum sumere constitui. Est etiam locus pro laboratorio Pyronomico, in quo nonnulla, interea
25 dum hîc sum, parare animus est, præter ea, quæ prius Wandelsburgi confecta in promptu habeo. Cæsar enim talibus impense delectatur, eaque proprijs manibus versat, non minus quam Mathematica, quæ probe intelligit et alijs præfert. Ideoque aiunt, ipsum magno mei desiderio teneri, adeo ut in locum, quo nunc secessit, Podebra dictum, me
30 ad se accersere, ut quotidie istic illi adeßem, voluerit, iam præparato pro me et meis amplo hospitio, sed increbrescente pestis vehementia in illa vicinia, ita ut aliquot bruta animantia inficerentur, de mutatione loci cogitavit, ita ut aut in Silesiam, aut Styriam aut etiam versus
35 Insbrug se recipere cuperet, relicta Bohemia, modo id tutum foret, et ab indigena Nobilitate permissum. Atque hinc etiam factum, ut responsum de me aliquandiu retardaretur || quodque eiusmodi quale in charta vides acceperim. Aduit mihi Dresdæ doctor IOHANNES GÆDELMAUNUS Confiliarius Saxonicus, CHYTRÆI gener, ijs ipsis
3^v diebus, quando Dresda mihi abeundum fuit, is inter alia mihi dixit, se Pragæ, unde nuper advenerat, a fidedignis audivisse, Cæsarem in tantum meum expetivisse adventum, ut hæc verba pronunciarit: »Si fo-
40 lummodo

lummodo illum virum hîc mecum haberem, cum quo de rebus Mathematicis et Astronomicis, tum quoque Pyronomicis iucunde conferre possim, atque eius opera perlustrare, non caperet me tantum temporis tædium, veluti nunc fit, dum Praga absum. Sed quid faciam, si illum confestim huc vocavero, et mihi ipsi sit alio discedendum, non bene consulo illi et eius comitatui, hoc præsertim periculoso tempore. Præstat itaque id in commodiorem et opportuniorē commoditatem differre, interim de illo convenienti loco constituendo dispiciam.» Atque alia eiusmodi, quæ nunc prætereo, ut spem magnam conceperim, Cæsarem non ita averfurum me meaque studia, quemadmodum in Dania factum est. Curo autem per filium meum TYCHONEM, addito uno vel altero comite, familiam meam muliebrem huc Wandelburgo evocari, miſis meis curribus, qui eam cum supellectile neceſaria advehant; eo enim regredi, nisi forte pro disponendis residuis rebus, iſque alio mittendis, non est animus. Sat Boreæ datum, utinam non nimium, sed tribuendum erat aliquid patriæ, quam diu id fieri potuit.

FRANCISCUS meus TEGNAGLIUS cum || ego Dresda huc concederem, in Italiam abiit, illic aliquantulum mansurus linguæ discendæ causa; eum Principi Venetorum, Duci Parmensi, et magno Duci Hetruriæ atque Florentiæ per Literas commendavi, miſis ad singulos eorum iſs, quos Regi nostro offerre volui, Libris, quod tamen an factum sit, ignoro. Itidem feci apud MAGINUM Mathematicum. Quin et Elector Colonienſis illum in mei gratiam, et a me rogatus, iſdem Italiæ Principibus, excepto Veneto, Italicis Literis, quarum hîc exemplum habes, commendavit, ut sperem res eius bono loco iſtic futuras. Cum mihi scripseris, quod Rostochio ad D. CHRISTOPHORUM STURTIUM I. C. directis literis facile efficies, singulis duabus, uti ſcis, septimanis huc inde veniente auriga, de omnibus, quæ me meaque negotia concernere noſti, luculenter commonefacias velim, idque solito sæpius, cum nunc maior, interea dum hîc ſum, concedatur oportunitas, nisi mare apud vos congelatur. Carmina in mei gratiam ab eximijs Poëtis ad Cæsarem congratulationis cauſa concinnata, tum quoque ad me brevi videbis, otium ea describendi in hac feſtinatione non supererat, mitto tamen exemplum CHYTRÆI Rostochienſis, quod nuper Dresdæ accepi, siquidem illud in promptu erat, iſthic ob POLICARPUM ſic volentem ex autographo immutatum. Sed ille ob feſtinum meum inde diſceſſum illud necdum accepit, est alias vir humaniſſimus, ſatſque Politicus, meque, dum ibi eſſem, honorifice excepit. Sum etiam benigne habitus a Duce Adminiſtratore, qui me ad ſe invitavit, || poſteaue ad iuniores Principes, donata deinde eleganti torque aurea cum ſua Effigie; quin et alibi a Principibus Germaniæ clementer acceptus fui, qui,

qui, ut eos in reditu inviserem, rogarunt, spe etiam tacite facta, quod si Cæsar mihi benefacere velit, eos etiam suo officio non defuturos. Quomodo Colonienſis me meaque Cæſari commendavit, vel potius illi mea de cauſa congratulatus ſit, et quid in mei gratiam ad eundem

5 Cæſarem Dux ULDARICUS Avus maternus Regis Daniæ ſcripſerit, exempla earum literarum, quas ROSENKRANTZIO, aut etiam tibi, ſi recte memini, communicavi, edocebunt. Dedit etiam ad me Princeps MAURITIUS humaniſſimas literas, in quibus non pro autoritate Principum agit, ſed me pro amico bono habet et ſic nuncupat. Ex literis

10 TEGNAGLIJ Amſterodamo de ijs, quæ in legatione eius evenerunt, antequam Wandelſburgum ad me rediret, perſcriptis, hæc et plura cognosces, ubi eas deſcribere vacabit, tibiſque mittere. Sed deſino plura, cum charta vix plura ferat. Tu itaque, mi optime KRAGIE, cum coniuge a me ſalutata, liberisſque veſtris feliciſſime vale. Dabantur Witte-

15 bergæ die 5. Decembris Anno 1598.

[Ex apographo Haunienſi excerpt. Langebek. 179]

6^v **CLARISSIMO ET DOCTISSIMO VIRO M.**
ANDREÆ WELLEIO, CANONICO RIPENSI, AMICO
 † **SUO ET DILECTO.**
 20 **S. P.**



25 **U**M hic Tabellarius ſponte ſe mihi [of]ferret, qui in Cimbriam ire et Ripas tranſire conſtituit, non intermittendum duxi, amantiſſime Domine Magiſter ANDREA, quin aliquid ſaltem literarum ad te darem. Feciſſemque idipſum, antequam Wandelſburgo diſceſſi, ſi negotiorum mole et internuncij penuriâ non fuiſſem præpeditus. De ſtatu autem mearum rerum ſic habe. Cum ſtatim a Michaëlis feſto inde abiſſem Pragam verſus cogitans, a Cæſare per Dominum CORRADUCIUM Imperij Procancellarium, intermediente etiam D. THAD-

30 **DÆO HAGGECIO**, aliquoties eo accitus, accidit ut cum Drefdam veniſſem, certo intelligerem, omnia Pragæ ob luem Epidemicam iſthic uti et alibi in Bohemia ingreſſentem, conturbata eſſe, Cæſarem inde diſceſſiſſe, || atque in tutiorem locum ſe recepiſſe, conſiliarios autem hinc inde diſperſos, aulamque totam diſſipatam ideoque conſilia et

7^r 35 iudicia publica feriari et iuſtitium eſſe. Quare illic pauliſper ſubſiſtens, miſi proprium Tabellarium cum literis, me Drefdam adveniſſe indicantibus, et quid in tali rerum ſtatu faciendum ſit ſciſcitantibus. Quorum exemplo a CORRADUCIO Cæſari, ubi tunc degebat, tranſmiſſo, reſponſum poſtea eſt a Domino BARVITIO, ſupremo Secretario et

17* Cæſari

Cæsari ab intimis confilijs, Cæsaream Mat^{tem} perlibenter de meo adventu intellexisse, utque Dresdæ vel alibi in vicinia subsistam, donec aula recolligatur, cupere; interea de loco, ubi commodè collocari possem, benigne cogitare. Quo responso accepto (cui etiam lubens acquievi, cum periculosum alias foret Bohemiam ingredi) me huc Wittebergam cum meis recepi. Ubi Deo volente hybernare constitui, vel saltem donec a Cæsare avocer, quem scio mihi et meis rebus clementer ac serio favere, || idque maiore studio et desiderio quam ... nia factum est, spero etiam constant ... Interim vero dum hîc dego, nonnulla quæ in operibus meis nondum Typograph[ico] labore absoluta sunt, complere animus est, unâ cum ijs quæ Cæsari speciatim destinavi. Habito autem hîc Wittebergæ in ædibus, quæ olim erant optimæ recordationis PHILIPPI MELANCHTONIS, nunc PEUCERI, inquilino earum me excipiente Domino Doctore IOHANNE IESSENIO Philosophiæ et Medicinæ Doctore. Qui ut est vir syncerus et humanus, meique amantiſſimus, plusquam dimidiam ædium partem pro me et mea familia inhabitandam benigne conceſſit, ita ut mediocri hîc fruar oportunitate, donec res meæ providentia divina uberiores commoditates sortitæ fuerint. Curo autem nunc adduci Wandelburgo familiam meam muliebrem proprijs curribus, per filium Tychonem, pro || qua donec amplior volente Numine a Cæsare nobis omnibus conceſſus fuerit. Cuius in arbitrium totus mi ... clauditur orbis. Hæc brevibus significare volui ob veterem inter nos necessitudinem, ne rerum noſtrarum inſcius eſſes, aut me tui immemorem ſuſpicareris. Forte tamen ſimilia aut his plura a Mag. CHRISTIERNO SEVERINO LONGOMONTANO, meo aliquandiu domeſtico, qui etiam me Magdeburgum comitatus eſt et Gynæcæum meum idem Wandelburgum reduxit, intellexiſti. Relatum enim mihi eſt eum Rapis nuper fuiſſe, et meas iſthuc ad eum perlatas eſſe literas, quas illi, quam primum huc veni, deſtinavi. Scripſi nunc et alteras eidem, ſive iſthic ſive alibi ſit, tradendas. Quod ſi per alios expeditum non fuerit, a te fieri cuperem, ubicunque eum morari noſti. Vale cum tota domo, ſalutata a me tua coniuge peramanter. ||

Per hunc vero Tabellariumtius, cum non raro Witebergam [lite]ras mittendi detur occasio, reſcribe. Iterumque vale et Præſidi arcis veſtræ de me ſalutem nuntia unâ cum alijs amicis, ſi quos forte apud vos habeo reſiduos. Precor vobis omnibus Annum hunc inſtantem auſpicatum et ſalubrem. Iamque tertium et pluries vale. Dabantur Witebergæ die penultima Anni 1598.

TYCHO BRAHE.

De terræmotu, qui has Germaniæ oras duabus vicibus conquæſavit, die 16. Decembris inter 6 et 7 matutinam, tam hîc quam Magdeburgi et

et Lipsiæ atque in alijs hinc inde locis, te inaudiviſſe opinor. Si quid tale apud vos vel alibi in Dania experti ſitis, indica. Exiſtimo enim a Septentrione vel Occaſu tremorem illum veniſſe. Qui tamen in hoc tractu divina clementia nihil damni intulit.

5 † [Ex apographo in Archivo Regni Daniæ: Diplomatario Langebekii]

TYCHO BRAHE AD CHRISTIANUM LONGOMONTANUM.

1^r

S.



10

15

20

1^v

25

30

35

2^r

UAS Wandelsburgo ad me dedisti literas, eruditissime et
amantissime M. CHRISTIERNE, eas hñc Wittebergæ
accepi penultimo die huius anni. Refers ab initio in ijs
de incuria Typographi Hamburgensis, qua quaternio-
nem ibi relictum non saltem non emendatiorem edidit,
sed adhuc magis quam antea corripit, ut et in priori
negligens fuit; sed quid faciendum cum talibus hominibus, qui nec
fidem servant, nec quæ profitentur, satis callent? Conſtitui igitur duos
illos quaterniones de motu Lunæ hñc, volente Deo, terſe et emendate
imprimi curare, ubi et reliquos quatuor Lunam concernentes, quos
nunc ſub prælo habeo. Ne igitur ſis de priori iactura ſolicitus, et feren-
dum eſt, quod averti non poteſt. Quod vero excuſas moram tuam ali-
quantulam iſthuc Wandelsburgi, apud familiam meam || muliebrem,
tantum abeſt ut hoc ægre feram, quin potius tibi gratias habeam, quod
id mihi et illis officiij præſtare volueris, ut non ſaltem Magdeburgo eos
iſthuc deduxeris, ſed et aliquamdiu cum illis manſeris, ne nimis ſoli-
tariæ eſſent, donec ANDREAS miniſter reverteretur. Quoniam vero
exiſtimo te res tuas domi ordinaſſe, ut in Germaniam denuo cogites,
aut nunc forte eo reverſus ſis, cuperem ut me de ſtatu rerum tuarum
certiorem redderes. Intellexiſti ex ijs, quas ad te dedi, quam primum
huc veni, me Wittebergæ hibernare, volente Numine, conſtituiſſe, et
quæ ſint cauſæ cur ſic faciam. Si igitur res tuæ ullo modo id ferrent,
ut me accedere poſſes, feceris mihi rem apprime gratam, nec tibi ipſi
infrugiferam. Cum enim et antea a te intellexerim, et hæ tuæ literæ
non obſcure inſinuent, quod in Academiam aliquam exteram aſcen-
dere cupias, ubi ſecundum conditiones atque ætatem honeſte vivere
poſſis, poterit id ſane aliquantisper non incommode fieri, donec divina
providentia res meæ quietum et certum locum in portu exoptato et
firmo, concedente uti ſpero Cæſare, obtinuerint. Tunc melius ti-||bi et
tuis commodis proſpicere non omittam, interim etiam de liberali ſu-
ſtentatione meis ſumptibus tibi providebo, nec quicquam tibi deeſſe
patiar,

patiar, quod oportuna vivendi ratio exigat. Atque ubi præfens fueris (neque enim de tua erga me voluntate aut obsequio quidquam dubito) plenius de ijs, quæ tibi ufui eſſe poterint, inter nos agemus. Gratum mihi inprimis eſt, quod de Apologia Antagoniſtæ mei Scotici refutanda ſerio cogites, vellem id mature fieri, ut Tomum illum de Cometa 5 anni 77. ſic concludere poſſim, atque interea dum hîc ſum, typis abſolvere, unâ cum alijs meis operibus antea inceptis, necdum prorſus ad colophonem deductis. Tu vero mi dilectiſſ. Domine CHRISTIANE, te in his quam primum reſolve; ego tibi et tuis commodis, quantum in me eſt, nullatenus ſum defuturus, ſed omni benevolentia et ad meliora 10 ſemper promovendi amore et animi propenſitate proſequar, idque re ipſa potius quam verbis, quam primum ſe occaſio obtulerit, oſtendam. Vale. Dabantur Witebergæ ex ædibus . . . || (ubi nunc cum Domino 2v D. IESSENIO . . . converſor) ultimo die anni completi.

TYCHO BRAHE, 15
manu propria.

[Ex apographo in Archivo Regni Daniæ: Diplomatario Langebekii]

GENIO, INGENIO, GENERE VIRO EXIMIE 2v
DECORATO ET CONSPICUO OLIGERO ROSENKRANTZIO,
AMICO CONSANGVINEO, AFFINI INTEGERRIMO. 20
ROSENHOLM.

S. P.

1r



CRIPSI tibi, deſideratiſſ. mi OLIGERE, quamprimum huc Witebergam veni, et de ſtatu rerum mearum te certiore reddidi, quas literas te accepiſſe exiſtimo, id- 25 eoque ijs indicata repetere nolo. Cum vero commodum ſeſe obtuliſſet hic Tabellarius, qui ſe etiam Arhufiam venturum aiebat, non intermittendum duxi, quin aliquas ſaltem denuo ad te darem. Cupio autem per eundem ex te co- 30 gnoscere, quomodo vivas et valeas, et quid rerum agas, tum quoque, ſi quid mea intereſt ſcire, ut fideliter et amice ſignifices. Ego hîc volente Numine hybernabo, cum Bohemiam nunc ingredi lues Epidemica illic magis magiſque invaleſcens non ſinat, Cæſare ipſo vix ibi locum ſatis huius contagij convenientem inveni- 35 ente, ut ob id eum inde excedere animum induxiſſe nonnulli referant. Familia mea muliebris necdum advenit, pro qua adducenda miſi TYCHONEM filium cum equis et curribus meis. Quam primum advenerit, quod intra paucos dies futurum exiſtimo, equos in nundinis Lipſenſibus diſtrahere conſtitui, ne mihi ſint, interea dum hîc ſubiſto, oneri. Facile, uti ſpero, alios inſtante vere recepturus. Interea Typographicum laborem urgeo, ut compleantur 40

tur Libri mei, in Dania non absoluti, nec etiam prorsus Wandelsburgi. Paro adhuc alios pro Cæsare, quantum otium hoc ferre poterit.

Cæterum hoc insuper incidit, quod antea exciderat, ut te interrogarem de duobus illis libris Regi vestro offerendis, an id factum sit, necne.

1^v Si exhibiti sunt, cupio scire, per quem, et quomodo excepti, || et a quo postea accepti, cum is, uti constat, talibus non afficiatur, quæ tamen omnia parum moror, veluti etiam nullam inde gratiam aut affectavi aut speravi, uti neque antea ex tot non sine meo damno meritis ullam promereri potui, quod pariter ex alto negligo. Sin vero hi libri adhuc

10 penes te sunt, cuperem eos bene ab iniuria aëris et pluviarum munitos (quod per lineum cera imbutum facile præstatur) per hunc Tabellarium mihi remitti, quo in quibusdam eos recognoscere et locupletare queam, præsertim quoad stellarum restitutionem, et addito deinde tertio quodam eiusdem formæ et magnitudinis, quem etiam Cæsari dedico; omnes enim tres, præfixo singulis peculiari Epigrammate, Regi in Comitijis proximæ ætatis exhiberi, Deo volente, procurabo, sive per te sive per alium quempiam ex meis, si tibi id non fuerit commodum. Adiungentur, uti spero, quædam alia ex meis operibus, hisce maiora, ut videant vestra-

15 tes, si quos ea cura tangat, me isthic non fuisse otiosum, nec tempus inutiliter collocasse, nostrosque labores non ob id negligi aut interire, quod quidam ex ijs eos peßundare conati sint. Habeo etiam alias rationes, cur sic fieri velim, nec censuris contrarijs, undecunque petitis, afficior.

Cum Dresdæ eßem, adfuit mihi IVARDUS FRISIUS, fratrem Regis comitatus; is forte tibi nonnulla de me rettulit, aut alijs. Vellem eum

25 latis attentum fuisse, ut adhuc plura referre potuisset, non tam tibi quam ijs. Si me-||moriam, vel potius facundiam eius inaudivisti, indicatione pande, et quomodo illa intellecta acceptaque fuerint. Scis quid velim, de pluribus etiam, uti et prius rogavi, me (cum tam certus adsit internuntius) commonefacias; Exemplaria omnium librorum meorum,

30 tam alibi quam hîc absolutorum, brevi, favente Deo, obtinebis, ut duorum illorum, quos habuisti, iactura cum fœnore refarciatur. Salutavi nuper ex te, quamvis non rogatus, Doctorem HUNNIUM, cum simul in arce, unâ cum alijs Professoribus, a Præside invitati eßemus. Is te vicißim resalutat. Quin et alij hîc Professores, qui te norunt et plurimi

35 faciunt, salutem tibi dicunt. Inter quos etiam est Hospes meus Dominus D. IOHANNES IESSENIUS. Vale cum Coniuge tua, mea Nepte, quam felicissime, et instantem annum, feliciter inchoatum, quam prosperrime etiam absolvite, multosque insuper alios. Et his proximis det Deus, ut vobis ludat ROSENKRANTZIUS [in] aula Parvulus. Saluta

40 Matrem, coniugem, et amicos meos, si quos absentia mei adhuc memores eße admittit. Dabantur properanter Witeberga, pridie novi Anni 1599.

Tuus TYCHO BRAHE.

[Ex

[Ex apographo in Archivo Regni Daniæ: Diplomatario Langebekii; cf. apographum in *Dänische Bibliothec IX* (Hauniæ 1747) p. 239 sq.]

TYCHO BRAHE AD CHRISTIANUM LONGOMONTANUM.

S.

3^r

HARISSIME M. CHRISTIERNE, bis tibi scripsi, postquam huc Witebergam veni, quas literas accepiſſe te utraſque reor, vel ſaltem alteras. Cuperem, ut ad me huc accederes, antequam denuo Pragam verſus iter ſuſcipiam. Fiet id cum tuo emolumento. Si viatico cares, ſup- 10
peditabit tibi hic auriga, ego illi reſtituam. Intellexi ex tuis, antequam Wandelſbecho abires, mihi ſcriptis, conditionem in aliqua Academia te optare hîc in Germania, ſi[gnifica mihi an] Pragæ iſti, qui ſe Cæſaris Mathematicum iacſtat, ſuccedere velis (brevi enim ille ſe ſubducet, ſi modo iam factum non ſit) ſin tibi non placuerit, effi- 15
ciam ut eo vocetur, nec is ab [hoc] munere ſuſcipiendo abhorret; [tunc] operam || dabo, ut tu hîc Witebergæ in eius locum ſubſtituare 3^v
..... re, cum præſente plura ad quavis alia ratione expete commodis, quantum in me eſt, ſtudebo. Vale. Raptim Witebergæ inter plurimas occupationes die 11. Ian. Anno 99. 20

TYCHO BRAHE,
manu propria.

Habes hîc literas a BRASCHIO Poëta, Drefda mihi miſſas et fortuito reſignatas.

[Ex apographo in Archivo Regni Daniæ: Diplomatario Langebekii]

25

DEM EDLEN VNNDT GESTRENGEN RITTER HERRN TYCHO BRAHE ZU KNUDSTORP MEYNEM SONDERS GUNSTIGEN VND VIELGELIEBTEN HERRENN. TRESEN ODER WITTENBERGK.

2^r

ILLUSTRIS ac Clariſſime eques et Domine obſer^{me}. Sacra Cæſarea Maieſtas Dominus noſter Clementiſſimus mandavit mihi, ut Illuſtrem Dominationem tuam ſtatim huc vocem, cui hiſce meis humillime obſequi et debui et volui. Curet itaque Dominatio Tua Illuſtris quam di- 30
ligentiſſime, ut quam primum poterit, ſe ad iter accingat, ſicque coram Cæſare hîc Pragæ ſtatuat, ut is hac in parte in Dominatione tua illuſtri, vel etiam me ipſo, ne minimum quidem deſuiſſe animadvertat. Porro de hac Illuſtris D. T. perſonæ Auguſta evocatione non tam D. T. Ill^{ri} gratulor, quam mihi ipſi. Mirum in modum gaudeo, ut- 35
pote

pote qui hac occasione, te tantum ac talem virum et præter generis nobilitatem, omni virtutum et literarum genere exornatum atque ex- cultum coram videre tuisque doctissimis sermonibus quandoque frui potero. Vale quam optime et diutissime, Vir Nobilissime, omnemque
 5 adhibe diligentiam, ut nobis salvus atque incolumis huc advenias. Datæ Pragæ die 27. Ianuarij Anno 1599, quem tibi cum multis alijs felicissimum a Deo ter Optimo Maximo precor.

Illustri atque Clariss. D. T. deditissimus

RUDOLPHUS CORADUCIUS,
 manu propria.

[Ex apographo in Hardewigi Dasselii Poematum libris IV (Bremæ 1603)]

275 HARDEWIGUS A DASSELL I. C. TYCHONI
 BRAHEN VIRO NOBILISS. EQUITI ET MATHEMATICO
 EXCELLENTISS.

S. D.



UOTIESCUNQUE ad statum præsentium temporum, qui est miserrimus, Nobilissime et magnifice vir, amice colende, oculos animumque converto (converto autem omnes fere dies || noctesque) toties mihi in mentem venit, quod Poëta his versibus canit:

Sic omnia fatis

*In peius ruere, et retro sublapfa referri,
 Non aliter, quam qui adverso vix flumine lembum
 Remigijs subigit, si brachia forte remisit,
 Atque illum in præceps pronò rapit alveus amni.*

Neque enim ulla unquam extitère tempora hisce nostris turbulentiora, quibus omnia mundi regna τὴν ἐσχάτην πτώσιν minitantur, in quibus tanta undique tamque effrenis morum corruptela, tot et tantæ mortalium in diversa studia commotiones, tot tantæque rerum perturbationes, quibus oportune componendis unus solus aut occupatus fuerit aut suffecerit, in quibus simul religio et verus Dei cultus τινὶ μηδὲν ποιεῖσθαι προτιμότερον, et publica et privata ita undique in turbulentiam convoluta iacuerint. Quamquam enim retroacta tempora suas secum molestias quasdam et turbationes semper attulerint, nec bellis
 30 civilibus ne quidem atrocissimis in toto caruerint, tamen de hoc constat apertissime, nulla unquam eiusmodi fuisse, quibus hæc omnia simul mala, tanquam uno edita partu, unâ effusa phialâ, confluerint, ut nec immerito sola præ cæteris omnibus anteaçtis seculis summe deplorata et calamitosa dici queant. Quæ enim fuère (dicat mihi quispiam, qui

collatas

collatas singulorum temporum historias cognovit) || unquam secula, 277
 cum his ex virtutum et vitiorum præposteris exacte extremitatibus con-
 ferenda? in quibus sic omnia sursum deorsumque sacra et profana sibi
 invicem confusa extiterint et perplexa? in quibus sic omnia vitia et
 turpitudines ad summum pervenerint fastigium, in quo sine rubore 5
 etiam et propemodum cum aliqua laudis vindicatione steterint? vir-
 tus, honestas, devolutæ ad imum ubi peßundatæ et proculcatæ iacu-
 erint? in quibus maior solutioris et petulantis vitæ impunitas et licen-
 tia, maiores passim in nationum et regnorum statibus intestini motus
 ac seditiones? Adeo per præceps totus uno veluti coniurato impetu in 10
 dedecus et omnium vitiorum barathrum, in mutuum excidium et per-
 niciem graßatur et ruit mundus. Miserrimus est profecto miseræ et
 omni ope destitutæ Germaniæ nostræ status. Non externus hostis hanc
 populatur, non aliena fraus diripit, sed suis ipsa viribus ruit, ad seip-
 sam evertendam callida est et dolos struit. Quid obsecro existimandum, 15
 externos populos, Italos puto, Gallos, Hispanos, loqui de nobis? Quid
 literæ et scripta testabuntur? Durum est et asperum dictu, sed dicendum
 tamen. Nobilium in nobiles, civium in cives, imo fratrum, adfinium,
 cognatorum, propinquorum in suos commemorabitur impius et ne-
 farius furoris atque avaritiæ et invidiæ impetus, insidiæ, circumventio, 20
 inductio, fallaciæ. Non tantum mali in summa calamitate esse || potest, 278
 quantum in hac ignominia et dedecore. Quæ autem hæc est rabies?
 Nihil curare aliquem, quid liberis, uxori, consanguineis, affinibus suis
 fiat? an nobiscum extingui delerique cupimus omnia? Et illæ Nero-
 nianæ et Caianæ sententiæ in animo et voces in ore sunt: »*Me mor-* 25
tuo terra absumatur ignibus;« vel magis etiam tristes:
 †

»*ignes, ruinæ populum premant,*
turpisque egestas, sæva cum luctu fames.«

O gentis et nationis laudatissimæ ingens probrum! Mirantur interim
 multi, quonam malo Genio, quove fato nostro, illa morum corruptela 30
 totque discordiæ et dißidia tam in ordine politico, quam in ecclesiastico
 passim nata sint, et indies magis magisque augeantur, non abs re qui-
 dem id mirantur, et dolent etiam ob rei, quæ tam multa secum mala
 invehat, et pietati iustitiæque interitum minetur, diuturnitatem et mag-
 nitudinem. Verum si admiratores illi et animorum nostrorum pravita- 35
 tem vitæque labem, de quibus paulo ante dictum, ac gravissima, qui-
 bus ea tota scatet ac sordet, vulnera sibi ob oculos ponant, et, quod
 proximum est, in tot et tantis, quibus laboramus morbis, nullam fere
 sanitatis speciem et spem reliquam esse considerent, non amplius mi-
 rabuntur; sed dolebunt nihilominus, quod de morbis nostris curandis 40
 nullo modo nec cogitemus nec laboremus. Vitia hæc sunt, ut uno verbo
 dicam,

dicam, et scelera, bellorum et calamitatum fons et caput; quibus nisi
 279 extirpatis, nullus miseriarum || finis sperandus videtur. Non prosequar
 omnia, quia et infinita sunt, et alibi ab alijs explicata satis, sed maiori
 quidem illorum, qui sapienter ea disernerunt et nos ad meliora erudi-
 5 erunt, laude, quam nostrâ, qui nec ullis præceptis moniti sapere, nec
 ullis malis affecti resipiscere possumus, utilitate.

Et quid pluribus commemorandis tempus teram, cum, si avaritiam
 et ambitionem, teterrimas animorum pestes, unam dissensionum et
 calamitatum in toto Romano imperio causam esse dixerò, complexus
 10 omnia videar? Hic unus malus Genius est, qui nos tamdiu vexat, hoc
 ipsum est illud factum, quod et privatis rebus detrimentum et publicis
 exitium affert. Hæ duæ inquam sunt pestes, quæ pietati et iustitiæ, quæ
 Germaniæ nostræ, quæ Ecclesiæ extremam, si quæ possint, perniciem
 machinantur, quæque ἀταξίαν et confusionem adhuc, proh dolor, reg-
 15 nantem in Ecclesiam invexerunt? Hæc enim cum erat pauperior et
 Apostoli ceterique Pastores auro et argento carebant, virtutibus omni-
 † bus circumfluebant. Episcopi erant docti, modesti, prudentes, sobrij,
 laboriosi, vigilantes et tanquam lumina universo populo prælucebant.
 Singuli vero e populo tantâ charitate alij alios complectebantur, ut
 20 nemo, quod possideret, suum esse diceret, sed omnia essent communia.
 Erantque concordēs et perdurantes in doctrina Apostolorum, laudan-
 280 tes Deum eique pro omnibus gratias agentes. Fides vero tanta erat, || ut
 nec minis nec ullis cruciatibus a confessione Christianâ deterreri possent.
 Verum ubi liberalitate et zelo Principum interdum inconsiderato, ea-
 25 dem Ecclesia in opes et potentiam crevit, ex eo paulatim eius virtus
 (ut ait D. HIERONYMUS) decrevit, quoad in eum statum et præcipi-
 tium delaberetur, quo in præsentia redacta est, ut difficillimum sit iudi-
 catu, utri sint deteriores, Pastores an populus; quos inter se concertare
 dicas, utri alteros ambitione et avaritiâ vincant. Certe priscos pietatis
 30 tum fundandæ et ædificandæ autores, Deum, Prophetas, CHRISTUM,
 Apostolos et alios pios Doctores, tum eiusdem confirmandæ adiutores,
 ut Imperatores, Reges, Principes, piasque Respubl. et populos si con-
 sulunt et audiunt, longe aliam viam inibunt, longe aliam rationem se-
 quentur. Sed (ut non minus vere quam festivo dicitur) famelicus venter
 35 auribus caret; vesana illa habendi et dominandi fames nihil audit,
 donec plene satiata fuerit, si plene tamen unquam satiari potest, quæ
 contra, quo plura absorbit, eo plura appetere, et gazas gazis, regna-
 que regnis cumulare et solet et gaudet.

Sed mitto iam illorum hominum fordes et perfidiam, et ad ea accedo,
 40 quorum cognitione equidem valde consternatus sum, neque enim sine
 sensu doloris nuper ex literis tuis accepi, Nobilissimum Virum D. HEN-
 RICUM RANZOVIUM, Regis Daniæ Producem Cimbricum, affinem
 nostrum,

nostrum, ipsis Calendis Ianuarij beato fine e mortalium consuetudine
 exemptum esse, quo sa-||ne nuncio non potui non magnopere commo- 281
 veri, præsertim tam repentinâ morte. Erat enim mihi ob singularem
 prudentiam, eximias virtutes, animique et corporis præstantissimas
 dotes, adeo charus, ut nulla vis rerum aut temporum præscriberet 5
 modum in eo amando, suspiciendo et observando. Sed quia divinam in
 rebus humanis voluntatem dominari non ignoramus, non forti modo,
 sed æquo etiam animo, quod mutare non possumus, ferre debemus;
 hoc nostrum incommodum gravissimamque iacturam eo ferimus ani-
 mo, quo debemus. Tantum vero abest, ut illius vicem doleamus, ut 10
 etiam ipsius causâ gaudendum esse intelligamus. Etenim cui magis
 propitium et placatum Deum fuisse, cuive facilius aditum ad æternam
 et beatam illam vitam patuisse censendum est, quam ei, qui (ut ipse
 quoque de eo sentis) et integerrime semper ac castissime vixerit et ex 15
 hac vitâ pie sancteque disceßerit? Profecto illius obitum dolere invi-
 dentis esset potius quam amantis. Quare tuum erit, cum is tam præ-
 clare vitæ suæ cursum confecerit, hac cogitatione desiderium, quo ex
 illo afficeris, lenire. Quod facilius etiam assequere, si literis sacris ali-
 quid tui studij et temporis impertieris, ex quibus id, quod ipse expertus
 confirmare possum, præter suavissimum quandam animi fructum ac 20
 voluptatem, quam percipies, omnia quæ evenire homini possunt in-
 commoda, non tolerabilia solum, sed ad salutem etiam animorum vim||
 habere maxime intelliges. Sed hæc hæctenus. Fuit sane Generosus Do- 282
 minus HENRICUS RANZOVIUS, qui nunc rebus humanis exemptus
 est, vir et ore et more imaginem honesti referens, opum honorumque 25
 contemptor, recti pervicax, ut animâ, ita ore liber eoque gratus bonis,
 gravis improbis, Doctorum et Literatorum, sed bonorum amans, illis
 ignavâ operâ non ferebat; eruditionem gravem seriamque, a qua in
 publicum boni mores, bona valetudo manarent, complectebatur, illa 30
 acuminis irriti ludicra et difficilimas nugas aversabatur. Iam pietate
 et animi robore supra vulgi captum ingeniumque. Sed non ille ad huius
 seculi gustum, seculi improbi, maligni, ingrati, quo vitij malisque arti-
 bus non modo impunitas, sed apud plerosque etiam honos, innocen-
 tiam atque virtutem vix usquam sine periculo aperte colueris. CHRI- 35
 STIANO tertio Regi Daniæ a puero charus, neque id immerito. Nam
 et ipsi RANZOVIO una illa post Deum cura, habere clementissimum
 Regem eumque florentissimum videre. Erat ille familiâ inter Holsatos
 nobili natus, sed postea ob egregias virtutes, eruditionem haud vulga-
 rem, trium Regum Daniæ, CHRISTIANI III, FRIDERICI II et CHRI-
 STIANI IV in Ducatibus Sleswigæ, Holsatiæ et Ditmarsiæ, summâ cum 40
 dignitate Vicarius perpetuus. Primos annos bonis artibus, cæteram
 ætatem Reipubl. dedit, ubi maturior illa et rebus gerendis simulac re-
 gendis


283 gendis ætas accebit, tum Legationibus || obire, laborare, vigilare, negotijs publicijs intentus sua negligere, bonos omnes passim ad communem pacem adhortari, prudentibus animum addere, imprudentibus mala imminetia exponere. Tu autem felix, RANZOVI, confecto innocenter
5 cursu tuo, iam hac servitute liber vivis et vivis cum Deo, beatus [in] æternum. Sed ad laudes D. RANZOVIJ non addam plura.

Quod vero, nobilissime vir, tu quoque in extrema epistolæ tuæ parte mortem RANZOVIJ non fictis lamentis prosequeris, facis tu quidem, quod non te solum, sed omnes literatos facere decet. Quod autem et
10 eius sapientiam, doctrinam, virtutem et humanitatem pleno ore prædicas, in eo animi tui candorem et agnosco et magnopere laudo, cumque te laudum eius tam studiosum esse animadvertissem, non dubitavi, quin grata tibi lectio futura esset eorum, quibus tumulum eius ornavi, epigrammatum; quare adscribenda ea censui, tua vicißim, si qua scripseris, expectans. Tu, nobilissime vir, hanc confidentiam compellationis
15 meæ, et, quæ tanquam garriens commiseratione maligni huius seculi motus ad te perscripsi, in bonam partem accipies, beneque valebis.

† Luneburg, 28. Ianuarij Anno [1599].

† [Ex apographo in *Epistolis ad Ioannem Keplerum scriptis* ed. Hansch (1718) p. 106 sqq.]

IOANNES KEPLER AD TYCHONEM BRAHE.

106  UM intellexissem ex MÆSTLINI literis, quas ad me dedit superiori Augusto, respondiße te ad epistolium meum, eiusque responsionis exemplar apud MÆSTLINUM
25 esse, proxima occasione apud illum institi, ut id exemplar ad me mitteret, quando literæ tuæ mihi non redderentur. Sic casu et diligentia tua factum, ut quamvis pereuntibus tuis literis, tamen quod me scire velles, post decimum
30 mensem intellexerim. Hæc initio te certiore reddidi, quia in illa querela tua, me Christe, quam iustissimal postulas, ut primo quoque tempore meam tibi sententiam aperiarn, ne ex hac decimestri mora maior tibi de me suspicio culpæ suboriretur. Quantum igitur attinet
35 meas ad URSUM literas, ex ijs, quæ excerpisti verbis, pleraque mea agnosco. Ex eo fit, ut quamvis ad aliqua, de quibus dubito, pene cohorrescam, nullum tamen negare posim. In hac itaque parte nullum adhuc URSI crimen est, quod liqueat. Utrum autem integram epistolam publicaverit, maior apud me dubitatio: quæ facile discuteretur, si mihi exemplar typi esset. Nam in ijsdem literis desiderium meum tuorum operum legendorum expressi, eaque in re operam URSI expetij.
Quantam

Quantam autem per Deum immortalem! et quam multiplicem mihi facit iniuriam ferus homo! Ambiebam eius amicitiam miſſa episto-
 la. Si petitionem meam admisit, fidem eius desidero: sin sprevit, tamen inhumanus est. Sermones amicorum, literæ magis, privatae esse debent; has ille publicavit, nec me consuluit, nec facturum, nec factum
 5 nunciavit, nec exemplar misit. Quibus est curæ æquitas, nec in hostem quidem tale quid audent. Remissiſſet mihi, quod veteres aiebant, nuncium, aut aboleviſſet schedam, si non placuit amicus. Quamquam si literis eius ad me altero tandem anno scriptis, si iudicio eius de me, fides haberi potest, et placuit conditio, et amicitiam colere instituerat.
 10 Sed hæc levia sunt: || illa maior improbitas, iure utique vindicanda, si
 107 cui in foro aut spes aut oblectatio: quod id quod γεωμετροῦντι dictum ego volebam, ipse sibi maledicenti, quod scribis, applicat. Acerbiſſimum omnium, quod quem intelligebat ex meis literis a me maximi fieri, illis ipsis meis literis, quantum potuit, dehonestavit. Sic nimirum
 15 ipsi me de laudato inimico suo placuit ulcisci. Sed neque satis mirari possum consilium hominis, dum consilium meum illius hyperbolicæ laudationis ventilo. Quid? Tantine facit ista mea præconia? At cuius hominis? Si vir esset, contemneret, si prudens, non ventilaret. Quærebam obscurus ego laudatorem clarum vixdum nati inventi, mendica-
 20 bam ab ipso stipem, ecce stipem ipse mendico extorsit. Præceptorem dixi: næ parvam laudi acceſſionem facit ex adulatione discipuli. Quærat eorum præconia, qui se præceptores ipsius ferunt. Quod si mihi partes iudicis tradit (nec apertius id potuiſſet, quam sic ostentata mea episto-
 25 la) sciat iam mihi alios quam discipulo mores competere. Toleratur in discipulo utcunque adulatio, si ex opinione præceptoris et amore profecta ad finem discendi dirigatur: in iudice adulatio flagitium est. Quæ sic scribenda duxi, ut quamvis præstat securitatis causa honoratiſſimum quemque virum irasci minime, tamen, si non aliter
 30 honori tuo consuli posset, haberes arbitrium publicatæ calumniæ publice obviam eundi. Sed miſſum tandem ipsum faciamus. Nec enim, quam ipse male, sed quam ego bene fecerim, quæritur. Et sunt quidem in illa mea episto-
 la pleraque, quæ defendi, aliqua, quæ excusari, aliqua quæ peſſima suspicione liberari debent.

Ordiamur ab eo quod graviſſimum est: quod nempe crimini mihi
 35 das, contra quam senſerim, in os ipsi locutum. Quod dum agis, ita loqueris, ut mihi absolutiſſimum de alijs iudicium tribuere videaris. Quam ego suspensionem, si a me, quod perquam facile est, removero, magna parte purgationis me defunctum esse putabo. Etenim qui vir sit
 40 URSUS, iam non disputare placet, certe quo tempore epistolam illam scripsi, et imbecilliori eram iudicio et non parum ipsi iam diu tribueram. Venit Grætium Doctor quispian ex Italia reversus Librum eius
 mihi

† mihi exhibens, quem triduo conceſſo raptim percurrerem. In eo ſalutatos ſchematicis reperiſſo præcipuos huius temporis Mathematicos, reperiſſo magnificam in præſatione provocationem ad ſimile quid audendum, ad Aſtronomiam e fundamentis extruendam, reperiſſo compendia quædam aurea, quæ Tubingæ a MÆSTLINO celebrari memineraſſam, reperiſſo doctrinam ſinuum, doctrinam triangulorum, vulgaria quidem, ſed nova mihi omnia, ut videat, quo remige famam verberet. Nam pleraque poſtea in EUCLIDE et REGIOMONTANO reperi, quæ tum ipſi tribuebam. Neque metuas, ut quæ iam dixi, bene cum invento meo ſtare queant. Dicat ipſe pro me MÆSTLINUS, quam tenuibus principiis inſiſterim initio, qui proſecto, ſi tam ieiunum me ſecundo dimiſiſſet, quam primo dimiſerat, nunquam tam exquisitam mihi commendationem (qua tamen, dum vixero, inferior ero) impertiviſſet. Itaque hac ego ſpecie doctrinæ de URſO in præclaram opinionem erectus, incidi poſtea in quorſdam ex nobilitate Styriaca Mathematicum amantes, quibus, quod eſſet neceſſaria ſubinde mora in aula Cæſaris, URſi notitia erat. Illi hominis prædicare ingenium, inventa, hortari me, ut anniterer in eius familiaritatem pervenire, polliceri ſuam operam. Sed DIOGENEM quempiam mihi deſcribebant aliqui, cui niſi aut lubeat, aut cum improbitate aliqua extorqueri nihil poſſit. His ego de cauſis inventa paulo poſt ſpeculatio-||ne mea, cum non eſſet mihi vicinior Mathematicus, ad quem commodius ſcriberem, ad ſcribendum impuſſus, formam ipſam partim ad hominis naturam, quæ ferebatur, partim ad eas, quas tum forte fortuito legebam, efficaciſſimæ brevitatis epistoſas diſſoluto in pompam animo ex recenti inventionis meæ amore accommodavi ſecurus de hoc eventu. Quomodo ſi quid mihi excidit paulo maius, quam de ipſo ſenſeram, in gratiam laudatorum ipſius et mei ipſius amore, totum id iuvenilis temeritatis eſt, nec aliter excuſo, dummodo ſcleris ſuſpicionem aboleam. Ex ijs, quæ dixi, vides primum me bona conſcientia *Gloriam* ipſi tribuiſſe, qua videbatur regnare in aula Cæſaris et apud Mathematicos, quos in libello ſuo alloquebatur. *Illuſtriſſimam* autem cur dixerim, cauſam non reperiſſo, niſi quod *Illuſtres* noſtri eam prædicant, et *Illuſtriſſimus* prædicare videtur, dum eum in Aula habet, et quod pompoſum ingenium facile muſcam conſpicatur, ex qua faciat Elephantum. Eodem refero et id, quod, cum conſtaret de aliquibus, dixi (ſi modo dixi) ab omnibus doctis ipſum magnifieri. Certe enim MÆSTLINUM et TYCHONEM inter doctos habebam, quos ſciebam non admodum præclare de ipſo ſentire. Quod autem etiam plura in hunc modum declamaturus fuiſſem, ſi tempus tuliſſet, id non memini me polliceri. Imo illa de garrulitate aliena a Mathematicis proteſtatio non facta eſt ad excuſanda etiam plura huiusmodi, ſed potius ad corrigenda priora. Quod ſi vero mea ſunt omnia

et

et singula ista verba, quod Mathematicos huius ævi tantum præcedat unus quantum Phœbeius orbis minuta sidera: me Christe magnam iniuriam multis præclarissimis viris, atque adeo meæ ipsius conscientiæ imprudens feci. Illud verissime dicere possum, nunquam me ullo modo serio, per lulum, publice, privatim, in os, aurem, ex animo volentem et prudentem hoc dixisse, quod REGIOMONTANO, COPERNICO, RHETICO, REINHOLDO, TYCHONI, MÆSTLINO, cæteris unus URSUS præferendus sit. Nunquam sensi, nunquam præsentī animo scripsi, nunquam tam flagitiosam adulationem probavi. Quod si verba mea genuina tale quid sonant, quod nescio, casus in culpa est, meaue festinatio, et quod quid scripserim, non relegi. Poëticum, ut vides, totum id est, et ex Poëta desumptum, et poëtico spiritu dictum: quod non tantum iam nolo, sed et tum, cum scripsi, nolebam, aliorum rapi volebam, aliam repræsentari, quod antecellat vulgus, vulgus, inquam, Mathematicorum, quod et credebam, et citra præcipuam gloriam fieri potest. Non protestarer tanta asseveratione contra manifesta verba (si modo talia sunt) nisi in ipsa illa epistola documentum maximum extaret meæ innocentiae, quo de supra. Nam etsi quibus verbis TYCHONIS mentionem fecerim, nescio, fecisse tamen scio: et eiusmodi mentionem quidem, atque ex eiusmodi opinione profectam, quæ merito URSUM pungat, si eum tam feliciter titillant hæc sui ipsius elogia. Sed caute, ut video, posthac scribendum erit. Adeo nunquam non salutare quippiam URSI in aurem insusurrando præcipiunt. Cætera, quæ allegas, levia sunt. Præceptorem dixi, quia ex eius libro aliqua hauseram utilia; Nobilissimum vero, quia in his provincijs Austriacorum nobilitati datur Eruditio et Munus aulicum; Hypotheses vero eius feci, in quibus aliquid mutavit; nam si bene memini, Terram et ipse voluit, et in Martis circulo discrepat, sive, ut dicis, errat. Nam etsi ex MÆSTLINO de hac te inter et ipsum controversia olim inaudiveram, tamen cum et MAGINUS in Italia et RÆSLINUS in Alfatia singuli pro se simile quippiam || ex hypothefibus COPERNICI derivaßent, existimavi idem et URSO excogitatu proclive fuisse. Denique quod finis principio respondet, nihil mirum, nec ulla in voto improbitas, ut *valeat fideribus et scientiæ*. Id equidem studeat, maledictis omibis et vana ostentatione. Decus autem Germaniæ mihi quilibet est, cui tantum tribuo, quantum illi tribuebam, quia nempe *Mathemata verum decus sunt unius Germaniæ*. Hæc adeo prolixè, cum ut dolorem meum testarer iusta querela, tum ut appareret, arbitrari me non omnino nihil ad meam existimationem pertinere, quid tu de me sentias.

[Ex apographo in codice Pragensi Archiv. Univ. 62 B 6]

CLARISSIMO ET EXCELLENTISSIMO

VIRO DOMINO DOCTORI THADDÆO HAGGECIO

AB HAYCK, INCLYTI REGNI BOIEMIÆ AR-

CHIATRO ORDINARIO, AMICO SUO

VETERI ET HONORANDO.

S. D.



XOPTATE accidit, excellentissime et amantiſime Domine Doctor THADDÆE, amice honorande, quod heri magnifici et ampliſimi Domini CORADUCIJ, Procancelarij Imperialis, literas humaniſ. Pragæ ex mandato S^æ Imperatoriæ Maieſtatis, Domini noſtri clementiſimi, me evocantes accepi. Et parerem ſane aſtutum huic au-
guſtæ et clementiſimæ evocationi abſque ulla mora, ſtatimque iter in-
grederer, ſi viarum tranſitus ubique ferme nivibus altis repletus id
pateretur et equi idonei in promptu eſſent; nam meos, uti ultimis indi-
cavi, nuper Lipſiæ diſtrahi feci. Omnem tamen curam impendam, ut
intra paucos dies pro uno vel altero curru alij coëmantur, aut ſi id
commode fieri nequeat, conducantur, reſque meas ita diſponam, ut
poſt 14 ab hinc dies iter, favente divino Numine, ad vos ſuſcipere que-
am. Spero enim itinerum nimias nunc difficultates tum minus obfutur-
as; et interea expeſto nuncium, quem, ſtatim ac huc veni, in Daniam
miſi, ut inde mihi novum adferret viaticum, conſumpto priore in itinere
Dreſdenſi atque hîc, quemadmodum me prius || tibi per literas ſignifi-
caſe memini. Sin vero is ob hyemis duritiem et perfeverantiam mari-
umque congelationem iſtic moram traxerit, ut ante dictum tempus ad-
eſſe nequeat, dabo nihilominus operam, ut aliunde viaticum acquiram,
ne ea de cauſa iter ulterius procraftinetur, ſed aſumptis mecum paucis
comitibus et miniſtris, reliquos unâ cum familia mea muliebri hîc re-
linquam, donec ad vos excurrans de Cæſaris clementiſima voluntate
certior factus fuero. Et, ſi intellexero vias per partem aliquam Slefîæ
commodiores, quam per Miſniam (ut multi exiſtimant) futuras, illac
cuſum dirigam, quanquam nonnihil longiore ambagine, ut ſperem,
me intra quatuor abhinc hebdomadas vel circiter, conatibus noſtris
favente divina ope, Pragæ vobis adfuturum. Cuperem autem quam
maxime te ibi præſentem tunc reperire, ut tuo frui poſſim alloquio, et
abs te conſilium, ſicubi opus fuerit captare, cum ego tanquam peregrinus
locorum et hominum ignarus ſim. Vellem etiam me in aliqua civi-
tate, quam tranſire oporteat, tuis literis obvijs præmoneri, in quodnam
Pragæ hoſpitium, quod a lue tutum ſit et mihi commodum, me con-
ferre poſſim. Mallem id publicum non eſſe, ut tranquillus degam et
propria

propria etiam quadra, si id magis expediat, vivam. Per Slesiam autem,
 uti opinor, transituro, quoniam (veluti intelligo) primum Brandusium
 Pragæ proximum occurrit, optarim me istac tuas, quæ me de hospitio
 et alijs necessarijs instruant, invenire literas. Oportune vero accidit, ut
 hodie sese offerret quidam auriga Olomucensis, VALENTINUS MUL- 5
 LER nomine, alias vacuo curru Pragam, unde hisce diebus venit, redi-
 turus. Qui cistam quandam cum meis grandiusculis unâ cum alijs thecis
 secum advehit, in quibus est instrumentum quoddam cocleis disjungi
 et componi || aptum atque tam distantijs quam altitudinibus siderum 25
 accurate rimandis serviens, et præterea nonnulla alia huic exercitio 10
 deputata facile portatilia. Pepigi cum dicto auriga pro decem Ioachi-
 micis, dimidium illi hîc solvi, reliquos 5 taleros eum a te accepturum
 promisi. Rogo itaque, ut recepta in tuas ædes hac cista, velis fidem
 meam redimere et pecuniam hanc aurigæ meo nomine numerare,
 quam primum volente Numine advenero, tibi cum alijs mea de causa 15
 forte alias expositis nummis restituendam. Cuperem illo instrumento
 non saltem elevationem poli, interea dum ibi sum, accurate denotare,
 sed et observationi Planetarum, hⁿⁱ præsertim tunc acronychij, dili-
 genter attendere, cum sit iuxta limites maximæ latitudinis boreæ, quo
 in loco ante 29 annos me eundem Augustæ Vindelicorum observasse 20
 memini, licet instrumentis tum non adeo exquisitis instructus, ut nunc †
 integra eius peracta sit revolutio, quam in alijs quoque ipsius, quot-
 quot interea habere licuit, acronychijs sitibus diligenter examinavi,
 uti et in reliquis duobus superioribus Planetis, quo Apogæa et Eccen-
 tricitates eorundem exactius, quam hæctenus præstitum est, præfiniri 25
 possint, quod et satis præcise me asecutum nihil dubito. Sed de his et
 similibus plurimisque alijs coram Deo dante plenius agemus. Scripsi
 etiam magnifico et amplissimo D. CORADUCIO de occasionibus, cur
 meus accessus aliquantulum differatur, ut morulam hanc pro suo can-
 dore eo promptius excusatam habeat, cui etiam tanquam fautori et 30
 promotori apud Cæsaream Maiestatem benignissimo et habeo et per-
 petuo me debere agnosco gratias relaturus, si vires meæ ulla ratione
 id unquam sustinuerint. Vale mi charissime THADDÆE, utque te sa-
 num et prosperum Pragæ inveniam, tuaque desideratissima frui possim
 consuetudine, faxit Deus. Dabantur Vitembergæ die 26. Feb. stylo novo † 35
 Anno etc. 99.

Tui amantissimus

TYCHO BRAHE.

Saluta meo nomine quam officiosissime Dominum BARVICIUM. ||

POST

25v

POSTSCRIPTA.

INDICARAM tibi antea me quædam hîc Witebergæ typis complere
in meis operibus decreviſſe, præſertim ea, quæ in Progymnaſmatum
tomo primo tecum communicato deſiderantur. Cumque papyrus ido-
nea ac priori ſimilis hîc vel Lipſiæ non præſtaret, egi cum Chartopæis
5 in vicinia habitantibus, ut eiufcemodi chartam in copia mihi pararent,
at illi negligentiores negotium nimium procrastinarunt, ut ob id eam,
quam Wandelburgi reſiduam habui in Dania propria mea moletrina
confectam, nuper huc advehi curârim. Sed quoniam mihi nunc Pragm
10 ex clementiſſima Cæſareæ Maieſtatis voluntate eundum eſt et iter ma-
turandum, cogor iſta omnia infecta relinquere, donec inchoatam telam
pertexendi commodior detur occaſio. Appoſui quædam carmina par-
tim ab inſigni huius Academiæ Poëta et Profeſſore TAUBMANO mihi,
cum Drefdæ eſſem, miſſa, partim a BRASCHIO eximio pariter Aca-
15 demiciæ Roſtochienſis Poëta, interea dum hîc ſum, mihi impertita, ſi
forte tibi ea legere vacarit; videntur in eo genere Horatianæ odæ ar-
guta et erudita. Addidi etiam Domini Doctôris DAVIDIS CHYTRÆI
litteras, quæ etiam Drefdæ mihi redditæ ſunt, ſi quidem in ijs tui faciat
mentionem; poteris illas uſque in meum adventum reſervare.

20 [Ex apographo in Archivo Regni Daniæ: Diplomatario Langebekii]

1v

CLARISSIMO ET EXCELLENTISSIMO

VIRO DOMINO VITO WINSHEMIO, I. V. DOCTORI

EXIMIO, ET DECANO HAMBURGensi,

AMICO SUO HONORANDO.

HAMBURGK.

25

1r

S. P.



30

35

LARISSIME et Præſtantiſſime Vir, Amice honorande.
Accepi binas a T. Ex. litteras, poſtquam huc Wittebergam
veni, quibus iam antea reſponſiſſem, ſi per negotia licu-
iſſet, et tabellarius oportune in promptu fuiſſet, quo nunc
ſe offerente, non intermittendum duxi, quin aliqua ſal-
tem, utut et nunc occupatiſſimus, ad te darem. Ago au-
tem T. Ex. gratias, quod amicitiaæ noſtræ memor, me ſuis inviſere non
ſit degravata, et peto, ut tarditatem in reſcribendo prorfus candore ex-
cuſatam habere velit. Exiſtimo Ex. Tuam ex filio meo TYCHONE,
cum iſtic eſſet, adducturus huc Matrem cum ſororibus, intellexiſſe, in
quo ſtatu res meæ eſſent, et qua de cauſa huc Wittebergam me rece-
piſſem, monſtrato Magnifici Domini CORADUCIJ Procancellarij Im-
perialis reſcripto, quod, dum Drefdæ eſſem, naſtus ſum. Præterita vero

septimana mihi denuo allatæ sunt Ampliſſimi illius CORADUCIJ literæ, me ex clementiſſima Imperatoriæ Maiestatis Voluntate hinc Pragm benigniſſime evocantes, quarum exemplum addidi. Accingo itaque me nunc itineri, ut, quam primum fieri poſſit, me iſtic Cæſaræ Maiestati ſubiectiſſime ſiſtam, relicturus interea hîc Gynæceum meum, donec, quomodo Cæſarea Maiestas erga me meaſque ſtudia animata ſit, coram intellexero. Deus Opt. Max. faxit, ut omnia proſperos habeant ſucceſſus. Cæterum Dominum OLIGERUM ROSENKRANTZIUM noſtrum de hac Auguſta (ut et CORADUCIUS eam in literis appellat)|| evocatione, certioſorem per Tuam Ex. reddi, miſſo illi hoc exemplo, aut eius deſcripto averem, idque ut quam primum certus in illas oras datur nuncius expediat, peramanter rogo. Plura nunc non vacat. Te itaque proteſtationi Divinæ commendatum habeo. Datæ Wittebergæ die 2. Martij Anni 99.

Tuæ Excell. ſtudioſiſſ.

TYCHO BRAHE.

[Ex apographo in Archivo Regni Daniæ: Diplomatario Langebekii]

OLIGERUS ROSENKRANTZ AD TYCHONEM BRAHE.



IGNES ſpirant, nocteſque dieſque meditantur,] ſed in proprias fauces regurgitandos.

[Si meo non certe affectu ullo temerato,] ſed graviſſimis quam plurimis argumentis confirmato, et meditationibus, mihi crede, ſatis multis et conſtantibus maturo [conſilio parere volueris], quod ſpero, [ſuaſerim primum omnium, litteris regi deſtinatis inſulam Huennam quaſi gratias pro regia liberalitate] (prudenter et placide ſubmonitis ſubmonendis) [agens rurſum deferas], ut tamen quo [tua tibi cadant inſtrumenta], prudenter ꝓ: Politice ſubmoneas. Alterum vero eſt, ne [expenſarum inſulam et odioſam reſtitutionem] vel ſaltem velle [exigere videaris], nedum vel [exigas vel exagites]. Vis, ſufficientes dicam rationes et mearum meditationem momenta. [Dicam, ſed ne quaſo mihi ſuccenſeas, bono] tibiſque optime [cupienti animo hæc dico]. Primum, ſi feceris, ante omnia, [magnanimitatem tuam] oſtenderis. Dein [te omnimodo liberum ab omni iuriſdictione Regis vindicaris], quod vel unicuique quantum ſiet, ipſe perpende, quod tamen niſi hoc modo fieri nequit. Adhæc [ſi retineas, videas ne te tanquam *en Lenſmand*, ut bona tibi a Rege concredita inhabites, iure quodam ſuo cogere præſumat]. Et ut omnia uno: [quamdiu inſulam eam retinueris, tanquam ſubditus cuiſvis vocationi parere,] quibus certe magnas [tibi parare poſſunt]

1^v poſunt] incommoditates et difficultates, inſuper [citatus, ipſe, ſeu prae-
 ſens comparere], quod || tibi valde foret difficile et prorsus impoſſibile,
 [aut quod ais pronunciatum perferre cogereris]. Et vero quid non [ipſe]
 5 magna tua cum laude et praeſter multorum exiſtimationem [eam de-
 ferre malles], cum [poſint ipſi, ubi velint, etiam quodam iure eam
 praeſcipere, pretendentes] quippe [litteras tibi a Rege conceſſas] (quae
 quidem [ad vitam eam] tibi [appropriat inſulam]) ſub [conditione]
 10 Aſtronomiae [hic in Dania excolendae conceptas] eſſe. Tu ipſe [ingenia
 eorum noſti]; nihil certe intermiſerint, ut interim [immenſum iſtud
 diſcrimen inter alium aliquem nobilem Regis ſubditum et te] (in quo
 non poſtrema [bonitatis cauſae tuae] ratio vertitur) vel alto ſilentio
 [diſimulent] vel [malitioſe elevent]. Ad alterum cogites velim, quam
 nec natura nec eius imitatores quid fruſtra committant, [iure vero
 quidpiam tentare] fruſtraneum ſimul ac periculolum, ubi et quod me
 15 tacente ipſe ſatis intelligis, [quam inſtantes ſint principum animi,]
 ſimul ac [quam non corvus unus alteri, quod dicitur, oculos eruat],
 tecum attentiffime pro tua prudentia perpendas velim. Bono haec ani-
 mo dico, fidem teſtor et candorem; nec dicerem niſi bono. Nec quid-
 piam video, licet videre nunquam non laborem, quod [rebus tuis ulla
 20 ratione adverſari queat et inſtitutum tuum tandem turbare queat],
 † praeſter [haec duo]. Sed haec Deo et tuae prudentiae.

[Ex apographo in Archivo Regni Daniae: Diplomatario Langebekii]

TYCHO BRAHE AD CHRISTIANUM LONGOMONTANUM.

1^r

S.



30

35

CRIPSI tibi eruditiffime et mihi plurimum dilecte M.
 CHRISTIANE bis, poſtquam huc Wittebergam veni,
 et ſemel a te literas accepi ſub initivum huius anni Ripis
 datas, ubi et priores meas tibi redditas ex tuis percepi,
 30 alteras poſtmodum Roſtochium miſi, quas te, quam-
 primum per hyemis aſperitatem eo navigare licuit, ibi
 reperiſſe exiſtimo. Ad tuas vero nunc brevibus, cum antea non ſit ob-
 lata occaſio, reſpondebo. Graſſiſſimam rem praeſtas, quod in reſutatione
 Capnuraniae Scoticae diligentem operam loces. Sunt ſaltem ſpecioſa
 35 et pompola eius omnia, ac veritati fucum faciunt. Invenies in libro
 noſtro ſecundo de Cometa anni 77. ſuo loco, praeſertim ubi in NOLTIJ
 placita diſquiro, quantum in devia ab obſervatis detrudatur Cometes,
 ſi 5 proxime graduum parallaxin admiſiſſet. Subſidium, quod expetis
 ab alijs Cometis, evidentius rem oſtendentibus, ſatis firmum ſuppedit
 Cometa

Cometa anni 80, qui et in meridiano || et in 90 gradu iuxta horizontem 1^v
 non aliam declinationem mutavit, quam postulavit eius alteratio di-
 urna, ex meridianis altitudinibus succeſſive explorata, habita tamen
 refractionis in decliviori ſitu inſinuatione, ut de alijs nunc nihil addam.
 Verum has confirmationes a pluribus Cometis petitas poſtea ſubiun- 5
 gere licebit, indicatione aliqua prius facta in Antapologia tua, qua in-
 troſpecta, ulterius quid ſentiam ſcies, quod mallem præſenti ore tenus,
 quam abſenti per literas indicare. De bruto Dithmarſico non ob id
 ſcripſi, quod a te redargutionem calumniarum eius expeterem, neque
 enim dignus eſt; ſed ſaltem ut denotares obiter in charta aliqua, quæ 10
 a noſtris domeſticis de plagio eius inaudiviſti, quemadmodum fecit M.
 CHRISTIANUS IOHANNIS Ripenſis, alterum expediet D. D. IO-
 HANNES ROTHMANNUS, uti manes fratris defuncti poſtulant.
 Conſtitueram hîc edere ſex illos quaterniones, qui in ¶ deſiderantur,
 atque ſic Tomum primum Progymnaſmatum abſolvere, ut in hiſce 15
 Francofurdianis nundinis venalis extare poſſit, et iam inchoatus erat
 labor ille Typographicus, poſtquam papyrum meam impreſſoriam
 Wandelſburgo acceperam. Verum dum Eclipſi ¶ die ultimo Ianuarij
 diligenter hîc per mea inſtrumenta attendo, deprehendi eius || initium 2^r
 per $\frac{2}{3}$ unius horæ quam proxime calculum prævertere, ideoque a pro- 20
 poſito deſtiti, donec huic deviationi proviſum fuerit. Scis enim me ex-
 actam requirere concordantiam, quoad fieri poſſit. Nec ſatis mirari
 poſſum, quî fiat, quod Eclipſis anni 81, in Ianuario etiam facta et prope
 Apogæum, tam belle noſtris numeris conveniat, hæc autem pariter
 iuxta Apogæum et eodem anni tempore ita diſcrepet. Suſpisor igitur 25
 aliquam adhuc inæqualitatem Anomalîæ Lunæ ſubeſſe, quæ poſt ali-
 quot annos peracta Eclipſium ad ſimilia ferme loca reſtitutione præ-
 fertim iuxta Apogæum et Perigæum evidentius pateat, qua de re te-
 cum, qui omnes noſtras Eclipſes diligenter examinaſti, atque ipſarum
 varietates perſpectas habes, conferre averem, ut eo citius huic obſta- 30
 culo ſuccurratur, quod facile fieri poſſe exiſtimo. Sum in alijs rebus
 occupatiſſimus, ut ſatis huic diſquiſitioni vacare nequeam. Si igitur
 me acceſſeris cum auriga Wittebergenſi, ubi iſthuc reverſus fuerit, rem
 mihi apprime gratam nec tibi inutilem præſtiteris.

Sum denuo evocatus Pragam ex Clementiſſimo Cæſaris mandato, 35
 per literas ampliſſimi Domini Procancellarij CORADUCIJ, ut ex ad-
 iuncto exemplari vides; || et paro nunc omnia ad iter, quod tamen ante 2^v
 Paſcha ingredi non licebit ob aquarum nimiam copiam, poſtquam ni-
 ves ſubito diſſolutæ ſunt, vias difficillimas et periculofas reddentem.
 Si adfueris et me comitari libuerit, dabo operam, ut tuis rebus rectius 40
 conſulatur, quam uſpiam alibi, ſin vero hîc manere aut redire iſthuc
 mavis, erit et hoc tibi liberum. Ego tuis commodis quocunque modo,
 quantumque

quantumque in me est, sedulo studebo. Non patiar, ullum erga te officium desiderari. Vale et literas has nemini ostende. Dabantur Wittebergæ die 21. Martij 1599.

5 [Ex apographo in codice Monacensi Bibl. Univ. 693 in 2^o; cf. apographa Hauniensia inter Excerpt. Langebek. 179 et in fine exempli P. J. Resenii *Inscriptionum Haffniensium* (Hauniæ 1668)]

TYCHO BRAHE AD IOSEPHUM SCALIGERUM.

S. P.



141^r
10 **I**LLUSTRIS et Magnifice Vir, Amice inprimis honorande. Redditæ mihi sunt tuæ literæ unâ cum libris mihi dono mihi serius quam expectabemus, et ego, quod multis distentus fuerim negotijs atque alias varie præpeditus, nec in promptu est, qui meas certo referret, tardius etiam quam decuibet, quamque ipse maluibem, rescribo,
15 quod mihi a tua ingenua humanitate condonari cupio. Pro utroque autem libro mihi tam benigne conceßo proque tuo non modico labore in excerptendis ijs, quæ apud HIPPARCHUM, et nonnunquam etiam PTOLOMÆUM in hoc negotio de Fixis Sideribus præcipua erant, ijsdemque propria manu in mei gratiam tanta diligentia conscriptis,
20 non possum tibi promeritas satique dignas agere gratias, nedum referre, neque enim video qua ratione hoc tuum tam eximium in me beneficium compensare valeam, animum tamen gratum, et tui honoris studiosissimum semper me servaturum tibi persuadeas, et si quæ ex mea tenuitate in hisce, quibus utrinque afficimur, studijs proficisci poterint,
25 ea non invite tecum vicissim communicabo. Fateris ipsemet, Vir Excellentissime, multa esse in his, quæ circa Fixas tam ab HIPPARCHO quam PTOLOMÆO consignata sunt, quæ suis numeris rite non consent, nec sibi ipsis consentiant, et sane res ita se habet; ego enim paucissima in ijs reperio, quæ convenienter ad Cœli normam digesta sint,
30 deviatione satis manifesta prorsusque intolerabili plurimis in locis sese prodente, sive id Observationum incuria (quas tamen sic nimis crassas fuisse oportuibet) sive transcriptorum negligentia aut quacunque alia de causa id commissum fuisse existimemus. Si loca Fixarum a me summa diligentia præteritis aliquot annis explorata, pro quibus ipsum Cœlum
35 etiamnum testatur, retro ad tempora PTOLOMÆI et HIPPARCHI, per motum interea ijs competentem, numeraverimus, atque hinc Declinationes, Culminationes, Ortus et Occasus quosunque ad eadem quibus illi usi sunt Climata deduxerimus, certe rarissime cum eorum annotatis consentire depræhenduntur: Et licet nonnunquam concordantia aliqua inveniatur, tamen ea ἐν πλάτει tantum et nimis lato modo
40 sumpta

sumta est; nullatenus enim admitti poterit stellas irregulariter et diversimode interea motas fuisse, cum omnes uniformem et regularem in uno eodemque Orbe observent progressionem, quod invariata earundem ad invicem distantia et dispositio indubitate ostendit, quæ vel hinc liquet, quod omnes Fixæ, quæ ab HIPPARCHO et PTOLOMÆO in uno lineæ rectæ ductu existere proditæ sunt, etiamnum eundem prorsus tramitem conservent, prout a nobis sedulo disquisitum est. Miror itaque a tam Excel-||lentibus Artificibus non satis accuratam in his præstitam esse diligentiam, cum res sit magni momenti, nec Planetarum motiones certo explorari queant, nisi prius ad amußim præfinita sint Fixarum loca, quod etiam me in ijs, quæ PTOLOMÆUS circa Erraticarum apparentias tradidit, non parum reddit ancipitem quoad exactam illam, quam desidero, rationem. Attamen loca inerrantium stellarum, quæ ex Abaco HIPPARCHI is suo Almagesto inseruit, non videntur tantam enormitatem præ se ferre, atque hæc est, quam liber transmissus in plerisque exhibet.

Verum his nunc omibis, quæ limitare, atque quatenus fieri potest in concinniores rationem redigere, suo forte tempore elaborabimus, aliud est quod nunc potius desiderarem, de quo etiam, si recte memini, prius te rogavi, ut nimirum Æquinoctiorum omnium ab HIPPARCHO observatorum rationes designatas obtineam, ita ut Annis Iulianis retro subactis rite applicentur, et simul quomodo Annus ille respectu bisexti se habuerit, indicetur: Cuperem vero ipsa HIPPARCHI verba, quatenus illa eiusmodi observationes concernunt, nihil enim horum in libris mihi impertitis invenire licuit; tum quoque si quas alias in his vetustissimas in promptu habes cœlitus deductas animadversiones. Australes Asterismos nobis Europæis hæcenus incognitos convenienti diligentia observatos necdum vidi, repræsentarunt quidem circa Polum Austrinum stellas quasdam nobis incompertas Globorum in vestra Batavia confectores; sed nimis ieiuna et parca est ista designatio, crediderim multo plures isthic apparere. Si plenior et accuratior earundem descriptio penes te est, eamque mecum communicare non degravatus fueris, rem admodum acceptam præstiteris. ALBATEGNIUM quoque fidelius quam antea castigatum, si tua opera aliquando obtinuerimus, non parum commodi hisce studijs inde accedet. Utinam Arabicum Exemplum obtinere posses; neque enim dubito quin, cum linguæ illius, uti et plurimarum aliarum usque ad miraculum, apprime gnarus sis, hac in parte plurimum sis huic studio profuturus.

Porro ut rerum mearum statum aliquatenus perspectum habeas, scias me, postquam e loco prioris meæ habitationis disceßeram, in Bohemiam ex Cæsareæ Maiestatis clementissima voluntate cogitans, Dresdam Misniæ ubi pervenißem, omniaque in Bohemia ob luen Epidemicam

Epidemicam isthic paſſim graſſantem conturbata eſſe cognoviſſem, ſubſtititſe ibi pauliſper, donec mihi ex Aula Cæſarea præſcriptum erat, ipſius Maieſtatem clementiſſime cupere, ut alicubi in vicinia me continerem, || donec malum illud Epidemicum remitteret. Ideoque huc
 5 Wittebergam propter Academiae celebritatem me aliquantiſper recepi. Evocatus autem ſum nuper denuo Pragam, ex clementiſſimo Cæſaris mandato, per literas Ampliſſimi Domini RUDOLPHI CORADUCIJ Procancellarij Imperialis. Et quamprimum quædam in libris nonnullis, quos Cæſareæ Maieſtati humilime offerre decrevi, plane abſolvero (quod brevi me effecturum ſpero) denuo iter Pragenſe ingredi, atque Cæſareæ Maieſtatis benigniſſimæ voluntati debita ſubiectione morem gerere in animum induxi. Deus Optimus Maximus ſucceſſus proſperos et exoptatos largiri dignetur. Ubi vero portum aliquem quietum pro meis ſtudijs, ſive iſthic ſive alibi invenero, plenius te de rebus
 15 noſtris edocebo, atque de ijs, quæ ſtudia hæc, quibus iucunde utrinque afficimur, concernunt, uberius tecum conferre non intermittam. Interim hæc, ob plurimas occupationes pro præſenti mittendi ad vos literas occasione deproperata, boni conſule, inque cœpto erga me favore et amore perſiſte. Vale Vir Illuſtris et Excellentiſſime, ſeculi noſtri
 20 decus. Dabantur ſubito Wittebergæ die 17 Aprilis Anni 99, ſt. vet.

Illuſtri Magnif. tuæ addiſtiß.

TYCHO BRAHE,
 manu propria.

† [E codice Bernensi B 149 n. 407]

25 IACOBUS BONGARSIUS AD TYCHONEM
 BRAHE.

NOBILISSIME ET AMPLISSIME DOMINE.

30 **T**RES iam ſeptimanæ abierunt, ex quo redditæ mihi ſunt illæ, quas ad me dediſti IX Martij. Sed neque eas accepi, quas memoras datas ſub finem ſuperioris anni, neque FRANCISCUM TENGNAGLIUM vidi, quem a te, tanto viro, commendatum omnibus fuiſſe officijs proferebas. Non gravaberis itaque repetere et quæ illis literis erant explicata, et quæ huius fidei commiſeras. Me certe, magno
 35 tuo merito, habebis ad omnia, quæ quidem ſunt meæ poteſtatis, ſemper paratiſſimum. Nec addo plura; ſed mandata tua exſpecto cupide. Tuas vero tute poteris committere bibliopolæ, qui CLAUDIJ MARINI WECHELIANI officinæ præeſt Pragæ. Francofurti 1. Maij 1599.

[Ex apographo in Archivo Regni Daniæ: Diplomatario Langebekii]

VIRTUTE, ERUDITIONE ET GENERE VIRO 2v
 INPRIMIS CLARO, DOMINO OLIGERO ROSÆKRANTZIO
 A ROSENHOLMIO, AMICO INTEGERRIMO, CON-
 SANGVINEO FIDELISSIMO, AFFINI AMAN- 5
 TISSIMO, AD PROPRIAS MANUS.
 S. P. 1r



UAS circa æquinoctium vernum huius anni ad me e
 Rosenholmiano tuo dedisti literas, OLIGERE desidera-
 tißime, ante paucos dies hñc accepi. Excusas ab initio 10
 tarditatem in rescribendo, et quod meæ præpostere ac
 sero ad te perlatae sint; alterum hoc ferendum est ob via-
 rum intercapedinem et Tabellariorum incuriam, prius
 amicitia nostra facile in meliorem partem interpretatur. Percipio ex
 hisce, quod descriptum verborum Domini CORADUCIJ, Procancel- 15
 larij Imperialis, quibus me, cum Dresdæ essem, de clementißima Cæ-
 saris voluntate certiolem reddidit, legeris, idque tibi placuisse. Scripsit
 vero idem CORADUCIUS circa finem Ianuarij huius anni alteras ad
 me, quibus ex Clementißimo ipsius Cæsareæ Maiestatis mandato me
 Pragæ benigne evocat, quarum exemplar mihi ad D. D. VITUM 20
 WINSHEMIUM, communem nostrum amicum, oblata nimirum oc-
 casione per Tabellarium Hamburgum subito euntem, quo is illud ad
 te dirigeret, quod et se, nocta confestim oportunitate, fecisse; paulo post
 mihi rescripsit, ut te illud nunc accepiße existimem, vel saltem dum in
 Scania es, simile extractum apud sororem SOPHIAM vidiße, ut ob 25
 id reiteratione non sit opus. Coactus autem sum iter hoc Pragense diu-
 tius procrastinare, quam vellem, partim ob itinerum impedimenta, per
 aquarum illuviem || post nivem subito resolutam præter solitum inci- 1v
 dentia, partim quod Libri Cæsari destinati tam cito ac cuperem plane
 absolvi nequierint, superveniente etiam Filiæ natu maioris gravi in- 30
 valitudine, alijsque nonnullis obstaculis concurrentibus, quæ volens
 prætereo. Fuit interim Pragæ D. D. THOMASFRANTZIUS, WINS-
 HEMIJ Gener, quem nosti; is huc reversus, multa de Clementißima
 Cæsareæ Maiestatis erga me voluntate, et quam benigne quamque
 honorifico loco me habere constituerit, prout a Domino Procancel- 35
 lario CORADUCIO sibi, ut ea mihi indicaret, iniunctum aiebat, re-
 tulit: quæ tamen hñc sigillatim attingere nolo, verum ubi ipsemet illic
 præsens expertus fuero, quo in statu res meæ futuræ sint, te plenius
 de singulis edocebo. Profectus est dictus FRANTZIUS ante paucas
 hebdomadas hinc Hamburgum, ut inde ad comites in Orientali Frisia, 40
 quorum causas in aula Cæsaris agit, se conferret, cumque ante abitum
 eius

eius semel atque iterum familiarius invicem conversaremur, tuique subinde honorifica facta esset mentio, aiebat se te quoque invisurum, prout ab illo petieras, si modo res eius id ullatenus tolerarent. Ego vero, ut id faceret, ipsum adhortabar. Quod si præsiterit, plura ab illo
 5 percipies, quam calamus nunc sustinet.

Cæterum quæ de Insulula ista, quæ tanti mihi constitit, scribis et mones, tanquam ex candido et mihi bene cupienti animo profecta, candide et sincere accipio. Argumenta, quæ adducis, satis probabilia sunt, et licet apud me irrefragabilem Geometricamque demonstrandi
 2^r vim non mereantur, liquidem || tam hæc quam plura eiusmodi replicare et validiora ijsdem opponere non sit difficile, tamen tuis et aliorum hac in parte consilijs non prorsus resistendum censeo; aliquantulum saltem temporis ad deliberandum, quid hac in re faciendum vel omit-
 15 tendum sit, mihi concedi cupio, ne nimis præcipitanter quid agat. Neque enim certi quid mecum statuere potero, antequam Pragæ Cæsaris Clementissimam de meis rebus voluntatem omnimode perspectam habuero; tunc demum satis erit temporis de his atque alijs quidpiam concludere, nec sane consultum videtur prius sponte Insulam restitu-
 20 ere: imo si retinerem, donec illi, prout in cæteris (quæ plus emolu- menti attulerunt) factum est, quocunque tandem prætextu mihi eam adimant, forte plus commodi quam incommodi hinc sum habiturus. Quid si aliquando mihi objicerent, quod non fuissent eam recepturi, nisi sponte restituissem, volenti nullam fieri iniuriam, et pleraque alia, quibus lubens supersedeo? Minas certe eorum, quantæcunque sint,
 25 non reformido, fretus causæ bonitate; viderint ipsi; spero quod Deus me aliquando a tantis iniurijs vindicabit, cuius præsidio dum nitor, fortuna omnis superanda ferendo est. Plura et particulariora nunc nec vacat nec lubet. Accingo me, quantum possum, ad iter Pragense, relicturus Dresdæ Gynæceum, donec in Bohemiam excurrero. Tu vero,
 30 mi exoptatissime OLIGERE, unâ cum Coniuge tua et Nepte mea, resalutata a me peramanter tam matre tua quam illa, felicissime vale. 2^v Salutem ex te dixi Viris hîc Eruditissimis, quorum familiari notitia || prius usus es, quod et antea feci, sæpe enim tuam memoriam iucunde recolimus, illi vero te vicissim resalutant, et optima quæque tibi et tuis pre-
 35⁺ cantur. Iterum vale. Dabantur Wittebergæ die 7. Maij Anni 1599.

Tuus absens ut præfens
 TYCHO BRAHE,
 manu propria.

Libros, quos expetis, per hunc Tabellarium mittere nec commodum
 40 nec consultum visum est; habebis eos alias; vel da operam, ut exemplaria Regi oblata, quæ ille sine dubio respuebat, a RAMELIO acci-
 20* pias,

pias, qua de re ad sororem SOPHIAM antea perscripti. Nunc saltem adiungo quædam Carmina Poëtarum duorum, quos nosti, et quorum venam probare solitus es.

[E codice Florentino Archivi publici Medicei vol. 65]

FERDINANDUS MAGNUS ETRURIÆ DUX 5 AD TYCHONEM BRAHE.



IR Ill^{ris}. Gratiſſimæ fuerunt mihi literæ Dominationis 167^r
Tuæ, tum quod præcipuum erga me præſeferant amo-
rem atque benevolentiam, tum etiam quod per eas oc-
caſionem oblatam video mutuæ voluntatis meæ aliquo 10
erga eius D^m officiij genere declarandæ. Nam licet ipſa
mihi de facie, ut eius quoque teſtantur literæ, ignota fu-
erit, ea tamen, quæ de ipſius nomine ac virtute circumferuntur, D^m T^m
non minus mihi claram quam notam reddere potuerunt. Sed quando
ipſa fama ad id non ſufficeret, hanc tamen ex ijs duobus voluminibus 15
quæ ad me miſit, et in quibus vera hominis ſpecies innotefcit, abunde
conſequi potuiſſem. Cuius quidem muneris pro eo ac debeo Di T^æ gra-
tias ago. Illud enim propter ſubiectæ rei et novi operis rationem cha-
riſſimum mihi fuit, || et ſi quid otij dabitur aliquando, utar etiam ad il- 167^v
lud opus viſendum, alicuius in ea re verſato legentis opera. || Et ſi illud 168^r
commode fieri poterit, ut reliqua Diſ T. opera, qualiacunque hætenus
in lucem prodierunt aut in poſterum prodibunt, ad me tranſmittantur,
pro certo habeat in loco me non exigui muneris habiturum. || Quod 168^v
vero ad illum adoleſcentem attinet, quem mihi maxime commendavit,
dabo operam, quemadmodum etiam hætenus factum eſt, ut et ipſe in- 25
telligat, quanti ponderis apud me fuerit Diſ T^æ commendatio, et ipſa
quoque cognoscat poſſe ſe ac debere non in hac ſolummodo re, ſed in
quacunque alia, quæ videri poſſit ad eius Diſ exiſtimationem et com-
modum pertinere, omnia a me ſemper officia polliceri. Quod reliquum
eſt, Deum opt. max. præcor ut D^m T^m diutius ſervet incolumem, quo 30
de præclariffimis artibus ac literarum ſtudijs benemereri longius poſſit.

Datum

[Ex adumbratione in codice Monacensi lat. 1607; cf. apographum manu scriptum in fine exempli Hauniensis P. J. Resenii *Inscriptionum Haffniensium* (Hauniæ 1668)]

180^r **NOBILISSIMO DOCTISSIMOQUE VIRO**
 DOMINO TYCHONI BRAHE, DOMINO A KNUD-
 5 STRUP, MATHEMATICORUM OMNIUM FACILE
 PRINCIPI, DOMINO ET AMICO SUO SINGU-
 LARI OBSERVANTIA COLENDO.



10 UM hac ipsa hora, Vir nobilissime et Mathematicorum
 omnium facile Princeps, ex urbe Imperatoris literas ac-
 ceperim, quibus certior factus sum te eo venisse a Cæ-
 sare Maiestate vocatum, et plane confidam Maiestatem
 suam pro singulari favore, quo Matheseos artem profe-
 quitur, ut inde aliorum te conferas, ægre laturam et vix
 atque adeo ne vix quidem esse paſuram, omnino decrevi his literis de
 15 adventu isto tuo tibi et mihi gratulari. Quod si aliqua in re studia tua
 pro exilibus viribus meis iuvare possem, haberes me paratissimum.
 Mallem equidem hoc saltem primo alloquio, animi mei propensam in
 te voluntatem aliqua ratione potius declarare, quam quidquam a te
 petere, sed cum inpræsentiarum nihil istiusmodi occurrat, hoc tibi sig-
 20 nificandum duxi. Ex traditione antiquissimi Authoris Poëtæ Romani,
 qui eo ipso tempore vixit et floruit, accepi anno ante CHRISTUM
 quarto inchoante, summi miraculi instar habitum fuisse paſim ab om-
 nibus, quod stella Veneris seu Lucifer, cum pro ratione motus sui, ip-
 sissimo illo tempore, ante Solis ortum lucere debuiſet, nuspiam in cœlo
 25 visa fuerit, atque non apparente Lucifero dies illuxerit. Rationem esse
 ego conijcio, quod iam dicta Veneris stella tum temporis a stella Mer-
 curij Eclipsin fuerit paſa, nec enim video, quam alia de causa hæc
 res prodigij loco posteritati tradita fuiſet, Romæ præsertim, ubi tum
 temporis quales quales saltem astronomi non defuerunt. Adhibui ita-
 30 que calculum Prutenicum, et reperi, quod currente anno ante CHRI-
 STUM quarto, die septima Ianuarij circa Solis ortum stella Mercurij
 subierit stellam Veneris, sed ex eodem calculo reperi quoque simul
 unâ, quod eadem Mercurij stella 2° 44' latitudine tum Borealior Ve-
 nere fuerit. Quare despondiſem animum nisi ex Epistolis tuis Astro-
 35 nomicis, et quæ de Cometis scripsiſti, animadvertiſem, te latitudines
 180^v præsertim ♀ et ♂ longe aliter observaſe, quam calculus exhibeat. || Rem
 itaque hanc omnino ad te deferendam esse duxi, cuius de ea iudicium
 audire percuperem, ut quod merito cuiusvis alterius sit præferendum.
 Ad hanc meam petitionem accedit etiam alia. Soleo identidem Eclipses
 40 luminarium, quæ ante CHRISTUM retro vel circa tempora CHRISTI,
 iuxta traditiones Authorum, contigerunt, ex tabulis Prutenicis suppu-
 tare,

tare, et ea quoque, quæ PTOLEMÆUS in magna Syntaxi hac de re tradit, conferre (quæ quidem ut plurimum calculo Prutenico consentire videntur). Attamen calculus iste non videtur satis exacte Eclipses exhibere. Intellexi quidem ex præfatis Epistolis tuis Astronomicis te ex nova restauratione cursus ☉ et ☾ Eclipses luminarium huius nostri 5
seculi, longe aliter et exactius deprehendere, quam ullæ tabulæ hactenus exhibuerint. Utrum vero accuratissimæ istæ tuæ observationes recentes eo rem deducant, ut etiam tempus et quantitatem illarum Eclipsium, quæ circa tempora CHRISTI et ante illam ætatem retro contigerunt, exactius definire queas, id inquam, spero quidem, nescio tamen 10
et non sine ratione addubitare mihi videor, cum veteres utique observationes desideres. Ideoque etiam atque etiam te rogo, ut hac quoque in re iudicium et prudentiam tuam mihi impertiri non dedigneris; summe enim desiderarem defectus luminarium vetustissimos quosque calculo (quoad eius fieri potest) præcisius assequi, et quam ratione id fieri 15
queat, rescire. Quodsi ullo genere officiorum studiorumque meorum hoc beneficium tuum in me collatum exæquare potero, semper ero promptissimus. Vale feliciter et has literas meas boni consule. Datæ Monachij 23. Iulij Anno 1599.

Dom^{is} Tuæ Nobill^{mæ} studiosissimus 20
IOAN. GEORGIUS HERUART ab Hohenburg,
Serenissimo utriusque Baviaræ Duci a consilijs intimis,
Præses Schuabæ et Statuum provincialium
Cancellarius, manu propria.

[Ex apographo in Archivo Regni Daniæ: Diplomatario Langebekii]

TYCHO BRAHE AD CHRISTIANUM LONGOMONTANUM.



IVENI peculiari Dei providentia et dono Cæsarem 17
hunc RUDOLPHUM Secundum mei et eorum, quæ
tracto, studiorum clementi favore amantissimum, qui 30
satis liberaliter mihi et meis hanc ob rem prospicere
non est tergiversatus, veluti alias, Deo volente, ipsius
Cæsareæ Maiestatis erga me benignissimam volunta-
tem, ubi adfueris, intelliges. Introductus quidem sum, statim ac Pra- 35
gam veneram, etiam antequam audientiam apud Cæsaream Maie-
statem habueram, in ædes Curtianas splendide et magnifice extructas.
Verum cum præviderem, me isthic in urbe, ob aulam tam amplam et
hominum omnis generis maximam copiam, otio philosophico vix per-
frui posse, exoptavi potius extra illam seorsim habitare. Quo intellecto
ipsum

1^v ipsius Cæsarea Maiestas postmodum tres eximias arces, unius vel etiam
 5 dimidij diei itinere Praga distantes, || per quendam nobilem virum,
 mihi ut eo deduceret adiunctum, monstrari curavit, ut ex ijs eam, quæ
 meæ intentioni commodior videretur, eligerem. Quarum una est Bran-
 10 disium (ubi hæc scribo) verum quia cæteris nonnihil declivior, et pro-
 priæ Cæsaris delectationi, præsertim ubi venationibus indulget, desti-
 nata, hîc habitare non visum opportunum. Reliquæ duæ appellantur
 Lyba et Benachia, ambæ etiam splendidissimæ et iucundissimæ arces.
 2^r Inter quas Benachiam (quæ Venetiæ Bohemorum ob amœnitatem
 interpretatur) prætuli, quo unâ cum omnibus meis hodie vel cras,
 quod Deus fortunatum velit, introducturus est hic Capitaneus Bran-
 deisensis, ex Cæsaris mandato ea de causa heri Pragam ad me evoca-
 tus. Est locus editus, ut undique libere pateat Horizon, Ædificia splen-
 dida et commoda; prope est parva civitas ad fluviolum Eiser in Albim
 2^r excurrentem sita, ipsique Arci quasi contigua. || Distat Praga 5 milliari-
 bus, via existente plana, ut iter saltem sit 6 horarum. Hîc favente divina
 clementia, cum meis habitare constitui, donec de feudo, quod Cæsarea
 Maiestas mihi pro me et mea familia posterisque clementissime addixit,
 20 alicubi per occasionem prospectum fuerit. Interim domum etiam op-
 portunam Pragæ ipsius Cæsarea Maiestas mihi clementer concedere
 vult, quam, quoties eo excurrero, cum meis inhabitem, ut commodius
 degere et propria quadra vivere possimus, etc. Datæ festinanter in
 transcurso Brandisio, dum Benachiam petimus, die 20. Aug. stylo novo
 25 An. 1599.

Tuus TYCHO BRAHE,
 manu propria.

[Ex apographo Hauniensi excerpt. Langebek. 179; cf. apographum manu scriptum in fine ex-
 empli Hauniensis P. J. Resenii *Inscriptionum Hafniensium* (Hauniæ 1668)]

TYCHO BRAHE AD IOH. G. HERWARTUM AB HOHENBURG.

S.



1^r IC est, Vir Nobilis et magnifice Amice, licet de facie
 mihi ignote, plurimi tamen ob præclaras ingenij tui
 35 dotes semper faciente, quod a Sacra Cæsarea Maiestate
 Pragam clementissime vocatus ab ipsius Cæsarea Mai-
 estate, in ipsius Cæsareæ Maiestatis clientem clementissi-
 me sim acceptus et liberaliter prout ferunt hæc tempora
 mihi et meis studijs ab ipsius Cæsarea Maiestate provisum. Concessus
 etiam est benignissime habitationi meæ locus hic in arce Benachia 5
 40 miliaribus Pragâ distante, ubi commodius et tranquillius quam in urbe,
 consuetis

confuetis meis exercitijs Astronomicis et Spagyricis vacare licebit, et opus Astronomicum, quod diu multumque molior, favente Cœlestium Opifice in ipsius Cæsareæ Maiestatis et Imperij honorem (siquidem ob quorundam inscitiam et invidiam in patria mea id fieri nequiverit) absolvere et consecrare, qua etiam de caussa totum meum apparatus Astronomicum et supellectilem omnem, quam Magdeburgi reliqui, huc transferri curo.

Cæterum ut ad M. T. eruditas quæstiones pro virili respondeam, sic habeat. Veneris stellam anno ante CHRISTUM 4 inchoante cœlitus non conspectam, magni miraculi loco ducerem, si res ea indubie constaret: sit fides apud Autorem, qui cum Poëta fuerit, Privilegio forsitan Poëtico usus est, cum ne quidem Historici, qui magis veraces haberi volunt, et certe esse debebant, in cœlestibus ostentis recte indicandis, experientiæ consona semper proferant, adeo ut interdum Chasmata quædam et ignitas aëris inflammationes, varias formas sæpe exhibentes, pro Cometis habeant, quos tamen ipso in Cœlo locum obtinere, illicque cursum suum absolvere, e septem, quos intra 22 Annos conspexi, ratis observationibus demonstrative comprobavi. Concedatur vero ♀^{ris} stellam tunc miraculose delituisse: ♀^{ij} tamen interventu id fieri potuisse, ut sic Eclipsin passa sit, verisimile non videtur, neque enim ♀^{ij} stella in cœlo tantæ apparet magnitudinis, ut ♀^{ris} stellam, quæ multo maior conspicitur, abscondere possit. Adde quod ♀^{ij} stella luminosa sit, nec opaco corpore prædita ut ☾, ideoque si quando centraliter ♀^{ri} et visui nostro interponeretur, lumen suum illius lumini potius coniungeret, sicque illud augeret magis quam imminueret. Taceo quod ob motus celeritatem diu sub ♀^{ris} stella ☿ consistere nequeat, nisi in eisdem partes æquarentur ambarum motus, quod rarissime evenit. Præterea cum ipsemet ex calculo Prutenico adinveneris, stellam ♀^{ij} tunc fuisse 2 $\frac{3}{4}$ G. ♀^{re} borealiorem, satis partiliter et exacte pro Eclipsatione non iungebatur. Licet enim in latitudine non saltem horum duorum Planetarum, quos inferiores vocant, sed et cæterorum magna diversitas in cœlo ab utrisque tabulis deprehendatur, tamen adeo enormiter ♀^{ij} stellam quoad latitudinem exorbitare non animadverti. Observavi quidem ♀^{rem}, cum esset circa medietatem ☾^{ium} iuxta Perigæum Epicycli (ut communiter loquuntur) latitudinem Boream asequi posse partium 9 Min. 50, tribus gradibus plus quam fert Alphonsinorum calculus, licet is Coperniceum unico circiter excedat, ita ut in 10^{um} G. completum excescere possit eius ab Ecliptica in Boream digressio; idque bis denotavi, utpote anno 1587 et 1595 interiecto (uti requiritur) octennio, quibus etiam temporibus ♀^{rem} intra triduum et quadriduum tam vespertinam quam eoam meis instrumentis observavi et commutationem illius (uti vocat COPERNICUS) hinc promptius

tenus in uno saltem exemplo dispicias, mitto deliquij (æ in principio huius anni pragmatiam, tam in triangulari demonstratione ex hypothesi nostra, quam numeris correspondentibus ab eximio Mathematico Wittebergenſi M. IOSTELIO, dum ibi aliquamdiu obluem in Bohemia graſſantem et alijs de cauſis ſuſſiterem, me concedente factitatam et typis excuſam. Ubi vero meæ tabulæ, favente divina ope, de motu luminarium (quas cæteris Planetis præmittere animus eſt) ſub auſpicijs Romani Imperatoris RUDOLPHI Secundi in lucem prodierint, teſtabitur experientia, eas non ſaltem noſtro ſeculo adamuſſim quadrare, ſed et vetuſtiſſimis illis Eclipſibus ſufficienter congruere, quatenus veterum obſervata ipſiſſimis Cœli apparentijs præciſe conſona fuere. Et quid quæſo vel in (a vel cæteris Planetis ab omni vitio immune præſtare poterant, cum ſtellas fixas minus fideliter correctas adhibuerint, quemadmodum mille affixarum ſtellarum accuratiſſima reſtitutio in ipſo minuto adeoque nonnunquam eius ſemiſſe a me præteritis aliquot annis exantlata et nuper Cæſareæ Maieſtati in membrana manuſcripta ſubiectiſſime exhibita, abunde teſtari poterit, collatione cum conſuetis abacis inſtituta. Obtuli etiam eidem Cæſareæ Maieſtati in alio libro manuſcripto Solis et Lunæ reſtitutionem ad ſingulos dies duorum proximorum annorum, appoſita ſimul diſcrepantia utriuſque calculi Alphoniſini et Coperniceſi, quæ ſubinde non exigua eſt. Quin et in tertio quodam eiſdem formæ et magnitudinis libro Mechanicam Aſtronomiæ partem Inſtrumenta mea, quæ hætenus elaboravi repræſentantem, eumque typis, poſtquam Dania exceſſi, impreſſum, ipſius Cæſaris Maieſtati pariter humillime dedicavi. De hoc ultimo miſiſſem nunc tria exemplaria, duo pro illuſtriſſimis Ducibus Bavariæ GUILHELMO ſeniore ac patre et MAXIMILIANO filio regente, tertium pro te ipſo, ſed nullum iam ad manus habeo quod coloribus rite illuminatum (uti vocant) exiſtit. Verum id Pragæ modo fieri procuro, quo peracto, quod modo dixi præſtabo: et forte plura etiam mittam, quæcunque tam cito deſcribi curare potero. Interim pauculis verbis indicare non deſtiteris, an dicti Illuſtriſſimi Principes veſtri talibus afficiantur. Valeat T. M. quam feliciſſime et diutiſſime, meque literis ſuis, uti benevole incepit, eruditæ ſæpius inviſere, atque amicitiam ſemel ijs, cum aliter vix liceat, inchoatam iſſdem continuare et conſervare pergat; inveniet me ad idem præſtandum quam paratiſſimum, ut nunquam ſic ſe certaſſe priorem pœniteat, omniaque ei ſtudia mea et quæcunque a me proficiſci poſſunt officia, lubens polliceor atque offero. Cæterum quod non prius reſcripſerim, varijs occupationibus, quibus Pragæ præpediebar, et migrationi in hanc arcem nuperæ imputet, et candide excuſatum habeat. Volui iſtam tarditatem in reſcribendo ea, quam vides, prolixitate compenſare, quæ ut accepta ſit

fit rogo. Iamque iterum et sæpius T. M. quam optime valeat. Dabantur ex arce Cæsareana Benachia die 31. Augusti Anno 1599.

M. T. studiosissimus
TYCHO BRAHE.

5 [Ex apographo in Archivo Regni Daniæ: Diplomatario Langebekii]

TYCHO BRAHE AD OLIGERUM
ROSENCRANTZIUM.

S. P.



D eas, quas antequam Witeberga discederem, pauculis interiectis septimanis, a te accepi literas, Exoptatissime mi OLIGERE, tunc responsum misi, speroque id tibi iam pridem redditum. Abij autem inde cum meis omnibus circa Solstitium Æstivum, neque enim diutius isthic hæ-

15 non satis instructus. Scripsit enim aliquoties ad me THADDÆUS noster, Cæsarem pene singulis diebus de me, an advenissem, percontatum esse. Nec tamen prius licuit profectionem instituere, partim quod tertius ille liber, qui luminarium relictos motus exhibet, Imperatori destinatus, antea absolvi nequiverit, partim quod filia mea natu maior, quæ periculose ibi decubuit, paulo ante id temporis primum convalescit. In itinere autem Dresdam a nobili et Magnifico viro Domino IOHANNE [LÆ]SERO, quem procul dubio nosti, Bretziæ in Arce eius humaniter invitati et laute tractati sumus. Cumque biduo post Dresdam venissemus, relicto illic apud civem quendam primarium mihi notum, Virum integrum et officiosum, Gynæceo meo, ipsemet Pragam, cum filijs et reliquo comitatu me contuli. Ubi statim ac advenissem, a multis præcipuis Viris perhumaniter et honorifice exceptus sum, inprimis vero a Magnifico Domino IOHANNE BARVICIO Imperij supremo Secretario, Cæsareæ Maiestati a Consilijs intimis, qui unus pene omnia agit apud Cæsarem. Is in horto quodam, non multum ab Arce remoto (liquidem non longe a Cæsare abesse audet) tam nomine Imperatoriæ Maiestatis quam Consiliariorum et proprio, de adventu meo humanissimis || verbis mihi congratulatus est, admodumque acceptum esse Cæsari meum accessum referebat, eiusque erga me etiam, necdum visum, clementem animum deprædicabat. Cumque libros tres, Cæsari humillime offerendos, unâque Literas Electoris Colonienfis et Ducis Magnopolitani commendatitias monstraßem, se de ijs Cæsarem percontaturum aiebat, ignorare enim, e cuius manu illa accipere velit; responsumque dedit sequenti die, Cæsaream Maiestatem a nemine alio quam me ipso ea velle suscipere, brevique in Arcem ad se me vocaturum.

rum. Ostendi etiam Domino BARVICIO quasdam literas, ab Illu-
 strissimo Duce OTTONE, Harburgi prope Hamburgum habitante, ad
 Illustrum et Generosum Dominum RUMPHIUM Curiae Cæsareæ
 Magistrum, præcipuæque post Cæsarem isthic authoritatis virum, mea
 de causa scriptas. Suasit Dominus BARVICIUS, ut ipsemet eas illi in-
 tra diem unum vel alterum (quod alias per filium TYCHONEM fieri
 volebam) offerrem. Captata itaque commoditate, in Arcem curru vec-
 tus, ad eundem D^{num} RUMPHIUM mox introductus sum, qui etiam
 benignissime me excepit, et perhumaniter affatus est. Inter alia vero
 aiebat, se multa relatione Præstantium virorum prius de me inaudi-
 viße; gaudere autem, quod nunc præsentem videat; sed non posse se et
 alios satis mirari, quod Rex me e Dania dimittere voluerit, idque eius
 iuvenili ætati, quod Marti potius quam Arti operam daret,tribuendum
 censuit; at ego e contra Regem excusavi, quamque virtute et ingenio
 polleat, extuli. Mox ille subiunxit: oportet igitur eos, qui ab illo se-
 cundi, et autoritate isthic prævalent, aut bonarum Ar-||tium rudes, aut
 malevolos et invidos esse, cum Regis et Patriæ honori non rectius con-
 sulant; ad quæ verba ego non multa respondi, id saltem subiiciens, me
 non dubitare, si Regi omnia de me rite proposita fuissent, ac ab ijs, quos
 intime habet, illi commendata, ipsum non minus, quam Pater antea,
 Laudatissimæ memoriæ FRIDERICUS, Astronomica mea excercitia
 in suo Regno conservaturum; sed forte peculiari Dei providentia sic
 factum esse, ut ea, quæ in Astronomicis diu multumque molitus sum,
 nunc alio, atque ad ipsum Imperatorem, Imperij caput, transferenda
 sint. Hæc et similia cum dicto Domino RUMPHIO (qui elegantissime
 Latine loquitur) verba commutans, literas prænominati Principis illi
 tradidi, isque, discedentem aliquantulum deducens, meas res sibi curæ
 futuras, seque eas apud Cæsarem promoturum, pollicitus est. Insinua-
 vit autem quidam ex Amicis postea, id quod Dominus BARVICIUS
 adeo urfit, ut in Arcem ascendens ipsemet literas Domino RUMPHIO
 inscriptas ei in manus exhiberem, id propterea factum, quod Cæsar e
 conclavi suo, quod e regione est, me hac occasione antea videre vellet,
 quam ad se vocaret. Quamprimum vero ex Arce descenderem, mox ob-
 viam factus D^{nus} BARVICIUS in ædes quasdam splendidas et magni-
 ficas (quas prior Imperij Cancellarius, Dominus IACOBUS CUR-
 TIUS laudatæ memoriæ Italica architectura exstruxerat, et horto pul-
 cherrimo cinxerat expensis maioribus quam 20 Ioachymicorum) iussu
 Cæsaris introduxit singulaque in ijs monstravit, subiungens, Cæsaream
 Maiestatem eas mihi a vidua procurare velle, si placerent, in ijs a Do-
 mino CURTIO turriculam, quam cerne-||rem, ob id exstructam, ut ob-
 servationibus cœlestibus inserviret, et esse eas ædes Arci atque habi-
 tationi Cæsaris vicinas, ut promptior sit accessus. Verum cum is ex
 taciturnitate

taciturnitate mea, et quod dicerem, turriculam eam vix uni ex meis instrumentis sufficere, nedum pluribus, colligeret animum meum non admodum eo inclinari, ulterius inferebat: Si forte Pragæ habitare mihi non luberet, concessurum facile Imperatorem Arcem quampiam ex
5 suis, unius vel dimidij diei itinere ab urbe distantem, ubi pacatius agerem, extra invidiam aliorum positus. Id cum magis mihi arridere animadverteret, præsertim cum dicerem, me, ut otio fruerer Philosophico, non nimium ab alijs interpellatus, ob id maluisse in Dania insulam eam inhabitare, subiunxit, se Cæsari id relaturum, et iam intellexisse,
10 eius animum in has alteras partes inclinare; Cæsarem etiam de salario annuo mihi clementer impertiendo constituisse; de quo ubi audientiam, uti vocant (quod intra duos vel tres dies futurum existimavit) nactus essem, plenius mecum agendum. Elapsis mox pauculis diebus, Cæsar me in Arcem ad se accersi iubet: constitutum vero fuit antea in Senatu,
15 ut aulæ magister D^{ns} RUMPHIUS me ad Cæsarem solemniter introduceret, quod hoc esset magis honorificum; at Cæsar id tunc temporis renuit, sive quod quidam ex ministris RUMPHIJ ijs diebus peste infectus et in civitatem delatus obiisset, sive quod ipsius Maiestas cum me solo, nemine præsentē, loqui maluerit, quod et factum est; nam
20 cum ad ianuam conclavis, in quo Cæsar esset, me duxisset D^{ns} BAR-
4^r VICIUS, se non ingredi, nisi a || Cæsare vocatum, insinuans, extra remansit. Ingressusque solus ego ad Cæsar. Mat^{em}, quam solam etiam mensæ cuidam in superiori conclavis parte dorso innitentem conspexi, nemine alias in toto conclavi præsentē, et ne quidem puero famulante,
25 exhibitaque debita reverentia, Cæsar me statim nutu capitis propius ad se vocavit; cum accessissem, clementer manum mihi porrigebat; moxque paululum recedens, oratiunculam habui Latino sermone, qua, ex ipsius Cæsar. Mat^{is} clementissimo mandato, per literas sui Cancellarij CORADUCIJ me vocatum nunc comparere, quod et prius, si res meæ
30 id ullo modo ferre potuissent, fecissem, dixi, utque hanc moram clementissime excusatam habere dignaretur, et me atque ea, quæ diu multumque tractavi, studia Cæsareo favore prosequi ac sibi commendata esse velit. Quo etiam nomine literas a Serenissimo Colonienſi Electore et Illustrissimo Duce Megapolitano scriptas, ipsi humillime porrigerem,
35 moxque literas illas eius Maiestati in manus tradidi, quas et clementer accepit meque præsentē aperuit. Verum ijs in mensam repositis, et nondum lectis, statim ipsius Cæsarea Maiestas copiosiore etiam sermone, quam ego eam alloquebar, mihi clementissime respondit; et inter alia gratum sibi esse meum accessum, atque me cum meis studijs
40 sibi curæ futurum promisit, ac inter loquendum blanditer quasi arrisit, ut favorem eximium ipso vultu ostenderet. Verum omnia, quæ referebat, verba capere non potui, tam submisſe ipsa natura loquitur. Deinde

ego,

ego, pro hac clementiſſima animi ſui indicatione humillime gra-||tias 4v
agens, de libris tribus, quos ipſius Maieſtati ſubiectiſſime dedicatos in
promptu haberem, mentionem feci; quos cum ſe lubenter a me accep-
turam clementiſſime reſponderet, ego mox eos a filio TYCHONE, qui
in exteriori conclavi expectans ſecum habuit, ad me recipiens, denuo 5
que ingreſſus, Cæſareæ Ma^{ti}, quæ adhuc menſæ aſtabat, in manus ex-
hibui; quæ poſtquam eos clementiſſime accepiſet, atque prope ſe in
menſa repoſuiſet, ego rurfus brevi narratione, quid ſinguli eorum con-
tinerent, ſummatim indicavi; rurfusque ipſius Cæſarea Maieſtas ſer-
mone ſatis luculento excepit, atque eos gratos ſibi futuros benigniſſime 10
indicavit. Sicque præſtito honore diſceſſi; et BARVICIUM ante ianu-
am adhuc præſtolantem reperi, qui ſtatim audito ſigno ad Cæſarem
introvocatus, me, ut, antequam rediret, non descenderem, rogavit, ſta-
timque reverſus dixit, Cæſarem automatum illud, quod in curru ha-
berem (hoc enim, cum in Arcem curru veherer, per fenestrâ con- 15
ſpexerat) ſibi monſtrari cupere, illud itaque per filium e curru mox
allatum, BARVICIO tradidi, atque eius uſum Cæſari oſtendendum
monſtravi. Quod cum feciſet, atque ad me reverſus eſſet, aiebat, Cæ-
ſarem dixiſſe, ſe unum vel alterum eiuscemodi habere, quorum tamen
nullum tam magnum eſſet, neque penitus ea ratione factum, poſſe ali- 20
quem e ſuis Aſtronomis ſibi ad huius imitationem quoddam conficere,
ſed nolle me eo privari; et addebat inſuper BARVICIUS, Cæſarem
ſingulari Clementia et gratia erga me affectum eſſe, brevique negotio
ad conſiliarios relato, velle mecum de ſalario || annuatim numerando 5r
atque habitatione idonea tranſigi curare. Interim iuberent, Gynæceum 25
meum, quod Dreſdæ me reliquiſſe intellexerat, Pragam ad me advehi
faciam, ipſius Cæſaream Maieſtatem nobis omnibus ita proſpecturam,
ut ad commode vivendum nihil ſit defuturum. Quare ſequenti mox
die filium TYCHONEM unâ cum CLAUDIO MULÆO, pro addu-
cendo Gynæceo Dreſdam miſi, quod poſt octiduum Pragam advenit. 30
Intera de ſalario mecum per eundem Dominum BARVICIUM et ſe-
quentibus etiam aliquot diebus, per intervalla, actum eſt, ſiquidem is
ſit occupatiſſimus, et nonnulli e Senatoribus Imperatoriæ voluntati
non ſatis cito, uti ſit, auſcultent, lenteque omnia in illa aula ob negoti-
orum magnitudinem et copiam procedant. Cupiente vero BARVICIO 35
ex Cæſaris mandato, ut familiam meam, quanta ſit, et eorum, qui ad
Artis ſuſtentationem requirerentur, ſummam conſignarem, atque mag-
nitudinem horum omnium in taxa, uti aiunt, deducerem, primum qui-
dem lubens feci; at alterum Cæſareæ Ma^{tis} Clementiſſimæ voluntati
et libero arbitrio humillime commiſi. Quæ paucis poſt diebus 3000 au- 40
reorum in certa quadam pecunia mihi benigniſſime deputavit, et in-
ſuper quædam alia accidentaria pro œconomia et alijs rebus,
quæ

- quæ 1000, si computentur, excedunt. Hæc Senatus consulto peracta sunt, quibusdam id facile approbantibus, at pluribus, uti fieri solet, nonnihil reluctantibus, quod nemo ex illis, qui pluribus annis Cæsari inservijßent, tantum haberent salarium. Vicit tamen Cæsaris
- 5^v ci ut sic fieret urfit, || cumque per prædictum Dominum BAR-
VICIUM mihi hoc significari curasset, iussit insuper dici, si hæc mihi non sufficerent, et in posterum quidpiam desiderarem, nec sibi esse accurtatam manum, nec mihi obturatum os, quod his ipsis verbis ad me idem retulit BARVICIUS. Quin et feudum secundum constitutionem
- 10 Imperij hæreditarium, ut liberis et familiæ meæ post me confuleretur, Clementissime nec invite addixit, quam primum aliquod in suis ditionibus vel Imperio vacarit, quod mihi et meis commodum esset. Qua etiam de re literas, quas vocant promissivas, brevi accepturus. Et quoniam me Pragæ ædes Curtianas non admodum cupere (habui enim meas
- 15 rationes, cum quod viduam, quæ eas adhuc inhabitat, mea de causa emigrare nolim, tum quod nimis visitationibus, in tanta præsertim civitate, prope Arcem obnoxius essem) intellexit Cæsar, promissit nihilominus clementissime aliam in urbe habitationem mihi oportunam, quam, ubi eo accederem, sive vocatus, sive sponte, cum meis commode
- 20 incolere possem, et propria quadra vivere minoreque sumptu; forte tamen Curtianam illam suo tempore accipiam, ubi vidua sponte emigrarit, quæ nunc, uti audio, novas affectat nuptias, more iuvenularum viduarum. Iussit insuper Cæsar, præterquam quod Salarium meum ab eo tempore, quo ab ipsius Cæsarea Ma^{te} vocatus sum Pragam,
- 25 etiam si multo interiecto tempore non advenerim, incipere deberet, ut mihi 2000 florenorum statim honorarij loco pro introitu darentur, quos et accepi. Dixit quoque inter alia aliquando ad me BAR-||VICIUS [si] foret, ut ante decennium huc ad Cæsarem advenissem, [cum] omnia erant meliora et promptiora, nec ita difficultatibus obnoxia, uti nunc
- 30 ob bellum in Hungaria, tunc Cæsarem potuisse multo faciliorem et liberaliorem se erga me præbere; cumque hoc semel atque iterum insinuaret, ego quidem respondi, nihil adhuc periculi esse: Cæsarem Turca fere semper superiorem fuisse, et Deum in posterum suum Christianismum protecturum. Verum tacite mecum cogitavi, neminem me
- 35 ipso magis dolere, quod non ante decennium statim ab obitu laudatissimæ memoriæ FRIDERICI Regis Patria exceberim, atque huc me contulerim, quod et tunc fecissem, nisi literæ a toto Senatu magno meo incommodo, maximoque rei familiaris dispendio, me de his alias agemus, non iustum sit, ut aliqua mihi fiat pro
- 40 tantis expensis compensatio. Quibus transactis, per Capitaneum quendam Cæsareum, eius Ma^{te} sic iubente, in Arces prope Pragam dispositus deductus sum, ut ex ijs eligerem aliquam, quæ mihi et meis studijs commodior

commodior foret. Nomi et aliæ; sed quoniam ut ex ijs una
 cum civitatibus propinquis p arat, et tertiam in edito posi-
 tam, Cæsar enter accederet, qui quondam Bohemici Aulæ Ma-
 gistri fuerat, et Cæsar secundum iuris ten ata, dißuasit Domi-
 nus BARVICIUS earum perlustrationem. Eæ vero, quas v um 5
 unius vel etiam dimidij diei profectioe Praga absunt, quarum prima
 dicitur Brandeiß, estque potißima Cæsaris Arx in vicinia sita, utpote
 tribus saltem milia-||ribus Praga distans, in quam se delectationis gratia 6v
 interdum se venationes habet circumquaque præcipuas. Altera
 Lyßa dicta est, etiam da, 4 miliaribus ab urbe remota. Tertia 10
 Benachia appellatur, qua sub initium huius anni a ru-
 vij cuiusdam senio confecti et defuncti nis, producentis quin-
 decim int, illi enim, non satis concordēs, hæredita-
 tem alias inter se dividere nequiverunt, sed sponte Cæsari hæc bona
 vendiderunt. Perlustratis itaque his tribus, deducēte Capitaneo, Arci- 15
 bus, et in singulis benigne et honorifice exceptus, prætuli Benachiam,
 6 horarum itinere (est enim via plana) Praga semotam, quæ ob loci
 amoenitatem et fluviolum Ifaram circumlabentem atque in Albim
 postea se exonerantem, Bohemorum vernacula lingua sonat, ac si di-
 ceres Venetiæ Bohemorum, estque in edito et aprico loco sita, iucun- 20
 dißimo prospectu, adiacente parva quadam civitate, in qua religio,
 quam Evangelicam vocant, prævalet, plurimis tamen ex Picardis, qui
 Calvinisticæ (quam Sectatores orthodoxam nuncupant) appropin-
 quant, in eadem degentibus. Cum Cæsar intellexisset, me hanc Arcem 25
 præ ceteris eligere, mox per prædictum Capitaneum, qui Brandusij
 præest, me huc introduci curavit, ubi nunc cum familia, commode et
 pacate, quod Deo acceptum fero, solus habito, nemine obstrepente aut
 interturbante, sed dicto Capitaneo ex voluntate Cæsaris omnia officia
 mihi lubenter exhibente. Qua etiam de caußa || intra unam vel aliam 7r
 septimanam Brandusio huc accurrit, ut mihi in ijs, quæ requiruntur, 30
 præsto sit. Mandavit etiam Cæsar eidem Capitaneo, ut omnia neceßaria
 pro observatorio, meis instrumentis omnibus rite disponendis idoneo,
 actutum procuret, quo iuxta meam ordinationem omnia ante hyemem
 apposite exædificentur, tum quoque ut laboratorium, ea qua voluero 35
 ratione, mihi oportuno loco confici curet, et omnia, quæ alias a Me-
 chanicis fieri velim, solvat. Si hæc mihi in Patria evenissent, quantis
 sumptibus pepercißem, pro quibus nunc mihi nulla restat gratia, sed
 potius ingrata omnia [nihil feci]ße benigne. Obtulit insuper Cæsarea +
 Maiestas sponte sua, se novum Uraniburgum Arcem in suo territorio
 suisque sumptibus ædificaturam, quod Danico illi non cederet, sed 40
 multis parafangis excederet. Delectatur enim ipsius Cæsarea Ma^{tas}
 sum mopere non saltem Divina illa Astronomia Mathematicisque stu-
 dijs,

dijis, sed et architectonicis structuris, quæ e Geometria et Perspectiva fluunt. Cumque ipsius Maiestas Libros sibi a me humillime oblatos (de quibus antea memini) diligenter perlegisset, adeo ut in multam noctem primis diebus, referente id BARVICIO, ijs occuparetur (neque enim tam abiecti apud ipsum erant, quemadmodum in vestris oris) a me multa de eorum contentis per eundem BARVICIUM sciscitatus est, et placuit illi valde structura Uraniburgi in primo tomo designata. Sed cum laboratorium in ea tam cito reperire non posset, id sibi indicari voluit. Placuerunt cætera omnia, ita ut Dominus BARVICIUS
 7^v eos Cæsari ac-||ceptissimos esse mihi retulerit.

Ex iam recensitis, Amantissime OLIGERE, rerum mearum statum, qualis nunc sit, intellexisti. Agoque Deo propitio gratias, quod sic mihi et meis prospexerit, ut ex adversitatibus illis, quas in Patria diu multumque passus sum, eluctari potuerim, et mihi et meis rectius consulere.
 15 Speroque in posterum, eodem Divino Numine favente, adhuc prosperiora. Cæterum de honoribus et dignitatibus Politicis mihi oblatis, imo antequam Pragam venirem, cum adhuc Witebergæ essem, deputatis (prout forte ex Domino Doctore FRANTZIO, Domini Doctoris VITI WINSHEMIJ genero, aut oretenus; aiebat enim te, in Orientalem Frisiam abiturus, invisere velle; aut per literas intellexisti, quemadmodum is ex Domino CORRADUCIO Procancellario hæc, cum Pragæ esset, se accepiße aiebat, ut mihi referret, quo promptius accederem) nihil nunc addere volo. Suaferunt Pragæ amici quidam, ut talia susciperem, quæ tamen semper ex alto despexi. At si facturus sum, propter vestrates, qui me tam insolenter contemptui habuerunt, facturus sum; quod et THADDÆO nostro urgenti dixi; verum is sic subiunxit: *Non tantum propter tuos Danos id admittes, sed etiam propter nostros Bohemos, adeoque in ipsa aula aliqui tam obtuso et rustico ingenio, et non minus quam vestrates ignorent discernere inter aurum et orichalcum, attamen aliqui inveniuntur, qui rectius iudicent, quique, licet æque atque tu honores Politicos, respectu virtutis et doctrinæ eximiæ, parvi ducant, ob vulgarium*
 30 *tamen iudiciorum captum, quo commodius in mun-||do vivatur, ita faciendum existimant. Qui, quamvis pauci reperiantur, tamen præ cæteris iudicio valent, tuique sunt amantissimi, quos partim hætenus pro primo hoc congressu nosti, partim in posterum plenius tibi innotescant.* In hunc modum ille. Verum de his postmodum dispiciam, si non ea prorsus despiciam; neque enim in ijs quid consulto et discrete fieri potest ante Mag^{ci} Domini CORRADUCIJ Procancellarij
 40 reditum e Roma, ubi Legatum Cæsaris nomine apud P. M. agit, qui circa Michaëlis festum expectatur. Neque etiam volo, ut prius quid in talibus concludatur; est is mihi admodum favens, licet de facie ignoti
 adhuc

adhuc sumus, Mathematicarum quoque rerum, ut dicitur, amanti-
bus, hac in re antecessoris CURTIJ æmulus.

Habes nunc, charissime mi OLIGERE, historiolum mearum rerum,
ex quo e Germania in Bohemiam cum meis migravi; de ijs, quæ antea
facta sunt, meoque e Dania discessu probe omnia nosti, ut ea repetere
non sit opus, quæ meminisse animus horrens iterare refugit. Et certe
videor historiolum potius quam literas conscripsisse, dum calamo lapsa
teque fusius alloquor, quo [de] rebus meis plenius edoceare. Quam
tamen prolixitatem tibi non ingratam fore, cum alias literas humani-
ores, adeoque ingentia librorum volumina, non, ut alij, qui Nobiles
haberi volunt, fastidias, mihi persuadeo. De libris vero tibi promissis
(ut tandem aliquid subiungam) sic habe. Non immemor sum pacti, nec
difficilis ad servandum; sed cum exemplaria omnia de Mechanica
Astronomia, quotquot coloribus exornata, sive uti vocant illuminata,
..... || Pragæ suis coloribus imbui, quod
ubi factum fuerit, obtinebis non saltem hunc primum tomum, sed et
alterum de affixarum restitutione, tum quoque tertium de luminarium
a me correcto motu, quem tamen ultimum denuo e prima concep-
tione describi curare oportet, cum nullum mihi ad manus mundum
sit exemplar, postquam illud, quod Witebergæ exaratum est, Cæs. Mai^{ti}
unâ cum reliquis obtulerim. Ne sis itaque huius moræ impatiens, mi
OLIGERE, habebis et hæc et alia ex meis, favente Numine, quam
primum fieri poterit, nec sine fœnore. Interim relinque sorori nostræ
SOPHIÆ eos, quos Regi destinaram (hos enim repudiatos et RAME-
LIO donatos ipsam consequi posse intellexi) quod etiam non displicet,
malo etenim sic fieri, quam ut in invidorum et in osorum manus per-
venirent.

Supereſt, ut calamum ſiſtam, niſi hoc unicum ſuperaddere luberet.
Inſulæ Huennæ, quam iſtic inhabitavi, reſignationem voluntariam,
quam ſuaſiſti (de qua etiam me, cum huc venirem, plenius reſcriptu-
rum . . . ui) nullatenus approbare animus eſt, diſſuadentibus etiam ijs,
qui Politicis non perfunctorie imbuti ſunt, imo quibuſdam id mihi vitio
datum iri, tanquam præ contumaci inſolentia, poſtquam ad Cæſareas
partes tranſivi, hoc facerem, quaſi Danos meos, et quæ iſthic haberem,
præfracſto animo negligerem. Si vero inſulam ij, qui præſunt,
mihi auferre voluerint, ob id quod ad Cæſarem me contulerim, ipſius
Cæſaream Mai^{tem} aut operam daturam, ut Rex Daniæ nihil damni
mihi ſua de cauſa inferre patiat, aut id, quicquid erit, alia ratio-||ne
compensaturam. Obijcient veſtrates, quicquid velint, facilis erit re-
ſponſio, ſi modo iuſtitie et veritati ſit locus; ſin minus, tranſeat id cum
cæteris, et iuſtus iudex omnia decernat. Iamque cum coniuge tua,
Nepte mea dilecta, quam felicissime vale, integerrime OLIGERE, ſalu-
tata

tata unâ cum hac Matre tua Nobilissima et honestissima ac simul alijs
amicis, si qui in Cimbria vestra mei memores adhuc supersint, quos
aliquos saltem adhuc restare crediderim. Iterumque et sæpius quam
optime vale, meque de tuis rebus luculenter etiam prima quaque oc-
5 casione certior effice. Dabantur ex Arce Cæsarea Benachia die 9.
Septembris Stylo novo, Anni Domini 1599.

Totus Tuus
TYCHO BRAHE,
manu propria.

10 Non vacat relegere, ipsemet dispicias.

Cum hæc vix exarata essent, vocabatur Capitaneus Brandeisenfis,
qui hîc mecum convivabatur, Pragam ad Cæsarem, ubi postquam per
decem dies adfuißet, reversus ad me, se solummodo mea de causa istuc
accesitum referebat, uti in absentia Cæsaris, qui indies abitum Praga,
15 ob pestem et dysenteriam isthic invalescentes, versus Lynzam molie-
batur, mihi quævis officia præstaret, atque, quæ desiderarem, sive ad
structuras, sive alia, procuraret, et insuper innueret, quæ in meis re-
bus tam cito ob festinum Cæsaris abitum expediri non possent, ea post-
ea, cum Cæsar ad quietiorem locum pervenerit, complenda. Interim
20 vero dum ibi est, Cæsar, intellecto, quod anthidotum aliquod contra
morbos hosce Epidemicos a me dono accepißet, per Dominum BAR-
VICIUM id ab ipso poscens, sibi reservavit, mihiq; scribi mandavit,
9v ut præparationem eius ipsum scripto || docerem. In continenti itaque
ad ipsius Cæsaream Ma^{tem} datis Latine literis (quarum hîc tenorem
25 habes) humillime exposui, quæ eius Maiestas Clementissime expeti-
erat. Sic et tu habes descriptionem medicamenti a me excogitati, et in
usu habiti contra luem Epidemicam præsentis. Aliud exemplar Sorori
SOPHIÆ communicavi, per te solum illi exponendum, quod et in
literis ad ipsam datis monui, alias secretum utrinque habete. Vides
30 insuper hinc, quam confidenter, imo quasi familiariter ipsi Cæsareæ
Ma^{ti}, et quidem ob signatis literis, ut nemo Confiliariorum aperiat,
scribere ausus sim Maiestate Clementissime agit
. quam me meave in Patriam
. tias dici, et pro literis meis et meo
35 in copia aliqua, quales in montibus elici-
am arte Spagyrica non tan Praga
cum Confiliarijs, totaque Aula translatus dicitur.
Quidam se nirent, Pragæ primum ex-
amin iecti sunt. Aiunt nihilominus
40 pacis quærat; sed videtur id m figere
puppibus

puppibus arma et bella Præfertim Prin-
cipibus German Valachiaë heros con-
stans et fortis Cardinali; cui SIGISMUNDUS Ba-
..... stituit quod felix et constans
Interea dum hæc et alia scribo CRAMERUM tuum 5
meumque perstrin iuncto exemplo vides
..... atque non saltem tui ob diutinam
... bus latius scriberem, cum doc thesibus meis quo-
modo DUNCAN bus literis hac de
re ad me scrip nonnulla quæ rectius scit dißim 10
..... *Hand kand faa mere en anden* *bort*.
Interim cogitet, quod am || nec fecit unquam, 10^r
sed per te a tamque diutina familiaritate
.... reticet. Iamque iterum et quam

[Ex apographo in Archivo Regni Daniaë: Diplomatario Langebekii]

15

TYCHONI BRAHE IOAN. GEORG HERWART AB HOHENBURG.

1^r

ITERAS tuas, vir nobiliß. atque mathematicorum om-
nium facile princeps, Benachiaë ultima mensis novißi-
me elapßi ad me datas, unâ cum adiuncto deliquij lu- 20
naris calculo et systemate probe accepi, et in primis
magnopere sum lætatus, sacram Cæs. Maiest. id quod
fore animus mihi iam antea prælagiebat, tibi tuisque
studijs pro dignitate et meritis prospexiße, atque eius nomine mihi
quoque subinde gratulor, quod hac ratione et amicitia tua, uti plane 25
confido, frui et forte aliquando te quoque convenire et coram aliqua
tecum conferre queam. De patria vero tua quod te sic amiserit, non
miror. Quis enim unquam vel Propheta acceptus in patria?

Quæ scribis de Veneris stella, quæ aliquando præter solitum non
comparuiße traditur, perplacueret, et gratias ago tibi magnas, quod 30
magno || me dubio liberaveris. Cum enim mihi persuaderem, posse 1^v
Veneris stellam, subeunte stella Mercurij, Eclipsin pati, atque etiam
ex calculo Prutenico eo ipso tempore ☿ ♀ et ♀ matutinam, paulo ante
ortum Solis talem, in qua ♀ infra ♀ eßet, animadvertißem, incertus
animi eram, quid hac de re foret statuendum. Cæterum rationibus tuis 35
prægnantibus omne mihi dubium ex animo exemisti.

Illâ porro, quæ de motibus luminarium et eorundem defectibus sub-
iunxisti, fuerunt mihi lectu iucundißima. Immensum vero quantum
gavifus fuerim, cum ex hypothesi tua Lunæ, adeoque tota illius theoria
et

et systemate animadverterem duplicem illam variationem, tam semimenstruam ex duplici motu (a ☉, quam annuam illam ex distantia ☉ aut ☿ dependentem atque nodorum quam innuis reciprocationem tandem aliquando tuo Marte innotuisse, quæ simul unâ pariterque et
 2^r veteribus et re-||centioribus, imo vero vetustissimis etiam et novissimis quibusdam authoribus de ipsa Lunâ, fidere infimo et cuius observatio omnium facillima videri queat, incognita fuerant. Neque iam dubito, quin ex his tuis fundamentis, non modo recentiora, verum etiam vetustissima quæque φαινόμενα exactius haberi queant. Eandem enim utique,
 10 que, vel saltem mutatis mutandis consimilem olim habuit rationem motus Lunæ, quam qualemque tu modo accuratissimis tuis rectificatissimorum, quoad eius fieri potest, instrumentorum observationibus eruisti.

Nec me movent observationes illæ a PTOLOMÆO et veteribus
 15 habitæ, cum plus satis constet, quam crassa Minerva veteres illi artifices astronomicas observationes tractarint, destituti non modo idoneis instrumentis, verum etiam ut plurimum calculi quoque præcisa ratione, id quod ARISTARCHI Samij, AUTOLYCI et HIPPARCHI Bithynij libelli, qui ad nos pervenere, cuivis facile fidem facient, plerumque enim ἐν πλάτει proportionem ali-||quam forte harmonicam, vel
 2^v numerum aliquem rotundum, qui non multum a vero discrepare videbatur, quæsiwerunt, eoque contenti pauca quædam minuta nihili æstimarunt, imo vel unius gradus quadrantem non magni fecerunt. Ipse quoque PTOLOMÆUS quoad latitudinem Lunæ, de qua scribis, cum
 25 acquieverit ERATOSTHENIS invento, quo is solstitialium punctorum distantiam ad integrum circulum se habere (ἔγγιστα) ut 11 ad 83 statuerat, consequenter necessario observationis ea ratione, qua usus est, ob assumptam a se nimiam istam Zodiaci obliquitatem, minorem iusto latitudinem Lunæ inferre debuit. Quodsi, ut credi par est, PTOLO-
 30 MÆI temporis obliquitas Zodiaci tanta non omnino fuerat, quantam ex præfata ERATOSTHENIS opinione et HIPPARCHUS et PTOLOMÆUS eam admiserunt; ex ipsissima PTOLOMÆI observatione inferri potest, maiorem etiam tum fuisse (|| in quadraturis latitudinem, quam eam quæ numero rotundo quinque graduum a PTOLOMÆO
 3^r proditur.
 35

Inaudiavi quoque libenter, te tabulas tuas de motu luminarium, seorsim typis excusas, cæteris Planetis præmittere statuisse. Spero enim hac ratione futurum, ut tanto citius ad nos perveniant. Et forte longe omnium circumspicißime ageres, vel saltem desiderijs plurimorum
 40 affatim satisfaceres, sitimque nostram aliqua ex parte restingueres, si solas, nudas, puras, putas tabulas de motibus luminarium, instar Prutenicarum, sine omni demonstratione, præmitteres atque maturares.

Musæ

Musæ profecto meæ te supplices orant, obsecrant, obtestantur, ut quanto citius tuo beneficio Eclipses luminarium exactius supputari possint, id quod ex nudis tabulis fieret quam commodissime, atque interea temporis exemplo discipulorum magni illius PYTHAGORÆ merito atque iure optimo, τὸ αὐτὸς ἢ ἔφα rationis loco allegaremus, donec apparatus istum observationum atque demonstrationum tuarum concinnares. 3v

Communicasti iam mihi, quod cum maxima gratiarum actione refero, totam rationem Systematis tui Lunaris, adeo ut præter epochas mediorum motuum atque diurnum cuiusvis medium motum quoad Lunam vix aliquid in residuo esse videatur. Quod si tantundem in Sole, æquatione temporis etc. fieret, posset iam quis per multiplicationes et resolutiones triangulorum absque tabulis ulterioribus calculum Eclipsium absolvere. Id propterea refero, quia multiplicationes et triangulorum resolutiones, quæ vicem tabularum mediorum motuum et æquationum supplere possunt, ego parum moror. Soleo enim sine multiplicationis ambagibus, solius additionis ope, numerum ex multiplicatione producendum facillimo tramite invenire, et consimiliter sine omni divisionis labore atque tædio sola subtractionis ope quotientem in quovis genere calculi, tam vulgari, quam sexagenario, reperi-||re, atque ob id sine fastidio et temporis tractu triangula quæque, etsi radius instar VALENTINI OTHONIS sit maximus, facile resolvere. Hoc autem unicum unice exopto, ut Eclipses aliquas luminarium vetustas ex datis et placitis magni illius TYCHONIS BRAHE supputare queam. Quod si ulla ratione vel lege vel conditione hoc ipsum impetrare potero, ut Eclipses aliquas veteres, quas ab alijs hæcenus nec animadversas nec supputatas collegi, calculo tuo exactissimo subijcere, et ad te Matheseos ARISTARCHUM deferre valeam, per Deum summum Opt. Max. in omnem eventum, hoc chyrographo meo teste κατὰ τὸν ὄρκιον sanctissime iuro, nemini me unquam quicquam de ijs communicaturum, quæ ad huiusmodi calculum instituendum requiruntur. Atque utinam aliquo genere officiorum beneficium huiusmodi in me collatum rursus exæquare possem, pro viribus certe gratias referre conarer. Sed ignosce quæso, si flagrans desiderij ardor, quo hæc exopto, importuniora vota volenti nolenti exprimat. Quod si epidemica ista lues, quæ loca inter nos intermedia et hospitia præsertim publica invasisse traditur, non me absterret, ipse ad te iter instituerem, anne forte hoc pacto voti compos fieri possem. || 4v

Principes mei clementissimi, id enim scire desideras, studijs quidem hisce non admodum afficiuntur, attamen literas et literatos amant, ita ut sperem, munus illud tuum, de quo scribis, futurum illis esse gratum atque acceptum, mihi certe erit quam gratissimum. Habet serenissimus Princeps

Princeps meus Bibliothecam instructissimam, Regijs sumptibus comparatam, et libris manuscriptis Hebraicis, Græcis etc. refertam. Mitto his iunctum indicem librorum mathematicorum, quem velim apud te retineas, ut si forte occurrat liber aliquis, quem ex ijs desideres, eius me certiolem reddere possis. Hæc raptim, urgente tabellario. Vale feliciter, et me favore tuo prosequi perge. Quod si ulla in re tibi commodo vel usui esse queam, vel in his partibus, vel in ijs rebus, quæ per has regiones ad te devehiri possunt, iube et impera. Data Monachij die 17. Septembris Anno 99.

Nobilissimæ Dis Tuæ studiosissimus
IOAN. GEORG. HERWART ab Hohenburg etc.
manu propria.

[Ex apographo in codice Hauniensi excerpt. Langebek. 179; cf. *Tychonis Brahei Relatio de statu suo* ed. G. B. Casseburg (Jenæ 1730) et *Dänische Bibliothec III* (Hauniæ 1739) p. 177 sqq.]

ERUDITISSIME ET PRÆSTANTISSIME
DOMINE M. ANDREA WELLEIE, AMICE
DIU MULTUMQUE DILECTE.

S. P.



CCEPI quidem antequam Witeberga abirem, tuas literas, ad quas etiam luculenter respondi. Sed cum ea, quæ filio hac de re dictavi, inter componendas res meas ita distracta sint, atque inter alia forte, quæ nunc inquirere non vacat, disposita, ut reperiri nunc nequiverint, nec etiam tuæ literæ nunc ad manus sint, describam ea, quæ memoria dicat, quæque de rebus meis te scire velim. Atque ut historiolum habeas eorum, quæ mihi partim in Patria occasionem discessus dederunt, partim postea in exteris regionibus evenerunt (lubet enim paulo altius ordiri, etiamsi quædam ex illis tibi antea forte perspecta sint) sic habe.

Cum prævidissem Uraniæ istic nostræ, cui tam serio tamque impense tot annos litavimus, ruinam instare, præmonui discrete per literas Cancellarium Regis, ut rectius provideret atque ne id fieret præcaveret. Responsum est, Regi Instrumenta ista Astronomica suis impensis conservare non esse integrum, quod et eventus testabatur. Nam præter beneficium illud Norvagicum, quo, statim ac coronatio peracta est, privatus sum, etiam cætera, quæ a Rege habui, adempta sunt, relicta sola Insula, et 11 vel 12 in ea parte Scaniæ, quæ Culda vocatur, rusticis, quæ ducentos tantum quotannis Ioachimicos in certa pecunia non pendunt, et concessa adhuc aliquantisper Præbenda ista Roeschildensi, quæ pro

pro quarta parte meis expensis annuis non sufficiebat, quam tamen, 1^v
 cum vix adhuc littus patrium || reliquissē, Cancellarius a Rege pro
 se impetravit atque in privatos suos usus transtulit, adeo ut multi vero-
 similiter inde collegerint quod huc cursus fuit. Nam præterquam [quod] 5
 redditus pene omnes necessarij denegati, multis alijs gravibus . . . et non
 paucis molestijs præter expectationem et meritum pene absque inter-
 missione conquassatus sum, forte quo promptius et citius abirem, adeo
 ut ne in proprijs quidem et a me exstructis ædibus Hafnienſibus, quo
 instrumenta mea pro maiore parte contuleram atque unâ cum typo- 10
 graphia deposueram, studia mea, quæ tamdiu in honorem Patriæ mo-
 litus sum, privatis sumptibus pertexere et quædam in ijs ad colopho-
 nem deducere permissum sit, tranquillitate prærepta Philosophica et
 dispositione instrumentorum in turri vicina, mihi integerrime a Pro-
 regibus et insuper a Magistratu urbis ea de causa concessa, nomine 15
 Regis, licet absentis, a Curia Magistro per urbis Præfectum interdicta,
 utut is tum, unus e Quatuorviris, literas, quibus Magistratui Haf-
 niaco mandabatur, ut turrim illam in eos usus mihi relinqueret, sub-
 scripserit. Videns itaque, mihi in Patria omnia esse adversa, et adver-
 sum eorum animum, qui hæc studia, quæ in laudem Patriæ perpetuam 20
 moliebar, promovere debebant, lubens et alacri fortique animo inde
 cum omnibus meis disceſſi, idque iuxta solstitium æstivum, ante bien-
 nium a superiore huius anni numeratum. Ne tamen viderer nimis
 propere nimisque remote patriam deferere, substiti primum Rostochij
 per anni quadrantem. Dedit ibi illustrissimus Dux Megapolitanus, avus 25
 Regis nostri maternus, literas ad nepotem diligenter scriptas, quibus
 quatuor adductis non minimis rationibus, eum de restitutione Urani-
 burgi rogabat et admonebat; quin et ego, scriptis || inde ad Regem meum 2^r
 serenissimum literis, meam etiamnum ipsi et Patriæ præ alijs Principi-
 bus et nationibus operam subiectissime obtuli, modo tolerabilibus con-
 ditionibus id fieri posset atque indemnitati meæ consulereſſetur. Verum 30
 omnia incaſum, nihil respondente Rege avo, et meas inclementius,
 quam speraſſem et quam forte meritæ erant, accipiente. Postea incre-
 brescente peste Rostochij in Hollatiam a laudatæ memoriæ viro Do-
 mino HENRICO RANTZOVIO, affine meo et amico honorando, per
 literas evocatus, eo me cum tota familia recepi, atque arcem quandam 35
 eius, semiſſe ſaltem milliariſ Hamburgo diſtanteſſem, in quam etiam in-
 ſtrumenta, quotquot Hafniæ habui, et ſuppelleſtileſ iſtic relictas
 tranſtuli, ipſo benigne concedente, per integrum annum inhabitavi,
 volens ſic non ſine magno rei familiaris diſpendio Patriæ ſtudere, at-
 que noſtratibus rem rectius diſpiciendi ſatis ſuperque multum relin- 40
 quere temporis, ut in poſterum eo magis eſſem excuſabilis, ſi relictas
 Dania aliam quærerem Patriam aliumque laborum meorum Mecæ-
 natem.

natem. Interea dum ibi sum, relatum est de me meoque e Patria abitu ad augustissimum Imperatorem RUDOLPHUM Secundum, qui me mox iuxta Pascha præteriti anni accersiri voluit, sed ante Michaëlis festum iter inde versus Bohemiam non suscepi, quod annum tempus, prout in animum induxeram, istuc complere vellem. Circa initia itaque
 5 Octobris Pragam versus professionem instituebam, relicta Wandelsburgi familia mea muliebri, donec de Cæsaris clementissima voluntate edoctus essem. Dresdam cum advenissem, audiui in Bohemia omnia turbata esse ob pestem et dysenteriam istuc graßantes, Imperatorem
 27 Pragæ non esse, sed in arcem quandam secessisse, ut tutior || sit, nec dari cuipiam audientiam (uti vocant) quare, scriptis in aulam literis, quid mihi faciendum restaret, percunctatus sum. Rescriptum est manu magnifici Domini CORADUCIJ Imperij Procancellarij in hunc modum: Cæsaream Maiestatem de meo Dresdam adventu perlibenter intellexisse, utque istuc aut in vicinia, si Pragam accedere non luberet, me
 15 continerem, cupere, donec, sedatis morbis epidemicis, aula dispersa recolligeretur, interea, ubi commode collocandus sim, benigne cogitare. Quo accepto responso, Witebergam pedem retuli, atque istuc dimidio anno moratus sum, Philippæas ædes inhabitans. Licet enim
 20 statim in fine Ianuarij ex clementissimo Cæsaris mandato per dictum magnificum Dominum CORADUCIUM Procancellarium Pragam rursus auguste et honorifice (habes hic literarum exemplar) accersitus sim, tamen ante solstitium æstivum huius anni iter eo suscipere non concedebatur, tum quod nonnullos libros Cæsari destinatos prius
 25 absolvere nequiverim, tum quod ob filiæ natu grandioris invaletudinem ibi ultra voluntatem detinerer, sed circa dictum tempus itineri me accingens, et in transitu Dresdæ relicto Gynæceo meo (quod Witebergam circa brumam antecedentem e Wandelsburgo ad me venire feceram) Pragam circa Iohannis festum, veteri numeratione, intravi.
 30 Quæ vero mihi postea istuc et alias in Bohemia evenerunt, nunc brevibus commemorabo.

Ab ipsius Cæsarea Maiestate clementissimo favore acceptus sum, solusque auditus, nemine alio præsentē, et respondente ipso Cæsare benignissimis verbis, idque Latine. Tres libros, quos ipsius Cæsareæ
 35 Maieitati in proprias manus humillime porrexī (sic enim fieri voluit) lubentissime accepit et sequentibus mox diebus, || interdumque usque in multam noctem (referente magnifico Domino BARVICIO) perlegit. Iussus sum mox Gynæceum meum Dresdæ relictum advehi curare. Actum deinde est mecum de annuo salario, quod cum Cæsaris clementiæ et benignitati liberum relinquerem, deputatum mihi est ab ipso
 40 Maiestate trium millium florenorum in certa pecunia, et in accidentarijs quibusdam alios millenos attingens, reluctantibus quidem
 23 nonnullis

nonnullis ex Confiliarijs, quod nemo in aula, etiam ex Comitibus et
 Baronibus, qui diu intervierunt, tantum quotannis obtineret, sed ur-
 gente Cæsare ut sic fieret, nec diſſuadente illuſtri Domino RUMPHIO,
 Curiae Magiſtro, aut Domino TRAUTSONIO, aulae Mareſchallo, aut
 ullis ex præcipuis, ita deciſum eſt, numeratique mox bis mille floreni 5
 honorarij loco pro introitu. Quin et ut ſtipendium meum ab eo tem-
 pore, quo primum vocatus ſum, inchoaretur, clementiſſime Cæſar in-
 dulſit, utut non citius advenerim, ſiquidem interea nullum alium Do-
 minum agnoſcere et acceptare voluerim. Promiſitque inſuper beni- 10
 gniſſime et perlibenter feudum aliquod pro me et meis, ſecundum Im-
 perij conſuetudinem, hæreditarium, quam primum aliquod in ſuis
 ditionibus vacarit, ut familiae meae poſt me in peregrinis oris conſu-
 leretur. Introductus quidem ſum in ædes Curtianas magnifice ex-
 ſtructas, impenſis maioribus viginti millibus Ioachimicis, arcique vi- 15
 cinas, etiam antequam audientiam (uti loquuntur) habueram, idque
 per prænominatum magnificum Dominum BARVICIUM, Imperij
 ſupremum Secretarium Cæſariſque intimum, qui pene omnia ſolus
 apud ipſum efficit. Verum cum is animadverteret, me eas non admo-
 dum affectare (nolebam enim, ut vidua, quæ eas etiamnum inhabita-
 bat, mea de cauſa emigraret, quodque nimijs viſitationibus obnoxiae 20
 eſſent) ſubiecit, Cæſarem facile aliquam ex ſuis arcibus mihi inhabi-
 tandam conceſſurum, unius vel dimidij || diei itinere ab urbe diſtanti 3v
 (ſi ſic vellem) et iudicavit pro me hoc eſſe commodius, quodque ſeorſim
 degens invidiæ aliorum minus forem obnoxius. Id cum magis arri-
 dere intelligeret, ad Cæſarem rem detulit. Advocatus mox Capitaneus 25
 Brandeiſenſis, qui in tres Cæſarianas arces me deduceret. Prima Bran-
 deiſia, diſtans ab urbe 3 milliaribus, altera Liſſa, 4 remota, tertia Be-
 nachia, quæ 5 milliaribus ſive 6 horarum itinere (eſt enim via plana)
 inde abeſt. Quibus perluiſtratis prætulit hanc Benachiam, in quam pau-
 cis poſt diebus per eundem Capitaneum ſolenniter introductus ſum. 30
 Obtulit etiam Cæſarea Maieſtas ſponte ſua, ſe novum Uraniburgum
 pro me ædificari curaturum, quod Danico illi, in libro quem obtule-
 ram repræſentato, non cederet, iuſſitque Cæſar mihi per BARVICIUM
 hæc verba conſuſionis loco dici: ſi ea, quæ iam deputarat, mihi non
 ſufficerent, et pluribus in poſterum opus haberem, nec ſibi eſſe accur- 35
 tatam manum, nec mihi obturatum os. At ego ſubiectiſſime gratias
 agens, ijs pro tempore acquievi. Extruximus nunc hîc Benachiæ no-
 vum obſervatorium pro omnibus meis inſtrumentis rite et ſeorſim diſ-
 ponendis, ſimulque opportunum laboratorium pro exercitijs Spagyri- 40
 cis, tum quoque alijs, quæcumque voluero, ipſo Cæſare ſumptus beni-
 gniſſime præbente, et quotquot deſideraro artifices mechanicos ſuſten-
 tante, quod in Patria proprijs impenſis faciendum erat, nulla tamen
 reſidua

residua manente gratia pro ijs aut etiam pro longe maioribus. Omnia erant ingrata, nihil fecisse benigne; ideoque ei vale dixi.

Ago vero Deo opt. ter max. ex toto pectore gratias, qui me tam benigne ex istis, quas istic diu multumque fortiter, licet indigne, sustinui, 5 difficultatibus et adversitatibus liberarit imo vindicarit, et mihi meisque rectius in alienis oris prospexerit, ut studia hæc, quæ tanto conamine molior, pacate et commode tractare atque, Deo benedicente, ad exoptatum finem deducere possem in Cæsaris atque Imperij honorem, si- 4^r quidem Dania, Patria mea, hac gloria se ipsam || tam inconsiderate 10 privarit. Sunt hîc egregij et politi homines, virtute et dignitate valentes, qui me favore et amore officiose prosequuntur, egoque vicissim illos, exoptantque, ut diu ante advenissem, quod et ego optarim. Sed obstant Senatusconsulti literæ in Dania mihi statim ab obitu laudatissimæ memoriæ Regis FRIDERICI concessæ et aliter, quam evenit, promittentes, paucorum tamen culpa, indolentibus cæteris viris integris et Patriæ honoris studiosis, meique amantibus. Agasque Deo propitio et 15 ter maximo mecum devote gratias, agantque omnes pij et integri bonarumque scientiarum amantes, quod in hoc augustissimo et laudatissimo Cæsare tam benignum Mecænatem mihi et meis prospexerit, cui æviter- 20 terno Deo sit laus, honor et gloria in secula.

Mitto iam filium meum TYCHONEM cum MULÆO domestico meo in Daniam, ut instrumenta, istic ob magnitudinem relicta, aliasque res meas ante hyemem per Albim asportari faciant, quo etiam nomine Imperatoria Maiestas ad Magistratum tam Magdeburgensem quam 25 Hamburgensem clementer scripsit et Dominus BARVICIUS iussu Cæsaris in Daniam ad Dominum HENRICUM RAMELIUM, Senatorem Regni, quo negotium istud promptius procuret. Dedit etiam ipsius Cæsarea Maiestas ad illustrissimum Electorem Brandenburgicum literas, quibus eum ut MULLERUM Mathematicum suum per unum aut al- 30 terum annum mihi concedat laborum socium (sic enim inter MULLE- RUM et me, cum Witebergæ me inviseret, convenit) rogat. Quin et alias Cæsarea Maiestas, quæcunque in rebus mechanicis vel alijs, ad opus quod molior conducentia, clementissime mihi subministrari iussit, estque præterea benignissimo et Cæsareo favore erga me et meos af- 35 fecta.

Habes nunc, charissime Domine M. ANDREA, rerum mearum histori-
 o-
 l-
 iolam, postquam e Dania concedens primum me in Germaniam, deinde in Bohemiam receperim, ubi etiam benignissime a Cæsare et perhumaniter ab optimis quibusque receptus sum. Cumque Historicis 4^r natura || ipsa semper delectatus sis, existimo et hanc narratiunculam tibi non ingratam fore. Scribitur ob eam, quæ nobis intercedit, notiti-
 am et rerum quoque Astronomicarum communem amorem. Res vero,

uti gesta, narrata est; utinam quævis Historia æque certo sibi constaret. Tu hîc compendiolum et summam quandam excerpe, et in annales sive fastos tuos infer memoriæ causa ad posteros, ut et multi alij in Germania et alibi viri faciunt clari. Et multi insuper, præter literas hac de re mecum agentes, me carminibus onerant, quorum, si tam cito 5 describere licuerit, exempla adiungam, si forte aliqua ex ijs antea per M. CHRISTIERNUM vel aliunde non accepisti. Et si ausus fueris et si vena tua adhuc valeat, uti valere existimem, non saltem carminibus accine, et cumulum aliorum adauge, sed et ea, quæ prosa oratione consignanda in memoriam rei bene gestæ suo tempore non negliges. 10 Dixit ad me, cum in Dania adhuc essem, is qui tibi in Historico officio succedit, se libenter quidem insulæ Hvenæ Epithalamium Historicis proditurum, at Epitaphium non. Scis, quorsum alluditur, et nosti horum verborum primum authorem, sed suo forte damno, non meo. *Der gjør tit en den anden got, alligevell hand mener det ont, och falsk 15 flaar sin egen Herre paa Halß.* Aiebat insuper alter ille Historicus, se excusatum haberi posse, si saltem Epithalamij mentionem faceret, Epicedium præteriret, siquidem prius illud tempore FRIDERICI Regis laudatissimæ memoriæ invenerit, ad cuius usque obitum suas relationes pertexere solummodo sibi iniunctum sit, reliqua non item, uti 20 nec moris est. At tu, cum ab hoc Historico officio, sic volentibus Politicis quibusdam, ex inopinato abruptus sis, licebit tibi privatim, si non publice, utriusque temporis commemorationem pertexere, et tam de Epithalamio, quam de Epitaphio ea, quæ scis et vera esse cognovisti, innuere, modo || non aperte, saltem tacite, et quamvis illa publicare 5^r forsan non dabitur, reserventur ad eos, qui veritatem scire cupiant, sive nostris temporibus sive postea. *Det tærer intet.* Et res forte est maioris momenti quam apud nos æstimatur, rumorque eius iam orbem implevit, mirantibus omnibus cordatis et integris, quod Patriæ honor apud nos neglectus sit. Quare plura non addam, ne me ipsum 30 et studia mea efferre videar. Intelligis ex præmemoratis, charissime M. ANDREA, pleraque responsionis loco ad tuas Witebergæ acceptas scribenda, et quare nec Vraßislaviam, uti suavisti, eundum foret nec Colonias, utrumque a Cæsare nimis distans mihiq; incommodum.

Cæterum quæ de Bruto isto Dithmarsico addidisti, recte a te prolata 35 sunt, carmenque eius putidum, quod misisti, libenter accepi, et certum est, ERICUM LANGIUM per incuriam et imprudentiam, quibus etiam in proprijs negotijs obnoxius est, ansam dedisse, ut tantis calumnijs a tam impura Bestia præter meritum aspergerer, siquidem eum, me inconsulto et invito, in meam secum adduxit insulam. Sed coactus 40 est propterea Magdeburgi sub publico Notario testari id quod verum sciret, contra famosum illud scriptum, licet hoc ipsum etiam ægre faceret,

ceret, relataque sunt omnia in instrumenta, uti vocant, publica, mem-
brana, partim Latine partim Germanice conscripta, ut haberem in
promptu, quibus eum Pragæ convincerem, quando mihi luberet ac-
culacionem instituere, non quidem per meipsum, siquidem illum in-
5 dignum iudico, sed per alium quendam Procuratorem, mea pecunia
conductum; quod et antea facere constitui. Agitur enim de honore et
existimatione mea, quam tueri oportet, etiamsi Pragam non venissem.
Verum iste male sibi conscius paulo post meum acceßum se subduxit,
5^v deserta etiam ibi uxore, quam nuper du-||xerat, infami et adultera (digi-
10 num patella operculum). Verum, cum opportunitas datur, investiganda
erit per opportunitatem, ubi a gravioribus negotijs aliquantulum re-
spiraro, ista Bestia atque in ius, ubicunque latitarit, protrahenda. Quod
etiam mihi non erit difficile, siue Pragæ siue alibi id exequendum fuerit.
Consului hac de re tacite Archiepiscopum Pragensem, virum illustrem
15 et claro genere oriundum, an se conscio famosum hoc scriptum Pragæ
excusum sit, cum eius officij sit in talia animadvertere. At ille se ex-
cusabat, seque infcio factum protestabatur authoremque in ius vocari
voluit et secundum leges puniri, quod et se promoturum addixit. Vide-
bunt aliquando Antesignani Machiavellistici in Dania Coriphæi, quam
20 incaßum seipfos in gratiam magistri sui titillarint, quod tale scriptum
ex IOHANNE AALBURGENSE congratulationis causa acceperint,
atque in suis conviviolis magno applausu, si non potius maiore stultitia,
legerint, tanquam escæ et vini condimenta, utque sic probare possent per
unum scurrile alterum, causas mei disceßus e Dania, quarum quidam
25 ex ijs conscij erant, si non autores et promotores, non incompetenter
administratas esse. Sed viderint et isti et iste. Sequitur sua pœna nocen-
tem, et, Deo prospiciente ac protegente, tandem bona causa triumphat.
Plura nunc non adiungo, ne te nimium molestem. Tuum est etiam
mihi luculenter rescribere, et amicitiam inveteratam literis saltem, si-
30 quidem vix aliter in posterum fieri queat, continuare et conservare.
Vale. Saluta ex me diligenter Ripenses omnes, quos nosti mei amantes,
tum quoque alios in vestra Cimbria, et de rebus meis, modo scire cu-
6^r piverint, instrue, ut omnes Deo propitio et omni-||potenti mecum gra-
tias agatis, quod ex tot difficultatibus et adversitatibus, quas in patria
35 immerito sustinui, tam provide et benigne eripuerit et vindicarit, cui
soli honor et laus in sæcula. Iamque, mi amantißime Domine M. AN-
DREA cum tota tua domo, salutata a me coniuge et liberis, quibus
prodesse, quantum potero, semper satagam, iterum vale.

40 Dabantur Benachixæ properanti calamo in arce Cæsariana in Bo-
hemia die 18. Septembr. Anno 1599.

Tui amantißimus TYCHO BRAHE,
manu propria.

Non vacabat relegere. Ipsemet dispicias.

[Ex

[Ex apographo in Archivo Regni Daniæ: Diplomatario Langebekii]

TYCHO BRAHE AD CHRISTIANUM LONGOMONTANUM.

S.



ILIUS TYCHO, quem nunc cum MULÆO in Daniam pro adferendis residuis instrumentis (sic volente Cæsare) mitto te locium tertium ijs adiungere, atque in expediendis pro me rebus adiutor esse poteris, eos in Daniam, inque insulam isthinc desertam comitari et cum ijs, Deo volente, revertentibus me eodem curru accedere, nam et sic rem gratam præstiteris, utpote cum sciam te in instrumentis maioribus componendis et conservandis, atque in ijs, quæ huc mechanice efficienda sunt, solertem esse, eaque rite præordinare posse, tum quoque urgere, ut sine temporis iactura omnia mature et recte conficiantur. Scripsit iussu Cæsaris magnif. Dominus BARVICIUS supremus Imperij Secretarius, Cæsaris intimus, imo apud ipsum factotum, uti loquuntur, ad Dominum HENRICUM RAMELIUM, ut Astronomicarum rerum, quasunque ibi residuas habuero, evectionem promoveat, et ego pariter || ad aulæ Magistrum hac de re literas dedi etc.

IOHANNEM MULLERUM Mathematicum Electoris Brandeburgici brevi huc venturum expecto, nam cum sponte mihi suam operam, Wittebergam ante meum disceßum isthinc transiens, obtulerit, si modo cum Principis sui bona venia id fieri possit, impetravi, ut Cæsarea Maiestas hoc nomine ad Electorem Brandeburgicum scriberet (sic enim inter MULLERUM et me convenit) quarum etiam literarum exemplar inter alia apud filium videbis. Est is, præter ingenium disciplinarum Mathematicarum capax, in Mechanicis huc facientibus non infeliciter versatus. Aderit etiam forte mihi Landgravianus olim Mathematicus CHRISTOPHORUS ROTHMANNUS, quem obijße existimavimus, sed ex nuperis eius ad ROLLENHAGIUM literis ipsius manum cognovi, et adhuc in vivis esse perlubenter intellexi, ut sic dupliciter mentita sit sine omni pudore Ursina ista et Dithmarfica Bestia in suo famoso scripto, cum de me, quod ob facinus aliquod non leve, absque omni dubio perpetratum, e Dania eruptionem fecerim, vanissimo et impudentissimo ore fingat, sic illum nescio quibus || morbis (pudet enim referre) infectum et confectum, qui tamen adhuc vivit et mediocriter bene habet, futiliter blaterat. Scripsi hisce diebus eidem ROTHMANNO, atque eum ad me, si per valetudinem liceret, invitavi. Quin et M. DAVID FABRICIUS Cest-Frisius, qui apprime his disciplinis delectatur, quem etiam tu, cum Wandelburgi apud me esset, novisti, tam ut mihi a privatis concionibus

concionibus sit, quam ut se collaboratorem, prout a me instructus fuit,
 horum studiorum præbeat, ut existimo, adveniet. Duos quoque stu-
 diosos in triangulis et calculo versatos, sic per IOSTELIUM nostrum
 expetentes, Witteberga acciri curo, habiturus postmodum plures, prout
 5 opus fuerit. Accedent forte ultro et alij. Nam scholam Astronomicam,
 multorumque in eadem operas, favente cœlestium Opifice, Cæsare cle-
 mentissime subsidia largiente, de novo erigere constitui; cuius usus-
 fructus ad posteritatem omnem, uti spero, perseverabit, in Dei fabricæ
 cœlestis authoris gloriam, et Cæsaris nunquam intermorituram me-
 10 moriam et laudabilem famam; atque ne nos etiam frustra extitiſſe ta-
 lentumque divinitus conceſſum abscondidiſſe ac tempus preciosissimum
 inutiliter, ut nimis multi, quod dolendum est, faciunt, contriviſſe videamur.
 20 Exop-||tarem primo quoque tempore quaterniones pauculos, qui
 in Tomo Progymnasmatum nostrorum primo desiderantur, labore ty-
 15 pographico compleri, siquidem ea, quæ incuria Hamburgensis typo-
 graphi perdidit, usui, scis, esse nequeunt, nec Wittebergæ ea recudere
 ob causam tibi notam placuerit. Inveniemus facile rationem, ubi simul
 fuerimus, qua obstaculis, quoad nunc fieri potest, succurratur, ut liber
 is brevi in lucem prodire possit. Cogita enim quanto non solum meo
 20 damno tot exemplaria tam diu mecum reservo, sed et quam aliorum
 desiderio minus, dum publicatio differtur, satiffacio. Poterit etiam mox
 subsequi prima pars secundi Tomi, quæ de Cometa Anni 77 nunc cum
 Apologijs huc pertinentibus luculenter agit, donec altera pars reliquo-
 rum Cometarum a nobis observatorum descriptiones complectens
 25 (quarum fundamenta in promptu sunt) subiungatur. Eclipsis Solis in
 Iulio huius Anni circa ortum visa meis instrumentis, Pragæ quoque
 in turricula veteris Collegij observata est per IOHANNEM meum
 Hamburgensem, adstantibus alijs, deprehensusque est Sol, cum eleva-
 retur 2 gradibus, deficientibus saltem totidem minutis, quasi unum di-
 30 gitum de limbo versus Septentrionem inclina-||to, interventu ¶ amissiſſe,
 et postea succeſſive rotunditatem acquisiviſſe consuetam. Elevatur au-
 tem Pragæ polus, ut ipsemet, dum ibi morarer, tam ex Sole quam stellis
 observavi, partibus quinquaginta m. $4\frac{1}{2}$, sed hîc Benachix est partium
 5 m. 16, in tantum fumus hîc Praga septentrionaliores, nonnihil tamen
 35 ad ortum versus Silesiam, ita ut Gorlicium duorum saltem dierum iti-
 nere hinc removeatur, dispositi, et axis cœlestium revolutionum 6 pene
 gradibus hîc minus elevata, pauloque rectiorem præbens sphæram,
 quam in Danico nostro Uraniburgo, ad observationes cœlestes ali-
 quanto magis conducit.
 40 Cæterum de fera ista Dithmarsica nimis effera et bruta, ut aliqua
 subiungam, licet indigna sit, cuius recordetur, scias, istam ante aliquot
 septimanas, prout nuper rescivi, Praga se subdixiſſe, sive male sibi con-
 scia,

scia, et quod iustas pœnas per leges formidaret, sive quod aliud sinu suo latenter, more suo, ruminans. Sed investiganda tamen suo tempore per otium atque in ius protrahenda et punienda, quod etiam optimi quique Pragæ suadent. Verum de isto calumniatore et vitiatore impuden-||tissimo hîc satis. Cætera ipsemet apud iudicem experietur. Restat, 3v
ut scribendi finem faciam, cum plura non vacet, sum enim scribendis non saltem in Daniam sed et hinc inde ad notos et amicos plurimis literis (cumuli partem residuam filius ostendet) quam occupatissimus, 10
ideoque et hæc festinanti calamo ad te exarata boni consulas atque desiderijs nostris tuoque commodo morem gere. Videbis hîc locum amoenissimum, in edito et saluberrimo aëre situm. Vale. Dabantur Venetijs Bohemorum, sic enim arcis huius nomen vernacula gentis lingua interpretatur, ipso die Æquinoctij autumnalis 99.

Tui amantiß.

TYCHO BRAHE,
manu propria.

15

[Ex apographo in Archivo Regni Daniæ: Diplomatario Langebekii]

TYCHO BRAHE AD DANIELEM CRAMERUM.

S.

1r



ESCRIPSI tibi, clarissime et eruditissime Domine Doctor CRAMERE, paulo antequam Witeberga discederem, quas te accepiße reor. De meis autem rebus, postquam inde abiens in Bohemiam ex clementissimo mandato et evocatione augustissimi Imperatoris me contulerim, 25
quia nimis longum foret hîc sigillatim omnia enarrare, iussi describi exemplum nuperarum ad OLIGERUM ROSÆKRANTZ-
ZIUM nostrum a me datarum, quæ historiolum quandam eorum, quæ mihi hîc evenerunt, continent, cuius te facio participem. Inde per circumstantias omnia hauries; cum enim tam arcta sit inter OLIGERUM 30
et te amicitia, is, quod descriptum suarum literarum tibi communicem (secretum tamen habendum, nec nisi secretis amicis ostendendum) minime ægre laturus est. Quare de meis negotijs nihil hîc addo, solummodo Deo immortalis gratias ago. Agasque tu et omnes pij probique mecum, quod omnia bene et ex voto successerint. 35

Cæterum est aliud te non minima ex parte concernens, quod te non cælandum duxi. Cum Witebergæ essem, acceßerat eo Danus quidam studiosus mihi familiariter notus, BARTOLDUS IVARI MULÆUS dictus, qui cum Barone quodam Svetico STENONE BIELCHE meo consanguineo acceßerat, cumque per aliquot dies ibi mecum conver- 40
sarentur,

farentur, accidit, ut STENO ille DUNCANI Scoti mentionem faceret, ambo enim illi Helmſtadij ſtudiorum cauſa, unde etiam venerant, ali-
† quamdiu fuere. Ego mox ſubijciens plagium eius in me eidem Baroni, ||
17 præſente BARTHOLDO illo, aperui, cumque miraretur et quali ſub-
5 hæſitaret, produxi tuas litteras ad OLIGERUM ROSÆKRANTZIUM
prolixe ea de re ſcriptas iſſque legendas dedi. Neſcio vero quĩ factum
ſit, quod, dum in alterum diem eas ſecum ſervaret Danicus ille ſtudio-
ſus, ſibiipſi exemplum inde tacite exaravit, quod, cum Helmſtadium
veniſſet, Scotulo iſti monſtravit. Quomodo autem is acceperit, ex ipſius
10 BARTOLDI literis, quas ante paucos dies naſtus ſum, verbotenus re-
feram. » *Deinde quoad Doct̃oris CRAMERI literas, eas DUNCANO
exhibui, reticens tamen unde perceperim. Ibi homo cœpit impieta-
tem miſelli aſini (ſic enim criminabatur) adeo culp̃are, ut eundem
ingratiſſimum erga præceptorem cuculum vocitaret, ſimulque ſe*
15 *Magnif. tuæ excuſans, meque ad ordinem lectionum, quem hiſce
adiunxi, remittens, ubi honeſtiſſimam veſtri mentionem feciſſe glo-
riabatur*«. Hæc ille. Quæ vero inſinuat de ordine prælectionum im-
preſo unâque tranſmiſo, e quibus iſthic verbis DUNCANUS ſe pur-
gare præſumit, ea ſub titulo Philoſophicarum prælectionum ſic habent:
20 » *DUNCANUS LIDDELIUS Scotus D. publice proponit doctrinam
ſinum et triangulorum, qua abſoluta, aggredietur theorias Plane-
tarum, ſecundum hypotheſin PTOLEMÆI et COPERNICI et illam
mundani ſyſtematis hypotheſin, quam deſcribit TYCHO BRAHE
lib. 2 de æthereis Phænomenis.*« Iſta iſte, egregia ſane et honeſtiſſima
25 de me mentio, imo vulpeculæ potius dolus; cum enim ſibi conſcius ſit,
27 ſe meas hypothe-||ſes ſibi apud alios clam venditaſſe, et ſic plagium com-
miſiſſe, cum publice non audeat idem facere, neque meas eſſe fateri
vult, ne contradicat iſs, quæ prius commentus eſt, ideoque generaliter
et aſtute loquendo, dicit ſaltem eas hypotheſes, quas ego libro illo ſe-
30 cundo deſcribo; poteſt enim aliquis etiam ab alio inventa deſcribere,
nec ob id ſua eſſe. Eadem vaſtritiæ uſus eſt in thematibus quibuſdam
anno 95 Helmſtadij editis, ubi inter Parerga Mathematica (ſic enim
vocat et recte, nam vere Parerga tractat, et de re inperſpecta nugatur)
propoſitione ſecunda ſic habet: » *Cum tres diſcrepantes hypotheſes*
35 *ſint, quibus apparentiæ cœleſtes ſolvuntur et explicantur, quarum
una eſt PTOLEMÆI, altera COPERNICI, tertia eſt illa, cuius me-
minit TYCHO BRAHE lib. de Cometa anni 77, dubitatur, an ali-
qua ex hiſ omnibus diverſa dari poſſit, deinde quænam harum ap-
parentijs magis congruat.*« Vide quam ſibi ſimilis et hîc et iſtic, idque
40 ob eandem, quam dixi, cauſam; o! aſtutule et naſutule Scotule. At non
† ſatis recordatur, uti oportebat mendacem memorem eſſe. In intima-
tione, quam Decanus Facultatis Medicæ in Academia Iulia FRAN-

CISCUS PARCOVIUS, sub quo LIDDELIUS in Doctorem promovit, . . . hæc verba, se conscio et forte etiam præscribente, inserta esse, publiceque edita et affixa, quæ postquam LIDDELIJ mentionem, utinam tam veram quam pompasam, fecisset, sic proloquitur: »*Quod enim ad Matthesin attinet, non solum in veterum hypothesi bene versatus est, sed et recentiore laboriosam et operosam COPERNICI hypothesin* || *optime novit*«, in qua quicquid consecutus sum, ipsi debere me ingenue fateor. Quin et aliam novam hypothesin, quam publice et privatim docuit, licet alterius nomine usurpetur, adinvenit, cuius rei multi eius discipuli clarissimum ei dant testimonium. Sed addo descriptum totius intimationis; misissem impreßum exemplar, sed cum unicum saltem habeam, eo carere nequeo. Annon ibi satis aperte proditur DUNCANUM mea inventa sibi arrogare? Neque enim excusare se potest, quod se inscio hæc a suo promotore ascripta sint; vel si sic, cur non inficiatus est atque se invito factum protestatus? cur se sic alienis plumis ornari cornicula ista passa est? Sed dispiciemus suo tempore Deo volente de his latius. Interea huius pusilli Scoti arrogantiam et insolentiam ex alto despiciemus. Si in viros cordatos et eruditos atque ipso longe meliores scurriliter debacchari et mea de causa eos misellos a finos ingratisimisque cuculos vocitare, quod veritatem quæsit non sub ticeant, perrexerit, efficiam ut publice plagij accusatus et convictus secundum ius luat, id est infamis fiat, nec amplius irriter crabrones. Tu interim pro te, quæ vera et iusta nosti, meditare atque consigna, et si lubuerit, in uno vel altero quaternione in publicum ede, tui meique defensionis gratia, ut habeat iste biliosus Scotulus, quod ipsum mordeat atque remordeat, si possit, donec illi occludatur os. Si Doctor NICOLAUS CRAGIUS, in Dania Historicus, quem nosti, velit aperte fateri, quæ hac de re novit, quod eum etiam libenter facturum spero, non longa erit disputatio, || an LIDDELIUS istas hypotheses a me didicerit, an vero ego ab illo. Absidebat enim mensæ in arce olim Uraniburgica idem Doctor, cum hæc hypotheses LIDDELIO, cui nunquam tale quid antea, ne per somnium quidem, in mentem venerat, aperui. Quin et ipsi Doctori NICOLAO, ob sinceram inter nos amicitiam, iam diu antea designationem earundem hypothesium in patenti charta, prout a me sedulo expetierat, concesseram, uti ipsemet non invite fatebitur, et quod omnium maxime rem arguit, ipsæ Liddelianæ ad me datæ literæ ipsiusque manu scriptæ, fraudem et plagium eius testabuntur. Verum de istulo nunc satis. Tu quid tui sit officij, facile absque me monitore nosti.

Carmina quædam in mei gratiam a varijs conscripta addam, si ea denuo exarare tempus permiserit, sin minus, habebis alias. Interea tu etiam aliqua ulterius pro tua arguta vena meditare, et Cæsaris in me
atque

atque ea quæ tracto studia clementissimam benignitatem collauda. Vale atque brevi rescribe. Dabantur ex arce Cæsarea Benachia sive Venetijs Bohemorum Anno 99 die 26. Septembris stylo renovato.

Alter plagiarius et Mastiges meus impurissima fera Ditmarsica ante
 5 paucas hebdomadas Praga se [subduxit], deserta uxore, quam nuper
 duxerat, uti perhibent meretricula, sive quod male sibi conscius esset,
 et poenas secundum leges metueret, quas etiam vix effugiet, sive quod
 3v alibi latitando nova ruminetur mendacia novasque calumnias, pro sta-
 10 biliendis prioribus, || uti fieri solet, sicque decuplo pluribus opus erit,
 sed obstruetur et illi, Deo volente, os, ita ut mallet facta infecta esse.

[Ex apographo in codice Monacensi Bibl. Univ. 693 in 2°]

TYCHO BRAHE AD IOSEPHUM
 SCALIGERUM.

S.

143r

15

20

25

30

35



ROMISERAM Illustris et Excellentissime vir, amice ho-
 norandissime, in ultimis, quas ad te dedi, antequam
 Witteberga abirem, me, ubi in Bohemiam venissem et
 Cæsareæ Maiestatis, Domini nostri Clementissimi, vo-
 luntatem humilime cognovissem, te de statu mearum
 rerum certiores redditurum, quod et ipsemet pro bene-
 vola tua erga me affectione fieri expetivisti, ut eo promptius invicem
 literas commutare, atque de arduis illis et coelestibus rebus iucunde
 ulterius conferre posimus. Licet vero hactenus tuæ expectationi meæ-
 que pollicitationi satisfactum non sit, hac migratione in oras prius ig-
 25 notas et ob res meas disponendas atque de novo quasi constituendas
 inquietudine, ocij commoditatem interturbante, nulla tamen tui,
 meique in te officij oblivione id factum esse, persuasum habeas velim,
 imo iam antea te persuasum habere confido. Exponam igitur nunc
 brevibus ea, quæ me relaturum addixeram.

Witteberga disceßi statim post Solstitium æstivum huius anni, neque
 enim antea licuit, partim ob libros quosdam denuo isthic describendos,
 quos Cæsareæ Maiestati destinaram, partim ob filiæ natu maioris in-
 valetudinem. Ubi vero Pragam circa initia Iulij venissem, a Cæsarea
 Maiestate clementissime accitus et auditus, moxque in ipsius Maiestatis
 35 Clientem benignissime receptus sum, salario annuo mihi deputato 3000
 hîc usitatorum florenorum, unâ cum quibusdam accidentarijs, quæ
 alios millenos attingunt, et simul ab ipsius Maiest. clementissime in-
 dultum, ut salarium hoc ab eo tempore, quo ex Holsatia huc iturus di-
 greßus sum, mihi numeretur. Feudum quoque, ut familiæ meæ rectius

in hisce peregrinis oris post me consulatur, clementissime addictum. Arx Cæsareana 5 miliaribus Praga remota, et in edito atque amœno loco sita, ad inhabitandum concessa, cum in Urbe semper degere minus commodum foret. Attamen et ibi promissæ ædes, quas ab ipsius Maie-
 5 state clementissime vocatus, aut sponte accedens, incolere atque possi-
 dere queam. Quin et ipsius Maiestas obtulit, se aliquando, data loci et
 temporis opportunitate, novum Uraniburgum, quod Danico illi non
 cedat, pro me meisque Instrumentis ædificari curaturam. Interim in
 hac arce, quæ Benachia sive Venetiæ Bohemorum appellatur, quam
 ipsemet inter tres alias elegi, structuræ non incommodæ pro ipsdē
 10 apparantur, unâ cum Laboratorio Spagyrico, sumtibus Cæsareanis. In
 hunc modum et hac eximia clementia ab ipsius Maiestate hoc primo
 ingressu acceptatus sum; uberiora evenissent, si horum temporum diffi-
 cultates non obstitissent. Interea tamen ipsius Maiest. sic mihi conclu-
 sionis loco per intimum Confiliarium suum et supremum || Secretarium, 143^v
 Magnificum Dominum BARVITIUM, amicum meum honorandum,
 dici voluit, si hæc non sufficerent atque ulterius quid desiderarem, nec
 sibi esse accurtatam manum, nec mihi obturatum os. Huic igitur Cæ-
 sareæ Maiestatis benignissimæ voluntati subiectissime acquiescens, et
 in posterum meliora sperans, meam operam in hisce studijs excolendis
 20 et illustrandis in ipsius Maiestatis atque Imperij honorem per unum
 atque alterum annum addixi, interea experturus, quid res meæ ferre
 possint, ut earum etiam indemnitati consulatur, atque liberis meis de-
 center prospiciatur, utque simul ipsius Maiestas probet, quid in hac
 parte Dei beneficio in ipsius Maiestatis gratiam præstare queam, re
 25 ipsa pro se loquente et aliorum minus forte candide sentientium mur-
 mura atque invidiam, quibus virtus semper obnoxia fuit, nullatenus
 extimescente. Fuere quidem nonnulli, et forte etiam in posterum (ut
 fieri solet) ex Confiliarijs erunt, qui Cæsaris erga me novitium et pere-
 grinum (uti censebant) liberalitatem invite tulerunt, attamen eius Ma-
 30 iestatis et aliorum inter eosdem benignius sentientium iudicio acqui-
 escendum erat et acquiescunt, uti spero etiam in posterum. Quod si
 aliqui ulterius quid moverint, et Cæsaris animum, quem hætenus be-
 nignissimum sensi, a me et meis studijs abalienarint (terrent enim et
 circumspiciorem reddunt, quæ in Patria mea præter omne meum
 35 meritum et aliorum expectationem contigerunt) quod tamen facile
 futurum ob constantem eius et Heroicam naturam non crediderim,
 hinc re sic urgente alio rursus transire minus grave erit, quam Patriam
 Daniam, totque in ea amicos et consanguineos, unâ cum sumptuoso
 nostro Uraniburgo deferere. Nec tamen hinc facile abibo, sed apud
 40 hunc optimum Imperatorem, qui horum studiorum, uti et multorum
 alias liberalium, laudabiliter et intelligens et amans est, potius per-
 durabo,

durabo, eique subiectissime pro virili inserviam atque obtemperabo, quamdiu id absque meo et meorum damno fieri potest, et ea quæ ad dicta sunt, non denegata aut ab alijs impedita fuerint; præsertim vero, si feudo mihi clementissime promisso mature provifum fuerit, quem-

5 admodum erga ipsius Cæsaream Maiestatem tam hac in parte, quam alijs, quod me benignissime fovere, et Cæsareo suo favore clementissime complecti dignabitur, spem haud indubiam concepi. Deus Optimus Maximus faxit, ut omnia exoptatos eventus fortiantur.

Iamque de rebus meis te satis edoctum esse opinor. Expecto itaque

10 per primam quamque occasionem a te literas de ijs, quæ prius inter nos mota sunt, ulterius differentes. Ne vero hæ ipsæ nihil Astronomici

144^r sapiant, subiungam, || insolitum quid de ♀ stella a Nobili et Magnifico Domino IOHANNE GEORGIO HERUUARTO ab Hohenburg, Serenissimis Baviariæ Ducibus a consilijs et Statuum istinc Provincialium

15 Cancellario, viro eximio et rerum Mathematicarum excellenter perito, mihi, cum primum Pragam venissem, per literas propositum. Scripsit is, se apud veterem quendam Poëtam Romanum legisse, ♀^{ris} stellam circa initium 4^{ti} anni ante CHRISTUM natum, cum Eöa esset, coelitus non apparuisse. Quod equidem summi miraculi loco ducerem, si res prorsus

20 indubia esset. Existimavit quidem optimus ille vir, interventu stellæ ☿ij, per eclipsationem quandam id evenire potuisse. Verum ego rescribendo rationes insinuavi, quibus id non concedendum ostendi, is vero ipsdem acquievit. Si quid eiusmodi apud veteres authores, quorum sedulus es scrutator, perspexisti, de eo me commonefacias quæso. Astra ulla

25 mundo coæva unquam revera abolita fuisse et postea redijse, non crediderim. Nam quæ de Electra in excidio Troiæ occultata Poëtæ referunt, prorsus fabulosa sunt, uti et hoc, quod stellam polarem ab expugnata Constantinopoli disparuisse, quidam inverecunde nugatus est. At nova aliquando in ipso cælo prodire corpora, quæ postea successive

30 dissolvantur, recens illa stella circa finem anni 1572 Dionysiaci, prope Cassiopeiam exorta, quæ per integrum annum et trientem, antequam plane consumeretur, duravit, et in octava, quam vocant sphaera, veluti luculenter a nobis, peculiari de hac volumine, demonstratum est, indubitate constitit, evidens nostro ævo præbuit testimonium, cui etiam

35 Cometæ adstipulantur, quos ego 7 inde a dicta nova diligentissime meis instrumentis observavi, quos omnes in ætherea regione versatos esse, atque isthic curriculum suum absolvisse, citra hæitationem ullam deprehendi et apodictice demonstravi, ut ob id omnino persuasum habeam, omnes omnium temporum Cometas plane cœlestes fuisse, et in

40 posterum etiam futuros, nihil obstante, quod Peripatetica Philosophia hîc, uti et in multis alijs, tot seculorum decursu, aliter docuerit, sicque credulis ingenijs impofuerit. Sed Epistolæ limites non ferunt, ut prolixius

lixius nunc de his aut præstantioribus ad rem Astronomicam facientibus tecum agam. Fiet id, favente cœlesti Numine, suo tempore (præsertim si prævenieris atque iterum occasionem præbueris) oportunius et copiosius. Vale quam diutissime et felicissime. Dabantur Benachiaë die 24. Octobris stylo novo Anni 1599.

5

[E codice Bononiensi Archivi *Malvezzi dei Medici*; cf. Io. Ant. Magini *Tabulæ Primi Mobilis* (Venetiis 1604) foll. 85—86] †

IOHANNES ANTONIUS MAGINUS AD TYCHONEM BRAHE.



LTIMA Bacanalium die fuit ad me Dominus FRANCISCUSTENGNALIUS, nobilis iuvenis, omnique virtute ornatissimus, et talis qualis a te mihi descriptus fuit, qui deferendo ad me tuas literas unâ cum munere tui libelli de machinis Astronomicis et de restitutione stellarum fixarum adeo mentem meam gaudio affecit, ut nescirem quo me continerem, sed hæc mea lætitia aliquantum remissa fuit, quando intellexi, ipsum discedurum esse sequenti mane Florentiam versus, nec posse mihi hîc referre ea quæ ipsi secreto, ut mecum communicaret, imposuisti, qui tamen mihi promisit se hoc facturum post suum reditum Bononiæ circiter dimidium Quadragesimæ, sed frustra per totam Quadragesimam a me expectatus fuit, imo et totam æstatem, cum toto hoc tempore Florentiæ et Romæ commoratus sit. Quin et ego quoque die 15^a Maij me Mantuam traduxi vocatus a Serenissimo Duce Mantuæ, ut Principes eius filios in Mathematicis erudirem; ubi permansi tota æstate, nec Bononiæ redire potui ante primum Novembris, tempore scilicet novi studij. In hoc autem meo reditu inveni literas Domini FRANCISCI tui, quibus me commonefecit se quam primum velle Bononiæ redire, ut mihi exponere posset tuum desiderium, quod post duos dies fecit, relinquens mihi simul quædam scripta pro instructione dicti negocij. Valde profecto mihi grata fuit hæc occasio tibi gratificandi, et plus quam credi possit, quod eventus rei ipsius Deo volente tibi clare declarabit, neque enim nunc verbis hoc tibi indicare studebo, sed effectibus ipsis me facturum reservo; habeo enim qui hanc provinciam libentissime suscipiet, qui mihi inprimis devotissimus est, et habeo etiam plures literatos amicos per totam Italiam, qui et mihi et huic || omne auxilium præstabunt.

Plura ad te scribere deberem, nisi improvifus reditus Domini FRANCISCI et maturus discessus eius obstarent; præsertim cum multis curis et molestijs familiaribus nunc afficiar. Nolo tamen prætermittere, quin te

te subnixae et instantissime rogem, ut mihi gratissime communices Tabulas motuum luminarium a te editas et forsitan publicatas unâ cum eius usu pro his temporibus; cupio enim primus omnium Ephemerides condere novas secundum tuas observationes et interim, dum alias tabulas absolves, potero ego supputare motus luminarium in eclipsibus et insuper figuras ingressus Solis in puncta cardinalia erigere et lunationes omnes perpendere, et ex his iudicia annua contexere; nam pro hoc negotio sufficiet calculus reliquorum planetarum iuxta usitatam rationem COPERNICI.

De meo statu certior fies a Domino FRANCISCO tuo, scilicet me esse perturbationibus onustum, qua de causa finem huic epistolae facio, rogans te efficaciter ut haec omnia in bonam feras partem, meque ut verum et sincerum amicum et devotissimum servum habeas. Deum optimum deprecor, ut tuis votis satisfaciât plene. Vale.

Bononia 4 Novembris 1599.

Perillustri Dominationi tuae
addictissimus

IO. ANTONIUS MAGINUS,
Patavinus.

20† [E codice Hauniensi Ant. Coll. Reg. 317 in 2°]

DAVID FABRICIUS AD TYCHONEM BRAHE.



ONA quoque venia tui indicare volui, quod in quibusdam stellis paulo diversae distantiae per calculum dentur, a distantijs in libro Epistolarum annotatis, ut dist. Aldeb. et dext. hum. Orion. in lib. Epistolarum datur 2l. 23, quae tamen per calculum ex datis longit. et latit. Tyconicis provenit 2l. 26 proxime. Humeri utriusque ibi ponitur distantia 7. 30½, quae tamen per calculum 7. 32 proxime provenit. Sic etiam in quibusdam alijs, per quae an calculatorum errore vel Typographiae vitio fiant, vel quod aliter post distantiae illae inventae sint, me latet. Quaesio ut T. M. per repetitum calculum haec experiri dignetur. Ego hac occasione has paucas distantias per calculum inquisivi, quod sextantem meum ad illas et alias etiam accommodare et verificare constituerim. Quia tamen saepe menda Typographica in numeris facile committuntur (ut in libro Epistolarum, ubi fol. 52 alt. mer. sin. hu. Orio. ponitur 40. 59, quae tamen 39 esse debet, idque vitio Typog. commissum) ideo videre volui prius, an convenient distantijs calculi, quod si fieret, dubium nullum esset, vitio Typographico illas carere. Si forte haec, quae indicavi me per meas sinuum tabulas ex datis long. et lat.

lat. Tychonicis adinvenisse, per repetitum abs T. Mag. calculum ita quoque (quod puto) invenientur, indicare non penitebit, ne alijs momis aliquando vel minima etiam carpendi tua occasio daretur. Candido et simplici animo licet T. M. scribo, non aliter, ac si res meæ propriæ, de quibus scribo, eßent. Cupio autem de his latitudinum et distantiarum discrepantijs T. M. enodationem audire. 5

[Ex apographo Hauniensi excerpt. Langebek. 179; cf. apographum manu scriptum in fine exempli Hauniensis P. J. Resenii *Inscriptionum Hafniensium* (Hauniæ 1668)]

TYCHO BRAHE AD IOH. G. HERWARTUM.



OBILIS et Magnifice vir, amice plurimum honorande, 1^r
utrasque tuas, eodem tenore ad me datas, unâ cum Catalogo Bibliothecæ Serenissimorum Principum Bavariae, recte quidem et satis mature accepi; erantque ea omnia mihi longe gratissima et singularem tuum atque sincerum
et benevolum erga me affectum liquido ostendebant. Verum 15
quod tardius respondeam quam debebam, mihi invito ob occupationes varias incidentes evenit. Acceperam tuas, cum in scribendis quam plurimis, tam in Daniam quam hinc inde in Germaniam literis, per filium natu maiorem dirigendis, quem ex Clementissima Cæs. Mai. Domini nostri clementissimi voluntate in Patriam pro adferendis residuis instrumentis, ablegavi, eram occupatissimus; cumque is unâ secum haberet literas Cæsareæ Maiestatis ad Magistratum Magdeburgensem, quibus clementissime rogabantur, ut quædam ex instrumentis meis Astronomicis, simulque Bibliothecam et meam supellectilem isthic relictam, huc per Albim in Bohemiam transvehi curarent, sperabam id 25
intra tres vel quatuor septimanas confici posse, ideoque ubi libri mei advenissent, me promptius quosnam haberem vel desiderarem ex ijs, qui in Catalogo transmissio memorantur, perspecturum mecum statuebam, tum quoque nonnulla inter res nostras librarias et chartas inventurum, quibus tuis desiderijs pro tempore rectius satisficerem, ideoque rescriptionem nonnihil data opera procrastinavi, existimans illud tritum locum sic inventurum, 30

Differ, habent parvæ commoda magna moræ. †

Verum præter omnem expectationem accidit, ut Magdeburgenses subterfugia quædam in literis Cæsareanis invenientes, de rerum mearum huc transportatione aliquamdiu hæsitarent, tandemque id officij prorsus detrectarint, ut neceße habuerit amicus quidam meus Magdeburgi, cui hoc negotium concredideram, mihi Magistratus illius loci tergiversationem 35

tergiverſationem indicare, miſſo huc proprio tabellario, quem mox in
 aulam Cæſareanam cum literis Magnifico Domino BARVITIO hæc
 ſignificantibus amandavi. Is vero alias a Cæſarea Maieſtate Magde-
 burgenſibus denuo ſcriptas hiſce diebus mihi retulit, quibus ſignifican-
 5 tius et magis ſerio ijs mandatur, ut ſuis ſumptibus in gratiam Cæſareæ
 Ma^{tiſ} hanc operam præſtent, quæ literæ ijs nunc adportantur. At quo-
 niam Albiſ admodum declivis, imo quibuſdam in locis vadofus eſt, ob
 diuturnam quæ anteceſſit ſiccitatem, ignoro, quam cito id fieri poſſit,
 ideo reſponſionem ad tuam epiſtolam non diutius protrahendam cen-
 10 ſeo, præſertim cum ante biduum a prædicto Magnif. Domino BAR-
 VITIO, communi noſtro amico, omni honore digniſſimo, per literas
 de reſcriptione maturanda rogatus ſim. Taceo nunc quod et alia inci-
 derint non pauca, quæ præter voluntatem in reſpondendo me tardi-
 orem reddiderunt. Præterquam enim quod plurimis curis tam dome-
 15 ſticis, quam in ſtructuris pro novo Obſervatorio atque Laboratorio ex
 Cæſareæ Ma^{tiſ} clementiſſimo permiſſu, adornandis et urgendis indies
 diſtinerer, acceſſit et hoc, quod contagia luiſ epidemicæ arci Benachię
 appropinquantia Gynæceum meum (cum ſexu ille alias natura ſit
 timidiuſculus) ita terruerint ut precibus eiſ auſcultans, huc in aliam
 20 arcem Cæſareanam Giſſitzam prope Albim tribus milliaribus Praga
 diſtantiſ ſecedere cum tota familia conſultiuſ duxerim, quæ transmi-
 gratio non parum otij mihi ad ſcribendum præripuit. Hiſ itaque et
 alijs de cauſis (nolo enim nunc ſingula referre) cum factum ſit, ut no-
 lens volens reſcriptione hucuſque ſuperſedere neceſſe habuerim, ſpero
 25 me apud te pro eo, quo prædituſ eſ, animi candore, excuſationem et
 veniam reperturum, quod tuæ expectationi non priuſ morem geſſerim,
 ideoque hæc purgationis loco, eo latiuſ præfari volui.

Nunc ad litteras tuas, et quæ ſimul miſſæ ſunt, venio, quibus hæc
 pro temporis occasione reſpondenda incidunt. Quæ ab initio attingiſ
 30 de Sacræ Cæſ. Ma^{tiſ} clementiſſimo erga me favore et ſtudiorum meo-
 rum benigniſſima promotione, ita futurum, animum tibi præſagijſſe,
 veridicuſ id equidem genius tibi ſuggeſſit. Nam ipſiuſ Ma^{tem} non ſaltem
 Cæſareum ſed et paternum (modo ſic loqui liceat) erga me gerere af-
 ſectum, vel inde liquet, quod nuper biſ per prænominatum Mag. Do-
 35 minum BARVITIUM ad vicinuſ mihi Dominum Capitaneum Bran-
 deiſenſem, de me clementiſſime perſcribi mandavit, non ſaltem quoad
 ea, quæ ſalarium mihi benigniſſime deputatum, ubi et quando obti-
 nendum concernunt, ſed et inſuper ſignificari, ipſiuſ Cæſaream Ma^{tem}
 proprio motu de me clementiſſime ſollicitam eſſe, ob pericula luiſ Epi-
 40 demicæ, quæ Benachię invaluerunt, ideoque clementiſſime concedere,
 1^v ut alio me reciperem, ¶ aut etiam Viennam uſque, ſi ſic lubuerit, pro-
 ficifcerer, ubi de habitatione commoda et neceſſarijs ipſiuſ Maieſtas
 mihi

mihi tempestive et clementissime prospicere vellet. Quæ sane benignissimam et non vulgarem Cæf. Mat^{is} erga me affectionem haud obscure declarant; quod etiam subiectissimo animo quam gratissime accipio, et dabo operam, adiuvante Numine cœlesti, ut ea quæ ipsius Matⁱ vicissim clementissime accepta et honorifica esse poterint, pro virili quoad vixero humillime et obsequentissime præstem. Licet vero iter Viennense ob longinquitatem et negotia mea necdum Benachia recte composita, modeste et humiliter excusarim (quod et ipsius Matⁱ non displicuisse postea intellexi) tamen, uti dictum est, huc Girsitzam secedere non inconsultum duxi. Unde Benachiam subinde excurrere, atque structuras isthic pro me inchoatas urgere, quantum per me licet, non intermitto.

Quod de Patria mea mox subiungis, te non mirari, eam me neglexisse, cum ita fieri soleat, ego sane mea de causa nihil inde afficior, cum ibi esse Patriam, ubi bene et commode vivitur, censeam. Sed potius ipsius Patriæ causa doleo, quæ propterea apud cordatiores male audit, et audiet forsan diutius, quam nonnulli in ea huius mutationis machinatores prævidere aut credere potuerunt. Ut vero rectius perspicias, quam graves habuerim emigrationis huius causas, mitto fasciculum litterarum, eas per circumstantias exponentium, inter quas aliquæ sunt, occasionem, cur in Cæsareæ Mat^{is} ditionem transire maluerim, ostendentes. Casum vero hunc iamdudum a me prævisum fuisse, liber noster Epistolarum (quem te ad manus habere, ex prioribus tuis intellexi) innuere poterit, pagina 198 iuxta calcem et in principio sequentis. Cumque prævisa tela minus feriant, ego hanc sortis meæ vicissitudinem, utut hac invalescente ætate, et in tanta familiæ copia gravem, patientius et fortius fero. Addidi simul carmina quædam selecta ex quam plurimis in meam gratiam, postquam Dania exceßi, a varijs hinc inde Poëtis concinnata; exspecto brevi plura, tum ab illustri Domino IOSEPHO SCALIGERO et Poëtarum nostri seculi antesignano, PAULO MELISSO, tum quoque alijs claris in Italia et Germania ac vicinis Regnis, vatibus; si qui in vestra Bavaria aut propinqua Augusta Vindelicorum sunt (uti esse non dubito) qui de Heliconis fontibus suaviter venas acuerunt, da operam ut numerum adaugeant. Fieri enim potest, ut aliquando ubi in mediocrem libellum excreverint, ea publicari sinam; ita tamen ut Patria et Rex virique in ea integri, quibus invitis talia mihi contigerunt, excusabiles sint. Duo ultima Epigrammata, cum sæpe dictus Magnif. Dominus BARVITIUS Cæsareæ Matⁱ nomine meo humillime ostendisset, quærendo an liceret ianuæ utrique novi Observatorij et Laboratorij marmori incisa imponere, ipsius Mat^{as} clementissime annuit atque sic fieri iussit. Quando otium a gravioribus occupationibus tibi fuerit, poteris et hæc et priora discessum meum e Dania attingentia, obiter perlustrare tibi que reservare.

Sed

Sed his minus forte huc pertinentibus omiſis, venio nunc ad ea, quæ Mathematica et Aſtronomica ſunt, in quibus noſtra utrinque verſatur voluptas. Quod in dubio illo de ♀ ſtella a ☿ non ecliplata rationibus meis acquieveris, bene eſt, addo prioribus et hanc. Non in omni conjunctione ☿ et ♀ ipſius ſtellam infra hanc eſſe, ſed nonnunquam etiam ſupra, ſic poſtulantibus non ſaltem meis novis hypotheſibus, quæ Terræ quietem ſtabiliunt, ſed et Coperniceis mobilitatem eidem vel invitæ obtrudentibus. Quæ de motu Solis et Lunæ in prioribus innui, quæque a te ſolenter et circumſpecte inibi expenſa placuiſſe video, ita omnino ſe habere apparentiæ demonſtrant, maioremque ineſſe Lunæ motui varietatem, quam haſtenus perſpectum eſt, convincunt. Recte ſane de veterum obſervationibus cenſuram profers, eas craſſa quadam Minerva acceptas eſſe, quam enim lata indagine ipſa fixarum loca, e quibus Planetarum obſervationes dependent, denotârint, inde patet quod non ſaltem ultra ſextam gradus partem haud fuerint ſolliciti, ſed ne hanc quidem ubique attigerint, immo nonnunquam vix ſemiſem, prodentibus id etiamnum ſtellarum diſtantijs, quæ invariatae permanent ipſorum numeris non accordantibus. Quid igitur, || quæſo, in cæteris ſubtiliori indagini obnoxijſ præſtare potuerint? Quare non iniuria dubitas de obliquatione Signiferi ab HIPPARCHO et PTOLEMÆO iuxta ERATHOSTENIS placitum retenta, atque hinc occaſionem ſatis ingenioſe invenis, cur PTOLEMÆUS (æ latitudinem maximam tertia gradus parte in □^{turis} minorem, quam a nobis deprehenſa eſt, ſtatuerit. Atque hæc iamdudum penitius introſpicienti mihi, dum latitudines fixarum, pro ratione variationis obliquitatis Eclipticæ alteratas eſſe deprehendo, quemadmodum Tomo I Progymnaſmatum

† Aſtronom. e noſtris c. 2 luculenter demonſtro, attendi quod applicata inclinatione Eclipticæ maxima, quam ipſemet aliquoties accuratiſſime adinveni P. 23 M. 31½ ad eas ſtellarum declinationes, quas TIMOCHARES, HIPPARCHUS et PTOLEMÆUS recensuerunt, prodire eandem quam proxime latitudinem, quam etiam nunc habere deprehenduntur, alias non. Ex his itaque et ſimilibus ſuſpicari non immerito licet, non tam revera mutatam eſſe obliquitatem Signiferi, quam a veteribus illis, intra tertiam gradus partem non ſatis præciſe determinatam. Ut vero inter plura exempla, dicto libro allegata, unum vel alterum huc advocem, primum id probant utræque ſtellæ illuſtres in capitibus ♀, Caſtor et Pollux dictæ, quæ paulo ante Tropicum æſtivum veterum illorum temporibus verſabantur, nunc autem eundem dimidio quaſi ſigno prætergreſſæ ſunt, ut ob id promptior ex his detur investigationis ratio; adhibita enim declinatione, quam ijs PTOLEMÆUS e TIMOCHARIS, HIPPARCHI et ſua animadverſione attribuit, et longitudine earundem ad illorum veterum tempora ſimul rite diſpoſita, deprehenduntur

deprehenduntur ambæ per Triangulorum demonstrata latitudinem
obtinuisse 18 vel 19 M. minorem ea quam nunc cœlum ipsum ostendit,
quod vel mutatae obliquitati Eclipticæ ascribendum, aut eandem tunc
fuisse, quæ nunc est, statuendum, nulla erit in latitudine sensibilis diffe- 5
rentia, unde antiquos illos per tertiam gradus partem angulum obli-
quationis Eclipticæ ad Æquatorem nimium auxisse convincetur. Id-
ipsum quoque secundo minori negotio patet ex lucida Vulturis volantis
stella, quam TIMOCHARES, HIPPARCHUS et PTOLEMÆUS una-
nimiter prodiderunt declinare ab Æquatore versus Boream P. 5 $\frac{5}{8}$, quod
illa stella eorum temporibus quam proxime esset quoad longitudinem 10
Tropico hiberno, ideoque declinationem insensibiliter variare. Addita
itaque declinatione eorum maxima provenit stellæ latitudo P. 29 M. 40,
nec enim moror quod PTOLEMÆI erroneus abacus circa hanc contra
propria assumpta, uti et sæpe alias, eum etiam frustra imitantibus neo-
tericis, admisit, quæ omnino excedit eam quam illa ipsa stella nunc 15
cœlitus exhibet, tertia fere gradus parte, quantum videlicet dubia apud
veteres obliquatio requirit, nostra vero si applicetur, eadem manebit
latitudo tam olim quam nunc. Accedit et hoc (si Planetas in consilium
adhibere lubuerit) quod ♂^{tis} stellæ latitudo maxima versus Boream
huic inductioni adstipuletur, cuius limitem Boreum penes Apogæum 20
in 25 $\frac{1}{2}$ G. ☉ PTOLEMÆUS constituit, et latitudinem hinc fecit P. 4 $\frac{1}{2}$.
At nos Apogæum eius nunc versari in P. 23 $\frac{1}{2}$ ♄ (5 G. COPERNICI †
opinionem antè) exacte adinvenimus et limitem Boreum præcedere
6 $\frac{1}{2}$ G., latitudinem vero Boream, quando ibi Soli opponitur, esse P. 4
M. 35, quæ quarta gradus parte PTOLEMÆI tradita exuperat, quan- 25
tum etiam minor Eclipticæ inclinatio quamproxime ijs in locis requirit.
Licet ut dicam, quod res est, in cæteris duobus superioribus Planetis
idipsum non pariter quadret, quorum limitem Boreæ latitudinis maxi-
mæ PTOLEMÆUS circa ♄ initia esse voluit, ubi error inclinationis
Eclipticæ insensibilis fere evadit; cumque is latitudinem maximam 30
Boream statuerit in ♄ P. 3 M. 6, nos non maiorem deprehendere potui-
mus P. 2 M. 49 $\frac{1}{2}$, quæ ab illo deficit paulo plus 4^{ta} gradus parte, et pa-
riter in ♄ latitudo maxima Borea ab illo insinuata est P. 2 M. 5, quam †
nos saltem partis I Min. 39 $\frac{1}{2}$ aßecuti sumus, ita ut 25 Min. omnino de-
ficient, quæ discrimina in utroque hoc Planeta per incertam Eclipticæ 35
ad Æquatorem inclinationem excusari nequeunt, siquidem non longe
a concursu utriusque circuli eveniant. Adde et hoc, limitem Boreæ
latitudinis ♄, quem PTOLEMÆUS 50 G. Apogæo eius anteriorem
credidit, || nunc ab Apogæo, quod hæret in 26 G. ♄ Coperniceo 3 $\frac{1}{2}$ antè 2^v
anterius distare in antecedentia P. 65 $\frac{1}{2}$, sic quoque in ♄, ubi is Boreum 40
latitudinis terminum 20 G. Apogæo ulteriorem tradidit, nunc eodem
3 solummodo Gradibus posterior a me adinventus. Occupat enim hoc
tempore

tempore Apogæum 4 3 G. Ω , et COPERNICI mente quaternis ferme
† antèrius est; limes autem Boreus in 6 Ω G. expleto consistit. Quomodo
hæc, de quibus etiam nonnulla in antecedentibus meis generali indica-
tione attigi, cum PTOLEMÆI placitis concilianda sint, non satis liquet,
5 sive erroneæ fuerint ipsius observationes (nam de nostris subtilissime
trutinatis nihil ambigo) sive quod revera talis latitudinibus et limitibus
earundem mutatio subrepperit. Unde etiam patet, nodos horum Pla-
netarum et terminos digressionis ab Ecliptica maximæ Apogæorum
motui non obtemperare, uti hætenus creditum est, quodque nimis in-
10 confiderate magnus alias superioris ævi Astronomus COPERNICUS,
PTOLEMÆI traditionibus, citra propriam experientiam, in his, uti
etiam plerisque alijs, acquieverit, ideoque non mirum, latitudines Pla-
netarum longe aliter ab ipso cælo exhiberi, quam ipsius fert numeratio.
Verum non opus est hoc de Eclipticæ obliquatione dubium tam longin-
15 que petere atque in libellam expendere, siquidem Artificum observa-
tiones, qui post PTOLEMÆUM vixerunt, in eadem determinanda
nostræ inventioni citra admodum sensibile discrimen adstipulentur.
ALBATEGNIJ certe PTOLEMÆO et nobis ferme intermedijs tradita
inducant, ante 700 annos obliquitatem hanc maximam vix 4½ scrupulis,
20† et ASRAELIS Hispani, 200 fere annis post, saltem 2½ nostra animad-
versione maiorem fuisse, quod non nisi maximis instrumentis percepti-
bile est, qualibus illi vix usi sunt, et per parallaxin Solis ab ijs neglectam
quodammodo in uno vel sesquialtero minuto excusari potest, PRO-
PHATIO Iudæo adhuc paulo post, alijs 200 annis ab ASRAELE ean-
25 dem nobiscum intra dimidium minutum ante 300 retro annos constitu-
ente, siquidem is forte maiori et exactiori usus sit organo et parallaxin
† Solis præcaverit. Ex quibus omnibus satis probabiliter colligitur, vix
aliquam subesse sensibilem obliquationi huic mutationem. Mirum au-
tem videri posset ab ARISTARCHO, qui saltem 40 circiter annis ab
30 obitu ALEXANDRI Magni floruit, usque ad PTOLEMÆUM [qui]
460 ab eodem abfuit, per intermedios ERATOSTHENEM et HIPPAR-
CHUM, plane eandem permanisse Eclipticæ summam obliquationem,
quam illi intervallo maiore 400 unanimiter annis prodiderunt P. 23
M. 51½, nunc vero inde ab ALBATEGNIO ad nos per 700 annos intra
35 3 Min. (tantillulum enim ALBATEGNIJ a nostra inventione solum-
modo differt, si parallaxin adhibuisset) eandem permanere, veterum
illorum annotatis quasi tertia gradus parte minorem, quod suspicio-
nem movet PTOLEMÆUM et HIPPARCHUM, prout tu etiam vis,
antecedentium autoritate nimium confisos fuisse, ideoque similia pro
40 libitu admisisse. Quod vero recentiores utpote PURBACHIUS, RE-
GIOMONTANUS, WERNERUS et ipse quoque COPERNICUS ean-
dem 4 proxime scrupulis nostra minorem reddiderint, ob refractionem
Solis

Solis in decliviori situ brumali, quæ ad 8 vel 9 M. excrefcere potest et tantundem Solis altitudinem meridianam iusto maiorem reddere (quod pro dimidia parte declinationem maximam ex utroque Tropico petitam nimis coarctat) ab ipsis non prævisam, hic error commiffus est; quin et observatæ distantia \odot ^{is} a vertice Noribergæ, tam a REGIOMONTANO quam eius discipulo WALTHERO ante 100 circiter annos factæ, si tam parallaxis quam refractio Solis ijs rite applicentur, convincunt, eandem intra $\frac{1}{2}$ M. fuiſſe tunc declinationem Solis maximam respectu Æquatoris, cum ea quam nos observavimus. Sic quoque promotionem fixarum stellarum non adeo irregularem eſſe exiſtimo, prout COPERNICUS ex veterum minus ratis observationibus, cum ſuis et illis etiam non ſatis accuratis collatione facta, per Æquinoctiorum intricatam anticipationem inducere et excuſare allaboravit. Si enim observata in ſtellis HIPPARCHI (neglectis PTOLEMÆI dubijs annotatis) per intermedianem ALBATEGNIUM, qui in his accuratior erat, ad noſtra inventa deduxerimus, eas in annis ab HIPPARCHO ad ALBATEGNIUM 1006 P. 14 M. 15 confeciſſe, ab hoc vero ad nos interiectis annis 705 decem præciſe gradus abſolviſſe conſtabit. Unde eas in toto hoc inter-ſtitio, utrobique etiam ſubſumpto, confeciſſe in $70\frac{1}{2}$ annis 1 G. et ſingulis $51''$ æquali et ordinario progreſſu conſequens erit. Quare ſuſpicio non iniuria moveri poterit, PTOLEMÆI tradita æſtimative ſolummodo aſſumpta eſſe, ut centenis annis imitatione quorundam anteceſſorum, quos temporis paucitas et observationum incertitudo ſefellit, 1 G. motui fixarum aſcriberet. Pari inſuper ratione anni inæqualitatem non tam enormem et variam eſſe, qualis ab eodem COPERNICO nobis obtruſa, cenſeo, refragantibus vel hoc ipſo ſeculo, ut de antiquis illis nunc nihil dicam REGIOMONTANI et WALTHERI observationibus, cum noſtris in trutinam vocatis, quæ anni quantitatem ultra dies ſuos et horas 5 non plane 49 Min. attingere probant, cum tamen iuxta COPERNICUM 6 M. et ultra maior foret, quod per continuam aggregationem efficit, illum in Æquinoctiorum temporibus intolerabiliter hallucinari, adeo ut nunc vernale $14\frac{1}{2}$ horis, id eſt ultra dimidium diem iuſto plus prolonget, qui error adeo ſœcundus eſt, ut poſt 100 annos ipſum integrum diem et tres inſuper horas in Æquinoctio verno conſtituendo nimium habere neceſſarium evadat. Et ſi ab HIPPARCHO per ALBATEGNIUM uſque ad REGIOMONTANUM et nos derivetur anni quantitas ſibi fere ſimilis, nec adeo enormis, uti putavit COPERNICUS, cognoscetur, ſolo PTOLEMÆO negotium (undecunque tandem in hunc errorem prolapſus) omne inturbante, nec ipſo COPERNICO Solis motiones ipſi cœlo conſonas rite applicante, cuius derivationis occaſiones prædicto Progymn. libro c. 1 aperuimus. Hinc inſuper adducor, ut de eccentricitate Solis a

PTOLEMÆO

PTOLEMÆO hucusque tantopere mutata ambigam, liquidem ea quam is unâ cum HIPPARCHO retinuit P. $2\frac{1}{2}$ qualium semidiameter eccentrici est 60, ea postea ab ALBATEGNIO et ASRAELE pariter inventa sit P. solummodo earundem 2 et M. 5, quæ a nostra exactissima
 5 designatione P. 2 M. 9 non magnopere deficit, et res sane est subtilissimæ inquisitionis, ut non mirum sit, in tribus vel quatuor scrupulis hîc discordare vel Lynceo oculatiores Astronomos, quæ omnia tuæ gravissimæ et politissimæ censuræ expendenda discernendaque subijcio. Ex quibus etiam singulis liquidissime constat, te non frustra de veterum
 10 diligentia in talibus administrandis dubitare et nostræ quoque hac in parte hæsitati non inconvenienter subscribere. Animadverti et ego illos harmoniam quandam e numeris et proportionibus Pythagoreis (uti existimo) quæsiuisse, atque eidem nimis secure acquieviisse; quicunque apparentijs exacte consona sic tradiderit, erit mihi magnus APOLLO, id autem posterius investigandum. Sed hoc opus hic labor est, neque enim dubium, Deum universi autorem omnia etiam in cœlestibus harmonice condidisse, quemadmodum in homine $\mu\kappa\rho\sigma\kappa\acute{o}\sigma\mu\varphi$ et tota inferiori natura intelligente apparet.

Tabulas nostras de motu luminarium seorsim quidem, quam pri-
 20 mum fieri licuerit, imprimi curabo, ac cæteris Planetis, in quibus adhuc nonnulla elaborabo, præmittam, sed non libenter nudos numeros absque observationum et demonstrationum robore emitto. Volo enim mea rata et demonstrata esse, ne quis merito relinquatur dubitationi aut oblocutioni locus, ero tamen in his ab initio parcius et saltem maxime
 25 necessaria promam. Cætera in magnum illud Astronomiæ, quod molior Theatrum, si per Dei benignitatem et Cæsaris subsidia id absolvere licuerit, reservaturus, ubi singula tam quoad observationes quam Geometrica et Arithmetica ad hanc divinam artem facientia luculenter pertexere animus est. Interim tibi ea libentissime, quæ Eclipsium calculum respiciunt, quatenus hucusque a me elaborata sunt, communi-
 30 carem, verum pauca ex ijs hîc mecum habeo. Sunt præcipua apud supellectilem meam librariam Magdeburgi relictam, si quæ forte a meis studiosis huc asportata sunt, pro quotidiano eorum usu de ijs mox Benachia, ubi ea quæ Witebergâ mecum assumpsi, adhuc custodiuntur,
 35 inquiri faciam, et quæ inventa fuerint hisce addam, quamvis non omnia ita expolita atque ad extremam limam adhuc deducta sint, prout requiritur, et alias inchoata ac manuscripta habeo, licet nunc ad manus non sint. Fefellit me Typographus quidam Hamburgensis, interea dum in Bohemiam tendens isthac Dresdam ante annum eo, et quaterniones
 40 de motu ζ^{∞} in Progymnasmatibus meis desideratos corrupit maleque imprebit, dumque postea per hybernium otium hunc laborem Witebergæ renovari tentarem, apud eius loci Typographos fidelitatem et diligentiam

tiam requisitam neque reperi, moxque a Cæsarea Ma^{te} huc clementissime vocatus, isthic inchoata abrumpere coactus sum, accedentibus et quibuldam alijs, quæ mihi remoras inie-||cerunt, impedimentis. 3^v
 Quamprimum autem omnia plenius absoluta fuerint, quod ut primo quoque tempore fiat enitar, tecum non invite live impreßa live manu- 5
 scripta communicabo, non dubitans quin ea, quæ privata fuerint et necdum publici iuris facta, tibi et soli concredita, sis reservaturus. Neque sane opus fuisse, tanta hac in parte protestatione et obligatione, cum tibi alias, licet de facie ignoto, fama tamen etiam hisce inter nos ventilatis disputationibus, satis perspecto, fidam, atque id quod tua me- 10
 retur virtus, tribuere non averfer. In Epochis, quæ requiris, si cætera invenero, adiungam, ut ad Ptolemaica tempora vel etiam antrorsum per aliquot secula nostræ restitutiones utrinque applicari possint, donec pleniora et exactiora a me nactus fueris, quatenus veterum lato modo sumptæ animadversiones, quod et ipse haud inconsiderate fateris, id 15
 patiuntur. His interea utere.

Adhortaris ut mea opera Astronomica maturem, quod et per Europam, quam late Christianismus patet, multi excellentes viri adhortati sunt, et etiamnum adhortantur, quin et ego admodum invitus hanc moram fero. Absum iam a Patria, ubi studia mea conturbabantur, fere 20
 per triennium, nec ante requiem optatam pro ijs invenire licuit, quam nunc concedente eam Clementissimo Cæsare nostro, cumque ego solus tanto oneri observationum et supputationum non sufficiam, habeo nunc saltem mecum 3 vel 4 studiosos, quorum opera hac in re utor, cum antea in Dania, dum regnum Urania incolume atque arx inclyta 25
 starent, 10 vel 12 hac de causa sustentare solitus fuerim. Spero autem, ubi Cæsar Dominus noster clementissimus rei molem penitus introspexerit, quod adhuc benignius auxiliatrices manus clementissime porrecturus sit, nec veteri illi ALPHONSO, utut tantæ impensæ non requirantur, cessurus, et nihilominus solidiora (absit invidia dicto) pro- 30
 moturus.

Lubenter intellexi te in compendijs Triangulorum per solas prosthæreses in numeros resolvendorum, gnaviter versatum esse. Hanc ingeniosam et utilissimam inquisitionem ante annos fere 20 enucleandam suscepi e RHETICI Dialogo, quem integræ Tabulæ Triangulo- 35
 rum ad sextantes graduum solummodo a se supputatæ subiunxit. Occasionem nactus sum, dum compendia calculi Geometrici et Astronomici quærenda esse monet, ut citra tabulas Astronomicas æquationum live prosthæresium e solis medijs motibus vera Planetarum loca promptius eruantur, quod cum per tædiolas multiplicationes et divi- 40
 siones fieri nequaquam posset, hac alia postea a nobis fructuose reperta ingrediendum erat via, cui etiam WERNERUS in libello de motu octavæ

octavæ Sphæræ aliqualem præbuit anſam; poſtea ſuperveniente me-
que in Dania Uraniburgi anno 80 per 4 meſes invifente PAULO
WITICHIO bonæ memoriæ, excellenti Mathematico Vratiflavienſi,
qui talibus etiam (a me Witebergæ dum iſtic olim tranſieram admoni-
tus) interea infudaverat, cum illo communicata opera, ea ipſa lucu-
lentiora reddidi et ſemper exinde in uſu habui, quo ſtudioſis meis, ob-
ſervationes noſtras in numeros redigentibus, temporis et laboris diſ-
pendium minueretur. WITICHIVS autem a me diſcedens et poſt-
modum illuſtriſſimum, laudatiſſimæ memoriæ Haſiæ Landgravium
WILHELMUM accedens, tam inſtrumentorum meorum confectionem
iſtic expoſuit, quam Automatopæo Principis IUSTO BYRGIO,
mechanico eximio, hæc Triangulorum myſteria propalavit, a quo qui-
dam ſcurrilis Sycophanta (cuius ſi quod eſt ingenium, turpiſſime ha-
bitat, quem ut hîc nominetur indignum cenſeo, qualis conviciator et
calumniator ſit, alias teſtatum relicturus) illa habuit, ſive conſenſu,
ſive dolo, non dixerim, et poſtea pro ſuis Argentinæ, cum alijs qui-
buſdam hinc inde corraſis, manca tamen et mutila publicavit. Unde
occaſionem naſtus, ſed iſti immerito tribuens excellentiſſimus ille Ma-
thematicus CHRISTOPHORUS CLAVIVS ea erudiſſimo ſuo de
Aſtrolabio volumini inferuit, atque ſuo quodam modo adauxit, circa
Sphærica tamen et Rectangula, quantum video, ſolummodo occupa-
tus, quæ noſtræ intentioni nequaquam ſufficiunt. Laboravit optimæ
recordationis Dominus IACOBUS CURTIUS, præcedens Imperij
Procancellarius, vir omni laude maior, et horum ſtudioſorum apprime
amans et intelligens (quem utinam fata nobis diutius reſervarent) la-
boravit, inquam, ut hæc non ſaltem ad obliquangula Sphærica ſed et
Triangulis quibuſdam planis adaptaret. Verum in hoc poſteriore, uti
audio, id quod voluit, non omnino aſecutus eſt, ſive laboris tædio præ-
peditus, avocantibus eum graviſſimis officiij tam ampli in tanta Rep.
occupationibus, ſive etiam morte immatu-||ra præventus. Cum Witte-
bergæ ſuperiori hyeme aliquandiu hærerem et Typographicos labores
non ex animi ſententia ſuccedere animadverterem, reſumpſi hanc
operam in manus, et adhibito iſtic præſtanti Mathematicum Profeſſore
MELCHIORE ICESTELIO, ea omnia, quæ tam Sphærica, quam plana
Triangula reſpiciunt, quæcunque in uſum cadunt Aſtronomicum et
Geographicum, per ſolas proſtaphæreſes dinumeranda compendioſe
in ordinem redigi effeci, ita ut nihil fere ulterius in his nunc deſiderari
queat, quæ etiam ſuo tempore in communem horum ſtudioſorum utili-
tatem et promotionem publici iuris fieri procurabo, quin et antea, ſi
ſic expetieris, te eorundem non illibenter participem reddam, cum
omne bonum ſit communicabile, præſertim dignis te in tuis, quæ in
promptu habes, ſimilibus inventis, par pari relaturum (vident enim
ſæpe

ſæpe plus oculi quam oculus) confido; ſi prævenieris, eo magis eoque citius me ad id præſtandum inſtigaveris. ||


[Libros, quos ſereniſſimis et illuſtriſſimis Principibus veſtris et etiam +50^r tibi deſtinavi, necdum mittere conceditur, exemplaria enim Mechanicæ noſtræ Aſtronomiæ, quæ pictori Pragenſi illuminanda, uti vocant, com- 5 miſi, nec adhuc recepi, non enim de ijs periculoso iſto tempore ſollicite quærere lubuit; cæteri in hac rerum mearum irrequietudine, et necdum ſatis compoſito ſtatu, non tam cito ac vellem conſcribi potuerunt, ſed fiet id nihilominus, Deo volente, per primam quamque oportunitatem, ſiquidem omne promiſſum cadat in debitum. Quod tam bene- +10 vole Catalogum librorum Mathematicorum, qui in Principum iſthic Bibliotheca inſtructiſſima inveniuntur, mecum communicaveris, teque de ijs, quos expediero, certiore reddi cupieris, quas poſſum gratias ago maximas. Res enim hæc mihi acceptiſſima eſt, cum talibus impenſe oblecter. Et licet plurimi ex ijs arriferint, ſelegi tamen ſolummodo inde 15 50, quos in adiuncta ſcheda denotatos vides, inter eos etiam ſunt Hæbraici libri poſtea mihi a te inſinuati. Si hos omnes per primam quamque occaſionem ad me miſeris, rem apprime gratam feceris, reſtituam cunctos bona fide ad præſinitum a me tempus, et ſi ſex illos, quos unâ conſignavi e Catalogo Nundinarum Francofurdenſium excerptos, || 20 ſimul appoſueris, actutum pretium indicatum ſolvam atque remittam. 50^v

Incidit mihi et quippiam aliud, poſtquam vidi tecum libere et libera- liter de hac re literaria mecum agere. Memini cum in iuventute Au- guſtæ Vindelicorum vobis vicina urbe per biennium ferme verſarer atque in horto Domini PAULI HENTZELIJ Conſulis bonæ recorda- 25 tionis obſervationibus cœleſtibus per Quadrantem maximum a centro ad circumferentiam 21 pedes habentem ibi a nobis exſtructum ſubinde invigilarem, inter alia] intellexiſſe, illuſtres et generoſos Dominos FUG- 4^r GEROS in ampliſſima ſua Bibliotheca excellentes quosdam libros, tam in alio quam hoc genere artium reſervare, quorum tamen inſpiciendo- 30 rum copia, tunc, nescio ob quæ impedimenta, data non eſt, atque inter alios percepi, laborioſiſſimi illius et eximij viri CYPRIANI LEOVITIJ Bohemi, laudatæ recordationis, nonnulla manuſcripta opera a vidua poſt obitum eius conquiſita ibidemque detineri, qualia ſunt Epheme- 35 rides, per centenos aliquot annos e Calculo ALPHONSINO ad denos ſaltem dies ab ipſo continuatæ et aliæ e COPERNICEIS ab anno 1500 incipientes (quouſque durent, iam non ſuccurrit) tum quoque eiufdem CYPRIANI Tabulæ directionum reſolutæ, in quibus aſcenſiones obli- quæ ad octavum latitudinis gradum utrinque ab Ecliptica dilatatæ ſunt. [Habui etiam præ manibus magnum opus de Genethliaca Aſtologia, 50^v quod an abſolverit et ad FUGGEROS pervenerit, ignoro. Si hæc et + ſimilia præſtantiſſimi huius viri manuſcripta et nondum evulgata opera mihi,

- mihi, ut ea pauculis diebus per otium introspeciam (neque enim in re Astronomica instauranda, et ijs quæ ego molior, quidpiam ufui esse poterint, cum sint, uti scis, vulgaria) modo non propria saltem Sere-
 nißimorum Principum vestrorum, quibus ea Respublica FUGGERIque
 5 ipsi plurimum merito tribuunt, auctoritate et clementißima interceßi-
 one procuraveris, dißimulato tamen meo, si sic consultum duxeris, no-
 mine, officium inprimis acceptum feceris, restituam quosunque nactus
 fuero inviolatos, ad præstitutum diem, et si simul indicem omnium li-
 brorum, qui in splendida ea Bibliotheca habentur, præsertim Mathe-
 10 maticorum et Philosophorum, nancisci potuero, erit id mihi eo accep-
 tius.
- 51^r Plura nunc non adiungo, ne te nimium || uno tempore detineam at-
 que fatigem. Verum ut hæc, quæ nunc in buccam venerunt, boni con-
 sulas, officiose et peramanter rogo, et si me, uti spem facis, aliquando
 15 invisere non degravatus fueris, advenies non saltem hospes longe ex-
 optatißimus, sed amicus intimus quovis officij genere pro meo modulo
 excipiendus. Dum modo per Cæsarem licuerit, et commoditas ali-
 quando sese obtulerit, ut eas oras ingrediar, te etiam Monachij coram
 alloqui non superfedebō, quin et alias quæcunque a me proficisci po-
 20 terint officia, quam lubentißime offero, teque cum tota domo quam
 optime et diutißime valere ex animo precor.]
- 4^r Dabantur properanti calamo ex arce Cæsareana Girsitz 16. die
 Novembris stylo renovato Anno 1599.

† [E codice Vindobonensi lat. 10702]

157^v ERUDITISSIMO ET PRÆSTANTISSIMO
 VIRO DOMINO IOANNI KEPLERO, MATHEMATICO
 EXIMIO, NUNC IN STIRIA VEL AUSTRIA DE-
 GENTI, AMICO SUO IMPRIMIS DILECTO.

- 155^r  XOPTATISSIMAS et eruditißimas tuas literas, Vir Doc-
 30 tißime, et ob eximias ingenij tui dotes, licet de facie mihi
 necdum cognite, plurimum tamen dilecte, accepi præ-
 cedenti æstate Wittebergæ, paulo antequam inde disce-
 derem, cum in procinctu essem itineris Bohemici. Ideo-
 que tum ijs respondendi nulla dabatur opportunitas, uti
 35 neque postea usque in hoc tempus ob rerum mearum vicissitudinem
 et novum earundem in locis peregrinis apparatus. Nactus autem iam
 aliquantulum otij unâ cum mittendi ad te meas commoditate, non
 diutius rescriptione superfedendum arbitratus sum. Quæ ab initio de
 maleferiato isto URSO tui purgandi causa prolixè commemoras, non
 26* equidem

equidem tot verbis et tam exquisita declaratione indiguisent, cum ipsemet alias te satis excusatum habeam, nihilque tibi imputem, quod is literas tuas, et eas quidem, uti nunc ex te percipio, mutilatas et depravatas, sui ornandi causa (nam sic forte opus habuit) isti quod evulgavit scurrili et maledico scripto, te infcio et invito, inferuerit. De Hypothesibus meis ab illo præreptis et pro suis venditatis, non tanta est quæstio, nisi in isto inverecondo et figmentis atque calumnijs scatente libro honorem et existimationem meam, imo patriam, profapiam, domum honestissimam, impudentissimis et scelestissimis mendacijs, scurrili et vesano calamo arrodere et, quantum in ipso est, defamare, atque talia in publicum typis spargere non erubuit, cum tamen ipsemet fateatur in præfatione, me bene esse de illo meritum, et adest mihi carmen quoddam ipsius, licet infusa (uti solet) vena effutitum, propriaque eius manu scriptum, quo mihi gratias agit, quod non saltem per plusculos dies, cum aliquando Uraniburgi apud me esset, cibo et potu illum largiter aluerim, sed et insuper discedenti pecunias dederim. En qualem pro his atque alijs refert gratiam! Occasionem sumpsit horum convitiis, quod in primo nostro Tomo Epistolarum Astronomicarum extet CHRISTOPHORI ROTHMANNI Mathematici Landgraviani Epistola, in qua URSUM istum impurum vocat nebulonem, qualis enim esset, in aula sui Principis, ipsa experientia iam edoctus, tum quoque relatione aliorum ex ijs locis, ubi antea vixerat. Ego vero in alia quadam ad dictum ROTHMANNUM Epistola, id saltem mimetice refero et simul insinuo, quo dolo quædam ex meis clanculum subtraxerat, quorum nonnulla recepi, quæ etiamnum ipsius manu (quam negare non potest) exarata penes me sunt, et sane si mihi otium a gravioribus studiis tunc superfuisset, Epistolas illas, dum typis nostris excudebantur, quoad singula contenta revidendi, non passus fuisset, librum illum a me editum istius efferi et putidi URSI nomine conspurcari, non quod eiusmodi adiuncto epitheto indignus cenferi posset, aut ulla illi, secundum hominum consueta iudicia loquendo, sic fieret iniuria, prout non saltem ROTHMANNUS, sed etiam multi alij, qui eum satis novere, perspectum habent. Verum quia non libenter in meis scriptis ullius vitam et mores, qualescunque sint, perstringo, unde etiam in Epistola Magnifici Domini IACOBI CURTIJ optimæ memoriæ postea Wandelsburgi a me Libro de Mechanica Astronomia subiuncta, nomen istius omisi, utut dictus Dominus IACOBUS CURTIUS eum diserte appellaret et plagiarium meum insuper intitularet. Sed accidit, ut dum studiosis quibusdam ex meis hunc laborem corrigendi operas typographicas in isto Epistolarum libro concredidisset, atque illis originalia, prout manuscripta erant, tradidisset, illi nihil immutandum duxerint, neque me magis serijs distentum interpellare ausi sint, ideoque omnia, prout autographa

grapha habebant, imprimi permiserint, sicque incuria quadam factum est, quod ipsius nomen cum epithetis apposis isthic retentum sit. An vero hæc sufficiens et iusta satis sit causa, tam supra omnem modum vesana malitia, in me et meos, adeoque patriam ipsam debacchandi, brevis dispiciemus. Potuisset equidem de iniuria, si qua foret sibi illata, conqueri, atque hanc licitis medijs amoliri, non autem ex effræni vindictæ cupiditate, tam impotenti animo furere, omniaque longe deteriora reddere. Neque tamen est || cur existimes, quod in istum nugatorem sim commotior, quam meæ conditiones admittant, ut tu (candido tamen animo) inferis, non enim Cæsaris ira (uti quidam etiam ad me perscriptum) dignum arbitror. At quoniam contra ius et fas, contraque laudatissimas Imperij Constitutiones me scripto plus quam famoso præter omnem veritatem et meritum meum dehonestare perfrecta fronte conatus est, iure cum ipso agi curabo, atque secundum leges reprimi et castigari. Subduxit is se Praga in Silesiam paulo post meum isthuc accedum, sed nuper, uti rescivi, tacite redijt, forte quod ibi me non amplius esse intellexerat, at quam longæ mihi sint manus, etiam si præsto non sim, brevi in Aresto detentus, et postea in iudicium protractus sentiet. Quoniam vero intelligo ex tuis, te spurcas et scurriles istas chartas non vidiße, mitto exemplar, ut et de tua Epistola isthic promptius dispicias, ac cætera, qualia sint, æstimes. Videbis utique quam infana, maledica, conviciosa et foetida sit compilatio, quamque suum authorem apprime redoleat; impudentiores calumnias nunquam forte legisti. Abhorrent ab ijs aures omnium cordatorum et proborum.

Verum de isto effero URSO Dithmarsico plus satis, neque enim tot a te vel me prolatis verbis dignus est, et si ipsum intus et in cute (ut aiunt) nosces (non iam loquor de Scabie Gallica, qua ob vitæ impuritatem scatet) idem mecum testareris, imo iamdudum testatus fuisses. Unicum saltem addam, Hypotheses nostras aberendi causa, licet hoc minimum sit, et longe plura validioraque in promptu habeam argumenta. Hypotheses illas anno 1584 a me primum excogitatas, quas iste sibi arrogare non veretur, ipsius revera inventum esse, quis crediderit, qui eum ullis observationibus cœlestibus, unde novæ Hypotheses extruendæ, nunquam abuefactum fuisse novit? Imo si unius Planetæ, præsertim e tribus superioribus apparentem locum per hanc neotericam suppositionem, secundum omnes particularitates demonstrare nequirit (uti vix poterit) cui quæso intelligenti, suum esse inventum, fidem faciet? Sed non ille saltem, verum et alij, dum ego mea premo atque in lucem edere cunctor, hanc excogitationem sibi attribuere ausi sunt. Inter quos est Scotus quidam, DUNCANUS nomine, Helmstadij Medicinæ et Mathematicum Professor, qui cum hanc rationem a me in Dania accepißet, eam primum Rostochij privatim suis discipulis dictavit,

vit, nec meam esse inficiatus est, sed Tychonicam ultro appellavit, quod in propinquo essem et me, si aliter faceret, id facile resciscere posse vereretur. Clam tamen ijs, quibus maxime fidebat discipulis, in aurem suffurrabat, se quidem honoris causa eam hypothesein mihi ascribere, ut plus gratiæ et authoritatis habere posset apud auditores suos, revera tamen suam ipsius esse, quod et postea Helmstadij remotior a me factus, audentius et inverecundius commisit, partim in publicis suis prælectionibus, partim intimationibus quibusdam. Sed ista fraus et impostura cum ab alijs, tum præsertim Domino Doctore DANIELE CRAMERO apud Stetinenfes Verbi ministro, Viro singulariter erudito, qui Scoti istius Rostochij olim auditor erat inter præcipuos unus, detecta est, et suo forte tempore plenius detegetur. Si otium superfuerit, curabo exemplum literarum eius ad Nobilissimum Virum OLIGERUM ROSÆKRANTZIUM meum confanguineum, cuius Pædagogum dictus CRAMERUS tum agebat, hac de re in Daniam post meum discessum scriptarum, hisce apponi. Sic quoque RÆSLINUS, licet magis astute et caute, mea pro suis venditare præsumpsit, ita tamen, ut mihi hanc speculationem non derogarit, sed se eam, postquam similia adinvenisset, in libro meo de Cometa anni 77^{ti} reperiße fateatur. Egregius sane fucus, si fidem mereri posset, nam liber ille meus, cuius meminit, per 9 annos antea impressus erat et plurimis de hac a me introducta cœlestium revolutionum dispositione iam innotuerat. At si nihil aliud, id saltem et quam maxime fraudem prodit, quod dum hanc Hypothesein, ut suus fieret partus, in nonnullis aliter formare conatus sit, eamque, si Dijs placet, emendare, in enormes absurditates impegit, ipsam symmetriam ac proportionem Revolutionum interturbando, atque ab ipsis apparentijs alienissimam statuendo; ut inde satis liqueat, eum non saltem has hypotheses nequaquam intelligere, nedum ut earum author sit, sed ne quidem ullas alias, imo Astronomiæ penetralia necdum intropexisse.

MAGINUM Italum nunquam existimarim tale quid affectasse. Quod si fecit, literis propria manu ad me datis, quibus se illam Hypothesein ex libro nostro secundo de Æthereis Phænomenis primum perspexisse, sibi que apprime placere, modo Martis orbis Solarem transire posset (putavit enim ex vulgata sententia reales esse in cœlo orbes) factus est, contraria admisit. A MAGINO vero, si qui alij huius speculationis conscij sunt, hac occasione habuerunt, inter quos etiam est FRANCISCUS PATRITIUS, qui eius mentionem in erudito alias de nova Philosophia Volumine facit, is quidem meam esse expresse asserit, sed eam ita pervertit, et per ignorantiam male accomodat, et contra mea ipsius postulata et assumpta eam coinquinat et infectatur, ut plurima isthic ex ipsius relatione apposita pro meis non agnoscam, quod etiam publice

publice protestabor. Sed de Hypothesi hac vel alia non multum alterabimur, quæstio est: quis eam rationem invenire possit, tam in quantitibus et motionibus continuis, quam discretis, ut phænomena cœlestia per omnia salventur.

5 *Hoc opus, hic labor est, et sic spectemur agendo.*

Porro siquidem ab initio innuisti, te a MÆSTLINO primum tibi a me inscriptas accepiße, qui etiam, quas ad illum dederam, tecum communicavit, miror ipsum nec illis neque alijs, quas prius, imo ante aliquot annos miseram, quippiam tanto tempore respondere voluiße. An
10 hoc sit viri ingenui et Mathematicis disciplinis solerter imbuti, tute æstima. Non est alias mihi moris, ignotos literis prævenire, sed ut plurimum ab illis præveniri soleo, nedum ut ad meas tanto temporum tractu responsionem nullam recipiam. Sed imposterum ei, quem plurimi semper feci, uti scripta mea in publicum edita testari poterint, meis
15 ingratis, uti video, literis non ero molestus. Placent tibi quæ ad illum et te de re Astronomica scripsi. Atqui ea se sic omnino habere, certo exploratum habeo, multoque plura et his maiora adhuc abstrusa esse, quæ antecessorum, tam veterum quam recentiorum, diligentiam eluserunt.

20 Suades, imo multis rationibus, quas ego non improbo, persuadere conaris, ut Observationes meas cœlestes publici iuris faciam, quod quidem suo tempore præstare non detrectabo, cum his, quæ tu affatim adducis, tum alijs de causis. Verum tam cito id efficere, antequam pleraque ex ijs, quæ a me in Astronomicis instaurata sunt, atque se-
25 lectioribus ex ijsdem observationibus fundata, in lucem prodierint, non consultum duco, nam præter alia, hoc ipsum, quod tu de hypothesebus meis mihi præreptis et de CYPRIANI Ephemeridibus, alijs quoad partem attributis et depravatis, refers, terret atque dissuadet. Obtinebitis tamen aliquando, favente cœlesti Numine, ea, quæ a me
30 plurimis annis in cœlestibus denotata sunt, non quidem tam manca et mutila, ne dicam incerta, prout ea sunt, quæ pauculis chartis mandavit WERNERUS, vel potius IOHANNES SCHÆNERUS (nam WERNERI observata nulla vidi, tu, si quæ habes, comunica) a REGIOMONTANO et GUALTHERO relicta, sed exacta sibi que con-
35 stantia atque in tanta simul copia, ut vix magno quodam volumine constringi queant. Adiungam præter librum Epistolarum, de quo supra, Mechanica nostra, huc spectantia, quæ instrumenta, quibus ultra 20 annos usus sum, complectuntur, si commode tibi Praga adferri poterint. Ex Epistolis præter alia prius insinuata perspicias, an eæ tam
40 parvi momenti atque inutiles sint, veluti præ animi impotentia occæcatus ille censor vult, et an laudatissimæ memoriæ Landgravio WILHELMO

HELMO quidpiam derogent (veluti idem impudenter, ut Filio eius me invifum redderet, commentus eft). Ex Mechanicis colliges, quanto molimine Aftronomiæ redintegrationem aggreffus fim, quantaque in his ufus diligentia, quantifque impenfis. Invenies etiam ibidem circa 5
 pofteriorem partem confignationem eorum, quæ hætenus in hoc genere ftudiorum exanthlavi, quæque in pofterum, aspirante cœleftium Opifice, pertexenda reftant, tum quoque literas illas laudatæ memoriæ Domini IACOBI CURTIJ et MAGINI, quarum antea mentionem feci. Miſſem illuminatum (uti vocant) exemplar, quo promptius omnia 10
 diſcerneres, ſed nunc non ſuppetit.

De libro tuo, uti is cum ſuo authore meretur, ſemper, ex quo || mihi 156^v
 introſpectus eſt, honorifice ſenſi, nec te aut alios, quocunque modo de hiſce ſublimum et a vulgi captu remotis diſciplinis præclare merentes, et veritatis nucleum ſerio affectantes laude ſua privavi aut privabo unquam, quin potius extuli, et in pofterum extollam. Hoc præcipuum eſt, quod in tuo ingenioſo illo ſcripto cum plerifque tamen alijs 15
 errore communi admittis, non probo, te realitatem quandam orbibus cœleftibus ineſſe ſtatueret, quo ſic promptius Coperniceis imaginationibus viam ſtruas, eiſque facilius ſubſcribas. Motiones cœleftes Symmetriam quandam obſervare, et rationes ſubeſſe, cur circa hæc vel alia 20
 centra a terris vel Sole diſpariter remota convolvantur, non negarim, ſed harmonia et diſpoſitionum analogia ex poſteriori, ubi motus et motuum occaſiones ad amuſim conſtiterint, non autem ex priori, uti et tu et MÆSTLINUS voluiſtis, petenda erit; quin et hîc difficillime inveni- 25
 enda. Quam operam ſi quis ſuperaddiderit, illum antiquum PYTHAGORAM, qui harmoniam concinnam cœleftibus, imo toti mundo ineſſe præſentiebat, ſuperare dixerim. Et licet circulares in cœlo motiones nonnunquam angulares quaſdam et varias figuras, atque ut plurimum oblongas compoſito ſuo motu efficere, curioſe ſingula trutinanti, videri poſint: fit tamen id per accidens et abhorret ratio ab hac ſuppoſitione. 30
 Oportet enim omnino ex circularibus componi aſtrorum circuitus, alias perpetuo uniformiter et æquabiliter in ſe non revertentur et perennitatem fruſtrabunt, præterquam quod minus ſimplices, magiſque anomalæ erant, nec etiam doctrinæ et uſui accommodæ. De ꝑ non eſt cur doleas, eius ſtellam a me non eſſe obſervatam, aut quod idem cum 35
 COPERNICO in eius Phænomenis oſtendendis prætereſſe velim. Licet enim a Solis radijs rariſſime digrediat et inclinatio apud nos in Dania ſit ſphæra, quam Frueburgi in Pruſia, ubi vixit COPERNICUS, plureſque mare circa Inſulam habitationis noſtræ emiſerit vapores, quam Viſtula: plurimis tamen vicibus, imo pene ſingulis annis, dum in Uraniburgo noſtro ſideribus invigilarem, tam Eous quam veſ- 40
 pertinus, accurate a nobis cœlitus denotatus: ut neque huius aſtri, utut
 rariſſime

rariſſime pateat et multis anfractibus ſit obnoxium, nos fugere poſſit ſemita, nequaquam ab aliorum dubijs animadverſionibus, uti coactus eſt facere COPERNICUS, mutuanda. De ♀ quantum haecenus perveſtigare licuit, certum eſt, eius Apogæum non multum a Solari antrorſum removeri, aliter quam ſenſit COPERNICUS, nec eidem tamen plane uniri, ut ALBATEGNIJ imitatione volunt Alphonſinæ. In Eccentricitate tamen eius non eſt par ratio, nam eam multo ||
 157^r minorem Solari deprehendi. An mutabilis ſit, nondum dixerim, ſed non magnopere id probabit vel improbabit tua per ſe ingenioſa ratio-
 10 cinia.

E ſtella Polari vel quavis alia ſubtiliter eruere, an orbis annuus Terræ a COPERNICO excogitatus, ſi is eſet, octavæ ſphæræ ſtellis aliquantulum inſinuet Parallaxin, iam ante ſæpius et diligenter experiri tentavi: verum nihil eiſcemodi, diligenti facta animadverſione, haecenus
 15 comperi. Nam ſtellam polarem, quocunque anni tempore ſupra vel infra polum præciſe obſervatam, adhibita eiſdem ab illo remotione vera (quæ hoc anno eſt 2° 51' 10'', et cum 6° 13' 26'' ♄ et ♀ Meridianum ſupra et infra Polum tranſit) eandem in dimidio ſcrupulo, imo intra quartam vel ſextam eius partem (ſubtiliora viſus non diſcernit) præbu-
 20 iſſe poli ſublinitatem animadverti, quod et CHRISTOPHORO ROTH-
 MANNO, qui Copernicæ Speculationi indulgens aliquid diſcriminis hîc ſubeſſe opinatus eſt, iamdudum indicavi, ut hinc nihil pro COPERNICO tuo (cuius concinnam et ingenioſam ſpeculationem alias admirari et deprædicare ſoleo) tuendo, reſiduum ſit ſolatij. Petas aliunde,
 25 ſi dabitur.

Sed de his atque alijs plenius tecum iucunde et perlubenter agam, pluraque ex meis communicabo, ſi me, uti polliceris, aliquando inviſeris, quod tibi iam minus moleſtum erit quam antea, cum in Bohemia non admodum a vobis remota, nunc ſedes Urania novas fixerim, at-
 30 que in arce Cæſariana Benachia quinque milliaribus Praga remota habitem. Nam me a Cæſarea Maieſtate, huc e Germania clementiſſime vocatum, et benigniſſime ac liberaliter receptum eſſe, te ab alijs iam antea cognoviſſe (ex quo dimidium iam annum hîc ſubiſſam) exiſtimo. Nolim tamen ut fortunæ aſperitas te nos accedere compellat, ſed potius
 35 arbitrium proprium et erga communia ſtudia amor et affectio. Quicquid tamen id erit, invenies me non fortunæ, qualiſcunque illa ſit, ſed tuum amicum, qui etiam in adverſa ſorte ſuo conſilio et auxilio tibi nequaquam ſit defuturus, ſed potius te ad optima quæque promoturus. Et ſi mature acceſſeris, eas forte rationes inveniemus, quibus tibi et
 40 tuis inpoſterum rectius quam antea conſultum erit. Vale. Quando reſcripſeris, literas ad Dominum Doctorem BLOTIUM, Viennam, qui Cæſaris Bibliothecæ iſthic præeſt, mitte: is eas facile Pragam, unde
 27 me

me mox invenient, procurabit. Iterum quam felicissime vale. Dabantur Benachiae five Venetijs Bohemorum die 9 Decembris Stylo renovato 1599.

Tui Amantissimus

TYCHO BRAHE, 5

POSTSCRIPTA. manu propria scripti. || 157v

SI se occasio commoda obtulerit, rogo ut MÆSTLINUM meo nomine moneas de Eclipsibus ab illo observatis, cum meis conferendis, ob Meridianorum differentiam eruendam. Dum enim relego exemplum literarum ad MÆSTLINUM, video me isthic mentionem fecisse Eclipsis Solis, quæ die 25 Februarij Anni 99 contigit, ubi nescio qua incuria digiti Ecliptici denotantur 10½: forte quod per aliquem ex studiosis meis, calculum nimis festinanter exequentem, sic perperam reperti. Cum verior ratio ex meis Tabulis, prout ipsemet postea disquisivi, præbeat digitos 9½, qua etiam quantitate Sol deficere a quodam ex meis Uraniburgi isthic (ut 4 residuorum instrumentorum, quæ præ magnitudine efferri tam cito nequibant, curam haberet) relicto studio deprehensus est, et tempora alias per armillam Æquatoriam 18 pedum in Diametro, a principio usque ad finem (fuit enim toto isthic tempore serenum) meæ restitutioni apprime congruentia cœlitus denotata sunt, quæ erant eiusmodi, ut deliquium inciperet isthic H. 10 M. 10, finem haberet H. 12 M. 19, ideoque medium existeret H. 11 M. 12. Hæc ad MÆSTLINUM, quando illi scripseris, referre poteris, ipsumque rogare atque efficere, ut ab ipso Eclipses tam Lunares quam Solares, quotquot hæcenus observavit, per te, siquidem ille mihi rescribere nolit, obtineam.

Reperi inter chartas meas exemplum literarum CRAMERI, de quo prius memini, iamdudum nescio in quos usus descriptum, quod hisce addo, et simul exemplum Epistolæ cuiusdam M. IOHANNIS CHRISTIERNI Dani, nunc Lugduni Batavorum studiorum causa degentis, qui mihi erat domesticus, cum liber noster de Cometa anni 77 Uraniburgi imprimeretur, et paulo post quam URSUS iste apud me fuerat, acceßit, ideoque quam fraudulenter egerat, ex cæteris meis studiosis cognitum habuit. Addidi etiam testimonium Scribæ Nobilissimi Viri ERICI LANGIJ, cui URSUS tunc inservijt, qui etiam præsto erat, cum iste suum herum comitatus mecum fuit. Quam testificationem ipsemet ERICUS postea Magdeburgi in præsentia publici Notarij confirmavit, et quæcunque alias URSUS in famoso isto scripto habet, quatenus sibi ea de re quippiam constabat, falsissima esse testatus est, erecto de duodecim eiusmodi punctis, quæ illi proponebantur, e libro illo famoso excerptis, publico, uti vocant, Instrumento, quod alias videbis; hinc cætera æstimabis.

T. B.

Ne

Ne vacaret sequens Paginæ facies, ascribi feci tria Epigrammata ex
ijs, quæ a me, postquam Benachiam veni, lusa sunt. Plura carmina a
varijs, postquam e Dania in Germaniam migravi, concinnata, cum
Domino Doctore BLOTIO veteri amicitia mihi iuncto communicavi,
5 ipsumque ut te eorundem participem redderet, rogavi, quæ si acceperis,
plura inde percipies, et si qui sunt apud vos Poëtæ arguti, uti procul
dubio sunt, fac ut numerum adaugeant.

[Ex apographo in codice Parisiensi franc. 13040]

158^r **MAGNIFICO DOMINO, VIRTUTE, ERUDI-**
10 **TIONE ET GENERE NOBILISSIMO, DOMINO TYCHONI**
BRAHE URANIBURGICÆ BENACHIÆ IN BOHE-
MIA PRÆSIDI, DOMINO ET AMICO SUO
OBSERVANDO.

S. P. D.

15 **M**AGNIFICE Domine TYCHO, Domine et amice obser-
vande. Verum est quod reversus ex Legatione Anglica
binas tuas literas domi repperim, sed quomodo ijs re-
spondere potuerim per tabellarium Witebergensem, mi-
hi non constat. Nam in literis tuis est, te ad festum Pente-
20 costes iturum vocatu Cæsaris Pragæ. Ego autem, post
Dominicam Trinitatis huc appuli; itaque non est quod suspiceris hoc
literarum officium intermissum aliquo metu potentiorum, quibus iam
pluribus indicijs innotuit mea in amicitia sinceritas et constantia, quam
ut novam aliquam offensam mihi pariat. Neque mihi de moribus Ang-
25 lorum aliquid adhæsit eorum diuturniore convictu et usu, sed tam longe
ab ijs vitijs absum, quam te vellem longe abesse a perstringendo et mor-
dendo per iocum et ludum innoxios et fidos tuos amicos: in quorum
numero ita me ponas, ut qui nihil unquam passus sim studio et obser-
vantia decedere, etsi fortean non usquequaque tibi officio meo satisfac-
30 fecerim. Res tuas, mi Domine TYCHO, cognovi abunde ex literis tum
mihi tum ad ROSÆCRANTIUM datis, magnoque mihi gaudio est eo
loco esse, ut tibi tuisque bene sit, parta quiete et invento Mæcenate, qui
158^v tam munifice tuis studijs || et honorifice consultum voluerit. Nec est
quisquam eorum, quos tu magnificas, qui tuæ fortunæ lingua animo-
35 que plus faveat, quam ego, invidiæ eo nomine haud expers. Cogor
enim aliquando propugnare huius rei veritatem contra eos, qui tuis
laudibus nulla unquam a te affecti iniuria obtrectant et tua merita per-
peram æstimando infra istam fortunam deijciunt. Ac metuebam ab
aliquibus

aliquibus male, cum intellexissem huc TYCHONIDEM tuum cum MULÆNO nostro missos ad expetenda instrumenta residua: sed Dei provisu omnes conticuere, nec quisquam contra mutire ausus. Iuvi ego ipsos, quantum in me fuit et res sinebat, auctorque fui, ne literas tuas exhiberent ijs, a quibus sincere auxilium sperari non poterat. Nam aliquando venire quædam in oblivionem, quæ nos ipsos præstat quoque tacita habere, quam dubiam operam aliorum periclitari. Vergit enim quorundam ætas ad extrema, et tamen in sordibus rerum caducarum cogitationes omnes defigimus parum aut nihil de æternis illis solliciti. Neque dormientes neque vigilantes somniamus aut meditamus aliud quam pecuniam, cui gloriam, honorem et quidquid laudabile est, postponimus. Addimus aliquid de humana severitate (non dicam crudelitate) cuius tristitia recens visa in duobus nobilibus et tribus plebeis alijsque exempla. Merito igitur habent quod lætentur, quibus aut favor aulicus hîc affulget, aut res suas ita pararunt, ut migrandi tædium non expavefcant. ||

Mihi, Deo sit gloria, nihil adversi admodum adhuc contigit. Can- cellario probantur, quæ a me hac legatione gesta sunt omnia, qui vidit, ad fidem et industriam me nihil reliquum fecisse, sed alijs non item, nescio qua de causa. MULÆNUM nostrum quod provehere ad Medicen promittis, facis ut tua virtute et humanitate dignum, nec puto te habuisse vel habiturum unquam, qui te sinceriore animo colat et observet. Verum metuo valde, ne longior apud nos mora ab Italica perfectione per hanc hiemem retinuerit. Sed profecto faciendum ita fuit, nec poterunt citius tua negotia expedire. Causas ipsi tibi reddant, quas veras esse non dubitaveris. Quia vero id iter non successit, alia ratione forte tibi fuerit consilium eius iuvandi invenire. Si animus est, ut illum a te dimissurus unquam omni modo, fiat bona cum gratia et ætati mature consulatur. Omnino, si tibi eum non gratum et obsequentem esse voluissimus, alia fuisset ratione prospectum, et prospicietur, Deo propitio, si eum missum feceris. Sin tibi et tuis placet, habebis eum. Cum voluptate audio TEGNALIO tantum beneficij et honoris a te et per te præstari, optoque, ut deinceps sit, qualem tu esse cupis. TYPOTIUS amicus meus unde habuerit, quod me impulsore patriam deserueris, conijcere non possum. Quicumque hoc comminisci ausus est, nec te novit nec intelligit, quid doloris apportet a fidelissimi amici convictu et mutuo adspectu tanta locorum intercapedine disjungi. Sed Dominus TYPOTIUS, si recte memini, ipse a me audivit deplorari abitum tuum, tum patriæ, || tum mea causa, nedum meo sensu hoc factum credere possit, cui eam suspicionem animo exemptam cupio. De libro publicato, quod ad te scripserat ESCHYLUS BILLEUS, nihil mihi exaudire contigit, nec operæ pretium te facturum existimo, si tale aliquod procuderet,

res, qui melius horas tuas collocare potes, et verum est quod addis, multos absque tua voluntate eo te labore exonerare. Quære a TYCHONIDE, quid filius Magistri IOHANNIS MICHAELIJ in mensa patris narravit. Miraberis, sat scio, iuxta atque nos dolemus. Quid mihi etiam
 5 in Anglia et Belgio exprobratum, piget referre. Quod de DUNCANO me scribere vis, fateor, quod res est, me non libenter doctorum controversijs velle immisceri, aut ijs nomen meum inseri. Ac fortean in maiore gloria Hypotheseos istius inventio erit, si simpliciter edito sub tuo nomine scripto illustraveris et explicaveris, quam si contentionibus
 10 obscuraveris, quod quidem factum non ignoro in Progymnasmatibus, hoc ipso consilio, ne quis eam sibi deinceps vendicaret; sed vellem hoc peculiari scripto fieri, non ita prolixo, sed quod in scholis proponi posset. Tum vix futurum amplius puto, ut quisquam tuæ amplius laudi decerpatur. DUNKANUS certe quicquid tandem privatim egerit, publice
 15 nunquam eam sibi adrogabit, qui ne per somnium quidem de ea cogitavit, antequam ex te hoc tanquam mysterium cognosceret. Quod simul
 160 ac patefecisses, memini a te dictum, plus ei || communicatum, quam frater fratri edisserere fortean vellet. Atque reperi in paucis hisce diebus inter schedas meas chartam, qua mihi petenti eam signasti, sive
 20 ante DUNKANI adventum, sive quo tempore apud te fuit, incertus sum. Sed mi Domine TYCHO, patere te hoc ab amico moneri, ut polemica omnia seponas, et per quæ cœpisti, vestigia incedas. Nunquam aliquis magnus contentionibus fuit. Semper aliqui sunt, qui iniquæ parti etiam favent, nec quicquam tam solide unquam refutatur, quin
 25 adversarius inveniatur, quod probabiliter oppugnet, et iudicia hominum ex verbis capiuntur, quia res istæ subtiles a paucis intelliguntur. Ac ne per alios quidem hoc fieri vellem, nam ijs etiam respondebitur, ac per eorum latus in te tela dirigentur. Inimici et invidi habebunt ex scommatibus, quod rideant et gaudeant, sicuti iam factum in scurrili quodam
 30 scripto URSI novisti. Itaque cum CHRISTIANUS tuus ad te redeat, cuius tibi magnus usus esse poterit, pertexe eam telam quam feliciter orfus es, et cude nobis novum cœlum denascente natura, et fatifcente industria hominum. Hac via ad immortalitatem homines graßantur.

De honoribus publicis quod est in litteris Rosækrantianis, et feudo
 35 Imperij, mea sententia est, quod prius te vellem in possessionem feudi venire, antequam honores illos ambires, aut oblatos acceptares, alias fortean titulus tibi pro re sufficiet, et imputabitur honor pro beneficio reali. Simul ac vero consecutus es feudum promissum, tunc nollem te
 160 honores || illos alpernari. Liberis tuis ita melius consultum erit, quorum
 40 TYCHO tuus ea est ætate, ut e re foret externos iam visere, et cupit hoc ipse magnopere. Non dubium, quin ille ingenij bonitate et mansuetudine amicos multos sibi parare possit, sed auctoritas et existimatio ex
 literis

literis et peregrinatione quærenda ipſi eſt. De reliquis etiam non dubito te ſollicitum eſſe, non ſolum ut hæreditatem, ſed etiam ut nobilitatem et integra omnia ſtatus politici relinquant. Hæc ita accipe ut profecta ab eo animo, qui tibi tuiſque ſincere bene vult. Si præſens eſſem, plura de his; nam per calamum non ita licet omnia, neque fieri poteſt, ut quæ meditata nobis ſunt, veniant in mentem univerſa, cum pennam movemus. CRAGIUS tuus antiquum obtinet, ita et tu ne deſinas TYCHO eſſe, qui fuiſti.

De ſtatu rerum noſtrarum pleraque referre TYCHONIDES poterit. Publice nobis pax adhuc eſt, ſed privatim multi male contenti. Variæ ſunt offenſiones multorum de hoc ſtatu rerum, et pauci ſunt, qui non male ominantur. Amicitia Anglica ex tenui apta eſt. Cum CAROLO Sueco neque ſatis convenit, quia per abſentiam Regis naveseius ingreſſæ mare, quod iuris Danici. Apprehenderunt Lubecenſes et alios. Adornantur Legati eo mittendi ab reditu PETRI FRANCISCI, quia viam paraturus modo in Sueciam eſt. Nos arces et oppida in Norvegia et Scania, Hallandia, Blekingia ad fines munimus et reparamus quantum poſſumus, ſed a pecunia non ſatis inſtructi ſumus. ¶ Rex Poloniae miſit claſſem ſuam cum milite per fretum Oritanum, quæ naufragium paſſa eſt, nec in Sueciam appulit. CAROLUS iam potitur fere toto regno, poſtquam hac æſtate Finlandiam domuit, et partes illas Livoniae vicinas. De nobilibus captivis in Suecia, qui ſunt præcipui ERICUS SPARRE, GUSTAVUS BANNER, ERICUS BANNER, TUROV BIELCKE et GEORGIUS POSE, conſtans fama ſupplicium ſumendum. Miſerunt huc ad Regem petentes eius interceſſionem. Exigua ſpes Polono eſt recuperandi regni hereditarij. Non obſcurum, quid CAROLUS molietur, etſi aliud præ ſe ferat.

De matre tua TYCHONIDES referre poterit, quæ vidit et audivit. Amita valde infirma eſt, et oculi caligaverunt. Quid vero ſoror agat, et ubi iam ſit, ex eius litteris accipies. Faxit æternus pater, ut ſperato tandem coniugio cum gaudio potiatur. Nos ea audivimus de rebus Domini LANGIJ, quæ erigunt animos ad expectationem melioris fortunæ. De morte IACOBI SEEFELD puto ab alijs ad te perſcriptum. Vix duabus vel tribus ſeptimanis a nuptijs duarum filiarum, quæ uno die celebratæ, in fine comitiorum inſperato diem ſuum clauſit. Sere niſimus Rex modo in Iutia eſt, dicitur tamen CHRISTI natalia Haſſniæ celebrare velle. Utinam te per idem tempus videre tunc poſſemus. Poſſes tu gaudia noſtra multis modis augere, ſed ſpero nos te brevi viſuros. Nec enim committes, quin ad nos aliquando excurras ¶ ſaltem exiguo comitatu, ſi non omnes adducas. Deſiderio iſto valde flagro, quod tu ut expleres, tuo cum bono forte fuerit. Iam ſi tibi prolixitate ſatiſſeci, gaudeo. Si moleſtiam et tædium ingeſſi, ipſe in cauſa es, qui ita requiſiſti.

sivisti. Utut sit, rogo omnia pro candore tuo boni consulas, et quod occupatus hæc sine cura exaraverim. Vale cum coniuge et liberis felicissime, quibus omnibus ita cupio, ut mihi ipsi bene esse velim. Salutat te uxor mea et frater eius LAURENTIUS et parentes. Item MICHAEL
 5 Chirurgus, alijque amici nonnulli, nominatim GABRIEL SPARRE et PETRUS BRAHE. Iterum vale.

Dabantur Hassniæ pridie Nonas Decembres anno 1599.

T. T.
 NIC. CRAGIUS.

10† [E codice Vindobonensi lat. 9737f]

TYCHO BRAHE AD HUGONEM BLOTIUM.

46r

S.



15

20

25

30

35

HARISSIME et præstantissime vir, amice plurimi semper mihi faciende. Cum forte per literas communis amici nostri Domini Doctoris HELLERI aut etiam aliunde intellexeris, me nunc in Bohemia degere, et occasiones, cur huc venerim, simul ad te, ut existimo, relatæ sint, nolo nunc pluribus ijs recensendis immorari. Id saltem te rogo, ut veteris inter nos amicitiae Basileæ, uti scis, contractæ, et postea cum
 in Dania adhuc subsisterem, continuatæ memor, eorum etiam, quæ cum apud Nostrates hærerem, pollicitus es, recorderis, nimirum ut catalogum librorum in inclyta istic Cæsareana Bibliotheca, præsertim quod ad Philosophicos et Mathematicos attinet, mecum communices. Id si etiamnum in hac ob loci maiorem commoditatem præstiteris, rem
 25 equidem acceptissimam feceris. Literas hisce adiunctas cum libris quibusdam excellenti in Styria Mathematico IOHANNI CÖPLERO destinatis ad eum, ubicunque isthic vel alibi in vicinia moretur, rogo, ut per certum internuncium dirigere non degraveris. Habitavit antea in urbe Græcia, nescio an etiamnum ibi sit, intellexi enim eorum res turbatas esse. Si quod ab ipso responsum acceperis, Pragam ad dictum
 30 Doctorem HELLERUM mitte, mox me inveniet. Vale. Dabantur properanter ex arce Cæsareana Girsitzæ, ubi nunc aliquantisper ago, donec lues Epidemica Bennachiæ, ubi alias ex clementissima Cæsaris voluntate habito, prorsus remiserit. Iamque iterum et sæpius vale. 14. die
 35 Decembris Anno 1599.

Tui amantiß.

TYCHO BRAHE,
 manu propria scripsi.

Intellexi vitriolum Ungaricum et terebinthinam etiam Ungaricam,
 40 tum quoque tartarum ex vino Ungarico cadis adhærentem isthic in mediocri

mediocri esse precio, quæ tamen singula hîc care veneunt. Si itaque, quanti singulorum ex his libra isthic, præsertim si in aliqua copia profuerint, et simul quo precio libra Croci vestris emi queat, mature indicaveris, rem gratam sic præstiteris. Sique ex ijs pro assignato precio placuerint, mittam pro qua emantur pecunia. Vellem ex tribus materijs primo nominatis multum habere, utpote de singulis centenarium ad minimum.

Adiunxi carmina quædam a varijs Poëtis, postquam e Dania in Germaniam transmigravi, in mei gratiam concinnata, quæ per otium legere poteris posteaque cum Dom. IO. KEPLERO communicare, atque ipsi cum fasciculo illi destinato mittere. Si qui apud vos arguta vena præditi sunt Poëtæ, uti esse non dubito, fac numerum adaugeant. Memini enim te aliquando e Vienna vestra satis acuta et sonora in Daniam mihi misisse Epigrammata.

[E codice Basileensi G I 23]

DEM WOLLEDLEN GESTRENGEN VNDT
HOCHGELARTEN HERNN TICHONI BRAHE, ERBGE-
SSEN ZU KNUDTSTRUP, ITZIGER ZEIT ABER
AHM KEYSERLICHEN HOFE ZU PRAGE,
MEINEM GROSSGUNSTIGEN HERRNN
VNDT PRÆCEPTORI.
PRAGE.

S. P.



GENEROSE ac Magnifice Heros, fautor et Mœcenas summa observantia colendissime, post humilem promptorum meorum officiorum oblationem Generositati Vestræ pro universis et singulis ex singulari heroica erga me immeritum innata affectione in me collatis beneficijs denuo et imprimis ago et habeo gratias quas possum maximas. Deinde Generositatem Vestram celare nequeo, quod iam elapso anno nullas scripserim literas. Causa fuit non modo domesticarum mearum curarum in hac mea solitudine intollerabilis moles, verum etiam rumor circa præterita Bacchanalia hîc et Hamburgi de discessu Generositatis Vestræ ex hac lachrymarum valle sparsus, quo auditu ita eram perterrefactus, ut iam de studio Astrologico, cui hætenus summopere incubui, ob defectum Tabularum ab alijs editarum actum esse arbitrarer. Tandem vero iam ante aliquot dies ex literis lætabundis Domini DAVID. FABRICIJ, Generositatem Vestram cum tota inclita familia Pragæ

Pragam salvam et incolumem pervenisse, Illustrissimumque, potentissimum atque invictissimum Imperatorem, Dominum nostrum Clementissimum, Generositati Vestrae clementissime favere, laus Deo, cognovi, quapropter etiam cum illius, tum vero Generositatis Vestrae, literis
 5 motu impulsus, hasce meas Fabricianis adiungere volui.

Quandoquidem igitur Generositas Vestra iam antea in suis Resolutionibus mihi benigne communicatis, circa quaestionem de modo dirigendi indicavit: Non esse modum dirigendi exactiorem, quam is, qui
 10 a REGIOMONTANO traditus est, totidem vero gradus Meridianum transeuntes, quot quemlibet alias positionis Circulum, sed numerandos potius in Meridiano, quia illic directe permeant, quodque in obliquissima Sphaera tunc una dirigendi ratio locum habeat; utut domorum distributio Regiomontana istis administrari nequeat. Et hanc ob causam Generos. Vestra potius approbet CAMPANI divisionem, quae totum
 15 Coelum ubique respicit et universalis existit. Cui tamen Generos. Vestra aequalem per Eclipticam, ob planetarum iuxta hanc incesum, partitionem applicare soleat, imitatione veterum Astrologorum; verum alia atque alia in hac et illa ordinatione considerando, prout vel ratione totius Coeli vel solius Zodiaci, requiratur animadversio. Haec, inquam,
 20 etsi satis luculenter indicata sint, nihilominus Generositatem Vestram reverenter et obnixe rogatam velim, ut Generositas Vestra mihi unum
 27 atque alterum breve || schema operationis et demonstrationis communicari dignetur.

Haberem insuper nonnulla alia non aspernanda, videlicet an directio iuxta gradus Zodiaci eiusque Polum etiam possit inducere effectus, sicut illa, quae respectu Poli Aequatoris fit, et an tunc eodem modo mensuratio annorum sit instituenda iuxta motum ☉^{lis} in Radice Geniturae, sicut alias, an vero diversa hic mensuratio sit ordinanda.

Deinde quoniam in directione Ascendentis omnium Astrologorum
 30 unanimi consensu observari haecenus solitae sint ascensiones obliquae sub elevatione Poli cuiusque Regionis, in qua quis natus est, an etiam Generositas Vestra censeat, quod si quis per aliquot multos annos in longinqua aliqua regione multum a loco seu regione nativitatis distante moretur, an nihilominus directio Ascendentis ex ascensionibus obli-
 35 quis, quas Tabula Directionum sub elevatione Poli regionis nativitatis demonstrat, facienda sit; an vero ex Ascensionibus obliquis sub elevatione Poli istius loci, sub quo quis degit, ut exempli gratia natus est aliquis sub elevatione Poli 51 gradus, postea patria egressus in alia regione, sub elevatione Poli 54 graduum sita, per totos triginta et plures annos
 40 commoratus est et adhuc moratur, an eius Ascendentis directio sit instituenda ex Tabula 51, an vero 54 graduum elevationis, et quae sit ratio, quare locus nativitatis, quoad directionis effectum, magis hominem et

corpus nati afficiat, quam locus commorationis, in quo vitam degit? cum tamen fere singulis annis in effectibus Eclipsium, pro diversitate meridianorum et locorum, citius aut tardius sequatur effectus.

Tertio, quia ex Diario ELIÆ OLAI Cimbri Octogenariam divisionem Thematum σ , ρ , et $\square \odot^{\text{lis}}$ et $\zeta^{\text{æ}}$, tanquam experientia et rationibus suffultam, ab illo comprobari intellexi, percuperem brevibus cognoscere illas ipsas rationes Octogenariæ divisionis, et quo experimento res inventa fuerit. 5

Quarto, quia experientia docet, non tantum Directiones maleficorum malos inducere effectus, sed et transitus h^{ni} et g^{tis} , sive id fiat corpore, sive radijs infoelicibus, per præcipua Genituræ loca, præsertim Ascendens interdum mala operari, interdum vero non; quæritur, an ex causis Astrologicis possit haberi et \parallel dari certitudo aliqua, qua præsciri possit, quando transitus illi h^{ni} et g^{tis} nocituri sint, nec ne; an alia causa sit quam convenientia Directionis et progressus, quod transitus isti interdum operentur super Ascendens, interdum vero non? 10 28^r 15

Quinto. An malorum planetarum effectus directione induci per bonos planetas omnino tolli vel impediri possint, et qua potissimum ratione aut re malorum operationes impediuntur?

Sexto. Qui aspectus sive Directio malorum pro morte naturali quam perniciosissimus sit observatus, et quæ constitutio malorum vel Directio pro morte violenta omnium pessima sit observata per experientiam. 20

Septimo. Videri quoque multos infaustas et violentas Genituras habentes foelicem tamen vitam agere et naturali morte occumbere, et econtrario plurimos optimam genescin vel saltem exiguam violentæ mortis significationem habentes violenter interire. Quæritur, unde hæc operationum sive effectuum diversitas, Astrologice loquendo, oriatur. 25

Harum itaque quæstionum Resolutiones, nisi Generositati Vestræ admodum essem molestus, mihi aliquando etiam communicari submisce peterem. Quia etiam in Astrologicis absque restitutione motus $\zeta^{\text{æ}}$ nihil solerter efficere possum, maiorem in modum similiter rogarem, ut Generos. Vestra mihi significet, an ne eiusdem Restitutio publici iuris reddita sit, ut eandem mihi comparare possem. Et quia Generos. Vestra sibi nonnullas certas Observationes in Genethliacis communicari expetijt, hæce ut ratas et latis compertas adiungere velim, plures indies colligam. In Meteorologicis non nisi vulgare habeo. 30 35

Demum Generositatem Vestram iterum atque iterum reverenter et obnixe rogans, ne me immeritum favore et benevolentia ex innata heroica erga me affectione prosequi deferat, et diuturnum illud silentium mihi benigne ignoscat. 40

Deus

Deus Opt. Max. Generos. Vestram cum tota inclita familia salvam et incolumem ut conservet, tueatur atque defendat, ex animo precor. Datum Bremæ 16 X^{bris} Anno 99.

Generosi Vestræ
Addictissimi
LUDOLPHUS RIDDERS[HUSIUS].

29^r Anno 1512 die 22 Iunij inter horam 17 et 18 P. M. Consul Dominus DANIEL a BUREN, qui Anno 62 partes Doct. ALB. HARDENBERGIJ sive CALVINI contra reliquos consules defendebat et exinde
10 toti Civitati maximas turbas excitavit, natus est Bremæ. Hic Anno 39 in Senatorium ordinem et postea Anno 47 in Consulem electus, in principio vero Anni 92 ob decrepitam ætatem officio Consulatus abdicans, Anno 93 circa 28 Iunij morbo correptus, die 10 Iulij post horam quintam matutinam placide obdormivit.

15 Anno 1565 die 24 Novembris inter horam 10 et 11 pomeridianam nata est prædicto Domino Consuli filia MARGARETHA a BUHREN, sed Anno 94 die 4^{is} 16 Maij pleuresi graßante correpta moriebatur 23 Maij.

Anno 1539 die 22 Iulij circa horam quintam matutinam natus est
20 Bremæ Dominus THEODORICUS a REDEN qui Anno 76 in autumno in Senatorium ordinem elegebatur, erat vir magnæ staturæ et corpulentus, habebat duas uxores, cum quibus maximas hæreditates accepit. Hic Anno 97 die prima Iunij mane morbo correptus pillulas ab affine proprio, Doct. IOH. BAPTISTA SERVETIO, Medico, absumens, ilico in Doctoris brachijs vitam cum morte commutavit.

Anno 1551 die 10 9^{bris} hora 17 post M. Bremæ natus est WICHMAN-
NUS MIDDELSTORP. Anno 75 die 16 Feb. in terram periculose col-
lapsus, Carnificem nomine DIONISIUM, ut ipsum curaret, adhibere
30 coactus, Anno 86 circa festum Paschatis in ædibus Consulibus LUDERI a BELMERS pie defuncti, ex alto in navem cadebat, et nisi navis adfuißet, in Wifurgi ipsum perijße neceße eßet. Tandem in principio Anni
29^v 92 vario genere morborum correptus || et 11^o Iunij iterum in terram periculose prostratus atque ita usque in Annum 93 morbo detentus, die 8 Octobris noctu sequente placide obdormivit, frustra adhibitis
35 multis remedijs.

Anno 1558 die 25 Augusti post horam duodecimam meridiei Franco-
fordiæ ad Oderam natus est MEIMARUS a BORKEN, Secretarius
huius Civitatis, quia parens ipßius, Doctor IOH. a BORKEN, erat ex
genere patriciorum nostræ Civitatis. Hic Anno 83 die 8^{ij} vesperi post
40 festum Annunciationis Mariæ, Bederkeza Arce huius Civitatis, crus fregit. Anno 87 post festum BARTHOLOMÆI Apostoli calido morbo

ad mortem ægrotabat. Anno 91 die 4 Augusti ex nimia ingurgitatione vini præcedentis diei, sanguinem ex ore expuens, furiosus extinctus est.

Anno 1566 die 21^o Iulij hora 7 P. M. natus est Bremæ HILDEMAN-
NUS DEDDEKEN, qui Anno 90 post festum Penthecostes in mare a
pyratis globo transiectus est.

Anno 1552 die 7 Februarij, circa horam sextam pomeridianam, na-
tus est Bremæ Dominus GERHARDUS GERKEN, insignis Musicus,
amicus meus haud vulgaris, sed hostis Astrologiæ. Anno 81 in Secre-
tarium Civitatis assumptus et Anno 93 3 Iulij in Senatorem electus.
Anno 91, die Martis post Qualimodogeniti et iterum quarto Augusti
periculose decumbens, postea Anno 94 28^{bris} iterum aliquot mensibus
correptus et citra spem sanitati restitutus. Tandem Anno 96 post festum
Penthecostes denuo correptus et longo morbo detentus, in die S. MI-
CHÆELIS Archangeli inter horam 10 et 11 antemeridianam, me præ-
sente, placide occubuit, frustra adhibitis a duobus Doct. Med. Civitatis
adminiculis. Mirum, quidni ad decrepitam pervenerit ætatem, quia
(^{am} coniunctam 2ⁱ in propria domo in 11^a liberam a maleficis et Ascen-
dens illæsum habebat. ||

Huius boni Viri uxor BRIGITTA GRONINGES nata est Bremæ
Anno 1559 die 11^o Maij die 2^{is} ante festum Penthecostes inter horam 7
et 8 matutinam, sed Anno 98, peste graßante, mature ex Civitate in
hortum fugiens, die 6 Augusti in horto peste correpta, die 12 eiusdem
inter horam 1 et 2 noctis sequentis placide obdormivit, neque ipsi re-
media defuere. Et hæc honesta matrona Lunam in ☾ ascendentem in
Trino 2^{is} in ☿ existentis habebat.

Anno 1555 die 24 Martij inter horam 2 et 3 pomeridianam nata est
Bremæ TIBBEKE, uxor ALEXANDRI BIKKERS, quæ Anno 96 die
26 Feb. pleuresi graßante correpta, filiam charam amisit, et ipsa sani-
tati restituta est. Sed postea eodem Anno 4 7^{bris} ob mœrorem defunctæ
filix in infaniam redacta et miserrime detenta usque ad festum Pascha-
tis Anni 97, quo ad sanitatem redijt. Verum Anno 98 circa 10 7^{bris} peste
iterum correpta die 15 eiusdem hora 2 noctis sequentis obiit.

Anno 1566 die 24 Iunij inter horam 1 et 2 noctis P. M. natus est
Domino IOHANNI SCHULTEN, Senatori huius Civitatis, filius
FRANSZ. Hic filiulus Anno 71 die 20 Iunij hora quinta pomeri-
diana a muliere quadam, ipsum transiente, ex alto ponte orientali in
foßam Civitatis trudebatur, sed a Patre citra omnem spem salvatus,
qui cum ipso fere periisset. Patre postea mortuo, Anno 86 in autumnò
Amsterodami ob dissipationem bonorum cum scortis et Anno 90 primo
9^{bris} a Magistratu, Matre idipsum petente, eandem ob causam secunda
vice in carcerem coniectus est. Elapso anno in Italiam profectus est,
utrum adhuc superstes sit nec ne, ambiguitur. ||

Ego

30^v Ego L. R. Anno 1551 die 15 Septembris post horam 12 noctis sequentis
Bremæ sum natus, in pueritia mihi infinita contigere inconvenientia.
Anno 73 die 14 Martij nocte sequente Brunswigæ ardentissima febre et
Anno 78 die 3 9^{bris} singulari genere morborum et angina iterum cor-
5 ripiebar. Anno 73 13 Maij uxorem duxi. Anno 1578 16. Feb. inter horam
6 et 7 vespertinam natus est mihi filius GREGORIUS, et hic ab ineunte
ætate usque in annum 95 vario genere morborum est afflictus. Anno
1579 die 26 X^{bris} inter horam 3 et 4 noctis sequentis natus est mihi filius
secundus HIERONIMUS, qui meliori et firmiori valetudine, laus Deo,
10 utitur. Anno 82 15 Iulij paulo post horam 12 noctis sequentis natus est
mihi filius tertius CHRISTIANUS. Hic Anno 83 circa festum IACOBI
et Anno 84, 3 Aprilis ad mortem decumbebat, postea vero bona valedi-
tudine etiam utitur.

Et quia non dubito, quin Generositas Vestra loca planetarum ad
15 natalem meum et filiorum meorum restituta habeat, ut igitur eo magis
periculum certitudinis artis facere possem, etiam atque etiam reve-
renter et obnixè rogo, ut Generos. Vestra eorundem Restitutiones be-
nigne mihi communicari dignetur. Etsi vero Generos. Vestræ pro hisce
et omnibus alijs in me immeritum collatis beneficijs quicquam com-
20 pensare non videam, nihilominus qui Generos. Vestræ cordi sunt, me
ad omne officium quam paratissimum devinctum habebunt.

Annotationes dierum sunt ex Calendario Iuliano desumptæ.

† [E codice Basileensi G I 23]

32^v **MAGNIFICO ET GENEROSO TYCHONI**
25 **BRAHÆ, DOMINO IN KNUSTORPH ET HUENA,**
DOMINO ET FAUTORI SUO, OMNI OFFICIJ
GENERE COLENDO.

31^r **L**ITERIS tuis, Magnifice et Generose Do[mine] TYCHO,
instructus, in cognitionem ex CHYTRÆO et alijs præ-
30 sentis tui status et conditionis veni, de quo me certio-
rem factum esse summopere gaudeo. Gratulor etiam tibi de
tanto Mœcenate, opere et studio tuo digno, quo non so-
lum tibi prospectum, sed toti posteritati plurimum in-
serviri intelligo. Chymicus Silesius, quo de antea ad te perscripsi, Sittæ
35 in Silesia degit, vocaturque IACOBUS KINDLER, olim ibidem vel in
vicinia scholæ Cantor. Artificium, quod illum celebrem facit, describi-
tur in lib. Vexationum PARACELSI sub titulo *Hæc est ars*, cursumque
sphæræ Saturninæ vocant, quo omnes planetæ terrestres, mediante
Saturno et uno minerali adiecto, exiguo negotio in lapides vertuntur,
qui

qui deinceps nulla vi ignis aut vulcano quantumvis torvo, postliminium perveniunt, ☿ in metalla redeunt. Huius revolutionis spectator ipse fui atque dirigere scio, sed finem, quem author ibidem promittit, ab equi ignoro. Literas tuas FRANCISCO SCHRODERO Sundensi inscriptas, quotquot ad me pervenerunt, summa fidelitate isthic mihi, nec non ad responsum illum adhortatus sum, ac suam taciturnitatem illi exprobravi, ad quod mihi nuper respondit, tibi quoque suis literis Witebergam delatis responsum esse. Sero forte, quod tuus discessus illinc prævenerit illud, aut quicquid intervenerit. ||

Nova, quæ hîc habemus, ex adiuncto scripto cognosces. Alias forma Academiae et Reipub. eadem est, quam reliquisti; discursum Suecicum tibi quoque misissem, sed nulla hîc exemplaria, ut qui Stockholmiae impressus est, prostant. Vale, nec non qui tibi curæ sunt, et me inter tuos familiares retineto. Data Rostochij 19. Decembris anni 1599.

T. Magnif. studiosiſſ.

CHRISTOPHO. HENNIOCHUS,
Medicus.

[E codice Monacensi Bibl. Univ. 693 in 2^o]

MAGNIFICO ET NOBILISSIMO VIRO,
DOMINO GEORGIO HERWARTO AB HOHENBURGK, SERENISSIMO UTRIUSQUE BAVARIÆ DUCI A CONSILII INTIMIS, PRÆSIDI SCHWABÆ ET STATUUM PROVINCIALIUM CANCELLARIO, DOMINO ET AMICO
SUO INPRIMIS HONORANDO.

MÜNCHEN.

S. P.



POSTQUAM priores, circa medium Novembris ad te, Vir Nobilissime et Præstantissime, directas, et paulisper, donec in Aulam eas mittendi atque inde ad te procurandi suppeteret commoditas, mecum retentas, tandem cum adiunctis chartis emissem, accidit, ut aliæ tuæ eodem ferme tempore, cum meæ illæ prolixiores scriptæ, mihi redderentur, idque primum paulo ante solstitium hybernum instantibus feriis Natalitijs, quæ licet breviusculæ fuerint, plurimum tamen mihi acceptæ, cum quod te in amicitia nostra sic, donec aliter liceat, continuanda, perseverantem nec scribendi occasionem ullam intermittentem ostenderent; tum quia te patienter moram meam in rescribendo ferre (siquidem nulla in ijs usus es, quod non immerito facere licuisset, expostulatione) inde colligerem, utut causæ huius tarditatis

ditatis tibi necdum perspectæ erant, quas te nunc acceptis meis cognovisse atque ratas habuisse mihi polliceor.

Acceßit et hoc, quod literæ illæ tuæ steriles non fuerint, sed triplices in Sole Caßellis factas tribus diversis, attamen continuis annis sedulas
5 observationes eadēque Geometrice et per numeros pro eruendo inde Apogæo et Eccentricitate Solari expensas, fœcundo partu secum adferrent. Fuit equidem id mihi admodum gratum, cum animadversiones illas prius non viderim. Neque enim a laudatissimæ memoriæ
10 GULIELMO Principe Landtgravio aut etiam eius Mathematico CHRISTOPHORO ROTHMANNO mihi antea (quod omisum miror) communicatæ erant, alias Epistolarum Tomo primo, qui literas ijsdem annis inter nos commutatas habet, eas unâ cum competente disquisitione et cum nostris inventis collatione inseruissem, ut ob id probe a te factum, quod vel ex hac omisione coniecturam non fallacem conceperis, eas prius ad manus meas non pervenisse; eoque rectius
15 et acceptius mihi nunc impertiris.

Multum autem me torfit, quod prima introspectione animadvertērim, Apogæum quidem Solis cum nostro utcunque congruere. Nam dimidij gradus differentia discerni in tam subtili Pragmateia difficulter
20 potest. Nec etiam sensibilibiter quid officit, siquidem iuxta ipsum Apogæum non nisi unico minuto longitudinem Solis variet, in cæteris locis adhuc minus. Verum ubi Eccentricitatem trifariam investigatam et ubique quasi in ipsis secundis sibi constantem conspexissem, a nostro nihilominus deficere quasi 6 minutis de 60 partibus semidiametri Eccentrici, mirum in modum, quid sub his scrupulis lateret scrupuli, hæsitavi.
25 Cum enim revisis meis Observationibus, quas circa eosdem dies in Uraniburgo nostro Danico habueram, et supputato simul loco Solis e nostro restituto calculo, quæ Eccentricitatem præsupponit part. 2 m. 9 ad minimum, viderem longitudinem \odot ubique intra unicum minutum
30 illi congruere, quam observata Caßellana tribuerunt, nec possibile esset, ex ijsdem datis tam prope consentientibus, adhibito non fallaci demonstrationis processu, qualem tuum quoque esse cognovi, tam diversimodam nihilominus prodire Eccentricitatem, quid taciti sese insinuaßet obstaculi, non ita facile ab initio patuit. Nam et alia ab ea, qua tu usus,
35 ratione, per prosthaphæreses nimirum, repetito tuo pro maiori parte calculo; visus est is recte se habere. Nec poterat refractionis insinuatio quæ in primo exemplo, ubi \odot 27 proxime gradibus 2 min. in ultimo, Sole tertium \approx gradum transeunte, et 19 saltem gradibus elevato eandem 5 minutorum ingerebat (ut de intermedio, in quo hæc diversitas
40 minus sensibilis erat, nihil addam) nostram intentionem turbare; siquidem loca \odot in Ecliptica cum nostris numeris adeo prope consentientia, ROTHMANNUM non saltem Parallaxes Solis sed et refractiones, de quo

quo aliquoties a me || (uti ex Epistolis a te citatis liquet) admonitus erat, 50^v
 solerter præcaviße, satis probarunt. Neque etiam, quod Eclipticæ obli-
 quatio maxima dimidio scrupulo minor in calculo transmißo aßumpta
 sit, quam a nobis præsupposita, tam evidentem in Eccentricitate hac
 discrepantiam parere potuit, sicuti neglecta temporis æquatio insensi- 5
 bilem variationem suggerere. Circumspecte itaque omnia (uti tunc mihi
 videbar) in tuis demonstrationibus et superstructis numeris trutinando,
 et meas quoque rationes, quæ ab Æquinoctijs et medietate γ atque Ω
 in Eccentricitate atque Apogæo \odot eruendis paulo adhuc maiore tam
 compendio quam certitudine procedunt, denuo sub calculi incudem 10
 revocando, nihilque in ijs aberratum esse comprobando, abieci, tan-
 quam mihi ipsi non satisfaciens, hanc aliquantisper disquisitionem; qua
 tamen peractis sacris Natalitijs denuo in manus resumpta et toto tuo
 calculo a principio usque in finem (quod antea circa extrema neglectum
 erat, ex quo cætera tam belle constarent) tandem inventum est, in quo 15
 latuerit huius discrepantiæ nodus. Cum enim circa ipsum calculi exit-
 um, quando ex radice quadrata, quæ in omnibus tribus exemplis sibi
 ferme similis est, atque in numerum 3591 quam proxime conspirat, per-
 ventum est, ut inde Eccentricitatis quantitas eliceretur, depræhendi-
 mus, quod per incuriam aliquam, quod facile inter gravissimas tuas 20
 occupationes alias fieri potuit, aut si a quopiam alio hæc Pragmateia
 instituta est (neque enim cuius sit indicasti) numerus ille in Tabulam
 sinuum intromißus quantitatem Eccentricitatis perperam monstrarit,
 ideoque iusto minorem, cum proportionaliter saltem, prout 60 loco
 totius radij acciperentur, eruenda foret, sicque eadem quam proxime 25
 mecum prodibit Eccentricitatis determinatio; quæ etiam in pauculis
 scrupulis secundis, nullius pene momenti, nostram excedat potius,
 quam quod 6 minutis ab ea deficiat. Imo si observationes in Sole a
 nobis Anno 1583 diligenter facitatas in consilium adhibuerimus, ea-
 dem cum transmißa inquisitione prodibit Eccentricitas. Nam et nos 30
 eandem tunc adinvenimus part. 3592, qualium radius est sive sinus
 totus 100000, sive part. 2 m. $9\frac{1}{2}$, qualium idem 60, Apogæo etiam tunc
 in part. $5\frac{2}{3}$ \odot reposito; et eodem per septennium usque in Annum 1590, [†]
 qui medius est trium ex tuis, per additionem 9 minutorum, prout re-
 quirat Apogæi mutatio a PTOLEMÆO eousque facta (nam quæ in [†]35
 libro modo mißo Apogæi notatur progreßio aliquanto tardior est, eo
 quod ex observatione REGIOMONTANI ante 100 Annos facta pecu-
 liari consilio saltem derivata sit, uti et Anni quantitas iusto paulo minor
 aßumpta, nec tamen in utrisque his tanta est discrepantia, ut fert CO-
 PERNICI ratiocinatio) in ipso scrupulo (quod mirum est) cum Landt- 40
 graviano Anni 1590 Apogæo consentiens. Ut vero promptius et plenius
 percipias, qua methodo et quibus dedomenis nos et Apogæum et Ec-
 centricitatem

centricitatem \odot verificaverimus, atque unde hæc minutula differentia in nostra numeratione inter quæsitâ Anni 1583 et aliorum quorundam postea subsequentium irrepperit, en habes Progymnasmatum nostrorum de Astronomia instaurata Tomum primum, quatenus rerum nostrarum
5 variæ conturbationes et vicissitudines eum hætenus typis complere permiserunt. Quali Titulo in publicum brevi, favente cœlesti Numine, emittendus, et quæ in eodem superaddenda restant, prima circumposita charta manifestat. Illic cap. statim primo hæc Solaris curriculi restitutionem concernentia || affatim expediunt. Quæ de ζ appendicis loco
10 eidem subnectenda, suo tempore videbis. Secundum caput restitutionem affixarum Stellarum accuratissimam usque in octavum centenarium inde ab ipso fundamento extruit, tandemque canonice recenset. Quibus postea eas, quæ desiderantur, usque ad integrum millenarium supplevi. Reliqua voluminis pars de supra modum miraculosa Anni
15 1572 Stella luculenter tractat. Invenies alias in hoc opere nonnulla ex ijs, quæ prius inter nos ventilata sunt, plenius disquisita, et non pauca alia, quæ tuo (uti spero) arridebunt ingenio. Consule hunc boni, tibi-que soli reserva, donec eundem auctiorem et plane absolutum obtineas, unâ cum alijs quibusdam ex meis in hoc genere studiorum laboribus.
20 Sphalmata Typographica, quæ nonnulla inter revidendum comperi, tute, qui rem ipsam probe capis, facile restitues. Vide quid pepererint ternæ ternorum etiam Annorum Solis observationes mihi a te benevole mißæ. Si plures in alijs etiam Astris sive Caßellis sive alibi sedulo factas procuraveris, neque illæ sine fœnore redibunt. Intellexi WER-
25 NERUM quâdam a se habitas animadversiones cœlestes in publicum edidisse, quæ si præter eas, quas de aëris mutatione vidi, aliquid circa Phænomena Astrorum cœlitus denotata habent, et tibi de eo libro quidpiam constat, cuperem exemplar mihi aliquantisper concedi.

Pluribus te nunc morari nolo; sed expecto brevi tam ad priores meas,
30 quam hæcæ responcionem. Id saltem superaddam, inventionem Apogæi et Eccentricitatis ex Observatis Anni 1583 a me, prout in libro, quem nunc mitto, expositam, mihi magis placere alterâ, quam deinceps ex subsequentibus Annis adhibui; siquidem æquationis temporis ratio isthic applicata, postea vero omiße. Sicque Apogæum et Eccentricitas e
35 Landtgravianis observatis petita rectius convenient cum nostrâ illâ priori (uti dixi) annotatione, licet differentia, quæ alias intercidit, nullius pene sit æstimationis. Quam tamen discrepantiunculam observationes \odot hîc in Bohemiâ, favente Numine, continuandæ facile diriment; siquidem Æquator 6 ferme gradibus hîc altior quam in Daniâ
40 ad quadragesimum Gradum extet, et ob id nulla Solis refractio, quæ sensibus obvia sit, iuxta ipsa Æquinoctia (prout in Daniâ fit) sese insinuet.

Vale itaque quam optime, et Anni huius instantis iubilæi, ac plurium aliorum curricula felici animi et corporis rerumque externarum statu tranſige. Dabantur Girtzitzæ, unde cras, volente Deo, Benaticam reverti conſtitui, pridie Calend. Ianuar. Anni Domini 1600.

Tuæ Mag^æ addiſſimus

TYCHO BRAHE,
manu propria ſcripti.

Appoſui calculum Apogæi et Eccentricitatis Solis, in tribus tranſmiſſis exemplis per proſtaphæreſes nobis uſitatas reiteratum, qui a tuo vix differt, exceptâ Eccentricitatis, prout in literis monui, emendatione. Adiunxi quoque Odam quandam non inveniſtam, mihi hiſce diebus e Pomeraniâ miſſam, ut eam cœteris tibi communicatis carminibus annectare queas.

[E codice Baſileenſi G I 35]

ILLUSTRISSIMO ET CLARISSIMO VIRO
DOMINO VINCENTIO PINELLIO PATRICIO PATAVINO
DOMINO ET AMICO SUO OBSERVANDISSIMO.
ILLUSTRIS ET MAGNIFICE VIR.

S.



UM ſuperiore Anno Italiam peragraſet Nobilis et Eruditus adoleſcens FRANCISCUS TENGNAGLIUS, qui aliquamdiu antea tam in Daniâ quam Germaniâ meus domeſticus fuit, et Dreſdâ a me in Italiam profectus inter alia, ut Patavium tranſiens te officioſe meo nomine ſalutaret, atque de ſtatu mearum rerum edoceret, in mandatis habuit. Reverſus autem nuper ad me, cum ab ipſo percontarer, an te allocutus eſet, reſpondit ſe, quam primum Patavium permeaſet, ſaltem biduum ibi manſiſſe: interim te conveniendi nullam datam fuiſſe commoditatem. Reiecit itaque illud in reditum ſuum, donec ulteriore Italiâ perluftratâ in Germaniam ipſi revertendum foret. At cum rurfus Urbem veſtram accederet, et quod antea omiſſum erat, præſtare ſatageret, te ibi non invenit; ſed in villam tuam animi cauſâ ſeceſſiſſe Mathematicus veſter GALILÆUS DE GALILÆIS referebat. Re itaque hac præter utriuſque noſtrûm expectationem infectâ is ad me (uti dictum) redijt. Ex quo vero Excellentiſſimo Domino MAGINO ad ſuas, quas idem mihi attulit, reſpondendum nunc foret literas, te quoque non prætereundum cenſui, ut quod antea per præſentem TENGNAGLIUM noſtrum fieri non poterat, nunc literis (ſiquidem aliter non licet) compenſetur.

Exiſtimo

Existimo te ab alijs iam antea utcunque percepisse, quomodo Patrium
 solum verterim, atque in Germaniam ultro conceſſerim, derelicto Ura-
 niburgo nostro Danico totoque eius apparatu Astronomico mecum ad
 8^v exteros translato; siquidem quorundam invidiâ et malevolentia factum
 sit, ut omnes reditus ad sustentationem || Divinæ illius scientiæ Astro-
 nomicæ a nunquam satis laudatæ memoriæ Rege FRIDERICO de-
 putati, statim ac novitius hic Rex coronatus atque rerum administra-
 tioni adhibitus eſſet, subtracti fuerint, et simul a Cancellario pariter
 novitio, quem per literas diligenter admonueram, ut hoc sublime stu-
 10 dium iuxta intentionem antecedentis Regis et Senatusconfulti, Patriæ
 saltem honoris causâ isthic conservari et perpetuari poſſe, a Rege hocce
 obtineret, et simul discrete præmonui de ijs, quæ subsequerentur, si id
 non fieret, mihi rescriptum sit, Regi non eſſe integrum quicquam in
 Instrumentorum meorum huic exercitio inservientium sustentationem
 15 de suo conferre. Seceſſi itaque primum Haſſniam, quæ Regni metro-
 polis eſt, trium vel 4 horarum saltem itinere maritimo ab Insulâ illâ
 Uraniburgicâ distantem. Ubi cum in ædibus amplis iuxta vallum a me
 ipſo exædificatis studia mea proprijs sumptibus continuare in animum
 20 induxiſſem, eâque de causâ nonnulla ex Instrumentis meis ibi com-
 mode disposuiſſem, a Curia Magistro nomine Iunioris Regis, licet tunc
 in Germaniâ absens, id efficere prohibitus sum. Quare cum has præ-
 claras Artes isthic adeo neglectas, imo exosas animadverterem, ut ne-
 que publicis neque privatis impensis ijs invigilandi otium atque com-
 25 moditas concederetur, malui universam Patriam plurimosque in eâ
 sanguine iunctos et Amicos inibi omnes derelinquere, quam laborum
 Uraniaſt nostræ frustrationem atque interitum ſpectare. Subſtiti tamen
 in transmarino Ducatu Megapolitano per Anni quadrantem et poſtea
 in viciniâ Cimbris Holſatiâ integrum Annum, ut noſtratibus, Patriæ ||
 9^r adhuc ſtudens, rem rectius deliberandi ſatis relinquerem temporis.
 30 Quod cum incaſum fieri viderem, et interea ab Auguſtiſſimo et Poten-
 tiſſimo Imperatore RUDOLPHO Secundo, Domino noſtro Clemen-
 tiſſimo, inde in Bohemiam evocarer, rebus meis, quam primum fieri
 potuit, in Germaniâ compoſitis et tranſlatis Magdæburgum ad Albim
 ſitum Instrumentis unâ cum reliquâ ſupelleſtile domesticâ Drefdam
 35 veni, ubi, poſtquam de Epidemicis morbis in Bohemiâ populariter
 graſſantibus, quodque Cæſar ob ea pericula Pragâ relictâ in Arcem
 quandam ſeorſim ſe recepiſſet, intellexiſſem, et ſimul a Mag^{co} Domino
 CORRADUCIO, Imperij Procancellario, per literas de Cæſæ Mat^{is}
 Clementiſſimâ voluntate admoneretur, ut nimirum pauliſper in viciniâ
 40 me continerem, donec malum illud in Bohemiâ remitteret, atque Aula
 Cæſa recolligeretur, expectavi aliquandiu in propinquâ Saxoniâ, quo-
 ad iterum ex mandato Cæſaris a prædicto Domino CORRADUCIO
 Pragam

Pragam per literas vocarer, quo superiore æstate cum totâ familiâ ad-
 veniens, a Cæs^a Ma^{te} mox benignissime receptus sum, atque annuo
 salario satis liberali, quo Astronomiæ studio et rei domesticæ consulere-
 tur, provifum, concessaque Arx quædam Cæsareana Benachia, quam
 ob loci eximiam amœnitatem et fluvium Isaram circumcurrentem in- 5
 digenæ Venetias Bohemorum nuncupant, quæ quinque saltem milli-
 aribus Germanicis sive sex horarum itinere Pragâ metropoli remove-
 tur. Hanc tribus alijs pariter oblatis, quod locus sit tranquillus et iocun-
 dus, ac simul admodum êditus, adeoque Observationibus cœlestibus
 commodior, prætuli: ubi etiam convenientia pro meis Instrumētis 10
 ordine et sigillatim disponendis ædificia mandato et sumptu Cæsaris
 confestim || structa sunt, in quæ in Bohemiam mecum allata Organa, 9v
 prout usus requirit, collocata sunt. Reliqua ex Germaniâ, quam pri-
 mum hyems desierit, huc pariter advecta, ibidem ului adaptabuntur,
 ut sic, Cœlestium favente Opifice, Uraniæ nostræ, quam Patria repu- 15
 diavit, fundamenta hîc reponantur, atque in Cæs^æ Ma^{tis} totiusque Im-
 perij honorem Astronomiæ redintegratio continuetur, atque quam
 primum fieri possit, compleatur. Quod post Divini Numinis providen-
 tiam huic optimo Imperatori omnium liberalium Artium, inprimis-
 que Mathematicarum Mæcenati benignissimo acceptum est ferendum. 20
 Namque is Clementi manu nobis hæc otia fecit. †

Hæc te, Clarissime Domine PINELLE, scire volui, si forte antea non
 satis innotuerunt, ut rerum nostrarum vicissitudo et in Bohemiâ a Cæ-
 sare benignissime restitutum hospitium te non lateret. Libros autem,
 quos Cæs^æ Ma^{ti} dedicatos, cum primum adveni, humillime obtuli, 25
 quoad duos priores, te vidiße autumo. Nam et Ser^{mo} Principi atque
 Senatui Veneto a prænominato Iuvene meâ causâ reverenter exhibiti
 sunt, qui etiam eum Equitis aurati honore decorârunt. Si vero non-
 dum eos tibi inspicere contigit, ab Illustri et Clarissimo viro IOHANNE
 FRANCISCO SAGGREDO id facile (uti opinor) impetrabis. Tertius 30
 erat de restitutis motibus Solis et Lunæ eorundemque cum consuetis
 calculis comparatione, quem alias (uti spero) videbis.

Porro ut per occasionem, quæ nunc ob Aulæ Cæsareæ propinquitatem
 promptior quam antea occurret, me Eruditis tuis literis invisere,
 atque quod hisce meis incomptis prævenerim, candide accipere non 35
 degravaris, quæso. Vale, salutato a me peramanter ob conformia studia
 Præstantissimo isthic Mathematicum Professore GALILÆO DE GALI-
 LÆIS; qui si mihi (uti constituerat) per dictam occasionem scripsisset,
 me in respondendo non inveniisset difficilem. Poterit tamen id alio for-
 tabis tempore præstari. Iamque iterum vale, vir illustris et celeberrime, 40
 atque Annum hunc Iubilæum plurelque alios subsequentes quam feli-
 cißime transige. Dabantur ex Arce Cæsareanâ Benaticâ 3 die Ianuarij
 Anno 1600. [E codice

† [E codice Basileensi G I 35; cf. Io. Ant. Magini *Tabulæ Primi Mobilis* (Venetiis 1604) fol. 86]

10^r EXCELLENTISSIMO ET ERUDITISSIMO
VIRO, DOMINO IOHANNI ANTONIO MAGINO, MATHEMA-
TUM IN ILLUSTRIBUS BONONIENSIBUS GYMNASIO
5 PROFESSORI, AMICO SUO PLURIMUM
DILECTO.



10 **R**EVERSUS ad me FRANCISCUS TENGNAGLIUS
noster tuas attulit, Excellentissime et Eruditissime pluri-
mumque mihi dilecte Domine D. MAGINE, meis qui-
dem respondentes, sed tamen de singulis, de quibus te-
cum agebam, non sufficienter agentes, quod occupa-
tionibus tuis lubens tribuo. Gratum vero mihi in primis
est, quod ijs quæ ille proponebat absentitus sis, atque in illis tuam ope-
ram sive per temetipsum sive per alios in Italiâ Eruditione pollentes
15 effectui daturum benevole pollicitus.

† Existimo te a dicto TENGNAGLIO summa rerum huc pertinentium
fastigia hausisse. Adiunxi hisce brevem discursum de occasionibus mei
e Daniâ discessus, ut eo promptius negotium concipi possit, et quasdam
alias literas huc pertinentes. Cætera ipsius relatio ac Carmina tradita,
20 quæ nunc prioribus addo, supplebunt. Da itaque operam, optime MA-
GINE, ut mature res omnis conficiatur, mihi que primæ conceptiones
intra duos menses (si ullo modo fieri possit) huc in Bohemiam mittan-
tur, quo quæ necessaria duxero, mutem, addam vel adaugeam, cum
nemini melius quam mihi ipsi mea perspecta sint, moxque vobis re-
visa et locupletata remittam. Placet vero admodum illa ratio, de quâ
25 TENGNAGLIUS admonuit, ut potius Panægyricum quid sit quam
per Dialogos. Sic enim res omnis concinnius comprehendere poterit et
maiori autoritate: ita tamen, ut a generalioribus ad particularia de-
scendendo primum universæ Artis Astronomicæ ortus, incrementa,
30 promotiones, augmenta et variæ mutationes ac peregrinationes re-
censeantur; quæ omnia || ab alijs scriptoribus, qui hoc argumentum
tractarunt, facile cum delectu quodam hauriri poterunt. Et si alij de-
fuerint, IOHANNES STADIUS in ijs, quæ Tabulis Bergensibus abs
se dictis subiunxit, occasionem suppeditabit: quæ tamen in quibus-
35 dam, ubi liberius excurrit, castiganda erunt, uti erat vir ille in dicendo
facilior quam verior. Utinam in calculo Astronomico, qui fucum (uti
historica) non patitur, idem non commisset. Quâ in re non immerito
a te redarguitur. Sed parcamus iam manibus defuncti. Est aliquid pro-
† dire tenus, si non datur ultra.

40 Deinde postquam narratum est, quomodo e Græciâ in Italiam et
Hispaniam, postmodum vero ad Germanos et deinde in Daniam ver-
sus

fus Septentrionem migrârit Aſtronomia; quo cum ulterius ob Arctoum frigus nimiamque ſphæræ inclinationem progredi commodè non poſſet, neque etiam diu ibi ſubſiſtere, tandem in Germaniam reuerſa eſt, adeoque in ipſam Bohemiam, Germaniæ quaſi cor et meditullium, ubi apud Auguſtiſſimum Imperatorem RUDOLPHUM II clemens et benignum hoſpitium naſta eſt, ut demum verificaretur, quod olim MANILIUS ad AUGUSTUM Cæſarem protulit:

*Regales animos primum dignata movere
Proxima tangentes Cœlo ſaſtigia rerum.*

Hinc ſumptâ occasione poterit poſtea digreſſio quædam fieri ad me et ea, quæ mihi in Daniâ evenerunt, tanquam relatione eorum, qui ex Germaniâ et Bohemiâ in Italiam proficiſcuntur, comperta. Decet tamen in his modum aliquem ſervare et modeſte ac moderate omnia agere, ita ut Patriæ noſtræ et Regi plurimiſque in ijs præclarâ et antiquâ Nobilitate viris integris et cordatis, quibus partim inſcijs partim invitis ea evenerunt, quæ diſceſſui meo anſam præbuerunt, parcatur, utque illi ſint excuſabiles. Perſtringendi vero ſolummodo pro merito Cancellarius modernus et Aulæ magiſter, qui cum Patriæ honorem ex officio promovere debuiſſent, ¶ eum potius ob avaritiam et ſorditiem pari invidiâ, malignitate et odio coniunctam (cum ipſi liberalibus ſcientijs vel nihil vel admodum parum tinſti eſſent) impediverunt et exterminârunt. Nomina eorum invenies in ijs, quæ de cauſis diſceſſus mei Latine exarata nunc mitto. Nec intereſt, ſi illi expreſſe nominentur in ſcripto illo, tanquam nomina eorum hac occasione aliunde in Italiâ relata fuerint, cum alias obſcuri ſint, digni tamen, ut ex tali facinore famoſi evadant, quemadmodum ille, qui Dianæ templum Ephēſijs incendio abſumpſit, cuius tamen nomen hoc pacto deletum eſt. Atque in hunc vel ſimilem modum poſſunt ea, quæ Uraniæ noſtræ et mihi contigerunt, amplificari. ¶

Inaudiſi te Ephemerides tuas magnâ equidem diligentiam ſupputatas (utut quidam Francofurti ad Oderam, èditis nuper quibuſdam alijs ab anno 1595 incipientibus et ultra tuas decennio prolongatis, minuta quædam, quæ momentum non habent, in ijs carpere præſumpſerit) auxiſſe ad minimum integro decennio. Exemplar non vidi: neque enim fuit in Catalogo Nundinarum Francofurtienſium proxime antecedentium. Cuperem itaque ex te habere, ut videam, an aliqua inibi præter priorem diligentiam exantlaveris. Neque enim dubito, tua in hoc genere (cum numerorum tractatione atque compendijs præpolleas) emuncta et ſolida eſſe, quantum fert fundamentum illud cui ſuperſtruſta. Coëterum quæ de Tabulis meis in motu Luminarium reſtituto expetis, ut ijs, ¶ donec reliquorum Planetarum numeratio ipſi

Cœlo

Cœlo confona subsequatur, in commodum Reip. literariæ uti possis, libenter tecum communicarem, si ea quæ non tam typis excusa quam manuscripta in his parata habeo, nunc ad manus essent. Nam ut de rerum mearum vicissitudine, quam a prænominato TENG-NAGLIO intellexisti, nihil hîc repetam (piget enim istorum recordari, nedum ea memorare) scias me præcipuam partem suppellectilis meæ interea, dum huc in Bohemiam a Cæsarea Maiestate Clementissime evocatus transeo, Magdæburgi ad Albim quasi in medio Germaniæ reliquisse, donec de ipsius Maiestatis Clementissimâ voluntate certior redderem; inter quam non saltem Instrumenta quædam ex meis, plura quam huc attuli, sed et maxima pars Operum meorum tam impreßorum quam manuscriptorum conservatur. Et licet Cæsarea Maiestas ante complures hebdomadas Magdæburgensibus clementer scripserit atque mandârit, ut omnes res meas ibi reservatas huc in Bohemiam intermediente Albi adduci procurent, tamen interveniente hyeme, quæ fluminis congelationem atque impedimenta varia facile suggerere potuit, id usque in instans vernum tempus procrastinare neceßum habuerunt. Unde fit, ut tuis votis hac in parte, etiam si quam maxime vellem, nunc subvenire nequeam, sed spero Progymnasmatum nostrorum Astronomiæ instauratæ primum Tomum brevi, favente Cœlesti Numine, in publicum editum iri: moxque exemplar tibi impertiar. Isthic capite primo, quæ in calculo || curriculi utriusque Luminaris desideras, sufficienter invenies. Interim hanc incidentem morulam patienter habe. In reliquis Planetis adhuc strenue laboro. Res enim est maioris difficultatis, pluribusque anfractibus obnoxia, quam hæcenus creditum. Quid in his atque alijs ad negocium Astronomicum facientibus hucusque aspirante ipso Cœli authore perfecero, liber is, quem TENG-NAGLIUS tibi ex me dono dedit, de Mechanicâ Astronomiæ parte circa finem edocebit. Quem unâ cum altero de affixarum maiore labore quam æstimatione restitutis locis te accepisse gaudeo; velimque ut tibi soli reserves, vel saltem ne indignis et ingratis communices.

Observationes, quas per nova Instrumenta ad imitationem quorundam ex meis fabrefacta te in Italiâ fieri effecturum iam dudum pollicitus es (de quibus etiam antea per literas inculcavi) necdum conspiciere licuit. Averem sane tale quidpiam isthic diligenter effici, ex quo minor Sphæræ apud vos quam hîc inclinatio maiorem largiatur commoditatem stellas præsertim Australiores rite examinandi. Nec desunt vobis ingenia ad quidvis apta, modo in talibus instruantur et adhibeantur. Neque dubito quin ditiores, qui hac sublimi cognitione afficiuntur, sumptus non invite sint subministraturi. Quod et illis erit honorificum. Quæ vero in his præcipue facienda atque eligenda sint, ut Mechanice omnia ad amûm et utiliter conficiantur, liber, de quo dixi,

dixi, quemque habes, anſam præbebit. Omnem itaque move lapidem, ut non ſub tecto et tuguriolis (uti nunc communiter fit) ſed ſub dio atque ipſo Cœlo Aſtronomiam (velut par eſt) veterum imitatione exerceamus, et ſic ſpectemur agendo.

Vale, et Annum hunc Iubilæum, multoſque alios in Artis huius nunquam ſatis laudatæ promulgationem feliciter exige.

Dabantur ex Arce Cæſareanâ Benaticâ 3 Ian. 1600.

Excellentiæ tuæ ſtudioſiſſimus

TYCHO BRAHE.

[E codice Baſileenſi G I 23]

† 10

GENEROSO ATQUE MAGNIFICO VIRO,
DOMINO TYCHONI BRAHE, IN KNUDTSTRUPP ET
URANIBURG, ET DOMINO SUO, FAUTORI AC
PROMOTORI SUMME HONORANDO.

34v

Salutem plurimam D.

33r



RÆTER omnem ſpem et expectationem meam accidit, Generoſe Domine TYCHO, fautor ac promotor honorandiſſime, ut hîc diutius moras trahere cogar. Nihilominus tamen ex voto et animi ſententia mihi hætenus omnia ſucceſſerunt, et uti ſpero amodo etiam ſucceſſura eſſe. Tuas a Conſobrino tuo CLAUDIO BILLEO cum

20

Idea ſive typo Structuræ novæ Benachienſis 8 Idus Ianuarij ſartas tectasque accepi, quibus properante hinc Poſta conſeſtim reſcribo. Ideam adhuc hodie Magnifico Domino BARVITIO, Cæſareæ Maieſtati humilime ad exhibendum, offeram, cæteraque ſedulo et diligenter, quæ in memoriale aſignata reperi, exequar. Cæſarea Maieſtas cum quotidie tui ad D. BARVITIUM faciſſet mentionem, deque te Cæſareo favore valde ſollicita eſſet, quinam valeres, quidnam rerum ageres, an nihil ei tranſmitteres, Dominus BARVITIUS, me quidem inſcio, tua Progymnaſmata Aſtronomiæ ad ipſius Maieſtatem detulit. Dominus BARVITIUS ad me aiebat: »*Ich muſte nur Ihrer Röm. Kay. Mts. etwas weiſenn von dem Herrn TYCHONE, damit von Ihr Kay. Mts. ich nit ſo offters gefragt werde, weil ich dan ſobaldt nichts darauf zu andtwortenn weiſ, und zue fridenn bleibe*«. Quæ ipſius Cæſarea Maieſtas actutum aperuit et per integrum diem vultu hilari et clementiſſimo, imo paterno erga te quem gerit animo, clementiſſime perluſtravit, uti coram plenius id tibi aperiam; per feſtinationem enim Poſtæ commodè hoc fieri nunc nequit. Annuatim a Cæſarea Maieſtate clementiſſime ex ferarum genere tres tibi ſunt deputatæ, et aliquot Züber (uti in Bohemia vocant) piſcium, de qua re ex mandato ipſius Cæſ.

25

30

35

40

Cæf. Maieftatis a Domino BARVITIO ad Dominum Capitaneum
 Brandeifensem iam fcriptum eft, nec non de Prædio, ut aliquod eligat,
 33^v et per primam occafionem, quid ille || fentiat, Dominum BARVITIUM
 certiore faciat, quas literas mecum dante Deo afferam. Pecunias
 5 antea promiffas poft diuturnam moram etiam nunc obtinui. Magnifi-
 cus Dominus CORRADUCIUS te officiofe et peramanter refalutat
 omniaque felicia precatur; dicta falute et congratulatione ad me dice-
 bat: »Pro congratulatione hac quam mihi nuncias, et falute quam no-
 mine Domini TYCHONIS BRAHE dicis, gratias tibi ago maximas;
 10 viciffim eum, cui mea ftudia offero, peramice falutabis. Ego illum vi-
 rum tanto amore profequor, itaque ipfi faveo, licet de facie mihi igno-
 tus fit, ut nil fupra, non modo ob infignem ac præclaram quam pro-
 fitetur artem Aftronomiam, fed et ob generis fplendorem, *dan er*
 15 *eines tapfferenn Gefchlechts und Herkommens, auch vornehmer*
Man, deffen gleichenn izo in toto terrarum Orbe nit zu findenn, uti-
 nam ut quam primum copia mihi eum videndi et cum ipfo loquendi
 fe offerat; fed id brevi fore puto.« Dominus TYPOTIUS ante biduum
 huc Pilsnam Lipfiâ appulit, qui etiam te falva impertit falute. Iamque
 diutiffime ac feliciffime cum tota Domo vale viveque annos Platonicos.
 20 Dabantur calamo celeri Pilsnæ ipfo die quo mihi tuæ cum modella
 funt redditæ, Anno aßertæ falutis 1600.

Tæ Mæ addiciff.

DANIEL FELS,
manu propria.

25 Quod meæ fuperioribus diebus tardius quam debebant tibi fint red-
 ditæ, culpa mihi non eft danda, fed id vel Poftæ, per quam reſcripferam
 aßutum, vel Domino Doctori HELLERO, ad quem meas direxeram,
 imputandum. Cum viaticum mihi defit, nec hîc mutuo accipere poßum
 nummos, ſcripfi D. HELLERO, ut per Poftam 8 Ioachimicos mihi, bonâ
 30 fide et gratia a te reſtituendos, transmittere velit. Iterum vale meæque
 feftinationi ignoſce, meque incolumem tu incolumis expecta. Progym-
 naſmata tua Aftron. a Cæf. Maieft. nondum recepi, quotidie adhuc
 ipſius Cæf. Maieftas ea perluftrat.

[E codice Basileensi G I 35]

✠

S. CLARISSIME ET ERUDITISSIME
DOMINE BARTHOLOMÆE SCULTETE VETERI AMICITIA
MIHI IUNCTISSIME.

12^r

CESSUM meum in Bohemiam, quod a Cæs^a Ma^{te} hīc 5
Clementiſſime receptus ſim, tibi iam antea innotuiſſe, ex
Domino Doctore SCHWALMIO communi noſtro ami-
co, paulo poſtquam Pragam adveneram, percepi. Rediens
enim ille ex Sileſiā attulit ſchedam quandam memoria- 10
lem tuā manu exaratam, in quā Progymnaſmatum meo-
rum tomum primum tecum communicari rogabas: ac reſponſum ad
meas, quas idem tibi tradidit, nullum reportavit, uti neque ad illas,
quas Wittebergā ad te dedi, reſcribere voluiſti, traditā ſaltem tabellario
chartulā, quæ probaret, eum meas exhibuiſſe. Quī vero fiat, quod in
reſpondendo tam difficilis ſis, equidem ignoro. Si curæ tam publicæ 15
quam privatæ impedimento ſunt, ſcias me non minoribus diſtineri, et
tamen haud intermittere, quin amicis ſcribam. Sed ſi in poſterum hanc
deſidiam emendāris, erit veniæ locus.

Progymnaſmata deſiderata mittere necdum potui, quia primus qua-
ternio nondum impreſſus eſt, uti neque Concluſio; et deſiciunt alias in 20
primo capite ſex quaterniones de motu (C^æ, quos Hamburgi quidem
typis imprimi mandavi; ſed in abſentiā meā adeo depravate id factum
eſt, ut eos recudere oporteat. || Poſtquam vero in Bohemiam conceſſi, 12^v
nihil eiufcemodi hucuſque præſtare licuit, partim ob peſtem Pragæ ali-
quamdiu graſſantem, quodque iſthic typographias numeris et figuris 25
Aſtronomicis aptas non habeant, partim quod propriam meam Magdæ-
burgi unā cum quibuſdam ex meis Inſtrumentis atque ſupellectile do-
meſticā, interea dum ego in Bohemiam tendo, relictā ante hyemem
me obtenturum fruſtra crediderim. Mandarat ſiquidem Cæs^a Ma^{tas} per
litteras Magiſtratui eius loci, ut res meas omnes iſthic conſervatas 30
ture huc in Bohemiam per Albim tranſvehi procuraret. Verum dum
iſthic moras neſcunt, et neſcio quæ ſubterfugia quærunť, ſupervenienti
hyemis aſperitas id ante ver inſtans fieri poſſe vetuit. Sicque tam illud
opus, quam alia a me inchoata et necdum typis plane conſummata
abſolvere, poſtquam huc veni, non eſt conceſſum. Interim tamen in 35
hac Arce Cæsaris Benaticā ſtructuræ pro Inſtrumentis meis Aſtrono-
micis ordine et ſigillatim diſponendis iuſſu eius Ma^{tis} conſectæ ſunt, in
quarum aliquas ea, quæ mecum attuli, iam diſpoſita ſunt, donec cœtera,
quibus relictā ſunt convenientia loca, advenerint. Laboratorium || etiam 13^r
Spagyricum pro Pyronomicis meis exercitijs, quibus unā delector, pa- 40
ratum eſt; ſatisque commode in hac Arce, quam tribus alijs pariter ob-
latis

latis prætuli, cum meis habito; et de necessarijs a Cæs^æ Ma^{te} mihi liberaliter, quantum hæc ferunt difficilia tempora, provisum. Absum autem hîc a vestro Gorlitzio vix plus itinere duorum dierum, æstivo præfertim tempore, ut facilior et crebrior (modo sic volueris) literarum
 5 inter nos commutatio fieri possit. Et si me aliquando hîc invilere tibi grave non fuerit, advenies non tam exoptatissimus hospes, quam Amicus antiquus nunquam antiquandus, sed perpetuo mihi futurus charissimus.

Quoniam vero intellexi Gorlitzij apud vos esse excultas Typographi-
 10 as, quæ stylorum formâ et varietate præpolleant, simulque moletrinas papyro conficiendæ idoneas ibi reperiri, cuperem a te resciscere, quali precio quaternio impressus in formâ papyri maiusculâ, quam Regalem vocant, ecudatur, idque in quarto, ita ut munda et nitida sit papyrus, typi vero partim ex cursivâ maiusculâ, partim minori et antiquâ me-
 15 diocri, incidentibus nonnunquam quibusdam tabulis et figuris Geometricis, ita ut Exemplaria sint 1500, et quot quaterniones singulis hebdomadibus absolvi queant, quidque correctori idoneo numerandum. ||
 13^v Ut vero mentem meam circa hæc rectius percipias, apposui unum vel alterum quaternionem, formam papyri atque impressionis rationem
 20 ostendentem. Cœtera per temetipsum facile capies atque dispones. Da itaque operam, amantißime SCULTETE, ut votis meis hac in parte respondeat eventus, idque mature resciscam, quo Exemplaria unâ cum pecuniâ necessariâ, quam tuæ fidei committam, isthuc tempestive trans-
 25 mittere queam. Quæ illuc primo quoque tempore labore typographico compleri averem, hæc ferme sunt. In volumine primo Progymnasmatum instaurationis Astronomicæ dimidium circiter Alphabetum hinc inde desideratur; ideoque quam citißime fieri queat, convenientibus locis supplendum. In libro illo de Cometâ Anni 77, quem dudum a me obtinuisti, subiunxi postea Apologetica quædam scripta, quæ Ham-
 30 burgi quidem impressa sunt; sed refutatio cuiusdam Eruditi in Scotiâ viri, qui contra eiusdem libri præcipua contenta nonnulla inferre præsumpsit, necdum addita, quæ forte quaterniones 16 adimplere poterit. Præterea librum secundum Epistolarum Astronomicarum e nostris, quem paulo antequam Daniâ exceßi, typis proprijs excudi inchoâram.
 14^r Sed solummodo absoluto dimidio Alphabeto || mihi inde in Germaniam emigrandum erat, sicque opera illa ob varias intercidentes irrequietu-
 dines intermissa est. Restant duo circiter Alphabeta plus minus typis pertexenda, idque totum minori illâ antiquâ, qualem primus Epistolaru-
 rum tomus iam antea editus (quem proculdubio habes) exhibet.

40 Hos inquam libros iam antea typis nostris inceptos isthic apud vos ad Colophonem opere Typographico quam celerrime diduci posse, ut hoc Anno Iubilæo publici iuris fierent, plurimum exoptarem. Fac igitur

tur me de singulis huc pertinentibus per primam quamque occasionem (siquidem proprijs typis id nunc fieri nequeat) certio-rem, et cum typographis vestris atque papyri confectoribus, prout æquum fuerit, transige, et quid ad minimum exigant, significa. Non poterunt mihi facile in hoc utroque negotio imponere, cum ipsemet utrumque, tam quoad typographicas impensas, quam papyri præparationem in Insulâ olim Uraniburgicâ diu multumque proprijs sumptibus exercere curârim. Confido autem, sic persuadente veteri inter nos necessitudine, te desiderijs meis hac in parte non defuturum. Feceris sic non saltem mihi rem gratam et amicitia nostrâ || haud indignam, sed et Divinæ illius Astronomiæ cultoribus inprimis acceptam nec (uti spero) inutilem. Cumque tu non postremum inter eos locum obtineas, te sponte tuâ rem omnem promoturum, nihil addubito. Sicque eo citius et promptius Exemplaria Operum meorum, quæ requiris, nanciscere.

Vale et actutum rescribe, meque de singulis diligenter admone. Opto tibi cum omnibus tuis hunc præsentem Annum Iubilæum multosque alios instantes auspiciatos et salutare. Iterumque vale. Dabantur ex Arce Benaticâ 5 miliaribus Pragâ versus Borrhapelioten remotâ Anno Epochæ Christianæ Dionysiacæ 1600, quem tamen duobus Annis deficere IOSEPHUS SCALIGER in renovato Opere de Emendatione temporum (uti prius unico) contendit, Ianuarij die 7° stylo renovato. Tu, si potes (uti forte potes, siquidem in similibus diligenter versatus) hanc litem dirime.

[E codice Basileensi G I 35]

CLARISSIMO ET EXCELLENTISSIMO
VIRO DOMINO IACOBO MONAVIO, PATRITIO VRATISLAVI-
ENSI, ILLUSTRISSIMI DUCIS SILESIAE CONSILIARIO
DIGNISSIMO, AMICO SUO INPRIMIS
HONORANDO.

S. P.



AUCIS diebus ex quo Pragam veneram, Excellentissime et amantiſſime Domine MONAVI, schedam quandam a te e vestra Silesia mihi asportavit Dominus D. SCHWALMIUS, si recte memini: quæ nihil aliud quam de Carmine quodam Domini TOBIÆ FISCHERI Poëtæ vestratis, quâ occasione id in eum modum concinnatum sit, continebat. Grata mihi fuit tua chartula ipsiusque Carmen, in quo paucula verba mutata sunt iuxta censuram criticam, prout in adiunctis pagellis videre est, quibus etiam nonnulla alia, præter ea, quæ

quæ prius habes, adscripta sunt. Velim, ut tam hæc quam priora cum eodem communices. Scripsißem ipsemet iam illi, si literas eius ad me humanissimas tam cito invenire potuissem. Nescio enim, ubi illas cum quibusdam alijs, interea dum res meæ huc Pragâ transferuntur, re-
 5 posuerim. Quando eas reperire dabitur, rescriptionem non ulterius intermittam. Interim ipsum meo nomine officiose saluta, et pro bene- volo suo erga me animo gratias age.

Scripsi tibi aliquoties antea de libris Witichianis a sorore hærede coë- mendis. Quod si iam tuâ operâ præstari possit, ut iusto precio eos obtinere
 10 queam, præsertim quoad Exemplaria quæ habuit tria COPERNICI a se marginalibus quibusdam illustrata de Revolutionibus Cœlestibus, et quæ de Triangulis conscripserat, atque de Hypothesibus Cœlestibus si quæ inveniuntur, feceris mihi rem apprime gratam. Precium indi-
 15 catum confestim solvam. || Relatum quoque ad me est, quendam apud vos ante aliquot Annos fuisse Astronomiæ peritum, qui observationes nonnullas Cœlestes suo tempore perfecerat; quas filium ipsius adhuc conservare aiunt. Habitat autem is (si rite audita recordor) in plateâ quam vocant *die Stockgasse*, nomen eius excidit; tu (opinor) facile id conijcies atque inquires, rogoque peramanter, ut ab ipso impetrare
 20 velis earundem observationum, quot et qualescunque fuerint, descrip- tum mihi concedi. Inveniar vicissim erga illum gratus. Indica insuper, ubi rescripseris (quod te mature facturum confido) an aliqua apud vos sit Typographia, quæ tales stylos habeat, qualibus liber primus Epi- stolarum Astronomicarum e nostris, quem existimo te habere, excusus
 25 est. Constitui enim alterum Tomum, in quo 12 primi quaterniones, antequam res meæ in Daniâ conturbarentur, absoluti sunt, complere, in eâdem formâ papyri et characteris, quâ prior confectus est. Et trans- ige simul cum Typographo idoneo, quid pro quolibet quaternione, ita ut Exemplaria imprimantur 1500, illi numerandum sit. Et simul papyri
 30 valorem indica, quidque correctori gnaro in singulas septimanas dan- dum. Si intellexero, omnia isthic rite succedere posse, mittam unâ cum
 16^r Exemplari ad mundum scripto pecuniam, pro quâ papyrus || coëma- tur, et cœtera persolvantur. Ignoscas vero mihi, mî MONAVI, quod te alias occupatissimum meis negocijs sic molestem. Ego quidvis vicissim
 35 tuâ causâ faciam, quâcunque in re mea opera tibi unquam usui esse poterit. Vale. Dabantur ex Arce Cæsareanâ Benaticâ, ubi nunc cum meis habito, die 10 Ianuarij stylo renovato Anni 1600.

[E codice Basileensi G I 35]

†

TYCHO BRAHE AD MARTINUM BOCHAZIUM.

S.

17^r

BXCELLENTISSIME et eruditissime Domine M. MARTINE BOCHAZI, amice honorande, ex literis tuis ultimo ad me datis non obscure percepi tuum in me studium et singularem benevolentiam, cum quod M. NICOLAUM, Conterraneum meum, tam humaniter nuper exceperis, atque negocia a CLAUDIO BILLEO consobрино in Gallijs meo nomine expedienda tuo quoque consilio promovere volueris, tum etiam quod exemplaria aliquot Carminum tibi conceditorum mihi ad mundum describi procures, in quibus recte coniectatus es, quod Epigramma quoddam TUTO pro TYCHO perperam haberet. Debet enim illud, uti apposite restituiſti, sic ultimo claudi:

15

Ære RUDOLPHE tuo, TYCHO labore tuo.

Et si quæ alia eiusmodi invenisti sphalmata scriptoris, bene feceris, si emendaveris. Quoniam vero beneficium unum alterum alliciat, et videam te nostratibus favere, præsertim si mea commendatione fulti te acceßerint, non potui prætermittere, quin iuvenem Danum, qui ante triduum cum filio meo natu maiore (quem in Daniam pro aufe-
rendis isthic residuis instrumentis, et Lubecam primum, deinde Ham-
burgum, quod || et factum est, transvehendis miseram) huc Witebergâ, ubi aliquandiu studuerat, comitatus est, [literis] hisce [ad] te pro[mo]ve-
rem, siquidem is se tibi insinuari exoptârit meque hoc nomine rogârit; intellexerat enim inter nos familiaritatem non vulgarem esse, meque tibi, uti par est, plurimum tribuere, quare non potui non ipsius deside-
rijs annuere. Ut vero paucis cognoscas, quis et qualis is sit, sic habe. Oriundus est ex ea parte Daniæ, quam Cimbricam alij vocant Chersonesum, nostrates Iutiam dicunt, in civitate isthic primaria Ripensi, quæ cathedralem habet ecclesiam et capitulum Canonorum celebre atque opimum, ubi etiam parens illius, honesta alias familia natus, præcipuum gerit officium et Superintendentem agit, loco veterum Episcoporum, vir apprime eruditus et antiqua consuetudine mihi notus, qui M. PETRUS HEGELUNDUS appellatur. Filius autem hic, IOHANNES nomine, aliquamdiu in Academia Haffnienſi diligentem literis operam navavit, posteaque Witebergæ studia liberalia non minori sedulitate continuavit, atque in ijs pro sua ætate egregium et laudabilem fecit profectum, estque insuper honestis et compositis moribus præditus, ut spes non dubia sit, eum ad præclaram aliquam frugem Dei

20

17^v

25

30

35

40

Dei beneficio perventurum. Quocirca, mi optime BOCHAZI, ut tibi
 18^r hunc iuvenem Danum || de meliori (uti aiunt) nota commendatum
 habeas, utque eius conatus iuves, ipsumque ad optima quæque tuo
 consilio promoveas, te etiam atque etiam rogatum habeo. Feceris sic
 5 mihi rem apprime gratam et pluribus nominibus me, tui alias aman-
 tißimum, devinxis. Cuperet is aliquantisper Pragæ subsistere, ut in-
 choatam studiorum suorum telam in vestro Collegio pertexere queat,
 atque mores isthic hominum addiscere, sicque successive sibi viam ster-
 nere et commoditatem parare ulterius peregrinandi et forte Italiam
 10 perlustrandi. Da itaque operam, amantißime Domine BOCHAZI, ut
 isthic apud vos oportune, et si locus commodus eßet, in vestro Collegio,
 ibi potius degat, ut non nimium de sua pecunia, quâ ad ulterius pere-
 grinandum opus habet, illi consumendum sit, sed frugaliter, ita tamen,
 ut neceßaria non desint, vivere ac studijs humanioribus simul vacare
 15 possit. Qua de re ille ipsemet suam plenius tibi expositurus sententiam,
 atque ego, ubi vobis, favente Numine, adfuero, quod statim atque Cæ-
 sarea Maiestas Pragam redierit, futurum spero, ulterius tecum tam de
 his quam alijs collocuturus sum. Interim effice, ut hanc nostram inter-
 ceßionem apud te pondus habuisse, qua etiam de re nihil addubito, re-
 20 sciscam, et Exemplaria Carminum, quotquot transcripta habes, mitte,
 meque tui studioßimum redamare perge. Vale. Dabantur properan-
 ter ex arce Venetiensi 17 Ian. A. 1600. ||

19^r †

POSTSCRIPTA.

ADVENIT cum filio inde a littore Balthico quidam alius e conter-
 25 raneis nostris M. CHRISTIERNUS LONGOMONTANUS no-
 mine, a me huc vocatus: liquidem is iam antea, dum in Daniâ morarer,
 mihi in Insulâ nostrâ Uraniburgicâ per octennium fuerat domesticus,
 et in Exercitijs Astronomicis operam diligentem nobis præstiterat. Tur-
 batis autem isthic Uraniæ sacris, quorundam inscitâ et malevolentâ,
 30 ille, ruinas tantas me spectare nolente, sed inde cum totâ familiâ in
 Germaniam me recipiente, pariter abiit, et cum bonâ nostrâ veniâ
 primum in Prußiam navigavit. Postea perlustratâ Poloniâ per Silesiam
 et reliquam Meridionaliorem Germaniæ partem Rostochium venit;
 ubi cum percepisset, me in Arce Ranzovianâ prope Hamburgum ali-
 35 quantisper consedis, me ultro acceßit, et aliquanto tempore isthic me-
 cum moratus, cum interea a Cæsâ Mat^e Pragam evocarer, atque paulo
 post iter in has oras susciperem, is me Magdæburgum comitatus est.
 Cumque Gynæceum meum, quod eousque tunc mecum habueram,
 Wandelsburgum remitterem, donec ego Pragam excurrando (quod ta-
 40 men tunc lues populariter in Bohemiâ graßans impedijt) Cæsæ Mat^{is}
 Clementißimam

Clementiſſimam voluntatem perciperem, eum Gynæceo adiunxi, ut illud tutius reduceret, || cum ipsius diu mihi perspecta eſſet fides et erga me ſtudio. Ubi vero is hoc recte executus eſſet, in Cimbriam Patriam ſuam nonnihil exſpatiatuſ eſt, poſteaſque Roſtochium reverſuſ, ibi eventum rerum mearum in Bohemiâ præſtolatuſ eſt. Nunc vero cum filio, accerſituſ (uti dixi) denuo apud me comparuit. Et licet eiſ in ſtudijs Aſtronicis operâ hîc Benachîæ ulteriuſ uti conſtitueram, tamen cum necdum omnia hîc rite diſpoſita habeam, et alias numeroſa mihi ſit familia, expectemque indies Mathematicum quendam Electoriſ Brandeburgenſiſ cum ſuâ coniuge, pro quo Cæſar ſcripſit, ut domuſ hæc mihi deputata vix pluſes commode capiat, ipſe etiam prædictuſ M. CHRISTIERNUſ Pragæ degere, atque iſthic, quæ in Aſtronicis illi faciendâ ſignificâro, ſedulo exequi non averſetur: placuit itaque mihi et hæc ratio, ut meiſ ſumptibuſ ibi, donec illi aliter proſpexero, vivat, et pro me, quæ in hoc genere ſtudioſum continuandâ præſinivero, elaboret. Quocirca ruſuſ ad tuum unâ cum conſilio auxilium rem hanc deſero, omniaſque tuæ prudentiæ et fidei committo, ipſumque, qui mihi ſemper charuſ et acceptuſ fuit, tibi quam diligentiffime commendo, rogans te per amicitiam noſtram, veliſ de commoditate aliquâ oportunâ, tam quoad habitationem quam victum, ipſi proſpicere, ſive id in collegio veſtro, ſive alibi in propinquo competenter fieri queat, meque per eundem intra unum vel alterum diem cum curru meo huc revertentem de ſinguliſ commoneſacere. Præſtiteriſ ſic rem inprimiſ gratam, et quoviſ officio, quantum per me licet, viciſſim compenſandam. Vale. Datum ut priuſ.

[E codice Baſileenſi G I 35]

TYCHO BRAHE AD ANONYMUM.

S.



NOBILISSIME et Magnifice vir, Domine et amice hono-
 rande: Accepi hac ipſâ horâ literaſ a meo domeſtico
 DANIELE FELS, qui iſthic apud voſ in Aulâ moratur,
 quibuſ iuſſu tuæ Magæ ſcribit, Cæſaream Ma^{tem} Cle-
 mentiſſime cupere, ut per primam oportunitatem iudi-
 cium meum de hoc Anno, præſertim quoad morboſ
 Epidemicos, brevibuſ et ſuccincte comprehenſum eiſ Ma^{ti} per pri-
 mam oportunitatem tranſmittam. Etſi vero Aſtrologiciſ prædictionibuſ
 indulgere non ſoleam, quod eam certitudinem non ſpondeant, quam
 requiro, et quam Aſtronomia, quæ motioneſ ſiderum ſolummodo ſcu-
 tatur, admittit (quam etiam ob id potiuſ excolo) et præter hæc gene-
 raleſ

5 rales illæ Mundi influentiæ non saltem a superioribus Astris, sed et inferioribus cauſis atque Elementari Naturâ dependeant (quod et antea Tuæ Mag^æ me innuiſſe memini) adeo ut qui has citra omnem hallucinationem rite præviderint, vel nulli vel admodum pauci hæcenus ex-
 20^v titerint, qui vero particulares et individua concernentes rectius vaticinati ſint, plures inventi: Attamen quia S^a Cæſarea Maieſtas, Dominus
 10 noſter || Clementiſſimus, ſic a me fieri vult, cuius mandatis lubens et ſubiectiſſime (uti decet) obtempero, quam primum fieri poterit, meas hac de re coniecturas ex Aſtrologiâ qualicunque petitas paucis con-
 30 ſignabo, atque ipſius Ma^{ti} ad tuam Mag^{am} meo nomine humillime exhibendas dirigam, utut libris meis tam manuſcriptis quam alijs huc conducentibus, quod Magdæburgi apud reliquam ſupelleſtilem detineantur, etiamnum deſtituar. Alias iamdudum perfecißem id, quod ex mandato Cæſæ Ma^{tis} Tua Mag^a eo ipſo die, quo Clementiſſime au-
 35 dientiam obtinueram, expetiijt; quod quale ſit, ipſemet novit.

Porro Mag^{am} tuam cælare non poſſum (quod et alias ad ipſam hodie perſcribere in animum induxeram) filium meum natu maiorem, quem cum alio quodam ex familiaribus meis ante ſedecim hebdomadas in Daniam pro auferendis reſiduis iſthic Inſtrumentis ablegâram, nunc
 20 primum huc reverſum eſſe, re omni bene expeditâ. Inſtrumenta enim quatuor, quæ ob magnitudinem diſcedens ibi reliqui, unâ cum quibusdam alijs, primum Lubecam, deinde ad Albis oſtia Hamburgum,
 21^r ubi nunc conſervantur, ſacra teſta tranſferri fecit, || contradicente iſthic in Patriâ nemine: licet eo ipſo tempore, quo Rex Comitia extra-
 25 ordinarie cum toto Regni Senatu et potiſſimâ Nobilitate celebravit, Haſſniam appulerit: ſed omnibus potius cordatis ac ingenuis unâ cum conſanguineis et Amicis noſtris de Cæſæ Ma^{tis} Clementiſſimo erga me favore atque horum ſtudiorum promotione mihi affatim congratulanti-
 30 bus, paucis tantum invidis et malevolis dolorem diſimulantibus atque obmutelſcentibus. Quæ pariter indicanda duxi, quo per oportunitatem ipſius Ma^{ti} a tuâ Mag^a Inſtrumenta mea omnia, tam ea, quæ prius evehi curâram, quam quæ in Daniâ reliqui, nunc eſſe in fundo Germanico, atque inſtante vere, favente Deo, huc per Albim non in-
 commodè advehi poſſe, referri queat.

35 Cœterum ut dictum DANIELEM ſollicitatorem iſthic meum, qui iam ſex ferme hebdomadibus abeſt, quamprimum per gravioreſ occupationes licuerit, expedire et huc remittere non degravetur, officioſe rogo. Valeat Mag^a tua quam feliciſſime et diutiſſime. Raptim Benachiâ die 20 Ianuarij 1600.

[E codice Florentino Bibl. nat. in codicum Galileianorum tomo 27 (*Accademia del Cimento* †
part. 3 vol. 12)]

SERENISSIMO AC POTENTISSIMO PRIN- 6v
CIPi AC DOMINO, DOMINO FERDINANDO, MAGNO
HETRURIAE, FLORENTIAE, SENORUM AC PISA- 5
RUM DUCI, DOMINO SUO CLEMENTIS-
SIMO AD MANUS PROPRIAS.



ERENISSIME et Potentiſſime Princeps, Domine Cle- 5r
mentiſſime. Quod Sereniſſima Celſitudo Tua mihi, licet 10
de facie ignoto et tam longe diſtito, adeo clementer et
benevole ſuperiori æſtate ſcribere non dedignata fuerit,
humillima et obſequentiſſima mente eidem gratias ago
quas poſſum maximas. Accepi eas literas, cum primum
Pragam ſub initia Iulij, a S^a Cæſareâ Maieſtate, Domino meo Clemen-
tiſſimo, iſthuc e Germania vocatus, et benigniſſime ſuſceptus adve- 15
niſſem. Quæ ſane non parvâ me affecerunt voluptate, quod inde per-
ciperem tantum Principem, inter Europæos pauciſſimis cedentem, non
ſaltem me immeritum Clementiſſimo ſuo favore proſequi, ſed et Divinæ
illius Aſtronomiæ (cui plurimis abhinc Annis, arduo et indefeſſo ſtudio,
nec modicis impenſis operam navavi) myſterijs ſolenter et iucunde af- 20
fici, prout hæc ſublimis et Heroica Scientia, inde ab initio Regibus et
Principibus, Heroiciſque Viris, in ſublimi rerum mundanarum faſtigio
collocatis, ſemper acceptiſſima, atque ab ijs in præcipuo honore habita
fuit. Quâ etiam de cauſâ Auguſtiſſimus Imperator RUDOLPHUS II
me unâ cum Uraniâ noſtrâ, Patriâ, quod ibi debite conſervari et per- 25
petuari nequiret, ſponte excedentem huc in Bohemiam (uti dictum)
ubi nunc in Arce quâdam Cæſareanâ, itinere ſaltem dimidij diei Pragâ
remotâ, eius fundamina et culturam denuo inſtauro, arceſſiri voluit,
atque huic Regali Studio, Regaliter quoque et liberaliter proſpicere
non degravatus eſt. Libros quos Sereniſſimæ Tuæ Celſitudini humil- 30
lime miſi, eidem gratos fuiſſe, mihi plurimum congratulor.

Quoniam vero ex prædictis Sereniſſimæ Celſitudinis Tuæ literis
percepi, illam plura ex meis in re Aſtronicâ Operibus Clementiſſi-
mo animo requirere, nullatenus intermittam, quin per primam quam-
que oportunitatem, ipſius optimæ voluntati, quâ poſſum reverentiâ, 35
morem geram; et præſtituſſem id iam antea quam lubentiſſime, ſi ſu-
pellex mea libraria, quæ Magdæburgi in Germania etiamnum reſer-
vatur, huc allata fuiſſet, quod tamen inſtanti vere, ubi Albis fluviuſ hoc
hyberno tempore congelatus, denuo erit navigabilis, futurum ſpero.
Sicenim a Cæſareâ Maieſtate Magdæburgenſibus per literas iniunctum 40
eſt. || Ex quo inſuper Sereniſſima Celſitudo Tua Nobilem et Eruditum 5v
Adoleſcentem,

Adoleſcentem, FRANCISCUM TENGNAGLIUM, meum aliquan-
diu domeſticum, qui dictos libros Sereniſſimæ Tuæ Celſitudini ſub-
miſſe a me obtulit, ex aliquali noſtrâ humillimâ commendatione Cle-
mentiſſimo favore non indignum cenſuit, ſed ita ſibi acceptum habuit,
5 ut nuper huc ad me reverſus Sereniſſimæ Celſitudinis Tuæ Clemen-
tiſſimam et ſingularem erga ſe benignitatem ſatis deprædicare nequi-
verit, id equidem tanti beneficij loco reputo, ac ſi a Tuâ Sereniſſimâ
Celſitudine mihi ipſi præſtitum foret. Et quia vel inde Sereniſſimæ
Celſitudinis Tuæ Clementiſſimum erga me animum haud obſcure in-
10 telligam, non verebor Sereniſſimam Tuam Celſitudinem in alio quo-
dam haud diſſimili negotio eo audentius demiſſe compellare, præſertim
cum Ipſamet in ſuis ad me Clementiſſimis literis benigniſſima ſua of-
ficia mihi ultro offerre dignetur. Eſt autem eiuſcemodi.

Cuperem quam maxime non ſaltem in Italia, ubi minor eſt quam
15 hîc Sphæræ Mundanæ inclinatio, ſed et in Ægypto apud Alexandriam,
ſiquidem ibi adhuc rectior eſt, nonnulla in Aſtrorum Obſervationibus,
quæ hîc non ita patent, perficere. Quamobrem filium meum natu
maïorem ex me ipſo denominatum, adoleſcentem 18 Annorum, quem
inde ab ipſa pueritia ad hæc exercitia aſuefecî, adiuncto illi pro co-
mite quodam ex meis ſtudioſis, qui uſque in tertium Annum in rebus
20 Aſtronicis facitandis fideliter et ſedulo mihi inſervivit, harumque
non vulgarem peritiâ ſibi interea comparavit, favente Divino Nu-
mine, inſtanti vere, vel quamprimum fieri poterit, ad S^{ma}m Tuam
Cel^{nem} in Hetruriam mittere, tradito illi uno vel altero Inſtrumento
25 ex meis, quod portatile ſit (ſi modo id commode effici queat) unâ cum
inſtructione, quomodo plura, prout opus fuerit, iſthic paranda ſint, et
quænam ijs cœlitus denotanda. Daboque ſimul operam, ut is aliquos
librorum meorum a S. T. Cel^{ne} clementiſſime deſideratorum ſecum ad-
ferat. Deinde ſtudioſus ille, relicto in S^{mæ} Tuæ Cel^{nis} Aulico ſervitio
30 (modo S. T. Celⁿⁱ ſic placuerit) filio meo, in Ægyptum navigabit, atque
ea quæ iſthic ulterius obſervari poterunt, iuxta meam præſcriptionem
pariter deſignabit. Qua in re Inclyta Venetiarum Reſpublica, quando
aliquam eo navem ablegat, competentem promotionem (uti etiam
ſpem aliqualem prædicto TENGNAGLIO, hac de re, dum ibi eſt,
35 meo nomine ſolicitanti fecit) potiſſimum vero Tuæ Sereniſſimæ Celſi-
tudinis authoritate et interceſſione allecâ, non eſt (uti ſpero) denega-
6^r tura. || Si itaque S^{ma} Cel^{do} Tua filium meum unâ cum adiuncto ipſi
comite, per annum tempus aut circiter in Aula ſua apud ſe reti-
nere, ſibiſque commendatum habere, pro ſingulari ſuo et Clemen-
40 tiſſimo erga me favore, non averſetur, quibus poſſum precibus de-
miſſe oro, ut de ſua Clementiſſima hac in parte voluntate me per
literas certiorum reddere non degravetur, aut etiam id Generoſiſſimo

et Magnificentissimo suo apud Sam Cæs^{am} Ma^{tem} Legato, qui Pragæ est, significare. Fecerit sic Serenissima Celsitudo Tua non saltem mihi humillimo suo servitori, ad omnia obsequia pro virili præstanda paratissimo, sed et ipsi Cæsareæ Maiestati, cui hæc studia cordi sunt, rem (uti non dubito) inprimis acceptam et Serenissimæ Tuæ Celsitudini (modo ipsius laudibus aliquid accedere possit) gloriofam et apud omnem posteritatem commendabilem. 5

Sed desino Serenissimam Tuam Celsitudinem, gravissimis Ditionum suarum rebus gubernandis intentam, ulterius interpellare. Deus Opt. Max. eam quam diutissime sospitem et florentem conservet. 10

Dabantur ex Arce Cæsareanâ Benaticâ Die 24 Ianuarij An. 1600.

Serenissimæ Celsitudinis Vestræ

humillimus servitor

TYCHO BRAHE,
manu propria scripti. 15

[E codice Basileensi G I 35]

†

ILLUSTRI ET GENEROSO DOMINO,
DOMINO IOHANNI FRIDERICO HOFFMANNO, LIBERO BARONI IN *GRUENPUECHEL* ET *STRECHAW*, PRÆFECTO PROVINCIAE DUCATUS STYRIÆ ET ARCHIDUCATUS AUSTRIÆ MARSCALCHO UBIQUE HÆREDITARIO BURGRAVIO IN *STEYER* NEC NON SAC. CÆS. MAIESTATIS AULÆ CONSILIARIO ET SERENISSIMI ARCHIDUCIS MAXIMILIANI CUBICULARIO PRIMARIO, DOMINO ET AMICO SUO INPRIMIS HONORANDO. 23^r
ILLUSTRIS ET GENEROSE VIR, DOMINE ET AMICE 25
HONORANDISSIME. 22^r



MAGNO equidem gaudio affectus sum, cum heri vespere ex meis Domesticis huc Pragâ revertentibus percepissem Illustr. Generos. Tuam ex Austriâ nuper salvam et incolumem rediisse. Quo nomine non saltem Illustri Generositati Tuæ, sed et mihi ipsi quamplurimum congratulor, liquidem de Generositatis Tuæ erga me et ea, quæ tracto studia Astronomica, sincera et benevola affectione vel ex pauculo, quem superiori æstate invicem habuimus congressu, ita mihi optima quæque polliceor, ut in tanti viri, qui non saltem Genere clarus sit, sed et doctrinis liberalibus insigniter excultus, familiaritatem incidiße, 30
35

diſſe, non poſtremæ felicitatis loco ducam. Cumque nunc Pragam No-
 bilem et Eruditum adoleſcentem FRANCISCUM TENGNAGLIUM,
 mihi domeſticum, qui ante paucas hebdomadas ex Italia huc reverſus
 eſt, unâ cum filio meo natu maiore ex me denominato certis de cauſis
 5 amandem, non potui intermittere, quin hæſce pro felici reditu candido
 animo Illuſt. G. T. congratulantes unâ mitterem, atque ijs ſimul in-
 iungerem, ut Tuam Illuſt. Generoſ. captata oportunitate accedentes
 eam ex me officiōſiſſime ſalutarent. Pergratum vero eſt, quod Illuſtris
 Dominatio Tua Excellentem Mathematicum Dominum M. IOHAN-
 10 NEM KEPLERUM in ſuo Comitatu huc ad nos in Bohemiam ad-
 22^v duxerit, qua etiam in parte non obſcure elucet Illuſt. G. T. || erga ſu-
 blimia illa et a vulgi captu remota Mathematicum ſtudia eorumque
 alumnos ſingularis et nunquam ſatis laudatus favor atque benignitas
 15 prædicanda. Interceſſit mihi cum illo viro, poſtquam Daniâ emigravi,
 nonnulla per Litteras eademque pergrata familiaritas, quæ ex mutua
 præſentia, quam brevi futuram mihi perſuadeo, augeri poterit. Quic-
 quid vero voluptatis et commodi ex hoc noſtro congreſſu promanare
 poterit, Illuſtri Dominationi Tuæ præcipua ex parte acceptum feren-
 20 dum grata mente agnoſco. Pluribus Illuſt. Generoſ. T. multiplicibus
 alias pariterque graviſſimis occupationibus diſtentam remorari nolo.
 Cætera, quæ hîc omitto, ij, quos ablego, ſi Illuſt. Domⁿⁱ Tuæ eos ad-
 mittere commodum fuerit, ſupplebunt atque ex me referent; quibus ut
 25 benignam aurem pro ſolita ſua humanitate præbere non dedignetur,
 qua poſſum reverentia, oro et obſecro. Valeat Tua Illuſt. Generoſitas
 quam feliciſſime et diutiſſime, huncque noviter inchoatum Annum
 Iubilæum plurimōſque alios inſequentes incolumis et florens tranſigat.
 Dabantur ex Arce Cæſariana Benatica die 26 Ianuarij Anni labentis
 Epochæ Chriſtianæ Dionyſiacæ 1600, quam duobus deficere IOSE-
 30 PHUS SCALIGER probare nititur. Iterum et ſæpius T. Illuſt. Gen.
 quam optime valeat, meque et meos ſibi commendatos habeat. ||

23^r

Illuſtri Generoſitati Tuæ

addiſſi.

TYCHO BRAHE.

[E codice Vindobonensi lat. 10702]

†

CLARISSIMO ET ERUDITISSIMO VIRO
DOMINO M. IOHANNI KEPLERO ILLUSTRUM STYRIÆ
ORDINUM MATHEMATICO EXIMIO, AMICO
SUO PLURIMI FACIENDO.

159v

5



EVERSI heri vesperi fero ad me domestici illi mei, quos 158r
Pragam miseram, tuas, Ecc^{me} et amantiſſime Domine
KEPLERE, ex inſperato attulere humaniſſimas literas,
quibus lectis, te Pragæ nunc eſſe, perlubenter comperi.
Invite tamen ex iſſdem colligebam, te necdum meas, 10
quas ultimis Tuis affatim reſpondentes ante menſem
circiter Viennam, ut inde per Dominum Doctorem BLOTIUM tibi,
ubicunque invenireris, mitterentur, direxi. Quæ ſi interea tibi traditæ
fuiſſent, hac reiterata proteſtatione et excuſatione in re iſta, quæ tot
verba non meretur, ſuperſediſſes, atque actutum citra diuturniorem 15
deliberationem et cunctationem huc (ſiquidem in vicinia es) advolaſſes.
Quod ut etiamnum facias, te etiam atque etiam rogo. Poteris in eodem
vehiculo comitari Nobilem et eruditum adoleſcentem FRANCISCUM
TENGNAGLIUM domeſticum noſtrum, et filium meum TYCHO-
NEM natu maiorem, quos Pragam ob negocia quædam peculiaria, 20
meo nomine iſthic expedienda, nunc ablego. Illi enim intra paucos
dies, volente Deo, huc revertentur, et locum pro te in curru facile in-
venient.

De meo iſthuc adventu necdum certi quid concludere poſſum, ante-
quam Cæſaream Maieſtatem Dominum noſtrum Clementiſſimum eo 25
reverſum eſſe intellexero. Neque enim quid alias iſthic magnopere
agam, habeo, nec libenter accedo, niſi a Cæſarea Maieſtate clemen-
tiſſime vocer: ſiquidem id citra temporis, cuius, tanquam theſauri irre-
cuperabilis, ſum parciſſimus, aliqualem iacturam, et ſtudiorum, quæ
præ manibus habeo, remoram fieri nequeat. 30

Explorandi etiam hiſce noctibus acronychij ſitus Martis et Iovis, tum
quoque Mercurij, quem poſt occaſum Solis diſcrete apparentem ter
proxime elapſis crepuſculis obſervavimus, tum quoque ad Venerem
Eoam, quæ etiam nunc interdium unâ cum Sole, adeoque in ipſo Meri-
diano exiſtens, ſpectatur, et obſervationi, prout aliquot quoque annis 35
præteritis a nobis factum, patet, advertendum. || Taceo quod Saturnus 158v
non longe a ☐ ☉ mane iuxta Meridianum apparens, pro Parallaxi
orbis (uti vocat COPERNICUS) et Latitudine ſua (ſiquidem appro-
pinquet ad limitem maxime Boreum) rimanda, non inconvenientem
exhibeat occaſionem, donec adventante Aprili plane pernox redditus, 40
Apogæum et Eccentricitatem, unâque ipſam Latitudinem maximam,
prout

prout hæc a nobis iam antea explorata sunt, comprobet. Accedit et hoc, quod in proxime futuro plenilunio Luna Eclipsin, licet minutulam, iuxta ipsum occasum paulo ante ortum Solis patietur, cui etiam (ut prioribus sedulo designatis adiici queat, atque restitutio motus Luminarium a nobis prius facta, ulterius examinari) attendendum, modo 5
ferenitas oportuna id permiserit.

Vides itaque, mi KEPLERE, quot et quanta exercitia nostra Astromonica ingerant obstacula, nobis tamen haud ingrata (siquidem ijs distineri volupe est) quo minus Pragam tam cito, uti opinatus es, excurrere queam. Tuum itaque erit prævenire, meque hîc mature (uti dictum) invisere. Advenies non tam hospes quam amicus gratissimus, 10
nostrarumque in cœlestibus contemplationum, per ea quæ nunc ad manus habeo, instrumenta spectator et socius acceptissimus. Tunc, volente Numine, coram de pluribus. Vale et Illustrem ac Generosum Dominum Baronem IOHANNEM FRIDERICUM HOFFMANNUM, 15
cui etiam nonnulla congratulationis causa pro felici reditu scripsi, ex me officiosissime resaluta. Dabantur properanter ex arce Cæsareana Benatica die 26 Ianuarij 1600.

Tui Amantissimus

TYCHO BRAHE,
manu propria scripsi.

† [E codice Basileensi G I 23]

DEM EDLEN VNND GESTRENGEN

HERRN TYCHO BRAHÆ, HERRN AUF KNUDTSTRUPP

VNND VRANIBURGKH, MEINEM SONNDERS-

LIEBEN HERRN VNNDT GUETTEN

FREUNDT.

S.



ITTERAS tuas, Vir nobilissime, quibus me tam splendide per egregios iuvenes, internuntios tuos, salutas, mei amore et commendatione plenas, imo in exultationibus meæ tenuitatis nimiam pæne laudem continentes, accepi, cum voluptate profecto, dubius tamen, tot inter gratulandi occasiones palmam cui concederem.

Ecce autem animi tandem occurrebat sinceritas, omnibus alijs non immerito præferenda. Cætera, tanquam illius effectus et signa civilitati ac humanitati Tuæ adscribens, pari, si non calamo, mentis tamen integritate et studio compensanda.

Quod D. FRANCISCI TENGNAGELIJ, familiaris tui, virtutem ac 40
valorem, quem ipsa facies et mores exprimunt, etiam litterarum tuarum testimonio

testimonio apud me augere tibi placuerit, nil miror. Est tamen mihi quod gratulor et tibi, qui tantum Adolescentem cognoscendum dederis, gratiam ut referam. Rationem consilij eius de Bohemica hac ora tui procul dubio causa non tam brevi relinquenda plurimum etiam nostro ex interesse approbamus et lætamur, ac ipsi et filio tuo quam valemus et habemus exilitatem in hac aula nostram fideliter et cum libertate offero. ||

Magistrum KEPLERUM, omni præconio maiorem, favoreque tuo et patrocinio multis rationibus dignum, tibi iam commendatum amplius nunc non commendo, sed ipsum se spectandum et fruendum potius præmitto, apud te, mihi, ut spero, multarum rerum præconem et conciliatorem. Intermediatoris tamen quod officium ita amanter et benigne cum gratiarum actione susceperis, ad me pertinet, Domine TYCHO, ac facis in eo, te certe ac humanitate tua, quin nostra, ad te perpetuo amandum et colendum benevolentia haud indignum.

Addo idipsum, nostri gratia quicquid porro acceperit, id omne non tam ad cumulum tuorum in nos meritorum esse referendum, quam alta et grata memoria prosequendum. In specie vero, quæ et ipsius KEPLERI ratione conferenda essent aliqua, in occasionem nostri conventus differre cogimur, quem nobis efficiat Deus propediem, ut spero et opto. Vale ac reliqua ex ipso KEPLERO et tuis.

Pragæ 3 Februarij A. D. 1600.

T. D. ex animo

IOHANNES FRIDERICUS HOFFMANN,
L. Baro.

[E codice Basileensi G I 35]

TYCHO BRAHE AD PAULUM MELISSUM.

ILLUSTRIS ET MAGNIFICE VIR.



UM Vitebergæ aliquantisper superiore Anno subsisterem, nactus ibi per Tabellarium quendam Danicum mittendi commoditatem, librum quendam e nostris Mechanicam Astronomiæ partem complectentem tecum communicavi. An literas unâ adiunxerim, non satis recordor. Eram enim tunc (uti et plærunque alias) occupatissimus. At TAUBMANNUM Poëtam, amicum communem, meâ etiam de causâ, ad te eodem tempore scripsisse, simulque Carmina nonnulla nostram e Daniâ migrationem concernentia misisse, satis memini. An vero hæc omnia tibi certo reddita sint, fluxa Tabellarij istius fides me ancipitem reddit, præsertim cum nihil tanto intercedente tempore nec TAUBMANNUS nec ego a te responsi acceperimus, atque id, quod maxime ambo

ambo in votis habuimus, nimirum ut tu, inter Poëtas huius seculi prin-
 cipem locum merito tenens, nostram etiam Uraniam eiusque peregrini-
 nationem argutâ et mellifluâ tuâ, quâ præpolles, venâ exornare non
 5 degravareris, necdum effectui, quantum sciam, datum sit. Nam ut de
 tuâ in me voluntate atque favore benigno quidpiam addubitem, ex-
 imia illa humanitas, quâ me adhuc in Daniâ hærentem, licet de facie ||
 26^v ignotum, subinde complexus es, vetat. Neque enim te ob loci aut for-
 tunæ mutationem a te ipso mutatum credi fas est, cum maior in te con-
 stantia, integritas et candor id non admittant. Nec etiam (ut dicam id
 10 quod res est) hæc vitæ alteratio, licet in hac ingravescente ætate magnâ-
 que familiæ copiâ durior censerique queat, mihi, qui rerum terrestrium
 fluctuationibus et vicissitudinibus non moveor, multo minus infringor,
 quidpiam mali intulit. Locus meis studijs aptior et clarius restitutus,
 15 fortuna, quoad ea, quæ vivendi commoditatem respiciunt et status dig-
 nitatem, priori non cedit; imò benignior ex Clementissimo Cæsaris fa-
 vore ac liberalitate affulsit, ut aurum cum ære mihi commutasse videar,
 sic dirigente et in melius omnia disponente Divini numinis provisu,
 utut nonnulli in Daniâ, qui Fata publica regere præsumunt, ab invidiâ
 et malevolentia pari inscitâ permixtâ occæcati, id non præviderint,
 20 maiore nunc eorum dolore et poenitudine, licet dissimulent.

Coëterum ut illustis tua Musa hanc nostram vicissitudinem eleganti
 aliquo Poëmate decorare eique accinere non aversetur, et ego etiam-
 num rogo, et mecum prius TAUBMANNUS atque BRASCHIUS
 Poëtæ tui observantissimi rogârunt, prout me per literas hac de re cer-
 27^r tiorem fecerunt. Quare te || triplici huic voto ab Amicis te sincere co-
 lentibus profecto non defuturum nobis pollicemur. Si ad Cæs^{am} Ma^{tem}
 congratulationis et elogij nomine, quod Uraniæ nostræ extorri atque
 in Daniâ naufragium passæ tam clemens hospitium tutioremque por-
 tum indulserit, venam dirigere malueris, erit id ipsius Ma^{ti} procul-
 30 dubio non ingratum, cum et coëtera in mei gratiam concinnata Car-
 mina ipsius Ma^{tas} perlegere, sibi quod placerent reservare non de-
 dignata sit. Mihi sane hoc tuum in me studium erit longe accep-
 tissimum, quovis vicissim officio pro viribus compensandum. Appo-
 sui quosdam alios versus hac ipsâ de re, quos (uti opinor) prius non
 35 habuisti. Adest simul D. D. CRAMERI Stetinenfis Oda (uti mihi qui-
 dem videtur) non inelegans, pariter ad Cæs. Ma^{tem} directa. Ambit is
 per me lauream in Aulâ Cæsaris sibi impertiendam, quâ si a te quo-
 que dignus censebitur (quod vel ex hac solâ Odâ tanquam ex ungue
 leonem aestimabis) eo facilius, quod cupit, asequemur. Ego vero de
 40 singulis, potissimum ijs, quæ Carmina expetita attingunt, a te per pri-
 mam quamque opportunitatem commonefieri aveo. Vale. Dabantur
 ex Arce Cæsareanâ Benaticâ 5 miliaribus Pragâ distante, quæ in-
 digenarum

digenarum linguâ Venetiæ Bohemorum appellatur, die 17 Febr. st. n. Anni 1600.

Ex quo in Ampliſſimâ Heidelbergensi Bibliothecâ multos veteres libros Astronomicos manuscriptos extare perceperim, rem apprime gratam præstiteris, si ut Titulos omnium eorum, in quâcunque sint linguâ, actutum nanciscar, effeceris.

[E codice Bononiensi Archivi *Malvezzi dei Medici*; cf. Io. Ant. Magini *Tabulæ Primi Mobilis* (Venetiis 1604) foll. 86—87]

IOHANNES ANTONIUS MAGINUS AD TYCHONEM BRAHE.



TUAS ad me literas 3^o Ianuarij datas et mihi opera Clarissimi Domini IOANNIS FRANCISCI SAGREDI Patricij Veneti et amiciſſimi mei redditas accepi die 22 Februarij. Eæ mirum in modum, et quantum dici vix poteſt, gratæ fuere; ſed ijs respondere ſtatim non potui ob præmaturum tabellarij diſceſſum; naſcuſque otium integræ hebdomadis ad te pluribus quam umquam antea ſcribendum putavi. Tuum illud præcipuum negotium mihi tanta fiducia mandatum pro eo ac debeo curabo, nihilque prætermittam, quod ad dignitatem tuam pertinere videatur. Res eſt maximi ponderis, proinde haud negligenter tractanda, ſed conſideranda accuratiſſime. Huc uſque, ut fatear ingenue, ut etiam tu ipſe affirmas, non aliam tibi operam dedi, niſi ut vertendas Latine curarem epiſtolas illas Germanice ſcriptas, quæ ad octo ſunt, quod mihi præſtitit Germanus quidam medicinæ ſtudioſus, idque in gratiam Tranſylvani cuiuſdam mei auditoris: ubi diu laboraſem in inveniendò eius rei interprete, propterea quod nulum familiariter noſſem eorum, qui Bononiæ ſunt e natione Germanica, qui perpauci ſunt. Ac certe tum domeſticis, tum ſcholæſticis et publicis et privatis negotijs, tum valetudine parum firma impeditus, (cum diſtillatione laborarim dies complures huiuſce hiemis culpa; quæ omnium quas umquam meminerim inclementiſſima huc uſque fuit ob nivium incredibilem vim omnia obſidentium, ut vix aliud agere, quam ad ignem pellendo frigori ſedere potuerim, libellum aliquem ibi incommode legendo) etſi maxime voluiſſem, non multum tamen in rebus Dominationis tuæ promovere potuiſſem. Sed deinceps mitelſcente cælo, ſpero me non pœnitendam operam tibi navaturum. Primum etenim ex omnibus hiſce ſcriptis excerptam brevia aliquot capita et quaſi ſummam conficiam ad facile alios edocendos idoneam, cuius plura exempla ubi fecero, ad varios amicos tranſmittam.

Aſſentior

Abentior tibi de narratione rerum tuarum non in dialogo facienda sed occasione panegyrici. Sed venit mihi tamen in mentem quod rationi nostræ multo sit conducibilius atque aptius. Intelligo BERNARDINUM BALDUM Urbinatem Gualtallæ Abbatem, qui olim edidit
 5+ HERONIS opus de machinis se movendis e Græco a se ipso translatus, multis abhinc annis provinciam suscipiſſe ſcribendarum vitarum præſtantium Mathematicorum. Hominem quidem de facie non novi, ſed tamen ſcio, cum aliquando Bononia tranſiret, domum ad me veniſſe, ut me de facie noſſet, ut mihi poſtea dictum, nam me non invenit. Ex
 10 hoc ſpero, ſi quid ab eo petam, tamquam a mei ſtudioſo, facile impetraturum. Itaque ſcribere ad eum cogito et cum eo agere, ut vitam tuam diligenter conſcribat, et ad me eius hiftoriæ exemplum mittat: illud poſtea cum encomijs tui poëticis coniungere licebit, et qui encomia illa collegerit, idem ſibi ab illo eius hiftoriæ copiam factam dicere poterit. Sed is tamen prius diligenter de omnibus rebus, quæ argumenti
 15 eius erunt, edocendus eſt. Ego quæcumque huc ſpectantia colligere potero, non prætermittam; ſed bi-meſtre ſpatium puſillum eſt, quando ij, quorum opera indigemus, ſuas quoque habent occupationes, quibus diſtinentur. Hoc mihi in huiuſmodi negotio optimum conſilium
 20 videbatur: quod meum tamen iudicium tuæ prudentiæ permitto. ||

1+ Eclipſin Solarem anni 1598 inſtrumentis mathematicis non obſervavi, cum hîc præ manibus non haberem idoneum inſtrumentum. Horologio tamen ex pulvere, quod quadrantes horarum indicabat, accomodato ad horam exortus Solis, percepi eclipſin ipſam tardio-
 25 fuiſſe hora pene una, quam prodat calculus Prutenicus, et eius magnitudo novem puncta non exceſſit, quamvis expectaretur hîc maior obſcuratio. Hoc idem et Romæ et Patavij obſervatum fuit, ſcilicet tardio-
 30 rem fuiſſe ad integram fere horam et minorem fuiſſe obſcurationem. Exemplar epiſtolæ Illuſtriſſimi Cardinalis SS. QUATTUOR, nepotis feliciſſimæ memoriæ INNOCENTII octavi Summi pontificis, in qua mihi de illa eclipſi, prout Romæ contingit, hiftoriam narrat, ad te mitto, ut videas, ſi ex illa quidquam haurire potes, et ſi tibi bona occaſio de illo honorifice loqui patere poterit, mihi gratiſſimum erit; eſt enim patronus meus humaniſſimus, cui maxime debeo ob innumera beneficia in
 35 me collata. Nullas præteritis temporibus feci obſervationes ob varia impedimenta, cum ſemper integras epiſtolas conſcripſerim apud aliquos Cardinales et Principes, quando ſcilicet hîc erant a ſcholis vacationes. Quod tempus maxime huic negotio erat idoneum.

Laboravi non parum, ut perciperem tuam rationem ſupputandi Lunarem curſum ex quinternione mihi relicto a D. FRANCISCO TENG-
 40 GNALIO, a pag. 113 incipiente. Notandum vero quod hæc omnia, quæ de revolutionibus etc. uſque ad pag. 120, ſed non ſine magno labore

bore rem tandem aßequutus sum, cum nullum extet exēplum dictæ computationis, et cum apud me non sint, quæ de octavæ sphaeræ ac de Solis motu exarasti, tamquam præcedentia hunc Lunarem motum. Unde pro habendo Solis motu ex tuis fundamentis confugi ad Ephe-
 meridem tuam motus Solis ad annum 1591 mihi a te olim liberaliter 5
 communicatam, notavique in ea Solem attigiße locum Apogæi, nempe gr. 5. 32' ☉ die 17 Iunij, h. 13,44 p. m., hîcque nulla est differentia inter verum motum et medium: excerpti deinde motum Solis medium ex
 meis tabulis congruentem dicto temporis momento || et inveni quidem 2^r
 ipsum scr. 2' 52" minorem, dempta prius a loco ☉ tuo æquinoctiorum 10
 præceßione, quam gr. 28 17' 42" tunc te præsupposuiße arbitratus fui. Quocirca mihi videtur his temporibus posse elicere medium Solis motum ex meis tabulis addendo eidem 2' 52", ut cum tuis radicibus concordet. Posthæc varia ratione supputavi locum ☾ ex tuis tabulis, idque
 ad diem 9 Ianuarij anni 1587 atque etiam ad 15^m et 16^m eiusdem, quibus 15
 observasti verum ☾ locum per instrumenta, ut recenseres pag. 56 tuarum Epistolarum astronomicarum, cuius libri reliquit mihi folium D. GELLIUS tuus a pag. 49 usque ad 56. At veram supputationis ☾
 formam secundum tua placita non recte prius cognovi, quam confu-
 gißem ad triangulorum operationes, quibus certior factus fui, te æqua- 20
 tiones illas exactißime colligere non curaße, facturum postea id meliori occasione, scilicet in tuo Theatro absolutißimo, cum ex angulo maximæ
 2ⁱ epicicli æquationis gr. 7 41' 15" a te per observationes deprehenso colligatur recta AD a centro Terræ ad centrum primi circelli par. 98677
 qualium DE datur 1100. Sed ex angulo minimæ æquationis perigeæ 25
 elicitur recta AD 101312. Forſan lato modo pro dictis æquationibus definiendis ſumpſiſti dictam rectam AD tanquam ſinum integrum, quod etiam mihi confirmat variatio centri maxima a te poſita m. 45' 20", cum recta AB ſemidimetriens ſcilicet parvi circelli ad mundi centrum ſit 1320, qui numerus ſinus eſt m. 45' 20" vel 45' 24". Experiri volui, 30
 quantam efficeret varietatem ſemidiameter CD parvi circelli, ſuper quo moveri ſtatuiſ centrum primi epicicli, et inveni angulum maximæ æquationis primi epicicli gr. 7 27' 43", centro primi epicicli verſante in Apogæo parvi illius circelli, ſtatuendo ſcilicet rectam AD particularum 101640 iuxta tuos numeros. Idem angulus maximæ æquationis in 35
 Perigæo illiuſmet circelli prodiit gr. 7 30' 35"; different. a priore m. 2' 52". Sed uterque horum angulorum ſenſibili differentia ab angulo maximæ æquationis a te definito gr. 7. 41½ diſcrepat, ut ſuſpicer com-
 menſurationes orbium Lunarium a te poſitas aliqua correptione indigere, præſertim quod videam etiam calculum ex tuis tabulis prodeun- 40
 tem ad unguem tuiſmet obſervationibus non congruere, quod in bonam accipias partem velim, tanquam a ſincero et ingenuo viro || prodiens, 2^v
 qui

qui zelotypia tui honoris laborat. Ab initio variationem orbis non solum subducebam a medio motu (¶ a Sole, vel eidem addebam iuxta tabulam, sed etiam a medio argumento vel anomalia: sed postea ex calculo triangulorum cognovi te æquationem anomaliam ex duplici
 5 illa variatione, quam argumentum medium subit, composuisse, quod mihi valde placuit. Suppositio hæc tua Lunaris mirum arguit tuum ingenium et præstantiam: sed maxime præcavendum est, ne numeri ex ipsa derivantes ab observationibus vitio tuorum supputatorum discrepent. Non me latet magnum ac permolestum esse laborem in supputandis hisce æquationum tabulis. Ego tamen, cum compendia quædam mira in computationibus triangulorum possideam a me nuper excogitata, exiguam perferentem molestiam in his tabulis de novo ad 2^a scrupula exactissime construendis. Quod libenter tibi significare volui, ut si mea opera posthac indigueris, libere possis uti, præsertim pro
 10 reliquis quinque planetis, quorum unamquamque tabulam in decem diebus perfecte absolverem. Quod tibi incredibile videri non debet. Tabulam enim primi mobilis universalem habeo a me ad singula decem minuta (ad instar illius REGIOMONTANI, quæ est ad singulos gradus) supputatam, et alias insuper tabulas, quibus calculationes triangulorum sphaericorum per ingressus laterales absolvo. Et in planis
 20 triangulis quando anguli inquirendi sunt, eademmet tabula utor artificio quodam a me invento, quod etiam locum habet in triangulo obliquangulo, in quo, datis duobus lateribus cum angulo ab ijs comprehenso, inquirendi veniunt anguli, qua operatione indigemus tantopere
 25 in æquationibus planetarum definiendis.

Scias profecto me adeo tui esse studiosum et observantissimum, ut nihil aliud cogitem, quam ut tibi me gratum probem. Quin et hoc te non latere volo, tantopere mihi esse in optatis, ut me adhuc vivo prodeat in lucem correctio cælestium motuum, ut nulli parcendum labori
 30 existimem, quo id assequi liceret, etsi nihil ex eo ad gloriam profici putem, sed satis habeam fructum illum, ut scilicet mihi tantum usus sint in exercenda Astrologia iudiciaria vulgo dicta, qua mirum in modum delector. ||

87^r Ephemeridum mearum unum tantum tomum ab anno 1598 incipientem et in annum 1610 desinentem denuo impressum evulgavi, in quem
 35 nihil novi reposui, præter auctuaria quædam in Ifagogicis, cum compendio directionum secundum viam rationalem, et Quadrante Directorio ad mentem PTOLEMÆI. Exemplar ad te libenter mitterem, si congrua mihi esset occasio; æstate hac proxima alter tomus, viginti sequentes annos complectens, excudetur; et tunc enixe curabo, ut ad te
 40 utriusque tomi Exemplar deferatur.

Vidi nuper quæ contra me inutiliter effutivit DAVID ORIGANUS
 in

in editione suarum Ephemeridum, et exactissime cognovi illum unum esse ex illis, qui ex infectandis et censurandis alijs gloriam sibi quærere conantur; sed poenitebit aliquando se de me quicquam protulisse, ubi ostendero ipsum gravius in suis Ephemeridibus a calculo Prutenico aberrasse, quam a me factum sit, præsertim in postremis illis annis, 5
ultra scilicet 1620, cum meas ibi desinentes Ephemerides non habuerit præ oculis, quod maximo argumento erit, et aperte satis demonstrabit, ipsum plurima ex meis desumpsisse. Pro emerfionibus et occultationibus Planetarum ac Fixarum mutuavi arcus visionum a PTOLEMÆO †
definitos, quos parum a vero recedere in fixis puto, sed in Planetis 10
credo cum STADIO esse varios, penes differentiam ipsorum Planetarum a Terra. Si quid notatu dignum ex tuismet observationibus circa hosce arcus habes, illud mihi humanissime communicare ne graveris; quod te subnixæ oro ac deprecor: polliceor enim ingenue, quidquid illud erit, a te recepisse testaturum. Vale, vir præclarissime, et me, ut 15
soles, ama ac addictissimum habe. Bononia 4 Martij MDC.

Perillustri Dominationi

tuæ addictissimus

IO. ANTONIUS MAGINUS,
Patavinus.

20

[E codice Basileensi G I 35]

†

ILLUSTRI ET GENEROSO DOMINO,

31 v

DOMINO IOHANNI FRIDERICO HOFFMANNO, LIBERO BARONI IN *GRUENPUECHEL* ET *STRECHAU*, PRÆFECTO PROVINCIAE DUCATUS STYRIÆ ET ARCHIDUCATUS AU- 25
STRIÆ, MARSCHALCHO UTROBIQUE HÆREDITARIO, BUR-
GRAVIO IN *STEYER* NEC NON SAC. CÆS. MAI. AULÆ CON-
SILIARIO ET SERENISSIMI ARCHIDUCIS MAXIMILIANI
CUBICULARIO PRIMARIO, DOMINO ET AMICO

SUO INPRIMIS HONORANDO.

30

ILLUSTRIS ET GENEROSE VIR, DOMINE ET
AMICE HONORANDISSIME.

30 r



UOD Ill^{ris} Dn^o tua Nobilem et Eruditissimum Adole-
scentem FRANCISCUM TENGNAGLIUM et filium
meum TYCHONEM non solum adeo comiter et bene- 35
vole exceperit (neque enim Ill^{ris} Dn^{is} tuæ eximiam hu-
manitatem sibi exhibitam huc reversi satis deprædicare
poterant) sed et cultissimis suis literis sincerâ erga me
benevolentia

benevolentia refertissimis mihi rescribere non degravata sit, pro eo Ill^{ri} Dnⁱ tuæ gratias ago quas possum maximas: si quâ in re mea opella illi unquam usui esse possit, quam lubentissime pro virili relaturus.

Quæ M. KEPLERUS (cuius ingenium et consuetudo mihi perplacent, ut dignum eum censeam, qui ametur et ad optima quæque promoveatur) oretenus ad me retulit, percepi. Et quantum ad primum attinet, de studioso illo hîc alendo et informando, actutum respondi, me non saltem in hoc, sed longe maioribus Ill^{ri} Dnⁱ tuæ pro meo modulo gratificaturum: alterum satis prævidi confici non posse, prius quam expreßum ab Aulâ Cæsareâ decretum in Cameram mitteretur; quod iam conscriptum esse intellexi. At ubi hæreat, me latet. Quia vero a dicto TENGNAGLIO cognovi, quod, cum ante quadriduum Brandeisium concessisset, ut cum Domino Capitaneo quædam meo nomine loqueretur, eumque illic non repertum Pragæ quæsivisset, Ill^{rem} quoque Dn^{nem} tuam pauculis alloquutus sit, quodque consilium illud de KEPLERO atque illo alio, cum illud Ill^{ri} Dnⁱ tuæ paucis exponeret, || eidem placuerit, deque eo ipsamet mecum ulterius loqui velit, dabo operam, ut quamprimum nonnulla, quæ pro Cæsareâ Mat^{te}, Domino nostro Clementissimo, elaboro, confecta fuerint (nam prius hinc abire vix aulam) assumpto mecum M. KEPLERO Pragam excurram, quo apud Ill^{rem} Dn^{nem} tuam hac de re, prout ea suaserit, deliberemus et certi aliquid statuamus. Neque enim ipse KEPLERUS Ill^{ri} Dn^{one} tuâ inconsultâ quicquam concludere voluit. Quod et ego probo, siquidem absque eiusdem consensu et suasu nihil nobis faciendum censeam. Intellexi quidem quodammodo, nonnullas difficultates sese insinuare, quibus tamen (uti spero) ex Ill^{ris} Dn^{is} tuæ prudenti provisu facile occurremus, ijsque medelam adhibebimus. Quare omnia circa hoc negotium, donec cum Ill^{ri} Dn^e tuâ præsentibus de eo egerimus, differenda arbitramur.

Quæ de Mechanico illo Artifice ab Ill^{ri} Dn^{ne} tuâ accersendo antedictus TENGNAGLIUS pariter mihi exposuit, cognitu grata erant. Si eum Ill^{ris} Dn^o tua, ubi acceßerit, ad me (uti constituit) amandârit, efficiam, ut in Instrumentis ad observationes ratas idoneo modo fabricandis componendisque instructior ad ipsam redeat. Excogitavi iam nuper quoddam ad varios usus minimo negotio conducens, quodque simul per longinqua itinera commodum sit portatu: idque eam præfertim ob causam, || quam TENGNAGLIUS noster Ill^{ri} Dnⁱ tuæ secreto aperiet. Præbebit et hoc circuli Sextantem, et non saltem Altitudines et Siderum distantias etiam ultra sextam Cœli partem usque in Quadrantem, imo etiam eo ampliores, quoad intercapedines, solerter et satis subtiliter rimabitur, atque insuper longitudes ac latitudes Planetarum per totum Zodiacum minimo labore et absque tædiosâ supputatione;

putatione; tum quoque adscensiones rectas et declinationes Stellarum non longe ab Æquatore utrinque distitarum promet. Quin et, quod plus est, earundem a Meridiano Æquatorias distantias pro temporis momento inter observandum perquirendo et subinde examinando sup-
 peditabit: ut de alijs quibusdam minoribus utilitatibus nihil addam. 5
 Ubi vero artifex ille advenerit, illi structuram eius proponam, et si con-
 fectioni absolvendæ idoneus (uti existimo) fuerit, cum Ill^{ri} tuâ Dn^{ne} id,
 quicquid est, lubens communicabo, atque succinctum et multiplicem
 eius usum eidem referabo. Plura nunc non addo, ne Ill^{rem} Dn^{em} tuam
 nimium remorer. Si quæ hîc desiderantur, a TENGNAGLIO uberius, 10
 si vacârit, percipiet. Valeat itaque Ill^{ris} Dn^o tua quam optime et diu-
 tiissime. Dabantur ex Arce Cæsareanâ Benaticâ die 6 Martij A. 1600.

[E codice Basileensi G I 35]

†

TYCHO BRAHE AD ANONYMUM.

NOBILISSIME ET MAGNIFICE VIR,
 DOMINE ET AMICE
 HONORANDE.

32^r



ESI tam propriâ notitiâ quam relatu familiaris mei DA-
 NIELIS FELS, qui aliquandiu Pilsnæ apud vos substitit,
 satis exploratam habeo molem occupationum Mag. tuæ, 20
 quæ parum illi temporis legendis et scribendis epistolis
 relinquit: non esse tamen illi ingratas meas literas, tanto
 confidentius mihi persuadeo, quanto minus, urgentibus
 rebus, a scribendo abstinere possum.

Mitto ad Mag. tuam Nobilem et egregie doctum Iuvenem FRAN- 25
 CISCUM TENGNAGL, quo de iam antea, cum Pragæ essem, cum
 Mag^a tua locutus sum, quod nonnulla mihi negotia, quæ M. tuæ re-
 censebam, apud Reverendissimum et Serenissimum Archiepiscopum
 et Electorem Coloniensem expediverit. Fuit is primum in Dania meus
 aliquandiu domesticus, inde meæ migrationis comes in Germaniam. 30
 Cum Latinam et Gallicam linguam calleret, Italiam etiam adivit, eam-
 que linguam primum in aula Magni Ducis Heturriæ, postea Romæ in
 aula R. Cardinalis a *Dietrichstein* probe addidicit. Nuper vero inde
 reversus in animum induxit primo patriam, quæ est in extremis West-
 phaliæ finibus, [et] parentes suos invisere, post, ubi huc, favente Nu- 35
 mine, redierit, || S. Cæs. M^{ti}, Domino nostro clementissimo, si Maiestas 32^v
 eius hac ipsum clementiâ dignata fuerit, in ministerijs aulicis, quibus-
 cunque eidem usui esse possit, operam fidelissimam subiectissime offerre.
 Est in eo, præter singularem doctrinam studiorumque cum politicorum
 tum

tum philosophicorum cognitionem, virtutis amor, morum integritas et gratia: quod facile M. tua deprehendet, ubi notitiam eius qualemcumque ceperit. Rogo itaque M. tuam quam officiosissime, uti sibi hunc iuvenem admodum commendatum habeat, consilioque et intercessionem suâ ad optima quæque promoveat. Commisi præterea illi paucula quædam de meis negocijs nondum omnino expeditis, quæ M. tuæ, quando commodum erit, vel in memoriam revocet, vel a me significet. Quæ M. tuæ ad ea respondere placuerit, huic concedat, si non per ipsum, quem an hac viâ remeaturus sit, incertus sum, tum per antedictum DANIELEM, quem unâ mitto, ad me referenda. Valeat M^a tua quam diutissime et felicissime. Dabantur ex Arce Cæsareanâ Benaticâ die 6 Martij 1600.


Mag^æ Tuæ studioß.

TYCHO BRAHE.

15† [E codice Basileensi G I 35]

TYCHO BRAHE AD RUDOLPHUM CORRADUCIUM.

33^r ILLUSTRIS ET MAGNIFICE VIR, DOMINE ET AMICE
OBSERVANDISSIME.

20  UANTUM me sollicitum habuit vagus quidam rumor de adversâ Ill^{ris} Dn^{is} tuæ valetudine, tanto maiori gaudio sum affectus, postquam eam salvam et incolumem e longinquo et difficili itinere Italico, legatione perfunctam amplissimâ, in Bohemiam reversam accepi. Quo
25 nomine Deo Opt. maximo gratias ago, eumque precor, ut in posterum quoque Dem Tam incolumem ac florentem Reip. et literis reservet. Non dubito, quin iam antea D^o T^a ex alijs cognoverit, quomodo Clementissimæ voluntati Sæ Cæsæ Mat^{is}, quam per literas mihi,
† cum adhuc Witebergæ subsisterem, D^o T^a, priusquam in Italiam iret,
30 significavit, superiori Iulio (siquidem remoræ quædam inopinatæ id prius non permiserint) subiectissime paruerim, et postquam huc in Bohemiam veni, in Sæ Cæsæ Mat^{is} clientelam benignissime sim receptus. Quare huius rei prolixiori commemoratione apud Dem Tam alias occupatissimam supersedeo.

35 Id potius agam, ut Ill^{rem} Dem Tam debitâ cum reverentiâ obnixe rogem, ut in eâ benevolentia, quâ me nihil tale antea promeritum sic complexa est, ut Sæ Cæsæ Matⁱ (quod et ultro facturam confido) me commendare meaque studia promoveri non sit degravata (quamobrem etiam gratias ago quas possum maximas, et acturus sum, quoad vixero)
40 in eâ, inquam, benevolentia in posterum quoque persistat, meque, si-
cubi

cubi fuerit opus, auxilio confilioque adiuvet. Nam licet de Cæſæ Mat^{is},
 cuius Clementiſſimum erga me favorem ratis indi^{cij}s expertus ſum, in
 me perſeveranter fovendo conſtantiâ, quâ alias Heroice prædita eſt,
 nullatenus addubitem, cum tamen ego hîc peregrinus habear, et in-
 ſtituto vitæ, ſtudio^{rum} ratione, non minus quam locorum intervallo 5
 ab Aulâ veſtrâ ſim remotus: facile prævideo, quam multa incidere
 poſint, quæ ab Ill^{ri} D^e Tuâ, prudentiâ, rerum uſu, authoritate, digni-
 tate inprimis pollente, longe melius, || quam per me ipſum caveri, et, 33^v
 prout res poſtulârit, emendari queant. Neque enim poſſum mihi om-
 ninô polliceri, tutiorem me hîc fore, quam antea in Daniâ, ab invido- 10
 rum morſibus, eorumque, qui ſiniſtre de ijs, quæ tracto, ſtudijs loquen-
 tur et ſentient, oblocutionibus. Etenim ſi iſthic, ubi radices altius et
 firmius egeram, ac Conſanguineorum, qui in præcipuâ dignitate ibi-
 dem conſtituti, non exiguâ manu ſtipatus et munitus eram, hoc tamen
 inertię et invidiæ virus amoliri non ita dabatur, quin hæc mea ſtudia 15
 faſtidiret et non ubique obvios plurimorum Annorum labores irritos
 reddere tentaret, aut (quod potius elegi) me meamque domum uni-
 verſam in peregrinas oras cum magnâ rei, maiori temporis irrecupera-
 bilis iacturâ importunitate ſuâ migrare faceret: quanto igitur magis
 huic communi omnium, qui præter vulgarem conſuetudinem aliquid 20
 arduum exantlare ſatagunt, fortunæ iam hîc in exteris locis expoſitus
 ero, nullâ familiæ avitæ potentiâ fultus, niſi mihi Deus Opt. max. de
 fidis, candidis, Dominationiſque Tuæ ſimilibus Amicis et fautoribus
 proſpexerit, qui, aut quâ dexteritate cavendi, aut quâ lenitate conſo-
 piendi, aut quo animo excipiendi ſint, ſi qui erunt eiufcemodi adver- 25
 ſarij occulti vel aperti, oportune nôrint. Quod ut D^o T^a tantâ prompti-
 tudine faciat, quantum ipſi eſt ad id faciendum facultatis, atque ut hoc,
 quod molior, Aſtronomicum exercitium, huc in honorem Cæſaris et
 Imperij a Tuâ inter primos D^{ne} tranſlatum, tutari etiam et promovere
 non deſinat, id equidem rogarem illam operoſius, niſi mihi de præ- 30
 clariſſimâ et ſpontaneâ eiufdem voluntate iam antea liquido conſtaret.
 Quæ brevitat^{is} cauſâ hîc omiſi, quodque ea calamus non facile ſuſti-
 neret, illa D^o Tua, ubi vacaverit, oretenus audiet ab exhibitore harum,
 Nobili et Erudito Iuvene FRANCISCO TENGNAGEL, meo dome-
 ſtico, nuper ex Italiâ ad me redeunte, quem Ill^{rem} D^{em} Tuam iam antea 35
 Romæ proculdubio vidiſſe exiſtimo. Qui cum || Dⁱ T^æ, cuius eſt obſer- 34^r
 vant^{iſſ}imus, conditiones ſuas, et quid maxime optet, exponere cupiat,
 ei^{us} cauſâ D^{em} Tuam etiam atque etiam quam officioſiſſime rogo, uti
 pariter et illum ſuâ benevolent^{iâ} complectatur et ad optima quæque
 promoveat. Quicquid in ipſum beneficij contulerit, id veluti mihi quo- 40
 que præſtitum perpetuo gratâ mente agnoſcam.

Valeat Ill^{ris} Dn^o tua quam diutiſſime et felic^{iſſ}ime, et hanc meam in
 ſcribendo

scribendo audaciam ac prolixitatem pro suo candore sincere interpretetur. Dabantur ex Arce Cæsareâ Benaticâ 8 Martij 1600.

Ill^{ri} Doⁱ Tuæ deditiſſ.

TYCHO BRAHE.

- 5 Mitto per prædictum TENGNAGLIUM duos libros ex meis unâ cum Globo quodam Cœlesti ad restitutionem stellarum a me factam accurate elaboratum. Quæ ut Ill^{ris} D^o Tua hac vice, donec plura in hoc studiorum genere ad colophonem, volente Numine, diduxero, boni consulat, reverenter oro.

10† [E codice Basileensi G I 35]

TYCHO BRAHE AD ANONYMUM.

- 35^r NOBILISSIME ET EXCELLENTISSIME VIR, DOMINE
ET AMICE OBSERVANDISSIME.



- 15 QUOD tam amanter Dn^o V^a, quo tempore Wandelsburgi adhuc in Hollatiâ hærebam, humaniſimis et pariter doctiſimis suis literis me prævenire voluerit, tanto gratius id mihi accidit, quanto Clariſsimorum et Præſtantiſsimorum virorum amicitias cœterorum familiaritati semper præferendas duxi. Quod vero prius ijs a me re-
- 20 ſponſum non ſit, D^o V^a non meæ, quæ nulla ad Amicis par pari referendum eſſe ſolet, negligentia, ſed locorum intervallo, peregrinationibus meis continuis, et quod vix ulla interim ad Ser^{mam} eius Cel^{nem} ſcribendi certa occaſio hucusque ſeſe obtulerit, tribuet. Quam nunc per Nobilem et Eruditum Iuvenem FRANCISCUM TENGNAGEL
- 25 naſtus, qui apud vos prius erat et nuper ex Italia reverſus iter iſtuc in Patriam parat, et Ser^{mam} eius Cel^{nem}, ſi ullo modo ob viarum et prædonum graſſantium pericula licuerit, humillime compellare animum induxit, has gratitudinis erga ſe meæ teſtes exarare volui, etiam atque etiam rogans, ut D^o V^a negocia illa, quæ Ser^{mæ} eius Celⁿⁱ dictus TEN-
- 30 GNAGLIUS oretenus (ſi eam ſubmiſſe accedere contigerit) vel literis expoſiturus eſt, authoritate et interceſſione ſuâ promovere non grave-
tur. Quæ ipſemet (ubi, uti ſpes eſt, acceſſerit) TENGNAGLIUS clare et ſeorſim inſinuare poterit, quo reſponſum mature nanciſcar. Fecerit D. V. mihi hac in parte rem inprimis acceptam, et quibuſvis, quæ a
- 35 me proficiſci unquam poterunt, officijs viciſſim pro virili compenſandam. Valeat Dn^o V^a quam feliciſſime. Dabantur ex Arce Cæsareâ Benaticâ die 8 Martij 1600.

[E codice Basileensi G I 35]

GENEROSO, MAGNIFICO ET NOBILIVIRO, 36^v
 DOMINO I. BONGARSIO, SERENISSIMI ET POTENTISSIMI
 GALLIARUM REGIS APUD GERMANIÆ PRINCIPES
 LEGATO DIGNISSIMO, AMICO SUO VETERI ET 5
 INPRIMIS HONORANDO.
 MAGNIFICE ET NOBILISSIME VIR. 36^r



TSI sub finem superioris Anni per Magistrum quendam
 natione Danum, Confobrinum meum, CLAUDIUM
 BILLEUM, in Gallias comitantem et Francofurtum (uti 10
 statuerat) transeuntem, ad te literas dederim, ac de quibus-
 dam negocijs commonefecerim, cum tamen hic Nobilis
 et Eruditus Iuvenis FRANCISCUS TENGNAGLIUS,
 meus domesticus meæque e Dania emigrationis Comes, ex Italiâ nuper
 ad me reversus ad Nundinas Francofurtenfes ire cogitet, ut inde in Co- 15
 mitatu mercatorum tutius Patriam suam, quæ est in extremæ West-
 phaliæ finibus, accedere atque Parentes invisere queat, postmodum,
 favente Numine, huc reversurus: non intermittendum duxi, quin unâ
 cum eodem (qui rerum mearum apprime gnarus est, easque plenius ad
 te referre poterit) denuo scriberem. Nec tamen ea, quæ de Privilegio a 20
 Ser^{mo} et Potentißimo Galliarum Rege impetrando, deque debito Op-
 timæ memoriæ DANZÆI nobis solvendo tunc temporis rogavi, iterum
 pluribus inculcare lubet, cum de tuâ erga me voluntate tam in his quam
 alijs nihil addubitem, et prædictus TENGNAGLIUS hæc ipsa orete- 25
 nus promptius expositurus sit. Id saltem te hac vice officiose rogatum
 cuperem, ut de quâdam aliâ re, quam is secreto tuæ fidei ex me com-
 mittet, quid fieri posse vel secus existimaveris, dispicias, quo is tam de
 hac quam cæteris, ubi se huc receperit, || mihi referre queat. Quem 36^v
 etiam, prout amicitia non indignum experieris, ut tuâ benevolentia
 complectaris, quæso. Plura non addo. Neque etiam calamus omnia 30
 tuto sustinet. Sed is instar vivæ Epistolæ omnia rectius expediet. Vale.
 Dabantur ex Arce Cæsareâ Benaticâ die 9 Martij 1600.

Mæ Tuæ studioß.


TYCHO BRAHE.

[E codice

† [E codice Basileensi G I 35]

TYCHO BRAHE AD ANONYMUM.

37^r GENEROSE AC MAGNIFICE VIR, DOMINE ET AMICE
INPRIMIS HONORANDE.


5  UM hic Nobilis et Eruditus Adolefcens FRANCISCUS
TENGNAGLIUS, quem tua M^a iam antea novit, nuper
ex Italiâ huc in Bohemiam ad me reversus, in Patriam
suam Parentum invifendorum gratiâ nunc cogitet, et in
10 itinere aut reditu Ser^{mum} Electorem Colonienfem, Domi-
num noſtrum Clementiſſimum, denuo humillime acce-
dere, niſi nimia viarum pericula id vetent, omninô conſtituerit: idcirco
vacuum meis ad M^{am} tuam literis venire non ſum paſus, ex quo M^æ
tuæ erga me humaniſſima officia gratâ mente etiamnum reſolam, et
15 perpetuo eorundem meminerim, paria relaturus, ſi vires ſufficiant,
aut occaſio ulla ſeſe exhibeat. Licet vero quæ ad M^{am} tuam perſcri-
bam, præter ea, quæ is commodius et tutius oretenus exponet, non
habeam, tamen M^{am} tuam hiſce officioliſſime ſalutare volui, utque
dictum TENGNAGLIUM ſibi quam commendatiſſimum habeat, et
20 utriuſque noſtrum negotia apud Ser^{mum} Principem, prout antea quo-
que perlubenter et benevole præſtitit, promovere atque expeditionem
maturam impetrare non gravetur. Cumque idem TENGNAGLIUS ||
37^v inſtar vivæ Epistolæ futurus ſit, et tam me quam ſe ipſum concernentia
M^æ tuæ plene et ſecreto indicaturus, ulteriori ſcriptione ſuperſedeo,
ac per eundem, quam primum fieri poſſit, favente Numine, ad me re-
25 vertentem reſponſum expecſto. Deus opt. max. M^{am} tuam Reip. et bonis
literis quam diutiſſime proſperam et incolumem ſervet. Dabantur ex
Arce Cæſareâ Benaticâ, quam nunc unâ cum meis inhabito, die 9
Martij 1600.

M^æ tuæ ſtudioſiſſ.

30 TYCHO BRAHE.

[Ex apographo in codice Monaceni Bibl. Univ. 693 in 2^o]

159^r NOBILISSIMO VIRO TYCHONI BRAHE IOSEPHUS SCALIGER IULIJ CÆSARIS F. S.

35  UONAM fato meo accidiſſe dicam, Vir nobiliſſime, ut
qui amicis meis diligentiam, ſtudio et officium meum
omnibus in rebus, omni tempore probare paratus ſim,
non ſolum omnibus modis, quibus id præſtare poſſim,
deſtituar, ſed omnia penitus adverſa mihi experiar?
† Ecce ex quo literas tuas accepi, quas Witebergâ diſce-
dens

dens ad me dedisti, nunquam conquievi, quin de te et tuarum rerum statu sollicitè quæfiverim. Nam postremæ tuæ, quæ mihi omnem scrupulum eximere debebant, eæ vero incertiores me tuarum rerum reddiderunt. Nanque ex illis neque quando constiteris neque ubi lares posueris, colligere potui. Nunquam tamen ab eo tempore destiti percontandi de te, præsertim quum quidam te in Silesia esse et ibi sedem fortunarum tuarum statuisse, tam constanter affirmarent, ut soli tua negotia scire et curare viderentur. Quamdiu M. CHRISTIANUS Danus, vir optimus et tui studiosissimus, hîc fuit, aliqua spes relinquebatur aut meas literas ad te tuto dandi, aut tuas eliciendi. Sed ille prius discebat, quam postremas tuas acciperem. Nunc eæ, quas hodie accepi, centum triginta diebus postquam datæ sunt, omnino bearunt me, quod me omni cura de te, quæ me anxium habebat, liberarunt, quum hæcenus penderem animo, quo terrarum meas ad te mitterem, qui ubi constiteres nesciebam. Quanquam vero virtus tua et eruditio eximia non finit te latere, neque tuas res ignorari, tamen tanta est locorum intercapedo, quæ te a nobis dividit, ut quod de Sole necessarium est, eum prius apud Eoas nationes, quam Hesperias oriri, id omnino tibi conveniat, cuius lucem nobis serius sentire continget quam ijs, qui te fruantur hospite et a te præsentè hauriunt, quod nos ipsis, ne quid dissimulem, invidemus.

Quanta vero lætitia istæ postremæ nos perfuderint, uno verbo non dixerim. Hoc unum credas velim, nihil mihi gratius esse potuisse, quam tibi otium contigiße, quod et tuis studiis et dignitati tuæ convenientissimum esset. Hoc enim unum semper spirarunt vota mea. Felicem te, mi TYCHO, qui non solum universam Europam testem eruditionis tuæ, sed etiam Cæsarem fautorem, adiutorem, et, quod cælum ipsum invidere possit, studiorum socium nactus sis. Patriam, quam natales dederant, deseruisti, ut eam, quam doctrina tua meruit, adipiscereris. Regem suum Danis Natura dedit: uni Dano TYCHONI virtus Imperatorem adoptavit. Ab altero te abesse dolendum erat, nisi maiorem, in quo vota tua conquiescerent, haberes. Te vero, magne amice, per ius amicitiae nostræ oro, ut me de statu, instituto et ratione rerum tuarum frequentius certiores facias, ne qua in posterum mihi de te dubitatio relinquatur. Nam quæ videri posset cessatio aut negligentia in officio literarum, ea potius fuerit ignoratio status rerum tuarum.

Multa vero erant, de quibus te convenire per literas vellem, siquidem per properantiam istius liceret, qui mihi tuas reddidit: qui, ut ad tuas statim responderem, a me exegit, et ita in ipso articulo oppressit, ut vix spatium reliquerit his exarandis. || Diatribam enim meam de præcessionibus æquinoctiorum et confutatione motus octavæ sphaeræ ad te mittere cogito, in qua et innumera veterum testimonia a nemine hæcenus

haëtenus animadversa studiose collegimus, et stellam illam, quam Po-
 larem vocant, ante mille nongentos sexaginta sex annos in eo loco
 hæsiße, ubi hodie est, quinque luculentis vetustissimorum scriptorum
 † testimonijs demonstramus. Præterea tot ἀτοπήματα et absurditates,
 5 quæ ex illa hypothesi motus octavæ sphaeræ sequuntur, adducimus,
 ut nemo sit nisi imperitus aut invidus, qui contra hiscere audeat. Addo
 etiam, quod haëtenus omnes latuit, præcessionem æquinoctiorum a
 THALETE usque et ANAXIMANDRO ad HIPPARCHUM ad-
 missam fuisse, primumque omnium HIPPARCHUM eam reieciße, in-
 10 ducto sphaeræ octavæ motu in consequentia, adeo ut contra fidem
 oculorum extremam in cauda Cynosuræ sive Polarem, ut vulgus vo-
 cat, esse omnium septem, quæ in asterismo illo sunt, australissimam
 prodiderit, quæ tamen fuit ante illum, et est hodie, eritque semper
 borealissima omnium. En quo posteritatem perduxit tanti viri autori-
 15 tas. Nam ab illo usque haëtenus vos ita creditis, et non alia re quam
 quod αὐτὸς ἔφα, quod in Mathesi nunquam locum habere debet. Nulli
 hominum generi hodie magis nocuit antiquitatis imperitia quam na-
 tioni Astrologorum. Nihil magis mirari mihi succurrit, quam nemini
 Astrologo de vitio illius hypotheseos suboluisse, neque quot et quanta
 20 absurda ex illa propagari neceße sit, si unum excipias COPERNICUM,
 qui et præcessionem æquinoctiorum et obliquitatem circuli æquinocti-
 alis animadvertit, sed ignoracione rerum vetustarum ad absurdas hy-
 potheses confugit. Sane regularem et æquabilem Solis maximæ decli-
 nationis decrefcentiam ab unica anticipatione æquinoctiorum pendere
 25 neceße est, quod a nobis optime demonstratum est. Aliter non potest,
 nisi per falsas hypotheses. Hinc sequitur polum mundi alium esse a
 polo æquinoctialis, et lineas meridianas moveri, neque in eadem sede
 semper hære. Id nos egregie ex veteribus scriptoribus demonstramus.
 Denique tota disputatio est historia mathematica, prius testimonijs ab
 30 ultima memoria petitis collecta, deinde geometricè demonstrata. Ea
 adhuc in litura est. Quum per occupationes licebit in mundo descri-
 bere, mittam ad te. Unum totam rem transigit, si stella polaris semper
 eidem loco hæsit, nullum locum esse pertinaciæ: omnia neceßario, quæ
 dixi, consequi debere, atque adeo nullum esse motum octavæ sphaeræ.
 35 Quod de nobili viro GEORGIO HERWARTO ab HOËNBURG
 scribis, is iam dudum mihi de literis suis ad me notus est. Sed de stella
 Veneris quod scribit, videndum ne illi falsum aliquod Chronicon im-
 posuerit homini eruditissimo, sed pro illo munere, quod gerit, occupa-
 tissimo, ut illi meliores auctores consulere non licuerit. Nam ut taceam
 40 absurditatem, quis, amabo, est iste Romanus Poëta sine prænomine et
 nomine? Anno quarto ante Christum natum hoc accidiße unde habet?
 160 Quis veterum hoc prodidit? || Nam nullus eorum quidem, qui hodie
 supersunt,

superfunt, eius meminit, et quidem pauci superfunt, qui meminisse potuerint, OVIDIUS et MANILIUS, et nescio an alius præterea. Nam HORATIUS anno quinto ante primum Dionysiacum Christi obiit. Et PROPERTIUS nihil tale. Denique decepit hominem eruditum aut memoria aut scriptor malæ fidei.

De ALBATEGNIO utinam tibi satisfacere possem. Tantum abest, ut exemplar Arabicum nancisci posim, ut ne Latini quidem copia mihi sit impræsentia. Equidem mihi constat multa apud illum auctorem partim obscure, partim imperite reddita, quæ fidelius et lucidius explicari poterant. Mitto tibi MANILIUM nostrum, quem per otium ut tibi liceat legere, opto. Nam ex eius gemmis poteritis aliquando astrologiæ vestræ emblemata instruere. Nullus scriptorum neque apud Græcos neque apud Latinos tam male acceptus fuit, vel a mendis, vel a traiectionibus, vel ab ignoratione priscae Astrologiæ.

Tuas literas rectius Augustam Vindelicorum mittere possis ad nobilissimum virum MARCUM VELSERUM, patritium et Reip. Augustanæ Septemvirum. Is Amstelradamum recte curabit eas. Nam profecto via Hamburgensis longinquior est: nisi aliter tibi videtur; hoc enim arbitrij tui facio. Tantum opto, ut literæ tuæ non solum tuto mihi, sed etiam cito reddantur. Vale unice Astronomiæ vindex. Lugduni Batavorum VI Eid. Martias, stylo novo CIO IO C.

Nondum mihi diatribam tuam ad literas nobilissimum GEORGIJ HERWARTI nisi obiter legere contigit, quia statim a lectione tuarum literarum me ad has conscribendas contuli. Nunc sedulo omnia legam. Iterum vale.

[E codice Basileensi G I 23]

ILLUSTRI ET GENEROSO VIRO, DOMINO
TYCHONI BRAHE, ASTRONOMORUM NOSTRI SEculi
PRINCIPI, DOMINO ET PATRONO DILECTISSIMO.

S. P. D.



ILLUSTRIS et Generose Domine TYCHO, patrone observandissime, ex litteris, quas proxime per M. CHRISTIANUM misi, Generositati Vestræ innotescere potuit, quo in statu sint res Transylvani, qui ad Generositatem Vestram excurrerat. Petijt is interim aliquoties a me, ut eum apud Generositatem Vestram humiliter excusarem. Idoneum alium nullum possum exquirere, ut ut percuperem. Forsan autem in viciniâ vestrâ aliquis oblatus est.

Benedictus sit Dominus Deus noster, qui iam tandem Angelo percutienti iuga Bohemica ex misericordiâ suâ frenum iniecit. Is clementissime

5 tiſſime Halcyonia et aërem ſaluberrimum unâ cum longâ vitâ Gene-
 roſitati Veſtræ concedat, ut in emolumentum publicorum ſtudio-
 et ad gloriam nominis divini omnia illa, quæ feliciter cœpit, ad exop-
 tatiſſimum finem perducere poſſit. Speramus etiam rabiem Theologi-
 10 cam interim ibi nonnihil deferbuiſſe. Etſi vero nihil ſcriptione magno-
 pere dignum nunc temporis habebam, tamen D. D. IESSENIUM, com-
 munem amicum noſtrum, tanquam planetam ab Eclipticâ Witebergenſi
 nunc iterum in latitudinem meridionalem Bohemicam excurrentem,
 ſine aliquibus meis ad Generoſitatem Veſtram pervenire nolui. Com-
 15 mendo Generoſitatem Veſtram cum omnibus eidem addiſtis divinæ
 † protectioni fideliter. Witebergæ dominicâ Lætare, non ſecundum Li-
 lianos, ſed ſecundum Iulianos faſtos, licet nunc concurrant in paucis,
 anno Chriſti 1600, quem tamen præter IOSEPHUM SCALIGERUM
 etiam BARTHOLOMEUS SCULTETUS 1601 eſſe comprobat.

G. V. ſtudioſiſſ.

WOLFG. FRANZIUS.

† [E codice Baſileenſi G I 23]

MAGNIFICO ET NOBILISSIMO VIRO

DOMINO TYCHONI BRAHE, UNICO STUDIORUM

MATHEMATICORUM HUIUS SEculi RESTAU-

RATORI, CÆSA DOMINO ET

AMICO SIC LENTER

OBSERVANDO.

S.



25 TARDIUS mihi redditæ ſunt literæ tuæ X Ianuarij ſcrip-
 tæ, Magnifice Domine TYCHO, Vir præſtantiſſime: tar-
 dius etiam ad illas reſcribo, partim propter adverſam
 meam valetudinem (conſiſtor enim cum febris tertiana,
 quæ me graviter adhuc affligit) partim etiam quia Typo-
 30 graphus non potuit citius de voluntate ſua reſpondere,
 quam eſſet edoſtus ab ijs, cum quibus egit de papyro ſive charta. Dici
 autem non poteſt, quam gratæ fuerint literæ tuæ, e quibus libentiſſime
 cognovi de ſede fortunarum, vel potius ſtudio-
 rum, hoc tempore tibi
 aſſignata ab Auguſtiſſimo Cæſare. Deum precor toto peſtore, ut hæc
 35 omnia tibi velit eſſe ſecundiſſima, atque tuos laudatiſſimos conatus
 provehat ad optatiſſimum finem in tota Republica Chriſtiana.

Doſtor FISCHERUS agit tibi reverenter gratias, quod eum dignaris
 tua benevolentia, cui ſeſe totum addit et commendat: forte non indig-
 nus, quem compleſſaris, præſertim ubi melius hominem noſſe cœperis.

Ad

Ad libros Wittichianos quod attinet, scire te volo, eo ipso tempore, quo huc allatæ fuerunt literæ tuæ, sororem PAULI WITTICHIJ iam ætate provectam celebraſſe nuptias ſecundas, quarum hic fuit exitus, ut nova nupta poſt LX dies moreretur. Filium unicum reliquit hæredem, cui nondum conſtituti ſunt certi tutores: quod ubi factum fuerit, videbo, an et quid cum illis agi poſſit. Fuiſſet mihi res facilior, ſi ipſa Wittichiana vixiſſet diutius: videbo tamen, quid fieri et impetrari queat. || Audio ab ijs, qui ſuperſtite adhuc ſorore PAULI WITTICHIJ inſpexerunt libros Wittichianos: illi aiunt, omnia eſſe varie confuſa et diſtracta tanquam Sybillæ folia, nec miror. Erat mulier illa prorſus mirifica et ſuo ſenſu abundans. 5 48v 10

Quod ad alterum illum Mathematicum attinet, qui ante aliquot annos hîc vixit, ſi non eſt moleſtum, hortor te, ut epiſtolam non magnam ſcribere velis ad Medicum huius urbis fortiſſimum et doctiſſimum Doctorem DANIELEM BUCRETIIUM. Ei ſunt noti hæredes, quos reliquit ille Mathematicus, et ſcio eum tui tam amantem et obſervantem atque ſtudioſum eſſe, ut moturus ſit omnem lapidem, et operam daturus, quantam poterit maximam, ut deſiderio tuo ſatiſſiat, quantum fieri omnino poterit. 15

Quod ad negocium typographicum attinet, egi cum noſtro, quem habet hæc civitas, typographo, et ei ſignificavi, quid de ipſo ſcire velis. Is reſpondet ſcripto peculiari, quod mitto, et ſimul curavit fieri probam, ut nominant, typorum ſuorum. Tu hæc, mi Domine, leges et cogitabis, et quæ ſit tua voluntas, nobis ſignificabis. Ego, ſi quid hac in re facere potero, quod tibi gratum ſit, aut uſibus tuis ſerviat, faciam hoc ſumma voluntate. 20 25

Si quid ad me ſcribere voles, fac per certos homines mittas Pragæ ad Dn. SIMONEM LUCK, *Regiſtrator vnd Taxator Ihrer Kay. Mt. bey der Hoffcammer*. Is quicquid acceperit, bona fide ad me curabit. Pro verſibus nunc miſiſ, quos ad priora carmina aggregavi, magnas ago gratias. || Si plane perducta eſt ad finem editio operis illius tui, quod aliquando vidi, ſed adhuc mancum et mutilum, cui titulus TYCHONIS BR. Dani Aſtronomiæ inſtaurandæ progymnaſmata volumen primum Uraniburgi 1592: peto a te magnopere, ut exemplum Bibliothecæ meæ donare velis, ſicut etiam feciſti (quo nomine adhuc magnas tibi gratias ago) cum volumen primum Epiſtolarum Aſtron. ad me miſiſti. Mea officia et ſtudia paratiſſima tibi ſemper conſtabunt pro viribus. 30 49r 35

Non licet nunc plura propter febrim, quæ licet nonnihil per Dei gratiam remittat; tamen, nondum adhuc receptis viribus priſtinis, admodum languéo. Ille me ſanabit, qui me percuſit, qui idem eſt vita noſtra, et longitudo dierum noſtrorum: in quo etiam ſumus, vivimus, et 40 †

et movemur. Oro te, vir præstantissime, ut veniam d[are velis] epistolæ
sic scriptæ, ut facile agnoscat author eius f

Bene et feliciter vale in Domino Deo nostro, a quo tibi ex animo
precor omnes felicitates et quæcunque animus tuus potest, iuxta illius
5 divinam voluntatem, optare.

Data subito XIIIJ Martij 1600.

T. M.

omni studio et observantia
unice colens et amans
IACOB MONAW.

10

† [E codice Basileensi G I 23]

44^v ILLUSTR ET PRÆSTANTISSIMO VIRO
TYCHONI BRAHE, IMPERATORIS RUDOLPHI II
ASTRONOMO, AMICO S. S. IN AULA
15 IMPERATORIS VEL BENATICA
5 MEILEN VON PRAG.

43^r



ÆPIUS de te mihi percontanti, BRAHEE nobilissime,
nihil certi potuit significari a gentili tuo, qui heic com-
moratur studiorum gratiâ. Nam sese intellexisse aiebat,
fore ut in Galliam te penetrares, nisi res tuæ in aulâ
Cæsareâ optatissimum sortirentur exitum. Nunc autem
vehementer gaudeo, Uranien tuam repperisse locum
speculationi commodissimum, idque beneficio munificentissimi Impe-
ratoris RUDOLPHI II. TAUBMANNUS et BRASCHIUS, Poëtæ
25 laureati, me submonuerant de quibusdam carminibus in Tychem tuam
componendis, quæ nunc cum hisce litteris accipies, et cum reliquis
amicorum lucubrationibus, si placuerint, coniunges. Antea quoque a
DAVIDE CHYTRÆO v. cl. reddita mihi fuerant exempla nonnulla
epistolarum inter te et cancellarium Danicum commutatarum, ex qui-
bus statum (vel potius ruinam) rerum tuarum, cum etiamnum in patriâ
degeres, plus satis intellexi. Ea CHYTRÆO remissi, ita illo volente.

20

43^v De exemp-llari Astronomiæ instauratæ, in quo plurimæ coloribus
depictæ machinæ visuntur, magnas tibi et ago et habeo gratias: ut et
de fasciculo elegantissimorum carminum unâ coniunctorum, quæ sanè
35 libenter legi: sed tamen vehementer indolui, rem eo pervenisse, ut sponte
exilium susciperes: quod nihilominus tibi ex animi sententiâ successit,
fruituro meliore commoditate quam ipsâ in patriâ. Nuper fui assiduus
in manuscriptis quibusdam codicibus, ut viderem, nunquid reperirem
antiqui de lapide illo Philosophico, ad quem inveniendum tot labores
40 hæctenus frustra defudavere. Investigabo etiam, si forte quid ad nos
pervenerit

pervenerit a veteribus de rebus Astronomicis. Hoc enim te maximè expetere video. Fasciculo, quem TAUBMANNUS iussu tuo ad me transmiserat, epistola tua non fuit addita. Hanc unicam nuperrimè abs te exaratam a Dano quodam nobili accepi, cui vicissim hanc meam concredidi. Rectè fecisses, si Pragæ mihi quempiam nominasses, cui fasciculum committerem, tibi porro transmittendum. Amicus illic est mihi summus WENCESLAUS LAVINIUS ab OTTENFELDO, medicus excellentissimus, cum quo Lutetiæ familiarissimè vixi; || ubi tum simul erat illustris Baro CAROLUS a ZEROTINO Moravus; Norimbergæ autem est CÆSAR CALANDRINUS, vir ornatissimus, quem adhuc vivere arbitror. Hic litteris transmittendis operam nobis suam haudquaquam denegaturus erit.

Scripsi hæc festinabundus, cum Oda quæpiam ZEROTINO Baroni inscripta ad prelum adornanda esset. Tu bene vale et me ama.

Dat. Haidelbergæ die V. Martij veteris, anno MDC.

P. MELISSUS.

CRAMERUM vellem in Senarijs suis observare quarto loco Iambum, qui etiam in secundo requiritur necessario. Corriget igitur, ubicumque spondeus positus est, si vult imitari HORATIUM et SENE-CAM in Trag. Produxit syllabam *no* in *Pannoniæ* et *ge* corripuit in *Indulge*. Et hoc limandum.

[E codice Basileensi G I 23]

NOBILISSIMO ATQUE EXCELLENTISSIMO VIRO, DOMINO TYCHONI DE BRAHE, EQUITI ET DOMINO IN KNUDSDORP, SOLLERTISSIMO ASTRONOMIÆ INSTAURATORI ASTRONOMORUMQUE NOSTRI SECULI PRIMARIO, IN ARCE CÆSAREA BENATICA IAM IAGENTE, DOMINO SUO DEBITÆ OBSERVANTIÆ STUDIJS COLENDO.

S. P. D.



QUANTO me gaudio affecerint litteræ MONAVIJ mei, Vir magnifice atque excellentissime, Domine et amice observande, vix queo dicere. Non enim solum te veniam mihi dare nunciabant, qui ignotus ad tantum virum meas mittere ausus fueram, sed et eas tibi gratas fuisse, meque in amicorum tuorum numerum abs te susceptum esse, ac memoriam mei animo tuo servare, quemadmodum tuis ad ipsum litteris sis attestatus. Gratias itaque tibi ago, quas mente meâ concipere

cipere possum maximas, pro tantâ tuâ humanitate tantâque in me benevolentiâ, et tam benignâ tamque amicâ ad amicitiam tui admiſsione. Amavi equidem te et colui, suspexi, miratusque sum iampridem tacito quodam sensu, qui nunc lubens se promit, magisque aspirat ad tam
 5 suavem iucundamque tuæ benevolentiae auram. Merentur id virtus tua, ingenium, eruditio, experientia, dignitas, maiestas, quibus me velut adamantino vinculo nexuisti, quod nulla vis laxabit aut dissolvat umquam, nulla, crede mihi, obscuratura est oblivio, donec

† *Lumine adempto animam moribundo corpore fundam.*

10 Quod tibi hîc non scriptum, sed veluti per syngrapham sponsum volo. Rogavi, opera tua a typographo ut mihi comparares tuo, quaecunque abs te edita, debitoque precio me illa persoluturum dixi. Vidi apud nonnullos quædam, non omnia, quod non ad nos perferantur a Bibliopolis nostris, quo divina huius scientiae studia precio nunc apud plerisque sint, non male perspicientibus. Ea quantopere desiderem, nequeo
 15 scribere. Age ergo, Vir magnifice, domine et amice observande, ut tuâ operâ || ab illo ea impetrem, et quamprimum Pragam ad ERNESTUM HEINCIUM, Camerae Cæsareae Registratorem et Expeditorem, coniugis meae fratrem germanum, vel Vratislaviam ad MONAVIUM
 20 mitte, nec me, quod callidae amantes solent, diu desiderio isto torque. Precium, quod volet ille, statim numerabitur. Velim addi Instrumentorum tuorum delineationem, quam nuper mihi ostendit Medicus D. BARTHOLOMÆUS SWALBIUS, intimus meus, qui et versus meos tibi gratos fuisse narrabat, sed a te recoctos ad salivam et gustum tuum,
 25 quod gaudeo; tamen me tanto viro placuisse, summæ laudi duco. Verum, pace tuâ, paucis mentem meam explicabo. Sensus meus est, te errores astrorum motusque dissipatos, quales fuere hactenus, singulari arte et mirâ industriâ in ordinem redegiſſe certior, Deumque tibi uni, quem eruditio et virtus in sublime vexerunt, quod antehac paucis
 30 particulatim conceſſit, nunc divite et pleno Cornu plenâque manu, quasi nimis tantarum opum largum profusorem, suggerere, ut quemadmodum Sibylla paucis contingere dicit apud MARONEM, ut ex Orco ad superas revertantur, et ijs tantum,

quos æquus amavit
 35 *Iuppiter, aut ardens evexit ad æthera virtus:*

ita etiam tu solus repertus sis, cui digne ista contigerint ante omnes, teque merito nunc, quæ tam large accepisti, largâ manu quoque posteris
 † largiri debere. Particulam *Cœlitus* pro *In*, vel *Sub Cœlo*, semper ego de loco cum omnibus autoribus intellexi, et obscuriorem mihi reddere
 52 videtur sensum, quam si legatur: *astra sub cœli gemino axe.* || Sed ignosce,

ignosce, per Deum te oro, excellentissime domine, quod tam libere hæc scribo. Tibi enim manum do, tuo iudicio acquiesco, tuæ censuræ subscribo, teque valere et astronomiæ stabulum, Herculeis tuis laboribus, abs te magis magisque expurgari cupio,

*Quæque opto, rata sint, faxit rex ætheris alti,
Ingeniumque tibi, vires, vitamque ministret.*

Vigore animum nervosque robore impleat.

Vale ergo, Vir excellentissime, domine et amice, perpetuis debitæ observantiæ studijs a me colende. Dabam Suidnicij Silesiorum XIIIX die Martij anno epochæ Christianorum MDC.

Excell. atque dignitatis tuæ

observantissimus

TOBIAS FISCHERUS,
Philos. et Med. Doctor,
manu propria.

Editi sunt a MERCATORE anno 1541 Lovanij duo globi, Cœlestis et terrenus, quos ego ipse meis manibus nuper reduxi. Nunciatum autem mihi est, paucis abhinc annis eisdem correctiores editos esse Coloniae, et formâ adhuc maiore, nec in alia loca chartas istas divulgari. Peramanter itaque etiam atque etiam te oro, num vera hæc sint, et an non a typographis illis comparari, si non per me, per aliquem excellentis autoritatis virum queant, significa.

D. ERNESTUS HENCIUS affinis meus singulis hebdomadibus ad me suas potest mittere litteras.

[Ex apographo in Archivo Regni Daniæ: Diplomatario Langebekii]

IOHANNES IESSENIUS A IESSEN AD TYCHONEM BRAHE.

S. P.



UDIUS tertius, Nobilissime Domine TYCHO, Witebergâ ante octiduum profectus, Pelsenam veni, acturus senis mei patris causam diuturnam atque difficilem, quam peracturum me etiam et felicius et citius ex eo speraram, quod apud Cæsaream Maieſt. Illuſtriſſ. Princeps, Saxoniae Administrator, Dominus meus Clementiſſ. pro me literis diligenter interceſſerit. Sed uti ſolent lento gradu abſolvi omnia, ita quoque ex his præludijs aliquantulum tardius negotium meum confecturum ſuſpicio, præſertim cum aula diſtracta incommoditates

commoditates et moras plurimas inijciat, nihilominus urgeo, inſto, ad tædium etiam et moleſtiam illorum, apud quos mihi ſollicitandum negotium. Capió tamen et ex his remoris nonnullam voluptatem, cum a pluribus Cæſaris Conſiliarijs non tantum benevole admittor, ſed ultro etiam accerſor. Ad quos, quæ inter te et me eſt amicitia, tam facilem mihi parat aditum, quamprimum enim tui mentionem facio, illico in ſingularem quendam blandorem ipſorum vultum mutari ſentio; habefque tu certe plures, qui te hîc abſentem venerantur, quam alij in os laudatores, aut adulatores potius. Atque inter alia unum iſtud ſaltem brevitatis cauſâ habe.

Nuper cum Dominum GYPHANII I. C. celeberrimum et Imperij Aulicum Conſiliarium antehâc mihi etiam notum compellarem, inter cætera colloquia tui quoque (quem tamen de facie nunquam vidit) honorificam fecit mentionem, mihi recitans, quid a Magnifico Domino CORRADUCIO Imperij || Procancellario ipſi non ita pridem memoratum: nimirum Cæſaream Maieſtatem Dominum CORRADUCIUM ex Italicâ Legatione reverſum interrogaſſe, num is Romæ et alibi iſtic aliquid de TYCHONIS BRAHEI in has oras adventu inaudierit; cui cum reſponſiſſet, omnino id ſe tam Romæ quam alibi percepiſſe, mox perrexiſſe Imperatorem, quid ſibi et alijs de hac re videretur. Tum CORRADUCIUM libere reſponſiſſe: Eſt Vir TYCHO BRAHE, cui in Aſtronomicis diſciplinis nec hoc neque priora ſecula aſpexere parem, vixque poſteriora habitura ſimilem. Unde gratulari ſe, non tam ſibi, qui ex ipſius Cæſareæ Maieſt. mandato illum huc vocarit, ſed longe potius Suæ Sacræ Cæſar. Maieſt. de adepto hoc tanto Viro, cuius industria et laboribus vulgaria excedentibus et ipſa Cæſarea Maieſtas apud omnes poſteros Nominis ſui decus et Famam auctura ſit indelebili memoria; quibus dictis Cæſarem et ipſum annuiſſe, virumque hunc apprimè ſibi placere charumque addidiſſe. Hæc clariſſimus ille GYPHANIUS maximo cum applauſu mihi tum recitavit, ſuoque addito ſuffragio confirmavit, teque ipſius nomine plurimum ſalvere iuſſit, avide tuum expecſans, ubi Pragæ conveneritis, alloquium. Sed plura, cum de his, tum de alijs, ubi V. D. convenerimus, quod propediem ſpero futurum, quandoquidem Cæſaream Maieſtatem mox peracto Paſchate Pragam cogitare conſtanter aſeritur. Vale, et quod te non prius inviſerim, || feſtinationi meæ, ſiquidem parentis cauſam laborare animadverterem, imputa, excuſatumque habe. Dabantur Piſſene 24. Martij Anno 1600.

Tuæ Generoſitati addiſſimus

IOHANNES IESSENIUS A IESSEN,
Ducum Saxoniz Med. et Profeſſor Witeb.

Conſentire hoc cum originali meo fateor ego Doctör IESSENIUS m. pr.
[Ex

[Ex apographo Kepleri in codice Vindobonensi lat. 10703]

†

FRANCISCUS TENGNAGLIUS AD TYCHONEM BRAHE.

.... Hesternâ vesperâ Domino CORADUCIO adfui in cœnâ post me- 130^r
diam noctem usque, et iam primo diluculo mihi abundum. Doleo 5
itaque, quod colloquia varia nostra non possum de varijs rebus habita
recensere. Heri post meridiem Cæsaream Ma^{tem} Dominus CORA-
DUCIUS venit, || memorialia principalia de Feudo, de ædificijs Be- 130^v
naticensibus, de KEPLERO, de negotio Alexandrino apud Venetos
promovendo exposuit. Quibus omnibus Cæsarea Ma^{tas} clementissime 10
annuit, prout latius ipsemet CORADUCIUS ad Ma^m T. perscripturus
est. Negocij Alexandrini causas a Domino CORADUCIO quæsitæ
ipsius Ma^{ti} is humilime exposuit. De prædio in mandatis habet, ut se-
vere ad Dominum Capitaneum Brandeisensem perscribat. Etiam si
MOLLERUS advenerit, nihilofecius consentire in petitionem de KEP- 15
LERO et cum ipso ad eum ire per primam oportunitatem. De his om-
nibus fusius CORADUCIUS

[E codice Basileensi G I 35]

TYCHO BRAHE AD NICOLAUM CRAGIUM.

S. P.

20

73^r

EDDIDIT mihi filius TYCHO, statim post huius Anni
initia huc ad me domum reversus, literas tuas, Excel-
lentissime et Amantissime Domine Doctor NICOLAE
KRAGIE, quæ mihi gratissimæ erant, utut circa initia 25
expostulationem meam, ob diutinam literarum inter-
missionem, gravius quam forte decuit, ferre videaris, et
Amici in iocando libertatem nonnihil perstringere, quasi veterem tuum
TYCHONEM, licet sic amicos nonnunquam alloqui soleat, candide 30
tamen de ijs sentire et constantem esse non noveris. Ago autem tibi
gratias, quod meos emissarios tam benevole exceperis atque tractâris:
noluissim tamen, ut meâ de causâ eos sumptus faceres: si quid vicissim
in tui gratiam a me præstari poterit, inveniar huius etiam unâ cum
cæteris beneficij memor.

De statu rerum mearum, cum ex ijs, quæ ad teipsum, tum etiam 35
ROSÆKRANTZIUM nostrum perscripsi, et insuper filij relatione lu-
culenter iam antea cognovisti, nolo hîc quidpiam repetere, quodque
conditiones a Sa^a Ca^a M^{te} Clementissime mihi oblatae et deputatae vobis
ita placuerint, ut te et tuam ELISAM non mediocri affecerint gaudio,
gratum

gratum habeo. Crescit (sit Deo gratia) indies erga me Cæsaris benignissimus favor, tum quoque eorum, qui ei sunt ab intimis atque hinc
 5 auctoritate prævalent, licet apud quosdam morosulos non absit invidia, virtutis, uti fit, umbra. Cæsar per semestrem Pragæ non fuit, sed in
 73^v civitate quadam munita, quæ 10 miliaribus inde removetur, Pilsena dicta, cum præcipuis suis consiliariis interea moratus est, || idque ob
 luem Epidemicam, quæ totam Bohemiam et vicina loca graviter præcedente Anno usque in solstitium hybernium infestavit, quâ etiam de
 10 causâ ego unâ cum meis in non modico fui discrimine, peste et dybenteria tam in vicina urbe quam toto territorio Benatico atrociter sævi-
 ente. Quo nomine S^a Cæsarea Ma^{tas} proprio motu, Clementissimo animo, imo quasi Paterno quodam affectu erga me et meos non parum
 fuit sollicita, adeo ut aliquoties huc mitteret expiscatum, quomodo
 15 valeremus, et sponte obtulit copiam alio transeundi et pericula declinandi, si sic mihi placuisset, nominatim vero Viennam Austriæ indigita-
 vit, siquidem ea urbs contagionis expers erat, et commoditates oportunas, tam quoad habitationem, quam cætera necessaria se isthic per
 suos mihi ordinaturam, modo eo proficisci luberet, Clementissime obtulit. At ego, actis humillime gratijs, me potius hic manere et omnia
 20 Divinæ provisioni committere atque meis exercitijs vacare velle respondi. Quod etiam ipsius Ma^{ti} non displicuit. || Et antidota, quæ intellexerat me contra istos morbos efficacia in promptu habere, unâ cum
 74^v præparationis ratione expetijt, quæ et subiectissime communicavi. Seceßi vero tandem, formidini mearum muliercularum (uti fert sexus
 25 iste) indulgens, in aliam quandam Arcem Cæsaream 3 miliaribus hinc distantem (siquidem mihi liberum erat, quamcunque in viciniâ vellem, inhabitare) ubi, interea dum mei in Daniâ absunt, per aliquot hebdomadas non incommode mansi. Ago autem Deo opt. max. gratias, quod me et meos omnes, toto eo periculoso tempore, salvos et incolumes servârit. Spes est Cæs^{am} Ma^{tem} statim a Paschatis festo Pragam
 30 redituram, prout plurimi avide desiderant. Cum nuper ibi fuisset, rescivi a multis, quod et pariter in itinere a Capitaneo Brandeisensi meo vicino cognoveram, non saltem cives et mercatores, sed et præcipuos quosque mihi tribuere, quod Cæsar tam diu Pragâ absit, tanquam is hac
 35 in re ex meo penderet consilio, quodque acceßum ante finem Martij disqualerim, nec patuit || excusationi locus, licet id serio inficiatus sim:
 74^v † *Saaledis er mig nu her kommen for ordt.* Hinc talia suspicantur, quod nonnunquam ipsius Ma^{ti} de quibusdam, ipsâ sic cupiente, scribere soleam, nec liceat consiliariis, uti alias mos est, literas meas resignare.
 40 Instrumenta mea, quæ in Dania reliqui, aucta esse, et unâ cum cæteris nunc in fundo Teuthonico conservari, Cæsarea Ma^{tas} libenter intellexit, eidemque gratum fuit, quod nullas hac in re isthic moverint
 35
 74^v difficultates,

difficultates, alias Regi vestro hoc nomine scriptura. Dedit autem literas || tam ad Hamburgenses quam Magdeburgenses, ut quæcunque 75^r
 apud eos reposita habeo, unâ cum reliquâ meâ supellectile suis sumptibus in gratiam ipsius Ma^{tis} huc per Albim advehi faciant, cumque in
 prioribus literis subterfugium quoddam astute inveniissent Magdæbur- 5
 genses, denuo alteras misit, quæ priores dilucidius exponerent, cumque ijs acceptis ad me rescriberent, ut eos hac in re apud Cæsaream Ma^{tem} excusatos haberem, siquidem durities obsidionis, quam olim
 passi sunt, eos adhuc ita premeret, ut absque suo incommodo ijs sumptibus ferendis non eßent pares: quod cum a Domino BARVITIO su- 10
 premo Secretario intellexisset Cæsar, admodum ægre tulit, consiliarij vero eius in κακιννος resoluti sunt, quod obsidio ante 50 Annos peracta
 adhuc tantopere ijs incommodaret, ut exiguas istas impensas sustinere nequirent; excepitque sic quidam ex Cæsaris intimis, venturum forte
 tempus, quo ipsius Ma^{tis} operâ indigeant, tunc tergiversationum di- 15
 verticula adhuc plausibilia, quam illi effinxerunt, adinveniri posse. || Iussit vero mox Cæsar ad capitulum Magdæburgense literas, hac de 75^v
 causâ, scribi, quas ex suo ore nunc paratas e Cancellaria adferri procuro, mox ad Reverendum illud capitulum dirigendas, quod sponte
 suum erga Cæsaream Ma^{tem} hac in parte obsequium subiectissime ob- 20
 tulit, postquam rescivisset Senatores id detrectare; est enim (uti fieri solet) nonnulla inter eos æmulatio. Spero itaque me tam instrumenta
 quam cæteras res meas primo quoque tempore huc recepturum, nam de Hamburgensibus nihil addubito, quin voluntati Cæsæ Ma^{tis} promptius
 sint obtemperaturi; interea ædificia pro Instrumentis ordine et si- 25
 gillatim disponendis ante hyemem inchoata, et illius frigore superveniente, intermissa, complere satagimus.

Epigrammata duo, quæ iuxta calcem sunt eorum quæ mitto carminum, Cæsar, ut duabus præcipuis valvis, ex dorico et ionico opere factis, superius marmori insculperentur, mandavit. Cumque ego in 30
 primo, ut ab initio legeretur || *Quæ Boreas renuo*, et in altero suo 76^r
 loco *Arctoïs* pro *Danis*, quo Patria mea non nominaretur, Cæsar iussit, ut expresse scriberetur *Dania quæ renuit*, et in altero Epigrammate *Danis* pro *Arctoïs*. Sed hæc non nisi secretioribus Amicis revelanda sunt. † 35

Parant varijs in locis plures venâ Poëticâ pollentes eiusmodi carmina, in mei gratiam, inter quos est IOSEPHUS SCALIGER, qui subinde mihi scripsit, et MELISSUS, Poëtarum nostri temporis antesignanus: et quia memini me aliquando tibi pollicitum, eorum quæ accepero, 40
 ubi in aliquam copiam excrevisent, communicationem, hæc nunc impertior, donec plura nactus fuero, tibi soli reservanda, et non nisi OLIGERO nostro et alias integris atque sincere sentientibus monstranda.

De

De ijs quæ mihi in Daniâ evenerunt, non est quod existimes, me quidpiam scripturum aut publicaturum, nisi extrema sic urserit necessitas, atque vestrates occasionem præbuerint, utinam alij æque silere
76^v vellent; sunt enim || nonnulli, qui meâ sorte plus afficiantur atque
5 ægrius hanc mutationem ferant (ob Astronomiæ præsertim, quam affectant, instaurationem) quam ego, qui omnia infractio animo perfero; nec mihi adversi quid sic evenisse autumo; sic neque Polemica scripta unquam editurus sum, utilioribus et magis serijs intentus, ut non opus
fuiſſet eâ quam adducis admonitione, mihi tamen non ingrata. Ob-
10 strepent veritati et calumnientur, nobisque illudant, aliorumque scur-
† rilibus convitijs applaudeant, quicumque volent: *Stans tegor in solido* etc. Si tamen alij sponte sua pro veritate abserenda in mei honorem quidpiam scripserint, incivile et inhumanum foret idipsum averſo animo improbari. Quod vero tu in gratiam istius Scotuli veritatem tibi,
15 si cui alias, satis perspectam diſſimulare et vinclis conſtringere malis, ferendum duco, neque enim invito libenter quidpiam extorſerim, et perinde erit, si ve id quod res est aperte professus fueris, si ve non; id tamen, etiam te dubitante, certo constat, eum in publica quadam et im-
preſſa intimatione, valvis Collegij Helmſtadij affixa, cuius exemplum
20 penes me est, ſibi meam arrogante inventionem, præter ea, quæ privati-
tim effutijt; quod quo iure fecerit, nemo melius quam tu (ſi velles) qui adfuisti, cum ipſi eam Hypotheſin aperirem, teſtari poterit. Sed miſſum facio iſta, tibi, uti video, moroſa. ||

77^r De MULÆO vestro quæ ſubiungis, te metuere, ne mora illa longior,
25 quam apud vos traxit, ab Italicâ profectione per hyemem iam præteri-
tam eum ſit remoratura: id equidem ſic eſt; neque enim aliqua concedebatur occasio, quâ commode eo, poſtquam huc redijt, proficiſceretur: ſed tamen, appropinquante iam vere, modum adinveni, quâ id nihilominus fieri poſſe ſperem; commendavi enim ipſum diligenter Sereniſſimo Elec-
30 tori Colonienſi, qui mihi Clementiſſimâ propenſione favet; per eius Cel-
ſitudinem ipſum promotum iri, ut tam Italiam quam Gallias, prout in vo-
tis habet, perluſtrare commode queat, mihi perſuadeo. Conſtituit autem prius ad ſuos in Daniam ire, ut iſthic ſibi acquirat viaticum; et res ſuas ad iter iſtud diſponit. Quin et ego pariter ut tu ſentio ex re ipſius non fore,
35 ut de me nihil dicam, ipſum diutius hîc juveniles ſuos Annos conſumere, quibus potius peregrinationibus et ſtudijs vacandum, neque enim eæ, quas ego tracto, diſciplinæ ipſi uſui ſunt, uti etiam earum minus capax. ||

77^v TENGNAGLIUS meus ſub Brumam huc ad me ex Italia, ubi intra
annum linguam probe didicit, moribus et favoribus auctus, reverſus
40 eſt; ante octiduum in Patriam ſuam ivit, Parentes iſthic ſalutaturus; poſtea, volente Deo, huc rediens, in Aula Cæſaris honeſto loco aliquamdiu futurus.

Quæ de honoribus Politicis mihi ex Aulâ Cæsarea indicatis, cum adhuc Wittebergæ essem, mones, ut prius in possessionem feudi veniam, recte quidem mones, nam et ego in ea sum sententia, sed non plane intelligis, quid innuere voluerim, neque enim hoc est, de quo tecum ante abitum meum in Dania locutus sum, sed quiddam insuper aliud, de quo prius non cogitavi, prout suo tempore [D.] V. percipies. 5

Apud TYPOTIUM de eo, quod scis, te iam antea sufficienter purgavi, et ubi convenerimus, id etiamnum ulterius faciam. Est is mei amantissimus, et ubicunque occasio datur, de me et meâ familiâ honorifice sentit et loquitur. Studia vero nostra a meipso probanda, cum eorum non sit gnarus, aſerit. 10

Non dubito, quin multa in Legatione tam Polonicâ quam Anglicanâ, a Doctis hinc inde || audieris, haud dissimilia ijs, quæ MICHAELIDES narravit, licet is Wordingburgi apud Arcis Præfectum calumnias effutire, nec tamen impune, non erubuerit, prout forte a TYCHONE meo percepisti; ideoque eo promptius carmina, ob quæ ista fingeat, tecum communico, ut dispicias, nihil in ijs reperiri in Regem, de quo semper honorifice loqui, eumque excusare soleo, aspere et indecenter prolatum. Narratum mihi est a quibusdam Danis, cum Wittebergæ essem, eos, cum per Bohemiam aliquando peregrinarentur, a Parocho quodam Pontificiæ doctrinæ admonitos fuisse, ne se Danos esse profiterentur, sed potius ex aliqua Germaniæ parte oriundos dicerent, partim quod Rex in coronatione Pontificis Romani habitum ludicre imitatus fuisset, partim quod me sic amiserent. Quid IVARUS FRIIS per Ungariam et Austriam, præsentem Regis fratrem (qui tamen, quis esset, ignorabatur) meâ de causâ, audire et decorare necesse habuit, ipsemet, cum tibi sit familiaris, aliquando forsitan narrabit; dum ea Dresdæ me invisens inter alia suggerere voluit, datâ operâ orationem alio declinavi, nolens certis de causis ista mihi referri, qui usque ad nauseam similia sæpius inaudivi. Viderint illi, qui in culpa sunt. || Deus in Patria nostra animorum coniunctionem largiatur et stabiliat, dissidia et bellorum semina auferat. Quid Legati vestri in Suecia expedierint, a te cognoscere cupio, tum quoque quid præterea apud vos et in toto illo Boreali tractu geratur. 78^r

Nova, quæ hinc tibi significem, pauca in promptu habeo. De recuperata Transylvania te iam antea intellexisse opinor. Aiunt autem BAIUODAM, qui eam fortiter pugnando pro Cæsare recepisse putabatur, sibi feudi loco reservare constituere, ipso etiam Cæsare invito, quamobrem Legati eius nuper Pilsnæ fuerunt, qui cum se impatienter et pervicaciter gererent, missus est qui eos apud BAIUODAM accusaret, increpante Cæsare admodum severe senem quendam eorum primarium. Turcam maiorem quam unquam antea parare contra Ungariam exercitum, rumor est. Deus Armipotens furorem et vires eius retundat: 35 40

retundat: Cæsar noster vicissim se equitibus et militibus, quotquot nancisci poterit, illi obviaturus, munit. Imperij Principes, maiori ex parte, suppetias detrectant, Hispanos potius quam Turcas formidantes. Deus author concordiae et pacis nos protegat et a malis liberet.

5 Doleo vicem consiliariorum Sueticorum, si graviter in eos saevierit CAROLUS; sibi ipsi minus prudenter consuluerit, quâ etiam de re, ut in ultimis tibi indicavi, TYPOTIUS, me consentiente, ipsum per literas admonuit, exemplum ERICI fratris proponens.

MOSCUS apud Cæsarem et Archiducem MAXIMILIANUM non-
10 nulla tacite molitur, quæ si succederint, Rex Poloniae maluisset utique se avito regno non excedere. Quod meâ etiam opinione vix recuperabit unquam. Non minor est virtus, quam quærere, parta tueri.

Plura iam non addo, neque enim publicas tumultuationes, quibus hic fluctuans terrenus Orbis iamdudum aëuevit, multum moror; nihil
15 novi sub Sole, eadem fere semper luditur fabula, sub alijs atque alijs Personis. Si paulo fufius quam forte velles, tibi hac Epistola scripsisse videar, scias id consulto admissum, ut et tu copiose rescribas. Tantum abest ut prolixitas, quam in tuis ultimo excusas, mihi displicuerit. Rariores nunc conceduntur internuncij, plenius itaque per literas collo-
79^r quemur, siquidem oretenus non detur. || Nam quod tu, ut aliquoties ad vos excurram, optas, ita facile, ac lubenter vellem, fieri nequit. Constitueram quidem ad comitia huius Anni, si qua apud vos celebrarentur, proficisci: at quia de ijs incertus sum, nec Cæsar hoc primo Anno veniam in Daniam eundi mihi concedere volet, id in alterum Annum,
25 si Deo ita visum fuerit, differendum erit. Quomodo vero id meo cum bono, uti insinuas, futurum sit, a te apertius intelligere aëeo. Vale quam optime, salutata tuâ coniuge a meâ et filiabus peramanter. Dabantur ex Arce Cæsarea Benatica Die 24 Martij stylo renovato Anni 1600. ||

POSTSCRIPTA.

79^v 30 QUONIAM soror mea, URANIA illa Terricula, in ultimis suis nonnulla insinuavit de ꝑ^{rio} vestrate (scis quem notet) quod is Landkroniae quædam de Cæsarea Mat^e minus honorifice locutus, postea etiam de Consiliarijs præcipuis aliqua subiunxisset, quæ omnia eo vergebant, ut illam de successu rerum mearum dubiam et diffidentem
35 redderet, tanquam neminem hinc inventurus essem, qui me meaque promoveret, et illos, a quibus maxime sperabam quidpiam auxilij, in mala esse apud Cæsarem gratia nulliusque authoritatis: licet vero ipsa satis percipiens, quorsum ista tenderent, dilueret, quantum tunc temporis potuit, ipsius prolata minus candida, atque regereret, quæ in-
40 cidebant, uti est ingeniosula, neque multum interfit, quid ille vel sui similes iudicent, scimus enim, quo animo proveniant: tamen ut URANIA

NIAM illam per occasionem instruere et adhuc magis confirmare possis, rem (sit Deo gratia) longe aliter se habere, mitto tibi exemplum literarum, quas TENGNAGLIUS meus nuper, dum Pilsnæ in Aula eſet, ad me scripſit, antequam inde in Patriam ſuam diſcederet, ut hinc intelligas, quale ſit non || ſaltem Magnifici Domini BARVITIJ, qui ſin- 80^r
gulis pene horis Cæſari præſto eſt, utpote Secretarius ſummus, ſed et Illuſtris ac Ampliſſimi Domini CORADUCIJ, Imperij Procancellarij, qui præcipuæ in Aula merito eſt authoritatis, erga me ſtudium et favor. Addidi etiam Domini Doct̃oris IEſſenij, qui hoſpes meus Witte- 10
bergæ in ædibus Philippæis erat, circa eadem tempora Pilsnæ cauſam quandam agentis, literas in eandem ferme ſententiam, paulo tamen fuſius de Domino CORADUCIO exaratas, eſtque ipſa Ieſenij manus. Poteris contenta utriuſque Episto- 15
læ ſorori, ubi conveneritis, exponere, ut habeat materiam, quâ inſtabilem illum et verſipellem ꝑ^{ri}um figat atque retundat, ſi forte quando ſimilia denuo ſuggeſerit, vel apud alios pro ſuâ dicacitate effutierit. Miſi nihilominus et ego in literis meis ad eandem URANIAM quaſdam Germanice, a quodam meo domeſtico, paulo antea Pilsnâ ad me ſcriptas, quæ de ſingulari Domini CORA- 20
DUCIJ erga me benevolentia et candido affectu inter alia mentionem faciunt; de quibus illa viciſſim ad te referre poterit. Sunt et alij in Aulâ Cæſareâ Illuſtres et eximiæ dignitatis viri, qui mihi in meis rebus bene 80^v
cupiunt, ut de || ipſa Sa^a Cæſa Ma^{te}, quæ in propoſito conſtans eſt, nec aliorum, ſi quæ forent, ſiniſtra iudicia tam leviter, uti alibi ſit, non moratur. Nihil nunc addam. Habeo Deo Opt. Max. pro hac mea ſorte 25
gratias, mihiſque ut in poſterum ſuâ tutelâ et benediſſione adeſſe dignetur, oro. Iterum vale. Datum ut ſupra in literis.

[E codice Baſileenſi G I 35]

TYCHO BRAHE AD MELCHIOREM IÆSTELIUM.

S. P.

81^r



RUDITIſſime et Amantiſſime Domine Magiſter IÆ- 35
STELI, accepi quidem literas tuas cum filio paulo poſt huius Anni initia huc reverſo; verum nihil ad eas hæc-
nus reſpondi, partim ob penuriam tabellariorum, partim quod ſperaſſem te deſiderijs noſtris, prout ibidem
pollicitus es, brevi ſatiſſacturum: at cum nuper Pragam
(uti audio) venerit Dominus Doct̃or IEſſenius, communis noſter
Amicus, et tuas huc miſerit, percipio ex ijs te necdum in diſpoſitione
circuituum ꝑ^{ri}s et ꝑ^{ij} calculoque huic congruente ſatis eſſe reſolutum,
utut

utut non contemnendam in ijs locaveris operam. Ne igitur res nimis
 diu protrahatur, cum dispendio Libri 2^{di} Epistolarum, in quo nonnulla
 ex ijs conveniente loco, uti scis, inferere animus est, te peramanter ro-
 gatum velim, ut saltem ea, quæ in tribus superioribus Planetis explo-
 5 rata habes, iuxta triplices illas Hypotheses mox consignes et dilucide
 explicata mihi mature mittas. Si unâ adiunxeris quæcunque in ♀ et ♂
 varie tentâsti, et quousque in ijs progressus sis, qualesque inveneris re-
 moras, et quid dubij potissimum in ijs sit, rescribam eo promptius, quid
 faciundum restet, et quomodo illis difficultatibus obviandum; neque
 10 operæ precium censeo, ut ex meis observatis dimensiones circulorum
 ♀^{ris} et ♂^{ij} motuumque rationes perquiras; id enim non mediocris est
 negotij, a meipso D. V. elaborandum; sed solummodo ut numeris Co-
 perniceis, quamvis errori obnoxijis, quamproxime convenient, tum
 quoque Alphonsinis, secundum diversimodas tamen assumptiones, ap-
 15 plicentur. Omnem itaque move lapidem, mi M. IÆSTELI, ut, quam-
 primum fieri poterit, id, quicquid erit, obtineam, nec expectationem
 nostram diutius remoreris quæso. Miror M. CESTWALDUM tam diu
 in unius Anni Ephemeride Luminarium supputandâ hæreere; quorsum
 nobis ufui erit, ubi magna pars huius Anni præterierit? Si paratam
 20 habet, mittat actutum; mercedem addictam illi solvas, quam per affi-
 81^v nem tuum Dresdensem recipies. || Concederem illi plura pro me cal-
 culanda, non absque suo commodo, modo non ita tardus esset, et certo
 ad præstitutum tempus rem absolvere vellet. Si uxoratus non esset, vo-
 carem illum huc, ut apud me calculo vacaret, constituto illi annuo sa-
 25 lario. Cumque nullos habeat liberos, posset, si ei sic luberet, æque com-
 mode Pragæ atque Wittebergæ degere, et ibi etiam ex privatis præ-
 lectionibus victum et amyctum acquirere, ubi meo quoque subsidio
 non destitueretur, et efficiam, ut isthic in veteri collegio commodum ha-
 beat locum. Quæ illi ex me proponere poteris, atque ipsius expiscari
 30 sententiam, mihi per primam occasionem indicandam. Ubi intellexero
 hanc conditionem non displicere, providebo ei de viatico necessario.
 Tu vero, quantum in te est, ipsum adhorteris, ut obsecundet.

Literas adiunctas Domino Doctori WOLFGANGO FRANTZIO
 trade; et Poëtam TAUBMANNUM diligenter ex me saluta. Scripsit
 35 is semel atque iterum mihi, se tale carmen in mei gratiam denuo con-
 cinnaturum, ut experiar eum non esse raucâ voce præpeditum. At,
 quantum video, non saltem rauxedine laborat, sed et plane mutus est;
 nisi forte hisce temporibus occupatur in conscribendo carmine de
 Sanctis Angelis, qui alias omnis sorditiei et avaritiæ expertes sunt, quo
 40 eos Altari adstantes et donaria pecuniarum numerantes atque con-
 signantes, vel invitos et talia fastidientes introducat, sicque hyperbolice
 poëtiset et quibusdam placentia dicat.

Quæ

Quæ in ultima Eclipsi Solis observasti, ex te scire cupio; brevi percipies alias rationes in motu (næ et Luminarium diametris, quibus omnia accuratius quam antea apparentijs consentiant. Vale. Dabantur properanter ex Arce Cæsaris Benatica Die 27 Martij Anni 1600 stylo novo.

[E codice Basileensi G I 35]

TYCHO BRAHE AD WOLFGANGUM FRANZIUM.

S. P.



LARISSIME et præstantissime Domine Doctor WOLFGANG FRANCI, Amice plurimi semper mihi faciente. Ex utrisque tuis literis, tam prioribus quam nuper per Dominum Doctorem IESSENIUM, communem nostrum Amicum, mihi, intellexi de Transylvani illius negocio; quem instabilem esse et, dum hîc aderat, serio non egisse, iam præsenferam. Is forte meas ob id expetebat literas, ut eo facilius isthic ad illud, quod ambibat, officium promoveretur; sed bene est, quocunque tandem modo illi profuerim; apud me vero perinde ubicunque sit, utut effecerit, quod interea alium eius loco non obtinuerim, veluti alias non fuisset difficile.

Morbi Epidemici, qui graviter superiori Anno hanc Regionem infestârunt, iam, Dei benignitate, sopiti sunt. Cæsar tamen necdum Pragmam reversus est, sed Pilsnæ adhuc moratur, brevi tamen, uti existimant, eo venturus. Scabies, de quâ loqueris, eorum, qui Theologiam et religionem Christianam profitentur, sævior est, et diutius durat; nam apud homines non est miseratio et relaxatio, quemadmodum apud Deum. Attamen quæ nonnulli moliantur, ut suis indulgeant cupiditatibus, inscio Cæsare, pro maiori parte, fiunt, et spes est, successum non habitura, reluctantibus præcipuis quibusdam in hoc regno et libertatem avitam aserentibus; neque Cæsar tam improvidus erit, ut regnum, tam periculoso præsertim hoc tempore, irrequietari permittat.

Res meæ ita se habent, ut antea intellexisti: Deus in posterum eas conservet. Dominus Doctor IESSENIUS, quem Planetam vocas, a vestrâ Ecliptica (iuxta quam Luminaria deliquium pati solent) huc quidem per Australem || latitudinem in Bohemiam digressus, me tamen nondum invisit, nec scio an facturus sit; habet enim, instar Planetæ ☿ij, quasdam deviationes et reflectiones, aliter quam ponderosiores Planetæ incedunt. Intellexi Patris eius causam periclitari, quod satis mature is non acceperit, nec forte ob hyemem commodum erat. Relatum mihi est, te etiam erraticum futurum et alio concessurum; si ita habet, indica;

indica; nam et ego sum unus ex ijs, qui tibi quamoptime cupiunt: optarem te semel hîc videre, prout aliquando futurum dixisti; sed multa
 † cadunt inter ciatos supremaque labra. Vale et me tui esse amantem,
 ubicunque fueris, persuasum habe. Dabantur properanti calamo ex
 5 Arce Benatica sextiduo post Æquinoctium vernum Anni 1600, quem
 non saltem IOSEPHUS SCALIGER et MERCATOR in sua Crono-
 logia, tum quoque BUTINGERUS atque SCULTETUS uno Anno,
 sed idem SCALIGER in novo opere de temporum emendatione duobus
 deficere probare conatur, ut sit nunc reverâ 1602. Rationes eius in
 10 dicto libro invenies. Iamque iterum et multoties vale.

[E codice Basileensi G I 35]

TYCHO BRAHE AD IOHANNEM
 IESSENIUM A IESSEN.

S. P.

83^r

15

20

25

30

83^v



LARISSIME Domine Doctor IESSENI, amice plurimum
 semper colende, scripsit quidam domesticus noster,
 quem nuper Pilsnæ in Aula habui, in rebus meis solici-
 tantem, se a præcipuo quodam Sa^æ Cæs^æ Mat^{is}, Domini
 nostri Clementissimi, Consiliario subintellexisse, URSUM
 quendam Dithmarsicum supplicationem iam pridem de
 me conquerentem Consiliarijs porrexisset, sed ignominiose, acri adhi-
 bitâ obiurgatione, reiectam: cumque is, qui hæc mihi insinuavit, nihil
 præterea de contentis supplicationis istius addiderit, et idem Pilsnâ in
 Patriam suam, quæ ad Westphaliâ est, abierit, nec eius reditum intra
 25 tres vel quatuor menses expectem, ac nihilominus mea interfit tempe-
 stive scire, quid impudens iste de me conqueri ausus fuerit, cum illum
 nullo pacto, imo ne verbulo quopiam, sive per me sive per alios, toto
 tempore quo in Bohemiâ sum, læserim, utut iam antea intolerandas
 ab ipso perpeßus iniurias atque calumnias, quas in isto famoso, quod
 30 ante triennium Pragæ contra me in publicum edidit scripto (quo puti-
 dius et vanius, cordatorum iudicio, hoc seculum vix vidit) conglome-
 rare non erubuit; sed peculiari consilio, tum quoque ob graviorum
 occupationum distractionem, omnia, ac si ea ignorarem, dissimulavi:
 et certe, si mihi obviam fieret URSUS iste, eum non nôsem, nec mihi
 83^v constitit, an is interea || Pragæ, an vero alibi fuerit, nam de ipso per-
 contari non dignatus sum, ut nisi eius supra modum perfriçta frons et
 scurrilitas, mentiendique inverecundia mihi non alias constarent, mi-
 rari satis non possem, quid ille de me, ita taciturno, nullâque molestiâ
 illum afficiente, querelæ loco, apud Amplissimos Dominos Consiliarios
 adferre

adferre possit: Neque enim quidpiam habet, quod veraciter dicat, nisi hoc ipsum obijcere velit, quod taceam, atque ex alto ipsius nugas hactenus despexerim, suo tamen forte tempore in ipsum retorquendas, quamvis per eas non tam meæ famæ atque existimationi (quæ mille eiuscemodi Sycophanticos allatratus non moratur) nocuerit, quam quod suam petulantem dicacitatem et scurrilem naturam, convitijs et maledictis scatentem, toti Mundo omnibusque sincere iudicantibus, suo se iudicio, tanquam forex, prodens, propalaverit. Licet vero Prudentissimi Domini Consiliarij illius levitatem morum et verborum forte non ignorant, querelas istas non admiserint, sed ipsum obiurgatum dimiserint: ne tamen aliqua suspicio adhuc latitare possit, ipsum nonnulla, haud iniuria, conquestum fuisse, sed occasiones illi, a me vel meis, ut hoc faceret, datas esse: nosti enim illud nimis in mundo tritum: *Calumniare audacter, semper aliquid adhæret*; te per amicitiam nostram, quibus possum precibus, rogo, velis omnem movere lapidem, ut exemplar supplicationis eius adipiscar, vel si id commode fieri nequeat, saltem ut summam eorum, quæ continebat, resciscam. Quod si alio modo obtineri || non possit, spero te apud Mag^{cum} et Nobilissimum Dominum MECKERUM (quem non dubijs inditijs, et etiam te, cum ultimo Pragæ simul essemus, idipsum referente, mihi sincere faventem persuasum habeo) id, quicquid est, percepturum. Feceritis sic non saltem ille, sed et tu mihi rem admodum acceptam, atque ut mihi a talibus subdolis et immeritis delationibus in posterum præcavere valeam, haud inutilem, imo fortean etiam necessariam. Sic enim fieri conditiones meæ nunc exigunt; sum enim hîc peregrinus, nec Illustrium aut autoritate præcellentium Virorum consanguinitate et necessitudine, ut antea in Patriâ, fultus, quin et præterea hîc extra Aulam vitam ago umbratilem, ignarus, quid isthic de me in quamcunque partem dicatur, nec alias libenter rebus me immisceo alienis, sed meis solummodo vacans studijs, Spartam, quam nactus sum, pro virili ornare satago, ut in honorem optimi Imperatoris atque Imperij ea, favente supremo Numine, moliri atque exequi queam, quæ ad omnem posteritatem utilia et memorabilia futura confido. Sed tu, mi amantissime IESSENI, pro ea quæ nobis intercedit familiaritate, omnia satis perspicis, ut ulteriore commemoratione non sit opus, et te nostris hac in parte desiderijs non defuturum omnino mihi polliceor. Vale et prædictum Mag^{cum} Dominum MECKERUM ex me officiosissime saluta. Dabantur festinanti calamo ex Arce Cæsareâ Benaticâ Die 28 Martij Anni 1600.

[E codice Basileensi G I 35]

TYCHO BRAHE AD DAVIDEM
CHYTRÆUM.

S. P.

85^r

5

10

†

15

20

25

85^v

30

35

40



EVERENDE et Clarissime vir, Amice inprimis honorande. Literas tuas iuxta initia Novembris superioris Anni Rostochio ad me datas paulo post huius primordia per filium huc revertentem accepi, proque singulari tua, quam isthic affatim declaras, erga me affectione et benevolentia gratias habeo plurimas. Respondissem citius et quæ in mei gratiam annuis tuis Historijs inferere decrevisse paulo aliter formata misissem, nî mihi tuæ tardius quam existimabas fuissent redditæ; defectus etiam tabellariorum effecit, ut id prius exequi non licuerit. Remitto autem nunc chartam illam, iuxta quam ea, quæ de Cæs^a Ma^{te} ob me huc vocatum et benignissime exceptum memorare constituisti, in quibusdam, uti vides, certis de causis mutata consignavi, omnia tamen tuo arbitrio, an sic vel aliter scribi velis, relinquens; acceptumque mihi est, quod hoc officium in mei gratiam non detrectes, et spero id Cæs^a Ma^{ti} placitum. Quia vero relationi de hoc præterito Anno illa immisceri non poterant, haud incongruum duxerim ad huius 16 Centenarij, quem Iubilæum vocant, eadem applicare, sumptâ occasione, quod hoc anno Progymnasmatum mea Instaurationis Astronomicæ et nonnulla alia Opera, in Dania prius inchoata, sub auspicijs Augustissimi Imperatoris RUDOLPHI Secundi, Domini nostri Clementissimi, eius præsidio et liberalitate fultus, in publicum ediderim; sic enim, Deo conatibus nostris aspirante, me effecturum spero. ||

Habeo insuper gratias, quod ea, quæ isthic in Orbe Arctico proximis temporibus gesta sunt, communicaveris. Inaudiavi CAROLUM Ducem totâ Sueciâ iam potitum; utinam victoriâ illâ moderate uti vellet, nec nimis in eos, qui illi restiterunt, sævire, et Regni Senatoribus (inter quos est optimus ille ERICUS SPARRÆUS noster) parcere, ut pacatius et firmitus eius sit in posterum Regimen, ne exitum infelicem fortia-
tur effera vindictæ cupiditas. Exemplum habet domesticum in ERICO fratre.

Quid in Dania Patria mea geratur, et an novas res isthic moliantur, qui fati præsumunt publicis, necdum mihi liquet. Optandum, ut pace hac, quâ multis iam Annis gaudent, diu frui possint, nec internis aut externis irrequietudinibus turbentur. Batavos pacis condiciones quascunque suspectas habere et renuere, accepi, adeo ut quidam apud eos Primarius nuper Hamburgum in hunc modum (prout eius formalia verba ad me relata sunt) perscripserit: Si concederetur Statibus Hol-

landiæ

landiæ in membranâ, quæ æquaret magnitudine bovinum tergus, quacun-
que ipsimet vellent pacis conditiones, consignare, easdemque ratas
se habituros addicerent adversarij, tamen pacificationem omnem aver-
fatu-ros, cum toties sub tali prætextu delusi sint.

De Ungaricis rebus nihil hîc, relatu dignum, scitur; per hyemem 5
transactam || parum a Cæsareanis effectum est. Dicitur Turca maiorem 86^r
parare exercitum quam unquam antea. Cæsar noster vicissim, quantum
potest, se contra ipsum armat, utut Imperij Principes pro maiore parte
propter Hispanorum incursiones subsidia denegent et quædam alia
agant. WAIUODA pro se recuperatam Transylvaniam feudi loco reti- 10
nere laborat, cuius Legati admodum insolenter et tumultuarie nuper
Pilsnæ se geberunt, idque Imperator indigne ferens misit quendam ex
suis, qui ea de re apud WAIUODAM conquereretur. Dicunt aliquot
millia Gallicorum equitum et vicinarum Regionum adventare contra 15
Turcas in gratiam Cæsaris belligeraturi. Quantam stragem ediderint
superiori Anno Tartaricæ incursiones in superiori Ungaria et parte
aliqua Moraviæ, existimo te iam antea percepisse. Deus tam eorum
quam Turcarum furores et Tyrannidem reprimere atque a cervicibus
Christianorum avertere dignetur. Ubi plura de rebus, quæ ibi atque 20
in viciniâ gesta sunt, intellexero, te eorum reddere conscium non in-
termittam.

Cæsar adhuc Pilsnæ abest, ubi ultra semestre proxime elapsum man-
sit, ob luem Epidemicam, quæ gravissime antecedente anno totam Bo-
hemiam et propinquas regiones infestavit, paulo post Pascha, uti existi-
mant, Pragam rediturus. || Deus ipsius Ma^{tem} nobis quam diutissime 86^v
florentem atque incolumem conservet. Cui etiam Divino Numini te
tuosque commendo. Vale et generum tuum Dominum Doctorem IO-
HANNEM FREDERUM, cui pro carminibus mihi gratias habeo, ex
me peramanter saluta; scripsim ei, si otium suppetijset. Dabantur ex
Arce Cæsareâ Benaticâ Die 28 Martij Anno 1600 stylo novo. 30

CIRCA hoc tempus inclaruit apud Augustissimum et potentissimum +88^r
Imperatorem RUDOLPHUM eius nominis secundum in Bohemia et
circumiacenti Germania ac vicinis regnis TYCHO BRAHE ex illustri
et perantiquo stemmate nobilitatis Danicæ oriundus interque fratres 35
suos in regno illo viros splendidos et dignitate præpollentes natu maxi-
mus. Is enim, cum plurimis retro annis divinæ Astronomiæ a mendis
repurgandæ et redintegrandæ incredibiles labores et sumptus exant-
labet, hoc anno sua Astronomicæ instaurationis Progymnasmata et
quædam alia in hoc sublimi studiorum genere sub auspicijs dicti Im- 40
peratoris optimi publici iuris fecit, ut Astronomia quoque suum sic
quoddam inveniret Iubilæum. Occasio autem, quod is e Daniâ Patriâ
suâ

suâ primum in Germaniam, deinde Bohemiam præter omnium ex-
 pectationem migravit, hæc fuit. Ante annos 24 ex clementissimâ pro-
 visione laudatissimæ memoriæ Regis Danorum FRIDERICI II TY-
 CHO in insula Hellesponti Danici Huænna arcem Uraniburgum pro
 5 exercitijs sideralis scientiæ isthic commodè peragendis decore et sumptu-
 uose extruxit et in eâ plurima instrumenta Astronomica adeo magni-
 fice et solide elaborata, ut vix similia orbis alibi viderit, a se inventa et
 confecta disposuit (veluti etiam in Historiâ nostrâ Arctoâ suo loco ali-
 qualem huius Uraniburgi fecimus mentionem) quæ omnia, quoad
 10 vixit dictus Serenissimus Rex, isthic in debito usu liberaliter conserva-
 bantur, quemadmodum etiam post eius luctuosum obitum per totum
 octennium in Interregno, spe insuper facta, tam a Clementissimo Rege
 illo FRIDERICO, quam postmodum Regni eius cunctis Senatoribus,
 15 quod illa omnia in honorem Regni et Regis ibidem competenter susten-
 tanda et perpetuanda forent. Verum cum non saltem præter ipsius TY-
 CHONIS, sed et multorum aliorum, tam intra quam extra Regnum
 illud, opinionem id postmodum aliter ceciderit, ille, ne tantus appa-
 ratus Astronomicus tantique ab illo per 21 annos ibi exantlati labores
 paulatim collabascere tandemque prorsus interirent, maluit Patriâ
 20 dulcissimâ et plurimis de nobilitate primariâ sanguine iunctis cæteris-
 que amicis charissimis derelictis, sponte unâ cum tota domesticâ familiâ
 in peregrina transire potius quam huius tam insperatæ et dolendæ
 ruinæ spectator esse, ideoque ante triennium, anno nimirum 1597, circa
 solstitium æstivum, assumptâ secum (uti dictum) totâ domo suâ, primum
 25 huc Rostochium enavigavit, ubi per anni quadrantem substitit, quo in
 hac viciniâ Danis suis rem rectius dispiciendi, Patriæ adhuc studens,
 tempus relinqueret. Quâ etiam de causâ hinc ingruente hyeme in Hol-
 satiam, Daniæ pariter conterminam, se recepit, eo per literas Nobili-
 ssimi et optimæ memoriæ Herois, Domini HENRICI RANTZOVII,
 30 Regij isthic Vicarij, affinis sui, invitatus, a quo arcem Wandelburgum,
 88^v urbi Hamburgæ vicinam, cum suis inhabitandam accepit, || ibique an-
 num tempus moratus est. Neque enim longius indicatâ de causâ se,
 utut conditiones non incommodæ interim oblatae essent, conferre vo-
 luit. Dum itaque ibi subsistit, ad nunquam satis laudatum Imperatorem
 35 RUDOLPHUM de hoc TYCHONIS e Patriâ disceßu rumor perfertur.
 Quare ipsius Cæsarea Maiestas, uti est erga omnes liberales disciplinas,
 inprimis vero hoc sublime Astronomiæ studium, quod omnibus ætati-
 bus regales animos, cœlo nata pectora movit, ut id in precio habuerint,
 animo favorabili et benignissimo TYCHONEM, de quo antea inaudi-
 40 erat, eum hisce serio invigilare, multumque operæprecij locasse, ad se
 vocatum in Bohemiam cum totâ familiâ traduxit, ipsumque Clemen-
 tissime acceptum in arce quadam e suis, quinque miliaribus Pragâ,
 Regni

Regni Metropoli, diſcitâ, Bennaticâ dictâ, ut iſthic otio fruens philoſophico inchoatam Aſtronicæ reſtitutionis telam pertexeret, alijsque ingenuo homine dignis exercitijs vacaret, collocavit, et ſumptibus ad tam arduos labores requiſitis liberaliter et benigniſime ei proſpexit, utut ob belli Turcici diuturnitatem difficiliora quam alias tunc forent tempora. Res ſane ſummi Orbis Monarchæ liberalitate et munificentiâ digniſima, atque ad omnem poſteritatem deprædicanda. Quin et de novo Uraniburgo, quod Danico illi non cederet, ſe convenienti loco et tempore, pro TYCHONIS Inſtrumentis ibi collocandis et rite uſurpandis, ſe proviſurum, atque ipſi et familiæ eius Feudo idoneo, ne alienigenæ redditu in poſterum ad honeſtam ſuſtentationem neceſſarijs deſtituerentur, benigniſime proviſurum, Clementiſſimâ voluntate ad-
dixit, quemadmodum hæc et ſimilia ad nos et alios hinc inde viros præſtantes et eruditos non ſine omnium voluptate a fide dignis relata et ſcripta accepimus. Sic Generoſus ille TYCHO BRAHÆUS, Aſtronomiæ cultorum noſtri ſeculi anteſignanus, cuius ſublime ingenium et indefeſum in hiſce præcipuis diſciplinis, quæ circa ſiderum motus verſantur, illuſtrandis ſtudio, quod toti Daniæ ſingulari ornamento et honori ſuperioribus annis fuerat, eâ relictâ, in Cæſaris ditiones conceſſit, ibique portum quietum ſuis ſtudijs, non ſine Dei peculiari proviſu, a potentiſſimo Imperatore adeptus eſt. Faxit author Univerſi, cuius gloriam cœli enarrant, et opera manuum oſtendit æther, ut in Auguſtiſſimi Imperatoris RUDOLPHI II, qui hoc negotium ſuo clementiſſimo favore et liberalitate promovit, totiuſque Imperij Germanici decus et honorem utilitatemque, quo ad ſidera durant, nunquam intermori-
tutum omnia vergant et ſtabiliantur.

[E codice Baſileenſi G I 35]

TYCHO BRAHE AD ANONYMUM.

S. P.



EVERENDE et Præſtantiſſime Vir, Amice honorande, quas cum filio meo huc revertente mihi reſcripſiſti literas, circa huius labentis Anni initia accepi, et pro Amicâ atque candidâ congratulatione de conditionibus, quas Deus Opt. Max. apud hunc Auguſtiſſimum Imperatorem mihi et meis ſtudijs proſpexit, proque benevolo tuo voto, quo precaris, ut omnia in poſterum feliciter ſtabiliantur et adaugeantur, maximas quas poſſum tibi habeo gratias. Elucet hinc ſincerus ille tuus affectus, quo me diu multumque proſecutus es; invenies me pari perpetuo erga te tuoſque animo. Et certe ſic eſt, uti ſcribis, agnoſco
Divini

Divini Numinis singularem providentiam et benignitatem, quâ me a difficultatibus, quibus in Patriâ obnoxius fui, Clementer ereptum in portu tranquilliore hîc locavit. Et sane non possum satis deprædicare huius optimi Imperatoris non saltem Cæsareum, sed et Paternum (si sic loqui liceret) erga me animum; qui vel inde perspicitur, quod licet ipsius Ma^{tas} ob Epidemicos morbos, qui gravissime Bohemiam hoc antecedente Anno affligerunt, Pragâ abfuerit, et in civitate Pilsna hinc 15 miliaribus distante sese continuerit, durante adhuc infectione illâ, atque in hoc quoque loco, quem inhabitandum mihi conceßit, totâque
 10 viciniâ sæviente, tamen proprio motu de me et meis sollicita fuerit, adeo ut aliquoties huc, quomodo valeremus, expiscatum miserit, simul Clementissime offerendo, si in quamcunque aliam ipsius Ma^{tis} Arcem, ubi tutius degere foret, secedere vellem, id mihi licere, liberum etiam
 89^v relinquendo, si Viennam Austriæ me conferre luberet, || ubi tempestive
 15 de commodâ habitatione cæterisque necessarijs mihi prospicere vellet. Atqui ego, actis humilime gratijs, me hîc potius in statione meâ mansurum et Divinæ protectioni ac voluntati omnia commissurum respondi. Agoque eidem Deo misericordie protectori toto pectore gratias, quod me totamque domum meam, in tantis periculis, quibus undique cingebamur, incolumes conservârit, oroque, ut in posterum suâ gratiâ nobis adesse dignetur.

Recte a te factum, quod Historiolam nostræ in Bohemiam migrationis, et eorum, quæ postea mihi hîc evenerunt, quam OLIGERO ROSÆKRANTZIO, communi amico, ob eam quæ nobis intercedit
 25 amicitiam intimam, ut de consanguinitate et affinitate nihil dicam, paulo luculentius retuleram, resignaveris atque perlegeris. Cumque inde statum mearum rerum sufficienter perceperis, in quo etiam Dei benignitate nunc persistit atque in posterum, eodem favente, plenius augeri poterit, non duco operæ precium quidpiam de eodem hîc repetere. Expecto brevi supellectilem meam et Instrumenta Magdæburgi
 30 relicta, tum quoque ea, quæ Hamburgi sunt, quæ per meos emissarios e Dania ante hyemem eo transferri curavi; scripsit enim Imperator ad utriusque Civitatis Magistratum, ut in sui gratiam illa omnia huc per Albim advehi faciant: cumque Magdæburgenſes Senatores subterfugia
 35 quædam quærerent, ipsius Ma^{tas} ad Capitulum eiusdem loci hoc nomine alias dedit literas, quod se lubentissime ipsius Cæ^æ Ma^{tis} voluntati obtemperaturum promisit; interea structuræ pro Instrumentis || hîc debito modo disponendis parantur.

Quod M. CHRISTIERNO LONGOMONTANO hortator fuisti, ut
 40 me accederet, idque ei persuasisti, pergratum mihi est; dabo operam, ut ipsum huius itineris non pœniteat, liberumque ei relinquam vel hîc apud me vel Pragæ esse, quam diu voluerit.

De

De cœteris, quæ scribis, bene inter nos convenit, prout æquum et opportunum fuit. Audio apud vos esse Suecum quendam Astronomicis studijs addictum, nomine qui etiam Observationibus Cœlestibus delectatur; si efficere poteris, ut is huc veniat, erit id mihi acceptum et ipsi non inutile; iuvabo eius conatus, quantum potero. 5

Audio Regnum Suecicum illud, continuis bellis et tumultuationibus iam diu conquassatum, in potestatem CAROLI Ducis venisse. Deus flectat eius cor, ut hac victoriâ et potentiâ moderate utatur, atque ijs, quos pro adversarijs habet, clementer parcat.

Nova, quæ ex his oris communicem, vix aliqua, quæ momentum habeant, in promptu sunt. Bellum Ungaricum magnâ vi continuatur et in futuram ætatem utrinque apparatus. Dicunt Turcam longe maiori exercitu adfuturum quam unquam antea; noster Imperator, licet a Principibus Imperij maiori ex parte nullas speret suppetias, || quantacunque tamen poterit militari manu ei resistere eiusque vires 90^v et minas infringere, pro eo quem Deus largitus fuerit successu, constituit; ideoque equites et pedites varijs e locis conscribit, ut iusto exercitu tam atroci hosti obviare queat et suos defendere. Deus Opt. Max. omnia in bonum finem dirigat; cui etiam te tuosque commendo. Vale. Dabantur ex Arce Cæsarea Benatica Die 29 Martij Anni 1600 stylo novo. 20

[E codice Basileensi G I 35]

TYCHO BRAHE AD ANONYMUM.

S. P.



ATTULIT literas tuas, Nobilis et Eruditissime Vir, filius meus natus maior, in principio Ianuarij superioris huc rediens, ex quibus causas diutini tui silentij et intermissionis literarum, ob absentiam in Livoniâ, cognovi, quare te eo libentius excusatum habeo, nihil interim de tuâ constantiâ et semel incepto erga me amore addubitans; invenies et me eundem TYCHONEM meique semper similem in te redamando. Utinam tu sedes Paternas, quas iure merito affectas, æque feliciter recuperare possis, et tranquillum invenire portum, atque mihi et meis studijs, Divinâ Clementiâ, hîc apud Augustissimum Imperatorem pro his primordijs benignissime provisum est, spero in posterum, eodem Numine favente, adhuc uberiora. Si qua in re apud Mag- 35 nates hîc in Aula tibi aliquando usui esse potero, non deerit tui honorifica mentio secundum nostram in te propensionem. Filius tuus, ubi acceperit, erit mihi acceptus; optarem et te Patrem, si fieri posset, hîc semel videre.

Occupatio

Occupatio Regni Suetici, quo CAROLUM nunc potiri audio, meâ quoque opinione maiores turbas dabit, modo SIGISMUNDO non defuerint vires. Non minor est virtus, quam quærere, parta tueri. Deus aliquando pacem Regionibus illis, diu tempestate bellorum et aliarum calamitatum conquassatis, largiatur. Ubi occasio huc mittendi tibi data fuerit, non intermittas, quæso, tam de publicis, quæ in istis oris geruntur, quam privatis tuis rebus, scribendi officium. Vale. Dabantur ex Arce Cæsarea Benatica Die 29 Martij styl. nov. Anni 1600.

[E codice Basileensi G I 35]

10† TYCHO BRAHE AD CHRISTOPHORUM
HENNIOCHUM.

92r S.

15 **R**EDDIDIT mihi literas tuas sub initium huius Anni ad me reversus filius TYCHO; estque mihi gratum, conditiones meas, quas Divino provisu hñc in Bohemia apud Cæs^{am} Ma^{tem} adeptus sum, tibi probari. De Chymico illo in Silesia, cuius meministi, qui Metamorphosin istam Paracellicam in libro vexationum indicatam callet, per Dominum Doctorem THADDÆUM HAGGÆCIUM nuper inde
20 Pragam redeuntem inquiri faciam; et si quid certi ab eo rescivero, te eius reddam participem.

FRANCISCUS SCRÖDERUS Sundensis ne verbum mihi, sive Wittebergæ sive hñc degenti, respondit, aut si id fecit, interciderunt eius literæ: admoneas eum iterum sui officij, si forte respiscere voluerit,
25 quamvis non multum intersit, sive scribat sive non.

Recordor te semel mihi scripsisse de Granatis Bohemicis, quod ex ijs Chymicum quoddam artificium elicere nôsti; cuperem igitur ex te scire, quale illud sit; reperiuntur enim hñc Granati in satis magnâ copiâ, et tibi, si volueris, aliquos per oblatam oportunitatem mittam. Vale.
30 Dabantur ex Arce Cæsarea Benatica Die 29 Martij stylo renovato Anni 1600.

[E codice Basileensi G I 35]

TYCHO BRAHE AD MARTINUM BRASCHIUM.

S.

93^r

CCEPTISSIMÆ mihi fuerunt tuæ literæ, Eruditißime 5
et amantißime Domine Magister MARTINE BRASCHI,
quas circa initia huius Anni filius meus e Daniâ rediens
inter alias ab Amicis Rostochienſibus profectas attulit:
ac pro benevolâ et candidâ congratulatione, quam de
ſucceſſu rerum noſtrarum apud Auguſtißimum Impera- 10
torem RUDOLPHUM Secundum, Dominum noſtrum Clementiſi-
ſimum, a principio refers, tibi peramanter gratias habeo.

Probâſti etiam tuum erga me ſincerum affectum carmine illo Ele-
giaco unâ tranſmiſſo, ubi Uraniam Imperatorem meâ de cauſâ adlo-
quentem eique gratias agentem introducis. Adiungam quidem id cœ- 15
teris tuis mecum antea communicatis, quæ a multis probantur, ſed
cum in hoc non ita ſelectis per omnia utaris verbis, et tali concinnitate,
quam requirit hoc genus carminis, ad imitationem venæ Ovidianæ
aut aliorum Poëtarum, qui in hac facilitate excelluerunt, adeo ut re-
ſpectu antecedentium carminum te ipſo (liceat enim mihi quod cenſeo 20
ingenue profiteri) minor videaris: et ſint præterea in ipſâ Hiſtoricâ re-
latione, quam præſius ſequi voluiſti, nonnulla, quæ nimis diſfuſa, quoad
particularia, nec ſatis decore prolata exiſtimem; idcirca Elegiam hanc
ſuperioribus verſibus, Heroicis et Lyricis, necdum adiunxi || aut alijs 93^v
monſtrare lubuit. Sed ſi tuâ bonâ veniâ id fieri poterit, uti fieri poſſe 25
mihi polliceor, quædam prius in eadem recognoſcam et paulo aliter
mutabo, quædam vero prorſus omittam, prout in cœteris quoque hanc
mihi libertatem ſumpſi, quæ etiam tibi non diſplicuit; nemini enim
res meæ rectius perſpectæ eſſe poterint quam mihi ipſi. Perplacet alias
inventio et ductus carminis, ſed bonus interdum dormitat HOMERUS. 30
Vides, quantâ erga te utor libertate et confidentiâ: ubi vero aliquale
mihi ſupererit otium, remittam carmen illud, iuxta meam intentionem
paulo aliter formatum; vel ſaltem loca indicabo, quæ a te ipſo alterari
vellem. Satiſ itaque erit, ut interea tibi ipſi hoc reſervans, nemini ex-
emplum impertiaris, multo minus ut publici iuris facias. 35

Excellentiſſimus ille MELISSUS necdum mihi quidpiam miſit, ſpero
tamen ipſum, pro eâ quâ præditus eſt humanitate et erga me affectione,
id officiij mihi non denegaturum. Si Cæſæ Ma^{ti} ſcriptum aliquod, uti
innuis, aliquando humillime dedicare conſtituiſti, de quo meum ex-
quiris conſilium, cuperem prius ſcire, quale id eſſet, et quâ de re, ac 40
Exemplum, ſi fieri poſſit, introſpicere, tum demum, an gratum ſit futu-
rum,

94^r rum, || partim ex aliorum, qui ipsius Ma^{ti} ab intimis sunt, partim meâ ipsius æstimatione, coniecturam faciam, tibi que id, quicquid erit, solitâ ingenuitate pandam. Vale. Dabantur properanter ex Arce Cæsarea Benatica Die 29 Martij Anno 1600 stylo novo.

5 [E codice Basileensi G I 35]

TYCHO BRAHE AD DANIELEM CRAMERUM.

S. P.

101^r



LARISSIME et Præstantiſſime Vir, Amice plurimi mihi
semper faciente: Literæ tuæ, pari eruditione et benevolâ
erga me affectione affatim certantes, quas circa initia De-
cembris superioris Anni ad me dedisti, paulo post huius
labentis primordia mihi redditæ sunt, unâ cum ijs, quas
communis noster Amicus, Dominus Doctor LUCAS
BACKMESTERUS, per filium natu maiorem, quem in Daniam ab-
legaram pro auferendis residuis Instrumentis, huc redeuntem miserat.
Fuerunt eæ mihi admodum gratæ, inprimis vero Oda illa ad Cæs^{am}
Ma^{tem}, elegans sane et arguta, et quæ vel sola lauream te mereri testari
poterit, pro quâ etiam ab ipsius Ma^{te} obtinendâ ego meo calculo tibi
non sum defuturus, arrepta occasione idoneâ. Ipsius Ma^{tas} per semestre
Pragæ non fuit, sed in urbe Pilsna, 10 milliaribus inde remotâ, ob luem
Epidemicam, quæ totam Bohemiam superiore Anno graviter afflixit,
commorata est; interea pauciſſimis patuit ad ipsius Ma^{tem} acceſſus;
ſperamus eam brevi Pragam reversuram.

Gratiſſimum inſuper mihi eſt, quod insolentem iſtum Scotulum re-
darguere eiſque inuerecundam arrogantiam compellere non de-
treſtes: dignum ſe reddidit, cui vaniloquum et in alios ſcurriliter mor-
dax obtruderetur os. || Adfuit mihi Uraniburgi in menſa Dominus
Doctor NICOLAUS KRAGIUS, Profeſſor Haſſniacus et Hiſtoricus
Regius, cum DUNCANO tunc ſimul præſenti meas Hypotheſes aperi-
rem; et licet idem KRAGIUS non libenter omnia, quæ hac de re com-
perta habet, fateatur, quod Scotis, qui de ipſo bene meriti ſunt, contra-
dicere nolit (nam Rex Scotiæ, cum ibi Legatum ageret, eum nobilitavit
et inſigni aureâ torque donavit) attamen in literis, quas pridie Nona-
rum Decembris Anni ſuperioris ad me dedit, hæc verba ſuapte manu
adſcripſit: »DUNCANUS certe quicquid tandem privatim egerit,
publice nunquam eam (loquitur de Hypotheſi noſtra) ſibi arrogavit,
qui ne per ſomnium quidem de eâ cogitavit, antequam ex te hanc
tanquam myſterium cognoſceret. Quod ſimul ac patefecifſes, me-

mini a te dictum, plus ei communicatum quam frater fratri edisserere fortean vellet. Atque reperi in paucis hisce diebus inter schedas meas chartam, quā mihi petenti eam signāsti; sive ante DUNCANI adventum, sive quo tempore apud te ille fuit, incertus sum.» || Hæc ille nolens volens fatetur; quo Anno id fuerit, ex literis ipsius DUNCANI ad me, postquam Rostochium redierat, quibus Hypothesin illam meam sibi apprime placere scribit, eamque Ptolemaicæ et Coperniceæ præfert, quarum te exemplum habere existimo, facile colliges. Est mihi ipsius DUNCANI autographum ad manus, quod inficiari non potest, etiam si in mille se verteret formas; et quantum subsidij habeat ex meis, de quibus tam frivole gloriatur, literis, vel lippis oculis loci peristasin consideranti discernere facillimum. Rem apprime gratam nec indecentem præstiteris, si quæ contra eum veritatis abeundæ causâ meditatus es, compleveris, mihi que, prius quam publicentur, transmiseris, ut si quæ præterea eo facientia ad manus habeam, annotem, tibi que mox restituam.

Existimo te vidiſſe ſcurrile quoddam et ſupra modum calumnijs atque convitijs ſcatens, omninoque famoſum ſcriptum cuiuſdam efferi Dithmarſi, Urſi potius quam hominis (uti ſeſe vocat) contra quod, ſi per otium, quæ refutationis loco tibi in mentem venerint, conſignare non degravatus fueris, quæ ego poſtea locupletabo, cum nihil ſit in eo, quod non minimo negotio refelli queat, || etiam ubi invictis Geometriæ demonſtrationibus triumphum agere præſumit, ſingulare mihi præſtiteris officium, et maiori quam antea beneficio me tibi devinxeris, meque viciſſim tui nominis atque honoris ſtudioſum et gratum experire. Ego contra tam rabioſum allatratoſem quidpiam ſub meo nomine, dilutionis loco, edere indecorum exiſtimo, ſed potius legibus iſtud contra Imperij conſtitutiones inverecundum facinus caſtigari ſuo tempore permittam. Haſtenus rem omnem diſſimulavi, partim propter aulam longe diſſitam et pro maiori parte diſtractam, partim quod gravioribus occupationibus diſtinerer; ſed quod differtur, non aufertur. Feceris OLIGERO noſtro rem inprimis acceptam, ſi et hac in parte deſiderijs noſtris morem geberis: dici etenim vix poteſt, quam moleſte is tulerit, cum primum illi de putido illo libro innotuit; et fuſtibus ac plagis excipiendum authorem cenſuit, ſed præſtat legibus. Verum deſino te ſeriore occupatum talibus nugis remorari: extorſit iſta mea erga te confidentia ſinceruſque et mutuus amor. De me vero viciſſim tibi quidvis audacter pollicearis. Vale. Dabantur ex Arce Cæſareâ Benaticâ pridie Paſchatis Anno 1600, qui Romæ habetur Iubilæus.

Quæ in Oda tua per ſe ſatis concinne elaborata paulo aliter legi malui, in ſubiuncta charta notavi, quod licet tuâ bonâ veniâ admitti poſſe mihi perſuadeam, tamen indicandum duxi, quo conſcius eſes.

[E codice

[E codice Monacensi Bibl. Univ. 693 in 2^o]

IOANNES GEORGIUS HERWARTUS

AB HOHENBURG AD TYCHONEM BRAHE.



45^r ACCIPIES, Vir nobilissime atque Mathematicorum om-
 5 nium longe præstantissime, Catalogos ambos librorum,
 qui in his nundinis vernalibus Francofurti ad Mœnum
 venales extiterunt. Si quos ex his petas, velim eos mihi
 designari, priusquam exemplaria divendantur, et curabo
 10 sedulo, ut quamprimum eos accipias. Mitto etiam tabu-
 las ELISABETHÆ Reginae Angliæ, GEMMAM FRISIUM de radio
 Astronomico, et Astrologiam græcolatinam IOACHIMI CAMERARIJ
 No. 106. Tabulas perpetuas longitudinum et latitudinum Planetarum
 Lovanienses, et Theoricas Planetarum PURBACHIJ ab ORONTIO
 15 FINÆO emendatas No. 99. Atque hisce me tibi commendo, teque
 florere quam felicissime exopto. Datæ Monachij tertia die Aprilis
 Anno 1600.

[E codice Basileensi G I 35]

TYCHO BRAHE AD GEORGIUM

ROLLENHAGIUM.

99^r S. P.

25 QUAS die 23 Februarij huius Anni stylo vestro ad me de-
 disti literas, Eruditissime et amantiissime Domine ROL-
 LENHAGI, eæ mihi redditæ sunt, cum nuper Pragæ
 essem, unâ cum alijs quibusdam in fine Augusti superi-
 oris Anni pariter a te mihi scriptis; aderant quoque aliæ
 ad Doctorem RHODIUM, quas statim in ipsius hospi-
 tium misi, sed ipse peregre aberat; polliciti nihilominus sunt inquilini
 eas recte procuraturos. Ad priores mihi destinatas nihil nunc respon-
 deo, siquidem earum præcipua contenta repetuntur in posterioribus,
 30 ad quas sic habe.

Civem illum Hamburgensem, quantum potui, per meos homines,
 qui tunc in Aulam abituri erant, iuvi, tam tuâ, quam Domini Doctoris
 VITI de causa, sed lente isthic omnia, uti scis, et difficulter procedunt
 ob negotiorum multitudinem.

35 Pro supellectile meâ huc advehenda, non opus est, ut amplius solli-
 cites apud Senatum vestrum. Cum enim Cæsa Ma^{tas}, Dominus noster
 Clementissimus, a Domino BARVITIO rescivisset (me tamen id non
 cupiente, sed aliquantulum adhuc temporis Magistratui vestro rem
 rectius

rectius dispiciendi, uti me facturum ad te scripsi, relinquire) Magdæ-
 burgenses, quos bis per literas hac de re clementissime compellavit,
 officium illud detrectasse, invite id ipsum tulit, et statim ad Reverendum
 Capitulum vestrum de hoc eodem negotio perscribi iussit, quas literas
 nunc eo per quendam ex meis studiosis natione Danum mitto. Ex- 5
 emplum earum hîc adiunctum habes, nec dubito, quin Reverendum
 Capitulum, cui ego etiam scripsi, in gratiam Cæsæ Ma^{tis} effecturum, ut
 Instrumenta mea et omnes res isthic relictæ huc per Albim suis sump-
 tibus, quamprimum fieri poterit, adferantur. || Confido etiam illud de 99
 aëribus prospecturum, quibus ea omnia ab iniuria aëris et pluviarum 10
 muniantur, quos Nautæ secum recipere poterint. Et si navem vinis
 Bohemicis, quæ admodum generosa superiori anno creverunt, onerari
 voluerit, aut alijs mercibus, quæ hîc minoris quam isthic venduntur,
 poterunt aëres illi ad hoc denuo usui esse; conducere vero, ut fidus
 aliquis minister unâ mitteretur, qui ea, quæ hîc coëmenda essent, pro- 15
 curaret, et in acceßu curam mearum rerum simul gereret, pro qua in-
 veniar erga eundem gratus. Quod si factum fuerit, non opus erit, ut
 studiosus hic meus huc cum supellectile illa, quam Magdæburgi habeo,
 revertatur, sed is potius rectâ Hamburgum eat, ut pro reliquis Instru-
 mentis inde huc pariter advehendis operam Hamburgensium sollicitet; 20
 sed tam hæc quam alia tuo consilio disponenda relinquo. Et si condux-
 eris pro certo precio hominem, qui cum rebus meis huc accedat, atque
 earum inspector sit, modo Capitulum aliquem adiungere nolit, solvam
 ei quidquid promiseris. In cæteris Emisarium meum ita instrue, ut quid
 sibi faciendum vel omittendum sit, sciat, daque operam, ut omnia ma- 25
 ture et diligenter executioni mandentur. Habebo te in omnibus indem-
 nem, si quid pro me exposueris, vel fidem interpolueris.

Polliceris in ultimis, te reliquis scriptorum meorum postulatis per
 primum quemque Tabellarium responsurum, quod ut brevi facias,
 rogo. ROTHMANNO quod ulterius scribam, non habeo, siquidem is 30
 meis benevole et humaniter ad ipsum datis || quippiam respondere 100
 gravatus est, et videtur is ita morosus atque impatiens esse, ut vix seip-
 sum ferre queat, necdum alios. Quæ de me in suis ad te literis con-
 queritur, facile replicare possem, sed nolo cum homine, uti recte ais,
 impatientissimo et sibi ipsi præ animi impotentia vix constante contende- 35
 dere, aut quidpiam commertij habere. Si ipsemet sibi deesse vult, quo-
 modo ego eum tueri aut iuvare potero, quin potius propria agam, neg-
 lectis alienis. Si existimat eius Epistolas non candide et ingenue esse a
 me editas, habet proculdubio exemplaria, monstret, quo hîc loco ad-
 ulteratæ sint, aut pudeat ipsum de mea integritate tale quid citra occa- 40
 sionem suspicari. De confessione eius mihi iudicium non sumam, neque
 enim eam ob prolixitatem sufficienter introspicere meæ occupationes
 hæcenus

hactenus permiserunt, neque ego me Theologicis disputationibus libenter immisceo, ut mirer eum meam censuram in talibus tam sæpe tamque serio exposcere, quæ ad ea studia, quæ prius inter nos ventilata sunt, non pertinent. Duriusculum mihi videtur, quod ab initio asserit et definit, Deum nos per sacramenta salvos facere. Id sane indiget bona globa et interpretatione sobria, si idolatriæ suspicio abesse debet, ad quam plurimi cæteroquin homines iam dudum hac præsertim in re (proch dolor) admodum proclives sunt. Quin et multa sunt præterea in eodem scripto, tam de Baptismo quam de cæna, quæ non ita invicte demonstravit, atque existimat. Sed viderit ipse et alij, si quos habet, suæ sententiæ asipulatores; meum non est tantas componere lites. Deus liberet ROTHMANNUM ab ijs, quibuscum conflictatur, miserijs, et det illi patientiam atque constantiam. Ego si illi adeßem, ipsius paupertati, quantum res meæ ferrent, non defuturus essem, quemadmodum etiam antea, quando in Dania mecum fuit, ipsum non inanem demisi, sed aliquot Roseis nobilibus, pro quibus mihi tamen vix gratias agere dignatus est (adeo tunc erat infolens) donavi, cum tamen || ipsius olim Princeps me longe ditior meos homines, quos aliquando ad ipsum misi, ne obulo quidem, nec etiam eos interea aluerit, quemadmodum ego per 5 vel 6 hebdomadas ROTHMANNUM, cum in Dania esset. Sed ista nihil ad rhombum, [ne]que ea, quæ parvi [no]n duco momen[ti]. De fratre eius IOHANNE, qui Doctor medicinæ est, cuperem scire, an is adhuc in vivis sit; si sic, optarem, ut me aliquando accederet; erit id illi forte non inutile.

Intellexi nuper, esse quendam in ditione Brunsvicensi nomine IOHANNEM KRABBEN, de Munden, quem præteritorum aliquot annorum Ecclipses in utroque Luminari diligenter observasse aiunt; si itaque ea, quæ is circa has explorata habet, mihi procuraveris, rem apprime gratam præstiteris. Sed non suffecerint mihi nuda tempora, verum potius media scire averem, per quæ in eorum cognitionem pervenit, si sint Altitudines stellarum siue alia huc conducentia. Cupio autem eius observata ea potissimum de causa habere, ut cum meis in ijsdem Ecclipsibus conferre possem, atque hinc meridianorum differentiam rectius eruere. Est etiam aliquando in diversis locis dispar serenitas. Sed de observationum fide certus esse non possum, nisi comperit habuero, qua ratione, uti dixi, acceptæ sint.

Apud Cancellarium vestrum ea, de quibus antea [ad] te perscripti, spero te effecturum, quo desiderijs nostris mature satisfiat. Vale. Dabantur ex Arce Cæsareana Benatica Die 5 Aprilis Anno 1600.

[E codice Vindobonensi lat. 10703]

†

IOANNES KEPLER AD TYCHONEM BRAHE.



ICH M. IOHAN. KEPLER, Einer Er: Landt in Steier 150^r
Mathematicus, bekhenne, demnach Ich mit gnediger 5
 Erlaubung wolermelten landtschafft, ein reise in Be-
 heim fürgenommen, fürnemlich den Edlen vnd Gestren-
 gen Herrn TYCHO BRAHE, Herrn auf Knudtstrup vnd
 Vraniburg, wegen Dero Gest. ansehnlicher vnd weitbe-
 rühempten *Astronomischen Instrumente* vnd fürhabender bücher 10
 zuebefuchen, Das ich zue dem ende den vierten *Februarij* des 1600
 Jahrs allhero gehn Benathka kommen, allda den wollermelten Herrn,
 gnedig vnd allerfreundtlichst woll empfangen, auch diese gantze Zeit
 vber aller möglichkeit nach also *tractirt* worden, das ich mich hin-
 gegen iederzeit, zue aller Vnderthaniger Danckbarkeit schuldig er- 15
 kennen.

Demnach auch Ir Gest. alls einen liebhaber aller künsten, vnd denen
 beygethonen *Cultoribus*, gnedig gefallen, mir einen gueten theill Irer
observationum, sambt andern anhengigen *Inventionibus* vnd *labori-*
bus Astronomicis freywillig mitzuetheilen: vnd Ich aber ietziger Zeitt 20
 bösen schädlichen gebrauch anderer leutte nützliche vnd rhuemliche
 arbeit eigen nütziger verschlagener weiße zur hinderlichen den rech-
 ten Urhabern zueentziehen, vnd anderen rhümberechtigt zuezuschrei-
 ben, zur gemüeth gefürtt: hab ich eigener sorgfaltigkeit halber, für nütz-
 lich vnd rathsamblich geachtet, mit gegenwärtiger meiner || eignen 150^v
 handtschriff vnd vndergedruckten Petschafft dahin mich zuuerpflich-
 ten, daß ich alles das, so mir von wolermelten Herrn BRAHE *com-*
municirt oder hernacher, in was wege es wolle, *communicirt* soll wer-
 den, in hochster geheim halten. Darmit auch mich andere alß einen
 liebhaber der *Philosophia*, gebe vnd offtermelten Herrn BRAHE, alß 30
 den rechten *authori* selbstn iederzeit gefallen würt, vmbgehen hand-
 len vnd dero mich gebrauchen wölle: alles auff treuw vnd glauben,
 treuwlich vnd vngefahrlich. In vrkhund meiner handtschriff, vnd an-
 geporn Pittschafft, Geben den 5 *Aprilis* im 1600 Jah. Benat.

[Ex apographo Kepleri in codice Vindobonensi lat. 10703]

126a^r ILLUSTRIS ET GENEROSO DOMINO,
DOMINO IOHANNI FRIDERICO HOFMANNO, LIBERO BA-
RONI IN *GRUENPUEHEL* ET *STRECHAU*, PRÆFECTO PRO-
5 VINCIÆ DUCATUS STYRIÆ ET ARCHIDUCATUS AUSTRIÆ,
MARSCHALCHO UBIQUE HÆREDITARIO, BURGRAVIO IN
STEYER, NEC NON SACRÆ CÆSAREÆ MAIESTATIS AULÆ
CONSILIARIO ET SERENISSIMI ARCHIDUCIS MAXIMILIANI
CUBICULARIO PRIMARIO, DOMINO ET AMICO
10 SUO IMPRIMIS HONORANDO.
ILLUSTRIS ET GENEROSE VIR, DOMINE ET
AMICE HONORANDISSIME.

15 **R**EDIT nunc Pragam M. KEPLERUS, et licet suafor illi
fuerim, ut domestici mei, qui etiamnum Pilsnæ est, et
inter alia in negotio dictum KEPLERUM concernente
solicitat, reditum, quem intrapaucos dies futurum spero,
expectaret, ut quid fieri possit, certius resciremus (præ-
sertim cum spes aliqua facta sit, Sa^{am} Cæsa^m Ma^{tem} peti-
tionibus meis humilimis clementissime annuere velle) atque demum
20 aliquid rati concludere possemus: tamen cum ipsum nihilominus abi-
tum festinare intelligerem, reliqui hominem suo arbitrio. Quid vero
inter nos ventilatum sit, Ill^{ris} D^o Tua e D. Doctore IOANNE IESSE-
NIO, qui has adfert, seorsim cognoscet: is enim interfuit, dum hæc ge-
rerentur: quare longiore et tædiosâ eorum commemoratione super-
25 sedeo, omnia ad hanc rem facientia Illustris D^{nis} Tuæ prudenti consilio
dispicienda ordinandaque etiamnum relinquens.

Cœterum de puero, quem Illustris D^{natio} Tua ad me mittere decrevit,
126a^v sciat me libenter eum, quandocunque ad-||venerit, recepturum, tum
quoque laboratorem Spagiricum. Et expecto pariter fabrum illum Me-
30 chanicum, qui e Styria venturus est. Quam primum vero per occupa-
tiones licuerit, spero me Pragæ futurum, ubi plenius cum Ill^{ri} Done^o Tua
de ijs, quæ hîc omiſsa sunt, agam. Valeat Tua Ill^{ris} D^o quam optime et
diutissime. Dabantur ex arce Cæsarea Benatica die 6 Aprilis Anno 1600.

Ill^{ri} Generositati Tuæ

35 Addictissimus

TYCHO BRAHE,
manu propria.

[Ex apographo in codice Vindobonensi lat. 10703]

TYCHO BRAHE AD IOHANNEM IESSENIUM A IESSEN.

S. P.



LARISSIME vir, amice plurimum mihi semper dilecte, 5
 quæ tuæ fidei concredidi, Generoso D. HOFFMANNO
 seorsim monstranda, cupio mihi nunc remitti; litteras
 tamen illas, quas TEGNAGLIUS ultimo ad me dedit,
 quæ de Magnifici D. CORRADUCIJ resolutione faci-
 unt, vellem bene tuo sigillo munitas ac tuis inclusas unâ 10
 cum meis ad DANIELEM mitti, siquidem in ijs faciat mentionem eo-
 rum, quæ D. CORRADUCIUS apud Cæsar. Mai. meo nomine im-
 petravit, ut sciat DANIEL, eo rectius se facere, si apud D. CORRA-
 DUCIUM in meis rebus sollicitet, non minus quam apud D. BARVI-
 CIUM, quem quodammodo lentum in ijs promovendis 15
 Dubitat enim ipse DANIEL in ultimis suis ad me datis, an hoc facere
 debeat nec ne. Ego vero rescripsi, mihi id non inconsultum videri, caute
 tamen omnia agenda, ne D. BARVICIUM per imprudentiam offendat,
 nam amborum retinere benevolentiam, quoad fieri poterit, satius ducō.
 Cœterum cum tu hîc spectator et auditor fueris eorum, quæ a KEP- 20
 LERO dicta factaque sunt, sub ipsum discessus momentum, et simul
 quomodo postea, iuxta currum mihi valedicturus, pœnitentia quadam
 eorum duci præ se ferret, atque ea omnia, quod affectus suos regere
 non posset, excusaret, egoque a condonatione || non alienus essem, tibi 153^v
 que in aurem susurraverim, ut efficeres illum Pragæ literis ad me datis 25
 id ipsum testari, quod male ipsum habeat, se sic exorbitare cupereque
 mecum in gratiam redire, quod et te facturum aiebas, et sponte antea
 mihi seorsim dixeras, te in itinere ipsum serio admoniturum, imo re-
 prehensurum, quod se tam impotenter et biliose geberit, contra quam
 decet virum doctum et honestum: iccirco mitto tibi hîc inclusas ipsius 30
 litteras manu eius propria exaratas, quarum effrenem petulantiam et
 nimis arrogantem dicacitatem nec per meum vinum nec per meum
 contemptum, nec quicquid eiusmodi aliud quod prætendit, excusare
 poterit, nisi et tunc furiosus fuit (uti forte huius morbi semina, etiam
 cum sibi maxime constare videtur, clam fovet) cum ista composito ani- 35
 mo scriberet, et ipsemet calamo, me ignorante (qui ipsi iam ignoscere
 cœperam, siquidem resipiscere voluisset) præest. Miraberis, non dubito,
 hominis in malitia citra omne meum meritum pertinaciam, nec forte
 habebis aliud, quid dicas, quam me mea humanitate, uti etiam tacite
 exprobrâsti, effecisse, ut iste hominem exueret, atque in rabidum canem, 40
 quem suo stomacho se æmulari dicere solitus est (utinam etiam cerebro
 et

154^r et corde) || transformaretur. Inspice igitur et despice, quod et ego faciam. Quis enim scienter et volenter furentem facile curaret? Si ipsum in via admonuisti, et ut rationes inveniret, mecum denuo in amicitiam redeundi, adhortatus es, uti proculdubio fecisti, vide quæso, quales fructus
5 ediderit hæc tua sobria, candida et amica admonitio et adhortatio. Ego, etsi facillimum mihi sit, omnes ipsius oblatratus vera redargutione compescere, nolo tamen cum tam procaci lingua prædito, nec modestiæ aut virtutis curam habente, contendere, memor illius Catonici:

Contra verborum noli contendere verbis.

10 Constitui igitur in posterum nihil cum eo habere commercij, sive per literas sive oretenus, et optarem me nunquam habuisse, tunc minus mea humanitate abuti posset. Iussi quidem, statim ac is abierat, MATHIAM studiosum nonnulla ex chartis illis, quas ad me recepi, describere, ut ea promptius legere, cum ipso, quando unâ cum DANIELE
15 redierit, conferre possem, atque mea dubia illi subgerere, et quomodo peragendum esset, expiscari, atque tum illi a se conscripta, uti sancte promisi, restituere. Verum cum ex his malitiosis literis plus satis percipiam, eum non reversurum, uti etiam non cupio, ipsemet in culpa est, quod pollicitis stare nequeam. Et super hoc, quod in Epistola iam
154^v missa || iecit fundamentum, vix utar eo tamquam archi[tec]to, cui aliquid ex meis observationibus et laboribus superstruatur. Ille ipse me iam magis cautum, quam antea fui, reddidit; genio, uti spero, bono mei curam habente, et omnia sic in meum commodum digerente. Nolim tamen, ut cuipiam has Keplerianas literas ostendas, et ne quidem D.
25 HOFFMANNNO, aut cum ipso KEPLERO hac de re exposcules, nisi forte sua quadam importunitate tibi occasionem dederit, sed actutum cum hoc eodem nuntio, bene conclusas et iterum obsignatas, mihi remittas. Si tamen subolfeceris ipsum apud D. HOFFMANNUM vel
30 alios, ut suam probaret innocentiam, me calumniatum esse, aut quipiam veritati minus consonum effutijße, fac quod bonum et integrum virum decet, quod et non gravatim effecturum mihi polliceor (prout et ego te sæpius contra aliorum sugillationes tutatus sum) ut meam a te defendi causam, atque id, quod veritas postulat, asseverari resciscam. Interim etiam an apud URSUM istum aliquid in mei contumeliam
35 tacite moliatur (quomodo enim illi amplius fidam?) per tertiam vel quartam manum inquire, quamvis nihil morer, quicquid dixerit, modo vera dixerit, et cum Deo V. simul fuerimus, tibi aperiam, quidnam id sit, de quo ita minari videtur, et plura, quæ ad dilutionem illorum, quorum foecundus et facundus est confarcinator, faciunt, licet ipse plæ-
40 raque nôsti, suggeram. Vale. Dabantur ex arce Benateka die 8 Aprilis Anno 1600.

[E codice Monacensi Bibl. Univ. 693 in 2º]

†

IOANNES GEORGIUS HERWARTUS
AB HOHENBURG AD TYCHONEM
BRAHE.



INTELLEXI, Vir nobilissime atque Mathematicorum 49
omnium facile Princeps, ex Agente rerum Serenissimi
Principis mei in aulâ Cæsareâ, ALEX. PRENDTL, qui
ad negotia sua quædam propria expedienda hâc transijt,
litteras illas, quas D. Doctori HELLER ad me dirigen-
das committis, præposito seu Magistro supremo equo- 10
rum dispositorum Pragæ consignari. Coeterum novi et expertus sum
eorum, quibus cura Postæ seu equorum dispositorum incumbit, negli-
gentiam et desidiam, atque adeo oscitantiam quoque miram, ita ut
litteras aliô dirigendas aliorum nonnunquam transmittant. Tenet ita-
que hæc res me admodum et forte plus nimio sollicitum, ne forte ea, 15
quæ ad me mittis, intereant. Quare rogo te etiam atque etiam, ut in
posterum, si quid literarum ad me dederis, eas præfato Agenti rerum
Principis mei, vel in absentia illius IOANNI MENHARDO S. Cæs.
M. Consilij aulæ Imperialis Secretario Latino, qui aulam Imperatoris
sequitur, quorum titulos his subscripsi, consignes; curabunt enim illi 20
sedulo, ut sub coperto, uti vocant, Serenissimi mei Principis tuto ad me
transferantur.

Novissime litteras tuas pridie huius anni labentis datas unâ cum dono
partis primæ Progymnasmatum restauratæ Astronomiæ (id quod grati-
tudinis ergo commemoro) accepi, nullas autem recentiores. Quod si 25
interea temporis nullas ad me dederis, bene se res habet, et omni solici-
tudine vaco: si quas vero dederis, timeo, ne alicubi delitescant, et ob-
secro summopere, ut eas reiterari cures, et vel hac ratione sollicitudi-
nem alleves. Atque hisce tibi officia et studia mea paratissima quæque
polliceor. Datæ Monachij die 11 Apr. A. 1600. 30

[E codice Basileensi G I 35]

104^v ILLUSTRISSIMO ET GENEROSISSIMO
VIRO DOMINO COSMO CONCINIO E COMITIBUS PENNÆ
SERENISSIMI MAGNI DUCIS HETRURIÆ APUD SACRAM
5 CÆSAREAM MAIESTATEM ORATORI MAGNIFICEN-
TISSIMO DOMINO OBSERVANDISSIMO.
103^r ILLUSTRISIME ET HONORANDISSIME
DOMINE.



10 ERENISSIMI Principis, Magni Ducis Hetruriæ, Cle-
mentiſſimas literas ab Ill^{ma} Dom^{ne} Veftra mihi favora-
biliter miſas, unâ cum proprijs ſuis, accepi, et magna
inde affectus ſum voluptate, cum quod Ser^{ma} eius Cel-
ſitudo meis Clementiſſime reſpondere, iſdemque beni-
gniſſimo animo annuere non dedignata ſit, tum etiam
15 quod Ill^{ma} Dom^o Veftra mihi tam benevole ſcripſerit, et Ser^{mi} Principis
ſui voluntatem, ubi Pragæ adfuero, plenius mihi exponere haud de-
gravetur. Adveniam itaque, auxiliante Deo, quamprimum nonnulla
ad ædificia, quæ pro Inſtrumentis meis Aſtronomicis hîc debito modo
diſponendis, nunc parantur, pertinentia, adornavero; et obſervationes
20 quaſdam, quibus per inſtantes aliquot dies (neque enim alias intra an-
num eiufcemodi revertuntur) invigilandum, Cœlitus deduxero. Spero
autem hæc, et quæcunque præterea me remorari poterint, intra 14 ad
ſummum dies expediri poſſe, ut Ill^{mæ} Doi V^{ræ}, ab hiſce curis liberatus,
promptius adeſſe queam, et quæ nomine Ser^{mi} Principis ſui mihi re-
103^v ferenda habet, obſequentiſſimo animo percipere. || Interim ut hanc mo-
rulam, pro conſueta ſua humanitate, candide accipiat, meque ſibi com-
mendatum habeat, officioliſſime peto. Deus Opt. Max. Illuſtr^m D. V.
diu florentem et incolumem conſervet. Dabantur ex Arce Cæſareâ
Benaticâ Die 14 Aprilis Anni 1600.

30

Illuſtriſſæ Domⁿⁱ Væ

Reverenter addiſſiſſimus

T. B.

[E codice Basileensi G I 35]

EXCELLENTISSIMO ET ERUDITISSIMO 105r

VIRO, DOMINO RAPHAELI CIAPARENIO, APUD ILLU-

STRISSIMUM ORATOREM FLORENTINUM PRAGÆ

DOMUS PRÆFECTO, DOMINO ET AMICO

HONORANDO. 5



UAS iuſu Ill^{mi} et Magnif^{mi} Oratoris Florentini ad me
 Excell^a V^{ra} per certum tabellarium direxit literas, modo
 accepi, atque pro hoc mihi præſtito officio plurimas ei-
 dem gratias habeo, relaturus, ſi quid unquam meâ opellâ 10
 præſtari poterit, quod illi viciſſim acceptum eſſe queat.
 Prædicavit mihi iam antea TENGNAGLIUS noſter,
 qui ante menſem circiter in Patriam, Parentes ſuos inviſurus, abiit,
 ſingularem Ex^æ V^{rae} humanitatem et erga ſe benevolentiam, quam filio
 quoque meo, cum vobis adeſſet, præſtitam, magni beneficij loco duco. 15
 Daboque operam, quantum in me eſt, ne ſe certaſſe priorem pœniteat,
 ſperoque nos, ubi Pragam advenero, ulterioris notiſſimæ atque amicitia
 fundamina coram poſituros. Interim et ſemper Ex^a V^a quam optime
 valeat. Dabantur properanter ex Arce Cæſareâ Benaticâ Die 14 Aprilis
 Anni 1600. 20

[E codice Monacensi Bibl. Univ. 693 in 2°]

IOANNES GEORGIUS HERWARTUS

AB HOHENBURG AD TYCHONEM BRAHE.



ITTO, Vir nobiliſſime atque Mathematicorum omnium 52r
 facile princeps, ut libri, quos petijſti, ad te tranſſerantur, 25
 his iuncta
 IOANNIS VIRDUNGI tabulas reſolutas de ſuppu-
 tandis motibus ſyderum,
 Tabulas Prutenicas ERASMI RHEINHOLDI,
 COPERNICUM de triangulis et Algorithmum de- 30
 monſtratum No. 76.

Habemus exemplar græce manuſcriptum HIPPARCHI Bithyni in
 ARATI et EUDOXI Phænomena librorum 3, cum Aſteriſmis (uti in-
 ſcribitur in Codice Florentiæ A° 1567 impreſſo. Nec enim Aſteriſmi illi
 ſunt HIPPARCHI, nec forte reliqua) et alterum exemplar Magnæ Syn- 35
 taxeos CL. PTOLEMÆI, literâ pervetuſtâ et eleganti conſcriptum.
 Quod ſi tibi dubiæ lectiones occurrant, lubens admodum et ſedulo con-
 feram et ad te perſcribam. Nec in præſentiarum occurrunt iam alia, ſed
 hiſce tibi officia mea promptiſſime offero. Datæ (18 Apr. circiter) A. 1600.

[E codice

[E codice Basileensi G I 35]

TYCHO BRAHE AD VITUM
WINSHEMIUM.

S. P.



108^r
5 **E**XCELLENTISSIME et Eruditissime Domine Doctor
VITE WINSHEMI, Amice honorande: Literæ Excel-
lentiæ Tuæ humanissimæ et candidi erga me amoris re-
fertiſsimæ bis vel ter, postquam in Bohemiam conceſſi,
mihi redditæ sunt; pro quo constanti et sincero erga me
10 affectu gratias habeo plurimas. Memini etiam me Tuæ
Exc^æ aliquoties rescripſiſſe, eamque meas pariter accepiſſe ſpero. Quan-
tum vero ad ultimas, quas Ex^a Tua per Civem illum Hamburgensem,
quibus Rollenhagianæ adiunctæ erant, dederat, commodum accidit,
quod cum Pragæ eſſem (ablegaturus TENGNAGLIUM nostrum, cum
15 quodam ex meis domesticis, Pilsnam in Aulam Cæſaris) eæ mihi red-
derentur. Nam per emiſſarios meos negotium illud Civis, cuius cauſam
mihi commendāſti, Domino BARVITIO, summo Secretario, exponi
iuſſi, eumque, ut petitioni eius non deeſſe velit, diligenter ex me rogavi:
quod et factum eſt. Nam alter ille hiſce diebus huc reverſus (TENG-
20 NAGLIUS enim in ſuam Patriam inde profectus eſt, poſt aliquot ſepti-
108^v manas huc, Deo volente, rediturus) retulit || Dominum BARVITIUM
in ſe recepiſſe negotij illius promotionem, quamprimum Civis iſte Pils-
nam veniret et cauſam illam ſibi proponeret; quod tamen necdum
factum erat, antequam domesticus ille meus inde diſcederet, qui per
25 integrum menſem ibi ſubſtitit. Miror itaque, ubi interea Civis ille fuit,
et an Pragæ remanſerit, Cæſaris iſthuc reditum expectaturus, ignoro.
Semel enim tantummodo mecum Pragæ locutus eſt; poſtea hominem
non vidi, quamvis volebam, ut denuo me accederet, quo plenius eius
cauſæ circumſtantias cognoscere poſſem; quas etiam ut FRANCISCO
30 indicaret, iuſſi. Si in alijs longe maioribus Tuæ Ex^æ in his oris gratifi-
cari unquam potero, habebit me ſemper quam promptiſſimum et noſtræ
amicitiæ perpetuo memorem.

Quæ ad OLIGERUM ROSÆKRANTZIUM communem Amicum
proferre volui, ignoro an acceperit, multo enim iam tempore nihil ad
35 me literarum dedit. Faciat igitur T. E. me certioſorem, quomodo vivat
et valeat, utque ſubinde mihi ſcribat, ipſum admoneat. Vale diu et felici-
ter. Dabantur ex Arce Cæſareâ Benaticâ Die 20 Aprilis ſtylo reco-
gnito Anni 1600.

[E codice

[E codice Basileensi G I 35]

TYCHO BRAHE AD LUDOLPHUM RIDDERSHUSIUM.

S. P.

109^r

LARISSIME et Eruditissime Vir, Amice mihi plurimum
semper faciente. Literæ tuæ paulo post solstitium hyber-
num superioris Anni ad me datæ præterlapso nuperrimo
huius Æquinoctio mihi primum redditæ sunt, quibus si
per omnia nunc ita luculenter respondere, uti desidera-
res, non concedatur, tribuas id occupationum mearum
moli; quæ tamen otium utcunque admittit, brevibus exposita, sic habe.

De Directionum administratione et rationibus, tum quoque distribu-
tione Cœli, quæ antea significavi, satis per se clara sunt, nec, etiam si
quam maxime vellem, ea exemplis illustrandi nunc suppetit oportuni-
tas. Possunt vero secundum Eclipticam pariter Directiones fieri, non
dissimiliter, iuxta motum ☉^{lis} diurnum, numerandæ, nam et has sub-
inde pondus habere animadverti. Debent autem Directiones institui
ad Horizontem eius loci, in quo quis natus est, non autem ubi postea
habitat; quia quilibet suum secum portat Cœlum suasque influentias,
quocunque iverit. Octogonaria Thematum distributio ad hoc conducit,
ut robur efficaciz Planetarum rectius pateat, siquidem dimidius An-
gulus Rectus sit inter Meridianum et Horizontem, post horum duorum
limites, magni sunt roboris. Significata autem ex duodenaria Divisione
potius || consueto Astrologorum more petenda.

Transitus ♄ⁿⁱ, quia tardigradus est, ut plurimum vim habet, ☿^{tis} au-
tem minus. Tunc vero stimulantur effectus, cum in idem tempus similes
profectiones coincidunt; impediuntur vero, si contrariæ; et Directiones,
quæ generaliore habent significationem, hinc etiam augendo vel mi-
nuendo plurimum possunt. Si eodem tempore inciderint adversæ et
prosperæ Directiones, seipsas fere elidunt, et effectum boni malique
imminuunt. Directiones, quæ exitum naturalem vel violentem por-
tendunt, variæ se habent, nec ad certum aliquod genus restringi possunt;
et oportet multa alia simul considerare, nec Stoicam necessitatem in-
troducere. Geniturarum influxus fausti vel infelices vario modo mu-
tari et transplantari possunt; ut non nimium ijs sit indulgendum. Om-
nes autem rationes, quibus hoc efficitur, nimis longum foret enarrare.
Neque etiam in omnes homines Astra æqualiter influunt, sed quidam
se reddunt eorum viribus magis obnoxios quam alij. Verum Deus, Au-
thor Universi, omnia pro suo nutu moderatur. Atque hæc ad quæstiones
tuas pro tempore respondiße sufficiat.

Ad tempora et eventus Nativitatum, quas misisti, attendere et in eas
disquirere


110^r disquirere nunc non vacat; imo etiam si vacaret, non multum temporis ||
 talibus curis libenter tribuo, gravioribus et maioris momenti studijs po-
 tius addictus. Restitutionem motus (C^{ris} nunc communicare non possum,
 nondum enim typis edita est, uti neque in cœteris Planetis desiderijs
 5 tuis morem gerere. Conservantur adhuc libri mei et res, pro maiori
 parte, Magdæburgi; ubi advenerint, et oportunius otium nactus fuero,
 dabo operam, ut plenius in talibus gratificari queam. Literas adiunctas
 ad Dominum DAVIDEM FABRICIUM absque omni interposita morâ
 per certum hominem dirige; eius enim interest, ut eas cito nanciscatur.
 10 Iamque vale, quodque pluribus nunc tecum non agam, candide excu-
 satum habe. Dabantur ex Arce Cæsareâ Benaticâ, 5 miliaribus Pragâ
 distante, Die 20 Aprilis Anni 1600, stylo recognito.

[E codice Monacensi Bibl. Univ. 693 in 2°]

IOANNES GEORGIUS HERWARTUS

AB HOHENBURG AD TYCHONEM

BRAHE.


52^v  ERVENERUNT ad manus meas, Vir nobilissime atque
 Mathematicorum omnium facile princeps, libelli duo,
 quos vir doctissimus et in Geometricis plane rarus et
 20 insignis, FRANCISCUS VIETA, nuper in lucem pro-
 dire voluit. Hos cum non dubitem te perlibenter visu-
 rum, neque forte aliunde absque difficultate exemplaria
 adepturum, his iunctos ad te mitto.

25 Cogito his diebus, si modo negotia publica et politica, quibus admo-
 dum distrahor, id permittunt, Augustam me conferre, atque ibi, si ulla
 ratione fieri poterit, manuscripta opera posthuma CYPRIANI LEO-
 VITIJ indagare et nancisci, ut ea quoque ad te transmittere possim.
 Atque hinc tibi foelicissima quæque ex animo precor et opto. Datæ
 Monachij die 26 Apr. A. 1600.

30 [Ex apographo Kepleri in codice Vindobonensi lat. 10703]

IOANNES KEPLER AD TYCHONEM

BRAHE.

155^r  ONS manus, quæ nuper ad lædendum celeritate ven-
 tos antevertit, quodnam initium faciat ad leniendum,
 35 vix invenit. Nam quid ego primum commemorem? An
 meam intemperantiam? Cuius acerbissima est recorda-
 tio. An tua, Nobilissime TYCHO, benefacta? Quæ iam
 nec enumerari possunt, nec pro dignitate perpendi. Per
 duos

duos menses gratuito me victu liberaliter aluisti; toti tuæ familiæ meam incolumitatem, mea desideria commendasti: omnia humanitatis officia præstitisti: quæ habuisti charissima, mihi communicasti: nemo me dicto vel facto volens læsit unquam: in summa, non liberis, non uxori, non ipsi tibi plus indulgisti quam mihi. Quæ animo præterea 5 volvebas, de me promovendo, ex ijs, quæ mea causa suscepisti, facile vidi. Quæ omnia, cum ita habere sciverim, factus fuerim, scripto etiam testata reliquerim: magnâ cum animi consternatione recordor, adeo me a Deo et a Spiritu Sancto meis intemperijs animique morbo fuisse permissum, ut ad tot et tanta beneficia, clausis oculis, pro modestiâ, 10 trium hebdomadam continuæ morositati erga totam familiam, pro gratiarum actione, iracundiæ præcipiti, pro reverentiâ, audaciæ summæ erga tuam personam, tam illustri stemmate, tam præstanti eruditione, tanta nominis claritate venerabilem, pro amica valedictione, suspiciosissimis imputationibus et acerbissimæ scribendi prurigini tantum indulgere potuerim, nec me respexerim, nec quam crudeliter tuum animum, qui præclare semper de me senseras, hac odiosissimâ ratione sim offensurus, perpenderim. Quæ si hostili animo, si nocendi proposito, suscepissem: equidem vix vel a Deo petere fuisset ausus, uti te mihi præstaret placabilem, iustamque et legitimam vindictam impediret. 20

Sed quia totum hoc impotentis animi furor et cholæræ præstitit exuberantia, et iuvenile vitium, curiositas, cum præcipitantiâ iudicij (abfuit vero diffamandi animus) et quia non experieris, me unquam cum quoquam mortalium ita de te locutum, uti ad te unum ex falsâ imaginatione scripsi (quemadmodum neque in quemquam unquam talia 25 designavi) ex hac qualicunque consolatione post gravissimam poenitudinem, animum nonnihil recepi: et quia quæ scripsi, coram Deo solo teste, M. T. imputata fuere; primum Deum Opt. Max. veniam exoravi, deinde et pro Christianâ reconciliatione summe fui sollicitus. Quod nisi me afflictâ valetudo, immoderatæ affectionis haud dubia stimulatix, impedivisset, primo quoque tempore Benathkam excurrissem, meque M. T. ad omnem satisfactionem promptum stitissem. Iam quia fors ita tulit, ut prior M. T. Pragam veniret, supplex ad M. T. venio, per Dei misericordiam orans, uti mihi hanc atrocissimam offensionem 155a Christiano animo remittat. Ego contra, quæ dixi vel scripsi in M. T. 35 personam, famam, honorem et doctrinam, vel quocunque alio modo, iniuriolissima (si nulla valeat in meliorem partem interpretatio) uti (quod ex animo doleo) dixi scripsique plurima et plura quam meminerim: omnia et singula revoco, irrita, falsa et probatu impossibilia sponte et ingenue agnosco atque pronuncio. Neque enim ullum facinus patratum, aut ullam partem honestatis a M. T. unquam violatam vel vidi vel audivi. Si quid suspicionibus etiam indulsî, id omne, ut Christianum

stianum decet, ex animo eijciam, sic ut protestationi Christianæ acquiescens, temeritatem in suspicando libenter Deo καρδιογνώστη fatear.

Promitto etiam bona fide, me in posterum, ubicunque versaturus sim, non tantum huiusmodi maleficanis actibus, dictis, factis et literis abstenturum, sed neque ullo pacto M. T. iniuste et ex proposito offensurum, neque quicquam, quod non deceat, contra M. T. moliturum. Oro autem, quia lubrica est vita hominis, ut si M. T. animadvertat me imprudenter in tale quid vergere, me mei ipsius admoneat: experietur enim me morigerum. Quin imo polliceor, daturum me operam, quod quidem nunquam adhuc mentis compos intermisi, ut omni genere officiorum M. T. ulterius devinciam, et quantum mihi possibile est, superiorumque meorum patitur autoritas, in omnibus honestis rebus, ||
 155a^v quasque M. T. gratas intellexero, obsequium præstem, et sic ipso facto demonstrum, aliter me in M. T. personam esse et semper fuisse affectum, 15 quam ex illa trium septimanarum intemperata dispositione animi et corporis colligi poterat. Et precor, ut ad id præstandum me Deus adiuvet.

[Ex apographo in Archivo Regni Daniæ: Diplomatario Langebekii]

SERENISSIMO PRINCIPI ET DOMINO,
 DOMINO MATTHIÆ, ARCHIDUCI AUSTRIÆ, DUCI
 20 BURGUNDIÆ, STYRIÆ, CARINTHIÆ, CARNIOLÆ
 ET WIRTTEMBERGÆ, COMITI TIROLIS,
 DOMINO SUO CLEMENTISSIMO.

1^r Serenissime et Inclyte Princeps, Domine Clementissime.



25 Q UOD Serenissimam Cellitudinem Vestram ignotus et peregrinus ego hisce compellare audeo, id ut pro sua Heroica et congenita Virtute atque clementia candide et benigne accipere dignetur, humilime oro. Impulit me ad hanc audaciam celeberrima fama de Ser^{mæ} Cel^{nis} Vestræ benignissimo affectu erga qualvis artes ingenuas, 30 præfertim sublimiores illas, quas Mathematicas per excellentiam vocant. Quemadmodum enim Augustissimus et Potentissimus Imperator RUDOLPHUS, V^æ S^æ C^{nis} Dominus Frater, hæc studia plurimi facit atque illis laudabiliter delectatur, sic et V^m S^m Cel^{nem} quadam non minus naturæ quam sanguinis conformitate illa pariter in precio habere 35 a plurimis affirmatur: cuius etiam haud obscura τεκμήρια, cum ante annos plusculos, Daniam Patriam meam transeundo, laudatissimæ memoriæ Regem FRIDERICUM S^a V^a C^o illic invisisset, ad me perlata sunt, quin et paulo post ab Arcis Cronburgicæ Præsides mihi insinuatum

tum Sm Cm Vm in Infulam prioris habitationis meæ Uraniburgicam, Instrumentorum, quæ in usum Astronomicæ instaurationis illic construxeram, visendorum gratiâ transfretare constituiße, quod et factum fuisse, nisi maris irrequietudo et glaciei interveniens importunitas propositum hoc impediissent. Ex eo tempore cœpi Smam Celnem Vm pro meo modulo suspicere et venerari; optaremque, ut consilium illud in Infulam dictam trajiciendi || successus ratos consecutum fuisse. Cum autem nunc gravibus de causis, relicta Patria, uti fert rerum Mundanarum vicissitudo, in ditionem Potentissimi Imperatoris Regnumque Bohemiæ ab eius Cæs^a Maiestate huc clementissime accitus, transmigrârim, sicque Smæ Celni Væ vicinior redditus sim, eo etiam nunc promptius et confidentius animum mihi sumo aliquid ad Serenissimam Celnem Vam literarum dandi, ut erga eam debitum meum obsequium vel aliqua saltem ratione humilime declarem, præsertim cum adeo oportuna id efficiendi modo sese obtulerit occasio, per hunc Generosum et in literis ac linguis bene versatum Iuvenem FRIDERICUM ROSENKRANTZIUM, Sympatriotam et Consanguineum meum, ad vestram Smam Celnem proficiscentem. Cumque Scra Cæs^a Maiestas, Dominus meus clementissimus, sua Augusta apud Vam Ser^m Celnem commendatione et intercessionem (quam ROSENKRANTZIUS secum apportat) eum non dedignata sit, supervacaneum et indecens duco quippiam, quod apud Ser^m Celnem Vm illi promotioni esse possit, ulterius intempestive repetere aut adiungere, hoc saltem dicam, quicquid clementiæ et benevolentiae Serenissima Cel^o V^a in illum contulerit, id non saltem illi, sed toti Rosenkrantzianæ familiæ, quæ in inclyto Regno Daniæ antiquissima et splendidissima est, tum quoque mihi, qui eiusdem stemmatis aliqua pars sum, beneficio nunquam memoria obliterando et officiosissima mente deprædicando præstituram. Idque de hoc viro polliceri possum, eum Ser^{mæ} Væ Celni fidelem et obsequentissimum || futurum, sive privatim in sua Aula, sive publice in bello Ungarico contra Turcam, eius servitiô et qualicumque operâ (est enim ad utrumque humilime paratus) uti voluerit. Deliquit is quidem humanitus et iuvenili quodam lapsu, quod dolendum est, et ipsummet ita contigisse vehementer et ex animo poenitet, nec suum hoc delictum celare aut excusare præsumit, unde in Regis sui, cui per sexennium in cubiculo fidelissime inservierat, indignationem tantam incidit, ut stimulantibus invidis et osoribus, nullus fuerit veniæ locus, quicquid tandem pro culpæ condonatione et redemptione ipse et illi sanguine iuncti humilime offerrent; attamen sperat se, divina fretus misericordia et bonitate, alibi extra Patriam, potissimum vero in Ser^{mæ} Væ Celnis servitio, hanc deplorandæ fortis adversitatem virtute et integritate sua ita superaturum, atque priora illa, fragilitate quadam humana imprudenter commissa, honeste et fortiter gestis diluiturum atque

atque emendaturum, ut tandem, auxiliante divina clementia et Viro-
rum Principum diligenti interceſſione apud Regem ſuum culpæ re-
miſſionem ſubmiſſe impetrare atque in integrum reſtitui poſſit, maximo
5 Nobiliſſimi quique in Regno Daniæ, gaudio et applauſu. Conſidimus
autem omnes, quotquot eius ſortem ex animo dolemus et ad meliora
ipſum reſtitui exoptamus, apud Sam Cel^{nem} V^{am} occaſiones et media
2^v inventurum, quibus fortunæ aſperitatem mitiget atque S^{mæ} || Cel^{nis} V^æ
clementiſſimo favore atque indultu eam vincere et ad potiora emergere
10 poſſit. Quod faxit miſericors et omnis boni largitor Deus.

Cæterum Ser^{mæ} Celⁿⁱ V^æ per dictum ROSENKRANTZIUM ſub-
miſſe mitto duos libros, quos Sacræ Cæſ^æ Maieſtati, Domino et Mæ-
cenati meo clementiſſimo, quam primum Pragam veneram, obtuli, et
unâ addo globum quendam cæleſtem e mea inerrantium ſtellarum ac-
15⁺ curata et diutino tempore exantlata reſtitutione appoſite conformatum;
quæ a tenuitate mea proſecta munuſcula, ut S^{ma} Cel^o V^a clementi animo
accipere, et me meaque ſtudia ſibi commendata habere non dedignetur,
qua poſſum reverentia et ſubmiſſione oro et obſecro. Valeat Ser^{ma} Cel^o
V^a in Reipub^æ ſtabilimentum quam diutiſſime et florentiſſime, et ſucceſſu
20 contra truculentum Chriſtiani nominis hoſtem per Dei benignitatem
felici in poſterum quoque utatur. Dabantur ex Arce Cæſarea Benna-
ticka die 2. Maij Anni 1600.

Sereniſſ. Cell. Veſtræ addiſſi.

TYCHO BRAHE,
manu propria.

[Ex apographo in codice Florentino Archivi publici e collectione Medicea Epist. Concin. vol. 56]

236^r ILLUSTRISSIMO ET GENEROSISSIMO DO-
MINO DOMINO COSMO CONCINO E COMITIBUS PENNÆ
ETC. SERENISSIMI MAGNI DUCIS HETRURIAE APUD
30 SACRAM CÆSAREAM MAIESTATEM ORATORI
DIGNISSIMO DOMINO OBSERVANDISSIMO.
ILLUSTRISSIME ET GENEROSISSIME
DOMINE.



35 IQUIDEM ab Ill^{ma} Dominatione Veſtra, cum nuper
apud ipſam Pragæ eſſem, intellexerim negotium de mit-
tendo ad Ser^{mum} Magnum Ducem Hetruriæ etc. filio
meo, in hoc tantummodo conſiſtere, an is catholicam
Romanam Religionem amplectetur, nec ne; neque enim
Ser^{mam} eius Celſitud^{nem} libenter quempiam in ſua Aula
habere,

habere, qui a dicta Religione alienus sit. Ad hoc equidem, quod respondeam nihil aliud habeo, quam me de eo polliceri posse: Si Ser^{mus} Magnus Dux eum in suam Aulam recipere dignatus fuerit, quod se ita gesturus sit, ut neminem offendat, aut scandalizet, live quoad religionem live alijs in rebus, quemadmodum Nobilem Iuvenem FRANCISCUM TENGNAGLIUM, qui aliquot annis in mea familia fuit, se ita, dum Ser^{mæ} Celsitⁿⁱ eius inserviret, exhibuisse confido, ut nemo isthic habeat, in quo iure de eo conqueri possit. Quod et || pariter præstitit, dum in Ill^{mi} et R^{mi} Cardinalis a DIETRICHSTEIN Aula aliquantisper moratus est. Si vero Ser^{mæ} ipsius Celsitⁿⁱ hæc de religione quæstio aliquid nihilominus scrupuli moverit, posset filius meus unâ cum altero, quem illi adiuncturus sum, studiose, in ipsius Ser^{mæ} Celsit^{nis} Academia, quæ Senis est, inter reliquos Germanos aliquantisper degere, ut studiosum illum nonnunquam in observationibus Astronomicis, iuxta meum præscriptum, isthic peragendis adjuvet; oportet enim ad minimum duos esse, interdum etiam tres, qui eo instrumento utantur, quod ego illis traditurus sum. Confectis autem isthic observationibus præcipuis, navigabit studiosus ille in Ægyptum, et facile ibi alios inveniet, qui instructi in pluribus obtinendis ibi præsto sint; quod propositum ipsius Ser^{nam} Cel^{nem}, quemadmodum clementissime promisit, benignissime promoturam mihi persuadeo. Interim filius manebit isthic in Italia, donec linguam calluerit, quod intra annui temporis spacium fieri posse existimo, ut tunc reversus Sac. Cæsæ Maieſtati Domino meo clementiſſ^{mo} in ipsius Maieſtatis Aula aliquandiu humillime serviat.


Hæc ad Ill^{am} Dominat^{em} referenda habui, et qua possum reverentia Ill^{am} Dominationem Vestram rogatam habeo, ut a Ser^{mo} suo Principe resolutionem certam, quid hac in re sperare posſim, vel secus, tempestive mihi impetrare non || degravetur; ego vicissim omnia mea officiola ipsius Ser^{mæ} Celsitⁿⁱ et Vestræ quoque Ill^{mæ} Dominationi submiſſe deferro. Valeat Ill^{ma} Vestra Dominatio diu et feliciter. Dabantur ex Arce Cæsarea Benatica, 4 Maij Anni 1600.

Ill^{mæ} Dominationi Vestræ addictiſſimus

TYCHO BRAHE,
manu propria scripsi.

† [E codice Florentino Bibl. Nat. inter codices Galileianos Part. VI Tom. VII]

42^v **ADMODUM MAGNIFICO ET EXCELLEN-**
TI VIRO DOMINO GALILÆO DE GALILÆIS, MATHE-
MATICO EXCELLENTISSIMO, AMICO
HONORANDO.

5
41^r  **L**ARISSIME et excellentissime Vir; cum hisce diebus
10 Pragæ fuisset, atque ibi Serenissimi Principis, Magni
Ducis Hetruriæ, Oratorem apud Sa^{ram} Cæ^{lam} Ma^{tem},
Illustrißimum et Generosißimum Dominum COSMUM
15 CONCINUM e Comitibus Pennæ convenisset, inter
alia Illustriß^{mæ} Dominationis eius humanissima mecum
colloquia (uti sane est Vir eximia comitate, parique doctrina, præter
Generis Illustriß^{mum} splendorem, admirandus, nec unquam satis lau-
datus) incidit etiam Excellentie Tuæ honorifica mentio, ob singula-
20 rem, qua, in Mathematicis præsertim, plurimos alios antecellis, erudi-
tionem. Cumque a tanto Viro tuas dotes etiam deprædicari audirem,
stimulavit id prius de Excell^a T^a animo meo conceptam sententiam, ut
non potuerim non has ad ipsam scribere, atque sic amicitie nostræ et
ulterioris inter nos per literas correspondentie fundamenta ponere.
25 Quia vero a Nobili Adolescente FRANCISCO TENGNAGLIO meo
41^v domestico, ex Italia huc redeunte, percepi Excell^{am} Tuam || primum
nostrum Tomum Epistolarum Astronomicarum perlustrasse, atque in
eo nonnulla reperisse, de quibus mecum conferre cuperet, ego certe
idipsum nullatenus detrecto, sed si quid fuerit, quod Ex^a T^a in disquisi-
30 tionem inibi vocare velit, erit id mihi gratißimum, invenietque me ad
respondendum pro meo modulo quam paratißimum: Sive de Hypo-
thesi nostra Cœlestium revolutionum, quæ Solem centrum facit circui-
tionis quinque Planetarum, Terram autem, et eam quiescentem, solum-
modo amborum Luminarium, atque Octavæ, quam vocant Sphæræ,
35 cui assumptioni apparentias quam optime congruere depræhendi, ut
nihilominus tollantur vasti illi Epicycli, quemadmodum apud COPER-
NICUM, et Terra in centro Universi, quod ille non admisit, immota
maneant (sunt etiam particularia quædam in hac nostra inventionem,
quæ neque iuxta Ptolemaicam neque Coperniceam speculationem
40 tam competenter excusari possunt) sive de Restitutione Fixarum Stel-
larum, sive de Cometis, quos omnes in ipso Cœlo curricula sua absol-
vere, contra quam volunt Peripatetici, probro, idque in septem a me
42^r diligenter observatis demonstratum relinquo, || sive de quacunque tan-
dem alia re, cuius in illo libro mentio fit, mecum disserere Excell^a Tua
40 volet, faciat id ingenue pro suo arbitrio. Ego vicissim meam sententiam
illi aperire, atque de rebus Astronomicis cum ea iucunde conferre non
intermittam.

intermittam. Valeat Excell^a Tua quam optime. Dabantur ex Arce Cæsarea Benatica Die 4 Maij Anni 1600.

Excellentiæ Tuæ

studioſiſſimus

TYCHO BRAHE,
manu propria ſcripſi.

5

[E codice Monacensi Bibl. Univ. 693 in 2°]

IOANNES GEORGIUS HERWARTUS

AB HOHENBURG AD TYCHONEM

BRAHE.

10



ITERAS tuas ex arce Benaticâ 8 die Aprilis ad me dadas, Vir nobiliſſime atque Mathematicorum omnium facile Princeps, ſingulari cum lætitia accepi; ex ijs enim perlibenter intellexi, nullas earum, quas ad me miſiſti, id quod unice verebar, vel interiſſe vel interceptas eſſe. Nec eſt quod moram in reſpondendo ulla ratione excuſes; facilius enim plurima et innumerabilia quoque proponuntur, quam vel ad unicum reſpondeatur. Mihi potius adeo frequens iſta reiteratio literarum vitio vertenda foret, ſiquidem alia ratione libros, quos videre petieras, plureſve eorum ſimul unâ ad te tranſmittere potuiſſem.

145^r

15

20

Inprimis vero lætor, mihiſque congratulor, me totam illam hypotheſin Lunæ, poſteaquam ea ad apparentias cœleſtes penitus a te tranſformata fuerit, a benignitate et benevolentia tua ſperare et expecſtare debere. Atque adeo interea temporis ſigillatim aliqua te reſcripturum conſtituiſſe, ex quibus ſententia tua de Lunæ hypotheſi magis eluceſcat. Veriſſimum enim eſſe reor, me præciſius iuſto calculum de Luna inſtituiſſe. Cæterum id a me propterea deditâ operâ et ſummo ſtudio ita factum eſt, ut abſque calculi errore mentem tuam de curſu Lunæ plane lubrico et vario aſequi poſſem, tametſi verear me nihilominus ſubinde errare. Facies itaque mihi rem gratiſſimam, ſi, dato et conceſſo tibi otio, viam mihi demonſtraveris, qua intimius ſententiam hac in re tuam aſequi valeam. Abunde enim mihi nunc temporis ſatiſfactum erit, ſi ea, quæ tu ex accuratiſſimis obſervationibus tuis hætenus conſtituiſti, calculo venari ſeu imitari queam.

25

30

35

Libros illos, quos ex Bibliotheca Ser^{mi} Principis mei ad te tranſmiſi, curabo, ut Ser. Clementiæ ſuæ Agens, cum is in aulam Imperatoriam redierit, ſub indice et designatione eorum recipiat et mihi remittat. Manuſcripta illa, quæ CYPRIANUS LEOVITIUS ἀνέκδοτα reliquit, per intermedias perſonas petieram et quidem inſtantiſſime efflagita-
veram,

40

veram, sed frustra et incaſum laboravi, oleumque et operam perdidī,
ideoque captata occasione me ipſe Auguſtam contuli, et præſens coram
ea ab Generoſo Domino PHILIPPO EDUARDO FUGGERO Barone
etc. petij atque impetravi; ea itaque tibi mittam, quam primum ſecu-
ram aliquam rationem mittendi perquirendo inveſtigare poterō. Car-
men quoque tibi mittam brevi, quod, uti ſpero, non diſplicebit. Atque
hiſce me tibi officiōſiſſime commendo. Datæ Monachij 4 die Maij A. 1600.

[E codice Baſileenſi G I 35]

TYCHO BRAHE AD CHRISTIANUM

SECUNDUM, ELECTOREM SAXONIÆ.

ILLUSTRISſIME ET INCLYTE PRINCEPS, DOMINE
CLEMENTISſIME.



UM Illuſtriſſima Celſitudo Veſtra me, licet peregrinum
et de facie ignotum, ſuas Ditiones, quas adminiſtrat,
tranſeuntem, Clementiſſimo alloquio dignata ſit, et tor-
que aureâ cum ſuâ effigie donârit atque denuo Torgæ,
dum in itinere eſſem Bohemico, ad ſe in Arcem invitârīt,
non poſſum non hanc Illuſtriſſimæ Celſitudinis Veſtræ
erga me, nihil eiuſcemodi promeritum, benigniſſimum favorem hu-
milime agnoſcere atque recolere. Cumque me imparem fatear ad quip-
piam, quod tanto Principi viciſſim gratum ſit, præſtandum, id ſaltem
ſubmiſſe polliceri poſſum, me ſemper huius Clementiſſimæ erga me
voluntatis et beneficentiæ, quam apud ipſam expertus ſum, quoad vix-
ero, || memorem futurum, atque apud alios deprædicaturum. Verum
enimvero ne prorſus meo officiolo deſuiſſe videar, licet, uti dictum,
longe inferior ſim, quam ut remunerationis loco pro benigniſſimis ſuis
erga me meritis retribuere quid valeam, ne tamen omninō ingratus
atque horum immemor videar, ex tenui penu, quæ pro meo modulo
poſſum, depromo atque ad Illuſtriſſimam Veſtram Celſitudinem per
Dominum Doctorem IEſſenium, in inclyta Veſtræ Cel^{nis} Academia
Wittebergæ Profeſſorem, meum, dum aliquamdiu iſthic morarer, ho-
ſpitem, me hîc in Bohemiâ proximis diebus inviſentem, humilime
mitto, nimirum de Inerrantium Stellarum accurata reſtitutione lib-
rum, plurimorum || Annorum ſtudio et labore partum, atque unâ Glo-
bum Cœleſtem, in quo Affixæ Stellæ iuxta hanc ipſam a nobis exant-
latam verificationem operâ cuiuſdam artiſcioſi Batavi in Inſula prioris
meæ habitationis Uraniburgica, Regni Daniæ, Patriæ noſtræ, ſolerter
et accurate, quantum hæc fert Mechanicæ Sphæræ magnitudo, repræ-
ſentatæ ſunt. Oroque Ill^{mam} V^{ram} Cel^{nem} debitâ ſubmiſſione et reve-
rentiâ,

rentiâ, ut hæc munuscula ab homine Ill^{mæ} V^{ræ} Cel^{nis} observantißimo profecta non aspernari velit, sed Clementißimo animo suscipere atque me in posterum etiam sibi commendatum habere non dedignari. Pluribus Ill^{mam} V^{ram} Cel^{nem}, gravißimis || suarum Ditionum administranda- 117
rum curis occupatam, interpellare nolo, neque enim decere arbitror 5
de privatis meis rebus ad Ill^{mam} V^{ram} Cel^{nem} quippiam perscribere, quas tamen si Ill^{ma} V^{ra} Cel^{do} aliquatenus cognoscere non degravatur, a præ-
nominato Doctore IESSENIO percipiet, quantâ Clementiâ et benigni-
tate Auguñißimus et Potentißimus Imperator RUDOLPHUS, Domi- 10
nus noster Clementißimus, me subiectißimum suum clientem hñc sus-
ceperit, et studia mea, quæ diu multumque molior, Astronomica, præ
suspiciendâ et nunquam satis laudatâ ipsius Sacræ Cæs^æ Mat^{is} erga om-
nes liberales Artes, inprimis vero Mathematicas, affectione et favore
Clementißimo, fovere et promovere dignata est, rem hanc a summo, 15
quod gerit in terris, officio non alienam neque se indignam censendo.

Deus opt. Max. Universi author, ipsius Cæs^{am} Mat^{em} in totius Reip^æ
Christianæ et bonarum literarum tutelam atque propagationem quam
diutißime nobis incolumem conservet, cui etiam æviterno Numini Di-
vino Ill^{mam} V^{estram} C^{nem} unâ cum Ill^{ma} coniuge et liberis inclytis toto 20
pectore pariter commendo: in quo etiam ut I^a C^o V^a vivat, valeat et
floreat diutißime, optime, prosperrime, ex animo precor. Dabantur ex
Arce Cæsareâ Benaticâ Die 6 Maij stylo novo Anni 1600.

[E codice Basileensi G I 35]

TYCHO BRAHE AD RUDOLPHUM

CORRADUCIUM.

ILLUSTRIS ET GENEROSE VIR, DOMINE

OBSERVANDISSIME.



UM rumor hñc nuper increbuißet, Sacram Cæs^{am} Mat^{em},
Dominum nostrum Clementißimum, Pragam sub initia
modo elapsæ hebdomadæ redituram, et unâ cum ea vest- 30
ram Ille^m Dom^{nem} ibi affuturam, mox eo excurrens nihil
magis in votis habui quam vestram Ille^m Dom^{nem} coram
intueri et officiosiße compellare, prout magno eius rei
desiderio diu flagravi. Et licet Ipe hac nunc frustratus sim, id tamen
propediem meliori succeßu futurum confido. Interim domesticum il- 35
lum meum, qui prius Pilsnæ fuit, isthuc ad vestram Ille^m Dom^{nem} denuo
ablego. Et quoniam FRANCISCUS TENGNAGLIUS noster, qui meo
nomine vestram Ille^m Dom^{nem} ibi convenit, mihi, cum in procinctu esset
sui isthinc in Patriam abitus, per literas fiduciam fecit de nonnullis,
quæ

quæ Sacra Cæsa Ma^{tas}, intercessionem Illustris Dominationis vestræ,
 mihi Clementissime indulget, quorum tamen necdum, ob alias inter-
 venientes remoras, compos factus sum: idcirco Ill^{em} Dom^{em} vestram,
 qua possum reverentia rogatam habeo, velit, quatenus per alias suas
 5 gravissimas occupationes licet, ut ea executioni committantur, efficere
 non degravari, inprimis vero quod Prædium illud hîc in veteri Ben-
 118^v naticka mihi Clementissime ab ipsius Cæsa Ma^{te} deputatum || (illud
 enim necdum, licet anni tempus eius culturam urgeat, accepi) si ita-
 que Ill^{ris} Dom^o vestra ad Capitaneum Brandeisensem hac de re pau-
 10 culis scribere atque ei ex Clementissimo Sacra Cæsa Ma^{tis} mandato
 serio iniungere, ut Prædium mihi hoc absque diuturniore dilatione
 aut apud alios sollicitatione tradat, non dubito, quin is sit obtempera-
 15 turus: tum quoque ut vestra Ill^{ris} Dom^{io} de ædificijs his Benaticensibus
 pro Instrumentis meis parandis, et si quæ sunt alia huc facientia, qua-
 tenus fieri debeant vel secus, ut eorum structura diu iam neglecta com-
 pleatur, provisionem [com]petentem facere velit. Omnia enim hîc ni-
 mis lente et difficulter procedunt, nec habeo commoda loca, in quibus
 organa mea Astronomica, ubi huc Magdæburgo et Hamburgo adlata
 fuerint, reponam, quo ab iniuria aëris et pluviarum tuta sint. Sed de
 20 his atque alijs, quæ necessitas cogit me ad vestræ Ill^{ris} Dom^{is} opem et
 promotionem confugere, is, quem nunc denuo mitto, plenius [per]
 oportunitatem exponet. Nolo itaque Ill^{rem} Dom^{em} vestram alijs quam
 plurimis gravissimis Reipub. curis distentam hisce remorari. Deus Opt.
 Max. eam quam diutissime feliciter valere et florere faciat. Datæ ex
 25 Arce Benaticka die 6 Maij Anno 1600.

[E codice Basileensi G I 35]

120^r **MAGNIFICO ET NOBILISSIMO VIRO,**
 DOMINO IOHANNI BARVITIO, SACRÆ CÆSAREÆ MAIE-
 STATIS SECRETARIO SUPREMO ET A CONSILII INTI-
 30 MIS, DOMINO ET AMICO HONORANDISSIMO.

119^r **MAGNIFICE ET NOBILISSIME VIR, DOMINE**
ET AMICE HONORANDISSIME.



35 **Q**UONIAM ea, de quibus Mag^a V^a mihi per domesticum
 meum, quem ultimo Pillnæ habui, spem fecit, brevi ef-
 fectum exoptatum habitura, adhuc infecta hæreant, et
 frustra hac præterlapſa septimana cum Sacra Cæsa Maie-
 ſtate, Domino nostro Clementissimo, V^æ Mag^æ acceſſum
 a multis pariter ſperatum per aliquot dies Pragæ ex-
 40 pectarem, cogor denuo (ſiquidem res ulteriorem moram vix patiatur,
 et incertus ſim, quam cito S^a Cæsa Ma^{tas} eo redire decreverit) eundem
 familiarem

familiarem ad vos amandare, ut si per alias multiplices occupationes fieri nunc commodius quam antea possit, plenariam aliquam resolutionem obtinere queam, quod Mag^æ V^æ favorabili intercessionem me impetraturum confido. Quænam vero illa sint, de quibus || adhuc sollicitus detineor, is, quem amando, V^æ Mag^æ rectius et plenius, quando ipsum audire commodum fuerit, exponet, ut non opus sit multis verborum ambagibus, eam alias occupatissimam hisce literis ulterius interpellare. Rogo autem Mag^{am} V^{am} officiose, quemadmodum semper sua benevolentia mihi præsto fuit, sic etiam nunc non deesse velit. Inveniet me semper pro mea tenuitate eius vicissim studiosissimum et obfervantissimum. Valeat Mag^a V^a quam diutissime et quam || felicissime. Dabantur ex arce Benaticka die 7 Maij Anni 1600.

[E codice Basileensi G I 35]

NOBILI ET CLARISSIMO ERUDITISSIMO-
QUE DOMINO IOHANNI IESSENIO A IESSEN, PHILO-
SOPHIÆ ET MEDICINÆ DOCTORI ET PROFESSORI
VITEBERGENSI PUBLICO, AMICO SUO
SINCERE DILECTO.

S.




LOBUM, quem Illustrissimo Principi tuo destinâram, nunc ad te mitto, amantissime Domine IESSENI, ut tuam rectius redimam isthic fidem (si quid de eo iam ante accedum scripsisti) quam tu propriam apud me, in eo, quod te huc rediturum pollicitus es, licet iam id ignorare ais atque detrectas. Addidi librum de Fixarum restitutione accuratissima viginti Annorum indefesso labore exantlata, eumque in membranam exaratum, tum pariter Electori Saxonie (cui Celatitudini inclyto unâ scripsi) meo nomine humilime a te adferri cupio, ut habeat eius Celatitudo Canonicam Stellarum expositionem in promptu, si forte aliquando maiorem globum confieri curare velit. Exoptarem autem hunc Abacum stelliferum, cuius similem priora secula (absit invidia dicto) vix viderunt, ipsius Celatitudo sibi soli reservare velit, nec alijs communicare, ne sint, qui nostra inventa sibi arrogent atque ijs abutantur, prout aliquoties mihi in alijs quibusdam contigit. Habes etiam hic Mechanicæ Astronomicæ exemplar Magnifico Domino Cancellario Vestro ex me, præmissa officiosa salutatione, porrigendum. Subscripsi saltem nomen meum, tu titulum eius, quem non satis perspectum habeo, superius appone, et librum, si sic lubet, compingi effice, antequam illi exhibeas. Adiunxi insuper literas ad nobilissimum Virum, Dominum GEORGIUM

GEORGIUM a WOLFRAMSDORF, Cubicularium eiusdem Principis, quas illi tradas velim. Habet præterea [DANIEL?] secum exemplar pro Illustri Domino Cancellario Bohemico, quod illi exhibere vellet, ubi convenienter ligatum fuerit. Sic satis superque obtines ea,
 5 quæ tibi redeunti committere in me recepi. Tuum est, si promissi memor esse velis, ea, quæ a Domino MECKERO expiscanda tibi concredidi, ad me per literas ante abitum referre, et Procuratorem illum, de quo scis,
 121^v huc ad me dirigere, || ita ut cum DANIELE revertente accedat. Tu vero, mi IESSENI, feliciter domum redi, atque quam optime vale. Dabantur
 10 ex arce Cæsarea Benatica die 7 Maij Anno 1600.

[E codice Basileensi G I 35]

122^v DEM EDELEN, GESTRENGEN VNDT
 EHRENUEHSTEN GEORGEN VONN WOLFRAMSDORF,
 ERBSESSEN VFF VOLLMERSHAIN ETC., FURST-
 15 LICHEN SECHSISCHEN CAMMER IUNGK-
 HERN ZUE TORGAW, MEINEM INN-
 SONDERS GUNSTIGEN VNDT
 GUETEN FREUNDT.

122^r DLER, Gestrenger, Ehrenuehster Innsonders gönstiger
 20 vndt guetter Freundt, Dem Herrn sein meine willige ge-
 flissene dienste hier wiederumb nach Vermögen zuuor.
 Vndt wann es demselben glücklich vndt wohl ergienge,
 wehre es mihr gantz lieb vndt angenehm zuerfahren.
 25 Deß Herrn an mich gethanes schreiben, *sub Dato* Tor-
 gaw den 3 Martij, habe ich vonn dem H. Doctore IESSENIO wohl
 empfangen, durch welchen ich auch den herrn hienwieder mit einen
 schreiben freundlich zuersuchen nicht hab vnderlassen können. Be-
 langende meinen vndt der Meinigen Zuestandt alhier inn Konnigreich
 Behemen, ist derselbige vndter Ihr Kayf. May. Vnser allergnedigsten
 30 herrn, gnedigsten schutz vndt Gottlob inn guetten wesen, wie der herr
 mitt mehren Vmbständen vonn dem obgedachten herrn Doctore IES-
 SENIO, vnserer beider gueten freundt, vernehmen kan. So ich alhier
 dem herrn im Kayßerlichen hof oder sonsten etwas dienstlich sein
 kondte, wil ich allzeit nach meinen Vermögen willig darzue erfunden
 35 werden. Von Newer Zeittung weiß ich nichts sonderlichs zueschreiben;
 allein das man sagt, das der Türck sich gar starck, vndt noch mehr als
 zuuor, ruste. Vnser gnedigster Kayßer ist noch nicht vonn Pillen gen
 Prag wieder ankommen; Man verhoffet aber, das Ihr Maiestet mitt
 dem

dem ehrſten wieder alda ſein werde; vndt ſeindt die Mulcowiteriſchen
geſandten, als mann vermeinet, || auch dahien gefodert, alda ihr gentz- 122v
liche abfertigung zueerlangen. Mann iſt auch etzlicher anderer ge-
ſandten der deutſchen Fürſten alda Vermuthen. Diß habe ich alſo dem
herrn vff ſein ſchreiben wiederumb zuerkennen geben wollen. Vndt 5
thue vns hiermitt ſambtlichen dem Allmechtigen Gott inn ſeinen Vät-
terlichen Schutz vndt beſchirmung trewlich befehlen. *Datum* vff dem
Kayß. Schloß Benatky den 8 *Maij Anno* 1600.

D. H.

Allzeit Dienſtwilliger 10

[E codice Basileensi G I 23]

†

NOBILISSIMO ET AMPLISSIMO VIRO, 55v

DOMINO TICHONI BRAHE, VIRO INCOMPARABILI.

IN ARCE CÆSAREA BENATICA.

NOBILISSIME ET AMPLISSIME

54r

DOMINE.



RES iam ſeptimanæ abierunt, ex quo redditæ mihi ſunt
litteræ, quas ad me dedisti IX Martij. Sed neque eas ac-
cepi, quas memoras datas ſub finem anni ſuperioris,
neque FRANCISCUM TENGNAGLIUM vidi, quem 20
a te tanto viro commendatum, omnibus fuiſem officijs
proſecutus. Non gravaberis itaque repetere, et quæ illis
litteris erant explicata, et quæ huius fidei commiferas. Me certe, magno
tuo merito, habebis ad omnia, quæ quidem erunt meæ poteſtatis, ſem-
per paratiſſimum. Nec addo plura: mandata tua expecſto cupide. Tuas 25
in poſterum ad me tuto poteris committere bibliopolæ ei, qui CLAUDIJ
MARNIJ WECHELIANI officinæ præeſt Pragæ.

Vir Nobiliß. Deus te ſervet incolumem. Francofurto ipſis Kal. Maijs
1600.

Nominis tui ſtudioſiſſimus 30

BONGARSIUS.

[E codice

[E codice Basileensi G I 35]

†
123^r TYCHO BRAHE AD ANONYMUM.

ILLUSTRIS ET GENEROSE VIR, DOMINE
OBSERVANDISSIME.



5 E ijs, quæ nuper ad Illustrem Dominationem Vestram
per meum, quem isthuc ablegavi, domesticum perscripti
et referri volui, nunc pluribus non agam, ne eadem re-
petendo ei nimium molestus videar, sperans nihilomi-
10 nus, Illustrem Dom^{em} Vestram desiderijs meis lubenti
animo annuituram, atque ut res optatum finem sortia-
tur, effecturam. Verum aliud quid incidit, de quo nunc Dominationem
Vestram reverenter et obnixe rogandam duxi. Venit hisce diebus huc
e Dania quidam Generosi Stemmatis Iuvenis, e splendoribima et anti-
quibima ROSENKRANTZIORUM familia isthic oriundus, FRIDE-
15 RICUS nomine, qui Regis per sexennium Cubicularius fuit. Is militi-
am aliquandiu sequi et in ea se exercere in animum induxit, et primum
Serenissimo Principi, Archiduci Austriæ, Domino MATTHIÆ, Sacræ
Cæsareæ Maiestatis, Domini nostri clementissimi, fratri, aliquantisper
in aula ipsius Cellitudinis humilime inservire cupit, ut paulatim addi-
20 scendo mores et consuetudinem earum regionum in bello Ungarico
postea inter equitatus exercitum locum oportuno pro se et sibi in-
servientibus aliquot equitibus obtinere possit. Quare cum dictus RO-
SENKRANTZIUS mihi non saltem consanguinitatis iure iunctissimus
existat, sed et ab intimis in patria nostra eius de causa per literas roga-
25 tus sim, ut, quantum in me est, conatus ipsius promovere laborem, id-
circo ad Illustrem Generositatem Vestram confugio atque ab ea quam
officiosissime peto, ut illi literas ad Serenissimum Austriæ Archiducem,
Dominum MATTHIAM, intercessionibus procurare non degravari velit,
quo eo facilius et promptius in eius Cellitudinis aulicum servitium re-
30 cipi et postea in Ungaria contra Turcas militare et suam fortunam ex-
periri queat, sicque virtutis bellicæ laude, ad quam strenue aspirat (utut
aliàs non saltem genere clarus sit, sed et in literis bene versatus, simul-
que Latinæ, Italicæ, Gallicæ et Hispanicæ linguæ, præter Teutoni-
cam et vernaculam, gnarus) ornatior ad suos aliquando redeat, et Pa-
35 triæ eo magis in posterum usui esse possit. Sed quia de Illustribus Dom^{is}
V^æ erga me singulari benevolentia, quam aliàs satis perspectam habeo,
nihil addubitem, eam etiam hac in parte meæ expectationi non de-
123^v futuram confido. Ideoque illam aliàs occupatissimam || ulterius remo-
rari desino. Deus Opt. Max. Illustrem Dom^{em} Vestram quam diutissime
40 sospitem conservet. Dabantur ex arce Cæsarea Benatticka die 15 Maij
Anno 1600.

[E codice

[E codice Basileensi G I 35]

CLARISSIMO ET EXCELLENTISSIMO 128^v
 VIRO, DOMINO IACOBO MONAVIO, PATRITIO VRATISLAVI-
 ENSI, ILLUSTRIS DUCIS SILESIAE CONSILIARIO
 DIGNISSIMO, AMICO SUO INPRIMIS 5
 HONORANDO.

S. P.

128^r

UAS circa Martij medietatem ad me dedisti literas, Ex-
 cellentiß. Domine MONAVI, amice inprimis honoran-
 de, eas nuper accepi, cum autem non suppeteret certus 10
 tabellarius, responſionem hucusque distuli, quam etiam
 nunc accurtare cogor, siquidem plurimis alijs distrahar
 negotijs, nec tamen per internuntium hunc sponte sese
 offerentem occasionem datam negligere lubuit. De Typographo itaque
 vestro sic habe: Videtur is plus iusto poscere, cum Witebergæ vel Lipsiæ 15
 longe minori pretio mea excudi possint, ubi etiam id effici curabo, si
 propria mea typographia huc satis mature non advenerit.

Domino Doctore FISCHERO brevibus, prout hæc otij penuria ex-
 igit, rescripsi, ut gratum ipsius in me studium mihi esse cognoscat. Si
 literas illas SCULTETUS noster ad eum non direxerit, sed ad te per- 20
 venerint, ut illi per oportunitatem mittantur, provideas quæso.

Libros Witichianos me iam facilius obtenturum existimo, quam dum
 tenax et difficilis eius soror vixit. Non tamen omnes cuperem, sed so-
 lummodo eos, quos in apposita scheda ex relatione veteris mei dome-
 stici, M. CHRISTIERNI LONGOMONTANI, tibi noti, qui mecum 25
 nunc est, denotavi. Si tamen separatim inde nihil relictæ pupilli tutores
 dividere voluerint, me de iusto omnium precio certiozem redde, aut,
 si fieri possit, solummodo || eorum, quos consignavi. Sin vero omnino 128^v
 renuerint inde quippiam distrahere, da saltem operam, ut tua inter-
 posita fide eos, quos maxime vellem, per pauculas septimanas mutuo 30
 obtineam; restituam ad præfinitum tempus integre et inviolate.

Ad Dominum DANIELEM BUCRETIUM, quem memini me se-
 mel atque iterum olim in Insula nostra Uraniburgica invisiße, literas
 etiam dedi, de observationibus, si quæ supersunt, ab hæredibus illius,
 qui aliquando apud vos fuisse dicitur, Astronomi impetrandis, quas 35
 velim illi tradi, et responsum mature urgeri.

Cum ante paucos dies hic mecum fuisset Generosus Baro CARO-
 LUS de WARTEBERG, catalogum librorum totius Bibliothecæ op-
 timæ recordationis Domini ANDREÆ DUDITHIJ mihi inspicien-
 dum dedit, qui etiamnum penes me est, illi restituendus, cum instanti- 40
 bus diebus festis eum, prout ab eo rogatus promisi, in sua arce 7 mili-
 aribus


aribus hinc distante D. V. invisero. Optarem itaque, ut interea ab hæ-
redibus, sive per te ipsum, sive alium aliquem, expiscari velis, an ali-
quos ex ijs, qui mihi maxime arriserunt, videndi copia concedi possit,
et an separatim nonnullos venundare velint; vix enim emptorem pro
5 univërſa Bibliotheca invenient. Si id, quod deſidero, fieri poſſe, a te in-
tellexero, mittam designationem eorum, quos potiſſimum expeterem,
quod et nunc feciſſem, niſi otij penuria omnium plenariam perlustra-
tionem impediſſet.

Cæſar necdum Pilſna Pragam reverſus eſt, neque certo conſtat, quam
10 cito id fiet; ſperamus tamen ſtatim a Pentecoſtes feſto ipſius Maieſtatem
adventuram. Aderunt etiam tunc aliquot, uti aiunt, Germaniæ Prin-
cipum Legati. De rebus Ungaricis nihil nobis hîc innotuit, quod non
pariter ad vos relatum exiſtimem.

Anglici et Danici Legati nunc Embdæ conveniunt, res magni mo-
15 menti invicem tractaturi, de quibus ſi inter eos non convenerit, peri-
culum eſt, ne diſenſio illa bellum pariat, quod tamen Deus avertat,
cui te tuaque omnia commendo, in quo etiam ſanus vale et vive cum
omnibus. Dabantur Benaticæ 16 Maij A. 1600.

[E codice Baſileenſi G I 35]

130^r **CLARISSIMO ET DOCTISSIMO VIRO,**
DOMINO TOBIÆ FISCHERO, PHILOSOPHIÆ ET MEDICINÆ
DOCTORI EXIMIO, AMICO SUO INPRIMIS
DILECTO.

129^r  **LARISSIME** et præſtantiſſime vir, accepi quidem literas
25 tuas unâ cum carminibus in mei gratiam a te eleganter
et erudite concinnatis, antecedente anno, cum primum
Pragam veniſſem, a Domino Doctore SWALBIO, com-
muni noſtro amico, mihi redditas, tum quoque alteras
hoc ipſo anno Menſe Martio ad me datas. Verum quod
30 hætenus neutris reſponderim, velim occupationum mearum multi-
tudini, quodque varie interea partim locorum mutationibus, partim
alijs impedimentis diſtractus fuerim, tribuas, meque pro tuo ſingulari
candore excuſatum habeas. Fuerunt ſane utræque illæ literæ mihi
longe acceptiſſimæ, nam præter inſignem humanitatem pari erudi-
35 tionis coniunctam, quæ inde ſatis ſuperque elucebat, eximium etiam
et ſincerum erga me, licet de facie tibi ignotum, amorem et animum
candoris integerrimi refertiſſimum affatim oſtendebant, pro qua tua
in me ſincera, licet antea nihil tale a te promeritum, benevolentia tibi
gratias habeo quam maximas, et te viciſſim intime diligere, atque in
amicorum

amicorum, quos selectiori albo inscribo, annumerare non definam, daboque operam, ne te certâse priorem poeniteat.

Coeterum quod ad carmina illa tua, quæ etiam mihi longe gratissima erant, attinet, velim, ut in meliorem partem accipias, quod paucula quædam in ijs alterârim, prout metri illius genus postulare videbatur 5 secundum eos criticos, qui libertatem illam, qua tu nonnunquam usus es, curiositate quadam non facile admittunt. Quid vero pauculis in locis mutatum sit, carmen illud denuo exaratum et excellentiâ. Domino MONAVIO (si recte memini) transmissum patefaciet. || Nescio 129^v tamen, an ultimus versus isthic ita transformatus sit, prout postea (ni 10 fallor) incidit, qui sic habet:

*Gloria vana rudis vulgi, laus una placere
Bonis, malorum negligere calumnias.*

Laudo ingenium tuum, laudo venam mellifluam et delicatam, et si plura eiusmodi aut etiam alio carminis modo per otium luseris mecumque communicaveris, erit id mihi gratum, eaque prioribus adiungam. 15 Coacervo multorum excellentium Poëtarum mea de causa, postquam patria exceßi, exarata Poëmata, donec libellum aliquem mediocrem adimpleverim; videbis suo tempore sylvulam.

Opera mea Astronomica tibi impertiri necdum licet, ea enim ad manus non habeo, nam sunt inter res meas, quæ adhuc Magdeburgi 20 reservantur, brevi tamen ex clementissima voluntate Cæsaris huc advehenda, neque etiam omnia, quæ typis prius inchoata habeo, plane ad colophonem deducta sunt, ob eam, quæ mihi in Patria evenit, studiorum conturbationem. Spero tamen, me, favente divino Numine, 25 cuius provisu Cæsarea Maiestas e tanto naufragio hunc portum, tantisque turbulentijs hoc otium benignissime mihi indulgit, ea, quæ desiderantur, propediem absoluturum, et plura additurum; tunc te voti compotem haud invite reddam, interea morulam intervenientem || pro 130^r tuo candore in meliorem partem accipe. 30

Globi MERCATORIS, de quibus scribis, iam ferme antiquati sunt, vixque, quod sciam, reperiuntur exemplaria. Duo talium parandorum artifices Batavi, quorum unus Amsterodami IACOBUS FLORENTIUS, alter Alcmariæ WILHELMUS IANUS nominatus, globos secundum nostram in fixis sideribus restitutionem diligenter elaborârunt. 35 Quorum posterior dimidium annum mecum in Insula nostra Uraniburgica fuit, atque ibidem stellas suo, quod attulit, globofo corpori, me circiter millenas illi concedente, insignivit. Si aliquam ex his nancisci posses reformationem, diceres MERCATORIS vel aliorum globos, ex erroneis stellarum canonibus, non autem cœlitus verificatis locis, conformatos, ijs non æquiparari posse. Nescio, an Francofurtum 40 hi

hi neoterici advehantur, sed si Bohemiam aliquando ingreſſus me in-
viferis, exemplum monſtrabo, tunc ſimul alia, quæ penes me elabo-
rata habeo, ſiquidem te etiam his ſtudijs affici videam, lubens oſten-
dam, tecumque de talibus iucunde conferam. Vale. Dabantur ex arce
5 Cæſarea Benatika 16 Maij A. 1600.

[E codice Baſileenſi G I 35]

131^v CLARISSIMO ET PRÆSTANTISSIMO VIRO,
DOMINO DANIELI BUCRETIO, PHILOSOPHIÆ ET
MEDICINÆ DOCTORI EXIMIO VRATISLAVIÆ
10 DEGENTI, AMICO SUO INPRIMIS
DILECTO.

131^r S. P.



15 LARISSIME et præſtantiſſime vir, vetus illa inter nos,
cum me in Infula prioris habitationis Uraniburgica, dum
in iuventute peregrinareris, ſemel atque iterum inviſiſti,
contracta notitia, cuius te adhuc memorem eſſe non du-
bito, efficit, ut eo liberius hoc tempore ad te ſcribam,
præſertim cum aliquid inciderit, in quo tua opera mihi
uſui eſſe poſſit, quod et te mihi non denegaturum, ſingularis tua huma-
20 nitas et erga me, prout a M. CHRISTIERNO LONGOMONTANO,
qui ante biennium apud vos fuit, et nunc apud me eſt, intellexi, bene-
volum ſtudium, alias etiam mihi perſpectum, fidem facit. Eſt autem
eiuſcemodi.

Retulit mihi priori anno excellentiſſ. vir, Dominus D. HIERONI-
25 MUS TREUTLERUS, cum ſimul Pragæ eſſemus, Vratiſlavij aliquando
fuiſſe Aſtronomiæ vel etiam Aſtrologiæ iudiciariæ impenſe addiſtum
virum, quem obſervationes quaſdam in motu Aſtrorum obtinuiſſe aie-
bat, quas etiamnum filius eius ſecum reſervârit. Quare te per veterem
noſtram amicitiam rogatum cuperem, ut a filio illo vel alijs hæredibus
30 mihi obſervationum illarum, quotquot adhuc in promptu ſunt, copiam
impetrare velis. Etſi enim vix credere queam, eas ad tantam præciſio-
nem deductas eſſe, quantam ego in talibus requiro, et rei inquirendæ
ſubtilitas per ſe poſtulat, cum idoneis organis proculdubio deſtitutus
† fuerit, tamen qualeſcunque tandem ſunt, eas obtinere averem. Eſt ali-
131^v quid prodire tenus, ſi non datur ultra. || Si itaque id, quicquid eſt ob-
ſervationum, ad mundum accurate deſcriptum, tua interceſſione et
diligentia conſecutus fuero, officium, quovis alio, quantum per me
licet, compenſandum, mihi hac ratione præſtiteris. Vale. Plura enim
ob aliarum occupationum molem nunc non vacat. Salutat te ſupra-
dictus

dictus M. CHRISTIERNUS officiose, et pro pristinis illi, cum apud vos esset, beneficijs, non saltem is, sed et ego, gratias agimus. Scripturus est ipsemet tibi, cum rectius vacarit. Iterum quam felicissime vale. Datæ ex arce Cæsarea Benatika 16 Maij A. 1600.

[E codice Vindobonensi lat. 10703 foll. 151—152; cf. cod. Vindob. lat. 10686³⁸ foll. 4—5]

†5

TYCHO BRAHE AD IOANNEM KEPLERUM.

HGO TYCHO BRAHE de Knudstrup et Uraniburg in Regno Daniæ, nunc vero Sacræ Cæsæ Mat^{is} cliens in arce Bohemiæ Bennatica habitans, notum facio omnibus et singulis hæc litteras inspecturis, cuiuscunque status, dignitatis et conditionis fuerint, earundem exhibitorem, ornatissimum et eruditissimum virum M. KEPLERUM, Ill. Ducatus Styriæ Statuum Mathematicum, hoc labente Anno Epochæ Christianæ 1600 ab initio mensis Februarij usque ad finem Maij, per quatuor nimirum intercedentes menses pro maiori parte hîc in dicta Cæsaris arce Bennatica mecum fuisse, seque interea in meo convictu honeste geßiße et apprime diligentem operam in exercitijs et studijs Astronomicis præstitiße, intermediantibus meis iustæ magnitudinis et conformationis instrumentis et observationibus multiplicibus atque diutinis, mutuaque inter nos de talibus atque alijs ad Philosophiam facientibus colloctione: ut omnino mihi persuadeam, illum id temporis non minus frugifere hîc collocaße, quam si interea domi desedißet, imo si absque invidia id affirmare liceret, longe utilius. Quo nomine etiam eius præsentia et conversatio mihi imprimis grata extitit, multoque adhuc gratior futura, si eadem in posterum sæpius et diutius concedi poterit.


Quapropter omnibus illustribus, præstantibus et cordatis viris prænominatum M. KEPLERUM de meliore nota quam commendatissimum esse cupio, utque eius laudabile propositum et conatus egregios in hac sublimi et a vulgi captu semota scientia ulterius et plenius excolenda adiuvent et promoveant, quibus possum precibus obnixi et officiose rogo atque obtestor: fecerint sic meo equidem iudicio Reipubl. litterariæ, præcipue vero divinæ illius Astronomiæ totiusque eruditæ Matheſeos alumni rem admodum utilem atque acceptam, quin et non saltem ipsi M. KEPLERO commodam, sed et mihi ob conformia studia longe gratissimam, ac quocunque per me licuerit officio vicissim compensandam et obsequiosa mente perpetuo recolendam. In quorum omnium evidentio rem et plenior em testificationem sigillum meum apposui

apposui et propria manu subscripsi. Actum in arce Cæsarea Benna-
ticha inchoante mense Iunio Anno 1600.

TYCHO BRAHE,
manu propria.

5† [E codice Basileensi G I 23]

62v **MAGNIFICO NOBILISSIMO ET AMPLISSI-**
MO VIRO D. TYCHONI BRAHE, MATHEMATICORUM SE-
CULI NOSTRI ET PRÆSERTIM APUD SACRATISSIMAM
CÆSAREAM MAIESTATEM PRINCIPI, DOMINO
10 ET AMICO SUMME OBSERVANDO.
BENNATICÆ BOHEMORUM.

61r  **M**AGNIFICE Domine TYCHO, Vir præstantissime: Non
15 vulgari lætitia fui affectus, quando mihi redditæ sunt
literæ tuæ XVI Maij scriptæ, e quibus libentissime co-
gnovi, meas, quas mense Martio scripseram, rectâ per-
venisse in manus tuas. Eram enim de ijs nonnihil sollici-
tus, postquam mißæ fuerant ad illum, quem Pragæ non
invenerant.

Ad typographum nostrum quod attinet, facile poteram cogitare hoc
20 ipsum, quod contigit: nimirum te pretio magis æquo posse alicubi loco-
rum curare tua imprimenda, quam apud nos, ubi non sunt omnia sic
expedita et in promptu. Boni tamen consules meum studium quale-
cunque gratificandi tuis postulatis et desiderijs: opto ex animo, ut in
re alia possim tibi probare meum animum tibi deditissimum.

25 Ad Doctorem BUCRETIUM quod attinet: is te amanter, diligenter
et officiose rogat, et pro mißis literis humaniss. magnas agit gratias.
Bene te iubeo sperare et de Wittichianis reliquijs et de chartis alterius
illius, qui quondam apud nos vixit, Astronomi. Utroque loco hanc rem
30 tanta et fide et diligentia et tam accurate et sedulo egit et adhuc agit,
ut non dubitem nos habituros, quod optamus. Non voluit nunc re-
spondere literis tuis, quod confidat se propediem reipsa votis tuis satis-
61v facturum: modo parvam moram || æquo feras animo, quod ut facias,
magnopere te rogatum volo.

Domino Doctori FISCHERO, Viro certe opt. et doctissimo, gratissimæ
35 fuerunt literæ tuæ, daturò modis omnibus operam, ut suam tibi fidem
et diligentiam omni, quod a se præstare poterit, officio probet. Nec te
spero unquam poenitebit tuæ in ipsum benevolentiae.

De Bibliotheca Duditiana, quæ mihi est notissima, velim mihi cre-
das. Eam nunc velut inter cælum et terram pendere, postquam ab
40 hæredibus DUDITIJ non possidetur, sed alteri cuidam pro certa pe-
cuniæ

cuniæ summa non tam vendita est quam oppignorata. Iacet nunc misera apud nos in domo quadam, et non aliter iacet (vidi enim aliquoties) quam solent apud nobiles iacere acervi frumentorum: neque in illam plenum ius habet Emtor neque etiam venditor. Res plane intricata est, et metuo, ne libri isti magnum aliquod et irreparabile damnum accipiant. 5

Dictum mihi est nuper ab amico quodam, instrumenta tua Mathematica non levi iactura fuisse per vim ventorum et tempestatum in arce istac tua affecta. Si ita est, admodum tibi condoleo. Dubito tamen, an sit, cum tu nullam eius rei mentionem facias. 10

Magnificus huius urbis et Ducatus Capitaneus, Dn. ABRAHAMUS IENGTIUS, olim summi nostri WITICHIJ, dum viveret, patronus, tui amantiß. et studiosißimus, magnopere te salutatur. Cogitat paulo post ad || thermas Boiemicas proficisci, et plane constituit in illo itinere te convenire, ut te videat coram, quem dudum est unice miratus. Dixit ei nuper Doctor IESSENIUS de quodam libro tuo recens edito, quem obtuleris Cæsari. Eum ipse unice videre gestit, et iam semel et iterum an viderim ex me quæsit. Epistolarum tuarum volumen, quod ex dono liberalitatis tuæ habeo, apud me primus vidit, et per aliquot dies secum habuit. 15 20

Si quid ad me scribere aut mittere voles, scias rectissime ad me per-venturum, quicquid Pragæ per certos homines miseris ad Dn. IOANNEM MYLLNERUM, Sacræ Cæs. Mat^{is} Consiliarium et Regni Boem. Secretarium supremum, Compatrem meum cariß. et omni fide obser- vandum. Apud illum enim vivit IOANNES PALUDIUS, Principis mei Consiliarius Pragæ habitans et negotia Cels. suæ in aula illa curans. Is et diligenter et libenter curabit, quicquid ad me pertinens acceperit. Bene et feliciter vale, Vir præstantissime, et me, quem semel amare coepisti, perpetuo amare perge: sic te vicissim curet ametque Deus. 25 30

Vratisl. XIIIJ Iunij 1600.

T. M. P.

observantiß. et amantiß.

IAC. MONAW.

† [E codice Basileensi G I 23]

60^v DEM EDLEN EHRNVESTEN VND HOCH-
 GELARTEN HERRN *TYCHO BRAHEN* AUFF KNUTHS-
 TORFF, S. RÖMISCH KEYSERLICHEN MAYT. ASTRO-
 5 NOMO AUFF BENATHEN, MEYNEM ...
 GÜNSTIGEN HERRN.
 CITISSIME.

S.



ENEROSE et doctiſſ. D. TYCHO, vehementer expectant
 10 noſtri Canonici tuæ Aſtronicæ ſuppellectilis avectio-
 nem, et pecuniam promptam ad omnia offerunt. Acceſſit
 quoque me GRUTZMACERUS Drefdenſis nauta, qui
 promittit ſe navibus ſuis Leutmeritum uſque omnia recte
 15 advecturum. En alius quidam ex noſtris, qui idem rogat,
 ut ſibi committatur. Duabus enim navibus ſe omnia rite repositurum
 eſſe. Reliqua enim ſuppellex nuper Hamburgo quoque advecta eſt. Quid
 impediāt, ſcripſi ante Pentecoſten, et quia nihil impetro reſponſi, exi-
 ſtimo non eſſe redditas meas. Quare rogavi hunc meum vicinum, ut
 20 has aut ipſe redderet, aut conducto Pragæ nuncio, cui tu ſatiſſaceres,
 de tua voluntate ſciſcitaretur. Eſt autem hæc mora, quod inventarium
 prioris vecturæ ANDREAS veſter ſecum abſtulit, ut ſine inſigni errore
 nos committere eam nautis prorfus nequeamus. Omnino ergo oportet
 60^v ANDREAM || ipſum redire ad nos, aut aliquem ex domeſticis, cui nota
 ſunt externo ab intuitu omnia, et qui ex navi reponat in littore, contra
 25 pluvias muniat, tibiſque poſtea deferenda curet. Quod peregrinus nec
 vult nec poteſt recte curare. Mittas ergo, quam primum poteſ, qui co-
 mes et inſpector ſit omnium. De me præſtabo fideliffime omnia, quæ
 volueris et quæ potero. B. V. Magdæburgi 9 Iunij 1600.

Tuus

GEORGIUS ROLLENHAGEN.

[Ex

[Ex apographo manu scripto in fine exempli Hauniensis P. J. Resenii *Inscriptionum Haffniensium* (Hauniæ 1668)]

TYCHO BRAHE AD IOSEPHUM SCALIGERUM.

ILLUSTRIS ET GENEROSE VIR DOMINE ET
AMICE HONORANDISSIME.



LAPSÆ sunt septimanæ, ni fallor, sex, ex quo in arce Cæsarea Bennaticha, ubi nunc sedes est habitationis meæ, Illustris Dominationis tuæ literas acceperim VI Eid. Martias Lugduni Batavorum scriptas, easque non saltem eruditionis eximiæ, quā præpolles, sed et humanitatis et benevolentiae erga me (pro quibus etiam officiosissime gratias habeo) refertissimas. Cum vero nuper a Scra Cæs^a Ma^{te}, Domino nostro Clementissimo, postquam Pilsena, ubi per tres anni quadrantes ob pestem absuit, in arcem consuetæ residentiae huc nuper redijt, evocatus sum, liquidem ipsius Ma^{tas} de quibusdam ad studia quæ tracto pertinentibus clementissime mecum loqui dignabatur (prout semel atque iterum affatim factum est) accidit, quod ante biduum Nobilis et eruditus hic Adolescens NICOLAUS SUCKERBACK de Myßen noviter ex Italia veniens me in aula inter alios ambulanti, Barone quodam indicante, agnosceret et compellaret, seque a Batavia oriundum, atque eo brevi cogitare indicaret, rogans, an quidpiam literarum ad amicos et isthic notos mittere vellem, cumque præ cæteris, an ad te meas dirigere posset, ab eo percontarer, id officij in se recepit. Existimavi autem eum tamdiu hic mansurum, donec allatis tuis ultimis (de quibus dixi) literis e Bennaticha, ijs secundum singula earundem contenta, quatenus in hac urbe strepitus et interpellationes aulicæ ferunt, respondere possem; at is hodie me in hospitio quærens se circa meridiem hinc abiturum in ijs hominibus significavit, quare ne plane mearum vacuus ad vos rediret, has ieiunas et breviusculas, potius quam nullas ad te exarandas duxi. Quoniam vero literæ tuæ ad manus non sunt, nonnulla saltem, quæ ex ijs recordor, attingam.

Conceptiones tuas de æquinoctijs et motu octavæ Sphæræ aliter salvando, quas promittis, avide exspecto. Stellam Polarem ante plurima secula, quemadmodum reliqua omnia octavæ Sphæræ (uti vocant) affixa sidera in eodem cœli loco hære, facile tibi concebero, modo declinationem et ascensionem rectam, tum quoque longitudinem et nonnihil etiam latitudinem, tam in hac quam in alijs alteratas fatearis. Quod autem id ipsum evenierit, non tam octavæ Sphæræ promotione quam æquinoctiorum anticipatione, prout magnus ille COPERNICUS pariter animadvertisse videtur, etiam tibi astipulor. Sed in hoc cardo negotij vertitur, quomodo anticipatio illa intelligenda et exsequenda sit.

- lit. Per motum axis terreni, prout speculatus est COPERNICUS, reci-
 53^r procum et liberatum || annuæque restitutioni non plane coincidentem,
 id evenire frustranea, imo prorsus absurda est assumtio nec apparentijs
 vel hoc seculo, nedum cæteris omnibus satisfacit. Ego ipsum Solem
 5 hanc varietatem efficere statuo, dum aliam atque aliam diversis seculis
 designat Eclipticam, aliasque eiusdem cum Æquatore intersectiones
 retrorsum et quidem non admodum æqualiter inducit, prout suo loco
 latius Deo volente ostensurus sum. Nam et infimam Lunam non mul-
 tum dissimili ratione suam orbitam singulis mensibus variare depræ-
 10 hendi, ita ut non saltem latitudo eius maxima ad tertiam gradus par-
 tem (quanta etiam omnino in Eclipticæ obliquitate hætenus comperta
 est differentia) mutetur, sed et nodi et intersectiones cum Ecliptica, licet
 antrorsum motu æquali, reciproce tamen et inæquali ratione id fieri
 satisque notabili discrimine, quod grad. $1\frac{3}{4}$ attingere queat, cognovi,
 15 prout lunaris curriculi restitutio propediem, favente Numine, in Pro-
 gymnasmatibus nostris publicanda plenius patefaciet. Si tibi aliqua ratio
 a nostra forte diversa innotuit, et ex historijs antiquissimis ratisque ob-
 servationibus comperta est, quæ hæc commode explicari queant, vel-
 lem eam mecum communicari. Interim ut dicam id quod res est, abe-
 20 qui non possum, id quod tam in his literis, quam alibi innuisti: Polum
 nimirum mundi alium esse a Polo æquinoctialis et lineas meridianas
 moveri. Videtur id enim minus convenire, nisi forte tuam sententiam,
 quæ paulo obscurior est, necdum percipiam, quare hac de re uberius
 a te instrui cupio.
- 25 Pro MANILIO in integrum a te restituto mihi que transmissio pluri-
 mas habeo gratias. Perlustravi eundem successivis horis, prout otium
 tulit, mihi que tua industria et perspicacitas in hoc authore a mendis
 vindicando et expoliendo, quæ etiam in plurimis alijs satis explorata
 est, summopere placuit.
- 30 Plura scriberem, si literæ tuæ in promptu essent, ulteriorem procul
 dubio materiam suppeditaturæ, modo etiam id ferret huius loci irre-
 quietudo, et is, qui hæc allaturus est, abitum adeo festinanter non
 acceleraret; quare hæc subito effusa Illustris Dominatio tua boni con-
 sulat, meque favore suo prosequi pergat, ac per internuncij oportuni-
 53^v tatem suis cultissimis literis invisere || non intermittat, quæso. Vale.
 Dabantur Pragæ Bohemorum die 23 Iulij stylo novo Anno Epochæ
 Christianæ Dionysiacæ et vulgatæ 1600.

Illustris Dominationis tuæ

studiosissimus

TYCHO BRAHE,
 manu propria scripsi.

Cum has literas ante 6 fere septimanas ad te exararem, discebat Batavus ille, qui eas tibi traditurus erat, una vel altera hora citius quam existimarem, ideoque eas huc usque mecum reservare oportuit, donec alia sese offerret occasio eas ad te dirigendi.

[Ex apographo in Archivo Regni Daniæ: Diplomatario Langebekii]

5

OTTAVIO CAURIAN AD TYCHONEM BRAHE.



HERR FRIDERICH ROSENKRANTZ hat sich bei Jr. Fürstl. Durchhl. Erzherzog MATHIAS zu Osterreich mit Irer Kay. Mt. *Intercession*, ertzeiget vnd eingestelt, vnd alberait von Ir Durchl. zuesag bekhommen, vnnd derselben aufwarter nach seinem begern vnndergestellt vnnd vnnderhalten zuwerden. Weiln aber Ir Mt. *Resolution* wegen Irer Durchl. veldtzug etwas spät hinauß geschicht worden, vnnd entzwischen herr SEYFRIDT VON KHOLONITSCH, obrister yber 1000 Pferdt, fortgetzogen, so hat Er mit Irer Durchl. vorwissen vnnd gnedigsten bewilligung, sich vnnder denselben gestelt, vnnd ist ietziger zeit vor Papa.

10

15

†

Das deme also sei, hab Ich OTTAUIO CAURIANI, dem Herrn TYCHONIBRAHE, so mich derwegen alhie zu Praag ersuecht, vnnd hieyon wissenschaftt begert, deß zu zeugnuß mein Handschriftt hierundergestelt. *Datum Praag Stilo nouo den 2. Augusti Anno 1600.*

20

OTTAUIO CAURIAN,
manu propria subscripsi.

[Ex apographo in Archivo Regni Daniæ: Diplomatario Langebekii]

25

NOBILISSIMO VIRO, TAM GENERIS QUAM ERUDITIONIS CLARITATE PRÆEminente, DOMINO OLIGERO ROSÆKRANTZIO DE ROSENHOLM, AMICO, AFFINI ET CONSANGVINEO LONGE CHARISSIMO.

3v

S. P.

30

1r



XOPTATISSIMAS tuas diuque desideratas, Amantissime OLIGERE, iam tandem accepi literas, quibus ab initio tarditatem in rescribendo excusas, idque ijs rationibus, quæ apud me, alias de te candide sentientem, facile locum inveniunt. Postea de rerum mearum conditione, quam Divina Clementia hîc apud Augustissimum Imperatorem

35

Imperatorem RUDOLPHUM Secundum mihi indulſit, et qualiter ea, ad alios a te relata, ijs placuerit, tibi vero et intimis amicis inprimis auditu iucundiſſima fuerit, multa commemoras, quæ ſincerum tuum erga me affectum, de quo etiam antea nunquam dubitavi, affatim te-
 5 ſtantur, pro quo conſtanti erga me amore gratias tibi, e pectore tui vi-
 ciſſim ſtudioſiſſimo profeſtas, ago quam poſſum maximas. Res meæ
 adhuc in eodem ſtatu ſunt, quo verſabantur, cum ultimas tibi ſcribe-
 rem; neque enim ob abſentiam Cæſaris, qui etiamnum Piſſenæ, urbe
 15 15 milliaribus hinc remota, commoratur, quidpiam, quod momentum
 haberet, incrementi interea ſumere poterant, quod tamen in poſterum
 futurum ſpero. Nam Cæſarea Maieſtas de clementiſſimo erga me fa-
 vore, quod Deo acceptum fero, nihil remittit, ſed indies eundem ad-
 20 auget; optime etiam mihi cupiunt ditionis huius Primates quique, ad-
 eo ut in Regni indigenam, quo omnibus eorum gaudeam Privilegijs,
 me adoptaturos, ſponte obtulerint. Sed de his nunc plura non addo,
 ſuo forte tempore uberius eiufcemodi indicaturus.

Diſceſſit heri primum a me FRIDERICUS ROSENKRANTZIUS,
 tuus Patruelis, meufque conſanguineus, qui ante menſem huc venit;
 doleo animitus, et quis non doleret optimi illius iuvenis viri infelicis-||
 1^v ſimum caſum, atque inconſtantiſſimæ fortunæ minus exſpectatam ca-
 lamitatem? Ego non ſaltem, quod a te mihi tam accurate commenda-
 retur (licet et hoc plurimum ſemper apud me ponderis habere debeat)
 ſed quoque ob ſanguinis, quod nobis intercedit, vinculum, quantum
 in me erat, et prout ipſemet voluit, eius adverſitatibus, ſi plane ijs me-
 25 deri non poſſem, lenimentum ſaltem addere diligenter laboravi; quod
 ut promptius exequerer, author illi fui, ut Piſſenam, in aulam Cæſaris,
 ſe conferret, dedique cum eo literas ad Ampliſſimum Imperij Procan-
 cellarium Illuſtrem et Magnificum Dominum CORRADUCIUM, qui-
 30 bus eum rogabam, ut interceſſorias a Cæſarea Maieſtate ad Sereniſſi-
 mum Archiducem MATTHIAM Fratrem, qui belli Ungarici Summæ
 nunc præeſt, huic ROSENKRANTZIO impetrare vellet, quod et ex-
 pectatione noſtra citius obtentum eſt, ipſomet Domino CORRADUCIO
 (qui mihi plurimum favet, et quidvis in mei gratiam expedire non de-
 35 treſtat) negotium hoc diſponente et promovente; addidit et ipſemet
 ſponte ſua privatim alias ad generoſum quendam Baronem in Aula
 Archiducis ſibi familiariter notum literas, non parum quoque FRI-
 DERICO profuturas; quin et ego, ut meum etiam qualemcunque ad-
 iungerem calculum, ipſi Sereniſſimo Archiduci humilime ſcripſi, et
 40 Conſanguinei noſtri deſideria apud ipſius Celſit^{nem} pro meo modulo
 adiuvere non intentatum reliqui, inſinuando pauculis eius in Patria
 infortunium; ſic enim non ſaltem mihi, ſed et FRIDERICO conſultum
 2^r videbatur, quo præveniremus || alios, qui ſugillando malum forte odio-
 ſius

sius exasperarent, et sic rem magis suspectam redderent. Mihi simul ip-
 sius Celⁱⁿⁱ duos libros ex meis, similes per omnia ijs, qui Regi vestro
 oblatis sunt; et unâ globum quendam, ex nostra stellarum verificatione,
 affabre Alchmariae in Batavia elaboratum, ut his Munusculis Principis
 clementem benevolentiam, qua FRIDERICI nostri votis eo lubentius 5
 annueret, promptius captare liceret. Harum vero omnium, de quibus
 iam dixi, literarum exempla, et simul ipsius FRIDERICI relationem,
 quam huc Pilsena reversus sua manu consignavit, pariterque eiusdem
 ad te Epistolam hîc apposui, ut ex ijs lectis promptius rei peractae cir-
 cumstantias haurire queas. Concipio autem non dubiam spem, FRI- 10
 DERICUM nostrum hisce fultum medijs, propositum suum apud In-
 clytum Archiducem satis feliciter peracturum, praesertim quoad ex-
 terna illa et Politica desideria, quæ in suo relinquo favore; trahit sua
 quemque voluptas, interdum necessitas urget ea acceptare, quæ alias
 minus curanda forent. Sed unus adhuc intrinsecus latet scrupulus, qui 15
 non minimum habet momenti, et cætera omnia remorari, vel etiam
 irrita reddere, aut prorsus præscindere, et a tot huius miseræ vitæ ad-
 versitatibus atque molestijs eum plane vindicare possit. Laborat enim,
 et quidem gravius, quam ipsemet perferentiscere videtur, pulmonis non
 leviter vitati affectibus, adeo ut Asthmaticus evadat, paulatimque 20
 Phthisi contabescat, nisi, Dei gratia, mature idoneis medicamentis (quæ
 tantis malis || præsentem succurrentia non facile inveniuntur) valetu-
 dinem recuperârit, ad quam adipiscendam ea vitæ ratio, ea regionis
 et victus conditio, quam ille nunc affectat, ob stare potius quam con-
 ducere, metuendum est. Verum et hac in parte non saltem eum præ- 25
 monui, sed et consilio atque medicamentorum auxilio, quatenus nunc
 in promptu habui, ipsi præsto fui, rationemque præscripsi, quomodo
 in posterum plura paranda sint, quæ huic, cui obnoxius est, valetudinis
 incommodo, mea sententia, quantum Deus dederit, succurrant; sicque
 eum Viennam heri, uti dixi, tendentem, fausta quæque illi precatus, 30
 dimisi, adiuncto ipsi quodam Magistro, qui IOHANNES KEPLERUS
 appellatur, Mathematicum egregie perito, qui per anni trientem, e Styria
 adveniens, hîc mecum fuit, et compositis isthic rebus suis reverti con-
 stituit. Is siquidem, cum Viennam in reditu transire debeat, et homi-
 num ac viarum in hoc itinere gnarus sit, FRIDERICO utilis comes esse 35
 poterit. Cæterum quemadmodum Epistolam tuam ex re grata et pla-
 cente circa rerum nostrarum in melius, divina ope, mutationem, non
 sine gaudibundo applausu inchoasti, et postea in medio tristitia et tur-
 bulenta quædam minusque arridentia de calamitate communis nostri
 sanguine iuncti interpoluisti, sic tandem in fine Catastrophen lætam et 40
 apprime auditu iucundam superinducis, ut comediam quandam re-
 præsentare videaris. Nam quod postremo refers (ut priora, de quibus
 nunc

3^r nunc satis dictum arbitror, relinquam) de || charissima tua SOPHIA,
mea nepte, Deum ipsam fructu uteri benedixisse, et tunc partui vici-
nam fuisse, quam etiam feliciter enixam FRIDERICUS retulit, hæc
inquam me magna voluptate affecerunt, et auditu gratissima fuere.
5 Deus Opt. Max. hanc, quam vobis dedit, filiolum sospitem conservare
et a periculis tueri, ut, ætate accrescens, utrique Parenti gaudio sit,
pro sua bonitate dignetur. Cui etiam æviterno et triuno Numini te
tuamque coniugem, unâque sobolem sœmellam, toto pectore com-
mendatum habeo. Vale. Dabantur ex arce Cæsarea Benaticka, die 3.
10 Iunij Anno 1600.

Tuus TYCHO BRAHE,
manu propria.

Addidi carmina quædam, hisce diebus a PAULO MELISSO, Poëta-
rum Germaniæ antesignano, mihi missa, unâ cum exemplo literarum
15 eius, ut scias, qua occasione ea consignaret. Et quia Odæ CRAMERI
tui iuxta calcem mentionem facit, apposui et hanc. Si otium descrip-
tionem patietur, adiungam quoque exemplum literarum Domini IO-
SEPHI SCALIGERI, quæ etiam nuperrime mihi redditæ sunt. Hæc
ubi perlegeris, cum Domino Doctore NICOLAO, communi nostro
20 amico, communices, velim.

S. Dilecte consanguinee, cum post peractam victoriam atque tro-
3^r phæum receptum des instantiam minus validam, || iuxta illud: *qui*
† *volet ingenio cedere nullus erit*, non habeo aliud, quod respondeam,
quam aurum apud me esse, quod ne HERCULES quidem suo clavo
25 extorserit, nedum ut tam invalidis argumentis cedat. Vale et cave, ne
imposterum deponas cum ijs, qui rem geometrice metiuntur. Datæ ut
supra in tuis literis.

T. B.

POSTSCRIPTA.

1^r CUM has literas iam antea ad te exararem, paulo postquam a me
discebat FRIDERICUS ROSENKRANTZIUS, elapsis iam men-
sibus duobus, eas mecum interea reservavi, donec certa et tuta mittendi
ocasio suppeteret, quam nunc per M. CHRISTIERNUM LONGO-
MONTANUM, qui aliquot annos mihi fuit domesticus, in Daniam
35 redeuntem (quem, si is tua opera indiguerit, ut tibi ex me commenda-
tum habeas et ad potiora promoveas, quæso) commode nactus, non
diutius eas unâ cum adiunctis, quarum mentionem faciunt, mecum
retinendas duxi. Versor nunc Pragæ, quo ante mensem a Sacra Cæ-
saris Maiestate Domino Nostro Clementissimo, statim ac Pillena, ubi
40 per tres anni quadrantes ob pestem abfuit, in arcem solitæ residentiae
redierat, huc evocatus; dignabatur enim Eius Maiestas mecum de pe-
culiaribus quibusdam rebus secreto loqui, et nonnulla pro se efficienda
mihi

mihi demandare, tum quoque ex me, quæ in studiorum meorum promotionem et vivendi commoditatem fieri benignissime dudum iuſerat, an ita ſuccederent, cognoscere, quod et ſæpius quam ſemel per integras horas ſolitarie in Iplius Maieſtatis conclavi factum eſt, et omnia, quæ humillime deſiderare poteram, clementiſſime mihi indulta; quia 5
vero ignoro, an Iplius Maieſtas pluribus mecum loqui et quippiam aliud adhuc ulterius mandare velit, non audeo hinc diſcedere, priuſquam hac de re ſatis certus fuero. Interveniunt Legati magnorum Principum, et nunc eſt hîc Galliarum Regis (qui me die craſtino ad ſe invitavit) cum ſplendiſſimo comitatu, et magna eſt negotiorum moles, 10
quibus Iplius Maieſtas ad alia atque alia, quæ incidunt, curas dirigere neceſſe habeat; quantum vero ex Magnifico Domino CORRADUCIO Imperij Procancellario intellexi, cuperet Iplius Maieſtas, ut habitationem ſibi propiorem, ubi pariter ſtudia mea exſequi poſſem (in quo etiam nunc laboratur) obtinerem, quali id fiet ſucceſſu, alias percipies. 15
Eſt et aliud quoddam negotium, licet minus gratum, attamen neceſſarium, quod me voluntario hîc detinet. Dithmarſus enim iſte famoſi illius in me ſcripti Author lethaliter decumbit, partim morbis gravioribus conſectus, partim male de iſto facinore conſcius, et pœnas metuens; hunc iam dudum in ius citatum ob atroces illas iniurias et calumnias, quas noſti, legitime iudicari volebam, ſed ob peſtem diſſipata 20
Cæſaris Aula, iam pæne per integrum annum, id antehac fieri non potuit; urgeo itaque nunc iuris proceſſum, ſiquidem actio ſit perſonalis et periculum in mora, iamque impetravi a Cæſarea Maieſtate, ut deputentur e Conſiliarijs certi Commiſſarij, qui omnia in cauſa hac debili cognoscant, || atque ſententiam definitivam pronuncient; qualis 25
hæc futura ſit, tandem reſciſces. 30


Cum hiſce præteritis diebus in Aula Arcis horis antemeridianis inter Generoſos et Nobiles Viros ambulare, monſtratus mihi eſt Baro ille OCTAVIUS CAURIANUS, ad quem Dominus CORRADUCIUS pro ROSENKRANTZIO noſtro ſcripſerat, quare, captata commoda occasione, cum eo de ROSENKRANTZIO, ubinam eſſet (nihil enim iſ mihi, ex quo hinc diſceſſit, ſcripſit) et quo in ſtatu res eius verſarentur, ſedulo collocutus ſum. Is eum clementiſſime ab Archiduce MATHIA receptum, quod et antea a Domino CORRADUCIO cognovi, moxque cum 35
equitibus quibuſdam, prout ipſemet cupiebat, in Ungariam proſectum, ibi in exercitu eſſe Cæſaris noſtri aiebat, qui in obſidione Caſtelli Papæ nunc occupatur, ubi ſtrenuum illum belli Ducem SCHWARTZENBURGIUM, nuper globo ſclopetico iſtum occubuiſſe inaudivimus, eodem etiam OCTAVIO famam confirmanti. Ut vero de rebus ROSENKRANTZIJ eo plenius inſtruerer, præſertim cum dicerem, me hiſce 40
diebus in Daniam ad quorſdam ex eius conſanguineis atque amicis ſcripturum,

scripturum, hanc schedam, sua manu subscriptam, quam hîc apposui, mecum communicavit. Ubi plura ipsum concernentia percepero, te eorum ulterius reddam participem. Vale, et Coniugem tuam, neptem meam charissimam, ex me quam diligentissime resaluta; constitueram
 5 ipsemet quidpiam ad eam scribere, sed hæ interpellationes aulicæ me ita avocant (nam ex hoc ipso instanti in arcem ascensurus sum) et M. CHRISTIERNUM, de quo dixi, iam itineri accinctum diutius remorari nolui, ut propria curare vix queam; fiet id, Deo volente, alias, meliori conceßo otio. Saluta quoque ex me officiose matrem tuam,
 10 nobilissimam et honestissimam foeminam, tum quoque alios amicos, quos scis integros esse et sinceros, atque in amore nostri perseverantes. Iterum vale. Dabantur Pragæ festinanter die 3. Augusti stylo novo Anno 1600.

T. T. B.

15† [Ex apographo in Archivo Regni Daniæ: Diplomatario Langebekii]

TYCHO BRAHE AD CHRISTIANUM LONGOMONTANUM.

1^r  GOTYCHO BRAHE de Knudstrup, ex Dania oriundus, Sacræ Cæf. Mai. arcem Benaticam in Regno Bohemiæ
 20 inhabitans, testor omnibus, cuiuscunque conditionis et dignitatis sint, hisce meis literis, earundem exhibitorum, eruditissimum et honestissimum virum, Magistrum CHRISTIANUM SEVERINI LONGOMONTANUM, natione Cimbrum, mihi per octennium in Dania, et postea aliquamdiu
 25 in Germania et Bohemia fuisse domesticum, atque in exercitijs Astronomicis diligentem et fidelem navasse operam. Nunc vero cum res eius non ferant, ut diutius mecum commaneat, vel accrescente ætate cogitet aliam vitæ rationem inire, ideoque in patriam ad suos reverti: ego conatus eius nullatenus impedire volui, sed eum libere et cum
 1^v bona gratia dimisi. Quare omnes generosos et nobiles viros, præser-
 tim in Dania mihi sanguine iunctos, et alios quocunque locorum claros et eruditos viros officiose et peramanter rogatos habeo, ut prænominatum Magistrum CHRISTIANUM sibi diligenter commendatum habeant, atque ad optima quæque ipsum promovere non degraventur:
 35 invenient me vicissim ad quævis officia rursus in eorum gratiam, quantum per me licuerit, præstanda quam paratissimum. Dabantur Pragæ in metropoli Bohemiæ die 4 Augusti stylo novo Anno Christi vulgari 1600.

TYCHO BRAHE,
manu propria.

[E codice

[E codice Basileensi G I 23]

NOBILISSIMO DOMINO TYCHONI
BRAHE, DOMINO DE KNUDSTRUP, MATHEMATICO NO-
STRO SÆCULO PRÆSTANTISSIMO, DOMINO AC
FAUTORI SUO UNICE COLENDO.

SALUTEM IN CHRISTO IESU.



NOBILISSIME Domine TYCHO, remunerationem quin-
que scilicet Ioachimicos, propter diarium Solis et Lunæ,
in Martio huius anni 1600 nobilitati tuæ transmissum,
a M. CHRISTIANO LONGIMONTANO accepi.
Quare T. N. ut par est, gratias ago et habeo.

Quod in superioribus meis literis, num in oras Bohe-
micas me vellem conferre nec ne, nihil habetur, causa fuit non mea
in scribendo negligentia, vel oblivio, sed quod 14 diebus, antequam N.
T. sententia de re illa huc allata esset, istæ meæ literæ fuerunt scriptæ
et obsignatæ. Ideoque M. MELCHIOREM IOSTELIUM rogavi, ut
tuæ nobilitati, mecum prius deliberandum, scriberet. In tali autem de-
liberatione reperi, consultius fore, si Witebergæ permanens tuæ N. in
rebus astronomicis pro animi mei tenuitate inservirem, singulisque
diebus aliquot certas horas, utpote tres vel quatuor, in laborem istum
impenderem. Tuæ nobilitati si hoc meum propositum placuerit, cer-
tum stipendium ex æquo et bono mihi determinare, et quid expectan-
dum, data aliqua occasione, haud gravatim significare poterit. Vale.
Dabantur Witebergæ 6 Augusti veteri stylo Anni 1600 Christi.

T. N.

humiliter colens

M. IOHANNES OSWALDUS,
Zeillensis Francus.

† [E codice Basileensi G I 23]

68^v **MAGNIFICO ET PRÆSTANTISSIMO**
 GENEROSISSIMOQUE VIRO DOMINO TYCHONI BRAHE,
 ASTRONOMO PRINCIPI, MATHEMATICO CÆSAREO,
 5 DOMINO ET PATRONO COLENDO.

PRAGÆ IN BEHMEN.

66^r MAGNIFICE ET ILLUSTRIS DOMINE, PATRONE COLENDE.

S.



10 **Q**UAM iamdudum mihi dari exoptavi occasionem literis
 tuis per MULÆUM in Daniam commeantem mihi tra-
 ditis respondendi, ea iam tandem subito se aperit, neque
 tamen satis exoptata, cum Dresdam usque saltem se ex-
 tendat, unde tamen ad te perlatum iri omnia spero. Est
 15 autem ita, ut scribis: neque enim mihi ingrata aut odiosa
 censura tua est, hominis doctissimi et præstantissimi, præsertim in ijs,
 quæ ad te ipsum spectant. De carmine elegiaco loquor: in quo quæ-
 dam tum in concinnitate, tum in expositione te desiderare scribis. Scripsi
 hoc ad te, et factus sum, cum mitterem: non eum laborem aut limam
 20 acceßisse, quæ cæteris meis fere solet. Scis enim ardorem illum Poëti-
 cum temporum intervallis minus aut magis incendi: et interdum ita
 lenti fumus, ut iaceant omnia. Placet itaque mihi, ut premas, donec
 correctum fuerit: quod quidem a te si factum fuerit, gratiam habebo:
 nam laus, ea certe, quam scriptor sibi vendicat, mea erit, labor tuus.
 Ne tamen ingenij me iacturam fecisse existumes, plane mihi persuadeo,
 25[†] metu isto te eximet Carmen Epicum de VARADINO: quod¹ ad te circa
 idem tempus fere, quo tuæ datæ sunt, et iam tum traditum tibi esse
 oportuisset, nisi per quendam ALBERTUM HOVI, hominem milita-
 rem, Domino illustri MELCHIORI RHEDERO addictum eique a me
 commendatum. Cui ut tu quoque me commendares et illud carmen,
 66^v quod in honorem eius composui ipsique inscripsi, ijsdem literis || a te
 contendi: neque minus iam contendo, si aut literæ illæ tibi non redditæ
 essent, aut tu petitioni meæ, quod secus esse puto, hæcenus non satis-
 fecisses. Quod secus hoc esse putem, inde fit, quod ipse RHEDERUS
 literis humanissimis benevolentiam suam mihi ostenderit et gratitudinis
 35 ac remunerationis spem fecerit. Constitit mihi certe illud carmen non
 exiguo labore et animi intentione, quam auxit Historiæ exprimendæ
 cum veritate et tamen cum decoro Poëtico difficultas: quorum primam
 dum quidam Poëta Silesius secutus est, alterum ita neglexit in eadem
 historia reddendâ, ut nihil ineptius fieri possit. Scribit idem RHEDE-
 40 RUS se ex consilio doctissimorum quorundam virorum, inter quos te

¹ Si nondum vidisti, exemplar a RHEDERO petes.

quoque esse existimo, Gorlitzium recudendum misisse illud meum carmen. MELISSUS quin iam tandem tibi satisfecerit, plane mihi persuadeo: dicerem hominem plane a se discessisse, nisi fecerit.

De scripto aliquo Cæsareæ Maiestati dedicando, quod consilium tuum mihi impertis, pro eo atque volebam, est quod multum tibi debeam. Habeo quidem confectum Philosophiæ Panegyricum, quo omnia ea tribus prolixis satis orationibus complexus sum, quæ de Philosophia mihi videntur posse honorifice dici: sed eum neque iam mecum habeo, neque hactenus quisquam, quos quidem tentavi, Bibliopolarum in eum excudendum sumptus voluit conferre (ita enim agitur cum scriptis elegantibus, dum florent et leguntur inelegantia) nisi ipse conferam. Quod si Poëmata mea mihi remittantur a || MELISSO, qui mihi in editione procurandâ minime satisfacit, cum forte posset (nolo dicere plura: hoc ipsum, quod dixi, tecum sit) quæ ante tribus dedicavi, nescio, an rectius facerem, si mutato consilio soli Imperatori dedicarem, plusque forte inde præmij te et alijs commendantibus reportarem. Distribui autem nunc quidem in tres partes, quarum primam partem quinque Elegiarum libros continentem inscripsi Regi Scotiæ ante iam in me munifico, alteram Epicorum quatuor libros et Lyricorum unum continentem, ULRICO Principi Megapolitaniæ, tertiam tres Epigrammatum et unum Sylvarum librum complexam WILHELMO Curlandiæ Duci. Utinam vero tam felix sim, ut aliquando lucem videant, quam illis hactenus invideri equidem nonnihil doleo. Sed præ his duabus vijs illa mihi inprimis arrideret: si materia aliqua mihi offerretur, qua Imperatoris ipsius aut maiorum eius laudes prædicarem, idque carmen hîc in Academia publice decantarem, simile futurum Rherdiano illi. Illam vero viam et materiem præ alijs amplecterer, quod existimarem eâ ratione me æque magnam gratiam a Cæsarea Maiestate initurum quam magni operis dedicatione. Ignosces mihi, vir magnifice, || quod hæc tam libere apud te loquar, quod eo facio, ut eo rectius mihi consulere possis, quoniam id libenter facis, et ea re undique gratiam colligis omnium. Si igitur potes, aut talem materiam mihi suppedita, aut de reliquis, quid videatur, scribe, aut certe aliud consilium suggere. Omnia enim mea tibi lubens committo.

Eram finem facturus et iam dudum debuissem: sed tristis adhuc clausula supererat de obitu CHYTRÆI. Quem hîc non laudo aut deploro: feci utrumque tum in Epigrammatis istis, tum in Programme, cuius et ipse, volente ita Senatu Academiæ, autor sum; quorum utrumque ad te mitto. Tu certe amicum non vulgarem et ingenuum studiorum tuorum et ingenij excellentissimi æstimatorem et præconem amisisti: ego patrem et patronum singularem (ita enim me semper habuit ut filium) nos omnes præceptorem communem. O tristem nuncium, quem tibi allaturus

allaturus sum! Sed nolo te conturbare, et iam tabellarius astans inclamat aurem et concludere iubet. Bene igitur et diutissime vale, vir præstantissime, et diu vive non solum tuis, sed et BRASCHIO, quamvis et ille inter tuos est. Datæ festinanter Rostochij 8 Augusti Anno 1600.

5

T. Magnif. et Generof.

reverenter colens

BRASCHIUS.

M. CHRISTIANUM amanter saluto, a quo me literis non salutari miror.

10† [E codice Basileensi G I 23]

70^v

ILLUSTRI, GENEROSO ET MAGNIFICO

VIRO, MAIORUM INSIGNIBUS, VERA VIRTUTE ET DOCTRINA MULTIPLICI PRÆLUSTRI DOMINO TYCHONI A BRAHE IN BENATIA ET KNUTHSTORFF EQUITI DANICO, SERENISSIMÆ MAIESTATIS IMPERATORIÆ ET CONSILIARIO ET DOMINO SUO PERPETUA OBSERVANTIA COLENDO.

15

AD MANUS G^æ M^æ IPSIUS PROPRIAS.69^r

20

LLUSTRIS, Magnifice et Generose Domine TYCHO, omni cum observantia perpetuo mihi colende Domine: Literæ G^æ M^æ V^æ scriptæ Pragæ 6^a Augusti stylo novo, redditæ mihi sunt 10^a Augusti stylo veteri, cum reverterer illo ipso tempore ex Comitij Juridicis, habitis apud Dithmarfos, ubi per septimanas tres hæseram, evocatus eo ab Inclyto Rege nostro Daniæ. Ago autem primo omnium serio pectore gratias Deo opt. Max. quod Gen. M^m V^m cum omni familia hætenus sospitem et salvam clementer tutatus fuerit, eundemque precor, ut quam diutissime illam florentem servet.

25

Cæterum Illustrissimo Principi OTTHONI, Duci Brunsvicensium et Lunæburgensium, ea quæ mihi commisit G^a M. V^a, suo nomine debita cum submissione retuli: is quid ad eam rescribi per me voluerit, ex Cell. eius autographo ad me mißo, hisce nostris inserto, intelliget.

30

De congressu Embdæ indicto subitoque iterum disceßu Legatorum Danicorum et Anglicorum, quæ scripseram, hæc ita vere se habent. Verum ex eo ad me relatum est, Anglos in Daniam usque sequutos Regem nostrum, ibique negotium omne probe compositum et sopitum esse. Rex ipse noster hoc tempore in Iutiam cum Regina Coniuge excurriße fertur ad venationes, cuius quoque adventus momentaneus forte Crempæ in vicinia expectatur. De emissis 50 navibus nihil hîc accepimus, certo quod communicari G^æ M^æ V^æ possit.

35

FRIDERICO ROSENCRANZIO fœliciolem iam auram aspirare profecto lætor, et ubi occasionem scribendi nactus fuero, || OLIGERUM 69^v de præfenti hominis fortuna hilariori certiolem reddam. Domino RUMPIO et Domino CORADUCIO, Viris honoratiffimis, G. M. V^a officia mea ut fubmiſſa, data occasione, deferat, reverenter oro. G^m 5 M^m V^m Dominus VINCENTIUS MÖLLERUS Conful quoque officioſe refalutat. Valeat quam optime G^a M^a V^a omni cum familia, cui me totum dedo. Datæ raptim Hamburgæ 13^a Auguſti Anno 1600.

G^m M^m V^m omni cum obſervantia

qui colit
VITUS WINSEMIUS,
m. p.

10

[E codice Vindobonensi lat. 10702]

†

ERUDITISSIMO ET PRÆSTANTISSIMO 161^v
VIRO, DOMINO IOHANNI KEPLERO, ORDINUM PROVINCI- 15
ALIIUM STYRIÆ MATHEMATICO EXIMIO, NUNC GRATZIÆ
DEGENTI: AMICO SUO INPRIMIS DILECTO.

GRÄITZ.



UOD prioribus tuis ante duos Menſes ad me datis, Eru- 160^r
ditiſſime et dilectiſſime Magiſter KEPLERE, nihil antea 20
reſponderim, nulla tui, nulla negotij, de quo inter nos
actum, oblivione, ſed potius, ut temporis oportunitati,
quæ in hac Aula non ſemper ſuppetit, me accommoda-
rem, atque eo promptius atque felicius omnia exequerer,
factum eſſe credas. Vix enim aliqua interea commoditas intermiſſa, 25
ſed et ultro aliquoties captata. Quod ut rectius percipias, quæ interea
acta ſunt, brevibus narrabo. Paulo poſtquam Cæſarea Maieſtas, Piſſena
relictæ, huc Pragam in arcem ſolitæ reſidentię reverſa eſt, me Bena-
tica ad ſe evocavit, ante hebdomadas plus minus ſeptem. Pauculis au-
tem diebus poſtquam hîc comparuiſſem, ad audientiam clementiſſime 30
vocatus, in conclavi ſuo de varijs mecum loqui ultra ſeſquialteram
horam dignabatur, et poſtea eodem die etiam per dimidiam circiter.
In primo vero acceſſu, poſtquam ipſius Maieſtas ea, quæ ex me ſcire
averet, propoſuiſſet, iuſſit, ut, ſi quæ forent, quæ in rebus meis non ita
ſuccederent, prout ab initio mandârat, et ſi quæ præterea deſiderarem, 35
libere exponerem. Ego ſubmiſſe actis gratijs, me talia in chartula ali-
qua denotaturum atque Domino BARVITIO traditurum reſpondi:
quod et placuit, imo, ut hoc facerem, mandavit. Cum autem viderem
tam exoptatam cum ipſius Maieſtate de rebus neceſſarijs loquendi
mihi ultro benigniſſime oblatam occasionem, de Te quoque, quæ in 40
animo

animo habebam, proloqui non intermittendum duxi, sed arrepta ali-
 qua anſa, ex ea, quæ de inſtrumentis meis et ſiderum obſervationibus
 atque Aſtronomia inſtauranda, incidebat mentio: me ſolum tanto oneri,
 licet plurima iam huc conducentia in promptu habeam, non ſufficere,
 5 ſed collaboratoribus opus habere aiebam, ut citius et plenius res tanta
 in ipſius Maieſtatis atque Imperij honorem et commodum abſolveretur.
 Reſpondit eiſ Maieſtas, ſe ut votis meis hac in parte ſatiſſiat pro-
 viſuram. Ibi cum inter alia adminicula huc facientia de te quoque huc
 e Styria accerſendo et per unum atque alterum annum ſuſtentando,
 10 tuo etiam diſcrete addito nomine inſinuaſſem, ipſius Maieſtas mox be-
 nigniſſime annuit, atque ut inter cætera, quæ deſiderarem, id quoque
 chartæ mandatum Domino BARVITIO traderem, iuſſit, nec ullam
 hac in re difficultatem movit. Locutus ſum poſtea particularius cum
 Illuſtri et Magnifico Domino CORRADUCIO, hac ipſa de re, et condi-
 15 tiones tuas illi ſigillatim aperui, atque hoc ſolum pro tempore rogavi,
 ut literas a Cæſarea Maieſtate impetrare vellet ad Principem tuum et
 Ampliſſimum Ordinem Styriacum, quibus rogarentur, ut per biennium
 in gratiam Cæſareæ Maieſtatis hîc mihi præſto adeſſe tibi liceret, et
 nihilominus annuo iſthic frui ſtipendio, quod per Cæſaris liberalitatem
 20 centum florenis annuatim augeri exoptarem, ſiquidem omnia hîc ca-
 riora ſunt, quam in Styria. Is vero ſe lubentiſſime negotium hoc pro-
 moturum, atque ut exoptatum eventum fortiatur, curaturum benigne
 pollicitus eſt. Id ſaltem ſuaſit, ut denuo rem inter cætera, quæ requi-
 rerem, Cæſari, ſive oretenus, ſive per literas, ſubiectiſſime proponerem,
 25 atque ut ad ſe eiſ executio devolveretur, impetrarem, tunc ſuo auxilio
 et conſilio nequaquam nobis deſuturum. Interea dum ea, quæ ipſius
 Maieſtati ſubmiſſe proponere conſtitui, animo volvo, et calamo con-
 cipio, iniunxit ipſius Maieſtas mihi peculiare quid, pro ſe, quam pri-
 mum fieri poſſit, efficiendum. Eram adhuc in publico hoſpitio apud
 160 Inſigne aurei || Gryphei, ubi cum nulla tranquillitas eiſcemodi quid
 agendi concederetur, conduxì aliam, non longe a Generoſo Domino
 HOFFMANNO, habitationem minus irrequietam, in quam vix mi-
 grâram, et res meas utcunque diſpoſueram, cum denuo me in arcem
 accerſit Cæſar, et quærit, an ea parata ſint, quæ a me fieri voluit. Ego
 35 vero per hoſpitij incommoditatem et migrationem in alias ædes, me
 excuſavi, et naſto iam meliori otio, omnia quam primum fieri poſſit,
 intra duas vel tres hebdomadas effecturum promiſi, cui etiam reſponſo
 ipſius Maieſtas clementiſſime acquievit. Interim vero dum hoc, uti
 pollicitus ſum, ago, quod ſane non parum requirit diligentiæ et laboris,
 40 non audeo ab ipſius Maieſtate audientiam humillime petere, et de ijs,
 quæ in votis habeo, etiam me ipſum non parum concernentia ſollici-
 tare, ne videar propria potius curare quam ea, quæ ipſius Maieſtas a
 me

me requisivit, suadentibus etiam alijs, ut propria interea differam, quo absolutis et exhibitis ijs, quæ ipsius Maiestas a me desiderat, eo facilius, captata sic benevolentia, id quod exopto, aſequar.

Atque hæc præcipua cauſa eſt, cur reſponſionem ad priores tuas hætenus diſtulerim: nolui enim quippiam ad te ſcribere, antequam res omnis ex voto peracta eſet, et literæ, quibus huc honorifice vocareris, conſcriptæ. Interim vero ante paucos dies ſuperveniunt alteræ tuæ, quæ licet prioribus non diſimilia ab initio referant, tamen circa calcem cataſtrophæ quandam inſperatam habent, qua priora conſilia non ſaltem tua, ſed et mea non parum collabſcunt. Intelligo enim inde Salarium Styriacum tibi, uti et alijs quibuſdam, renunciatum, et inſuper exilium impoſitum, niſi decreto iſtic promulgato parueris, ut ob id in Wirtenbergenſem Ducatum, Patriam tuam, redire malis. At quia in hac rerum tuarum conturbatione et prioris ſententiæ frustratione, non habeo præſentius conſilium, quod ex re nata tibi dem, quam ut, poſtpoſita omni mora, te huc conſeras, ſive ſolus, uti antea, ſive etiam adveſta ſimul coniuge, unâ cum ſupelleſtile et rebus neceſſarijs, pro quibus omnibus facile, uti arbitror, viaticum invenies, urgente præſertim ſic neceſſitate inſtanti. Neque enim tibi deerunt tui Mecænates et fautores; aut ſi opus fuerit, pecuniam, quæ ad iter requiritur, alicubi interea mutuo ſumes: ubi adveneris, tum præſentes rectius et tutius inter nos agemus, et rationes inveniemus, quibus hiſce difficultatibus ſubveniri poterit, atque tibi et tuis rebus convenienter proſpici, ne tibi opus ſit tam cito in Patriam tuam redire, aut alio declinare. Interim nullam occaſionem præterlabi ſinam, quin te, non ſaltem intercedente autoritate Domini CORRADUCIJ et Domini BARVITIJ, ſed et apud Sacram Cæſaream Maiestatem propria mea interceſſione ad optima quæque promoveam, et rebus tuis fluctuantibus atque afflictis ſubveniam. Imo ſi cætera omnia, quod tamen non ſpero, fruſtranea fuerint, ego ipſemet tibi non ſum defuturus, ſed in ipſo effectû oſtenſurus, ea quæ tibi me ſcripſiſſe memini, cum adhuc prope Hamburgum hærerem, antequam nos invicem de facie noviſſemus, apud me adhuc rata eſſe, et conſtanter ſervari. Tu ſaltem nihil hæſita, ſed confidenter, quantocius poteris, advola: tum coram de omnibus, quæ requiruntur, expeditius agemus, et tutius quam per literas: nec diffido, quin, ubi adveneris, viam iam præparatam invenies. Hæc ſumma ſit conſilij, quod etiam is, qui te mihi commendavit, maxime probat.

Plura nunc non addo, neque enim ea, quæ in utriſque literis ſuſe attigiſi, cum ad negotij promotionem, ſic ſtantibus rebus, minus conducant, repetere volo: uti neque de Mathematicis, utrobique a te motis, quippiam addere, cum ea ſint alterius atque maioris otij. Eclipſis tamen Solaris, cuius in ultimis tuis mentionem facis, et obſervationem qualemcunque

qualemcunque assignas, calculum, e tabulis nostris renovatis, communico, ut tibi in conspectu sit, atque cum tua conceptione conferre queas. Quantitas deliquij hñc 5 digitos vix attigit, ut ob id apud Vos 6 excedere non potuerit: dimidium digitum istic plus de Sole tectum fuisse
5 conceßero, ob minorem Lunæ parallaxin; sed vix amplius. Diligenter a nobis antequam Benatica discederemus, observata est hæc Eclipsis: aderat adhuc M. CHRISTIERNUS, qui postea a me libere et liberaliter dimissus in Patriam abiit. Dominus a TZERNEMEL, qui tibi fecit spem aliquam ante quinquennium, hñc Pragæ est a Cæsare citatus, et
10 forte aliquandiu hñc manebit, uti sunt admodum quod indicandum duxi, ne frustra alibi ab eo opem et promotionem expectes. Ego Bibliothecam meam et instrumenta, quæ Benachix habui, sic suadente Domino BARVITIO, huc transtuli: quantum enim intelligo, cupit Cæsar, ut in propinquo habitem, et iam de loco commodo, qui civitati con-
15 terminus est, deliberatur, qua de re, ubi acceßeris (neque enim abfuturum dubito) tibi, uti spero, non displicitura cognosces. Vale. Dabantur Pragæ, die 28 Augusti 1600.

Tui amantissimus

TYCHO BRAHE,
m. pr. scripsi.

20
162+ POST SCRIPTA.

FACIS in ultimis literis tuis mentionem Scoti istius Capnuranici, quod in ipsum antapologiam, perlecto præsertim libro nostro secundo de Cometa, mediteris: quare * te rem gratam et tuæ promissioni
25 meæque expectationi analogam præstiteris. Addixisti etiam, te, quæ in famoso isto scripto Urfino, Mathematica inveniuntur, refutaturum, quatenus rite non constant, quod etiam te effecturum confido. Imprimis autem averem, ut ea quæ inventioni nostræ circa Hypothesin novam fucate et fraudulenter obijcit, eam nimirum ex COPERNICO vel
30 APOLLONIO Pergæo desumptam adhuc dilucidius et plenius quam antea a te refelli, atque ut eam mihi, uti par est, abserere, prout probabilibus rationibus iam antea fecisti, non molestum duceres. Institui contra illum actionem iuridicam, postquam huc Pragam veni, intelligens mihi aliquandiu hñc commorandum, et periculum esse in mora,
35+ siquidem graviter decumberet: et impetravi a Cæsarea Maiestate (utut quibusdam, quamdiu poterant, remoram iniicientibus) ut Commissarij quatuor deputarentur, duo Barones et duo Doctores iuris, qui sententiam hac de re pronunciarent. Siquidem is per emissarios meos quaesitus, ea, quæ scripserat, retractare noluit, sed potius ad ius provocavit.
40 Verum accidit, ut eadem hora, qua citatio illi insinuanda fuit, extingueretur; at nihilominus ius meum inchoatum prosecuturus sum, siquidem lis iam quasi contestata erat, et actio non plane personalis, sed
etiam

etiam realis, ob librum famosum, qui perpetuo loco sui autoris loquitur, ut me et meos a calumnijs, quibus scatet, legitime vindicem, et iam a Cæsare Illustrissimo Domino Archiepiscopo commissum est, ut omnia exemplaria, quæ hîc reperiuntur, conquirat et igni tradi faciat, atque Typographum puniat. Decretum etiam Dominus CORRADUCIUS a Cæsare promulgandum pollicitus, ut per totum Imperium liber iste annulletur, et tanquam famosus et scurrilis irritus reddatur. || Ego vero postea totum hunc processum unâ cum Commissariorum sententia et Cæsareæ Maiestatis decreto in publicum edere constitui, libello quodam peculiari, qui ad mediocrem excrescet magnitudinem. Quod et ex consensu clementissimo Cæsaris et approbatione Domini CORRADUCIJ mihi iam perspecta, Deo volente, facturus sum. Atque in altera eius parte ad ea, quæ Mathematica sunt, atque Hypotheses concernunt, responsurus, quare tuas quoque de his conceptiones mature obtinere averem; aut si quam citissime (uti spero) acceberis, poterit id differri in tuum adventum. Vale. Datum ut supra in literis.

T. B.

[E codice Monacensi Bibl. Univ. 693 in 2^o]

MAGNIFICO ET NOBILISSIMO VIRO,
DOMINO IOHANNI GEORGIO HERWARTO AB HOHEN-
BURG, SERENISSIMO UTRIVSQUE BAVARIÆ DUCI A
CONSILIIJS INTIMIS, PRÆSIDI SCHWABÆ ET
STATUUM PROVINCIALIUM CANCEL-
LARIO, AMICO SUO INPRIMIS
HONORANDO.
MONACHI.



TEMPUS est, Nobilissime et præstantissime vir, amice inprimis honorande, ut plurimis tuis inde ab initio huius anni ad me humanissime datis literis aliqua plenius, quam semel atque iterum factum est, respondeam, ne quid scrupuli aut suspitionis de meo erga te constanti amore hæc nimia intermissio atque in rescribendo raritas suggerere poterit. Distuli autem hoc scribendi officium partim invite ob multiplices intervenientes alias curas et distractiones, partim data opera, ut ea, quæ circa Lunaris hypotheseos restitutionem moliebar, interea ad finem exoptatum, aliquatenus saltem, si non integre, perducere, atque tua dubia in hoc fidere eo expeditius resolveri possent. Ut itaque hanc moram interlapsam, licet tam tua expectatione quam mea opinione iusto diuturniorem, in meliorem partem pro solito tuo candore

candore interpreteris, te peramanter rogatum habeo. Quia vero multæ et variæ tuæ, de quibus loquor, erant literæ, et nimis longum foret, nec etiam admodum necessarium ad singula omnium contenta respondere, repetam saltem principaliora, et ea, quæ in ijs negotium Astro-

5 nomicum, de quo inter nos iucunde agitur, potissimum concernunt, solummodo attingam, prætermittis cæteris, quæ librorum e Bibliotheca Serenissimi Principis vestri mecum communicatorum mentionem faciunt, de quibus postmodum summam, siquidem nunc libros illos remittam, nonnulla subiungam.

10 Ad literas itaque primas die 10 Ianuarij scriptas sic habe. Proponis in ijs quatuor quæstiones, quarum prima est de parallaxibus Solis et Lunæ, quomodo eæ secundum meam mentem colligendæ sint. Parallaxes Solis e Tomo primo Progymnasmatum tibi transmissa pag. 80 iuxta triplicem eius a Terra remotionem facile venabere. Lunarium

15 vero parallaxium canonem manuscriptum existimo, cum cætera ad Lunæ apparentias atque eclipses facientia impartirer, tunc adiunctum fuisset. Licet, ut dicam, quod res est, parallaxes Lunæ adhuc quadam alia limitatione indigent, quam brevi quoque favente Numine adipisceris.

20 Secunda quæstio rationem æquationis temporis in Luna retro constituenda expetit, quod quidem præstari posset, si, qualis illa annua variatio, quam veteres non animadverterunt, tum temporis fuisset, et a quo puncto Zodiaci penderet, siquidem apogæum Solis non respiciat, certo constaret. Verum ex quo in neoterica reformatione revolutionum

25 Lunarium hæc annua variatio, quæ per se exigua est, et sextantem † gradus modice excedit, alijs quibusdam medijs absorbetur, et æquationis temporis, quoad Lunam diversa quædam tam ab hac priori, quam antecessorum forma, per ipsam experientiam in motu Lunæ, alijs atque alijs anni temporibus multipliciter et sedulo explorata re-

30 paratur, iccirco supervacaneum duco de prioribus illis tanquam otiosis et a nobis iam antiquatis ulterius verba facere. Ubi cæteras in Luna reformationes acceperis, videbis annuæ illi insinuationi subventum esse, nec novus ille æquandi temporis modus, sine quo cætera subsistere nequeunt, ibi prætermittetur, et tam nostris quam veterum tem-

35 poribus adaptatus.

Tertio de longitudinibus locorum quorundam a me usurpatis certior fieri desideras, ut Regiomontis Prubiæ, quam assumpsisse REINHOLDUS in catalogo eius locorum insignium depræhenditur, Par. 46 M. 45, † licet id discrete indicare neglexerit, ego eandem totidem partium, prout

40 tu quoque recte colligis, assumendam duco. Hierosolymarum longitudinem e PTOLEMÆI Geographia petendam existimo, quod loca in viciniore Palæstina illi rectius quam alijs patuerint. Romæ longitudi-

nem

nem COPERNICUS gradibus 5 Cracovia occidentaliorem facit, sicque evaderet ea part. 40 $\frac{1}{2}$, quod tamen nimium esse suspicor, ego vix 39° attingere, aut certe non multum excedere crediderim. Negotium hoc de longitudinibus locorum non parum habet perplexitatis, cum observationes eclipsium Lunarium in varijs hinc inde versus ortum et occasum remotis Regionibus diligentissime acceptæ sufficienter in promptu non sint. Quæ ignoratio Astronomiæ quoque, præsertim quoad Lunam, nonnihil officit. Nos qua fieri potuit circumspeditione præcipuas Europæ civitates in competentem dispositionem redeimus, ut suo tempore videbis, correctis etiam, quantum licuit, earundem latitudinibus, in quibus, cum facillime pateant, pudor est, tantopere nihilominus communiter aberrari, veluti REINHOLDUS, qui Regiomontis latitudinem ex APIANO 26 M. iusto minorem mutuatus est. Quin et ipse APIANUS elevationem Augustæ Vindelicorum 5 Minutis e sua, uti puto, observatione iusto decliviorum fecit, et CYPRIANUS adhuc plus, nempe quinta parte gradus defecit.

Ad quartum quæsitum scias tabulam prosthaphæreseon Lunarium, quam postea iuxta priorem hypothesin supputari feci, non multum differre ab altera Hamburgi minus diligenter impressa, nisi quod quædam perperam istic duobus in locis || excusa emendet, et omnia scrupuloser, utpote singulis secundis, exhibeat. At cum tabula illa per omnia apparentijs non satis præcise correspondeat, liquidem ob conturbationes rerum mearum in Dania factas, dum peregre sum, tam cito revideri et castigari non potuerit, quod nunc concessio meliori ocio tandem effectui daturum spero, cumque redintegratas illas tam æqualium quam inæqualium motuum Lunæ tabulas tecum, ubi penitus absolutæ fuerint, communicare decreverim, quorsum opus circa has exauthoratas pluribus occupari? Quis enim Cerere reperta glande velsitur?

Alteræ tuæ literæ die 16 Ianuarij exaratæ de Triangulorum compendiosa per προσαφαίρεσις resolutione solerter agunt, et a nostris ratiocinijs non admodum aliena habent, quare ijs diutius non immorabor, sed pergam potius ad eas, quæ octavo Februarij scriptæ sunt, prætermittis duabus intermediantibus ob causam superius dictam. Agis inibi de calculo locorum Lunæ ad tres dies in libro nostro Epistolarum pag. 56 inter reliquos Planetas assignatorum, quodque ea ex observatione petita Tabulis nostris non satis consentiant, inducis. Fateor quidem id aliquatenus sic esse, non tamen tanta invenitur discrepantia, quantam tua supputatio mihi transmissa suggerit, uti ex nostra, quam apposui, repetitione liquet, duobus posterioribus locis satis convenientibus, et primo saltem illo nonnihil exorbitante, nam ut minutula quædam præteream, ubique differentiam illam, loco Lunæ, respectu polo-
rum

rum Eclipticæ per Instrumenta observato, et illi, qui in propria orbita
 existit, quem calculus solummodo præbet, varie intercidentem negligis:
 forte quod tabellam diversitatem hanc ostendentem cum prioribus non
 acceperis, quam, ut tibi postmodum ad manus sit, hîc additam habes,
 5 liquidem renovatis etiam tabulis, quas alias, ut promisi, obtinebis,
 æque applicari poterit. Quomodo autem repurgati hi canones loca
 Lunæ, tribus illis diebus satis præcise convenientia, expediant, in alia
 charta denotatum invenies, idque quoad solas longitudes. Nam in
 10 latitudinibus ex observationibus salvandis, et parallaxibus, quæ sese
 immiscent, extricandis, etiamnum laboramus. Neque tamen in lati-
 tudinibus a priori ordinatione evidens discrimen subrepere poterit.
 Quam vero priores illæ apparentijs congruerint, tute satis expertus
 es, et quam proxime in tuo calculo aßecutus, ut hac de re frustra mo-
 veatur dubitatio, nisi quis velit scrupulosius, quam sensus oculorum
 15 fert, singula trutinando nodum in scirpo quærere.

Quas postea die 20 Februarij ad me misisti literas, restitutionem qua-
 rundam peculiarium affixarum a CHRISTOPHORO ROTHMAN-
 NO Landtgraviano olim Mathematico adiunctam habuere, cuius com-
 municatio mihi grata fuit; licet enim ab ipso laudatissimæ memoriæ
 20 Principe, dum adhuc in vivis erat, mihi aliquot inerrantium siderum
 ipsius Instrumentis facta verificatio transmissa sit, ut eam per triangula
 expenderem atque cum meis pariter inventis conferrem, quemadmo-
 dum in Epistolis inter nos commutatis videre est: tamen non tot erant
 numero stellæ, neque tam diligenter in trutinam Triangulorum et cal-
 25 culi vocatæ. Ex ijs, quæ nos capite secundo Progymnasmatum Astro-
 nomicorum circa fixarum restitutionem tractavimus, nostras rationes,
 et quanta diligentia hanc provinciam susceperimus et administraveri-
 mus, perspicies, collatione autem inde cum hisce Landtgravianis lon-
 gitudinibus facta, eas ubique 5 vel 6 scrupulis nostras excedere anim-
 30 advertes, nec in latitudinibus maiorem esse differentiam, quam hæc
 in longitudinibus varietas proxime postulat. Qua vero occasione factum
 existimem, quod Landtgravianæ observationes stellarum longitudes
 per unciam circiter unius gradus plus iusto extenderint, in dicto Pro-
 gymnasmatum capite pag. 274 reperiens, et alias in Epistolis hac de re
 35† inter nos affatim ventilatum est. Non est quod tibi persuadeas, ROTH-
 MANNUM unquam hanc stellarum verificationem suo nomine in
 publicum editurum, nam animum ab his studijs iam prorsus abiecit,
 et per procuraciones forenses victum quærit, quatenus adversa vale-
 tudo, qua miserrime conflictatur, id admittit, nec scio, an adhuc super-
 40 stes sit. Nam cum ultimo ad me de eo scriberetur, ipsum cum extremo
 sanitatis et rei familiaris dispendio vitam ægerrime trahere relatum
 147^r est. Quare non opus est, ut verearis, tibi aliquando im-||putari posse,
 44* quod

quod huius fixarum ab eo peractæ emendationis me participem reddideris, nisi id celâro, quod tamen nihilominus libenter facio, licet, ut dicam id quod cenleo, eius rectificatio parum mihi prodesse poterit, cum iam diu ante meas circa fixarum correctionem lucubrationes consignârim, et pro maiori parte typis imprimi curârim, uti liber, quem habes, ostendit. Supplevi postea plures, quo numerus millenarius consummaretur. Quam millenarum stellarum exactam restitutionem Augustissimo Imperatori RUDOLPHO, Domino nostro Clementissimo, in membrana descriptam ante annum, cum primum Pragam venissem, humilime obtuli.

Postea in iisdem literis de resolutione Triangulorum per προσθαφαίσεις recte quidem inferis, quod non multum contineat facilitatis atque compendij, si de planis solummodo intelligis: attamen in sphericis non contemnendam suppeditat promptitudinem, et citius quam vulgaris fert methodus, calculum absolvit. Quin etiam in ipsis Planis Triquetris non tantum, uti existimas, a scopo exacto deflectitur, si subtilissime ex integro canone RHETICI alicubi, prout opus est, emendato, omnia perficiantur, veluti reiterata tua exempla in hîc præsentî quadam charta te monere poterint; nuspiam enim 4 vel 5 scrupul. secund. quæ canonis insufficiencia excusat, quæque etiam per se non sunt ali- cuius momenti, deviatio committitur.

Attingis insuper ibidem sex illas in Luna animadversiones, quas præfato Progymnasmatum libro sub calce capitis sexti assignavi, easque cum calculo e tabulis Lunæ tibi antea exhibitis confers, adiuncto tuæ numerationis epilogismo, quem postquam introspexissem, animadverti, utut non modicam ibidem adhibueris diligentiam, nonnunquam tamen id, quod intendebas, non satis abecutum, quemadmodum recognita eorundem nostra via computatio, quam tribus prioribus ex Epistolis recensitis calculationibus subiunxi, te in prima pagina, hæc, uti dispicias, continente, edocebit, licet inficiari non possum, calculum hunc, ex primis Lunæ tabulis quacunque sedulitate elaboratum, in quibusdam, præsertim postremis duobus, in Octobri anni 1586 factis denotationibus, nimium exorbitare, cui tamen enormitati posterior in Lunæ curriculo adhibita correctio ita medetur, ut nihil dubij, quod mentionem mereatur, relinquat, veluti in secunda pagina, tribus illis ex Epistolarum libro sumptis Lunæ locis et ad renovatum calculum expensis, hæc quoque sex, quæ Progymnasmatum liber suppeditat, ad normam eiusdem reformatæ supputationis, sub incudem numerorum revocantur. Ubi tamen id considerandum venit, quod ea, quæ etiamnum ibi residua videtur ab annotatione in libro Progymnasmatum facta discrepantiola, quæ tamen nusquam tria vel quatuor minuta excedit, non ita stricte accipienda sit, ac si tabulæ neotericæ tantundem omnino

omnino a cœlitis facta observatione aberret. Nam loca longitudinis
 Lunæ in dicto libro apposita vix sunt exquisita scrupulositate ex ob-
 servationibus, quæ etiam non ubique sufficientes in promptu fuere,
 ita recensita, ut pro 3 vel 4 scrupulis quis fidem interponere possit, quod
 5 et revisæ observationes atque subtilius castigatæ, sicubi ad adscriptum
 tempus in voluminibus observationum nostrarum inveniuntur, satis
 probant, prout etiam a nobis ijs in locis, ubi opus fuit, ad memoratam
 paginam subnotatum est. Haud enim duxi necessarium præcisionem
 quoad longitudinem Lunæ istic proponere, cum parallaxes solum-
 10 modo scrutari intentio nostra foret. Et sane si dextre ab ijs, qui in ob-
 servationum Astronomicarum palæstra diu multumque exercitati sunt,
 omnia secundum rei exigentiam et difficultatem æqua lance expen-
 dantur, non invite fatebuntur, quod trium vel quatuor minutorum,
 imo etiam duodecimæ partis unius gradus in hac pragmatēa discon-
 15 venientia nostram determinationem convellere nequeat. Cum enim
 Luna non tam splendidum et notabile vibret lumen atque Sol, quo in
 Instrumentis per umbram aut illuminationem pinnacidiorum centra-
 liter citra omne dubium discerni possit, longe difficiliter quam ☉ aut
 147 etiam cœtera astra, quæ per rimulas || dioptrales satis præcise deno-
 20 tantur, observationi subtiliori patet, unde fit, quod marginem aliquem
 Lunæ præsertim maxime plenum inter observandum collimari oporteat,
 ubi hæc etiam difficultas incidit, quod vix dirimere detur, an quis
 plus vel minus iusto circa limbi illius contactum solummodo dignoscen-
 dum collineet, alijs atque alijs observatoribus pro diverso acumine vi-
 25 sus non in eodem puncto scopum petitem attingentibus. Taceo nunc,
 quod parallaxes Lunæ eius observationem reddant magis lubricam,
 quam in ullo alio fidere, et licet hæc quoad longitudinem iuxta nona-
 gesimum Eclipticæ ab horizonte gradum præcaveri queant, tamen id
 non diu durat, et rarissime per serenitatem ob nubes et alia impedi-
 30 menta tales occasiones suppetunt. Et quorsum quæso maior scrupu-
 lositas, quam quæ facile in sensus cadit, hîc solícite sectanda? Cum ea
 omnia, quæ ex motu Lunæ emendato deducuntur, si per experientiam
 ponderanda sint, sensuum adminiculo indigeant, qui pariter ut prius
 circa minima et imperceptibilia hallucinari possunt. Hæc vero ob id
 35 eo fusius inculco, ne quis sibi polliceatur, tam exactam undiquaque
 certitudinem in Lunæ apparente motu obviam esse atque circa Solem
 et reliquos Planetas, fixasque stellas, modo debita adhibeatur diligen-
 tia, præstari poterit. Interim tamen non ferendum duco, ut nimis lato
 modo, utpote in sexta vel quarta solummodo gradus parte, Lunæ ex-
 40 ponantur *φανόμενα*, prout veteres, qui ad maiorem præcisionem vix
 aspirare ausi sunt, admiserunt, imo usitatas tabulas, sive Alphonsinas
 sive Copernicæas, aut quascunque alias abumperimus, intra unum
 aut

aut sesquialterum gradum subinde Lunæ loca cœlo correspondentia vix præbere. Veruntamen hoc insuper admonendum duco, quod etiam si Luna non tam subtiliter per Instrumenta observabilis sit, ut de centri eius situ exactissimo nihil prorsus dubij relinquatur, tamen, quantum ad Eclipses attinet, modo eæ per ingressum et egressum umbræ terrenæ accurate denotentur, promptius patent, et inæqualitas illa, quæ circa novam et plenam contingit, simplicior est, nec tam varijs anfractibus obnoxia, atque ea, quæ iuxta alias digressiones fit, in quibus maior quidem subest perplexitas, quam ulli veterum aut recentium Astronomorum (absit invidia dicto) hætenus vel semel suspicari poterint, nedum ut ei sufficienter per oportunitatem hypothesein et hinc deductam numerationem providere sustinuerint. Licet vero hæc omnia ita se habeant, polliceri nihilominus ausim, Lunæ cursum in tabulas recentiores a nobis digestum exactius apparentijs satisfacturum, quam cuivis per Instrumenta facile assequi in proclive est, siquidem non nisi a selectissimis et minime dubijs observationibus per annos plures quam 20 exanthlatis derivatus, idque Instrumentis minime fallacibus, quæ imitari paucissimis conceditur. Atque hæc de Lunæ motu observando examinandoque satis superque dicta sunt.

Quantum epochas mediorum motuum in hac ipsa Luna ad tempora PTOLEMÆI retro constituendas, quarum in iisdem etiam literis mentionem facis, concernit, scias eam in his denotationem, quæ tibi transmissa est, non fuisse genuinam, sed per incuriam nescio quam ex antiquata et reiecta quadam assumptione, a quodam studiosorum meorum descriptam, cum verior illa ad manus non esset, atque ea, quam pro rata habui, neque ijs, quos acceperis, neque Prutenicis numeris consentit, quam modo substituere minus necessarium duco, siquidem tota illa prior ratio Lunaris circuituionis, aptiore nunc inventa, a nobis repudiatur. In hac vero posteriore redintegratione, ubi eam adeptus fueris, epochas ad PTOLOMÆI tempora correctas unâ obtinebis.

Pro libris præstantissimi illius Mathematici FRANCISCI VIETÆ, quorum simul cum literis die 26 Aprilis mihi inscriptis copiam fecisti, gratias ago plurimas. Retulit ante annum mihi, cum Pragæ unâ essemus, ADRIANUS ROMANUS, insignis etiam Mathematicus, eundem VIETAM de Triangulorum compendijs peculiaribus nonnulla in publicum edidisse, quæ videre || averem. Pollicitus is quidem est, se mihi exemplar missurum, sed necdum respondit eventus.

Ad eas, quas huc nono Maij direxisti, non opus arbitror multis respondere, cum præcedentia sufficiant. Id saltem addere lubet, mihi nequaquam esse ingratum accuratum tuum illud studium in disquirendis subtiliterque ponderandis ijs, quæ a nobis circa Lunam prius elaborata erant, imo cuperem ulterius, tam in his quam alijs, idipsum pari

pari diligentia a te fieri, et sicubi aliquid dubij inciderit, ingenue me admoneri, plus enim sæpe vident oculi quam oculus, et te candide agere veritatis solius eruendæ amore, non ut cum præiudicio quodam nostra insecteris, prout plærique scioli facere præsumunt, sufficienter
 5 perspectum habeo. Tentavit etiam excellens ille Italorum Mathematicus ANTONIUS MAGINUS, in Luna, nonnulla e quaternione illo de motu eius Hamburgi impresso, quem a quodam meo domestico in Italiam profecto, me inscio, adeptus est, idque etiam bona, ut ex literis eius apparet, intentione fecit, sed non pari tecum felicitate metam peti-
 10 tam attigit, veluti patet ex calculo, quem literis suis inclusum ante aliquot hebdomadas ad me misit, cuius copiam unâ facio.

Huc usque scripseram, vel potius amanuensi meo dictâram, antequam Benaticâ ante duos circiter Menses discederem, et constitueram non saltem hîc Pragæ has ipsas literas supplere, et quædam alia adiungere, ac calculum, quem mitto, revidere, et in quibusdam etiam
 15 explicare, antequam eas ad te mitterem, prout in brevioribus illis, quas (cum ante mensem libros communicatos restituerem) ad te dedi, me pollicitum existimo. Verum cum indies nova me occupent negocia, ut id, etiam si quam maxime vellem, satis cito expedire nequeam (habeo
 20 insuper quædam præ manibus pro Cæsarea Maestate, Domino nostro clementissimo, peragenda, quæ non sinunt me alijs sedulo attendere, priusquam illa absoluta fuerint) cogor hæc utut immaturas et incompletas ad te dirigere, quo pollicitationi meæ vel aliqua saltem ex parte, si secundum totum nunc non liceat, satisfiat. Adiunxi ea, de quibus
 25 inibi mentio facta est, quatenus nunc inveniri poterant: nam amanuensis ille, qui et antecedentia scripserat, et quæ apponenda erant, conservârat, non amplius apud me est, sed me inscio, postquam huc Pragam veni, contra datam fidem, nescio equidem qua de causa, ab alio, uti opinor, instigatus, se subduxit, et ad Witebergenses, ubi officium
 30 aliquod scholasticum sperat, redijt: unde vereor omnia, prout oportuit, hîc addita esse, imo an ea ipsa, quæ adiunxi, recte se habeant, et satis accurate consignata sint, ambigo; neque enim recognoscendi modo suppetit otium. Tuum itaque erit omnia circumspecte expendere, et
 148^v sicubi opus fuerit, castigare, || quod pro tuo in hisce exacto iudicio non
 35 difficulter præstiteris. Cuperem vero vel has ipsas, vel earum exemplar (nullum enim mihi ad manus est) remitti, ut desiderata per meliorem oportunitatem suppleam, et si quæ in annectendis omiâ aut minus elaborate peracta sunt, resarciam et perfectiora reddam.

† Ad ♀ stellam olim iuxta ALBINOVANI Poëtæ opinionem in aurora
 40 non apparentem, qua de re denuo in ultimis tuis quæstionem movisti, ut multa nunc respondeam, temporis angustia impedit, nec etiam aliæ nunc succurrunt rationes, quam eæ, quas ante annum ad te perscripsi.

Licet

Licet enim in novitio tuo calculo, præsertim ad primum tempus conjunctionis ♀ et ☿, latitudinis diversitas non tanta sit, quanta antea admissa est (neque enim hîc dimidium gradum attingit, quem PTOLOMÆUS non semper hac in parte aßecutus est, nedum eius imitator COPERNICUS) attamen quomocunque coniungantur ♀ et ☿ etiam 5 in ipso longitudinis et latitudinis minuto, hæc ab ipso, ut plane non appareat, obscurari nequit, cum unum luminosum corpus alterum non obfuscet, nec visibilis diameter ☿^{ij} tanta est, ut id efficere possit, quemadmodum iam dudum monui. Si itaque citra Poëtarum Privilegia Poëta is veridicus est, crediderim potius ♀ ob exhalationes et 10 meteora quædam candida aërique similima obvelatam delituisse, præsertim cum 8 saltem gradibus a ☉ elongaretur, ideoque radijs eius quodammodo obnoxia, minusque ob diem illucescentem conspicua; sed de his tute rectius dispicies. Addam SCALIGERI literas nonnulla in fine de hoc ipso negotio continentes, si exemplum satis cito obtinuerō. 15

Fuit apud me Benaticæ vere præterito M. IOHANNES KÖPLERUS, insignis apud Styriacos Mathematicus, cum quo tibi etiam per literas familiaritatem intercedere ab ipso cognovi. Retulit vero inter alia se aliquando nonnulla tibi scripsisse, de Hypothesibus meis in contro- 20 versiam vocatis, atque quod eæ nec in COPERNICO, nec APOLLONIO PERGÆO, ut quidam (iam ante 14 dies mor-||tuus) prætendit, 149^r invenirentur, ostendisse, atque certis indicijs non alterius, sed meas esse collegisse. Rogo itaque peramanter, velis eas KÖPLERI literas mecum † aliquantisper communicare, aut saltem ea verba, quæ hoc negotium concernunt, inde tranßumpta et tuæ manus subscriptione in veritatis 25 testimonium ratificata transmittere, idque per primam Postam a vobis huc redeuntem, et Agenti (uti vocant) Principis vestri id, quicquid erit, mihi tradendum committere. Feceris mihi sic rem apprime gratam; incumbit enim nunc aliqualis neceßitas, cur sic fieri averem, de qua 30 alias rescisces.

Invitârat nuper Serenissimi Principis vestri Legatus me ad cœnam, a quo humanissime et lautissime exceptus fui, et crebra tui, eaque (uti decuit) honorifica facta est inter nos mentio. Quamprimum ea, quæ nunc pro Cæsare elaboro, parata fuerint, ut liberior esse queam, con- 35 stitui illum vicissim ad me invitare, siquidem quod acceßum non sit detrectaturus, iam benigne mihi addixerit. Tunc plenius de te colloquemur, et nonnulla ex ijs, quæ inter nos mutuis literis ventilata sunt, ipsi ostendam, unâ cum Instrumentis quibusdam e meis, quæ nunc partim Benaticâ, Cæsare sic volente, huc allata sunt, partim (uti spero) brevi aderint, ut de ijs domum reversus ad te referat: quamvis potissi- 40 ma eorum pars, unâ cum reliqua mea suppellectile adhuc Magdeburgi detineatur, sumptibus tamen Reverendi eius loci Capituli, in gratiam Cæsareæ

Cæsareæ Ma^{tis} huc per Albim (nisi ob æstum continuum nimis exsic-
catus fuerit) quam citissime fieri poterit, advehenda. Quæ hoc tempore
tibi scribenda insinuandaque duxi, utque omnia candide accipias, at-
que mature expectationi nostræ respondeas, te etiam atque etiam roga-
tum habeo. Vale. Dabantur Pragæ die 28 Augusti stylo novo Anno 1600.

Magnificentiæ Tuæ

studiosissimus

TYCHO BRAHE,
manu propria scripti.


10 Si aliquos ex libris in scheda pariter adiuncta denotatis successive
mihi mutuo mittere possis, feceris sic non minus quam antea rem ac-
ceptissimam. Restituam eos bona fide, ut etiam in prioribus factum.

Habes insuper hîc Calculum Eclipsæ Solaris, e novitijs meis tabulis
supputatum. Inde facile colliges, paulo aliam esse in (æ motu postea
15 adinventam rationem, quam prior illa tecum antea communicata. Ob-
servata est ☉^{is} altitudo ad initium obfuscationis P. 60 M. 43 in eleva-
tione Poli P. 50 M. 4½ iuxta meam animadversionem. Hinc tempus in-
quire ac cum nostris numeris confer. Hîc autem Pragæ hæc, de qua
loquor, facta est observatio per Quadrantem quendam orichalcicum
20 Generosi Domini IOH. FRIDERICI HOFFMANNI singula minuta
exhibentem, et ad imitationem cuiusdam ex meis, qui in Mechanica
Astron. numero est tertius, elaboratum. Si quid apud vos in eadem
Eclipsi coelitus denotatum est, fac me eius animadversionis participem.

[E codice Monacensi Bibl. Univ. 693 in 2º]

25 IOANNES GEORGIUS HERWARTUS

AB HOHENBURG AD TYCHONEM BRAHE.

239^v  UM primum, Vir nobilissime atque Mathematicorum
omnium facile princeps, ad me misisti carmina illa, quæ
de rebus tuis sunt composita, subiit animum, quod quon-
dam IACOBUS CURTIUS Procancellarius Imperij, piæ
30 memoriæ (qui mihi assiduus studiorum collega et contu-
bernalis in Gallia et Italia, exinde amicus intimus et qui-
dem pars animæ meæ, dum vixit, extitit) mea suggestionem motus, desi-
deravit carmen aliquod huius generis obtinere a D. PHILIPPO MEN-
35 ZELIO, Medicinæ D. et Professore celebratissimo, cum is in his parti-
bus Poëtas reliquos longe antecellere existimetur, sed ob distractiones
tam lectionis publicæ quam et praxeos Medicinalis modo memorati
D. MENZELIJ frustra et in cassum laboravit. Idcirco plane constitui
nullum

nullum non lapidem movere, donec optatum ego adipiscar. Id ægerime quidem, ut verum fatear, sed tamen iam tandem aliquando impetravi, et his iunctum ad te mitto, quod spero et confido tibi non futurum ingratum.

Mitto etiam veteres quosdam Geographos nunc primum in lucem editos, mihi que inscriptos, inter quos SCYLAX Caryandensis est, cuius et STRABO et CICERO meminit, author sane vetustissimus, ipso HERODOTO et THUCYDIDE antiquior, ut qui temporibus DARIJ primi HYSTASPIS filij floruerit, penes quem aliqua reperies, quæ alibi non extent. Atque simul unâ te bene valere et quam foelicissime florere ex animo opto. Datæ Augustæ die 8 Sept. A. 1600.

[E codice Vindobonensi lat. 10686⁴]

NOBILISSIMO DOCTISSIMOQUE VIRO
DOMINO TYCHONI BRAHE, DOMINO A KNUDSTRUP
ET URANIBURGO, MATHEMATICORUM OMNIUM
FACILE PRINCIPI, DOMINO ET AMICO SUO
SINGULARI OBSERVANTIA COLENDO.

PRAGÆ.




UM præteritis diebus, vir nobilissime atque Mathematicorum omnium facile princeps, Augusta transirem, ipse consignavi Theatrum tuum Mechanicum Generoso viro, D. PHILIPPO EDUARDO FUGGERO. Egit ille tum gratias ingentes, et pollicitus est, se tibi in scriptis quoque gratias acturum. Hac ipsa die domum reversus reperi literas tuas die 28. Augusti stylo novo Pragæ exaratas, quibus inter alia desideras quantocitius ea tibi transmitti, quæ M. IOANNES KEPLERUS de hypothefibus tuis antehac ad me scripserit. Est is sane Mathematicus insignis, mihi que tam eo nomine, quam et ob candorem suum perquam acceptus: quare nollem eum quavis ratione vel occasione offendere. Sed cum scribas fato iam functum illum, qui sibi hypothefes illas arrogaverat, et non modo pro re nata, verum etiam pro benevolentia tua, qua me complecteris, plane mihi persuasum sit, hanc communicationem amico meo D. KEPLERO non fore ingratam, idcirco morem gerere tibi statui. Scripsit autem is 30. die Maij anno proxime elapso 1599 hæc verba:

»*Fatetur URSUS, se hypothefes illas suas non a seipso habere, nisi quatenus aliquid differt a TYCHONE. Contendit vicissim TYCHO, quas profiteatur hypothefes (qua parte discrepant a Copernicanis) eas se suo Marte invenisse nec aliquid simile uspiam vidiſſe. Contra*
URSUS,


URSUS, et suas et TYCHONIS deductas esse ex APOLLONII PER-
GÆI iam pridem circa tempora CHRISTI publicatis hypothesibus.
Huius sui pronunciati causam reddit loca aliqua COPERNICI, in
quibus partim ipsa hypothesis TYCHONIS expresse ponatur ab ipso
1^v COPERNICO || partim vero APOLLONIO PERGÆO ascribatur.
Atqui nihil minus ijs locis COPERNICUS dicit quam hoc ipsum
quod vult URSUS. Neque enim TYCHONIS hypothesin exprimit
(fallitur ex allusione URSUS) nec eam APOLLONIO PERGÆO
ascribit. Cum ergo fateatur URSUS 1. se hausisse suam hypothesin
10 aliunde, 2. invenisse expressam in COPERNICO et attributam PER-
GÆO, 3. eandemque esse quam habet TYCHO: fatetur ergo se de-
scripsisse illam ab aliquo, qui idem dicit quod TYCHO.

Notetur hoc, quod qui suas URSO monstrarit hypotheses (dempto
exiguo quod mutatu facile est) is eadem plane ὑποτιθεῖ cum TYCHO-
15 NE. Quis autem is est? URSUS dicit, COPERNICUM illum esse, et
in eo PERGÆUM prætereaque neminem. Nemo itaque est Author
Urfinarum præter aut PERGÆUM, in COPERNICO, aut TYCHO-
NEM. Atego dico, PERGÆUM non esse Authorem Urfinarum, nec
COPERNICUM. Ergo solus TYCHO prætereaque nemo fuit URSO
20 commonstrator ad suas hypotheses. Firmamentum causæ in eo est,
ut genuinum sensum COPERNICI habeamus. Cætera confessione
sua concinnavit URSUS ipse. Ergo lib. 3. cap. 25. Revolutionum, ubi
Tychonias URSUS a COPERNICO putat exprimi, largitur qui-
dem COPERNICUS aliquos ex motibus, quos ipse Terræ tribuit,
25 Soli transcribi posse: sed non id largitur de motu annuo, nec de mo-
tibus 5 Planetarum capitalibus ibi agit: nec id fert argumentum
libri, quod versatur in explicatione solius motus Solaris (sive terre-
stris) sine respectu motuum cæterarum stellarum. Ad evidentiam
† rei describam duo schemata mentem COPERNICI explicantia: ||



30† Hæc est hypothesis COPERNICI, circa
unum orbem Terræ vel Solis.

45*



Hæc est mutatio, quam libro 3. cap. 25.
etiam possibilem ponit, et in dubio relinquit.

In

In priore schemate A centrum et mundi et corporis Solaris. B centrum Epicycli, quod saluat eccentricum (COPERNICUS ex epicyclis et magno orbe facit eccentricum, sed idem esse ipse ait). Et B illud æqualiter per anni spacium circa A circumit. C centrum Epicyclij quod mutationem præstat eccentricitatis. Illud C itidem annuo motu circumit circa B, in partem contrariam. D Terra est, quæ intra annos 3434 circa C circumagitur.

In altero schemate F est centrum mundi et motus Terræ H, quæ annuo motu adhuc æqualiter circumit. E est centrum corporis Solaris, quod circumit circa G centrum in annis 3434. G est centrum epicycli, qui Solem E fert, præstans apogæo Solis progreßum, nam in annis 17188 secundum COPERNICUM et Prutenicas circa F circumit, sub fixis. Itaque movebitur quidem loco suo Sol duobus motibus, sed tardissime, nec multum. Sunt enim circelli valde angusti ad comparationem eius circuli, in quo, in utroque schemate, Terra currit. At URSUS, seu inscitia, seu stultitia (qui hæc neminem intellecturum speravit) putat COPERNICUM de tali motu Solis loqui, qui || fit similis motui Terræ annuo Copernicano: quique aliquid in parallaxibus 5 Planetarum inferat. Nam hi duo, Soli secundo loco conceßi a COPERNICO, in consideratione cæterorum Planetarum negliguntur, sive Terræ sive Soli attribuantur: quamvis postulante id demonstratione exiguum aliquid inferant, quod videtur sentire in observationibus TYCHO. Hæc de primo loco.

In reliquis locis ex COPERNICO allegatis lib. 5. c. 3, 35 adhuc multo peiorem causam habet URSUS. COPERNICUS mentionem APOLLONIJ PERGÆI eiusque lemmatij ex PTOLOMÆO transtulit, quod miror non legisse URSUM in PTOLOMÆO. Sententia PERGÆI toto fere genere alia est. Non enim versatur ille in consideratione systematis 5 Planetarum, quorum centrum in corpore Solis fit, ut TYCHO atque COPERNICUS et quidam antiqui: sed solum in eo ut dicat, qualem proportionem habere debeat Epicyclus cuiuslibet Planetæ, seorsim ad suum orbem proprium et horum ad motum anomalix commutationis et motum æqualem periodicum, ut ex tali proportionem sequatur Planetæ illius statio et regressio. Sic etiam defectus eius hypotheseos in eo fuit, quod PERGÆUS opinatus est, quemlibet Planetam una tantum inæqualitate variari¹, quæ a PTOLOMÆO salvatur per epicyclum, nesciens ipsum etiam epicycli centrum inæqualiter incedere, sive secundum PTOLOMÆUM, in Eccentrico. Hunc allegatorum locorum sensum esse

¹ PERGÆUS non commendatur a PTOLOMÆO, ob ipsam conditionem hypothesium, sed ob † 40 subtilitatem demonstrationis sane pulcherrimæ. Vide REINHOLDUM in Theorias PURBACHIJ, capite de stationibus.

omnes professores dicent. At *URSUS* aut cæcus aut vafer, interpositione parenthetica vocis (mobilis) persuadere vult, *PERGÆUM* vel pro eo *COPERNICUM* loqui de communi illo motu omnium 5 Planetarum, propter Solem, centrum illorum, annuo motu circumactum: de quo motu *TYCHONIS* hypothesefes sonant, quique a *COPERNICO* Terræ tribuitur. Atque hoc est firmamentum causæ. Qui hæc perpendit, illi iam ultro suspicio oritur ex omnibus circumstantijs. Fatetur || se furti philosophici reum, se *Magdeburgi* sententiam *TYCHONIS* de mundi habitu publicam fecisse, sed iuxta 10 suam, natam scilicet ex quadam matre, quæ nuspiam est, ut modo quærendo comperimus. «

Hactenus illa, quæ M. *KEPLERUS* ad me scripsit. Ad alia quæ scribis, responsum habebis, cum primum mihi fuerit tantum otij, atque hisce tibi officia et studia mea offero promptissime. Datæ Monachij 15 die 11. Sept. Anno 1600.

Nobilissimæ T. Dⁿⁱ

Addictissimus

IOAN. GEORG. HERWART AB HOHENBURG,
manu propria.

20 [E codice Basileensi G I 35]

TYCHO BRAHE AD MARTINUM BRASCHIUM.



133^r UAS 8 die Augusti stylo vestro ad me dedisti literas, Eruditissime BRASCHI, eas heri, qui erat 14 Septembris iuxta reformatum Calendarium, per Dn. GÖDELMANNUM, Legatum Saxonicum hîc agentem, recepi, quibus nunc, ipso etiam sic ob nuncij festinationem admonente, hæc, quantum ferunt aliæ meæ occupationes, 25 properanter rescribo. De Elegiaco tuo Carmine bene est, quod meas etiam qualescunque non respuis notas: incœperam quodam die pomeridianis horis (nam ante meridiem seriora tractanda sunt) nonnulla in eodem mutare atque aliter disponere, quædam etiam omittere, atque nonnullibi alia supplere, idque antequam ex Arce residentię meæ Bennaticâ huc Pragam a Sacra Cæsarea Maiestate, Domino nostro 30 Clementiss. quamprimum Pilsenâ redierat, clementissime evocatus, ubi etiamnum usque in tertium Mensem ab eadem retineor, et quantum intelligo, cupit ipsius Maiestas, ut in viciniore magisque oportuno habitem loco. Toto vero illo tempore, dum hîc sum, tot mihi pro ipsius Maiestate et alias quoque peragenda fuere, ut otium mihi non superfu- 40 fuerit ea vel semel in manus resumendi, nedum plenius recognoscendi, sed

sed fiet id, nacla, uti spero, aptiore et tranquilliore commoditate. Interim vellem, ut carmen illud tacitus tibi reservares, nec cuiquam communicares; sunt enim quædam in eo, quæ minus apposite relata sunt, nec pro Cæsare (ut de me ipso nihil dicam) satis decore aut conveni- 5
enter, de quibus, ubi ijs denuo vacare licuerit, te ingenue admonebo, vel nostra transmutatio id facile edocebit, neque enim dubito, quin pro tuo candore, prout etiam nunc polliceris, sis æqui bonique laturus. Alterum illud carmen Epicum de VARADINO, cuius meministi, nondum vidi; nec mihi cum Domino MELCHIORE RÖDERO, cuius mentionem facis, ulla hætenus interceßit noticia, neque etiam scio, 10
an hîc sit, quantum relatione aliorum audio, in Ungaria est; quare de eo et ijs, quæ ipsum concernunt, non habeo amplius quod scribam.

MELISSUS tandem expectationem et spem, quam de ipso concepimus, redemit, mißis, paulo antequam Benaticâ abirem, ternis ad me diverſi generis carminibus, quorum Exemplum addam, si tempus de- 15
scriptionem tulerit. Verum ut dicam quod res postulat, videtur in hiſce ſegniore vena præditus || quam alias, ſive quod hæc ingraveſcens ætas 133^v
(eſt enim, uti opinor, plus quam ſexagenarius) ſpiritus Poëticos minus alacres et humiliores producat, ſive, quod tu etiam fateris, ardor ille temporum intervallis plus vel minus incendatur, interdumque lentior 20
evadat. Præ cæteris autem, Epigramma illud primum, quod de me luſit, minus vividum nec ſatis concinnum apparet, unde hanc mihi ſumſi audaciam, ut aliqua in eo alterarem, quamvis ne ſic quidem per omnia arrideat, nec ſcio, an is meas animadverſiones tam libenter ferat atque tu; quare Epigramma illud, cum alia in mei gratiam hinc 25
inde concinnata carmina aliquando forte cudentur, omittendum potius duco, quam ut publicatum autori ſuo minus ſit honorificum, aut mea ieiuna immutatio illi ingrata ſtomachum moveat.

De Poëmatis tuis vel orationibus Philoſophicis Imperatori dedican- 30
dis, non ſcio quid conſulam, nam licet Cæſarea Ma^{tas} erga eruditos ſatis ſit beneficax et liberalis, nec reſpiciat, cui religionis formæ ad- dicti ſint, tamen Conſiliarij difficilioreſ ſunt et lenti in exequendo, minusque favent ijs, qui catholicam (uti vocant) religionem non profiten- 35
tur: ſi quid autem in ipſius Maiestatis honorem conſcribere lubuerit, ſit hoc potius carmen quoddam grave et nervoſum, de rebus ab ipſius Anteceſſoribus inde a CAROLO V. et denique a ſe ipſo hætenus præ- 40
clare geſtis, ubi etiam per occaſionem inter cætera eiſus Elogia inferre poteris, quod Aſtronomiæ inſtaurationem ad inſtar ALPHONSI illius veteris Caſtiliæ et Siciliæ Regis noſtro ævo benigniſſime promoveat. Oportet etiam ſuccincta aliquot et arguta Epigrammata ſubiungere, 40
nam talibus maxime afficitur Cæſar, et brevitate gaudet. Verum hæc tuo potius relinquo arbitrio, qui rectius noſti, quid hîc faciendum vel ſecus.

DAVIDEM

DAVIDEM CHYTRÆUM superiore Iunio Fatis conceſſiſſe iam antea inaudieram, uti et Maio antecedente noſtrum in Dania HEMMINGIUM, ambos profectæ ætatis ſenes et de Republica literaria bene meritos, quorum animæ ſint in benediſtione et pace: memoria
134^r ad poſteros unâ cum monumentis relictis perduret || ac fructum faciat. Perluſtravi ea, quæ in CHYTRÆI obitum concinnavi, apprimeque placuerunt. Legi etiam ſcriptulum iſtud unâ tranſmiſſum de ijs, quæ hoc Anno in Arctois oris uſque ad Menſem Maium memoratu digna evenerunt, in quo ſunt plæraque apud Suecos geſta auditu triſtia mi-
10⁺ nuſque iucunda. Deus omnia moderetur in bonum! Scripſerat ad me ſuperiore Anno præfatus optimæ memoriæ CHYTRÆUS et conſignationem quandam miſerat de ijs, quæ hiſtoriolæ huius Anni, meam e Dania huc in Bohemiam emigrationem concernentia, inferere conſtituerat, eaque meo arbitrio (aliter ſi luberet) formanda reliquerat. Ego
15⁺ vero illi reſcribens chartam literis impoſui, qua id quod expetebat iuxta meam ſententiam inſinuavi. At cum in eo quod miſiſti ſcripto nihil eiuſcemodi inveniatur, ſuſpicor literas meas non ſatis mature ad ipſum perveniſſe, aut quod morbo impeditus et poſtea morte præventus ea exequi nequiverit. Si itaque literæ illæ meæ unâ cum ſcheda inſerta
20 adhuc inter ipſius chartas poſthumas inveniuntur, cuperem ea, quæ illi annotâram, convenienti loco hiſtoriolæ huius Anni adhuc immiſceri, neque enim dubito, quin quiſpiam Veſtratum eam uſque ad Anni finem continuaturus ſit, ut ſic Hiſtoria Arctoa ab optimo illo CHYTRÆO inde ab Anno milleſimo quingentefimo inchoata hoc
25 milleſimo ſexcentefimo compleatur, atque hac ratione integrum contineat centenarium. Poteſt vero id quod ego fieri averem, mea opinione rectius ſubiungi ijs, quæ a CHYTRÆO conſignata ſunt, tanquam ab ipſo, dum adhuc viveret, exarata, ne ſi aliqua ibi reperirentur vicinis Danis minus grata (uti eſt veritas plærumque odioſa) nemini inter
30 Veſtros Profeſſores adhuc ſuperſtites id imputari poſſet. Placebit (uti opinor) Cæſari, ubi viderit longe etiam remotas Academias ſua ob Aſtronomiæ promotionem deprædicare encomia, nam et ab Illuſtri ac ||
134^v Magnifico Domino CORRADUCIO, Imperij Procancellario, quam primum antecedente Anno e Legatione Italica et Romana huc reverſus eſt, quæſivit, an Romæ vel alibi in Italia audiviſſet, quod me ob
35 Aſtronomiam redintegrandam huc vocârit, cumque is affirmaret, ſe tam Romæ quam in alijs locis hoc relatione præſtantium Virorum percepiſſe, id Cæſari admodum placuit, et ſibi ipſi vel hoc nomine quaſi congratulari viſus eſt, prout ab ipſo Domino CORRADUCIO hæc ad
40 me perlata ſunt; atque hinc cætera, quæ deſidero, æſtimare licebit. Nihil tamen Vobis præſcribo, ſed omnia veſtro arbitrio et conſulto iudicio facienda [vel o]mittenda relinquo. Referet quoque plura ex
me

me supranominatus Dn. Doctor GÖDELMANNUS, ubi vos, uti constituit, acceperit.

Vale et Clarissimum Virum Dn. D. LUCAM BACKMEISTERUM (cui etiam in ultimis meis literis de memorata re, si recte recordor, nonnulla scripsi) ex me officiose saluta. Si tabellarius tam diu expectabit, denuo illi scribam. Saluta etiam cæteros Amicos meos Rostochien-
ses. Magister CHRISTIERNUS ante 6 septimanas hinc a me discebit in Patriam rediturus atque Vos in transitu allocuturus, quare eum iam istuc aut esse aut fuisse existimo. Tu vero, mi BRASCHI, nulla intermissa oportunitate, mihi rescribe, habebis me semper tui studiosissimum. Iterumque vale. Dabantur festinanti calamo Pragæ 15 die Septembris Anno 1600.

[E codice Basileensi G I 35]

TYCHO BRAHE AD CHRISTOPHORUM STURCIUM.

S.



ITERIS ne omnibus mihi scribendis tam diu abstinendum duxisti, Clarissime et Eruditissime Domine STURTI, Amice plurimi semper faciente? An vobis deest charta, atramentum, calamus; an voluntas potius deest? Neque enim ignoras, ubi verfer: Civitas est celebris et populosa Regia Bohemiæ, Cæsaris residentia, crebri huc ex varijs et longinquis regionibus advolant internuncij. Quid igitur habes, quo tam diutinum silentium excuses? Forte alijs intento de me cogitare nec lubet nec vacat. Ego nihilominus hæc ad te, etiam occupatissimus, exaro, ut vel inde perspicias me constantem in tui amore permanere, nec memoriam ex animo deposuisse.

Prælegit mihi heri Dominus Doctor I. GÆDELMANUS, Legatum hinc agens Saxonicum, quædam ex Oratione tua, quam habuisti in funere Domini DAVIDIS CHYTRÆI, optimæ memoriæ, qui utrique nostrum, dum vixit, amicitimus erat, quæ attente audiavi; et libenter percepi ipsum habuisse tam piam ac felicem migrationem ex temporis Horizonte in æternitatis asylum: atque hinc simul cognovi te etiamnum Rostochij degere, aliter quam prius existimaßem, siquidem iam antea subintellexeram te reditum in Patriam moliri.

Misit ad me inter alia insignis ille vestræ Academiæ Poëta BRASCHIUS narratiunculam de rebus Arctoïis hoc Anno gestis, atque usque in solstitium æstivum a dicto Domino CHYTRÆO ante obitum deductis: quia vero is superiori Anno || ad me pagellas quasdam misit, in


in quibus nonnulla de meo e Dania disceſſu atque huc in Bohemiam
ex voluntate Clementiſſima Cæſaris profeſſione, cuius Regni iam in-
cola factus ſum, a ſe concepta annotaverat, quæ alteranda meo reli-
quit arbitrio: remiſi itaque aliam chartam, quæ nonnulla immutata
5 habebat et pleraque plenius exponebat, quæ putaſſem illum hithoriolæ
huius Anni inferturum, prout pollicitus erat; ſed nihil tale in pagellis
miſis invenio; quare ſi narratio illa uſque ad finem Anni continuabi-
tur, per te vel quempiam alium, uti convenit, vellem ea, quæ Domino
CHYTRÆO miſi, convenienti loco immiſceri, præſertim ut Cæſarea
10 Ma^{tas} videat doctos Viros, etiam longe hinc diſitos, ipſius conſilium
in me huc pro Aſtronomia redintegranda benigniſſime vocando pro-
bare et dignis encomijs evehere; quod etiam ipſius Ma^{ti} apprime, uti
opinor, placebit. Neque enim urgeo, ut omnino hoc faciatis, niſi vobis
ipſis ſic placuerit: nec neceſſarium erit me præeuntem per omnia ſequi
15 veſtigia; veſtro liberum concedo arbitrio ea, quæ rogatu bonæ recorda-
tionis Domini CHYTRÆI conſcripſeram illique tranſmiſeram, quæ-
que unâ cum literis meis inter ipſius chartas facile reperientur, mutare
atque aliter efformare, prout lubuerit: qua de re plura iam antea ad
communem noſtrum Amicum, Clariſſimum Dominum Doctorem LU-
20 CAM BACHMESTERUM perſcripſi, et iam nonnulla ad eundem
repeto, ſed fuſius literis meis ad prædictum Dominum BRASCHIUM,
136^r qui hithoriolam illam mihi miſit, attingo, qui te eorum || non invite
reddet participem. Vale. Plura enim adiungere nunc non vacat. De
rebus meis ex prænominato Domino BACHMESTERO cognofceſ.
25 Iterumque vale. Dabantur Pragæ Bohemorum Die 16 Septembris ſtylo
novo Anno 1600.

Tui amantiſſ.

TYCHO BRAHE,
manu propria ſcripſi.

30 [E codice Baſileenſi G I 35]

TYCHO BRAHE AD LUCAM BACMEISTERUM.

137^r  LARISSIME et Præſtantiſſime Vir, Amice inprimis ho-
norande, etſi per M. CHRISTIERNUM noſtrum hinc
35 diſcedentem et in Daniam cogitantem, ſiquidem Roſto-
chium tranſire et ibi forte aliquantiſper ſubſiſtere con-
ſtituerat, literas ad te dederim, partim de rebus meis,
partim de ijs, quæ hithoriolæ annuæ optimæ memoriæ
Domini Doctoris DAVIDIS CHYTRÆI, prout ipſemet, etiam dum
40 in vivis erat, propoſuerat, inferi averem, commonefacientes; tamen
oblata

oblata per hunc tabellarium ad Vos euntem et mox huc revertentem tam commoda oportunitate, non intermittendum duxi, quin denuo aliqua tibi scriberem, nec tamen priora multis repetam, id saltem ijs superaddam, me etiamnum desiderare, ut ea, de quibus prius rogâram, historiolæ annuæ præfati Domini D. CHYTRÆI usque ad huius Anni exitum ab aliquo Vestrorum, uti opinor, professore continuandæ, competenti loco inferantur. Video enim in ijs chartis, quas mihi misit Poëta vester Dn. BRASCHIUS, quæ in solstitio æstivo ob Autoris mox subsequenter obitum, narrationem interrumpunt, id omisum esse. Quare pluribus hac de re ad dictum Dn. BRASCHIUM scripsi, qui tibi meas facile ostendet literas, unde plura et particulariora hauries; neque tamen hîc quippiam urgeo, sed omnia cum vestro stabunt cadentque libero iudicio.

Quantum vero ad res meas attinet, sunt eæ adhuc in eodem statu, quo erant, cum ultimas ad te mitterem. Maneo etiamnum hîc Pragæ cum tota familia ex Cæsaris voluntate hîc retentus, donec de loco habitationis commodiore et propinquiore, ubi exercitijs meis Astronomicis vacare possim, mihi clementissime prospexerit, qua de re etiamnum agitur, nam lente in hac Aula ob negotiorum molem omnia procedunt. Supellex mea || unâ cum Instrumentis Astronomicis, quæ Magdeburgi aliquamdiu relicta erant, in ea Albis parte, quæ Dresdam et hunc locum intercedit, iam, uti ante biduum inaudiui, navigio appropinquant, ita ut sperem ea instante septimana hîc in Bohemia adfutura. Quare de loco, ubi disponenda sint (siquidem arx Benatica nimis hinc remota sit, nec admodum opportuna) iam eo maturius deliberamus, et negotium hoc acceleretur.

Non dubito, quin literas adfini tuo Magnifico Dn. BORDINGO inscriptas, quas prædictus M. CHRISTIERNUS secum attulit, expedivisse, et contenta earundem, quantum in te erat, promovisse. Si nihil adhuc in re illa pecuniaria, de qua aiebam, effectum est, nec aliqua isthic suppetit commoditas id tuto exequendi, poterit usque in adventum Dn. D. IOHANNIS GÖDELMANNI (qui se quatuordecim abhinc diebus Rostochium profecturus heri mihi indicavit) deferri, ut per ipsum quam optime fiat. Qua de re etiam ad prænominatum adfinem tuum latius perscripsi, quas literas, si tabellarius hic Gultrowium transiens id non præstiterit, actutum dirigas quæso, atque ut idem tabellarius raturum secum adferat responsum, operam da, quin et tu ipsemet cum eodem mihi rescribas, simulque indices, quid rerum in vicina Dania et Suecia geratur. Narratum est hîc ante paucos dies, incerto tamen rumore, dissidium quoddam subortum inter Regem Daniæ Regni-que Nobilitatem, quod tamen irrita fama prolaturum spero. Deus avertat a Patria mea intestina mala, quæ plurimum secum damni trahere solent.

lent. Turca in Ungaria est cum maximo exercitu, cui nostri Imperatoris vix pro quarta parte par est: pugnet pro nobis armipotens Deus, cui etiam te tuosque omnes commendo et bene valere precor. Dabantur properanter Pragæ Bohemorum 16 die Septembris stylo novo Anno 1600.

5 [E codice Basileensi G I 35]

TYCHO BRAHE AD MELCHIOREM IÆSTELIUM.

S.



EDI iterum ad te literas, Eruditissime et amantiſſime Domine M. MELCHIOR IÖSTELI, ante paucos dies, de iſſdem ferme rebus, quas ſuperioribus attigeram; ultimas autem hæſce Domino Doctõri FRANCIO, Iure conſulto, nunc Comit̃s Embdenſis Cancellario, hinc proficiſcenti commiſi, quieas ſe recte curaturum addixit: interim com-
modum accidit, quod tuæ antepenultimo Auguſti Wittebergâ ad me datæ intervenirent, quæ eorum, de quibus antea memineram, reſolutionem, quoad principaliora, continent; ad quam ſic reſpondeo.

Polliceris ab initio te collationem Hypotheſium brevi miſſurum, ſiquidem iam perfectiorem quam antea elaboratam habeas. Fac igitur, ut mature obtineam, et figuras decenter aſigna; addenda eſt autem explicatio ſufficiens, non quidem admodum prolixa, ſed etiam non nimium conciſa; deſcendendum etenim nonnunquam ad captum Tyronum. Spero itaque me intra duas vel tres hebdomadas id, quicquid erit, a te habiturum.

Quæ de M. ÆSTWALDO ſcribis, non improbo. Maneat iſthic, ſiquidem id malit, et ſupputet nihilominus pro me, quæ per ocij intervalla abſolvere poterit, numerabo illi in ſingulos Anni quadrantes ſex Ioachimicos, quod in ſingulas hebdomadas dimidium ferme Ioachimicum facit. Sed volo, ut etiam ſingulis Anni quadrantibus mittat, quæ abſoluta habuerit. Hæc ad ipſum ferre poteris. Quamprimum Tabulæ Lunares unâ cum ijs, quæ huc requiruntur, ad mundum deſcriptæ fuerint, mittam exemplar, ut inde Ephemerides ſupputet incipientes ab hoc labente 1600, et per ſexennium inſtans continuandæ, unâ cum Solari Diario atque aſpectibus omniumque differentijs, prout antea fecit, ſolvam autem illi pro cuiuſlibet Anni Ephemeride tres Ioachimicos, prout in ultimis ¶ ad te literis ſcripſi, ſed vellem, ut calculum maturaret, quo omnia unâ cum adiungendis ſatis cito inprimi adque inſtantes Francofurti Nundinas Vernaſes mitti poſſint, in 4^{to} maiori excuſa.

Cum Typographo vestro M. ZACHARIA LEHMANO age, ut sex illos quaterniones, vel tres duplicatos, qui desiderantur in Progymnasmatibus meis, inprimat, atque papyrum similem illi, quæ in libro est, æque nimirum albam et tenuem eiusdemque magnitudinis, sibi procuret, ita ut 1400 exemplaria de quolibet quaternione inprimat. Existimo, quod Ballam eiusmodi papyri pro 10 florenis nanciscetur; nam et ego antea eam, quæ in libro meo de Cometa Anni 77 est, Francofurti emi pro 8 florenis, Basileæ paratam et longo itinere isthuc vectam, sed iam forte alia sunt tempora, omniaque nunc cariora. Quicquid id erit, solvam illi iusto et debito modo, ut indemnis sit: prospiciat saltem de papyro, uti dixi, quæ conveniens sit, interea dum exemplum paratur. Mittam postea, quæ præfationis loco præfigenda, tum quoque quæ in conclusione subiungenda, ut et illa absolvat. Si pecunia mea tam cito e Mechelburgensi Ducatu advenerit, potes inde 25 loachimicos tecum retinere pro solutione tam papyri quam laboris Typographici, successe exponenda: verum si id non evenerit, mittam ipsemet cum Domino Doctore GÖDELMANO, qui hîc Legatum agit Saxonicum, pecuniam sufficientem; ille enim post 14 dies constituit hinc Rostochium proficisci, atque in itinere Wittebergam transire; forte etiam exemplum secum adferet, si alia negotia descriptionem non remorata fuerint. ||

Cognovi insuper ex hisce tuis, quâ de causâ huc venire nequeas, et libenter tuo acquiesco consilio, neque amplius hac de re quidpiam movebo. Confido tamen, quod etiam isthic habitans operam tuam nonnunquam per otij opportunitatem, in ijs, quæ a te fieri desiderâro, non denegaturus sis, inveniar vicissim gratus. Et siquidem medicinæ applicasti animum, et in ea facultate promovere constituisti, det Deus, ut omnia tibi feliciter et ex voto succedant. Memineris autem, medicinam rite præparatam medicum efficere et pro ipso operari; non verba, sive HIPPOCRATIS, sive GALENI, sive cuiusvis alterius disertis authoris. An vero hoc, quod dixi, isthic assequeris, admodum dubito, optare id potius licet quam sperare. Sed efficies facile quod ceteri, ut mundus habeat, quod vult. Hæc si IESSENIO nostro dixeris, partim risum, partim bilem illi movebit scio. Miror, quod ille mihi nihil scribat, nec indicet, quid de libro et Globo illi tradito factum sit.

De Genesi illa, quam nôsti, poteris suo tempore, cum rectius vacarit, dispicere et ad me quidpiam perscribere. Vale et primâ quaque occasione responde; saluta amicos meos Wittebergeneses, quos nôsti. Dabantur festinanter Praga Die 18 Septembris Anno 1600 stylo novo.

Rogo insuper velis providere de studioso uno vel altero ad hæc studia apto, prout in ultimis scripsi.

[E codice Basileensi G I 35]

TYCHO BRAHE AD TAUBMANNUM.

141^r *Num, TAUBMANE, tibi vox rauca in faucibus hæret?*
Piscibus et stupidis mutior esne feris?
5 *Forte Poëtarum quia mos est fingere quidvis,*
Nos etiam vanis ludis imaginibus.
At præstare fidem vanos quoque Iura Poëtas,
Et rata pollicitis debita inesse iubent.
10 *Solve igitur, quæ iure mihi tu Carmina debes,*
Falsaque (cum nequeas vera referre) refer.

15 **N** habes hîc antesignani vestri tuique plasmatoris MELISSI (qui tamen raucos et mutos Poëtas creavit nunquam) Carmina nuper ad me missa, ubi nonnunquam dissimilis a seipso videtur. Adest etiam Doctoris cuiusdam Ingolstadiensis Heroicum, quod per Cancellarium Bavaricum, Dominum IOHANNEM GEORGIUM HERWARTUM ab HOHENBURG (cum quo mihi creberrima, ob studia, quibus impense afficitur, Mathematica, intercedit per literas familiaritas) hesternâ vespere Monachio accepi: Tu lege, dispice, cognosce, et
20 loquela recuperata, alio genere supple; ni mature parueris, Iambos in te vibrabo, et ex muto furdoque cæcum, imo truncum te reddam, aut in saxum convertam, tanquam alter PERSEUS capite Gorgonio te petens. Sed prius Caducæi usum tibi adimam, et per MELISSUM tuum degradari faciam, alias enim nefas foret, sacros vates castigare
25 et merita pœna afficere. ||

141^v *Tuque vale, et tenerum cum matre valere columbum*
Effice, sic vobis pullulet alma domus,
TYCHONISque memor, vates qui suspicit, esto,
Sique voles, carmen non breve mitte brevi.

30 Deproperabam Pragâ die 20 Septembr. stylo reformato Anno 1600.

[E codice Basileensi G I 23; cf. cod. Monacensis Bibl. Univ. 693 in 2° fol. 242r]

†

NOBILISSIMO DOCTISSIMOQUE VIRO,
DOMINO TYCHONI BRAHE, DOMINO A KNUDSTRUP
ET URANIBURGO, MATHEMATICORUM OMNIUM
FACILE PRINCIPI, DOMINO ET AMICO SUO
SINGULARI OBSERVANTIA COLENDO.

79v

5

PRAGÆ.

IN ABWESEN HERRN ALEXANDER PRENDTL FÜRSTL.
BAYER. AGENTEN ABZUEGEBEN.



MITTO, Vir Nobilissime atque Mathematicorum omnium facile princeps, his iunctos libros ex ijs, quos desideras, APOLLONIJ Pergæi Opera No. 73 et Tabulas BLANCHINI, PRUGNERI et PURBACHIJ No. 34. Tibique foelicißima quæque ex animo precor et opto. Datæ Monachij die 23 Sept. A. 1600.

79r

†

15

D. T. Nobil^{mæ}

Addictißimus

IOAN. GEORG. HERWART AB HOHENBURGK.

[E codice Basileensi G I 35]

TYCHO BRAHE AD OTTONEM DUCEM
BRUNSVICENSEM.

20



URCHLEUCHTIGER, Hochgeborner Fürst, Ewer Fürstlichen Gnaden seindt Meine willige diennste heßtes vleißes jeder Zeidt zuuor. Gnediger Herr, Nennst schuldiger vnnd gebuerlicher dancksfagung für alle gnedige erzeugte wollthatt gebe E. F. G. Ich vnterdienstlich zuuorsteheenn, das Ich auß des Herren H. VITI WINSHEMIJ ann mich newlichen gethonene schreibenn Vernommen, das E. F. G. ob Meinem Itzigenn Zuestandt ein gnedigk gefallen getragen, vnnd mihr mitt allen Fürstlichenn gnaden gewogenn, dessenn thue gegenn dieselben Ich mich gantzvnterdienstlich bedanckenn. Was aber annlangt die zuegesagte *Natiuitet*, So soll E. F. G. Ich nicht bergenn, das zwar Meine bucher vnnd annders vonn Magdeburgk hieher ins landt zu Bohemen gebracht, aber Ich habe sie noch zur Zeidt nicht bekommen, Sonndern liegen zue Leuttmeritz verwartt, biß sie vff vonn Ih. Kay. Maytt., vnnfers aller gnedigstenn Herren, albereit beschehenes anordnenn von dannen hieher nach Prage geführt werden.

142r

25

30

35

werden. Zue dem habe Ich auch den Zettell, so E. F. G. mir vor der
 Zeidt zuegeschickt, vntter annderen Meinen brieffen Inn solchen off-
 ternn von einem ordt zum annderenn hin vnnnd wieder verruckenn
 verlegt, das Ich ihn so leichtlich nicht findenn kann, darumb wolten
 5 E. F. G. gnedigst geruchen vnnnd mir vff einenn annderen die Zeidt der
 geburt neben etzlichen *accidentijs præteritis*, besonndernn was
 Leibs Schwacheit anlanngenn thuet, vnnndt zue welcher Zeidt vnnnd
 Jahr dieselbenn geschehenn, verzeichnenn, vnnndt mitt erster gewisser
 142^v gelegenheit || lassenn zuekommen, weill solche, *propter verificatio-*
 10 *nem temporis*, hierinne nutzlich seinn, alß denn mitt erster mueglich-
 keitt E. F. G. hierinnen vnderdiennstlich zue willfehren Ich erbötigk
 bin. Thue also hiermidt E. F. G. nebennst deroselbenn hochloblichenn
 Fürstlichenn gemahlin vnnnd jungen Herren dem Allmechtigenn Gott
 inn seinenn Schutz gantz getrewlich befehlenn. *Datum Prag den 26*
 15 *Septembris Anno 1600.*

E. F. G.

Vndterdienstlicher
 gehorsamer

[E codice Basileensi G I 35]

TYCHO BRAHE AD VITUM
 WINSHEMIUM.

143^r **M**AGNIFICE et excellentissime Domine D.VITE WINS-
 HEMI, amice inprimis honorande: Ex literis Excell. Væ
 25 ijsdemque adiunctis, quæ Illustrissimus Princeps OT-
 THO dux Brunsvicensis et Luneburgensis Clementissi-
 me a me requirat, intellexi; utque ipsius Celstudo sciat,
 me ea in parte officiosissime illi pro meo modulo morem
 gesturum, dedi ad ipsius Celstudinem literas meum responsum brevi-
 bus complectentes, quas ut ex me debita cum submissione ad ipsius
 30 Celstudinem dirigere E. V. velit, peramanter rogo.

Meæ res adhuc in eodem sunt statu quo antea. Verfor etiamnum
 Pragæ cum tota familia, huc a Sacra Cæf. Maiestate, paulo postquam
 Pillsena redierat, Clementissime evocatus. Instrumenta mea Astrono-
 mica, quotquot in arce Benachiaë habui, huc iußu ipsius Maiestatis
 35 allata sunt, atque in domo illa, quæ iuxta hortum Cæsaris prope ar-
 cem situm magnifice Italico more extructa est, et cupro superius tecta,
 quam E. V. proculdubio novit, disposita sunt, ut ipsius Maiestas ea
 promptius, cum lubuerit, perlustrare possit, quod et ante paucos dies,
 quamprimum ibi erecta erant, me præsentem factum est, quæsitque
 40 tunc ipsius Maiestas de cæteris, quæ cum Leutmeritzium advenisse
 percepit, etiam in eandem domum transferri atque aliquantisper ibi
 collocari,

collocari, donec de loco oportuno, ubi rectius ad usum constitui atque perpetuo conservari possint, providerit, benignissime mandavit. Quid hac in re fiet, postmodum V. E. ex me cognoscet; procedunt hinc omnia (ut scit) ob rerum gerendarum copiam et molem lento gradu, quod patienter ferendum est. Interim in domo quadam ampla, non longe ab arce remota, satis commode cum meis habito, et consuetis studijs, quantum interpellationes et conversationes cum Illustribus Viris in tantæ aulæ præsentia ferunt, vaco.

Gaudeo rem esse compositam inter nostrum Serenissimum Regem et Anglam; Deus author Pacis avertat in posterum discordiarum semen et occasiones.

FREDERICUS ROSENKRANZIUS iam est in Ungaria in exercitu equitatus Cæsaris nostri, sed vereor, ne illi plus || periculi immineat ex Asthmate et pulmonum vitijs, quibus graviter obnoxius est, præsertim si vinis istis fortioribus nimium indusserit, quam vel ab hoste propinquo, vel aliunde. Fuit hinc ante biduum quidam ex eius ministris, qui in Daniam properavit illi forte pecunias allaturus, cum quo OLIGERO nostro scribere voluissem, nisi tantopere festinaßet, et eram alias uti nunc quoque admodum occupatus. Filia nihilominus mea natu maior ad illum quosdam exaravit, commonefacientes de equo quodam promisso, quam sponfione quadam, dum Wandelsbeci essemus, amisit. Et quia nunc commoda datur occasio, equum illum cum patruelis sui ministro, qui eum proculdubio accedet, mittendi (is enim ibi resolutus in eo huc equitare poterit) voluit illa, me sic iubente, OLIGERO id insinuare. At minister ille iter accelerans hinc abierat, antequam literæ dictæ obfignatæ essent. Quare eas nunc Hamburgum ad SIMONEM de PETKUM mitto. Si V^æ Ex^æ in promptu est commoditas eas ad OLIGERUM dirigendi, rogo id facere non degravetur. Sin minus, poterint GERHARDO RANZOVIO unâ cum alijs ipsi inscriptis transmitti, ita ut OLIGERUS eas recipiat, antequam FRIDERICI minister inde se huc et deinceps in Ungariam receperit. Sed sive id fiat, sive non, parum interest. Quare de tam levi re plura non addam, cum hæc ipsa per se nimia sint.

Turcam Canisium obsidere voluisse, sed ob aquarum copiam, cum udus et paludosus sit locus, inde discessisse ferunt. Quorsum, necdum satis constat; habet exercitum quadruplo maiorem nostro, sed ultra mensem ob instantem hyemem ibi perdurare nequit. Dicunt eum pacem expetere, an vero id serio, et æquis conditionibus, dubium est. Cæsar noster adhuc præsentis est animo, nec tam potentem hostem extimescit, utut Germaniæ Principum subsidijs maiori ex parte destitutus. Deus omnia vertat ad felicem exitum, et Christianismum protegat, cui æviterno numini te unâ cum tuis commendatum habeo. Vale. Dabantur Pragæ Bohemorum Die 26 Sept. Anno 1600.

[E codice

[E codice Basileensi G I 35]

TYCHO BRAHE AD GEORGIUM
ROLLENHAGIUM.

146^r

S.

5



UOD supellex mea, quæ Magdeburgi reservabatur, nunc tandem in has Bohemiæ oras appulerit, est cur Reverendissimo Capitulo Vestro, quod sumtus in eos usus liberaliter suppeditavit, tum quoque tibi, Excellentissime et amantissime Domine ROLLENHAGI, gratias agam quam maximas, prout etiam peculiaribus literis ad honorandissimum et nobilissimum Dominum Decanum reliquosque Capitulares, quas illi per te officiosissime meo nomine tradi velim, testatus sum. Quod autem cum ANDREA ministro meo isthuc pro rebus illis huc adferendis emissio Reverendissimæ illius Dominationi cæterisque nobilissimis Collegis nihil scripserim, non ulla præpostera voluntate, vel quod hoc ipsis me debere gratitudinis loco officium non agnoscerem, factum est, sed cum ijs ipsis diebus in quibusdam a Sacra Cæsarea Maiestate, Domino nostro Clementissimo, mihi iniunctis, quæ ocus absolvi debebant, essem occupatissimus, et aliâs plurimis præpedirer interpellationibus, ita ut varijs obruerer negocijs, vix tantum mihi supererat temporis, ut ad te nonnulla, quem ob familiaritatem nostram transcursoe alloqui licuit, exarare potuerim. Quare prævidens, me id, quod iure merito facere oportuisset, ut indecenter omitterem, compelli, te diligenter rogavi, ut hanc literarum intermissione apud Reverendissimum Capitulum excusares, meque cum nautis, ubi res meas huc advexissent, ad vos redituris illis scripturum indicavi, quod et nunc effeci, non quidem per nautas, siquidem illi nimis cito Leutmeritzio disceperunt, sed cum hoc tabellario Hamburgo adveniente et commodum sese offerente, qui in illas oras confestim rediturus est.

10

15

20

25

30

Sororem meam SOPHIAM adhuc Segebergæ prope Lubecam hærere, idem tabellarius refert, at ubi ERICUS LANGIUS sit, ignorat. Doleo utriusque fortunam pertinaciter reluctantem. Scripsi SIMONI à PETKUM Procuratori meo Hamburgensi, ut ferreas fornaces, et si quæ alia ibi ex meis rebus residua sunt, Magdeburgum per primam quamque opportunitatem ad te mittat, quæ, uti polliceris, in tuis ædibus, neque enim multa sunt, reservabis, donec occasio suppetierit Leutmeritzium absque magno sumtu ea dirigendi. Optarem autem fornaces, de quibus dixi, sive integras sive fractas, huc ante Albis congelationem, modo fieri possit, afferri. ||

146^v Instrumenta Astronomica, quæ Benaticæ habui, quotquot mecum

in Bohemiam attuleram, quæ numero erant sex maiora et aliquot minora, Cæsar iussit, ut huc Pragam transferrem, ubi ex ipsius etiam Clementissima voluntate in domo quadam magnifice et splendide iuxta hortum prope arcem a FERDINANDO avo ædificata disposita sunt. Cumque ipsius Maiestas quodam die præteritæ septimanæ ea perlustrare dignata esset, dedit mihi in mandatis, ut cætera omnia, quæ Leutmeritzium impensis Reverendissimi Capituli Vestri iam advenisse retuli, quod et antea cognoverat, ibidem collocarem, ut omnia simul essent, tunc se, postquam singula perspexisset, de oportuniore loco, quam est in arce Benatica, ubi collocari et in debito usu conservari possent, provisorum clementissime addixit. Inclinare autem visus est ad ædes Curtianas, hac de causa a vidua relicta comparandas, siquidem non longe ab arce sublimi prospectu constituentur. Domus etiam amplæ et in edito loco sitæ et dimidio saltem milliari hinc remotæ atque in formam stellæ cuiusdam, unde etiam nomen habet, a FERDINANDO Archiduce sumtuose extructæ, quam hortus ferarum circuit, mentionem fecit, si forte ea observationibus et instrumentorum tractationi accommoda foret. At ego perinde esse, ubinam eius Maiestas id fieri vellet, modo perpetuari res possit, ne idem aliquando eveniret quod in Dania, subiectissime respondi: tunc ipsius Maiestas de ædificio quodam Viennæ a MAXIMILIANO parente in alto quodam loco eleganter nec parvis impensis extructo nonnulla insinuavit, quod Viennam iter spacio paucorum dierum faciens spectare, et an pro his exercitijs commodum foret, dispicere possem: ibi se certum esse, quod perpetuo conservari possint omnia. Sed nihil conclusum est, antequam cætera instrumenta huc allata fuerint, et illa etiam in dicta domo iuxta hortum collocata viderit Cæsar.

Ad ea, de quibus me commonefacis, in Postscriptis respondebo. Quæ ANDREAS minister meus sui purgandi causa tibi dixit, more consueto, quo leviter quidvis loquitur, fecit; neque enim per omnia ita se habent: discebat is, cum adhuc Benaticæ essem, me incio et non interrogato, nec per octiduum quaesitus uspiam comparuit. Postea sponte redijt, cum alium forte Dominum invenire non posset, nec pecunia, quam abliguriret, illi supereffet; at ego illum tunc recipere nolui. Sed ut Capitaneo Brandeisensi inserviret, permisi, quod non diu durare potuit. Falsa etiam sunt, quæ de pecunia illi a me debita narravit: nam persoluta sunt illi omnia, quæ stipendij loco addixeram, nec habet, quod iure ulterius poscat, ut vel hoc nomine, quod iniuste de me apud alios conqueratur, coercendus foret, verum ego illi ob tuam intercessionem ignoscam, quia, uti ais, vere simplicissimus est minusque prudens, et quidvis inconsiderate effutit [n]ec sibi ipsi constat. Si in posterum frugi esse voluerit, videbo, quid in tui gratiam facere poterō, aut si sui similis

similis permanferit, uti proculdubio faciet, dabo operam, ut alium acquirat Dominum, quod et antea hîc molitus sum apud satellitum præfectum, sed necdum succedere potuit.

Quod Dominus CASPAR ALEMANN Consul Vester ægre tulerit, in sua absentia reliquum Senatum officium in advehendis huc meis rebus Cæsari denegasse, libenter audio, illique pro hoc suo erga me favore gratias habeo. Præstitisset forte reliquos civiliores fuisse et Cæsareæ Maiestati, summo Magistratui, obsequentiores se exhibuisse. Verum ego id potius, quomodocunque datur, excusare quam aggravare malim.

De URSO isto quæ subiunxisti, ita ferme evenerunt, prout ominari visus es; nam sive in Castris Gallicis, quibus abuefactus erat, sive Asthmate et Phthisi, vel potius utraque de causa consumtus ante sex septimanas expiravit, idque ea ipsa hora, qua Citatio Commissariorum Cæsaris, quos, ut de ipso eiusque famoso scripto iudicarent, impetram, insinuanda fuit: quam primum enim huc Pragam (ut conscius sis) a Cæsare, statim ac Pilsena redierat, Clementissime vocatus adveneram, atque URSUM istum periculose decumbere mihi relatum est, nisi ad illum duos Iuris Doctores unâ cum publico Notario, quæsitum, an scriptum istud maledicum et calumnijs scatens revocare vellet: simulque notulas præcipuas calumniarum illi prælegi feci; is licet plæraque in ijs inficiaretur, quamvis in scripto isto indicata pagina expresse invenirentur, revocare tamen noluit, sed iudicium arbitrio omnia submisit, quod et lubentius vidi, ideoque a Cæsare humilime obtinui, ut quatuor deputarentur commissarij, qui causam iure deciderent, inter quos duo sunt Barones, Dominus CHRISTOPHORUS de SCHLEUNITZ et Dominus ERNFRIDUS de MINCKWITZ, reliqui duo Doctores Iuris ex ipsius Maiestatis Consiliarijs. Defuncto autem reo, et citatione ante obitum ipsi non prælecta, actio suspensa est, donec novum decretum, quod et brevi futurum confido, superveniret. Expecto saltem reditum Procuratoris mei in hac causa, Doctoris cuiusdam Iuris IOHANNIS FRITZSCHIJ, qui Budiſinum in Lusatiam profectus est. ||

Nam actio non est mere personalis, sed etiam realis, ob scriptum publice editum, perpetuo loco sui authoris loquens. Ideoque contra hoc procedendum, omnesque calumniæ, quibus abundat, detegendæ, refutandæ et condemnandæ sunt, posteaque alio scripto in publicum emissò propalandæ, in quo totus processus omnesque contrariæ probationes continebuntur, adiuncto Cæs. Mat^{is} decreto, quo per totum Imperium famosus iste liber irritus reddetur, seu, uti aiunt, annullabitur. Et iam Reverendissimo Archiepiscopo Pragenſi a Cæsare iniunctum est, ut in Typographum animadvertat, atque exemplaria omnia conquiri faciat, quotquot Pragæ reperiuntur, eaque Vulcano tradat: si aliquantisper supervixisset

supervixisset author, sententiam talem, uti ex commissarijs intellexi, acceperet, ut infamis redditus, capite plecteretur, aut secundum leges Bohemicas in quatuor partes dissecaretur; sed mihi non tam erat quaestio de ipsius persona, quam scurrilem et vanam fuisse omnes norunt, sed potius de libro isto tot iniurijs et mendacijs scatente abolendo, et mea meorumque fama ac existimatione vindicanda, quod etiamnum volente Deo fiet. Quin et ROTHMANNUM, siue adhuc in vivis sit, siue non, ab ijs, quibus illum aspersit maculis et vaniloquijs, liberabo, atque iniuriose ipsi illatas esse pronunciari efficiam, quod ad ipsum, si adhuc superest, perscribas velim. Et si quas habes eius manu scriptas literas, eas tuis, quibus ipsius esse Chirographum testeris, inclusas ad me mitte, ut inde probare possim, alteras tibi sub finem antecedentis anni inscriptas mecumque communicatas ipsius quoque manu exaratas esse. Ubi processus totus absolutus fuerit, omniaque in codicillos relata et typis edita, faciam te eorum participem. Vale. Dabantur Pragæ die 26 Septembris stylo novo Anno 1600. ||

POSTSCRIPTA.

148^r

ROGAS, ut Reverendissimo Archiepiscopatus Vestri Domino Decano, qui tam benigne et libenter res meas huc in Bohemiam promovit, aliquid medicamenti contra calculi dolores, quibus quotidie infestatur, quod sane quam libentissime facerem, si eiusmodi praesens remedium mihi nunc in promptu esset. Laboratorium, quod Cæsar mea de causa Benaticæ pro præparationibus Spagyricarum medicinarum extrui clementissime mandavit, propter eius Maiestatis diutinam Pillsenæ absentiam, non est hactenus absolutum: ideoque eiusmodi pyronomicis confectionibus, prout alias voluissem, operam dare non licuit. Ne vero optimum et honorandissimum illum virum de me tam bene meritum suo hac in parte desiderio plane frustrare viderer, subiungam quandam medicamenti formam, quæ isthic non difficulter confieri poterit. Cuius usum in tali affectione praesens afferre subsidium compertum est.

Rcp. Semin. Feniculi

Petroselini

Anisi

Saxifragiæ

Cardamomi

Oculorum cancri

Lupi piscis

Nucl. persic. ana oz. I

Cynosbator. Germ. *hainbutten beeren*

Mespillorum

Charabes albi ana oz. II.

Contundantur

Contundantur omnia in mediocriter tenuem pulverem, et cucurbitæ vitreæ imponantur, moxque superfundatur de spiritu iuniperorum, qui instar aquæ vitæ est, tantum, ut duobus vel tribus digitis superemineat, clausoque postea et bene obturato vitro in tepidum balneum
 5 omnia simul per unam hebdomadam digerenda collocentur, et singulis
 148^v diebus vitrum || circumspēcte exemptum bis vel ter cum imposita materia circumagatur, et nonnihil hinc inde moveatur, ut specierum impositarum eſſentiæ eo melius extrahi et spiritui iuniperino uniri possint. Quo peracto omnis materia frigeſacta unâ cum liquore superfuso primum per lineum pannum fortiter exprimatur, deinde per bibulam papyrum coletur et filtretur, ut purior evadat: postmodum hic totus liquor eſſentiam specierum in se continens in balneo mediocriter calido per Alembicum distilletur, donec materia quædam instar liquidi mellis in fundo remaneat, cui materiæ tantundem quasi de spiritu Therebinthinæ optimo, qui levi calore in balneo ascendit, addendum est, cum
 10 quo extractum illud denuo in tepido balneo, vitro bene clauso, per spaciū unius septimanæ digerendum; posteaque simul per bibulam papyrum iterum filtrandum, addito aliquantulo de liquore iuniperino prius destillato, si opus fuerit, ut promptius filtratio absolvatur. Qui
 15 tamen liquor lentissimo calore balnei inde postea auferendus est, ne sua ignea et acuta vi medicamento officiat.

Ex hoc dicto modo diligenter præparato medicamento dentur patienti tres vel quatuor guttæ in vino mane singulis diebus, tunc quoque post meridiem ante cœnam, idque quando et quam diu opus fuerit.
 25 Ex liquore autem iuniperino, qui per Alembicum ascendit, poterit etiam parum quasi quartæ partis unius cochlearis vesperi ante decubitus assumere instar alterius aquæ vitæ, si modo eam ferre poterit, idque potius hyeme quam æstate fiat, et non nisi bis vel ter in septimana eo vesperi, uti dictum, utatur. Hæc si rite et præscripta ratione executus
 30 fuerit, sentiet inde favente Deo morbi non mediocre levamentum. ||

149^r POSTSCRIPTA ALTERA.

QUOD amice me admones de ijs, quæ quidam ex aula hac Cæsareana cuidam præcipuo apud vos nobili scripsit, gratum est, licet omnia illa quæ retulit, prout recte in literis tuis conijcis, falsissima (quod
 35 et præstat) sint. Ipsius Maiestas nunquam adhuc mecum de talibus locuta est, nec per literas aut oretenus Turcarum aut belli Turcici mentionem ullam fecit, multo minus ut ego, qui alienis rebus me non immisceam, nec vaticinia profitear, tale quid protulerim: imo, quod plus est, ea potius semper insinuavi, quæ a melancholicis curis, animi deiectione, suspicionibus et superstitionibus otiosis, alijsque eiusmodi mentem sanam turbantibus avertere possunt, idque ita sedulo hætenus
 40 egi,

egi, ut forte vix alius quispiam, qui diu illi ab intimis fuit confilijs, tam cordate et præfenter facere ausus fuiſſet, quod optime novit magnificus Dominus BARVITIUS Secretarius præcipuus, qui Cæſari fere ſemper præſto eſt. Ille eo nomine aliquoties ex animo mihi gratias egit, ſequē hanc ingenuitatem, quodque ea, quæ decent et conducibilia ſunt, non diſſimulem, ſed ſincere ipſius Maiestati, cum ſubiectiſſima tamen diſcretionē, aperiam, deque ijs oportune commonefaciam, ad cæteros confiliarios præcipuos deprædicare, non ſemel indicavit, quibus hoc gratiſſimum fuit, adeo ut res longe aliter ſe habeat, quam quidam ignari et neſcio quid ſiniſtro iudicio ſomniantes ſuſpicari fortare poſſunt. Sic non deſuerunt, qui Cæſaris tam diutinam Piſſenæ abſentiam mihi vaniſſime imputarent, atque id non ſaltem Pragæ, ſed et in varijs Bohemiæ locis ſpargere non ſunt veriti, cum tamen id mihi nunquam in mentem venerit, priuſquam ab alijs referri audivi: et vix alius magis quam ego ipſius Maiestatis præſentiam || deſideravi, ſiquidem, interea dum abſuit, res meæ minus promoverentur, utut eſſent, qui earum executionem in mandatis haberent. Nec ſcio quenquam hîc, qui mei odio laboret: neque enim ulli occaſionem dedi, imo quam plurimi adeoque præcipui quique non ſaltem in aula, ſed et alibi in regno hoc amicitiam et converſationem meam ſponte exoptant, et magis quam cuperem ambiunt, ut ſic et temporis et valetudinis iacturam ſæpius quam vellem facere cogar. Quin et illuſtriores regni Primates mihi proprio motu nec rogati obtulerunt, ut in regni indigenam adſciſcerer, nec alio me converterem; quod ſe primis comitijs effecturos prompto animo polliciti ſunt. Si qui inter vulgares latitant moroſuli, invidi et malevoli, quorum tamen neminem novi, illi in ſua ſeſe inſeſcent et rodant malevolentia ac iudicij perversitate, hæcque habeant ſecum ſerventque ſepulchro: infelix et miſer eſt, cui nemo invidet, nec ſplendet aut conſpicua virtus, quæ livore ſuapte umbra caret. Vides itaque, mi ROLLENHAGI, quanta iniuria non ſaltem meam perſonam, ſed, quod longe plus eſt, ipſam Sacram Cæſaream Maiestatem, Imperij Caput et Dominum noſtrum clementiſſimum, qui præſenti eſt animo, nec Turcas formidat, ſed et Pacem, niſi honorifica et utilis ſit, etiam ultro oblatam reſpuit, afficere non erubescunt, dum tam futilia et a veritate alieniſſima ſcribunt. Si ſimul eſſemus, poſſem multis documentis et Tecmirijs irrefragabiliter oſtendere iſtorum hominum vaniloquentiam: quodque contrarium potius verum eſſe. Interim tamen ſecreto ex te ſcire averem, quiſnam fuerit, qui talia ſuis literis inſperſit, et ad quem eas exaravit, non quod tales nugæ morer, aut quod illi id obijcere velim (ſunt enim multa diſſimulanda et ex alto deſpicienda) ſed ſaltem ut mihi ab homine tam ſiniſtra et frivola ſuſpicante et malevolo cavere poſſim, ſi forte ipſum novi aut alicubi in illum inciderim.

Ut

Ut igitur eundem pauculis vel etiam tectis verbis mihi indices, quam primum denuo ad me scripseris, te per amicitiam nostram rogatum habeo. Fiet id absque omni tuo periculo. Scio enim prudenter et taciturne in eiusmodi malitiosis et perversis cavillationibus agendum

5 esse. Vale. Datum ut supra in literis. ||

150^r Addo et hoc, ea, quæ superioribus literis de persecutione eorum, qui Evangelicam doctrinam profitentur in Austria, consensu Cæsaris per Iesuitas fieri innuebas, falso ad vos relata esse. Omnia enim in Austria quoad religionem in priori sunt statu, nec Cæsar permittit Iesuitas aut alios, qui se Catholicos nuncupant, turbas excitare, neque quemquam ob religionis diversitatem odit aut male tractat, cum etiam multos in sua Aula patiat a Pontificijs dissentientes. Sed in Styria magna suborta est Evangelicorum afflictio, Iesuitis ex autoritate Principis neminem, qui non cum illis sentiat, istis ferentibus, quod tamen
10 invito et aliter suadente Cæsare evenit. Sunt qui ominantur, Turcam supervenientem controversias illas et persecutiones dirempturum, nam occupato (quod tamen Deus avertat) Canisio, nullum restat munitum propugnaculum, antequam Styriam invadere possit. Sed de his providebit is, in cuius manu sunt omnia.

20† [E codice Basileensi G I 23]

72^v NOBILISSIMO AC GENEROSO DOMINO
TICHONI BRAHE, SACRÆ CÆSAREÆ MAIESTATIS
MATHEMATICO EXCELLENTISSIMO, DOMINO
ET PATRONO PLURIMUM OBSERVANDO.

71^r GENEROSE AC NOBILISSIME DOMINE, PATRONE ET AMICE
OBSERVANDE.

S.



30 OSSEM equidem non iniustam excusationem adferre, quamobrem hætenus rarius ad te literas miserim, tum quod domo diu abfui, tum quod raro mihi tabellarij Pragæ proficiscentis copia offertur. Sed permitto me inculari de officio scribendi, nam hoc ipsum tui in me amoris aliquod signum continet, quod familiariter me arguis. Scripsi tamen cum filio tuo, qui hac transijt circa festum Pentecostes. Rostochij vivo et doceo sedulo, postquam ex longis peregrinationibus satietas multarum rerum me cepit. In patria vivere fors me
35 non permittit, iucundior est vita, quæ sibi constat. Quis bene de patria meritis præmium iustum retulit? Nec tu ipse, præstantissime TICHON, decus ac columen qui tuæ fuisti patriæ. Deinde in Livonia omnia bello
ardent,

ardent, nam pugnæ aut dirimendæ controversiæ sedem eam delegere, qui de regno Suetiæ inter se disceptant, Rex Poloniæ, Dominus meus clementissimus, et Dux CAROLUS, princeps Suetiæ.

Tuam in me propensam voluntatem ac constantiam sinceri amoris collaudo, et posteris etiam eam testatam faciam, nec existimo te dissuadendum, quin hoc vitæ genus, in quo constitutus sum, placidum et philosophicum retineam, usque dum certiora pax et tranquillitas patriæ sponponderit. ||

Quæ in honorem D. CHYTRÆI amici nostri communis scripti, exigua illa quidem sunt, sed tamen argumenta grati mei animi in defunctum extare volui: transmitto exemplar adiunctis alijs item pagellis, ex quibus me totum cognoscere possis qui sim, quidve agam potissimum.

Negocium illud, de quo scribis et prolixius forte ad D. LUCAM BACKMEISTERUM perscripsisti, mihi eo plane modo commendatum habebo, ut tuo honori tuæque memoriæ me plurimum tribuere intelligas. Si quid in historicis fuerit continuandum, meâ operâ id fiet. Sed adminicula mihi adhuc defunt, quæ suâ amici alijque Docti Viri sufferre communicatione possunt utilissime.

Plane constitueram meum ad te filium mittere; sed is, me in Polonia absente, Basileam usque exspaciatus, nondum redijt. Id vero te rogo, ut beneficio gratiæ et auctoritatis, quâ in aula Cæsaris vales summâ, me iuves, et apud illustres Dominos, quibus hæc impertiendi potestas data est, mei honestam mentionem facias, ut privilegium Cæsaris de meis libris editis et edendis in iure et in historijs impetrare possim, sine magno pecuniæ dispendio. Ubi spes facta fuerit, aliquot pagellas de singulis libris transmittam, ut inspectis capitibus summisque rerum, tanto facilius, quod cupio, impetrem, quanto, ut opinor, utilior civilis prudentiæ studiosis || meus labor futurus est. Quicquid vicissim tua causa potero, faciam, ac lubentissime.

Nova ut mecum sæpius, quæ ἀξιόπιστα sunt, communicates, etiam atque etiam rogo, teque bene valere cupio. Salutem tuis filijs, filiabus, alijsque domesticis adscribo plurimam. Vale. Datæ Rostochij 19 die Septemb. stylo veteri Anno 1600.

Tui amantissimus

CHRISTOPHORUS STURCIUS,
manu propria.

† [E codice Basileensi G I 23]

76v

NOBILITATE GENERIS, DOCTRINA AC
VIRTUTE PRÆSTANTISSIMO VIRO, DOMINO TYCHONI
BRAHE, DOMINO HÆREDITARIO IN KNUDSTORFF,
5 ASTRONOMO EXCELLENTISSIMO, DOMINO ET
AMICO SUO INPRIMIS HONORANDO.

PRAGÆ.

75r

S. P.



10

OBILISSIME et clarissime vir, Domine et amice inprimis colende. Binas abs te accepi literas hoc mense Septembri; priores die 8 mihi reddidit M. CHRISTIERNUS, qui ad tres septimanas Witebergæ substiterat, posteriores tabellarius Praga a D. GODELMANNO huc ablegatus heri. Scis autem stylo nos Iuliano hîc uti.

15

Utræque negotium pecuniarium tuum mihi commendarunt, de quo et ad affinem meum Dn. Cancellarium D. BORDINGUM scripseras, quem Lubecæ tum agentem ego monui, ut negotium istud suo loco promoveret. Venit is ante paucos dies Lubeca Gustrovium ab Illustriß. Principe UDALRICO vocatus, postquam Celf. eius in venatione tum circa Grabovium existenti nunciatum fuisset de obitu nepotis ex fratre Ducis SIGISMUNDI AUGUSTI, qui hydrope alijsque morbis diu conflictatus die 5 Septemb. Ivenaci pie decessit ex hac vita. Funus ei fiet die 10 Octob. Suerini, ubi parentis IOH. ALBERTI et fratris IOHANNIS aliorumque ex ea linea defunctorum corpora quiescunt.

20

25

Eadem occasione Dn. Cancellarius Quæstorem iuniorum Principum, qui et Ducis UDALRICI iam Quæstor est, in aula reperit, et effecit, ut hodie mihi per ministrum suum in meis ædibus 600 illos thaleros tibi debitos numeraverit, recepta apocha tua, quam interim apud me servaveram. Hanc ego pecuniam usque ad adventum D. GODELMANNI, quem huc brevi acceßurum tibi in receptione pecuniæ gratificaturum scribis, penes me retinebo. Ut autem in auream monetam commutem, haudquaquam fieri potest. Rarissime enim hîc vel minimum aureum cernimus, omni auro vel in Belgium vel in superiorem Germaniam, ubi maiori precio quam hîc censetur, hinc translato. Id tamen faciam, si potero, ut thaleros novos Belgicos, quorum multi summæ huic interfunt, in alios Imperiales, uti vocant, commutem; hos enim gratiores istic esse arbitramur quam illos.

30

35

Porro quod ad continuationem Chronici D. CHYTRÆI p. m. qui postridie Iohannis nobis valedixit, attinet, neminem hoc quidem in
75v loco eam ad rem magis idoneum esse iudico quam || D. CHRISTOPHORUM STURTZIUM, qui historiarum lectioni in hac Academia

magna

magna cum laude præest, ingenioque, memoria et facundia excellit. Quamprimum igitur Concilium Academiæ convenerit, mentionem huius negocij et tuæ commonefactionis iniiciam, nec dubito, quin Domini Professores, quorum plerisque ætate, doctrina et prudentia graves esse non ignoras, id constituent, quod et Academiæ nostræ et nomini 5 magni illius CHYTRÆI honorificum et publice utile erit. Adveniente vero D. GODELMANNO, de eo, quod ad te privatim spectat, postremæ Chronici parti inferendo, unâ cum D. CLINGIO, cum hæredibus D. CHYTRÆI libenter et diligenter agam, et si quæ alia a me proficisci poterunt grata tibi officia, in illis promptum me semper reperi- 10 donec vixero. Senesco enim iam, et post mensem, si Deus voluerit, annum 70 ætatis meæ completurus sum. Facio tamen adhuc mediocriter vocationis meæ in Ecclesia et Academia, per Dei gratiam, officia. M. CHRISTIERNUS paucis hîc diebus mansit, festinans in Daniam. Ego sane hunc virum nobiscum vivere et iuventutem nostram literariam 15 in studijs Astronomicis, quæ post obitum præstantissimi D. BRUCÆI segnius hîc tractata et culta sunt, erudire optarem. Tuas res honesto et incolumi adhuc statu esse, ac velle S. Cæs. Mai. ut Pragæ sibi adsis propius, gaudeo, et tibi tuisque deinceps etiam fausta feliciaque omnia precor. 20

Rumor isthuc delatus de dissidio inter Regem Daniæ et nobilitatem suborto vanus est. Rex hoc tempore in Holsatia est cum coniuge, et genethliacis pompis ac convivio Gottorpij interfuturus dicitur, ubi soror eius IOHANNI ADOLPHO Holsatiæ duci nupta filium peperit, quo et BUGISLAUS Pomeraniæ dux legatum D. HENR. CAME- 25 RARIUM misit. Venationibus se Rex in Iutia oblectavit, magno cervorum numero cæso. Extruit passim munitiones Halmstadij et Overscheræ in Sueciæ finibus, quo cives ex vicinis oppidulis Rundeby et alijs migrare iussit, item Crempæ in Holsatia. || CAROLUS dux Sue- 76^r ciam nunc totam tenet pacifice, regiam vero coronam sibi a subditis 30 oblatam nondum acceptare voluit, supplicio capitis 4 regni proceres captivos, ERICUM SPARRE Cancellarium, GUSTAVUM et STE- NONEM BANNER, et TURONEM BIELKEN, a concilio ordinum regni damnatos, affecit. Sunt et alij in Finlandia interfecti. Iam cum valido exercitu in Livonia est, omniaque Suecis hætenus subdita circa 35 Revaliam cum hac ipsa urbe tenet, et Regi Poloniæ bellum facturum existimatur, qui per Capitaneum suum GEORGIUM FARNSBECH exercitum circa Rigam conscripsit, qua de re certiora navibus nostris Riga redeuntibus cognoscemus. Cum Lubecen- 40 sibus inducias pepigit, qui per legatos suos iam de pace cum eo agunt. Nuper duo Lubecensium Consules intra 24 horas obierunt, nec admodum bene inter Senatum et cives eius urbis convenit ob turbas Suecicas, quibus improvide Se- natus

natus inconsultis civibus se et urbem immiscuit, unde magna civibus in mari damna illata a CAROLO fuerunt.

In hisce regionibus, Dei beneficio, tranquillitas est, ac meum habuimus serenam et uberrimam. In Dania quoque segetes feliciter pro-
5 venerunt, sed quia serior illic metis est, aer agricolis non adeo benignus fuit.

Postremo commendo tibi affinem meum ABRAHAMUM STO-
PIUM, qui istuc aliquamdiu apud sororem et affinem vixit, eiusque
10 apud Dn. Vicecancellarium vel alios proceres poteris, mihi quoque rem gratam feceris. Bene et diu cum omnibus tuis vale. Dabantur
Rostochij 19 Septemb. stylo veteri Anno 1600.


Nobil. et Excel. T.

studioſſ.

15 LUCAS BACMEISTERUS D.

† [E codice Basileensi G I 23]

78^v ILLUSTRIS ET MAGNIFICO VIRO, DOMINO
TYCHONI BRAHE, ASTRONOMO FACILE NOSTRI TEM-
PORIS PRINCIPI, DOMINO ET PATRONO COLENDO.
20 PRAGAM IN BEHMEN.

77^r  LLUSTRIS et magnifice Domine, patrone colende. Ut
doleo priores meas tibi non redditas esse, ita lætor posteri-
ores te accepiſſe: quibus quod prolixè et humaniſſime re-
spondes, pergratum mihi est. De Elegia mea ſtatues, ut-
25 cunque libet, nihil me offendet, neque a me edetur, ante-
quam tu volueris. De MELISSI carminibus plane tibi
abentior. Alius quodammodo et quaſi vulgaris videtur in iſtis carmini-
bus: vel ſenectus hoc facit (ut ipſe ſolet interdum queri) vel laboris
fuga: certe iſti odæ omnis lima et intentio videtur deeſſe. Sed hæc tibi
30 in aurem dixerim, apud ipſum nolim proferri, qui me nuper etiam
Elogio ornavit in carmine de obitu CHYTRÆI, quod mitto. Diligen-
tiſſime egi cum CHYTRÆI filijs de Deſignatione iſta tuæ migrationis
in Germaniam. Dixerunt ſe legiſſe et meminiſſe, quod patri reddita
eſſet: ſed quamvis accurate inquiſita, reperta nondum eſt. Deinde etſi
35 reperiatur, nobis tamen non liquet, quomodo ea poſſit in huius anni
Chronicon regeri ad finem, ut vis, cum incurrat reiſſa in præceden-
tem. Præterea Chronicon illud iam editum eſt poſt mortem CHYTRÆI
in id tempus, quouſque ipſe deduxit: nam ut quiſpiam Venerem imper-
fectam perficiat, huius anni extrema abſolvat, fortæ nemo reperietur.

Exemplum tibi mitto. Sed in tui gratiam facile recudi potest, nisi priora obstarent: et hoc quoque, quod iam hæc Exemplaria in hominum || manibus versentur. Nihil sane est, quod malim, quam tibi gratificari, 77v
sed tu ipse de his cogitabis et statues, et si quid in mentem venerit, nos tantum docebis. Locutus sum de hoc negotio etiam cum D. LUCA, 5
qui suam sententiam sine dubio ipse perscribet.

De carmine ad Cæsaream Maiestatem tali, quale innuis, quid fieri possit, dispiciam, quando otium nactus fuero. Modo versor in campo Eloquentiæ et Intemperantiam ac sectatores eius vehementi oratione seu libro castigo. Erasmianum illud erit quiddam, ut spero. Sed hæc 10
ante dicens, in lente unguentum quæro.

Obijt nuper SIGISMUNDUS Megapolitaniæ princeps, IOHANNIS ante defuncti (cuius duo filij supersunt) frater: corpus eius humabitur Suerini 10 Octobris stylo veteri. CAROLUS dux Sueciæ cum magno exercitu et tota familia contulit se in Livoniæ partes; quid moliturus et quo res evasura sit, videbimus. Transylvaniam periclitari audimus, et propter adventum Turcæ et tyrannidem Walachi, de quibus ex illis locis nos incertiora audimus, vos, qui prope adestis, certa. 15

Iraſcor illi, qui effecit, ut suppreſſis literis meis VARADINUM nostrum nondum legeris. Habe vero iam etiam fero: quod tibi probatum 20
iri omnino confido, magno equidem mihi labore constitit. Elegantius videbitur, si conferetur cum inepto quodam Silesij Carmine, qui idem argumentum susceperat ante, sed sine Minerva et Gratijs, adeoque nimis pueriliter. RHEDERUM audio id misisse ad Typographiam Lignicensem, ut recudatur. 25

M. CHRISTIANUS iam discessit in Daniam, cum ante mihi adfuiſſet. Tu ut || diutiſſime valeas et in Germania nostra floreas, utque 78r
tibi diu etiam incolumis sit ille Cæsar optimus et clementiſſimus: illud vero est, quod opto et voveo ſummopere. Bene vale, vir magnifice. 30
Datæ Roſtochij 20 Septemb. Anno 1600.

T. Magnif.

reverenter colens

MARTINUS BRASCHIUS.

[E codice Basileensi G I 35]

TYCHO BRAHE AD MELCHIOREM
IÆSTELIUM.

- 151^r **L**X ultimis meis literis, Eruditissime et amantiſſime Do-
5 mine IÖSTELI, quas Domino Doctōri FRANTZIO Iu-
risconsulto in eas oras proficiſcenti commiſi, facile intel-
lexiſti, quæ ſuperioribus tuis reſpondenda habui, et quæ-
nam deinceps a te deſiderarem, quod peracta promotione,
10 quæ ut fauſta felixque ſit precor, meliori reſtitutus otio
efficias, te etiamnum per amicitiam noſtram rogatum volo. Inuenies
facile aliquem, qui id, quicquid erit, meis ſumptibus ad mundum de-
ſcribat. Promptiſſimum vero erit, ſi hoc per ſtudioſum, quem mihi polli-
ceris (quod et gratum eſt) huc ipſum miſeris, modo is non prius, quod
tamen mallem, acceſſerit.
- 15 Quid M. OSWALDUS et Typographus certo addicere velint, etiam
mature reſciſcere cupio, atque ut omnia pro me iſthic peragenda ac-
celerentur, ne irrecuperabile tempus nimis diu incaſum labatur. Sum
iam occupatus in diſponendis inſtrumentis meis ſuperius iuxta arcem
20 in domo quadam ampla, in quam Cæſar ex horto ſuo, cui propinqua
eſt, ſolitarie, quoties lubuerit, ingredi poteſt et ea perluſtrare, quod et
nuper clementiſſime nec ſine voluptate fecit, licet ſaltem ea, quæ Be-
natica advecta ſunt, tunc in promptu fuerint, cætera omnia, de quibus
etiam pridie inquiſiuit, ubi rite collocata fuerint, viſurus, atque tum
demum, quo in loco, ut ad uſum perpetuentur, conſtituenda ſint, de-
25 creturus. Neque enim vult, ut ego cum meis ſtudijs tam longe, ut antea,
Pragâ abſim, quod etiam mihi ipſi non oportunum videtur. Verum de
huius conſilij eventu, quem ſpero utilem et commodum futurum, te
poſtmodum certiore reddam.
- Advenit ante quatrimum per poſtam, uti vocant, Cæſaris frater Ar-
30 chidux MATTHIAS ab ipſius Maieſtate illico vocatus, ſtatim ac magna
illa et inopinata mutatio hîc in aula facta eſt, reiecto RUMPFIO et
TRAUTSONIO, præcipuis Conſilij ſecreti Capitibus, qui intra biduum
diſcedere iuſi ſunt, quod et factum, cæteris eiufdem Conſilij membris
retentis quidem, ſed necdum in priori gratia habitis. Qua de cauſa
35 hæc alteratio peracta, nondum ſatis liquet. Fuit quoque dictus ſere-
niſſimus Archidux heri in domo illa, ubi inſtrumenta mea partim erecta
ſunt, partim adhuc eriguntur, et ſingula, quæ interim maiori copia ad-
vecta erant, diligenter perluſtravit, ſiquidem et is artibus his iucunde
et laudabiliter afficiatur.
- 40 Vale, et cum otium fuerit, plenius reſcribe. Atque ubi ſexcenti illi
Ioachimici e ducatu Megapolitano advenerint, 50 inde pro laboribus
Typographicis

Typographicis tecum retine, et papyrum idoneam pro aliqua eorum parte tempestive coëmi effice. Plures mittam, ubi opus fuerit. Reliquos intermediente affine tuo Dresdenſe huc dirige. Iterumque vale, et D. D. IESSENIUM, licet mei immemorem, reliquosque amicos Witebergenſes, inter quos etiam obmutefcentem illum TAUBMANNUM, 5 ſaluta. Dabantur feſtinanter Praga die 8 Oct. ſtylo novo Anno 1600.

[E codice Baſileenſi G I 35]

SPECTATISSIME DOMINE DECANE AC
SENIOR CÆTERIQUE CLARISSIMI DOCTORES
COLLEGIJ MEDICI.



UOD tam honorifice et benevole ad promotionem Doctoratus in facultate medica circa medium Octobris ſtylo veteri apud vos ſolenniter celebrandam (memores adhuc illius convictus, qui inter nos fuit, dum ſuperiore anno aliquantiſper Witebergæ ſubſiſterem) veſtris humaniſſimis literis me invitatis, eſt cur vobis omnibus et ſingulis officioſe gratias agam. Satiſſacerem vero haud illubenter veſtræ petitioni, ſi per me id ſtaret, et temporis locorumque ratio, quibus inſerviendum, id ferret. Sum enim ex Sacræ Cæſæ Mat^{is}, Domini noſtri clementiſſimi, mandato iam occupatus in diſponendis inſtrumentis meis Aſtronomiſis, quæ partim ex Arce Benatica, partim Magdeburgo Leutmeritzium, quouſque Albis eſt navigabilis, deinde huc Pragam, eiufdem Maieſtatis iuſu, nuperrime advecta ſunt, ut in ampla quadam et magnifice ſuperius prope arcem extructa domo ijs collocatis, ipſius Maieſtati (ſic enim ei clementiſſime placuit) omnia propius in conſpectu ſint, donec quorſum ulterius tranſſerenda, et ubi commodè ad uſum ſtabilienda veniant, benigniſſime ordinaverit. Quæ cum non ita cito expediri queant (res enim non parvæ eſt molis) ut vobis ad conſtitutum tempus gratificer, ſpero tam apud vos, quam Eruditiſſimum Magiſtrum IOſTELIUM, Candidatum inter ſex illos primarium, amicum mihi in primis dilectum, excuſationi locum futurum. Quod ſuper eſt, ut actus ille auſpicatus et ſalutaris ſit, precor, voſque omnes Deo Opt. Max. commendatos habeo. Dabantur Praga die 9 Octobris ſtylo reformato Anno 1600.

[E codice

† [E codice Vindobonensi lat. 10702]

IOANNES KEPLER AD TYCHONEM
BRAHE.

163^r **U**M hucusque, Nobilissime et Præstantissime Domine
 5 TYCHO, partim occupationes tuæ, partim febris mea
 non passæ fuerint, ut rationes adventus mei in Bohemi-
 am Magnificentia Tuæ ex animi mei sententia recen-
 10 serem, scripto id rectissime præstitum iri putavi. Duobus
 potissimum argumentis Magnificencia Tua, in literis ad
 me in Styriam missis, in Bohemiam me vocavit, altero a contractu no-
 stro, quem Maio mense et antea talem inivimus, ut pollicerer, inter-
 ventu Cæsareæ voluntatis, Magnificentia Tuæ per biennium adesse,
 laboresque tuos in Astronomia toti Europæ iam pridem desideratissi-
 15 mos, quantum in me est, maturare et adiuvere: altero argumento a
 præsentī mea calamitate deducto, dum me iubes optima spe ad te pro-
 ficisci, nec dubitare, quin vel commendationibus tuis ad Maiestatem
 Cæsaream, vel propria opera auxilioque meis incommodis sis consul-
 20 turus, adeoque et viaticum compensaturus. Recte sane de duabus hisce
 rebus egisti. Nam mihi cum necessitas imponeretur e Styria migrandi,
 omnino de utraque hac cogitandum fuit. Et si enim, quod primum at-
 tinet, omnis noster contractus expiravit et annihilatus est, sublato fun-
 damento, ut retinerem salarium meum Styriacum (quod interdictum
 Provinciae mihi ademptum est) utque magistratus meus eius temporis ||
 163^v consentiret (cuius loco, cessante officio, iam agnosco Principem Wir-
 25 tembergicum, vigore cum obligationis, tum literarum Reversalium)
 tamen cum, durante meo priore officio, res a Magnificencia Tua in-
 cepta et Cæsareæ Maiestati proposita sit, Cæsarea Maiestas etiam con-
 senserit, providendum certe mihi fuit, ne imprimis Cæsaream Maies-
 tatem, tum etiam Magnificentiam Tuam ludificarer, quin potius vel
 30 cum damno meo Pragam irem, ibique rem vel penitus confectam (quam
 spem literæ tuæ in adventum meum præbuerunt) quantum in me esset,
 amplecterer, quantum vero in Principe meo situm, per Legatum eius
 Dominum Doctorem DOLDIUM, qui Pragæ esset, expedirem; vel si
 adhuc præter opinionem tuam, in dubio suspensa futura esset, uti tum
 35 vires meas explorarem, sumptuum rationem inirem, et quantisper sine
 perniciē meā, incertum in eventum, meis impensis, nullo salario, ex-
 pectare possem, perpenderem, ubi, si tantæ moræ, quantas postulat aula
 Imperatoria, supra facultates meas essent, negotium ipse præfens legi-
 40 defererem.

Quod ad alterum, et si mihi dubium nunquam neque fuit, neque est,
 quin

quin et impense me ames, et optime promotum velis, et huius rei luculentissimas in loco tam splendido, tanta summi Monarchæ gratia, habeas occasiones, si moram ego ferre possem: tamen rationes, quibus præfens meum infortuni-||um ope divina sublevem, aliæ mihi sunt, 164^r
 partim necessariæ, partim (ut sunt res meæ tenues) magis utiles. Cum 5
 enim iure obligatorio tenear, operam meam priore Magistratu, cui illam ex concessu Principis mei Nutricij addixeram, liberatam, eidem Nutricio meo renunciare, rectissime sane mihi consuluissem, si recta via Gratio ivissem in Wirtembergiam. Certum enim habeo, qui eo veniunt exules, maxime si alumni fuerunt Principis, illis et de victu 10
 statim et de conditionibus primo quoque tempore prospici. Ego vero præter hæc omnia etiam a Præceptoribus meis in Academia Tubingen-||si iam pridem eas habeo promissiones, ut merito ex coniunctione Principis cum Academia magna mihi spes nasci debeat. Atque hæc 15
 via esset omnium compendiosissima ad mea mitiganda incommoda. Altera est, ut si me causæ forsan aliæ (qualis est nostra iam tractatio) Pragæ deducerent, uti tum in ea urbe, nempe in conventu Legatorum ex plerisque provincijs, statim mihi prospicerem, primo omnium Legatum Wirtembergicum alloquerer, an commode, parvo sumptu, commendationibus ipsius adiutus, in Wirtembergiam ire possem, an 20
 concessionem mihi ab illo Principe impetraret, commendationibus iterum me iuvaret, ut propter redimendum viaticum in propinquiorem Academiam, qualis est Witeberga, Iena, Lipsia etc. promoverer. Hæc altera via est, Nobilissime Domine TYCHO, sublevandis meis miserijs,|| minus quidem splendida conditiones pollicens, quam ex aula speran- 164^v
 tur Imperatoria, sed tamen expeditiores, in præsentia certiores, et mihi, qui ob inopiam non sum sustinendis diuturnis moris, acceptiores.

Explicavi, quid de utroque tuo argumento sentiam: iam quo animo huc venerim, hîcque iam commorer, recensebo. Voluisse me, statim atque in exilium ire sum iussus, Wirtembergiam repetere, iam pridem 30
 ex literis meis tenes. Supervenerunt literæ tuæ, quæ et mihi et affinitati amicisque meis satis efficaces sunt visæ, quæ me permoverent, ut dimisso in Magnificentiæ Tuæ et Astronomiæ gratiam, inque meum ipsius, si Deus ita vellet, maius incrementum, altero mei iuvandi modo, retento vero alterius arbitrio pro Wirtembergico Bohemicum iter ar- 35
 riperem. Bona vero et uxorem cum privigna visum est in omnem eventum Lincij relinquere, ubi essent in itinere versus Wirtembergiam.

Mutavi propositum de uxore et privigna (bona enim, sicut dixi, Lincij reliqui) hoc metu, qui iam in me exit, ne quis ex nobis ægrotaret, reliquis absentibus, inter peregrinos. Itaque Pragæ veni magno sumptu. 40
 Sexaginta expendi in vecturam personarum, viginti in viaticum, quadraginta amplius in duo vasa, repleta bonis mobilibus sive suppellectili, idque

idque tantummodo Lincium usque. Taceo quanto iam in ære sim ho-
spitis mei. Restant mihi impensæ non plures, quam quibus ad moram
quatuor hebdomadum, et deinde ad iter aliud (breve tamen) indigeo.
165· Intra has quatuor hebdomadas expectabo eventum || nostri negocij.
5 At nihilominus, dummodo per valetudinem liceat, in omnem eventum
mihi apud Legatos Principum de commoda conditione legitime cir-
cumspiciam, sic tamen, ut si quid interea Magnificentia Tua effecerit,
id ratum, cætera irrita sint. Ubi hoc tempus transierit, atque Magnifi-
centia Tua postulaverit a me, ut diutius maneam, id non aliter mihi
10 possibile est, nisi aut viaticum mihi a Magnificentia Tua pro vectura et
victu restituatur 150 fl., ut duo vasa mea huc advehantur, ne quæ con-
vasata sunt, situ pereant, aut Magnificentia Tua prædem se præstet pro
me apud illos, a quibus necessaria mihi ad victum coëmenda sunt. Quo-
rum illud si præstetur, ad semestre usque, DEO vitam prorogante, ex-
15 pectare potero: sin hoc autem, tantisper durare potest mora mea, dum
id Magnificentiae Tuæ et Creditoribus allubescat. Interea Astronomia
et labores Magnificentiae Tuæ tantæ mihi curæ erunt, quantam feret
valetudo mea. Quin etiam si negocium ex animi sententia apud Cæ-
saream Maiestatem conficias, viaticumque, uti spem fecisti, impetres,
20 ab eo summam eam, quæ interea mihi a Magnificentia Tua commo-
data fuerit, demptam Magnificentiae Tuæ restituam. Quin etiam id
intra has 4 septimanas operam dabo, ut aliquis alius mihi id salarium,
quod Grätij habui, in hoc biennium pendat, pro quo obligatus illi sim,
exacto tempore in eius servitium transire. Habet igitur Magnificentia
25 Tua summam consiliorum meorum: quæ ut mihi inopi et deserto et
exuli non in peiorem partem interpretetur, obnixe rogo. Vale. 17. Oct.

Magnificentiae et Nobilitatis

Tuæ Officiosissimus

M. IO. KEPLER.

30 [E codice Monacensi Bibl. Univ. 693 in 2°]

IOANNES GEORGIUS HERWARTUS

AB HOHENBURG AD TYCHONEM BRAHE.

242· **H**X itinere, quo peregre abieram, Vir Nobilissime atque
35 Mathematicorum omnium facile Princeps, iam tandem
reversus, relegi literas tuas 28 die Augusti ad me datas,
et ex adiunctis exemplis deprehendi, me semel atque
iterum in calculo lapsum esse, quo nomine gratias tibi
ago eò maiores. Sed inprimis summe miror, atque adeo
satis mirari nequeo, calculum tuum novissimum Eclipses Solaris diei
40 10 Iulij huius anni ἀκριβέστατον tam præcise observationi cœlesti ei-
demque

demque exactæ congruere, ita ut nec sexagesimâ quidem particulâ unius gradus a se invicem discrepare videantur.

Ἡ μέγα θαῦμα τόδ' ὀφθαλμοῖσιν ὁρῶμαι.

†

Respondet numeris tua contemplatio cœli

Unius arctataque ad sexagesima partis.

5

Θαῦμα ἴδεσται.

Respondent cœlo numeri, quibus attrahis astra,

Unius arctatque ad sexagesima partis.

Θαῦμ' ἀκόεσται.

Summo itaque desiderio flagro, ut quanto citius pollicitationem hac in re tuam adimpleas, totus enim iam calculum hunc tuum Solis et Lunæ novissimum, posteaquam eundem plane abolveris, exspecto et opto.

Libros, quos petijsti, habeo, sed iam deest tabellarius. FRANCISCUS VIETÆUS A° 89 Londini edidit librum in folio Regali, cui titulus FRANCISCI VIETÆI opera Mathematica, in quibus tractatur Canon Mathematicus, seu ad Triangula, item Canonion Triangulorum laterum rationalium, unâ cum universalium inspectionum ad Canonem Mathematicum libro singulari etc. In eoque libro multa tractat de resolutionibus triangulorum, quare plane conijcio ADRIANUM ROMANUM de hoc ipso libro locutum esse. Quod si eum desideres, curabo omnino, ut habeas. || ALBATEGNIUS latius habetur, sed is ipse, qui multis in locis incorrectus est, Norimbergæ A° 37 unâ cum ALFRAGANO editus, et nec is quidem facile invenitur, attamen πολλὰ πλάσιωσις pretij effecit, ut ego quoque exemplar eiusdem mendosæ impressionis ex Bibliotheca quadam redemerim. Quod si nihilominus eundem petas, mittam illico. Mihi sane, præter nomina propria, non videtur adeo mendosus, si unica cautio adhibeatur; solet enim numerum binarium et quinarium confundere. Quod si hoc unicum caveatur, in calculo vix error oboritur.

Iungo his literis Catalogum nundinarum autumnalium, quem ipsum quoque iam demum e peregrinatione domum reversus sum nactus; quod si aliquos libros ex ijs desideres, transmittentur. Affinis meus PAULUS ZEHENTNER ab ZEHENTGRUEB quædam meo nomine tibi referet, atque hisce vale quam foelicissime. Datæ Monachij die 8 Nov. A. 1600.

[E codice Basileensi G I 35]

TYCHO BRAHE AD MAURITIUM
LANDTGRAVIUM HASSIÆ.



154^r **U**M Illuſtriſſimæ Cellitudinis Veſtræ Legatus Magnifi-
5 cus, Dominus IOHANNES de *Bopenhauſen*, qui mag-
† ni Regis Perſarum Legationem huc, Cel^{nis} Tuæ iuſſu, de-
duxit, mihi (ſiquidem interea dum hîc fuit, nonnulla ex
mutuo aliquoties congregu atque colloquio nobis inter-
ceſſit familiaritas) indicâſet, ſe reditum in Haſſiam ad
10 Cel^{nem} V^m maturare, mei officiij eſſe duxi Ill^{mam} C^m V^m hiſce meis literis
deſiſſe ſalutare, et quæcunque ex mea tenuitate proficiſci poterint
obſequia, omni debitâ reverentiâ offerre. Auxit hanc ſcribendi con-
fidentiam, et idipſum ut non omitterem, perſuaſit, non ſaltem ea, qua
Laudatiſſimæ memoriæ V^{ræ} Cel^{nis} Dominus Parens, quoad vixit, me
15 Clementiſſime proſecutus eſt benevolentia, ſed et inſuper V^{ræ} ipſius
Cel^{nis} benigniſſimus animus et perfeverans erga me favor, ut vel inde
liquet, quod Cel^{do} V^{ra} etiam poſt obitum Parentis ſuis Clementiſſimis
et cultiſſimis literis dignata ſit. Quin et ex prædicto Cel^{nis} V^{ræ} Legato
gratiſſimâ mente nec ſine voluptate percepi, C^m V^m etiamnum ſubinde
20 per occaſionem nonnunquam mei mentionem facere, quod conſtantis
erga me Clementiæ et benignitatis indicium, quâ poſſum ſubmiſſione
154^v ac gratiarum devota acſione, || lubens agnoſco, inque eo mihi non pa-
rum congratulor.

De migratione autem e Dania, Patria mea, ante quadriennium factâ,
25 quoniam C^m V^m non ſaltem ex proprijs meis literis, interea ad eam
officioſiſſime datis, ſed et aliorum proculdubio relatione per ſuas cir-
cumſtantias iam ſatis edoctum eſſe, nihil addubito, nolo ulterius ea de
re quippiam commemorare. Exiſtimo etiam Celⁿⁱ V^{ræ} iam antea inno-
tuiſſe, quomodo a Sacra Cæſ^a Ma^{te}, Domino noſtro Clementiſſimo,
30 huc in Bohemiam ante biennium Clementiſſime vocatus et in ipſius
Cæſ^æ Ma^{tis} Clientelam benigniſſime receptus, quodque Mecœnatem
eorum, quæ diu multumque tracto, ſtudiorum Aſtronicorum in ip-
ſius Ma^{te} invenerim liberaliſſimum. Quocirca adveſtis, ex ipſius etiam
Cæſ^æ Ma^{tis} Clementiſſimo mandato, per Albim fluvium omnibus meis,
35 quibus in Dania ad tam ſublimis ſcientiæ exercitium et redintegra-
tionem uſus ſum, Organis, ea nuper, ipſius quoque Ma^{te} ſic Clemen-
tiſſime decernente, in domo quadam ampla et magnifice hîc iuxta Arcis
hortum extructa diſpoſui, quæ numero ſunt 28, tam formæ et fabricæ
quam magnitudinis et utilitatis varietate diſcreta, quemadmodum ||
155^r ſupra memoratus Cel^{nis} V^{ræ} Dominus Legatus, qui ea ſingula coram
† intuitus eſt, ad C^m V^m plenius referre poterit. Etſi vero in libro Epiſto-
larum,

larum, qui Ill^{mi} et nunquam satis laudati Patris vestri literas de re Astro-
 nomica mihi Clementiſſime ſcriptas, unâ cum mea reſponſione, com-
 plectitur (quem Ill^{mæ} Celⁿⁱ V^{ræ} a me ſubmiſſe dedicatum eam accepiſſe
 opinor) ſuo loco nonnulla horum Inſtrumentorum reperiatur deſcrip-
 tio, et licet inſuper Icones quaſdam, pleraque ex hiſce Inſtrumentis † 5
 repræſentantes, poſtea miſerim, de quibus, quod eas Cel^{do} V^{ra} obtinu-
 erit, Opus illud Palatinum, mihi viciſſim dono Clementiſſime remiſſum,
 omne exemit dubium: Tamen cum Organa mea Aſtronomica poſti-
 modum plenius delineari atque excidi, unâ cum uberiore Fabricæ et
 Uſus explicatione, atque in peculiari libro inprimi curârim, quem Im- 10
 peratoriæ Ma^{ti} humilime dedicatum, unâ cum duobus alijs pari formâ
 et magnitudine, quorum unus de mille affixarum ſtellarum accura-
 tiſſime a nobis facta Reſtitutione, alter de ☉^{lis} et ☾^{næ} verificatis motibus
 agit, cum primum huc adveniſſem, ſubiectiſſime obtulerim, V^{ræ} Ill^{mæ}
 Celⁿⁱ eum, qui de Mechanica || Aſtronomiæ parte tractat, cum hoc ipſo 155^v
 ſuo Nobiliſſimo et eximio Legato demiſſe dono mittendum duxi, quem
 et Cel^{do} V^{ra} benignâ fronte accipere non dedignetur, quâ poſſum reve-
 rentiâ oro. Si reliquos duos Cel^{do} V^{ra} unâ Clementiſſime expetierit,
 præſertim eum, qui affixarum Rectificationem ſcrupuloſe exequitur,
 ut collatio cum ijs ſtellis, quas V^{ra} Cel^{do} ibi pariter obſervatas habet, 20
 inſtitui poſſit, eos quoque per temporis oportunitatem quam obſequen-
 tiſſimo animo impertiar. Quod et nunc præſtitîſſem, ſi exempla con-
 ficiendi (ſunt enim ambo manu ſcripti) commoditas ſuperfuiſſet. Quin
 etiam cum alia ex meis Operibus lucem publicam viderint, ea cum
 Cel^{ne} V^{ra} omni debita ſubmiſſione communicare, eiſque ſolertiſſimo 25
 et graviſſimo ſubmittere iudicio non ſuperſedebo: Et quacunque alias
 in re pro mearum virium modulo quippiam, quod Celⁿⁱ V^{ræ} gratum
 ſit, præſtare potuero, habebit ea in me ſervitorem fidelem, cui id, quic-
 quid erit, libere demandet, qui etiam pro virili V^{ræ} Cel^{nis} Clementiſſi-
 mis deſiderijs omni animi ſubmiſſione obtemperaturus ſit. Sed ne di- 30
 utius, quam par eſt, C^m V^m, cui me meaque ſtudia commendata eſſe
 ſubmiſſe cupio, hac interpellatione, gravioribus negocijs intentam, re-
 morer, eam quam proſperrime florere et quam diutiſſime ſaluberrime-
 que valere unâ cum Ill^{ma} Coniuge et inclytis liberis, a Deo Opt. ter
 Maximo devoto pectore precor. Dabantur Pragæ Bohemorum Die 10 35
 Novembris Anni 1600.

[E codice Basileensi G I 35]

†

TYCHO BRAHE AD LUCAM
BACMEISTERUM.



X literis tuis, clarissime et præstantissime vir, amice inprimis honorande, intellexi 600 illos Ioachimicos, qui mihi ad initia Aprilis huius Anni a Quæstore Iuniorum Principum Megapolensium debebantur, tibi tandem, prout fieri volebam, redditos esse, atque eos usque in Domini D. GÖDELMANNI, qui hîc Legatum agit Saxonicum,

ad vos acceßum, a te reservari, quod et mihi gratum est. Constituerat is quidem maturius ad vos venire, verum omnia in hac aula ob negotiorum magnitudinem et copiam admodum lente procedunt, ut citius absolvi nequierit. Rogo autem peramanter, ut illi pecuniam hanc, sumpto ipsius, quo id testetur, chirographo, committas, ita ut omnes thaleri sint imperiales, et eius generis, quales in superiori Germania valori integro sufficiunt, commutatis videlicet illis, qui novi et Belgici sunt, in alteros, de quibus modo dixi, prout te facturum benevole pollicitus es. Nam et tota summa, quam ego iunioribus Principibus mutuo dedi, constabat pro maxima parte ex optimis illis et nihil scrupuli moventibus thaleris. Quin et de reliquis 600, qui mihi ad principium Aprilis futuri Anni pariter debentur, rogavi per literas quæstorem, ut etiam prædicto Domino Doctori GÖDELMANNO meo nomine, cum inde disceßerit, eos solvere velit, siquidem ad id temporis, quo postmodo numerandi sunt, vix inventurus sim tam certum perlatores, cui æque tuto concedi possint. Et sane non iniquum erit, si interesse hoc (uti vocant) duobus vel tribus mensibus ante præstitutum terminum numerârit, ex quo 600 illis, quos hoc anno circa Aprilis principia obtinere debuißem, ultra semestrem caruerim, ut aliqua vicissim fiat iusta compensatio. ||

De [ijs quæ] continuationi Historiolæ Chytreanæ huius anni inferenda sunt, antedictus Dominus D. GÖDELMANNUS sufficienter vobiscum loquetur, et quemadmodum antea quoque insinuavi, nihil hîc præscribo, nihil urgeo, sed omnia vestro arbitrio libera relinquo.

Affinis tuus ABRAHAMUS STOPIUS ante tres circiter septimanas Viennam ivit. Scripsißem cum illo, sed neminem isthîc notum habeo, cui ipsum et eius negotium fructuose commendare possem; ubi reversus fuerit, et quippiam desiderârit, ibi ex sententia non expeditum, libenter vel tua de causa hîc apud Dominum Vicecancellarium, quantum in me erit, eius causam promovebo. Si M. CHRISTIERNUM nostrum ad aliquod officium ipsi idoneum et utile isthîc promoveris, rem mihi plurimum gratam præstiteris.

De

De ijs, quæ hîc quoad novos rumores narrantur, nihil addam, ea enim a Domino GÖDELMANNO coram percipies, neque enim otium suppetit talia commemorare. Vale cum coniuge et tota familia bene et feliciter, ac senij gravamina fortiter, ut facis, sustine. Dabantur Pragæ Bohemorum 16 Novembris stylo novo Anno 1600.

5

[E codice Basileensi G I 35]

TYCHO BRAHE AD CHRISTOPHORUM STURCIUM.

NOBILIS ET CLARISSIME VIR, AMICE HONORANDE.

162^r

X ijs quas paulo post æquinoctium Autumnale ad me dedisti literis, quo in statu res tuæ sint, et cur rarius ad me scripseris, intellexi. Ego vero tibi quietem illam et studiorum commoditatem congratulor, ac literarum intermissione lubens excusatam habeo.

10

De rebus Suecicis et Livonicis similia ijs, quæ scribis, imo adhuc plura hîc cognovimus — quem das finem, pater alme, furorum?

15

Negotium illud de ijs, quæ Historiolæ huius anni Domini D. CHYTRÆI laudatæ memoriæ inferi ipse, dum in vivis eſet, volebat, nec ego abnui, siquidem eius continuatio a te, uti etiam scribis, pertexenda erit, tuæ prudentiæ relinquo, quid in eo faciendum vel omittendum duxeris. Habet secum gener eius Dominus D. GÖDELMANNUS, qui hîc Legatum agit Saxonicum, amicus meus singularis, quæ hac de re inter Dominum D. CHYTRÆUM et me ventilata sunt, tibi monstranda, si forte priora isthic interierunt; is etiam plenius hac de re tecum loquetur, neque tamen in his quippiam vobis præscribo aut urgeo, sed relinquo liberum agere prout lubuerit. Perinde enim apud me erit, quacunque ratione id fiat, nec ægre feram, etiamsi plane omittatur.

20

25

In privilegio hîc obtinendo pro libris tuis in publicum edendis, lubens tibi meam navabo operam, sed scire prius oportet, quales illi sint libri, et quid contineant; si enim quippiam habent, quod religioni, quam Catholicam vocant, || adversatur, aut eos, qui hanc non amplectuntur, commendet, vix quippiam impetrabimus.

30

162^v

Nova quæ hîc narrantur, a prædicto Domino GÖDELLMANNO percipies, qui etiam nonnulla ad continuationem historiæ huius anni facientia tecum facile communicabit. Plura non addo, sum enim ita alias occupatus, ut calamum hîc sistere oporteat. Tu itaque cum omnibus tuis quam optime et felicissime vale. Dabantur Pragæ Bohemorum 16^{to} IX^{bris} Anno 1600.

35

[E codice

[E codice Basileensi G I 35]

TYCHO BRAHE AD MARTINUM
BRASCHIUM.

164^r
5



10

ITERIS tuis, eruditissime et amantiſſime Domine BRAS-
CHI, etſi vix otium ſuppetat, ut nunc quæ vellem re-
ſpondeam (ſum enim plurimis alijs negotijs diſtractus)
malui tamen potius hæc pauca quam nulla ad te dare,
ne amicitiam noſtram negligere viderer. De carminibus
tam MELISSI quam tuis iam ſatis inter nos convenit,
et par ſit ſententia.

15

Quæ Dominus D. DAVID CHYTRÆUS optimæ memoriæ, dum
adhuc in vivis erat, de mea e Dania emigratione annuæ ſuæ hſtoriolæ,
me conſentiente, inferere voluit, ſi ea iſtic interciderunt, Magnificum
Saxonici Electoratus hſc Legatum agens, Dominus D. GÖDELLMAN-
NUS, qui vos nunc accedit, in alio exemplo ea monſtrare poterit, modo
res ſic poſtulet. Sed non multum intereſt, ſive hæc ſiant, ſive non, quem-
admodum hac de re ad Dominum D. LUCAM BACKMEISTERUM
et Dominum D. STURTZIUM, hſtoricum veſtrum, plenius perſcripſi.
Carmen illud tuum, cuius antea meminſti, iam accepi, quod mihi per-
placet. Caniſium, quod Hungariæ Camiſium aliqui vocabant, ſiqui-
dem eo detractō pateret hoſtibus in Stiriam et Auſtriam facilior aditus,
ante paucas hebdomadas in Turcarum poteſtatem, quod dolendum
eſt, pervenit, quo occupato mox Papam caſtrum obſederunt, quod ijs
vix reſiſtere poterit. Cœtera a Domino D. GÖDELLMANNO cogno-
ſces. Iamque quam optime cum omnibus tuis vale. Dabantur Pragæ
Bohemorum 16 Novembris Anno 1600.

[E codice Basileensi G I 35]

TYCHO BRAHE AD MELCHIOREM
IČESTELIUM.

165^r



35

ENIT ad me Dreſdā hiſce diebus M. AMBROSIUS
RHODIUS, et nonnulla, quæ circa Hypotheſes tentāſti,
clariſſime et præſtantiſſime D. D. IČOSTELI, ſecum a te
attulit. Utrumque mihi gratum fuit. Faciam, quantum
ad illum attinet, prout mones. Hypotheſes autem cupe-
rem accuratius enodari, et magis perſpicue explicari,
ita ut nihil deſit aut ſit ſuperfluum, atque ordine debito ſeſe omnia in-
ſequantur. Neque quæſtio eſt, ut loca Planetarum, per Hypotheſin
quamcunque inventa, cum meis obſervatis conferantur, quibus nulla
ratio

ratio hætenus præsupposita consentiet, sed sufficit, ut ea, quæ secundum PTOLEMÆUM deducuntur, calculo respondeant Alphonsino, ita tamen ut Apogæa, Eccentricitates et dimensiones orbium adhibeantur, prout Alphonsina fert methodus, a PTOLEMÆO potissima ex parte derivata, nisi quod Apogæa hisce temporibus aliter applicantur. 5 Quæ vero iuxta COPERNICUM fiunt, ea oportet ipsius pariter datis et assumptionibus, in ijs quæ modo dixi, inniti, et calculo Prutenico convenire, idque sive iuxta ipsius speculationem Solem ad centrum Universi quiescentem, in annuo orbe, eius loco revoluta Terra, statuemus, sive immutata hac, uti ego ostendi, Hypothesi, Terra ibidem im- 10 mota permanente, et assumptionis Eccentroepicyclis more Ptolemaico, cum circello circa centrum, loco æquantis, uti recte imitatus es. Sed hæc non est proprie inversio, sed potius permutatio quædam || et cum 165 Ptolemaicis hypothesium COPERNICI conciliatio. Nostri autem innovatio, quæ Epicyclos non minus quam ille negligit, Terra nihilo- 15 minus immota permanente, etiam aliud adhuc particulare requirit, ut apparentijs satisfiat, quam a te iuxta COPERNICI proportionem factum est. Ostendunt liquidem apparentiæ, Planetarum circuitus proprios non medium, sed verum, adeoque ipsum corpus Solis, respicere, ita ut † Martiæ stellæ, quæ præcipuam hinc parit differentiam, phænomena, 20 etiam extra Acronychios situs, accurate et multipliciter considerata, nos ad ipsius Solis Apogæum iuxta initia ☉^{cri} manuducant, ut de Eccentricitate nunc nihil dicam. Recte tamen a te factum est, quod nostram hypothesin Copernicæ collatam, et assumptionis ipsius dedomenis, eundem præbere sideris locum, quem eius exigit numeratio, demon- 25 strasti. De his vero per opportunius ocium deliberatius cogita, et quæ vel hætenus perfectius elaborata habes, quam ea sunt, quæ misisti, vel in posterum elaborare dabitur, mecum communica.

Coeterum de Typographo LEMANNO sic habe. Precium quod annotavit pro Balla papyri 15 fl. nimium est, venditur enim hinc, ubi omnia 30 longe cariora sunt quam Lipsiæ aut Witebergæ, una eiusmodi Balla 8 Ioachimicis. Et cum Witebergæ essem, potui eam a cartopœis pro decem fl. si recte memini, obtinere. Verum quantum ad mercedem at- tinet, quam pro labore suo Typographico in imprimenda una Balla postulat, facile inter nos conveniret, si papyrus || æquiore precio ad- 166 hibuerit, ita ut decem fl. vel ad summum totidem Ioachimicis (quod tamen pluris est, quam hinc una Balla venit) comparetur. Qua de re ut cum ipso diligenter meo nomine agas, te peramanter rogatum habeo, utque promptius intelligat, hanc esse meam sententiam, id ipsum Ger- 40 manicis verbis consignatum illique tradendum, uti voluisti, adiungo. Exemplar autem, quod ea continebit, quæ de Luna in 6 illis quaterni- onibus excudenda erunt, quam primum ad mundum (in quo nunc laboratur)

laboratur) descriptum fuerit, mittam, modo prius de voluntate Typographi certior a te factus fuero, quod ut mature facias, etiam atque etiam peto. Vale et saluta amicos Witebergenfes, quibus scribere nunc non vacat, sed fiet id, volente Deo, per oportunius otium, iterumque
5 vale. Dabantur Pragæ Bohemorum 18 Novembris Anno 1600.

[E codice Monacensi Bibl. Univ. 693 in 2°]

IOANNES GEORGIUS HERWARTUS

AB HOHENBURG AD TYCHONEM BRAHE.

242^v
10



15

ITERAS tuas, Vir Nobilissime atque Mathematicorum omnium facile Princeps, quas quidem die 14 huius mensis Pragæ ad me dedisti, ex Ingolstadio ad me transmissas, hac ipsa horâ probe accepi. D. CHRISTOPHORUS VARSEVICIUS, uti optarem, ad me non venit. M. IOAN. KEPLERUM male valere doleo, et æque contristor, conditione commodâ eum iam carere. Si apud Cæsaream Maiestatem, quod abominor, ei non sit permanendum, ipse quoque dispiciam, anne forte alibi res suas instituere queat.

20⁺

Tabulas BLANCHINI, PRUGNERI et BEURBACHIJ, quas petis, curabo, si modo extent, ut habeas. IOANNIS ANGELI Astrolabium et Planum cum IACOBO ANGELO de Cometis ob defectum tabellariorum mitto hisce iunctum, teque quam felicissime florere ex animo opto. Datæ Monachij die 27 Nov. A. 1600.

[E codice Monacensi Bibl. Univ. 693 in 2°]

IOANNES GEORGIUS HERWARTUS

AB HOHENBURG AD TYCHONEM BRAHE.

25
243^r



30

35

RÆVIA precatione foelicis et auspiciatissimi novi anni, Vir Nobilissime atque Mathematicorum omnium facile Princeps, mitto Alphonsinas Tabulas recognitas, Parisijs A° 53 impressas, No. 43 signatas. Et simul unâ METHODIJ uti fertur Revelationem, quam describi curavi, cum liber, cui inserta fuerat, ob molem transferri nequeat. Neque iam occurrit aliud, quod ad te modo scribendum esse ducam. Summa enim illa tua ἀκρίβεια, quâ vel ad sexagesimam gradus partem novissimus tuus calculus Solis et Lunæ, cum exactissimâ tuâ cœlestium apparentium contemplatione, coincidit, eo me redegit angustiarum, ut quo me vertam, non habeam, et ob id ipsum Mathe-

leos operationes tantisper omnino seponendas esse decreverim, donec calculum istum tuum novissimum abs te absolutum, quem liberali tuâ spontaneâ et benevolâ pollicitatione iam quodammodo meum fecisse videris, mihi impertiri dignatus fueris. Ea liquidem, quæ Arithmeti- 5
cam concernunt, satis hac ætate elaborata esse videntur. Quæ vero Astronomica sunt, vel saltem cum ijs coniuncta, manifestis difficultatibus sunt implicita. Ut sive PTOLOMÆUM quis sequatur, sive AL-
PHONSUM, sive COPERNICUM, in multis offendat neceße est. Unice itaque restaurationem hanc tuam exopto, cui, tametsi forte 10
nondum extremam manum adhibueris, tamen ea sine omni dubio aliorum calculos longe superabit. Atque hisce tibi felicissima quæque præfagio et ex animo precor. Datæ Monachij 10 Decemb. A. 1600.

[E codice Bononiensi Archivi *Malvezzi dei Medici*]

CLARISSIMO ET EXCELLENTISSIMO
VIRO DOMINO IOHANNI ANTONIO MAGINO PATAVINO,
RERUM MATHEMATICARUM IN ILLUSTRIBUS BONONI-
ENSII GYMNASIO PROFESSORI ET AMICO
SUO HONORANDO.
BONONIAM.

S.



LITERAS tuas humanissimas pariter atque eruditissimas, Clarissime et Excellentissime Domine MAGINE, 4 Mar-
tij superioris Anni datas, recte quidem accepi; nulla ta-
men ad eas rescribendi hucusque sese mihi obtulit certa 25
commoditas, priusquam nunc per filium meum natu maiorem, TYCHONEM nomine, Illustrissimum et Am-
plissimum Magni Persarum Regis Legatum comitantem. Cumque a
primario Legato, natione Anglo, ipsum Bononiam, in itinere suo Ro-
mam versus, transiturum, perceperim, non omittendum duxi, quin
meis te salutarem, atque ad ultimas tuas nonnulla rescriberem. 30

Quod negotium illud, tuæ fidei secreto commissum, tam diligenter
procurare non degraveris, summas tibi habeo debeoque gratias. Et
placet sane ista ratio, quam proponis, de Excellentissimo illo BERNAR-
DINO BALDO Urbinate, Guastallæ Abbate, qui vitas Mathematico-
rum conscribere proposuit. Ibi enim id, quod molimur, quam commo-
dissime inferi poterit. Cuperem tamen (quod et antea rogavi) primas
conceptiones mecum communicari, ut meum etiam aliquale iudicium
interponam, ex quo res meæ nemini rectius quam mihi ipsi constare
possint. Carmina in mei gratiam concinnata, et ulterius, quam priora
erant,

erant, aucta, filius monstrabit. Si quid in prioribus mutatum est, potest hinc restitui, et ea quæ ibi desiderantur compleri. Cætera tuæ prudentiæ et benevolæ erga me voluntati committo.

Quod Illustrissimus et Reverendissimus Cardinalis SS. QUATUOR,
 5 Vir procul dubio eximiæ et variæ doctrinæ, rerumque Mathematicarum amantissimus, Eclipsin ☉^{lis} Anni 98, qua licuerat diligentia, observârit, perlubenter accepi, grataque est eorum, quæ ipsius Dominatio Illustrissima denotavit, mecum communicata descriptio, licet ob serenitatis raritatem, tam præcise || omnia (uti voluerit) designare nequierit.
 10 Gaudeo, atque hisce studijs plurimum congratulor, quod Romæ inter Illustrissimos etiam Cardinales reperiantur, qui Divinam Astronomiam (uti vel ex hoc solo liquet) in precio habeant. Hæc Eclipsis Uraniburgi in Dania meis adhuc isthic residuis Instrumentis observata est in mea absentia. Habitabam enim tunc prope Hamburgum, ubi serenitas requisita eius apparentias satis accurate rimandi non affulit. Quæ vero in dicto Uraniburgo animadversa sunt, in adiuncta charta habes, unâque mei calculi Epilogismum, prout is ex novissima restitutione nostra in motu Luminarium diductus est. Quin et huius Anni Eclipsin ☉^{larem}, quæ 10 die Iulij contigit, simul assignavi, tam quoad observationem
 20 quam calculum meum reformatum, ut cum vestris in Italia considerationibus, sive a prænominato Illustrissimo Cardinale, sive te ipso, aut quovis alio habitis, conferri queat. Erues ex hisce quos nunc mitto numeris aliam rationem, eandemque exactiorem, quam prior erat, in curriculo Lunari eiusque Phænomenis præfiniendis.

Non ignoravi, Tabulas illas Lunaris motus, quas a Nobili iuvene FRANCISCO TENGNAGLIO, meo domestico, accepisti, immaturas esse; ideoque eas tunc temporis tibi mittere inconsultum duxi. Præterquam enim quod ob rerum mearum, cum e Dania discederem, conturbationem, ea quæ de ☾^a prius conceperam, diligentius examinare nequierim, ij etiam numeri, qui a quodam studiosorum meorum, Typographo cuidam imperito Hamburgi, post meum discessum, commissi sunt, admodum negligenter et depravate imprimebantur, ut omnem
 2^r istum laborem frustraneum habuerim. || Dum vero aliquantisper in Saxonia postmodum subsisto, clementissime id concedente Cæsarea
 35 Maiestate (quæ me Pragam vocârat) donec pestis in Bohemia remitteret, Tabulas illas Prostaphæresium Lunarium denuo ad scrupula secunda diligentissime supputari feci; ubi non saltem ille, de quo tu mones, sed et alij errores, negligentia tam supputatoris, quam Typographi prius commissi, satis mihi patuerunt. Sed cum ne sic quidem
 40 apparentiæ Lunares hinc derivatæ cælesti normæ tam præcise congruerant, prout desiderabam, aliam inivi rationem, et nactus melius hic in Bohemia otium, tam Hypothesin Lunaris motus, quam ei super-

fructos numeros denuo redintegravi, omniaque huc facientia nunc prælo adorno. Quæ ubi Typis absoluta, et Progymnasmatum Astronomicorum e nostris Tomo primo debito loco inserta fuerint, te eorundem, unâ cum toto libro, qui Solaris quoque motionis normam expedit, et millenas circiter fixas stellas accurate emendat, reddam participem. Interea hanc intervenientem morulam candide accipe. Licet autem Tabulæ illæ priores, Lunam concernentes, non exactæ fuerint, nec mihi ipsi suffecerint, tantam tamen deviationem, quantam tu in supputatione trium exemplorum, quæ in Epistolis Astronomicis reperiuntur, inducere videris, non admittunt, prout repetitio calculi iuxta nostram sententiam hisce adiungenda (modo Legatus, opinione citius, non abierit) te edocebit. Ubi vero librum nostrum Progymnasmatum, cuius || memini, nactus fueris, omnia plenius et subtiliori indagine inde percipies. Tabulam illam primi mobilis universaliorē a te ad singula 10 minuta extensam si per occasionem mecum communicaveris, rem gratissimam præstiteris. Ego vicissim nonnulla ex meis, sive prælo absoluta vel secus, data oportunitate, retribuam.

Ephemerides tuas 10 Annorum postremo emissas Francofurto accepi. Nihil in ijs, quod a prioribus differat, te correxisse animadverto, sed solummodo quædam supplementi loco addidisse, mea equidem opinione non inutilia. Facis spem reliquorum 20 Annorum mox subsequen-
tium, quos pariter obtinere averem.

ORIGANUM illum, Francofurtensem ad Oderam Mathematicum et Ephemeridum supputatorem, in hisce tuis ultimo editis necdum, prout meruit, redarguisti, facturum fortassis idipsum in residuo Ephemeridum Tomo. Mihi sane eximia tua diligentia in hac pragmateiâ semper placuit, eamque alijs commendare non desino. Et abhorret animus ab ijs, qui philautia quadam et arrogantia moti aliorum labores vel levissima de causa insectantur, sæpe nodum in scirpo quærentes; sed accidit ijs, nec iniuria, quod Comicus aiebat: dicendo quæ volunt, rursus quæ nollent audiunt. Quod Tabulas primi mobilis præstantiores procul dubio, quam hætenus habuimus, mediteris, probo, utque Opus illud lucem publicam mature videat, exopto.

De Heliacis emersionibus et occultationibus Planetarum et fixarum non est, quod admodum sis sollicitus. || Res hæc præcisione rata tractari nequit, eo quod limites illi multifariam varient, non saltem ratione diversæ inclinationis sphaeræ, sed prout aëris puritas in quovis Horizonte maior minorve fuerit. Nec est in omnibus stellis fixis primæ aut secundæ magnitudinis, par ratio, uti neque in cæteris: differentia etiam non minima incidit, prout stellæ in parallelo aliquo Horizontis, a loco ubi Sol oritur vel occidit, versus meridiem aut septentrionem, plus minusve distiterint. Et Planetæ, prout visibiles diametros, iuxta ☿ vel



♂ ☉^{lis} occasione variæ remotionis a Terra alterant, nonnihil etiam
 discriminis pariunt, Latitudine ipsorum, quæ necdum satis comperta
 est, etiam difficultatem non postremam ingerente, ut ob id hoc negoti-
 um, per se etiam non admodum necessarium, vix a quoquam iusta
 5 amuſi extricari poſſe autumem. Unde etiam in eo hætenus curiosam
 operam non locavi. Crepusculorum terminos quoad ☉^{lem} a veteribus
 Astronomis constitutos, mediocriter bene se habere animadverti. Nam
 ☉^{lem} iuxta æquinoctia arcum crepusculi efficere part. 17½ quam pro-
 xime, iam antea in Dania comperi. An id in Italia et alibi, sub rectiore
 10 ſphæra conſentiat, indeciſum relinquo. Ephemerides ☉ huius anni,
 aut nunc per filium, aut poſtmodum, ſi tam cito exemplum deſcribi
 nequeat, obtinebis. Addidi 4 annorum Ephemerides ☉ interea ſup-
 putatas; ex his facile plures derivabis. Apogæum eius nunc verſatur
 in P. 5 M. 40 ☉: et Eccentricitas eſt P. 2 M. 9 qualium ſemidiameter
 3v Eccentrici 60. || Longitudinem eius non ab inæquali Æquinoctiorum
 præceſſione, qualem COPERNICUS fruſtra admittit, derivo, ſed ab
 Æquinoctio ſimplici, quod proximis ſæculis inſenſibiliter variat, et
 ſingulis nunc annis 51" præciſe, qualis etiam eſt fixarum motus, ante-
 vertit. Si vero Æquinoctiorum præceſſio e Spica ♄ ad imitationem
 20 COPERNICI nunc conſtituenda foret, eſſet illa hoc ipſo anno part. 28
 M. 16 exuperans Copernicæam numerationem ſexta Grad. parte, licet
 prima ſtella ♀ ab Æquinoctio verno non elongetur ultra Gradus 27
 M. 37. Quæ diſcrepantia hinc originem trahit, quod COPERNICUS
 intervallum longitudinis Spicæ et primæ ♀ ex PTOLEMÆI abaco,
 25 non ipſo cœlo (uti oportuit) perperam abumpſerit, diſcrimine incidente
 M. 39, quod eſt intolerabile. Verum de his et ſimilibus alias forte co-
 pioſius tecum philoſophari licebit, ubi Opera mea Aſtronomica, quo-
 rum editionem, quantum in me eſt, urgeo et accelero, lucem publicam
 viderint. Plurima inibi invenies ab ijs, quæ hætenus in Aſtronicis
 30 tradita ſunt, non parum diſcrepantia.

Si quid in elevationibus Poli illic in Italia, cuius exactiorem Geo-
 graphiam moliris, exploratum habes, aut (quod mallet) longitudini-
 bus locorum rectius limitandis, id, quicquid eſt, mihi impertiaris ve-
 lim. Conducerent huc ad longitudinis et Meridianorum differentias
 35 appoſite determinandas Eclipſes Lunares, modo aliquas ibi diligenter
 4v præteritis annis cœlitus denotatas in promptu haberemus. || Quod ſi
 non concedatur, attende diligenter per tua Inſtrumenta ad illam, quam
 hic labens annus ſubminiſtrat, qui etiam in fine, ſtatim a brumali Solſti-
 tio, quandam evidentem Solarem exhibebit, pariter apud vos ſtudioſe
 40 obſervandam, cuius calculum non minus quam Lunarem e numeris
 noſtris, ijs, quæ prius pollicitus ſum, ſubiungo, ut cum animadverſione
 cœleſti iſthic conferri queat, et certitudo numerationis noſtræ explorari.

Inſtrumenta

Instrumenta mea omnia, quibus in Dania utebar, numero 28, modo hîc Pragæ, non longe ab Arce, in Cæsaris quadam magnifice extructa domo, disposita sunt. Quod colophonis loco indicare volui. Neque enim plura nunc scribere temporis penuria patitur. Id saltem peramanter te rogo, ut Filium meum, præsentium exhibitorem, tibi diligenter commendatum habeas, atque ut ea, quæ Bononiæ visu digna sunt, monstrari cures, eumque pariter Romæ tuis amicis et familiaribus commendes. Iamque te, Excellentissime Domine MAGINE, quam optime et diutissime valere cupio. Dabantur Pragæ Bohæmorum Die 24 Ianuarij Anno 1601.

Excellentiæ tuæ
studiosissimus
TYCHO BRAHE,
manu propria scripsi.

[Ex apographo in *Bibliotheca mathematica* ser. 3, vol. III p. 189 sq. (Lipsiæ 1902)]

SERENISSIMO ET POTENTISSIMO PRINCIPI AC DOMINO, DOMINO FERDINANDO, MAGNO DUCI ETRURIÆ ETC. DOMINO SUO CLEMENTISSIMO.

SERENISSIME ET POTENTISSIME PRINCEPS,
DOMINE CLEMENTISSIME.



UM magni Perfarum Regis amplissima Legatio, quæ hîc aliquandiu apud Sacram Cæsaream Maiestatem, Dominum meum Clementissimum, morata est, nunc in Italiam cogitet, et antequam Romam venerit, Serenissimam Celitudinem Tuam in Etruria sua salutare, et quæ in mandatis habet, eidem reverenter exponere constituerit, mei officij esse ratus sum, Serenissimam Celitudinem Tuam de TENG-NAGLIO nostro clementissime bene meritam hisce literulis submiße compellare, præsertim cum Legationis eius antesignanum, Illustrissimum Dominum AMMONIUM SCHERLEJ, natione Anglum, filius meus natu maior, TYCHO nomine, comitetur. Est autem ille idem filius, quem antea in Serenissimæ Celitudinis Vestræ Aula aliquandiu servire exoptâram, nisi obstacula quædam intervenissent, quæ attingere supervacaneum. Tradidissim illi Opera, quæ hæcenus in Astronomicis elucubravi, secum adsportanda, prout Serenissima Celitudo Vestra aliquando clementissimis suis ad me literis expetijt, nisi quædam in singulis ferme adhuc desiderarentur, typographico labore necdum absoluto. Quod ubi effectum, Serenissimæ Celitudinis Vestræ Clementissimæ voluntati demisse et lubentissime obsecundabo.

Remoram

Remoram nonnullam, quo minus illa ad colophonem deducta sint, iniecit migratio mea ex Arce prioris habitationis Bennatica huc Prag-
gam, sic clementissime mandante Cæsarea Maiestate, quo propior ei
factus, humillima mea servitia ipsius Maieitati promptius præstare
5 possem, allatis etiam huc omnibus Instrumentis Astronomicis, quibus
antea in Dania Patria mea usus sum, quæ numero sunt 28, iisdemque
in domo quadam ampla et magnifice, Italica architectura, non longe
ab Arce iuxta Cæsaris hortum extructa, ordine dispositis, donec in lo-
cum quendam usui eorum aptiorem, a Cæsarea Maiestate clementissi-
10 me deputatum, transferantur. Quod et brevius futurum spero. Idque
Serenissimæ Celstitudini Vestræ debita submissione (siquidem eam be-
nignissime studijs meis favere compertum habeam) indicandum duxi.
Pluribus vero eam gravioribus intentam hac mea interpellatione re-
morari nec volo nec decet. Quare nunc finem facio, id solummodo
15 addens et humillime rogans, ut Serenissima Celstitudo Vestra prædictum
filium meum sibi commendatum habere non dedignetur, Deus Opt.
Max. Serenissimam Celstitudinem Vestram Reipublicæ emolumento
quam diutissime servet florentem et incolumem. Praga die 28 Ianuarij
Anno 1601.

20

Serenissimæ Celstitudini Vestræ
submiße addictissimus
TYCHO BRAHE,
manu propria scripsi.

[Ex apographo in Io. Ant. Magini *Tabulis Primi Mobilis* (Venetiis 1604)]

93^v

NOBILITATE PERILLUSTRI ET ERUDI-
TIONE PRÆSTANTISSIMO VIRO, D. TYCHONI BRAHE
DANO, DOMINO DE KNUDSTRUP, ET ARCIS
URANIBURG IN INSULA HELLESPONTI
DANICI HUÆNA FUNDATORI.

30



35

UM abs te nihil ad nos allatum sit post eas litteras, quas
ad me scriptas D. IOANNI FRANCISCO SAGREDO
Patritio Veneto commendasti, ut ad me perferendas cu-
raret, quibus ego et statim respondi diligenter, eiusdem
opera usus, ut ad te tuto transmitteretur, suspicari cœpi
suboffensum esse te, quod ego in tua causa procuranda
lentior expectatione et voluntate tua fuissẽm. Sed, mi TYCHO, illud
te reputare cum animo tuo velim, quæ non in nostra, sed in aliorum
manu sunt sita, ea non tam cito confici posse: his accedit occupatio do-
mestica; solus sum meæ familiæ moderator, quam in officio continere,
cui

cui opportuna ac neceſſaria providere neceſſe eſt, ita, quod tempus aut ſtudijs, aut amicorum negocijs obeundis dicatum fuit, id invito mihi domeſticæ curæ eripiunt. Ac dum quidem ſtudia in ſcholis publice exercentur, et tum mihi et publice et privatim auditoribus ſtudioſiſque meis opera danda eſt; cum autem illa intermittuntur, ne tum quidem ocioſo mihi eſſe licet, ultimis enim elapſis duobus annis a Sereniſſimo Duce Mantuæ ſum accerſitus, ut per vacationum dies, Principibus ſuis filijs in Mathematica facultate inſtruendis vacarem. Neque vero ſufficere ille ſibi duxit omne iſtud æſtivum tempus atque autumnale, quo ſolemus a publicis lectionibus feriari; ſed et hoc, quod ad Quadrageſimam uſque ab ineunte fere Ianuario nobis vacuum datur, oportet me ab eodem accerſitum, || magno meo incommodo, Mantuæ commorari. Cum igitur ad Aulam Imperatoriam ab ipſo Sereniſſimo Duce ſit deſtinatus Rerum ſuarum Procurator, Nobiliſſimus Comes LÆLIUS ARIVABENUS, percommodum mihi viſum eſt, has ad te litteras ab eo perferendas mittere.

Quod itaque ad præclarum tuum illud de Reſtitutionibus cæleſtium motuum opus ſpectat, vellem equidem incepiſſe fructum aliquem ex eo percipere. Solum enim habui cathalogum ſtellarum inerrantium, qui mihi pro theſauro eſt, itemque Tabulam illam motus Lunaris; putabamque poſſe me primo quoque tempore habere a te motum Solis correctum, itemque Motus Lunaris complementum, ſed, ut video, fruſtra putabam. Dubitationes etiam mihi ſeſe obijcientes in hac Lunari tua Tabula, cuius ſupputationes ad unguem congruere tuis obſervationibus non perſpicio, dilui abs te volebam, docerique præterea de arcubus viſionum, ſtellarum tum errantium, tum inerrantium in eum uſum, de quo ad te perſcripſi. Adhæc operam meam ultro obtuli in ſupputandis æquationum Tabulis, neglectis ſcrupulis Proportionalibus, Argumenti æquationibus et exceſſibus, iuxta novas meas inventiones, quæ ab ijs omnibus, a quibus perſpectæ ſunt, utiliſſimæ ac nobiliſſimæ iudicantur, cum earum ope omnes ſupputationum labores facile compendioſiores fiant. Habeo et alias quaſdam vias, ad eundem ſcopum attingendum planiores et compendioſiores, quas non tam cito alijs communicandas eſſe iuſtis de cauſis decrevi. Quæ ne tu ſomnia eſſe putes, mitto ad te Tabulam tuam Lunarem a me novo modo elaboratam, unâ cum eius uſu, quibus compendijs perſpectis tu videris, num tum diligentia tum inventione PTOLEMÆUM, COPERNICUM et REINOLDUM etiam poſt me longe reliquerim. Quid enim mea Proſtaphæreſew Planetarum Generali Tabula, quæ omnibus Planetis communis eſt, neque viginti paginas excedit, compendioſius excogitari poterit? an non plurimi libentius et maiori compendio per eam, quam per Ephemerides Planetarum computum ſubducturi ſunt? Neque

que vero tu mireris, velim, si denuo a me supputatas videris centri variationes in hac tua Tabula, et Anomaliæ æquationes; hoc enim, ut nullo fere mihi labori fuit, ita magna cum animi mei voluptate feci, quæ quidem Anomaliæ æquatio prodit ex additione variationis centri et æquationis secundi Epicicli. Æquationes tamen argumenti, seu maioris Epicicli, cum adhærente eis excessu denuo supputare nolui, licet cognoviſſem Apogæas æquationes omnium minimas, quæ in novilunijs et plenilunijs contingunt, colligendas eſſe, manente Luna in puncto G secundi Epicicli, proxima puncto D, dum centrum Eccentrici occupat punctum B parvi circelli, atque etiam Æquationes omnium maximas, quæ in Quadraturis accidunt, definiendas eſſe, manente Luna in F, et centro Eccentrici in H, Perigæo parvi circelli, a quibus poſtea eliciendus eſſet exceſſus per ſubductionem ſingularum æquationum Apogæarum a ſingulis his Perigæi æquationibus. Nolui, inquam, eas de integro elaborare, cum eandem viam laborioſam, ne dicam parum accuratam, præfertim in ♂, ♀ et ♀, amplius ingredi non fatis e re noſtra iudicarem. Si itaque idoneum me putas, qui in aliorum Planetarum Tabulis, iuxta has meas inventiones, ulli tibi uſui eſſe poſſim, nihil dubites meam implorare operam, nam hac in re, ut quod res eſt fatear, multo me habebis promptiorem, quam in altera illa mihi tradita Provincia, cuius magna pars in aliorum manu eſt, ut abſque aliorum opera nihil præſtare valeamus, qua in his ſupputationibus nequaquam egeo. Illud etiam addere volo, meas has rationes promptius et commodius ſubſervituras eſſe variationibus Eccentricitatum, quam uſitatam, nam poſſumus definire numerum multiplicandum ſive numerum myſticum ei adiacentem, ad unum ſitum, notando differentiam, quæ pro altero ſitu extremo conſurgit, ut ex ea haberi poſſit congruus numerus multiplicandus, vel numerus myſticus ad optatum Eccentricitatis ſitum. Sed pluribus alias, nunc vale, erudiſſime vir, meque amantiſſimum tui, ac præter omnes ſtudioſiſſimum obſervantiſſimumque redamare non graveris.

Data Mantuæ, in Aula Ducali, die 20 Februarij, anno 1601.

Perilluſtri Dominationi tuæ addiſſimus

IOANNES ANTONIUS MAGINUS
Patavinus.

[E codice Basileensi G I 23]

†

81^v

GENEROSO ET MAGNIFICO VIRO,
DOMINO TYCHONI BRAHEO, MATHEMATICORUM FACILE
PRINCIPI, CÆSAREÆ MAIESTATIS ASTRONOMO,
PATRONO ET DOMINO COLENDO.

5

PRAG IN BEHEMEN.

MAGNIFICE ET NOBILISSIME DOMINE, PATRONE
COLENDE.

80^r

ANDEM sub BACCHI sacra ad nos diu expectatus ad-
venit Magnus Dominus D. GODELMANNUS. Is
mihi de te renunciavit, quod accepißes carmen, quod de
Mathematicis exorsus sum, et ad te sub natalem CHRI-
STI misi. Gratum id mihi fuit. Addidit, si saltem in cursu
progrededer, te laborem et artem meam Cæsareæ Maie-

10

stati commendaturum. Id quoque gratum. Verum interim mirabar,
cum ego permulta mihi a te suppeditari petierim, cur non aut omnia
illa, aut quædam, quæ tibi nota sunt, simul per D. GODELMANNUM
unâ cum literis tuis ad me miseris. Hæc enim potißima causa erat, cur
istud fragmentum vel potius bonam partem ad te miserim, ac significavi
simul, me ante progredi non posse, quam responsum a te accepißem.
Rogo igitur adhuc etiam atque etiam, vir magnifice et generose, ut certa
data occasione literas tuas ad me mittas unâ cum illis, quæ petij, quan-
tum in te est. Tandiu enim adhærescere cogor. Scio, quantum me ames;
igitur etiam hîc tibi curæ sim. Plura iam non scribo propter imbecillem
plane valetudinem. Bene et feliciter T. M. valeat. Datæ Rostochij 8
Martij stylo veteri Anno 1601.

15

20

25

T. Magnif.

reverenter colens

MARTINUS BRASCHIUS.

[E codice]

† [E codice Basileensi G I 23]

82^v

MAGNIFICO ET NOBILISSIMO VIRO,
D. TICHONI BRAHE, MATHEMATICO S. C. MAIESTATIS
EXCELLENTISSIMO, AMICO ET PATRONO
PLURIMUM OBSERVANDO.

5

82^r

MAGNIFICE AC NOBILISSIME DOMINE TICHO, AMICE
HONORANDE.

S.

10



UM certa per magnificum Dominum IOANNEM GE-
ORGIUM GODELMANNUM mihi scribendi occasio
daretur, plenius scribendum duxi. Vivo, ut possum, quan-
do iniquitas temporis et fortunæ maiora spectare non
finit. Calamitas belli Carolini opprebit meam patriam.
Nam Dux CAROLUS totam fere occupavit Livoniam.

15

20

Sed qua felicitate, eventus docebit. Novisti illius tyranni dictum: ali-
ena appetendo propria amisit. Rex statusque Poloniæ de bello per tri-
ennium magnis sumptibus gerendo in Comitijs convenerunt. Funesta
ergo omnia in mea patria sunt. Quanta interim animi virtute et con-
stantia opus sit mihi, facile intelligis, qui et bonis omnibus et maximis
sumptibus propterea factis excidi. Spem tamen reliquam in DEI aux-
ilio fixam habeo, fore ut postquam nubila et turbulenta ista tempora
transierunt, pax florentissima et quies nobis restituatur. Interim tu me
benevolentia et fide prosequaris singulari velim.

25

30

Quæ ad D. CHYTRÆUM de tuæ vitæ historia scripsisti, heredes
eius mihi tradiderunt, quæ plene meis historicis meditationibus infe-
ram, nec alia tui ornandi argumenta omittam. Nam te virum bonum
et vere syncerum cognovi, quæ virtutes profecto pulcherrimam istam
artem tuam, in qua præcellis, elegantissime illuminant. Quod vero
tardius liber meus historiarum prodit, multa in causa sunt, quia et ini-
tium cuiusque rei grave est, et veritatem sequi in omnibus hoc seculo
scis quam sit periculofum. Deinde alijs adhuc occupor elaborandis.
Mox tamen lucem videbunt, ubi meo genio ita visum fuerit. Vale in-
terim, vir optime, et magnam salutem tuos domesticos meo nomine
imperti. Datæ Rostochio 10 die Martij A. 1601.

35

Tui amantiß.

CHRISTOPH. STURCIUS.

Orationem de SIGIS. AUG. B. M. a me habitam adiungo.

[E codice Basileensi G I 23]

NOBILISSIMO ET CLARISSIMO VIRO,
DOMINO TYCHONI BRAHEN HÆREDITARIO IN KNUDT-
STRUP INCLYTI REGNI DANIÆ, ASTRONOMO EXCEL-
LENTISSIMO, IN S. CÆSAREÆ MAIESTATIS AULA
PRAGENSI, DOMINO ET AMICO SUO VETERI,
PLURIMUM COLENDO.

PRAGAM.

S. P.



NOBILISSIME et clariß. vir, Domine et amice vetus pluri-
mumque colende. Reddidit mihi literas tuas vir clarißi-
mus D. IOH. GEORGIUS GODELMANNUS, amicus
meus singularis, cuius consuetudine iucundißima per
dies complures ufi sumus familiariter. Huic confectis
feliciter negocijs suis Dresdam redituro, ducente ac for-
tunante Deo, 600 illos thaleros a Quæstore iuniorum Principum tuo
nomine acceptos, et hætenus apud me servatos, numeravi, recepta
apocha eius. Commutavi autem thaleros Belgicos, quorum maior co-
pia fuit, in alios imperiales, præter paucos. Aurum, in quod eos com-
mutarem, in hisce locis vix reperitur amplius, cum maioris sit valoris
in inferiori et superiori Germania. Alios sexcentos ad instans Pascha
tibi debitos Quæstor solvere nunc non potuit, licet compellatus eo no-
mine a D. D. BORDINGO Cancellario, iam etiam Lubecenßium Con-
sule. Excusat enim magnos sumptus et expensas superiori Octobri in
funus Ducis SIGISMUNDI AUGUSTI p. m. factas Suerini, quos ex-
pendere oportuit iuniores Principes tanquam proximos hæredes. Petit
igitur brevis adhuc temporis dilationem sibi concedi, et quamvis haberi
pecunia ista potuißet, tamen intellexi grave futurum fuisse D. GODEL-
MANNO eam secum deferre. De summa capitali, quam etiam te re-
petere scribis, quid responderit, nondum comperi. Inquiram vero dili-
gentius, anne Lubecæ vel Hamburgi mercatores sint, qui Pragæ ne-
gociantur, ut per hos pecuniæ Pragam transcribi possint; idem tu in-
quiras inter Pragenßes mercatores. Mea sane officia et studia tibi non
deerunt.

Literas ad D. CRAGIUM in Daniam mittendas non vidi. Accepi
vero alias tuis adiunctas et cuidam CASPARO AGRICOLÆ, Musico
regio, inscriptas, quas soluta glacie et navigatione repetita, quæ asperi-
tate hyemis diu intermissa fuit, Hafniam transmittam. M. BRASCHIO,
qui minus recte aliquamdiu valuit, quod iussi, indicavi. Amisimus
iterum nuper || virum et Iureconsultum præstantißimum D. HENRI-
CUM CAMERARIUM, qui cum patriæ suæ Brunßuigæ in disidio cum

Principe

Principe eius componendo inservijßet, et in itinere non procul Solt-
 quella Marchiæ oppido abeßet, subita cordis compreßione extinctus
 est die 11 Februarij. Funus huc advectum 27 eiusdem terræ mandatum
 est honorifice. Hemiplecticus etiam est D. MARCUS LUSCOVIUS
 5 Iuriscoß. vir excellens et nunc facultatis senior. Ita nos visitat Dominus,
 ut appareat magnas imminere in Academia nostra mutationes.

CAROLUS Sueciæ Dux magna celeritate et succeßu Livoniam oc-
 cupat, et quamvis exiguam nuper cladem accepit, tamen ab altera parte
 Dörptam urbem in finibus Livoniæ et Moscoviæ oportuno loco sitam
 10 vi occupavit, ac pleraque iam loca munita tenet, præter Rigam urbem
 primariam, cuius tamen vicinas arces ita occupat, ut commeatu eos
 terra marique intercludere poßit, nisi auxilia maturius a Rege Poloniæ
 submittantur. Et hæc omnia hyeme maxima ex parte egit. Habet con-
 fœderatum sibi Moscovum, et quod mirum est, Suecia interim tota
 15 quiescit, et rerum necessariarum copia abundat. Poloni dicuntur in
 proximis regni Comitijß tres hostes proclamasse, Suecum, Moscovum
 et Walachum, et in tres annos magnam pecuniæ summam ad bella
 hæc Regi promissiße. Eventum reget Deus pro suo beneplacito, non pro
 hominum arbitrio aut potentia. In his regionibus, Dei beneficio, tran-
 20 quillitas est, et optimus Princeps noster, Dux ULRICUS, recte adhuc
 valet. Ego tibi tuisque omnibus valetudinem prosperam diuturnamque
 opto. Salutant te filij mei IOHANNES et LUCAS, qui Theologiam
 iam profitetur hîc publice, et sponsus est, reverenter. Ex D. GODEL-
 MANNO Pragam aliquando veniente copiosius de statu nostro audies.
 25 Rostochij die 11 Martij Anno 1601.

Nobil. et Excell. T.

studioß.

LUCAS BACMEISTERUS D. ||

84^r M. CHRISTIANUS LONGICAMPIANUS mathematicus paulo
 30 post reditum suum Praga in Daniam traiecit, ubi adhuc vivit, nescio
 tamen quo in loco. Amo hominem, et optaßem nobiscum eum manere
 potuiße propter studia mathematica, quæ fere iam hîc iacent. Iterum
 vale.

[E codice Basileensi G I 23]

GENEROSO MAGNIFICO ET NOBILIS-
SIMO VIRO DOMINO TYCHONI BRAHE, EQUI TI DANO, S.
CÆS. MAIESTATIS CONSILIARIO PRÆCIPUO ET MATHE-
MATICO LONGE CELEBERRIMO, DOMINO AC
PATRONO OBSERVANDO.

PRAGA.

S.



ECTE perlatas esse meas ad te literas, generose et nobi-
lissime vir, index scida superiore Decembri me docuit.
Volui, uti suggestum fuerat, rem denuo et statim pre-
hendere; sed avocarunt morbus uxoris, negotia clien-
tum, sexcenta alia. Nunc paullo expeditior, et amanter
a vidua illa CUNONIS filia invitatus, libenter ei hoc
operæ dare volui, ut, quod bono etiam publico futurum providerem,
solicitoris partes susciperem, quo opus illud horologicum, multis,
magnis ac diuturnis laboribus ac vigilijs elucubratum ac perfectum,
lucem tandem sub tuo, aut cuiuscunque videatur nomine, aspicere
posset. Superioribus addo hoc quoque, esse apud eandem viduam opus,
secundum præcepta ista inchoatum, atque adeo semicompletum, quod
morte præventus absolvere auctor non potuit. Qui librum emat paullo
liberalius, facile unâ idipsum quoque impetret; cui summam manum
peritus in arte et libro isto instructus sine negotio imponat. || Sumptum
credo facile libenterque ferat pietate, sapientia, virtute et meritis in
rempub. maximus, Divus Cæsar RUDOLPHUS, mathematicis disci-
plinis ipse quoque et supra conditionem principum excultus, quem
non ALPHONSUM alterum, sed et illo potiore non immerito præ-
dicamus. Neque dubium mihi est, quin monitu suggestuque tuo res
procedat melius: quod ut facias, sive viduæ illius pauperculæ nomine,
sive boni publici respectu, sive quod hanc operam haud difficulter te
præstiturum virtus et humanitas mihi tua spondet, quam possum offi-
ciose submisseque rogo. Qua de re literas tuas, vel si ijs non vacat, sal-
tem nutum tuum expecto. Si quid ad me velis, et occasio alia non sit,
Bratislaviam ad clarissimum Dn. MONAVIUM mittere possis, qui, qua
est humanitate et virtute, id porro haud gravate curet. Vale, vir gene-
rose et optime, meque et studia mea, quibus ipsis quoque MÆCENATE
opus sit, apud Sacram || Cæsaream Maiestatem, cui vitam ac felicita-
tem perpetuam precor, tibi commendata habe. Vale iterum. Franco-
furto cis Viadrum a. d. XII Martij Anno MDCI.

Generos^{is} ac magnif. t. observantiß.

BALTHASAR CAMINÆUS I. V. D. et professor publ.

[E codice

† [E codice Basileensi G I 23]

88^v **MAGNIFICO ET GENEROSO DOMINO D.**
 TYCHONI BRAHÆ, DOMINO HÆREDITARIO IN KNUS-
 TORPFF ET HEERESWART, CÆSAREÆ MAIESTATIS
 5 CONSILIARIO DIGNISSIMO, AMICO SUO ET
 DOMINO SUMMA OBSERVANTIA
 COLENDO.

87^r S. P.



10 CCASIONE oblata intermittere non debui, quin ali-
 quid literarum ad te, Magnifice Dom. TYCHO, darem,
 et quidem per eundem, quem ipse præsentem aliquoties
 cupivisti, quo etiam hisce in locis exercitatioem sphagi-
 rum nescimus. Novissimæ tuæ literæ sunt quas misisti
 per NICOLAUM MAUL quondam domesticum tuum,
 15 in quibus etiam quæ ad grammatophorum expedienda præcepisti ex-
 equutus sum.

Quoad Politicum statum omnia apud nos sunt tranquilla, nihilo-
 minus tamen multæ gliscunt inter magnos dominos, principes et reges
 simultates, quæ bellorum semina et initia esse solent. Inter CAROLUM
 20 Sueciæ nunc protectorem et urbem Lubecam quomodo convenit, te
 non latet, quod negotium nondum est consopitum, licet Lubecenses
 multum in eo laboraverint. Comitia Polonica nuper Warsoviæ, quo
 et Brandenburgicus Elector, adiunctis in adfidentiam Regis Daniæ,
 nostri principis et nonnullorum aliorum, petitum successionem in Feu-
 25 dum Brutenicum, legatos miserat, celebrabantur, quod denegatum illi
 esse intelligo, nisi regem Poloniæ, Suecia nunc privatum, postliminum
 regem fieri opitulentur. In dictis etiam Comitijis Poloni hostes suos, ut
 fertur, declararunt, CAROLUM Sueciæ, qui iam dudum bellum in
 87^v Livonia Polonis intulit, et eousque progressus || est in Livonia, ut Po-
 30 lonis ibidem nihil restet præter Rigam. Et meo quidem iudicio hoc
 bellum non solum ad CAROLUM pertinere videtur, nisi temeritatis
 sibi hocipso vitium attrahat. Alter hostis Polonorum dictus est Magnus
 dux Moscoviæ, tertius vero Walachiæ Waiwoda. Utrum tot hostibus
 Poloni simul stare poterint, eventus docebit. In Belgico magnus est ap-
 35 paratus iterum belli præfixi: ALBERTUS dux Austriæ exercitum du-
 cet in Hollandiam. Hollandici status non segnius vim eius averfari
 moliantur. Æstas futura absque Tragedijs magnis non præteribit, uti
 præsens est forma rerum. Rex Portugaliæ SEBASTIANUS in con-
 flictu Africano amissus, nunc redivivus, ab Hispano non agnoscitur, a
 40 suis vero affectatur, qui exutus regno apud Regem Galliæ hospitio
 fruitur. Proh deum, quanta Metamorphosis ista! EXSECCIUS Comes
 Angliæ

Angliæ et succesor Reginæ in regno hæcenus mulcitatus, ante bien-
nium a Regina in Irlandiam cum Claſſe Nautica miſus, ob rem non
ſatis fideliter, ut accuſatur, geſtam, in Parlamento damnatus, et cap-
tivus de vita periclitatur. In Patria tua Regno Daniæ cura et expenſis
Regis nonnulla fortalitia et Caſtella, ut vocant, exſtruuntur, nec non 5
in Gothlandia idem fit. Ungarica a nobis non expectabis, quin potius
quid rerum ibi agitur, a te perdiſcere cupimus. Hæc per occaſionem ||
ad te pervenire volui. Vale, ut bene etiam ſit tuis. Datæ Roſtochij 21 88
Martij anni 1601.

T. Mag. obſervantiſ.

CHRISTOPHO. HENNIOCHUS Med.

Dux Brunſuiccenſis civitati denuo commeatum intercipit, nec ulla
ratione placabilis dicitur, inter quos, miſis et datis a Cæſarea Maie-
ſtate commiſſarijs, nuper fruſtra de pace tractatum eſſe, notum eſt.

[Ex apographo in Archivo Regni Daniæ: Diplomatario Langebekii]

NON SALTEM GENERIS NOBILITATE SED 2v
ETIAM INSIGNI DOCTRINA ILLUSTRIVIRO OLIGERO
ROSENKRANTZIO, DOMINO DE ROSENHOLM,
AMICO, CONSANGVINEO ET AFFINI
SUO INTEGERRIMO. 20



RÆPROPERUS Patruelis tui hinc ad vos diſceſus, ex- 1r
optatiſſime mi OLIGERE, fecit, ut tibi, prout alias vo-
luiſſem, tunc non ſcripſerim; concredidi nihilominus
illi nonnulla oretenus tibi ſecreto referenda, quod et
præſtitum eſſe, modo tecum fuit, nullus dubito. Cæte- 25
rum nunc naſtus commodiorem oportunitatem, has
ſubſequi volui. Neque tamen eorum, quæ ille viva voce (uti mihi per-
ſuadeo) tibi expoſuit, quidpiam hîc repetam. Interceſſionem Cæſaream
pro illo ſæpe et diligenter, interea dum abſuit, urſi, nec quidem un-
quam mihi denegata eſt a Domino CORRADUCIO, Vicecancellario, 30
ſed cum tam multa ſimul inciderint, graviſſime Rempublicam concer-
nentia, ſemper excuſavit ſe, quod non haberet oportunitatem eiulce-
modi particularia proponendi, antequam principaliora et magni mo-
menti negotia expedita eſſent, et ſanctè affirmavit, nulla ſua negligen-
tia, ſed neceſſitate ſic eſſaſitante, id retardari. Rogavit itaque, ut hanc 35
dilationem patienter ferrem, ſe nihilominus omnia in meliori forma
effectui daturum. Nunc vero ante biduum mihi referri fecit, impetra-
tam iam eſſe interceſſionem illam, atque in ſecreto conſilio, ut ſcribatur,
concluſum. Quare ſe confeſſim, ut concipiatur et ad mundum exaretur,
effecturum;

effecturum; unde adhuc pauculos dies expectare oportebit, antequam voti compotes reddemur. Quin et postea aliquot interlabi poterunt, priusquam Cæsarea Mai^{tas} sua manu subscripserit, adeo lente procedunt hîc omnia, præsertim hoc tempore, ob periculum a || Turca imminens, propter occupatum Canisium et denuo ferme amißam Transylvaniam. In me tamen nulla erit mora, quin, ut negotium hoc mature absolvatur, operam dem; postea tibi exemplum mittam, originale autem mecum reservabo, donec FRIDERICUS redierit, sic enim fieri voluit, si res nimis diu protraherentur.

10 Habito nunc in ædibus a priore Procancellario Domino IACOBO CURTIO Laudatæ Mem. exstructis et a viduâ relicta liberalitate Cæsareæ Mai^{tis} pro 10000 Ioachimicis in meos usus coëmtis, quæ tamen duplo pluris exædificatori constiterunt. Accepique hîc exoptatam commoditatem pro studijs, observationibus et domesticis rebus debite ad-

15 ministrandis; amœnissimus hortus ædes undique circumdat, Muro circumseptus. Constitui vero, favente Numine, in his ipsis ædibus Nuptias filiæ ELIZABETÆ cum Nobili viro FRANCISCO TEGNAGLIO, quem nosti, celebrare aliquo opportuno tempore inter Pascha et Pentecosten; quo nomine ad præcipuos quosdam et maxime singulares in

20 Dania et Hollatia amicos Literas Nuptiales dedi, non quod eos inter-futuros sperem, sed saltem ut conscij sint. Aliquos tamen ex intimis propriâ Personâ adventuros, aut saltem quempiam suo loco mißuros confido. Cumque te inter sinceriores et integerrimos præcipuo loco reputem, quibus possum verbis, te rogatum velim, ut assumpta coniuge

25 tuâ charissimâ, meâ ex fratre Nepte, tuâ præsentia hanc solennitatem augere et condecorare non degraveris. Iter non admodum longinquum, viæ tunc erunt || faciles, et sumptus non multum excedent domesticos. Licebit sic in via veteres tuos amicos Wittebergeneses iucunde revifere, et hîc aulam Imperatoriam variaque visu digna cognoscere, quæ tibi

30 voluptati et forte etiam aliquando commodo erunt. Adfunt insuper in propinquo binæ thermæ, quas si sanitatis causa ingredi lubuerit, minimo impendio id unâ fieri poterit. Interea sobolem tenellulam facile et tuto alicui Heroïnæ e consanguineis commendabis. Adveniet etiam (uti spero) Soror mea SOPHIA, et ubi adveneritis, tum demum diem

35 certum nuptialem præfiniam, ut et hîc Illustres et præcipui viri, amici et noti invitentur. Rogavi FRIDERICUM, ut serio tecum hac de re ageret, daretque operam, quo persuaderet, licet ego de tua in me fide et constantia nihil addubitem. Quare pluribus id contendere nolo. Sed te avide et certo expecto, utque queas nobis salvus adesse. Vale, saluta

40 conjugem et matrem tuam ex me officiosissime. Datum Pragæ in novo Uraniburgo Cæsareo die 5. Aprilis Anno 1601, Stylo novo.

Tuus TYCHO BRAHE.

Filius

Filius meus TYCHO abiit cum Legatis Perficis per Italiam, Galliam et Hispaniam transiturus, munitus salvo conductu Imperatoris. Habes hîc Effigies duorum præcipuorum ex Legatis, et Cæsaris responsum.

[E codice Basileensi G I 35]

TYCHO BRAHE AD MARTINUM BRASCHIUM.



ULLA tui oblivione nec mea negligentia accidit, erudi- 169
tißime Domine BRASCHI, quod Mag. Dominus GÖ-
DELLMANNUS, Legatum hîc agens Saxonicum, sine
meo ad te responso Rostochium venerit. Iam enim illud 10
inchoatum erat, sed is mea opinione citius abiit, ut vix
eas, quæ magni momenti erant, et pecunias meas istic
hærentes concernebant, complere licuerit, ideoque oretenus illi quæ-
dam dixi tibi insinuanda, quæ etiam literis ad Dominum D. BACK-
MEISTERUM, quas tum præ manibus habui, quatenus tempus tulit, 15
subiunxi. Mitto autem nunc ea, quæ per quendam meorum de Astro-
nomiæ historia e quodam libro descripta sunt. Plura invenies sub ini-
tium Astronomici Cæsarei APPIANI, tum quoque nomina quorun-
dam Astronomorum, in priori parte tabularum primi mobilis REIN-
HOLDI, quemadmodum etiam in Sphæra PEUCERI, quod tuæ in- 20
dustriæ relinquo, mihi enim non suppetit otium talia inquirendi. Car-
men quomodo disponendum et concinnandum, tuæ discretioni et venæ
Poëticæ liberum relinquo. Principium paulo aliter ordinandum cen-
serem, nec volo, ut mei in primis carminibus fiat ulla mentio, sed omnia
conveniente methodo per mundi ætates succeßive deducantur ad hunc 25
Cæsarem || RUDOLPHUM Secundum, postea, si tibi sic placuerit, po- 169
teris migrationem meam e Dania, quo[d] ad hoc studium ab Augu-
stissiimo Imperatore huc clementißime vocatus sim, paucis attingere,
sicque in Cæsaris laudem, hoc etiam nomine, discurrere, ita tamen ut
optimum illum Regem FRIDERICUM Secundum, laudatißimæ me- 30
moriæ, qui hæc studia in suo regno, quoad vixit, liberaliter fovit, sub
quo etiam Uraniburgum exædificatum est, non prætereas. Si quid aliud
inciderit, de quo te monendum duxerim, in quadam charta adiungam,
neque enim nunc tantum suppetit temporis, ut carmen tuum relegere
atque omnes circumstantias dispicere valeam. Ubi integre tuas con- 35
ceptiones ad colophonem deduxeris, mitte mihi exemplar, antequam
imprimantur, et si liberum reliqueris, meam interponere sententiam,
ingenue id faciam, daboque postea operam, quantum in me est, ut Cæ-
sarea M^{tas} liberalem vicissim erga te clementer præbe[at]. Plura ad-
derem,

derem, modo aliæ interpellationes aliaque negotia id paterentur. Tu itaque, mi optime BRASCHI, rectius quam nuper vale, et plenio[res] per meliorem oportunitatem a me expecta. Dabantur Pragæ ex ædibus olim Cæsaris, nunc novo Uraniburgo Cæsareo 14 Aprilis Anno 1601. ||

170^r HISTORIA ILLUSTRUM ASTRONOMORUM INDE A MUNDI
EXORDIO AD NOSTRUM ÆVUM HEROICO
CARMINE CONCINNATA.

† NON placet in primo carmine *radioque potentes*, nam licet apud
10 VIRGILIUM sit *Descriptis radio*, tamen hoc verbum *radius* non
habet hîc emphasin in ipso carminis frontispicio, sed potius alicubi in
medio. Videtur etiam principium nimis humile, quare sic mallem:

Artifices summos Divina scientia cœli
Quos celebres genuit, quæque incrementa Matheſis
Docta habuit, pedetentim Mundi ab origine prima
15 *Ætatem in noſtram, certis deducere faſtis*
Mens amet et clauſos Heliconis inire receſſus,
Arduum opus, atque alijs res intentata Poëtis,
Res preſcioſa licet et Muſis digna canoris etc.

20 vel in eandem ferme ſententiam per teipſum melius. Hæc ſaltem ad-
monitionis cauſa aſſignare lubuit, prout nunc in buccam venerunt.

Poſtea inferre, cur hoc potius Argumentum arripueris, quam alias
res ludicras huius inferioris ſcenæ mundanæ, quales ſunt bella, victo-
riæ, triumphî, amores, Bucolica, et ſimilia a prioribus Poëtis ſæpe de-
cantata, ſed potius ſublimia illa et præſtantiora, quæ varijs fluctua-
170^v tionibus et vanitati non ita ſunt obnoxia, quæque in tanto cœtera || illa
dignitate antecellunt, quantum arduus æther declivis terræ ſuperat
loca.

Huc addatur invocatio ad verum DEUM, totius cœli et univerſitatis
creatorem, non Deaſtros licet fictitios, quos gentiles Poëtæ implorant,
30[†] et tandem narratio exordium habeat ab ijs, quæ a MOISE primo capite
Geneſeos de cœli et ſiderum creatione referuntur. Deinde ex IOSEPHO
antiquitatum Iudaicarum ſcriptore, quod ADAM docuerit ſuos filios et
nepotes Aſtrorum ſcientiam, et duabus columnis excitatis in Siria ab
ijſdem, et de NOAH, quem BEROSUS ait aliqua etiam ex parte Di-
35 luvium prævidiſſe ex Aſtrorum diſpoſitione, et de ABRAHAMO, quod
inſignis Aſtronomus et Geometra fuerit, atque artes Ægyptios docu-
erit, quodque ex ijs, quæ circa Solem, Lunam et Sidera, terrasque et
maria apparent, cognoverit unum ſaltem eſſe DEUM boni autorem in
Natura, quod prædictus habet IOSEPHUS, et quod ABRAM appel-
latus


latus sit, dum ex sola Astrorum scientia claruit et DEUM hinc aliquatenus agnovit, postquam vero divinitus est plenius edoctus et illuminatus, ABRAHAM, sic volente DEO, est dictus, ut PHILO Iudæus infert, quod etiam a MOISIS relatione non videtur alienum.

Deinceps poteris ordine recensere, quæ [e] profanis etiam scriptoribus colligi poterunt, quorum etiam aliquam indicationem suppeditabit liber Domini HENRICI RANZOVII de Regibus et Principibus, qui Astronomiam foverunt. Omnia autem ordine se sequantur, || prout tempora ætatum mundi requirunt, sed decenti methodo, ut principaliora præcedant ea, quæ minus ad rem faciunt; et narretur etiam, quomodo Astronomia peregrinata sit ex Siria et Mesopotamia in Ægyptum, hinc ad Chaldæos, Arabes, Æthiopes, Indos, ex Ægypto etiam venisse in Græciam, hinc in Italiam et Hispaniam ac Mauritaniam, postea in Galliam et Germaniam, atque ibi præcipua lumina, quæ in hac arte apud Germanos viguerunt, commemorare, usque ad COPERNICUM et REINHOLDUM, et quod tandem in Daniam transfretârit, ubi regnante optimo Rege FRIDERICO Secundo quietem et portum aliquandiu invenit, exædificata arce Uraniburgo in Insula celebris illius Porthmi Danici Huenna, et fabricatis magnis et idoneis Instrumentis, qualia non alibi reperiuntur, ubi etiam per 21 annos strenue exercebatur, quamdiu idem Rex vixit, tum quoque in octennali interregno post ipsum. Verum cum sequentibus annis firmam sedem ibi habere nequirit, in Germaniam redijt, et in Holfatia feudoque Producis HENRICI RANZOVII aliquandiu quievit, et ibi laudare RANZOVIUM, tam ob hanc quam alias virtutes, et quod aliæ circumiacentes regiones, ut Gallia, Anglia et Batavia, interea eam ambiverint, sed vocata ab Augustissimo Imperatore RUDOLPHO II Austriaco, in Bohemiam ad ipsum concedere prætulit, ubi ab eodem munifice non sine aliorum invidia sustentata est, et primum de arce Bennatika, ubi per annum spacium || mansit, postea de Praga, ubi est residentia Cæsaris et Regis Bohemici, hisque ædibus Curtianis in eos usus liberaliter a Cæsare coemptis. Hoc etiam loco quædam de earundem structore, Domino IACOBO CURTIO, priore Procancellario, inferenda, siquidem is Mathesi et Astronomicis studijs impense addictus fuerit, atque ea de causa hæc ædes in maxime ædito civitatis loco magnis impensis exstruxerit, quodque, dum adhuc in vivis esset, mihi etiamnum in Dania commoranti inhabitandas obtulerit, si huc Pragam venire vellem, quod, vivente tunc Rege FRIDERICO, non concedebatur, et nunc post fata eiusdem Domini CURTII non sine numine et Divino provisu ex liberalitate Cæsaris RUDOLPHI easdem ædes mihi cessisse, pro Astronomia hinc excolenda. Postmodum elogia domus Austriacæ subiungere, atque ad hunc RUDOLPHUM II omnia deducere, atque in eius excurrere laudes

laudes easque ampliare, atque victorias et præclare gesta commemorare, inter quæ hoc quoque non postremum, quod Astronomiam foveat, qua in re non cedat ALPHONSO Regi, cuius fama per Tabulas et liberalitatem in eas construendas cœlo cœva durabit, cumque id numeri ipsi cœlo non per omnia correspondentes tribuere potuerint, quid tibi, Cæsar Austriace, ubi Tabulæ Rudolpheæ sub auspicijs tuis cœlestes motus exactissime æmulantes lucem viderint? etc.

[E codice Basileensi G I 35]

TYCHO BRAHE AD LUCAM BACMEISTERUM.

10
174^r  LARISSIME et præstantissime Vir, Domine et Amice honorande, quod per Clarissimum Virum Dn. D. IOH. GEORG. GODELMANNUM, communem nostrum amicum, sexcentos illos thaleros a quæstore iuniorum Principum loco interesse mihi debitos transmiseris, ijs qui Belgici erant in imperiales maiore ex parte commutatis, recte a te factum est, eoque nomine plurimas tibi habeo gratias. Quod autem idem quæstor reliquos 600, qui mihi nunc debentur, tunc numerare noluerit, non equidem miror, utut non iniquum fuisse, si id officio mihi præstitisset, sed quod totam summam satis mature resignatam et consensu et iussu Illustriss. Ducis UDALRICI mihi ad hoc Pascha restituendam solvere tergiversetur, nescio quas alias prætendens expensas et calvas excusationes, id mihi magis displicet, nec ferendum duco. Scripsi itaque ad dictum Illustriss. Ducem UDALRICUM, sponso-
25 rem primum, ut ad constitutum tempus integram summam decem millium Ioachimicorum mihi restitui sua autoritate curet, quod et non invite effecturum optimum illum et integerrimum Principem, mihi clementissime faventem, nullatenus diffido. Obtigit mihi occasio, qua in hisce oris plus commodi ex illa pecunia nancisci queam quam
30 isthic, alias non tam cito eam repetissem.

174^v Quin et præterea ad præfatum Illustriss. Ducem dedi literas, qua ipsius Celsitudinem ad nuptias filiæ cuidam ex meis ELISABETHÆ nomine submisce invitavi, cum quodam Nobili et erudito Iuvene FRANCISCO TENGNAGLIO e Westphalia oriundo atque in hac aula ver-
35 sante, ad instans Pentecostes, favente Cœlesti Numine, celebrandas. Cum enim non saltem Cæsaream Maiestatem, Dn. nostrum clementiss. et præcipuos eius Consiliarios et aliquot Germaniæ Principes, tam Ecclesiastici quam politici status, quos scio mihi clementer favere, humilime per literas invitare animus sit (quod et nonnullorum Legati, qui hîc

hîc sunt, sponte a me petierunt, atque suis Dominis gratum futurum innuerunt) Illustrissimum Ducem Megapolitanum, Dn. meum clementiss. et quam optime de me meritum, præterire nefas duxi, non quod ipsius Celsitudinem aut alios in Germania Principes, ad quos hac de re reverenter scribo, aliquem suo nomine ideo huc missuros petere audeam, sed saltem quo conscij sint, ut si forte aliquem ex suis Legatis tum temporis hîc in aula habuerint, illis festivitatem hanc loco sui Principis coram || condecorare liceat, quod et te, charissime Domine D. BACHMAISTERE, ob veterem inter nos necessitudinem non celandum duxi, quo vota tua ad Deum omnis boni et felicitatis largitorem nostris coniungens, fausta et salutaria huic actui preceris.

Miror te literas D. D. CRAGIO inscriptas non acceperis. Nullas nunc ad ipsum ulterius mitto, siquidem intellexerim ipsum in Legatione Polonica abesse, sed tabellario huic nonnullas tradidi, quibusdam in Dania præcipuis amicis destinatas, quarum maxima pars est invitatoria ad iam dictas nuptias; eas vero omnes ipse tabellarius facile per quendam nobilem, ESCHILLUM BILLÆUM nomine, res meas istic procurantem, expediet. Addo minutulas quasdam ad eundem Regis Musicum, cui alteræ prius tibi missæ (ut opinor) inscribebantur, quas hic ipse grammatophorus, si tibi commodior non suppetit ratio, illi Hafniæ inquisito tradet; sunt a quodam hîc Italo, in cuius aliquantul[a] fideiussione?] Musicus est, scriptæ.


Magistro BRASCHIO ipsemet nunc de negotio prius insinuato rescribo; antea enim non vacabat.

Quæ a CAROLO || Sueciæ Duce in Livonia acta sunt, iam antea hîc cognovimus; nimis tardus esse videtur in resistendo Poloniæ Rex, et vix ut ENNIUS de altero isto Romano aiebat, cunctando restituet rem: celeritate potius in talibus opus est. WAIWODA, qui in Comitibus Polonicis etiam hostis eius Regni declaratus est, nuper hîc fuit, et gratiam Cæsaris impetravit, acceptaque magna pecuniæ vi Transylvaniæ partem Polonorum consilijs et Tartarorum invasionibus nuper amissam pro Cæsare recuperare meditatur, omniaque strenue ad hanc expeditionem præparat. Magnis etiam viribus contra Turcam exercitum parat Imperator noster, validiorem quam unquam antea, siquidem necessitas sic postulet, ob amissum superiori Octobri Canisium, fortissimum Hungariæ propugnaculum, quo occupato Turca sibi viam, sive Styriam sive Austriam infestare velit, præstravit; armipotens et fortis Deus eius ferociam et tyrannidem retundat atque a cervicibus Christianorum avertat. Ubi plura aliquid momenti habentia resciero, te eorum faciam participem. Vale cum omnibus tuis quam felicissime, et senij, si quæ, uti fit, incidunt gravamina, patientia vince. Dabantur Pragæ ex ædibus olim Curtianis, quas Cæsar pro 10000 millibus Ioachimicorum in meos

meos usus liberaliter emit vix duplo maioris exædificatas, quæ novum Uraniburgum Rudolphæum appellanda. Iamque iterum et sæpius vale. Die 15 Aprilis stylo novo Anno 1601.

[E codice Basileensi G I 35]

5 TYCHO BRAHE AD CHRISTOPHORUM
STURCIUM.

176^r  UOD mihi per Magnificum Dn. D. GÖDELMAN-
NUM scripseris, Nobilis et eruditissime Domine D.
10 STURTZI, utut ego ob eius festinationem et meas tum
temporis occupationes nihil ad te literarum dederim,
est cur tibi plurimas habeam gratias. Agnosco hinc tuum
erga me candidum et constantem amorem, cui par pari
referre non desinam. De statu Patriæ tuæ mirabili et iam multis annis
miserabili hinc satis superque inaudivimus; Deus tandem pacem lar-
15 giatur. Walachus inter alios, uti scribis, declaratus hostis Regni Polo-
nici, Cæsaris nostri clementissimi Vasallus nuper factus est, et belli dux
contra SIGISMUNDUM BATORUM (qui Cancellarij Polonici in-
stinctu per Tartaros Transylvaniam invasit, et aliquam eius partem
Cæsari ademit) ut inde rursus eum expellat, postea pro Canisio recu-
20 perando laboraturus. Accepit hac de causa a Cæsare magnam vim
pecuniarum. Bellum Hungaricum tanto conamine nunc reparatur
quanto vix unquam antea, sic enim opus est.

Cæterum quod narratiunculam meæ e Dania huc in Bohemiam ad
S. Cæs. Ma^{tem} migrationis, qualem optimæ memoriæ Dn. D. DAVIDI
25 CHYTRÆO sic expetenti mihi, tuis historicis meditationibus inferere
176^v eamque expolire || et ornare constitueris, rem mihi apprime gratam et
quovis officio vicissim compensandam præstiteris. Existimaßem com-
plementum historiolæ anni millesimi sexcentissimi ultra priorem me-
diam partem, quam Dn. CHYTRÆUS ante obitum absolvit, a te con-
30 tinuatum, ut hoc anno proficere, atque in illa, quæ de me, dum in vivis
esset, inferere cupiebat, adiuncta forent, sed forte alia sunt vestra con-
silia, quibus lubens acquiesco. Cuperem nihilominus id, quod propo-
suißi, mature fieri, et si oportunitas sic feret, conceptionem primam,
antequam excudatur, mecum communicari.

35 Habito nunc Pragæ in ædibus olim a laudatæ memoriæ Vicecan-
cellario Dn. IACOBO CURTIO splendide et magnifice exstructis, unâ
cum horto amplo et amœnißimo circumiacente, quas Sacra Cæs. Ma^{tas}
in meos usus emit a vidua inhabitante pro 10000 Ioachimicorum, cum
tamen duplo maiori summa vix exstructæ sint. Est locus maxime in
civitate

civitate editus, versus Zephyrum, nec longe ab arce situs, ut Cæsarea Ma^{tas} ultra alias domos et hortos interpositos secreto et minimo negotio huc, || quando ipsi sic clementissime placuerit, venire queat. Disponun- 177^r
tur hîc modo Instrumenta mea omnia, quæ e Dania huc transtuli nu-
mero 28; thesaurus incomparabilis, quem Patria mea non æstimans 5
sibiipſi invidit. Adornatur Typographia, ut opera mea hæcenus inter-
rupta, quanto ocius fieri poterit, compleantur. Exstruitur etiam officina
pyronomica pro exercitijs spagyricis, quæ nostra est etiam voluptas.
Deus Opt. Max. conservet et prosperet Augustissimum hunc Cæsarem
RUDOLPHUM II, qui nobis hæc oia fecit. Quod superest, æviterno †10
et omnipotenti Numini te et omnia tua commendo. Datæ ad Pragam
ex novo Uraniburgo Cæsareo, cuius inscriptionem mox subiungam,
die 15 Aprilis stylo novo Anno 1601.

Subiungatur postea Epigramma inscriptionis.

[E codice Basileensi G I 23]

†15

DEM EDELEN GESTRENGEN EHREN- 90^v
VESTEN HERREN TYCHO BRAHENN AUFF KNUTSTORFF
ERBSASSEN, RÖMISCHER KEYSERLICHER MAIESTAT
ASTRONOMO, MEINEM GROSSGUNTIGEN
HERREN.

S.

20

89^r



ENEROSE et doctissime D. TYCHO, misit ante paucas
septimanas responsum ad priores tuas literas SIMON
a PETKUM. Illud, cum priorem aliquem habere non
potuerim, per hunc FRANCISCUM SCHRÖTERUM 25
Sundenſem, Chymicarum rerum studiosum, qui nescio
qua de causa iter Pragam instituerat, ad te amandare
volui, spero recte redditum iri. De fornacibus quoque advehendis vi-
debo quid efficere potero. Nondum enim quicquam præter eas Ham-
burgo advectum est, propter nimiam Albis exundationem. Quia vero 30
moris est, ut amici amicis novarum narrationum communicatione gra-
tificentur, mitto D. TYCHONI cuiusdam LL. Doctoris DETHARDI
HORSTIJ Witebergæ agentis prognosticon de eventu belli Turcici,
sane gratissimum, utinam etiam verissimum. Impingunt nostri Theologi
et vani vates omnes in eundem quo Pharisei et Apostoli olim lapidem, 35
ut vaticinia de CHRISTO eiusque et Ecclesiæ regno et victorijs, poli-
tica Phraſi pronunciata, politice intelligant, cum Ecclesia novi Testa-
menti nullam habeat promissionem politiæ et politici regni ut veteris
Testamenti, usque ad CHRISTUM, et CHRISTUS ipse dicat: *Regnum †*
meum

meum non est de hoc mundo, item: In mundo afflictionem habebitis, in me autem TANTUM pacem. Stultum quoque hoc est, quod omnes
 † vaticinium de GOG et MAGOG interpretantur de regno Turcico, cum
 89^v id loquatur historice de victorijs Israëlitæ-||rum ante CHRISTUM, al-
 5 legorice vero, ut Apocalypsis IOHANNIS eum declarat, de persecu-
 toribus Ecclesiæ in toto orbe terrarum adventu CHRISTI extremo
 tollendis, cap. 20 vs. 8: *Exibit SATHANAS ut seducat gentes, quæ sunt in QUATUOR angulis terræ, τὸν Γὼγ καὶ τὸν Μάγωγ, qui circum-
 muerunt castra Sanctorum et urbem dilectam. Sed descendit ignis*
 10 *a DEO e cælo, qui devoravit eos* etc. Simile delirium est, quod hic
 interpres idolum vastans interpretatur de MAHOMETE, cum ipse
 filius DEI dicat Matth. 24 intelligendum esse DANIELEM de signo
 præceßuro finalem Politicæ Iudaicæ, inprimis templi destructionem.
 † Ideo monet: *Cum videritis abominationem vastatricem stantem in*
 15 *loco sancto, ut dictum est a DANIELE propheta, tum qui in Iudæa*
est, fugiat ad montes etc. Ridiculum denique plane est somnium, quod
 metuunt, ne DANIEL mentiatur, cum definit Monarchias quatuor, si
 Turca inchoaret quintam Monarchiam, cum prima fuerit Monarchia
 iam Aßyriorum, iam Chaldæorum, in secunda iam in Babylonia, iam
 20 in Persia dominabantur Monarchæ, in tertia singuli Duces ALEX-
 ANDRI constituebant sibi peculiarem Monarchiam, in quarta alia erat
 90^r Orientis, || quam dudum rapuit Turca, alia Occidentis, quam hæcenus
 mordicus retinet Papa, et vicinorum regulorum potentia ad suam tri-
 plicem coronam tuendam simplici credulitate et armis abutitur. Ante
 25 vero illa tempora quam varios habuit Monarchas, quorum post annum
 CHRISTI 480 nemo Romanus aut Italus fuit, quando AUGUSTULUS
 ultimus purpuram abiecit, eamque induit ODOACER Sax. Post illum
 anno 495 CHRISTI THEODORICUS Ost-Gotthus dictus Veronenfis,
 inde 574 Longobardorum Reges usque ad CAROLUM Magnum Fran-
 30 cum, qui cœpit Imperator Romanorum dici 800 CHRISTI. Unde reliqui
 Germani titulum, Papa imperium habet hæcenus. Et sic digiti pedum
 in DANIELIS Coloßo varie discriminantur sine inchoatione quintæ
 Monarchiæ, et metuimus, ne Turca sit quintus Monarcha; qui iamdiu
 est Monarcha Orientis. Sed hæc delirant, qui historiarum sunt ignari,
 35[†] et qui amant, ipsi sibi somnia fingunt. DEUS tueatur hospitia Ecclesiæ,
 90^v fervet verbum suum || et confundat consilia Turcæ et Papæ, propter
 gloriam nominis sui. Bene in Domino vale. 18 Aprilis nostro 1601.

G. N. T.

additiß.

GEORGIUS ROLLENHAGEN.

[E codice Florentino Bibl. nat. in codicum Galileianorum tomo 27 (*Accademia del Cimento* † part. 3 vol. 12)]

SERENISSIMO ET POTENTISSIMO PRIN- 8v
CIPi AC DOMINO, DOMINO FERDINANDO MAGNO
DUCI ETRURIÆ ETC. DOMINO SUO 5
CLEMENTISSIMO.
FLORENTZ.



D Sereniſſimam Cellitudinem Veſtram ante Anni qua- 7r
drantem per Filium meum natu maiorem, Legationem
Perſicam in Italiam comitantem, ſubmiſſe dedi literas, 10
quas Sereniſſ. Cellⁿⁱ V^æ recte eſſe redditas ex Episto-
la eiſdem Filij nuperrime ad me data lubenter cognovi.
Scribit is inibi nonnulla, quæ animum meum non parum
perculerunt: Legatum nimirum Perſicum illum primarium natione
Anglum, in cuius familia Filius meus tunc fuit, cum Senas perveniſſet, 15
ipſum ad ſe ſeorſim vocaſſe, atque hæc inſinuaſſe: Sereniſſimam Cell^{nem}
V^{am} illi videlicet Legato Anglo, cum ex literis ad ipſam a me ſcriptis
intellexiſſet, Filium meum in ipſius comitatu eſſe, diſuaſiſſe, ut illum
Romam ſecum adduceret, præſertim illo tempore, id enim non abſque
gravi periculo vitæ Filij, et ipſiuſmet Legati impedimento fieri poſſe, 20
ſiquidem meum nomen in illis oris iam antea ſatis innotuiſſet, et po-
tiſſimum ea de cauſa periculum ſubeſſe, quod in Italia rumor increbu-
iſſet, Sacræ Cæſareæ Matⁱ me authorem et ſuaſorem fuiſſe, ne Mona-
chos Capucinianos hîc Pragæ diutius pateretur, ſed eos dimitteret. †
Voluit itaque Legatus ille Angluſ, ut Filius meus Senis remaneret, 25
nec Romam unâ accederet, quod et factum eſt. Si itaque hæc, ut ille
retulit, ex Sereniſſ. Cell^{nis} V^æ conſilio et admonitione facta ſunt, non
dubito, quin clementiſſimo erga me et Filium meum animo et bona ac
ſincera intentione proſecta ſint. Sin autem Legatus iſte ex ſuo cerebro
talia deprompſit, et ſub prætextu nominis V^æ Sa^æ Cell^{nis} (uti ſuſpicio) 30
protulit, facile conijcio, eum id feciſſe, ut ſic honeſte a Filio meo libe-
raretur, ne illi ulterius oneri eſſet, ſiquidem, uti hîc Pragæ ſatis cogno-
vimus, viatico pro tam magnifica legatione et tanto itinere emetiendo
non ſatis inſtructus erat: ſed ſit quicquid velit, gaudeo Filium meum
Senis in Sereniſſ. V^æ Cellitudinis ditione et urbe commorari, || ubi eum 7v
commode degere, et ſatis tutum fore, omnino mihi perſuadeo, cum
V^æ Sereniſſ. Cell^{nis} Regio ſit per ſe libera, et ijs, quæ forte alibi in Italia
incidere poſſent, periculis non obnoxia, ideoque a Sereniſſ. Cell^{ne} V^a,
qua poſſum ſubmiſſione et reverentia peto, velit ſibi Filium hunc meum
commendatum habere non dedignari, et ſi res ipſius ita tulerint, ut tam 40
diu in V^æ Sereniſſ. Cell^{nis} territorio ſubſiſtere poſſit, donec Linguam
Italicam

- Italicam mediocriter addidicerit, id equidem mihi apprime acceptum foret; quo peracto, ut Sereniß. Celfo V^a eum Sereniß. et Potentißimo Rege Galliarum, inclyto suo Affini, per literas commendare dignetur, quo in ipsius Aula per unum vel alterum annum, donec et illam linguam calluerit, pro servitore recipiatur, demiße et officioßime eam rogatam vellem: quicquid hac vel alia ratione Sereniß. Celfo V^a in Filium meum contulerit clementißimi beneficij, id tanquam in me ipsum collatum perpetua animi submißione et gratitudine, quantum vires meæ patientur, agnoscam.
- Cæterum quod Monachos Capucinianos attinet, certo sciat, atque indubitate Sereniß. Celfo V^a statuatur, quod nunquam vel minima cogitatione mihi in mentem venerit apud Sacram Cæsaream Maiestatem, Dominum meum Clementißimum, quidpiam de ijs loqui, aut an hñc manere debeant vel secus, ullo verbo mentionem facere, nedum ut quidpiam in his eius Maiestati suggererem aut consulerem, cum talia ad me plane non pertineant, nec ipsius Maiestas unquam de eiusmodi rebus, quæ Ecclesiasticas Personas aut res concernunt, mecum loquatur, sed solummodo de ijs, quæ Philosophica et Astronomica, quibus ipsius Maiestas, sicuti multi alij Reges et Principes, laudabiliter afficitur, nec ego me alienis immisceo: vix suppetit otium et commoditas propria tractandi et exequendi. DEUM itaque sancte et conscientiam meam intemerate testari possum, magnam mihi hac in parte fieri iniuriam, tam hñc quam alibi, uti etiam in quibusdam alijs calumnijs, quæ ab imperitis seu mearum rerum ignaris hñc sparsæ sunt, de quibus brevi ad ipsius Maiestatem, quæ me in omnibus ijs, quæ apud ipsius Maiestatem a me dicta et peracta esse || nonnulli comminiscuntur, insontem novit, referre animus est. Quin et Sereniß. Celf^{nis} V^æ Magnificentissimus hñc Orator satis perspectum habet, eum de Capucinis rumorem meram esse in me calumniam, et scit forte, unde illa dißuasio apud Cæsarem provenerit, ut me non saltem ille, sed et Illustrißimus ac Reverendißimus Dominus Nuncius, qui nomine P. M. hñc moratur, me satis de isto figmento, uti et in alio quodam huic ferme simili, excusatum habet, siquidem ab Illustri et Magnifico Domino CORADU-CIO Imperij Procancellario satis superque cognoverit, rem longe aliter se habere, meque omni culpa in eiusmodi de me promulgatis nugis vacare. Quæ ob id latius ad Sereniß. Celf^{nem} V^{am} qua possum submißione perscribo, ut illa quoque, si tale quid ad eius aures pervenit, meam innocentiam cognitam habeat, nec tam iniuriosas calumnias in meæ famæ extenuationem aut Filij mei detrimentum redundare sinat, sed id potius sua autoritate, sicubi opus fuerit, clementißime amoliat, sique vicißim ex mea tenuitate proficisci poterint officiola, quæ Sereniß. Celfⁿⁱ V^æ ullo modo accepta esse queant, utatur me perpetuo
- tanquam

tanquam suo servitore fideli et obsequentiſſimo. DEUS Opt. Max. Sere-
niſſ. Celf^{nem} V^{am} Reipub. tam politicæ quam literariæ bono per multos
Annos incolumem et prosperam florere faciat. Dabantur Pragæ die
30 Aprilis Anno 1601.

Sereniſſimæ Cellitudinis Veſtræ

Reverenter et ſubmiſſe

addiſſimus

TYCHO BRAHE,
manu propria ſcripſi.

5

[E codice Baſileenſi G I 23]

† 10

GENEROSA NOBILITATE ET POLITIORI-

92^v

BUS LITERIS CLARISSIMO VIRO D. TYCHONI BRAHÆO

DOMINO IN KNUTSTORFF ET CÆSAREÆ MAIE-

STATIS CONSILIARIO ET MATHEMATICO

EXCELLENTISSIMO DOMINO ET

15

AMICO SUO.

S.

91^r

UM ad me ex itinere ſuo, quod ad te inſtituerat, Gene-
roſe et Doctiſſ. D. TYCHO, divertitſet optimus vir DA-
VID FABRICIUS, et non modo tua ſtudia, ut merentur,
crebris ſermonibus commendaret, ſed obſervationes quo-
que ſuas coram oſtenderet, dolui proſecto GANYME-
DEM tam elegantem Friſios potius Boves paſcere, quam

20

†

ab Aquila Ioviali raptum, Dijs in Cœlo miniſtrare, ut DAVID ab ovi-
bus in aulam propter Muſicam adoptabatur, ut certe hic DAVID GA-
NYMEDEM habet aſcendentem. Sed quiſque ſuos patimur manes.
Ego certe multis nominibus eum mihi optârim propiorem.

25

Fuit ante paucos dies hîc quaſi privatus Epicoſus Colonienſis, itu-
rus ad Cæſarem, ut ei Papæ nomine electionem Regis Romanorum
perſuadeat, atque ſic et reditus Cæſarios et autoritatem in plures partes
diſtrahat. Ne dicam de nuncio Belgico, in quam terram iam redijt ex-
ercitus Hiſpanicus. Ab altera parte redit Turca. Domine, ſerva nos,
perimus.

†

Favorem Epicoſi Saltzburgenſis tibi ex animo gratulor, utinam
plures adducat tibi ſuffragantes, || ut tandem utiliſſimos tuos labores
ad umbilicum deducas.

91^v

De prognotiſtico, quod HENRICUS IULIUS de ſe uſurpare dicitur,
iam olim audivi doctorem MEGABACCHUM, ROTHIUM et alios,
qui a me exiſtimabant eſſe proſectum. Sed neque ego hoc dixi aut ſcripſi
unquam,

† unquam, neque ab ipso audiui. Hoc autem dicere solet GARCÆUM prædixisse, aliquando se præclaram ex bello victoriam relaturum esse, itaque ad bella esse animosiores. Quod negavi ego ex fontibus, quos epistola tua allegat. Et si possem, in viam potius pacis reducerem, quam
5† ut currentem instigare. Sed fertur equis auriga, nec audit currus habenas.

Spero me propediem in aulam venturum ad consultationem de vocando Theologo in locum HOFMANNI. Ibi, ut decet, privatim de tua pro eius salute sollicitudine, et commoditate negotiorum apud Cæsarem privatim expediendorum, movebo fideliter omnia. Et rescribam.
10 Bene et quam diutissime vale. 15 Maij 1601.

Tuæ Gen. N.

addicti.

GEORGIUS ROLLENHAGEN.

15 HENR. IULIUS natus est 1564, 14 Octobris, 17 hora P. M. in arce
† *Hessen*. Hoc tempus GARCÆUS corrumpit per falsissimam HERMETIS trutinam et correctiones similes.

† [E codice Basileensi G I 23]

94† NOBILISSIMO STRENUO ET MAGNIFICO
20 VIRO TYCHONI BRAHEN DANO, SACRÆ CÆS. MATHE-
Matico, IMO ET FAUTORI SUO MULTIS
NOMINIBUS COLENDISSIMO.

PRAGA.

93† Εὖ ζῆν καὶ εὖ πράττειν.



25 UANQUAM apud D. DAVIDEM FABRICIUM ad nobili. Mag^{am} T. scripserim de rebus omnibus, Nobili. atque Mag^{ce} vir, Domine multis nominibus colende, quas quidem literas meas unâ cum earundem latore, FABRICIO nostro, te accipere et videre non dubito, facere tamen non potui, quin nobili. Mag^{am} T. hac scheda inviserem, sciscitaturus saltem, num dictus FABRICIUS noster
† salvus atque incolumis ad vos pervenerit. Multa enim metuebat atque, ut mihi videbatur, sibi persuadebat, quare non sine periculo hoc iter perficere posset. Veruntamen omnia in DEI præpotentis manu posita
30 esse firmiter credo, sic ut eundem FABRICIUM, nisi DEO aliter visum fuerit, incolumem omnino ac salvum huc reversurum plane persuasum habeam. Porro nobili. Mag^{am} T. rogatam velim, uti me sibi commendatum et persuasum plane habeat, me ex eorum esse numero, qui nobili.
bili.

biliß. Mag^{am} T. modis omnibus salvam optet atque incolumem, || eiuf- 93
que honoribus faveat quam maxime.

Cæterum quid Sacræ Cæf. Ma^{tis} Legatus et Confiliarius præcipuus
D. HANNIWALT hîc rerum agat, quamque honorifice, ne dicam
magnifice, ab Ill^{ri} et generoso principe meo ENNONE, Orient. Frisiæ 5
Comite, exceptus sit, et quæ porro Sacræ Cæf. Ma^{ti} ab Ill^{ri} Celf. eius
exspectanda sint officia atque servitia, meum non est perscribere, cum
tempus ipsum atque exitus reipsa comprobatura sint, quali affectu Ill^{ris}
Dominus noster erga Sacratiss. Cæf. Ma^{tem} sit præditus, quam ut DEUS
opt. max. unâ cum nobiliß. Mag^a T. diutissime servet, ex animo precor. 10
Ac si forsan occasio fuerit, ut Sacræ Cæf. Ma^{ti} mea quamvis humilia
servitia commendare possis, quæso studiorum, si non eorundem, attamen
communium memor esto.

Hæc scripsi αὐτοσχεδίως et quasi per satyram, propterea || quod 94
propter præsentiam præfati Cæf. Ma^{tis} Legati, qui pridie huc appulit, 15
plusculis eram occupatus negocijs. Quare et festinationi et lituris igno-
scas, tum FABRICIO nostro hæc inclusas literas cum salute uberrima
tradere haud dedigneris. Utinam vero sit aliquid, in quo nobiliß. Mag^æ
T. vicissim gratificari possim, neque enim labori, vigilijs, studijs, sumptui
parcerem. Vale vir nobiliß. atque Mag^{ce}. Scripta ex arce Auricana 20
Frisiæ Orientalis pridie Eidus Iunij stilo veteri Anno postremi tem-
poris Ch. 1601.

Nobiliß. Mag^æ T.
addictiß.

EBERARTUS SCHELE,
Orient. Frisiæ Secret.

25

Quæ hoc ipso die de occupatione propugnaculi ante Bergam ex
Haga Comitibus allata sunt nova, cum et incerta adhuc sint nec vobis
ignota diu esse possint, lubens prætereo.

ANNOTATIONES EDITORUM

ad p. 3,¹¹] vid. Cicero *Pro Milone* 38,¹⁰⁵.

ad p. 3,²⁵] Postridie Viti, i. e. d. 16 Junii.

ad p. 3,³⁹] Idem versus, qui Ovidii non esse videtur, affertur tom. VII p. 301,¹⁰⁻¹¹.

ad p. 5,²⁴] Nomen tantum subscripsit Tycho. Ceterum epistula, cum inscriptione careat, neque complicata charta sit, missa non est.

ad p. 6,¹⁶] Nomen tantum subscripsit Tycho.

ad p. 9,³⁹] Ovidii *Rem. am.* 462, ubi tamen pro »pellitur« legitur »vincitur«.

ad p. 10,¹³] Autographum, quod sicut cetera, quæ in arce Rosencrantziorum, quæ dicitur *Rosenholm*, olim asservabatur et a. 1761 cura Jacobi Langebekii transcriptum et postea incendio absumptum est, lacerum fuisse videtur; annotavit librarius ad v. 21: »Sex hic lineæ non potuerunt legi«.

ad p. 10,²⁷] Transformati sunt versus ex Vergilii *Æn.* III 56—57: »Quid non mortalia pectora cogis, auri sacra fames!«

ad p. 11,⁵] Fieri potest, ut pro »Deo tra« scriptum fuerit »dextra«; nam respici videntur versus Vergilii (*Æn.* II 387—388): »Quaque ostendit se dextra [fortuna] sequamur.«

ad p. 13,¹] De observationibus Davidis Fabricii ad Tychonem missis vid. tom. X p. XVIII. Nos eas transscribemus in tom. XIII post observationes anni 1598. Commentationes tamen quasdam eodem tempore, ut videtur, ab illo ad Tychonem missas, quæ inter observationes non recte ponebantur, hic subicimus (e codice Hauniensi Ant. Coll. Reg. 316 in 2°):

150^v OBSERVATIO MEA DE PARALLAXI INVENIENDA IUXTA MODUM TADDÆI.

Anno 96 4 Febr. hora 12 noctis præcedentis, cum Regulus meridianum 30' circiter minutis transierat, observavi altitudinem meridianam centri ☿ plenæ cum Regulo fere coniunctæ Gr. 52° 50' M.

Si iam ☿ cum Regulo in Meridiano fuisset, facilis res esset ex altitudinis meridianæ differentia et Reguli declinatione declinationem ☿ visam cognoscere. Verum quia Regulus iuxta ascensionem rectam anterior est circiter 30 min. ideo pro motu 30' minut. ☿ in Zodiaco correspondentem declinationem accipio, videlicet 10' min. et addo altitudini ☿ meridianæ, et fit 53 Gr. 0', et sic ☿ quasi cum Regulo in Meridiano imaginetur, et sic distantia Reguli a ☿ visa erit 2 Gr. 44 min. circiter.

Si igitur ☿ simul cum Regulo in Meridiano exsisteret, hanc altitudinem Gr. 53 0 quam proxime habuisset, quare ablata æquatoris altitudine 36 Gr. 22 M. ab altitudine ☿ 53 0 datur declinatio ☿ visa 16 Gr. 38',¹ declinatio autem vera iuxta tabulas centrum terræ respicientes 17 Gr. 12' circiter, ergo visæ et veræ declinationis differentia 34', tot enim minutis in illo loco videtur depressior, quam revera est respectu centri terræ.


Si nunc iuxta Taddæum declinatio visa ☿² ex altitudine meridianâ aufera-

¹ Adscripsit Fabricius in margine: »vel distantia merid. addatur declinationi Reguli, quod idem est«.

² Addit Fabricius supra hæc verba: »phænomeni ait«.

1. Quo compendio aut quibus medijs superficies plana instrumentorum ab ea parte, qua divisiones fiunt, exacte et ad amuſim levigari poſſit, ut ubique eandem æqualitatem habeat. Quod quomodo in circulis et instrumentis magnæ quantitatis fieri poſſit, sæpe miratus ſum et adhuc miror.

2. Quod ſi unus faltem obſervator per Sextantem duas ſtellas obſervare velit, qua ratione in tali caſu viſoria prope oculum conformari debeant, ut et facilem et expeditum uſum præbeant. Ego non dubito bina viſoria eaque extra centrum instrumenti eſſe conſtituenda. Apparet tamen ex literis Rothmanni fol. 28 Sextantem Lantgravij (qui unicum obſervatorem habuit quoque) fuiſſe tantum in viſorijs 3 rimulas, quia ſcribit: viſoria centro instrumenti ita appoſuimus ut ſemper eandem ab illo Sextantis centro diſtantiam retineant, centrumque ſemper præciſe in medio mediæ rimulæ reperiatur. An igitur ita ſit




vel non, cupio cognoscere, et an forte figuram in latere poſitam aliquo modo referat vel minus, ita ut media rimula utriusque ſtellæ obſervationi inferviat, et dimidia pars viſorij per fibulas angulo viſionis et instrumenti adaptetur. Quid in his verum ſit aut non, vel paucis verbis vel ſaltem ſchemate T. E. indicare dignetur, facile enim percipiam.


3. Scribit T. E. quadrata pinnacidiorum et viſoriorum æqualia omnino eſſe oportere et debere, quod ut in maximis instrumentis facile conceſſerimus, ita in minoribus 3 vel 4 pedum non ita exactam præbere diſtantiam exiſtimo. Ut autem quid ſequendum ſit, magis innotefcat, apponam utrius-

que modi ſchemata.

In hac figura medium rimularum reſpondet lateribus pinnacidiorum, quam pinnacidiorum conſtructionem in minoribus instrumentis certiore iudico. Et hac forma ego in meis nunc utor, quia trium tantum pedum ſunt.



Hæc figura pinnacidij et viſorij tuorum instrumentorum reſpondet, nam quadrata ſunt æqualia, et medium rimulæ extra quadratum. Hanc conſtructionem propter rimularum pro ſtellarum quantitate commodam et utilem dilationem et coarctationem factam eſſe intelligo et video. Et ſane artiſcioſa eſt conſtructio, in maioribus præſertim ut dixi instrumentis, in quibus ſemidiameter rimularum reſpectu graduum limbi exigua proportionem habet, ac parum refert an quis per medium rimularum pinnacidiorum lateribus reſpondentium ſtellam conſpiciat, ut in prima figura, vel per medium rimularum non reſpondentium lateribus. In parvis vero instrumentis plus medietatem ſtellæ conſpici non dubito. Ergo ut 2^{da} figura in maioribus instrumentis commodior, ita prima in parvis exactior. Sed pro ſtellæ lumine vario dilatari aut relaxari non



potest, quod ſic medium rimularum non ſemper reſpondeat lateribus. Quæſo mi Nobiliſſime Domine, ut quid ſequendum ſit, digito ſaltem oſtendas, et quid exactius in hoc negotio ſit, indices. Propter hæc enim et alia instrumentorum

meorum fabricam hæcenus distuli, quæ iam constructa cernerentur, si prius horum omnium enodationem habere potuissem.

Rogoque obnixè ut maximam dilatationem rimularum pro instrumentis 4 pedum subtili calamo in charta designare non graveris, ne nimia earum dilatatio incertam præbeat observationem, quod tali casu in minimarum stellarum centrīs capiendis futurum credo, si rimulæ nimis laxæ sint. T. E. facile quid velim et notem perspicit, ideoque pluribus supersedeo. ||

152^r Quæstio, quomodo Cylindro ad centrum quadrantis posito observatio altitudinis sideris fieri possit, cum non per foramen in adiunctum Canalem radij admittantur, sed potius umbra a cylindro fiat, quomodo illa umbra excipiat.

Restant nunc alia duo, quæ ad faciliorem et expeditiorem Instrumentorum usum pertinent, videlicet Regulæ (cui pinnacidia et visoria affixa sunt) ad opatum in limbo locum facilis deductio, et Sextantis ad quemvis stellæ positum expedita constitutio.

1. Quod ad primum attinet, fateor me sæpenumero hyberno tempore atque frigido ab observationibus abstinuisse, quod hac commoditate deducendæ ad suum locum regulæ destitutus quadrantem horæ vel etiam dimidiam horam unicæ observationi sæpenumero impenderim. Nam manibus eum producere cogor in limbo, ibique arcuare rursusque laxare, donec tandem voti compos fiam, interim elabitur tempus et observandi commoditas. Video nunc in quibusdam tuis Instrumentis Cochleam affixam Instrumento, qua regula facile producitur, quæro hic, an cochlea ea parte, qua regulis affigitur, clavum circumvolubilem habeat vel non. Videntur in figura (nu. V) circa locum D 2 rotunda foramina vel duo forte clavi, si duo sunt, certe fixi erunt. Rothmannus catenulam artificiose affixa sidera præstare scribit, qua vero ratione hoc fiat, si brevibus expediri possit, scire cupio, ut alterutrum modum (qui commodior videbitur) eligere possim.

2. Restat fulcri, cui sextans innitur, descriptio. Scribit T. Exc. sextantes imponi globis, quibus in omnes partes cœli facile disponantur. Hic ignoro, an sit globus ligneus vel ex metallo factus, item an habeat aliquam affixam cochleam latentem, qua globus laxatur et ad certum positum constringatur, ne Instrumentum a suo vero situ dimoveatur. Habet et meum Instrumentum fulcrum, quod 3 cochleis operose disponitur, non sine temporis dispendio. Ac te, mi Excellentissime Domine, velim me in his (prout meis rebus maxime convenire tibi videbitur) fideliter et sufficienter edoceas. Nam his postremis duobus impedimentis sæpe, præsertim frigido cœlo, ab observationibus absterreor, *den ein Stund vber eine observation im kalten winter darauff zu sthen, ist woll ein zimlich buße*, ita ut catharrum sæpe nocturnum frigus excitet. Quid vero 2 baculi rotundi in figura sextantis sibi velint, ignoro.

Quæstio, cur in tabula sinuum singulæ 3 cyphræ vel figuræ numerorum commate distinguantur, quid eo notetur.

Scribit in literis T. Ex. in capienda distantia stellæ et Lunæ limbum extremum esse observandum, et semidiametrum uno quasi minuto minorem distantia addend. vel dim. Hæc non satis percipio, cur semidiameter uno quasi minuto minor sit etc. cuius dubij enodationem expecto.

De his et similibus ubi sufficientem declarationem accepero, ad instrumentorum fabricam mox progrediar. Quare mihi non desis, ut nec hæcenus in ullo mihi defuisti, sed etiam plus, quam petere ausus fuerim, præstitisti. Deus opt. max. tibi retribuatur. Amen. ||

Plura nunc non audeo nec etiam possum scribere, quia Tabellarius urget, 152^v ut me quam citissime expediam, sibi propter alia maxima negotia, propter quæ ablegatus sit, properandum esse, igitur calamum nunc inhihero. Circa festum Natalitium de alijs præsertim astrologicis rebus ad te perscribam, quid in illis diutina experientia observaverim, idque circa potissimam eius partem, et non dubito, quin tibi futura sint gratissima, nam a nullo quicquam tale annotatum aut observatum comperi; addam exempla nativitatum certa et mirifice comprobata. Mittam tunc una cum alijs muneribus, quæ vel navi vel curru Bremam transvehi curabo (cum Tabellarius commode perferre non possit) carmen integrum de Urania antea conscriptum, nunc tamen, ut petis, ex parte mutandum, quod tibi non ingratum futurum scio. Ad extremum rogo obnixè, reverenter et studiose, ut simplicitatem meam, quæ ex candido animo ac summo erga Uraniam tuam amore procedit, boni consulas ac in optimam partem interpreteris, stylumque agrestem et Friscum potius quam Latinum non tam consideres et respicias, quam animum meum tui nominis imprimis observantissimum et studiosissimum. Rogo quoque, ut primo quoque tempore mihi respondeas, literasque Bremam ad Gerhard Hvifman bibliopolam in platea S. Catharinæ, aut Dn. Ludolph. Ridderhusium (qui plurimum tibi favet, tuumque adversum casum plus decies in literis hac ætate mecum deploravit) vel directe vel oblique (ut ita loquar) per Iohannem Schreining in *Hamburch bi der Karen in Rolenhirsch (welcher des Hrn. Stathalters auß is*, ut Ridderhusius ad me scripsit) ad illum mittas, qui sine omni mora, prout me summo amore prosequitur, eas ad me per certum nuncium dabit, et sic aliquoties hac hyeme per literas communicare et cogitationes nostras commodius conferre possumus. Sed ut antea dixi, Tabellarius urget responsum, nec relegendi tempus concedit, ut nec vix cogitandi, ideo hæc, prout in mentem venerunt, inter tot illius interpellationes et distractas cogitationes in chartam potius effudi, quam scripsi. Sed tuæ ingenuitati et candori, qui mihi sufficienter cognitus, plane confido, meque committo. Hisce vale, Magnifice Domine. Dat. ut in literis.

T. Ex. quam primum quæso rescribat, idem a me fiet prolixè et de varijs . . .

ad p. 13,²⁹] Hoc loco adscripsit Tycho: »at prius habet 10 [ex 12 corr.] 53«. Respicit observationes a Fabricio missas (vid. tom. XIII). Illic ad finem sectionis primæ (»Primo de 4 Acronychio«) hæc addidit Fabricius: »Nec T. Ex. offendat, quod ante paulo aliter distantias 4 a stellis prædictis denotavi, factum id fuit ex summa festinatione. Nam et eadem nocte observationes mihi perficiendæ erant, et simul literæ scribendæ. Hinc evenit quod distantias prima vesperta sumptas (ut tanto celerius post regulam collimare possem ad distantias utcunque acceptas, ne forte propter nubes intervenientes, ut sæpe fit, observatio longiori collimationis mora protracta impediretur) et in chartula consignatas libro meo et literis tuis inscripserim, cum potius distantia exactissime circa medium noctis acceptæ et in alia chartula annotatæ mihi fuissent transcribendæ, sed festinationi et incogitantia meæ hoc velim tribuatur.«

ad p. 18,²³] In eiusdem codicis foll. 1—2 prior reperitur adumbratio eiusdem epistolæ. Illa autem, quam nos secuti sumus, multis locis correctæ est. Cete-

rum est, cur epistolam hanc numquam missam esse suspicemur. Nam quod libros a se confectos Imperatori sese una cum epistula mittere scribit (p. 19,²⁹ sqq.), dissentit ab iis, quæ p. 166 narrantur, unde æstate demum anni 1599 illos libros Imperatori traditos esse discimus.

ad p. 25,³⁹] »Aftutam vapido . . .«: Pers. Sat. V 117 (cf. tom. I p. 59,¹⁶).

ad p. 26,³] »Omnia nunc . . .«: cf. Vergil. Georg. I 199 sq. (»sic omnia fatis in pejus ruere ac retro sublapsa referri«).

ad p. 26,⁶] Ovid. Trist. III 4,⁵ et 25.

ad p. 27,⁵] »Moriemur inulti«: Vergil. Æn. II 670, Horat. Sat. II 8,³⁴. — In sequentibus verba Danica sic vertenda sunt: »Atque is aliqua ex parte corrigit, si unquam Thule(?) viveret aut vixisset« — »Danice at være schulørit (i. e. dissimulare) nec recte audire et intellegere velle« — »Ita me adjuvet Deus«.

ad p. 28,²³] vid. tom. VI p. 317,²⁵ sq.

ad p. 33,¹⁰] Annum tropicum, quem Tycho æstimabat 365^d 5^h 48^m 45^s (tom. II p. 43,¹⁴), Alphonsus æstimaverat 365^d 5^h 49^m 16^s, cum præcessionem mediam æstimaret 26^{''}.⁴⁵; vid. Reinholdi *Theoricæ novæ Planetarum* (Parisiis 1558) fol. 163^v.

ad p. 35,⁴] Martini Everarti *Ephemerides novæ et exactæ ab anno 1590 ad annum 1610 ex novis tabulis Belgicis* (Lugd. Bat. 1597).

ad p. 37,³²] De Duncano Liddelio vid. tom. VI p. 321,³⁸ cum annotat. Quod tradit Cramerus (p. 38,⁴² sqq.) de iis, quæ Rostochii docuerat Liddelius, confirmat etiam Iohannes Caselius in epistula ad Iohannem Craigum data, quam præmisit Liddelii *Arti medicæ succincte et perspicue explicatæ* (Hamburgi 1608); hic enim Liddelium primum in Germania theoriam motuum cælestium secundum Ptolemæum et Copernicum docuisse ait; »neque non singulorum planetarum theorias adjunxit secundum tertiam hypothesin, cujus διατύπωσιν libro de ætheriis Phænomenis proponit Tycho«. De correctione quadam hypotheseos a Liddelio proposita vid. tom. VII p. 193,²⁰. Quod affirmavit Cramerus, indignans Liddelius negavit, qui scripsit »Responsionem D. Duncani ad calumnias Crameri, missam Tychoni anno 1600 una cum programme«. Hanc inter chartas Kepleri reperiri ait Ch. Frisch (Kepleri Opera I p. 227 sq.), a Tychone illi traditam, ut refutationem Ursi conscriberet. Inter easdem reperiri ait epistolam Liddelii ex anno 1587, ubi »Tychonis novæ hypotheseos« mentio fit (anno 1587 m. Jun. d. 24—29 et a. 1588 m. Jun. d. 7 Liddelium Hvenæ fuisse, e Diario meteorologico constat), ac præterea responsionem Tychonis datam Uraniburgi d. 14 m. Oct. a. 1587, e qua hæc verba affert: »Quod tam scite mentem meam imitatus es ex eis documentis, quæ cum mecum esses, solo colloquio adeptus es, congratulor. Rem videris acu tetigisse«. (Jam explicata sua de superioribus planetis hypothesi addit Tycho) »Nolim te eam pluribus communem facere, sed da operam, ut in Mercurio et Venere idem quod in tribus altioribus assequaris«. Has duas epistulas nos non vidimus.

De Tychonis insimulationibus in Liddelium vid. etiam hujus tomi pp. 57 et 185.

ad p. 38,²⁴] Verba Græca sunt Plutarchi (*Apophthegm. Græc. Pericl.* 3) et Aristotelis (*Eth. Nicom.* I 4 p. 1096 a 16).

ad p. 39,⁴²] cf. tom. VI p. 57,¹³; 72,⁵; 93,²³; tom. II p. 234 sqq.

ad p. 42,⁴] Teste Diario meteorologico a. 1592, non 1591 (d. 6 m. Jul.) Hvenam adiit Cramerus. Error est ipsius Crameri; vid. p. 42,³².

ad p. 43,²¹] Thaletis dictum notum non est; sed cf. Heracliti *fragm.* 101 a.

ad p. 43,²⁷] Theocrit. *Idyll.* 3,³¹.

ad p. 43,³³] Epicharm. *fragm.* 250 Kaibel; 13 Diels.

ad p. 44,¹] Nomen tantum subscripsit Tycho. Annotationes addidit Keplerus in margine, quas infra subiciemus, adjecta littera K.

ad p. 44,²²] »Quod ego sollicitate excusaveram in ipso libello« K.

ad p. 44,³¹] »Contra caput penultimum mei libelli, in quo nihil affirmative, omnia monendi causa cæteros« K.

ad p. 44,³³] Cum Ptolemæus eccentricitatem in duas partes æquales divisisset, ponendo centrum circuli deferentis in media distantia inter Terram et punctum æquans, Copernicus tres partes eccentricitatis circulo deferenti dederat, reliquum vero per epicyclum explicare conatus erat; quod idem efficit. Vid. Copernici *De revolut.* V 4 (p. 326 ed. secul.); Dreyer, *History of the Planetary Systems* p. 336.

ad p. 44,³⁶] »Hæc contra Ptolemæum, Copernicum, et si quis alius unquam artifex claruit« K.

ad p. 44,⁴¹] »Hinc discant summi artifices« K.

ad p. 45,⁸] »Quadringentis Alexandræ liberalitatis talentis redimendæ meo iudicio, ut ab interitu vindicentur, et in publicum exeant« K.

ad p. 45,¹⁹] cf. tom. VII pp. 130 et 291 sq.; tom. VI p. 236; tom. V p. 126.

ad p. 45,²³] »Matura editionem lucubrationum tuarum: dabitur opera conciliationi« K.

ad p. 45,²⁴] Veneris Apogæum posuit Ptolemæus (*Synt.* X 1 p. 299 Heiberg) pro A. D. 140 in γ 25°. Hoc servavit Copernicus (*De revolut.* V 20 p. 365 ed. secul.), longitudinem afferens 48° 20'; nam more suo a γ Arietis, cujus longitudinem Ptolemæus esse vult 6° 40', longitudinem numerat. Æquantis eccentricitatem Ptolemæus (X 2 p. 302 Heiberg) reperit 1° 15' ($e = 0.04166$), Copernicus vero 0.0350 (ibid. p. 369). Quod Tycho multo minorem eccentricitatem sese reperisse ait, »Hæc sunt pro me« addit K.

ad p. 45,³⁰] »Idem etiam per me licet et per libellum meum« K.

ad p. 45,³⁶] »Tycho, ut Terræ quietem relinquat, exiguam hypothesibus Copernici mutationem attulit« K.

ad p. 45,³⁸] »Quietem Solis, motum Terræ impugnat phyfice, nihil habet, quod astronomice obijciat« K.

ad p. 46,²] »Non est absurdum Deum in conditu tantæ molis demonstraße

suam omnipotentiam. Nec Deo mundus magnus est, sed nos mundo parvi. Hic unum habet, quod meæ pro Copernico argumentationi objiciat, scilicet imperfectam esse, quod comprehendat tantum secunda mobilia, omnia Sphæra fixarum, propter eius in Copernico infinitatem. Atqui, o Tycho, mundanæ formæ interest quiescens a mobilibus tanto intervallo abesse. Nam si una portione comprehendit Deus mobilia cum quiescente: cur illa moventur, hoc quiescit? Nonne ad normam motuum convenit distributam esse et quantitatem?« K.

ad p. 46,¹¹] »Quilibet se amat, sed hinc vide quanti faciat meam argumentationem« K.

ad p. 46,¹⁶] »Non quidem est prætereunda, sed tamen non est immiscenda mobilibus, in hac illis propria speculatione« K.

ad p. 47,¹] In libro *De Astronomicis Hypothesibus* (Pragæ 1597) Ursus epistolam Kepleri d. 15 m. Nov. a. 1595 ad se datam publici juris fecerat, in qua summam operis sui, quod vocatur *Mysterium cosmographicum*, quod tunc in manibus habebat, breviter exposuit. Quam epistolam iterum transcripsit J. E. Scheibel, *Einleitung zur mathematischen Bücherkenntniss* III p. 251 sqq. (Vratislaviæ 1787). Invenitur etiam inter Kepleri *Opera* I p. 218 sq.

ad p. 49,⁶] cf. hujus tomi p. 29,⁹.

ad p. 50,¹⁸] Hic versus (non tamen *strepit*, sed *fremat*) invenitur in effigie Tychonis a. 1597, dum Wandesburgi erat, picta, quæ fuit Hauniæ in bibliotheca regis Friderici III (vid. P. J. Resenii *Inscriptiones Haffnienses* p. 335), nunc duo ejus exstant exempla, alterum Oxonii in bibliotheca Bodleiana, ubi fuit inde ab anno 1752, alterum a. 1876 in Britannia inventum nunc asservatur in specula regia Edinburgensi.

ad p. 50,²³] Adscriptum est ante epistolam: »Exemplum literarum Rollenhagii, quas accepi in initio Maij.«

ad p. 51,⁶] Vid. Cicero *Ad fam.* V 12,³. De Socrate vid. Diog. Laert. II 21.

ad p. 52,¹⁰] Ad finem epistolæ post diem adscripsit Mæstlinus: »*Präsentirt von Straßburg* 29 Maij 98.«

ad p. 54,³⁶] In codice Monacensi, qui incipit p. 54,²⁵ et desinit p. 55,²³, annotationes inveniuntur a Keplero adscriptæ (vid. C. Anschütz, *Ungedruckte wissenschaftliche Correspondenz zwischen Johann Kepler und Herwart von Hohenburg* [Pragæ 1886] p. 32 sq.), quas hic subicimus: Ad v. 32. »Cum Mercator inter meridianum Hamburgensem et Græcensem 7° circiter gradus ponat, ergo hic incipere debuit h. 4° 42'. At ex Prutenicis tempus proditur hic h. 3° 45'. Differentia 57'. En fidem meæ observationis in appendice prognostici positæ.« — Ad v. 33. »Adeo attenuata eius lux est, ut tandem sub aquosis exhalationibus circa montes versantibus mihi evanuerit. Nam etiam propter minorem altitudinem poli citius mihi occidit quam illi, circa medium scilicet.« — Ad v. 36. »Additis 28', prodit tempus Græcenſe h. 10° 20'. Calculus prodit h. 8° 45'. Differentia: h. 1° 35'. Hoc rursus ad observationis meæ fidem pertinet.«

ad p. 55,⁴] Annotatio Kepleri: »Bene scopum attigit Tycho. Vidi medium, sed raptim inter nubes crebras. Videbatur esse 9 digitorum aut paulo plus, minus scilicet sub 47° gr. latitudinis, quia eclipsis borealis fuit. Hamburgi enim elevatio $53^{\circ} 35\frac{1}{2}'$.« — Conferantur autem, quæ de hoc calculo ipse disputat Tycho in epistula d. 9 m. Dec. st. n. a. 1599 ad Keplerum data (in hujus tomi p. 210, ubi per incuriam v. 12 pro 98 scripsit 99). Exstat calculus in codice H post observationes deliquii, nos vero eum, ut qui falsus sit, omisimus. Uraniburgi quoque deliquium observatum est; vid. tom. XIII et hujus tomi p. 124,³⁴.

ad p. 55,¹⁴] Annotatio Kepleri: »Idem et ego animadverti, Lunæ circulum angustiores circulo solari.«

ad p. 55,²²] Annotatio Kepleri: »Mæstlinus ad me scripsit, se idem iam pridem quoque animadvertisse, non tantum in eclipsibus, sed etiam quando Luna stellam aliquam tegetet.« Cf. tom. II p. 147,⁴⁻¹⁰; tom. V p. 183,²⁵.

ad p. 59,³¹] Conferatur epistula Tychonis d. 17 m. Sept. a. 1597 ad Ericum Sparre, vicecancellarium Sueciæ, data, quam in nostro tomo XIV afferemus.

ad p. 59,³⁹] Illa verba, quæ in epistulis inter Tychonem et Rosencrantzium commutatis uncinis quadratis inclusimus, litteris secretioribus scripta sunt, ita tamen, ut in eadem epistula pro unaquaque littera eadem semper substituta sit. In apographis vero, quæ sola nobis nota sunt, semper adscripta sunt verba, quæ debebant intellegi, et apographo epistolæ Rosencrantzii d. 7 m. Mart. a. 1599 datæ adjecta est scheda explicationem notarum continens.

ad p. 60,²²] Verba Danica: »Hoc æque bonum est ac cetera omnia; quando hujus pertæsum erit, aliam aliquam oblectationem invenient.«

ad p. 61,¹] Verba Danica: »Credat aliquis, Jutum eum esse.« Juti nempe res in majus extollere vulgo dicebantur.

ad p. 61,²⁸] cf. hujus tomi p. 56,³⁸ sqq.

ad p. 61,⁴²] vid. annotat. ad p. 35,⁴.

ad p. 64,²] *Ranzovianum Calendarium ad elevationem poli 55 Grad.* (Hamburgi in fol.) descriptum est in Kaestneri *Geschichte der Mathematik* II p. 413 sq. Quomodo rex Tychonis elegiam vidisset, etiam Scaligero elegiam mittens hic retulit (vid. *Danske Magazin* II p. 340 [Hauniæ 1746]), et post apographum elegiæ Monachi inter chartas Herwarti asservatum eadem relatio invenitur.

ad p. 64,³⁷] De tertio libro vid. tom. V p. 163 sqq. cum annotat. (p. 327).

ad p. 66,⁴²] vid. tom. V p. 151,²⁶ sqq.

ad p. 67,²] Verba Danica: »Tum videbitis, quam polite rem tractaverim; nam verum dicere non licet.«

ad p. 68,¹⁷] Verba Danica: »Sed jam in mundo eo res rediit, ut multum alicui boni faciat, qui nihil mali faciat. Utinam hoc tantum mihi in posterum contingat.«

ad p. 69,¹⁸] Pridie Ascens. Domini, i. e. 24. Maii.

ad p. 69,²²] Nomen tantum subscripsit Tycho.

ad p. 72,⁶] Nomen ejus, qui epistulam dedit, non invenitur in apographo; sed Rollenhagium fuisse patet ex epistula, quam attulimus p. 50 sqq.

ad p. 74,¹²] vid. tom. V p. 122,³²⁻³⁴.

ad p. 75,⁸] Vergil. *Æn.* II 351 sq.; 325 sq.

ad p. 77,¹] Nomen tantum subscripsit Hemmingius.

ad p. 79,²³] Prior versus pars ex Vergil. *Æn.* VI 129.

ad p. 84,⁸] Juvenis est Christianus Iohannis; vid. hujus tomi p. 102,¹³.

ad p. 84,²⁸] vid. Plutarchi *Themistocl.* 3,⁴.

ad p. 85,⁵] Euripidis *Hippol.* 612.

ad p. 85,²⁴] Annum tropicum æstimavit Tycho 365^d 5^h 48^m 45^s (tom. II p. 43,¹⁴), Alphonsus autem æstimaverat 365^d 5^h 49^m 16^s (vid. annotat. ad p. 33,¹⁰), Gelâled-dîn (Melik Shah) A. D. 1079 vel 365^d 5^h 48^m 53¹/₃^s, adjuvantibus viris doctis delectis, quibus præerat Omar el Chajjami (Scaliger, *Opus novum de emendatione temporum* [Lutetiæ 1583] lib. IV p. 196 B; 2. ed. [Lugd. Batav. 1598] p. 287 D. 728 A), vel 365^d 5^h 49^m 15^s, teste Ulugh Beg (F. K. Ginzel, *Handbuch der mathematischen und technischen Chronologie* [Lipsiæ 1906] I p. 301), vel 365^d 5^h 48^m 49^s (Sédillot, *Matériaux pour servir à l'histoire des sciences mathématiques chez les Grecs et les Orientaux* [Parisiis 1845] I p. 288), Ptolemæus denique 365^d 6^h subtracta trecentesima parte unius diei, i. e. 365^d 5^h 55^m 12^s (*Synt.* III 1 p. 208 Heiberg).

ad p. 85,²⁶] vid. Ptolemæi *Synt.* VII 2 p. 14 Heiberg. At hic non legitur 3° 30', sed 3° 3' Piscium (editio Latina 1515: »in tribus partibus piscis,« 1528 et 1551: »gradus 3.³ proxime«).

ad p. 85,²⁹] vid. Ptolemæi *Synt.* III 7 p. 257 Heiberg. At Solem ponit non in 3° 20', sed in 0° 45' Piscium (et sic etiam editiones Latinæ). In opere suo (lib. V p. 214 C ed. primæ) diem solum affert Scaliger (Feb. 26, feria quarta), addit vero: »in cuius meridie Sol quædam scrupula Piscium ingredi incipiebat, teste Ptolemæo«; hanc tamen additionem in secunda editione omisit (p. 368 C).

ad p. 85,³⁵] vid. Ptolemæi *Synt.* III 1 p. 203 sqq. Heiberg et annotat. ad p. 85,²⁴.

ad p. 86,³¹] Librum Ptolemæi *Φάσεις ἀπλανῶν ἀστέρων* edidit Petavius in *Uranologio* (Lutetiæ 1630), et invenitur etiam in ejusdem *Doctrina temporum* (tom. III, Antwerpiae 1703). Postea ediderunt Halma (tom. III, Parisiis 1819) et Heiberg inter Ptolemæi *Opera* (tom. II, Lipsiæ 1907).

ad p. 87,¹³] Ait Hesiodus (*Opp. et dies* v. 564 sqq.), ver incipere ab ortu acronychio Arcturi, quando post Solis occasum illa stella primum conspicitur, 60 diebus post solstitium hibernum. Hoc autem posuit Scaliger in d. 7—8 Jan. (»Epocha enim brumalis vetus erat in VII et VIII Januarii« *De emend. temp.* p. 385 B ed. sec., non in prima ed.); unde sequitur, ut Hesiodi tempore Arcturi ortus vespertinus in d. 8 m. Mart. ponendus sit. At ignoratur, quem annum respexerit Hesiodus, quod non certo constat, num proprio sensu accipiendus sit numerus 60, nec certius est, quantum tempus post Solis occasum Arcturus per crepusculum occultus fuerit. Illud vero nemo negabit, prave Scaligerum

solstitium posuisse in d. 7—8 Jan. calendarii Juliani, cum Hesiodus non ante annum 850 vivere potuerit, qua ætate solstitium erat in d. 29 fere Dec. cal. Jul.

ad p. 88,⁷] Adscripsit Rosencrantz: »Recepi 19 Auguſti Malmogiæ.«

ad p. 88,²²] Verba Danica: »Ceterum aliter promissum erat; si recte circumspicio, cancellarius alter cum altero colludit; nam corvus alter alteri oculum non effodit.«

ad p. 88,²⁸] Verba Danica: »Etiamſi aliquis pecuniam mihi addere vellet, ut fit in mutationibus.«

ad p. 90,⁶] Respicit librum Philippi de Marnix *De Byencorſ der H. Roomſche Kercke* (1569 et sæpius). Cf. p. 99,³².

ad p. 90,¹⁹] »Heu tam . . .«: Vergil. *Æn.* I 568.

ad p. 90,³¹] Verba Danica: »Ut tamquam fabula vesperi legi poſſit.« — In ſequentibus: »Fortaſſe vetus ille . . . non deſinet . . . antequam ex inferis exſurget et miracula faciet.«

ad p. 90,⁴¹] In margine apographi hæc addita ſunt: »al. manu: falſe reſpondet; λόγοι καθόλου κενοί, illi præfertim, qui abſque mundo philoſophari nequit.«

ad p. 91,⁴] Verba ſunt Horatii (*Carm.* III 3,7—8) nonnihil mutata.

ad p. 91,²⁸] Verba Danica: »Detrimentum et fenus addituros ſe eſſe.«

ad p. 92,⁵] »Ut pulchra . . .«: Vergil. *Æn.* I 75.

ad p. 93,⁸] Verba Danica: »Quomodo igitur Accius egeat?«

ad p. 93,²⁵] Verſus allati ſumpti ſunt e carmine, quod inſcribitur »Germania Daniæ ſorori«, quod Tychoni e Dania proficiſcenti ſcripſit »quidam nobilis Germanus«. Invenitur in compluribus collectionibus manu ſcriptis carminum Tychonis et ad illum ſcriptorum.

ad p. 93,³¹] Verba Danica: »Recte ſane reſ ſe haberet, ſi nemo hoc pejor eſſet.« — »Et magna gratia eſt hoc tempore.«

ad p. 94,¹¹] Verba Danica: »Si præclarus . . . etiamnum ſederet Auguſtæ in noſocomio inter mente captos, unde 18 coronis olim eum exſolvi . . . tam diu ibi ſedere deberet, quoad librum ex memoria recitare et fortaſſe devorare poſſet, ut ita ſanus fieret, antequam iterum eum exſolverem.« — V. 17: »omnes homines probi.«

ad p. 94,³¹] cf. *Iob* 21,7 ſqq.

ad p. 94,³⁸] Verba Danica: »Non recte de lucro gloriari oportebat, antequam mercatus habitus eſſet.«

ad p. 95,³] Verba Danica: »Jam enim tempus eſt de hominibus probis loqui et ceteros miſſos facere.«

ad p. 95,¹⁵] Verba Danica: »Ut quibusdam Danis imputari debet, ut ita vo-centur.« — Laudat Tychonis æquinoctiorum obſervationes Scaliger *De emend. temp.* p. 728 (ed. 1598).

ad p. 96,³] Verba Danica: »Credat aliquis, veſtratem eum eſſe« (i. e. Jutum; cf. p. 61,¹ cum annotat.).

ad p. 97,¹⁴] Verba »reliquos inglorius annos« pars sunt versus ipsius Tycho-
chonis (tom. I p. 14,⁴⁰).

ad p. 97,³²] cf. Taciti *Agric.* 42: »Proprium humani ingenii est odisse quem
læseris.«

ad p. 99,²⁰] cf. Ovidii *Trist.* I 3,¹⁶: »Qui modo de multis unus et alter erant.«

ad p. 99,³²] vid. annotat. ad p. 90,⁶.

ad p. 101,⁹] Vergilii *Georg.* IV 176.

ad p. 101,¹³] Scaliger *De emend. temp.* p. 728 D (ed. 1598) tabulam exscribit,
quam præbet Tycho tom. II p. 15,³².

ad p. 102,¹] Tria æquinoctia observaverat Ptolemæus, A. D. 132 Sept. 25 H.
2 P. M. (temp. med. Alex.), 139 Sept. 26 H. 7 A. M., 140 Mart. 22 H. 1 P. M., sed
omnia justo serius, primum 32^h 0^m, secundum 31^h 7^m, tertium 18^h 20^m. Error
igitur medius 27^h 9^m, qui respondet errori in Solis media longitudine 1° 7'.
Hæc causa est, cur in Ptolemæi catalogo longitudes stellarum uno fere
gradu vel paulo plus justo minores sint, ut jam perspexerat Laplace (vid.
Dreyer, *On the origin of Ptolemy's Catalogue of Stars, Second paper*, in
Monthly Notices of the R. Astronomical Society vol. 78 [1918] p. 343 sqq.).

ad p. 102,¹⁴] Respicit librum, qui inscribitur *Hipparchi Bithyni in Arati et
Eudoxi Phænomena Libri III* ed. Petrus Victorius (Florentiæ 1567). Recen-
tissima hujus editio est Caroli Manittii (Lipsiæ 1894).

ad p. 102,²¹] Tychohis tempore una sola editio Latina erat operis Albategnii,
quod vertit Plato Tiburtinus: *Alfragani Rudimenta astronomica, item Alba-
tegnii liber de motu stellarum* (Norimbergæ 1537). Nostris temporibus Ara-
bice et Latine edidit C. A. Nallino: *Al Battani sive Albategnii Opus Astro-
nomicum* (3 partes, Mediolani 1899—1907).

ad p. 103,²] Loquitur de illa, quam falso admittebant quidam, »trepidatione
æquinoctiorum«. Rejecit eam Tycho tom. II p. 255,⁴¹; at anno 1588, quando
scripsit verba tom. II p. 33,²² sqq., nondum rejecerat, etsi minoris, quam antea
solebant homines docti, eam æstimabat.

ad p. 103,³³] vid. annotat. ad p. 86,³¹.

ad p. 106,⁸] Hoc exemplum nunc Lugduni Batavorum asservatur (tom. III
p. 411).

ad p. 107,¹⁹] Ovidii *Fast.* III 111 sq. (cf. tom. IV p. 424,²⁴).

ad p. 108,¹⁰] Hoc loco hæc addunt duo codices Haunienses: »De patre eius,
qui adhuc superstes est, nec minus in Poësi excellit, tale quid sperare non au-
sim, ex quo nulla mihi cum eo per literas intercedit familiaritas, et graviori-
bus Reipub. negotijs magisque serijs studijs distineatur. A te, qui omnium op-
time poëses, tale quid sperare pudor vetat.«

ad p. 109,^{3—10}] Pro his verbis (»et aut . . . attenderit«) hæc præbent duo codi-
ces Haunienses: »Et si intellexero Illustres Bataviæ Ordines, liberalium artium
alias promotores liberales, hæc quæ tracto Astronomica exercitia hospitio
suo excipere et ijsdem competenter providere non averfatu-ros, isthuc ire to-

tumque Apparatum Astronomicum eo conferre non gravabor. Locutus est de his cum Illustrissimo Principe MAURITIO noster etiam TENGNAGLIUS, tum quoque BARNEVELDIO, qui se Ordinibus ea exposituros in se receperunt; præsertim vero MAURITIUS, cui duo illi libri, quos tecum nunc communico, tum quoque oblati sunt, qui etiam ad me admodum clementer et humaniter rescripsit, suamque operam in me promovendo addixit. Sed intellexi, te referente, illorum consilia lenta esse. Quare, si res ita ceciderit, ut illos animes atque promptiores hac in re tua adhortatione efficias (quemadmodum te facturum ultro recepisti) rogo.»

ad p. 109,¹⁷] Diem præbet 17 Aug. codex Monacensis; hic vero secuti sumus Haunienses; nam dies posterior 23 ille esse videtur, quo epistula ad finem perducta est.

ad p. 111,¹] In margine apographi hæc adscripta sunt: »At unde hoc divinare poterat?»

ad p. 112,⁴²] Horatii *Epist.* I 11,²⁷.

ad p. 113,³⁴] Verba Danica, quæ uncinis inclusimus, in margine adscripta sunt; sic autem interpretanda sunt: »Nisi ita res se habet, ut legem Juticam tenere — sive ipse retinere vis, quæ sunt promissa, ita ut alteri nihil eorum obtingat. Debebas utique certiores facere, ne frustra expectandum esset.»

ad p. 116,¹²] Theocrit. *Idyll.* 12,³⁻⁴.

ad p. 117,¹] Vergil. *Æn.* IV 481 sq. (»ubi maxumus Atlas axem humero torquet stellis ardentibus aptum«).

ad p. 117,⁵] Manilii *Astron.* I 41 sq.

ad p. 117,¹⁸] Sosigenes Ægyptius (i. e. Græcus Alexandrinus) ad calendarium reformandum Julio Cæsari opem tulit (Plinii *Nat. Hist.* XVIII 25,²¹¹). Quare »minus honorifice a quibusdam habitus« sit, nescimus. — »Deo duce et auspice Christo«: cf. Horat. *Carm.* I 7,²⁷.

ad p. 118,²⁵] De hac epistula cf. Ant. Favaro, *Ticone Brahe e la corte di Toscana* in *Archivio storico italiano* ser. 5, tom. III (Florentiæ 1889).

ad p. 120,²⁰] Nomen tantum subscripsit Tycho.

ad p. 120,³²] vid. tom. V p. 127 cum annotat. ad v. 23.

ad p. 124,³⁵] cf. tom. V p. 183,⁸ cum annotat.

ad p. 125,¹²] De negotio illo secreto cf. huius tomi p. 250. — Ad finem hujus epistolæ hæc adscripta sunt: »Te, eruditissime Domine Ioannes Ant. Magine, ego Melchior Iöftelius Dresdensis, Mathematicus Professor Wittembergenfis, officiose saluto«.

ad p. 127,⁴¹] »infringet dentem solido«: cf. tom. VI p. 336,¹; VII p. 340,³¹.

ad p. 128,⁹] Verba Danica: »æquumne sit tantum detrimentum frustra me accipere.«

ad p. 131,¹⁹] Charta apographi nonnullis locis lacera est.

ad p. 133,⁵] Partem hujus epistolæ exscripsit Petrus Gassendus (*Tychonis Brahei Vita* p. 183 sq. ed. Paris).

ad p. 137,²¹] Vergil. Georg. I 199 sqq.

ad p. 138,²⁶] »Me mortuo...«: Verba tragici alicujus Græci Græce affert Suetonius in *Vita Neronis* 38. — Versus sumpti sunt ex *Octavia* tragœdia (quæ fertur inter Senecæ tragœdias) v. 832 sq.

ad p. 139,¹⁷] cf. Paulus 1. ad *Tim.* 3,² sqq. ac paulo infra *Act. apost.* 4,³²; 2,^{42. 47}.

ad p. 141,¹⁸] Annus addi potuit, quia Henricum Rantzovium (p. 139,⁴¹ sqq.) d. 31 m. Dec. a. 1598 obiisse constat.

ad p. 141,¹⁹] In hac epistula edenda Hanschium solum sequi nobis licuit, quia non ut ceteræ ab illo editæ inter chartas Kepleri in codice Vindobonensi lat. 10702 reperitur.

ad p. 143,¹] Loquitur de Ursi libro, qui inscribitur *Fundamentum astronomicum* (Argentorati 1588), non de libello illo famoso *De Astronomicis Hypothesibus* (Pragæ 1597).

ad p. 144,³⁹] Epistula scripta est m. Februario a. 1599; nam d. 26 hujus mensis Mæstlino exemplum transscriptum misit Kepler (Kepleri *Op.* I p. 220).

ad p. 146,²¹] De observatione Saturni a. 1570 Augustæ Vindelicorum facta vid. tom. V p. 246,³⁰; 249,²⁸; 256,¹⁵; tom. X pp. 30 et 319.

ad p. 146,³⁵] Hagecii causa in hac epistula novum stilum sequitur Tycho, qui alias semper, donec Bohemiæ fines transgressus est, vetere utitur.

ad p. 148,⁹] vid. hujus tomi p. 136,³⁷.

ad p. 149,²¹] Data est hæc epistula d. 7 m. Mart.; nam Tychonis epistolæ d. 31 m. Dec. a. 1598 datæ adscripsit Rosencrantzcius: »Receptæ 27 Ianuarij. Respon. 7 Martij.« Eadem est epistula, quam »circa æquinocmium vernum« datam esse ait Tycho (p. 154,⁸).

ad p. 150,²⁶] Hæc est æquatio annua Lunæ; cf. hujus tomi p. 161,³⁷ et tom. II p. 101,⁴¹.

ad p. 152,⁷] cf. tom. II p. 235 sq.

ad p. 153,²⁴] Sumpta est epistula ex libro, in quem Bongarsius epistulas a se missas intulit.

ad p. 155,³⁵] Adscripsit Rosencrantzcius post inscriptionem: »Accepi 2 Augusti.«

ad p. 157,²⁰] vid. annotat. ad p. 351,³⁹.

ad p. 160,²³] Mercurium et Venerem suo lumine lucere contenderat Al Betrugi; vid. Alpetragii Arabis *Planetarum Theorica* (Venetiis 1531) fol. 21^r. Copernicus autem (*De revolut.* I 10 p. 26 ed. secul.) de iis, qui orbitas Mercurii et Veneris inter Lunam et Solem esse volunt, sic verba facit: »Non ergo fatentur (»fatemur« ed. prima sola) in stellis opacitatem esse aliquam lunari similem, sed vel proprio lumine vel solari totis imbuto corporibus fulgere, et idcirco solem non impediri, quod sit eventu rarissimum, ut aspectui solis interponantur, latitudine plerumque cedentes.«

ad p. 161,⁸] cf. tom. V p. 254 sq.

ad p. 161,¹⁹] cf. tom. II p. 121 sqq.; V p. 111,²⁷; XI p. 162.

ad p. 162,²²] vid. tom. V pp. 163 sqq. et 327.

ad p. 168,³⁸] Supplevimus collato p. 179,², ubi versus reperitur hexameter.

ad p. 170,⁶] »quæ meminiße . . .«: cf. Vergil. *Æn.* II 12.

ad p. 174,²²] cf. *Opus Palatinum de Triangulis* a Georgio Rhetico cœptum: L. Valentinus Otho consummavit (Neostadii 1596). Reperiuntur ibi tabulæ trigonometricæ ad decima quæque scrupula secunda supputatæ, positu sinu toto 10000000000.

ad p. 174,²⁹] Homeri *Iliad.* XIX 108; *Odyss.* IV 253 et sæpius.

ad p. 180,¹³] Qui Velleio in historico officio successit, fuit Nicolaus Cragius (cujus nomen pro »is« v. 11 substituit Casseburg et addunt in margine codices manu scripti), ipse quoque amicus Tychonis, quocum litteras sæpius commutavit. Nihil tamen aliud dicere voluisse Cragius videtur, quam cum obitu regis Friderici II (1588) historiæ suæ finem sese facturum esse. Ad v. 14 addunt in margine codices: »D. Petrus Severini.«

ad p. 180,¹⁶] Verba Danica: »Sæpe alter alteri bene facit, etiamsi male consulit, ac fraus ipsa sibi nocet.« — v. 27: »Fieri potest sine jactura.«

ad p. 185,³] De Duncano Liddelio vid. hujus tomi p. 37 sqq. cum annotat. ad p. 37,³².

ad p. 185,⁴¹] cf. tom. III p. 236,³⁴.

ad p. 189,²⁶] vid. Ovidii *Fast.* IV 169 sqq., quos versus affert Tycho tom. III p. 257,¹⁹⁻²⁸; cf. tom. II p. 320,²².

ad p. 190,⁶] Manu sua adumbravit Maginus.

ad p. 191,²⁰] Tota epistula ipsius Fabricii manu scripta est; caret autem die et subscriptione. Insuta est in observationum codicem H post observationes a Fabricio ad Tychonem missas, quarum ultimæ factæ sunt d. 3 m. Nov.

ad p. 191,²⁶] vid. tom. VI p. 79,¹⁹.

ad p. 192,³³] Ovidii *Fast.* III 394.

ad p. 195,²⁷] vid. tom. II p. 234 sqq.

ad p. 195,³⁷] vid. tom. II p. 237 sqq.; p. 246,³⁵; cf. tom. I p. XLVII.

ad p. 196,²²] Alibi (tom. V p. 269) ponit

$$\begin{array}{rcl} \text{Apogæum } \odot & \text{in} & 23^{\circ} 40' \Omega \\ \text{Lat. max. bor.} & \text{in} & 17 \quad 0 \quad \Omega \\ & & \hline & & 6 \quad 40 \end{array}$$

ad p. 196,³²] cf. tom. V p. 254,²⁸.

ad p. 197,²] Alibi (tom. V p. 255,¹⁵) limitem boreum $\frac{1}{2}^{\circ}$ ponit in $6\frac{1}{2}^{\circ} \Omega$.

ad p. 197,²⁰] Asraëlis, i. e. Al Zarkali (Latine Arzachel).

ad p. 197,²⁷] De Prophatio atque obliquitate Eclipticæ vid. tom. V p. 332 (annotat. ad p. 229,⁸).

ad p. 198,¹³] vid. tom. II p. 253 sqq. et annotat. ad hujus tomi p. 103,².

ad p. 198,²⁹] Tycho invenerat $365^{\text{d}} 5^{\text{h}} 48^{\text{m}} 45^{\text{s}}$; vid. annotat. ad p. 85,²⁴.

ad p. 198,⁴²] vid. tom. II p. 29 sqq.

ad p. 199,²⁰] De tabulis Tychonis Solis ac Lunæ cf. hujus tomi p. 162,⁶ et 173,³⁶. Inveniuntur in *Progymnasmatibus* (tom. II p. 46 sqq. et p. 102 sqq.), sed cum hæc epistula scripta est, nondum absoluta erat appendix de motu Lunæ.

ad p. 200,²⁵] »dum regnum Urania...«: cf. tom. V p. 104,²⁴ cum annotat. — Quod 10 vel 12 studiosos sese sustentasse contendit, numerum auxit fortasse (tom. V p. 109,²²: »accitis pluribus studiosis«).

ad p. 201,¹⁷] vid. hujus tomi p. 143,¹ cum annotat.

ad p. 201,²⁷] cf. tom. V p. 121,³⁴ cum annotat.

ad p. 201,³⁷] vid. tom. I pp. 297 sqq. et 318 sqq.

ad p. 202,³] Quæ leguntur ab hoc loco usque ad v. 28 (». . . inter alia«), omittit apographum Langebekianum, quod v. 28 pro »intellexi« præbet »Intellexi olim«; omittit etiam verba a v. 40 ad p. 203,²¹.

ad p. 202,¹⁰] Exemplum Mechanicorum coloribus pictum, quod Herwarto misit Tycho, nunc asservatur Monachi in Bibliotheca Universitatis.

ad p. 202,⁴¹] cf. J. Mayer, *Der Astronom Cyprianus Leovitius (1514—1574) und seine Schriften* (*Bibliotheca mathematica* ser. 3 vol. IV pp. 134—159). Additus est ad finem index novem librorum ejus manu scriptorum, qui nunc in Bibliotheca Vindobonensi asservantur, quorum plerique Georgio Fuggero dedicati sunt. Omnes e Tabulis Alphonsinis supputati esse videntur. Quæ vocantur »Tabulæ directionum resolutæ« sunt fortasse codex Vindobonensis lat. 10697.

ad p. 203,²⁴] Nomen tantum subscripsit Tycho.

ad p. 204,²⁰] vid. tom. VI p. 61,⁴¹.

ad p. 204,²³] vid. tom. VI p. 179 sq.

ad p. 204,³⁶] vid. tom. V p. 121,³⁴ cum annotat.

ad p. 205,³¹] Hic primum disertis verbis asserit Tycho, anno 1584 systema a se inventum esse; cf. tom. IV p. 156,¹ cum annotat.; tom. V p. 115,¹⁰; tom. VII p. 130,³⁴; p. 199,³².

ad p. 206,³] cf. hujus tomi p. 37 sqq.

ad p. 206,³⁸] Franciscus Patritius edidit librum, qui inscribitur *Nova de Universis Philosophia libris L comprehensa* (Venetiis 1593). Terram singulis diebus circumvolvi ille quidem concedit, at motum ejus rejicit, ac Tychonem sphæras solidas esse arbitratum esse, inepte contendit. Cf. Kepleri *Apologia Tychonis contra Ursum* (Op. I p. 247).

ad p. 210,¹²] Pro 99 scribendum fuit 98. Erravit ipse Tycho vel ejus amanuensis.

ad p. 210,²³] Hoc deliquium Hvenæ observatum est; vid. hujus tomi p. 54,³⁴ et p. 124,³⁴.

ad p. 210,²⁸] Crameri epistula ad Rosencrantzium reperitur in hujus tomi p. 37 sqq.

ad p. 210,³⁷] Hoc testimonium Michaelis Walteri, scribæ Erici Langii, affinis Tychonis, editum est inter Kepleri *Opera* I p. 230 sq., ubi pro »Buig-

holm(?)« legendum est »Bygholm«, quæ arx erat regia prope Horsnesiam in orientali Jutia sita, cujus præfectus erat Ericus Langius. Quomodo Hvenæ se gesserit Ursus, Tycho ipse narrat tom. VII p. 322.

ad p. 211,^{1]} Epigrammata edita sunt ab Hanschio inter Kepleri epistulas p. 117 sq. et in nostro tomo IX locum tenebunt.

ad p. 214,^{19]} Rex Poloniæ erat Sigismundus III (1587—1632), nepos Gustavi, regis Sueciæ, e gente Vasa. Regnum Sueciæ hereditate accepit a. 1592, sed cum fidei catholicæ faveret, patruus ejus Carolus procurator regni creatus est. Sigismundus autem, postquam armis regnum obtinere frustra conatus est (1598), in Suecia potestate regia expulsus est (1600), tandem vero Carolus (numero IX) rex creatus est (1604—1611).

ad p. 215,^{10]} Nomen tantum subscripsit Tycho. Ad quem scripta sit epistula, ex ipsa non patet; si vero v. 22 cum tom. VII p. 327 sqq. comparatur, res manifesta fit.

ad p. 216,^{15]} Tota epistula, quam expressimus, ipsius Riddershusii manu scripta est.

ad p. 221,^{23]} Ipsius Henniochi manu.

ad p. 222,^{18]} Nomen tantum subscripsit Tycho.

ad p. 224,^{33]} cf. tom. II p. 25,^{10]}; tom. V p. 221,^{2]}.

ad p. 224,^{35]} cf. tom. V p. 226,^{15]}.

ad p. 226,^{14]} Adumbravit amanuensis Tychonis.

ad p. 228,^{21]} »Nobis hæc otia fecit«: Vergil. *Ecl.* 1, ^{6]}.

ad p. 229,^{1]} Adumbravit amanuensis Tychonis; partem epistolæ exscripsit Maginus in *Tabulis Primi Mobilis*.

ad p. 229,^{16]} Hinc usque ad p. 230,^{29]} omisit Maginus; quare desunt etiam apud Antonium Favaro, *Carteggio* p. 418.

ad p. 229,^{39]} cf. Horat. *Epist.* I 1,^{32]}.

ad p. 230,^{7]} Manilii *Astron.* I 41 sq.

ad p. 230,^{18]} Cancellarius erat Christianus Friis, Aulæ magister Christophorus Walkendorf. Quod tam severe de iis judicat Tycho, memoria tenere oportet, nobis non licere alteram partem audire.

ad p. 232,^{10]} Ipsius Felsi manu.

ad p. 234,^{1]} Adumbravit amanuensis Tychonis.

ad p. 236,^{24]} Adumbravit amanuensis Tychonis.

ad p. 238,^{1]} Adumbravit amanuensis Tychonis. De Bochazio cf. tom. V pp. 228 et 331.

ad p. 239,^{23]} Pars horum Postscriptorum exscripta est inter Kepleri *Opera* VIII p. 715, ubi dies indicatur 20 Jan., ut in epistula, quæ sequitur.

ad p. 240,^{26]} Adumbravit amanuensis Tychonis. Ad quem scripta sit epistula, non patet; licet suspicari, fuisse Johannem Barvitium.

ad p. 242,^{1]} Nomen tantum subscripsit Tycho.

ad p. 244,^{16]} Adumbravit amanuensis Tychonis.

ad p. 246,^{1]} Nomen tantum subscripsit Tycho.

ad p. 247,^{22]} Ipsius Hoffmanni manu. Edidit et lucis ope expressit Fr. Burckhardt, *Zur Erinnerung an Tycho Brahe 1546—1601 (Anhang zum dreizehnten Bande der Verhandlungen der naturforschenden Gesellschaft in Basel. 1901)*.

ad p. 248,^{26]} Adumbravit amanuensis Tychonis.

ad p. 250,^{7]} Adumbravit Maginus ac postea publice edidit in *Tabulis Primi Mobilis*; ulterior tamen epistolæ pars a p. 253,^{34]} in his solis reperitur.

ad p. 251,^{5]} Respicit *Herone Alessandrino degli Automati overo Machine se moventi. Libri due tradotti dal Greco da B. Baldi* (Venetiis 1589). Rectius igitur scripsisset Maginus »se moventibus«. Baldi *Vite di matematici* numquam integræ editæ sunt. Epitome sola edita est in *Cronica de' matematici overo epitome dell'istoria delle vite loro. Opera di Bernardino Baldi* (Urbini 1707). Præterea 13 vitæ Arabum editæ sunt in *Bullettino di bibliografia e di storia delle scienze matematiche e fisiche* (ed. Boncompagni) V p. 427 sqq., 52 vero vitæ Italorum ibid. XIX p. 335 sqq.

ad p. 252,^{14]} cf. Tychonis responsio in hujus tomi p. 394 sqq.

ad p. 254,^{9]} vid. Ptolemæi *Synt.* VIII 6 p. 198 sqq. Heiberg (de stellis fixis) et XIII 7 p. 590 sqq. (de planetis).

ad p. 254,^{21]} Adumbravit amanuensis Tychonis.

ad p. 256,^{13]} Adumbravit amanuensis Tychonis. Scripta est fortasse epistula ad Johannem Barvitium.

ad p. 257,^{15]} Adumbravit amanuensis Tychonis. In eodem codice (foll. 28—29) prius invenitur exemplum, quod paululum ab hoc differt et datum est d. 4. Martii.

ad p. 257,^{29]} vid. hujus tomi p. 136 sq. Inde perspicuum est, ad Corraducium scriptam esse hanc epistolam; nam nomen deest.

ad p. 259,^{10]} Adumbravit amanuensis Tychonis. Cui viro nobili hic et p. 261 Tegnagium commendet, divinare non possumus.

ad p. 261,^{1]} Adumbravit amanuensis Tychonis.

ad p. 261,^{39]} Epistula Tychonis ad Scaligerum data invenitur in hujus tomi p. 151 sqq.; altera (p. 262,^{10]}) in hujus tomi p. 187 sqq.

ad p. 263,^{4]} Scaligeri *De æquinocriorum anticipatione diatriba, nunc primum edita*, prodiit demum Lutet. Paris. a. 1613, licet Lalande (*Bibliographie astronomique* p. 110) priorem editionem anni 1580 fuisse contendat. At in secunda editione *Operis de emendatione temporum* (1598) p. 266C—267D miras suas opiniones adumbraverat Scaliger: »Stella illa, quæ est in cauda Cynosuræ, a veteribus credita est esse polus mundi arcticus: neque immerito. Nunquam enim nobis moveri ne minimum quidem videtur.« Maginus autem edidit *Confutationem diatribæ Ios. Scaligeri de æquinocriorum præcessionem* (Romæ 1617).

ad p. 264,^{26]} Ipsius Franzii manu.

ad p. 265,¹¹] Dominica Lætare est quarta Quadragesimæ, illo anno d. 2 Mart. st. vet.

ad p. 265,¹⁷] Ipsius Monavii manu.

ad p. 266,⁴¹] cf. *Deuteronom.* 30,²⁰; *Act. apost.* 17,²⁸ (ubi Aratus respici videtur).

ad p. 267,¹¹] Ipsius Melissi manu.

ad p. 268,¹⁷] In oda Crameri (quæ in exemplis satis multis inter chartas Tychonis exstat) inveniuntur hi versus: »Parumne quod Turcûm poples Pannoniæ | jacere pulvillis amat?« et »Indulge clemens hospiti«.

ad p. 268,²²] Ipsius Fischeri manu.

ad p. 269,⁹] Lucretii *De rerum natura* III 1031.

ad p. 269,³²] Vergil. *Æn.* VI 129 sq.

ad p. 269,³⁸] Versus Fischeri (hi quoque inter chartas Tychonis) tales sunt: »Dum mare velivolum, tellus dum stabit, et axe | volventur astra cœlitus gemino aurea.«

ad p. 272,¹] Post ea, quæ inter Keplerum et Tychonem acta sunt (vid. annotat. ad p. 297,³⁶) hoc fragmentum epistolæ addidit Kepler, his suprascriptis: »Copia partis literarum Tengnaglii ad Tychonem.« Dies non certo constat.

ad p. 273,³⁷] Verba Danica: »Ita mihi nunc huc relatum est.« — Verba sequentia »Hinc . . . resignare« in margine adscripta sunt; antea autem hæc scripta fuerunt, quæ deleta sunt: »*ligesom thillforn udi Danmarch i Kong Frederichs thiid* (i. e. sicut antea in Dania tempore regis Friderici), licet hic Cæsar satis fit taciturnus, et libenter ferat admonitiones utiles, bona intentione secrete indicatas. Ideoque clementiſſime cupit, ut subinde illi scribam, nec licet cuipiam confiliariorum meas resignare literas, quod tamen alias ut plurimum ipsis licet. Existimant superſtitioſi homines me Astrologicis significationibus occupari, ideoque multa eorum, quæ eveniunt, a me præviſa ſomniant, cum ego graviora certioraque moliar: ego vero tales ineptias rideo.«

ad p. 274,³⁵] Epigrammata illa sunt, quæ edidit Hanschius inter Kepleri epistulas p. 118; cf. hujus tomi p. 211,¹ cum annotat.

ad p. 275,¹¹] vid. hujus tomi p. 50,¹⁸ cum annotat.

ad p. 276,¹³] Michaelides (Danice *Mikkelsen*) videtur esse Ioannes M., rector scholæ Soranæ.

ad p. 277,¹²] Ovidii *Art. amat.* II 13; cf. tom. IV p. 420,¹⁵ et hujus tomi p. 289,³.

ad p. 281,³] »Multa cadunt . . .« : notum proverbium Græcum: πολλὰ μεταξὺ πέλει κύλικος καὶ χεῖλεος ἄκρου.

ad p. 283,¹⁴] Charta illa est, quam exscripsimus p. 284,³¹—286,²⁶.

ad p. 284,³¹] In ejusdem codicis fol. 87 prius invenitur exemplum hujus relationis.

ad p. 286,²²] *Psalm.* 18,².

ad p. 288,²²] Scripta videtur hæc epistula ad Christophorum Sturcium; cf. hujus tomi p. 375 sq.

ad p. 289,^{3]} Ovidii *Art. amat.* II 13.

ad p. 289,^{10]} Scriptam esse hanc epistulam ad Christophorum Henniochum, perspicere licet ex hujus epistula p. 221 sq. allata.

ad p. 291,^{36]} Verba supra allata sunt p. 213,¹⁴ sqq.

ad p. 292,^{38]} Dies est 1 Apr. st. nov.

ad p. 293,^{1]} Ex libro, in quem Herwartus epistulas a se missas intulit.

ad p. 295,^{29]} Hæ observationes eclipsium annorum 1581—1600 inter observationes Tychonis annorum 1600—01 in codice I (Haun. Ant. Coll. Reg. 318 in 2°) insutæ sunt (fol. 157). Adjectæ sunt annotationes Tychonis.

ad p. 296,^{1]} Hoc Kepler declarasse videtur inter colloquia, quæ eo ipso die, 5 Apr., cum Tycho habuit, eo consilio, ut conditio ejus inter socios Tychonis certo definiretur (cf. Kepleri *Opera* VIII pp. 721—725). Tum vero nihil confectum est, et postero die Kepler Benachiam reliquit.

ad p. 297,^{1]} Edita est hæc epistula inter Kepleri *Opera* VIII p. 728 sq.

ad p. 297,^{37]} Sequitur in codice (foll. 126a—127) explicatio »Quibus conditionibus in Tychonis gratiam in Bohemiam cum uxore concedere cogitem« (Kepleri manu; edita est inter ejus *Opera* VIII p. 723 sqq.); adjectæ sunt ad unumquodque caput annotationes Tychonis (fol. 128^r; Kepleri *Opera* VIII pp. 725—727).

ad p. 298,^{1]} Pars hujus epistolæ edita est inter Kepleri *Opera* VIII p. 728.

ad p. 300,^{1]} Ex libro, in quem Herwartus epistulas a se missas intulit.

ad p. 301,^{1]} cf. Ant. Favaro, *Ticone Brahe e la corte di Toscana*.

ad p. 302,^{27]} Io. Virdungi Hasfurdii *Tabulæ resolutæ* prodierunt Noribergæ 1542 (in 4°). Folia sunt 62, quorum 41 »Canonem« continent. Sequitur in foll. 42—44 Catalogus Stellarum ad annum 1526 ex Alphonso verificatarum. Denique *Tabulæ*, quarum numeri sunt Alphonsi; Anni collecti sunt 1508, 1528, 1548 usque ad 1628.

ad p. 302,^{30]} Copernici *De triangulis* liber prodiit Wittebergæ 1542 et receptus est in opus *De revolut.* I 13.

ad p. 304,^{23]} Quomodo verba »magni sunt roboris« cum antecedentibus conjungenda sint, dubium est.

ad p. 305,^{30]} Edita est hæc epistula inter Kepleri *Opera* VIII p. 729 sq. Hac scripta in gratiam cum Tycho rediit; cf. hujus tomi p. 324.

ad p. 309,^{15]} Hoc exemplum »Stellarum inerrantium restitutionis« nunc est codex Vindobonensis lat. 10705.

ad p. 311,^{1]} Nomen tantum subscripsit Tycho. Edita est epistula inter Galilæi *Opera* X p. 79 (ed. nat.).

ad p. 313,^{7]} Fieri potest, ut pro »4 die« rectius legatur »9 die«; cf. hujus tomi p. 350,³⁸.

ad p. 313,^{39]} De exemplo »Stellarum inerrantium restitutionis« cf. tom. III p. 411. — Batavus, de quo loquitur, est Will. Janson Blaev, qui Hvenæ fuerat hieme annorum 1595—96.

ad p. 318,^{11]} Ipsius Bongarsii manu.

ad p. 319,^{2]} Scripta est fortasse ad Rudolphum Corraducium.

ad p. 323,^{34]} Horatii *Epist.* I 1,³².

ad p. 324,^{5]} Utrumque exemplum, alterum inter Kepleri, alterum inter Ty-
chonis chartas, sigillo instructum et Tychonis manu subscriptum est. Cf.
Kepleri *Opera* VIII p. 730 sq.

ad p. 325,^{5]} Ipsius Monavii manu.

ad p. 327,^{1]} Ipsius Rollenhagii manu.

ad p. 330,^{18]} Papa est oppidum Ungariæ, 100 fere km ab occidentali parte
Buda-Pestini.

ad p. 332,^{13]} »Trahit sua quemque voluptas«: Vergilii *Ecl.* 2,⁶⁵.

ad p. 333,^{23]} Martial. *Epigr.* VIII 18,¹⁰ (cf. tom. VI p. 26,¹⁴).

ad p. 335,^{1]} Schedæ illius transscriptio reperitur in Diplomatario Lange-
bekii cum epistula conjuncta; continet vero has duas epistulas.

DEM DURCHLEUCHTIGENN HOCHGEBORNEN MATTHIASENN ERTZ-
HERZOGENN ZU OSTERREICH HERTZOGENN ZU BURGUNDT,
STEYER, KHÄRNDTEN, CRAIN VNND WIERTTENBERG,
GRAUEN ZU TYROLL, VNTERM FREUNDTLICHEN
GELIEBTEN BRUDER VNND FÜRSTENN.

RUDOLFF.

DURCHLEUCTIGER, was ann vnß FRIDERIGH ROSENKRANTZ, in
dem das wir seinn Perfohn Eur: L. zu ainnen auffwartter oder andern
weitern Befurderung jhn kriegsdiensten reccommendirn wollen, vnderthenig
gebetten, das vornehmenn Sy ob der beylag mit mehrenn Inhallt.

Die weil ehr vnß dan danebenn inn ander weg auch commendirt wirdet,
vnd wir also jme ganz gernn wilfarth sehenn woltenn, alß ersuchen wir Eur:
L. hiemit freundt: vnd bruederlich gefinnet, Sy wollen jne gedachtenn RO-
SENKRANTZ auff sein geburliches anmeldenn, so er mit diesen thuen wirdet,
inn guetenn beuelch nehmenn, vnnd ohne beschwar auff mittell gedenchenn,
wie Sy denne auff ain oder den andern weeg zu ainer stöll vnd vnderhalt
nach gelegenheit seiner Perfohnn vnnd Stands befurdernn muegenn, Alß jhme
dan Eur. L. wol zuthuenn wissenn. Vnd sein wir derselbenn mit brueder-
lichenn Huldenn vnndt allenn guetenn fordere wollgnaigt.

Gebenn Pilsenn denn 24. May 1600.

DEM WOLGEBORNENN HERNN, HERN OCTAUIO CAURIANO, HERN
ZU ENSISFELDT, RÖM. KEY. MAY. CAMMERER, VNND HAUPTMAN ZU
HUNGERISCHEN ALLTENBURG, AUCHERL. DURCHL. ERSHERTZOGEN
MATTHIASENN ZU OSTERREICH RATH, CAMMERERN VNND OBRS
STALMEISTERN, MEINEM SONDERGROSSGUNSTIGEN HERNN.

WOLGEBORNER großgunstiger Herr, Demselbenn seyenn mein gantz-
willig geflißene Dienst, besten Vermögens zuuor.

Vnnd nach deme von der Rom^{en} Key^{en} May^{tt} vnsernn allergnedigstem HERN
an die Fürstl. Dhl. Ershertzog MATTHIASENN zu Osterreich weiser dis FRI-
DERICH ROSENKRANTZ (alß der sich inn Hungernn, wiedern Erffeindt ge-

mainer Christenheit zuuerfuchen begerett, auch sonstenn eines ansehnlichen fürnehmen geschlechts inn Dennemarchk vnnnd so wohl inn derselben, alß Deutschenn, Hispanischen, Welschenn vnnnd françösischen Sproch, zimlich erfahrn ist) intercedendo gnedigt verschriebenn, diese Perfohn auch mir von guetenn Orth meliori nota recommendiert wordenn, alß habe ich dern zu meinen großgunstigen Herrn tragenden dienstlichenn affection Nötth nicht vmbgehenn muegenn, Jhme ROSENKRANTZ hiemit dem Herrn inn gleicher vnnnd bester form zurecommendieren, Geburnths vleiß hochlich bitten, Er wolle demselbenn vmb meinet willenn, zu allenn denne in ganz guetenn beuelch haben, Was ferner beschehenn werdet muegenn, vnnnd Jhme zu seiner verhoffenden Befurderung geraichen kan. Allermaßen er ROSENKRANTZ sein vorhaben oder Intent selbst melden werdet, daß erkenne vnd verdiene ich dergestaltt inn aller möglichkeit, alß obß mihr oder denn mienign selbs bewissen worden wehre. Meinen großgunstigen Herrenn demnach inn schutz des almechtigen, vnnnd denselben mich zu allenn gunstenn gleichffals beuehlenn. Datum Pilsenn denn 25 May 1600.

RUDOLPHUS CORADUCIUS,
Imperij Procancellarius.

ad p. 335,¹⁵] Edidit Gassendus in *Tychonis Brahei Vita* p. 202 ed. Paris.

ad p. 336,¹] Ipsius Oswaldi manu.

ad p. 337,¹] Ipsius Braschii manu.

ad p. 337,²⁵] Varadinus cognomen erat Melchioris Rhederi. — In margine adscripta sunt, quæ in ima pagina posuimus.

ad p. 339,¹⁰] Nomen tantum subscripsit Winshemius.

ad p. 340,¹³] Nomen tantum subscripsit Tycho.

ad p. 343,¹⁰] Charta jam eo tempore lacera erat, cum epistolam Hanschius transscripsit.

ad p. 343,³⁵] Mortuus erat Ursus d. 15 m. Augusti. Verba »iam antea« (v. 32) commentationem quandam respicere videntur a Keplero mense Martio a. 1600 Herwarti in usum scriptam, ubi hæc leguntur: »Io. Kepleri Judicium de hypothesibus Tychonianis, quas quidem Nicolaus Ursus Dithmarsus sibi arrogare præsumit, aut si id apud cordatiores obtinere non posset, ut saltem Tychonis inventum non esse, sed ex Martiano Capella, Copernico aut Apollonio Pergæo desumptum fidem faceret (cod. Vindob. lat. 10689¹; cf. Kepleri Opera I p. 281 sqq.).

ad p. 344,¹⁶] Tychone monente »Apologiam Tychonis contra Ursum« Kepler conscripsit, ubi neque Apollonium neque quemquam alium Tychonis systema proposuisse demonstrat, ut contenderat Ursus. Neque tamen publice edita est, antequam inter Kepleri Opera I pp. 236—276 edidit Frisch. Cf. annotat. ad p. 343,³⁵.

ad p. 344,¹⁸] Nomen tantum subscripsit Tycho. Adjecit in margine Herwartus annotationes nonnullas, quas nos omisimus.

ad p. 345,²⁶] Mirum est, quod æquationem Lunæ annuam Tycho hic ponit 10', quæ veræ æquationi (11' 10'') proxima est. Nam in theoria Lunæ satis habet peculiarem æquationem temporis introducere, quæ veræ longitudinis

Lunæ correctioni $4'.5$ per sinum anomalïæ Solis multiplicatorum respondet, ita ut vix dimidiæ partis veræ æquationis annuæ rationem reddat. Sed ita se res habet, ut pluribus »circellis« adhibitis theoriâ Lunæ impeditiorem reddere nollet. Vid. tom. I p. LIII et tom. II p. 102, et cf. Kepleri *Opera* III p. 28 et VIII p. 627.

ad p. 345,³⁹] De Regiomontis longitudine cf. tom. V p. 310,⁸ et p. 312,³. A Regiomonte Borussïæ longitudes terrestres indicant Tabulæ Prutenicæ, e. g. Londini Angliæ $1^h 50^m$ (debuit esse Grenovici $1^h 22^m$), Lutetiæ Parisiorum $1^h 35^m$ (rectius $1^h 13^m$). Numeri $46^\circ 45'$ ($= 3^h 7^m$) apud Reinholdum non inveniuntur, sed ab Insulis Fortunatis, ut tum mos erat, longitudo numerata esse videtur.

ad p. 346,³] De longitudinibus Romæ et Cracoviæ cf. tom. V p. 310,¹⁷ et 22.

ad p. 346,¹³] De altitudine poli Regiomontis cf. Tychonis annotatio tom. X p. 348.

ad p. 347,³⁵] vid. tom. II p. 282; tom. VI p. 73,³⁰; p. 106,³⁵; p. 143,²⁰.

ad p. 348,²³] vid. tom. II p. 411 sqq.

ad p. 350,³²] vid. hujus tomi p. 305,¹⁷ sqq.

ad p. 351,³⁹] Respicit versus carminis, quod inscribitur *Consolatio ad Liviam*, 405 sqq.:

Sidera quin etiam cælo fugisse feruntur,

Lucifer et solitas destituisse vias:

Lucifer in toto nulli comparuit orbe,

Et venit stella non præeunte dies.

Hoc enim carmen inter Ovidii carmina nobis traditum Albinovano Pedoni ascripsit Iosephus Scaliger in editione Vergilii Appendicis (Lugduni 1573); nobis auctor illius non constat. Edidit nostris temporibus inter alios F. Vollmer inter *Poetas Latinos minores* II 2 (Lipsiæ 1923). Sed mirum est, quod Scaligero de hac re a Tychone interrogato hi versus in mentem non venerunt (vid. hujus tomi p. 263,⁴⁰).

ad p. 352,²³] Mortuus erat Ursus d. 15 m. Augusti; at nihilo minus de actione juridica contra librum ejus Tycho desistere noluit; hæc est »aliqualis necessitas«, de qua loquitur v. 29.

ad p. 354,⁹] Liber est *Geographica*, quæ edidit David Hœschel (Augustæ Vindelicorum 1600). Scylacis Caryandensis mentionem faciunt Herodotus (IV 44) et Strabo (XII 4,⁸ p. 566; XIII 1,⁴ p. 583; XIV 2,²⁰ p. 658). Alius est Scylax Halicarnassius, cujus meminit Cicero (*De div.* II 42,⁸⁸) quamquam hos duos confudit Suidas (s. v. Σκύλαξ). Ceterum liber, qui fertur, Scylacis, neutrius horum fuisse videtur.

ad p. 354,¹²] Ipsam epistulam expressimus ab Herwarto missam.

ad p. 354,³⁵] Totam Kepleri epistulam in codice Monacensi 1607 asservatam edidit C. Anschütz (*Ungedruckte wissenschaftliche Correspondenz zwischen Johann Kepler und Herwart von Hohenburg* [Pragæ 1886] pp. 34—53).

ad p. 355,²⁹] cf. verba Kepleri, quæ attulimus ad p. 343,³⁵.

ad p. 355,³⁰] Hæc verba in ipsa epistula intra delineationes locum tenent.

ad p. 356,⁴⁰] Hæc verba in margine addita sunt.

ad p. 359,¹⁰] Loquitur de supplicio, quo Lincopiæ affecit nobiles homines Suecos dux Carolus (vid. hujus tomi p. 378,³¹ sqq.).

ad p. 359,¹⁵] Charta illa est, quam exscripsimus p. 284 sqq.

ad p. 360,¹³] Nitide descripta est epistula, quam expressimus, et ab ipso Tychone subscripta, sed non missa.

ad p. 366,¹] Nitide descripta et nomine Herwarti subscripta est epistula Basileæ asservata; exemplum in codice Monacensi, quod inscriptione et subscriptione caret, adumbravit ipse Herwartus.

ad p. 366,¹³] Liber est *Luminarium et motus planetarum Tabulæ LXXXV, omnium ex his qui Alphonsum sequuntur, quam faciles, auctoribus Ioanne Blanchino, Nicolao Prugnero et Georgio Purbachio* (Basileæ in fol.).

ad p. 368,³⁴] Canisium nunc est Nagy Kanizsa Ungariæ, non procul a lacu, qui vocatur Balaton.

ad p. 375,²⁰] Nomen tantum subscripsit Sturcius.

ad p. 377,¹ et p. 379,¹⁶] Ipsorum Bacmeisteri et Braschii manu.

ad p. 382,⁷] Lacerum est folium, at ex folio 152^r, quod adumbrationem continet priorem, supplevimus, quæ in fol. 153 desunt.

ad p. 383,¹] Ipsius Kepleri manu (cf. Kepleri *Epistolæ* ed. Hansch p. 123 sqq.).

ad p. 386,³] Homeri *Iliad*. XIII 99 et sæpius; V 725 et sæpius.

ad p. 386,¹⁴] Liber est Francisci Vietæi *Opera mathematica, in quibus tractatur Canon mathematicus seu ad triangula* (Londini apud Franciscum Bouvier 1589). Sed in hac editione nova tantum adjecta est inscriptio editioni priori, quæ sine auctoris nomine prodiit Lutetiæ 1579 (*Canon mathematicus seu ad triangula. Cum Adpendicibus*). Hujus editionis omnia exempla, quæ nancisci potuerat, deleuit Vietæus, quia multos in ea errores deprehenderat. Itaque nunc raro occurrit, sed rarior etiam esse videtur editio Londinensis, cujus nullus scriptor eorum, qui artium mathematicarum historiam tractant, mentionem facit. In bibliotheca tamen Bodleiana Oxoniensi utraque editio reperitur. De rebus, quæ in eo libro tractantur, vid. *Abhandlungen zur Geschichte der Mathematik* IX pp. 217—240.

ad p. 387,⁷] Homo quidam incerta fata quærens, Antonius sive Ammonius Sherley (sive Shirley), natione Anglus, qui a. 1599 in Persia versatus erat, ab Abbate, Persarum rege, legatus ad nonnullas Europæ civitates missus est. Mense Februario a. 1601 Pragam reliquit, ut per Italiam in Persiam revertetur, comitante filio Tychonis natu majore (vid. hujus tomi pp. 394, 398, 418), at ultra Italiam ei non contigit ut perveniret.

ad p. 387,⁴¹] Ab hoc loco (»Etsi...«) usque ad p. 388,⁸ (»...dubium«) verba in codice deleta sunt; at propter voc. »postmodum« (p. 388,⁸⁻⁹) iis carere non possumus.

ad p. 388,⁵] De libello, qui inscribitur *Icones instrumentorum*, cujus nunc duo tantum exempla (in bibliothecis Vratislaviensi et Vindobonensi) exstare videntur, vid. tom. V p. 317 sq. et tom. VI p. 367.

ad p. 389,² et p. 390,⁷] In codice non indicatum est, ad quos hæc epistolæ datæ sint.

ad p. 392,¹⁹] cf. tom. III p. 322,¹⁴.

ad p. 393,²⁰] Libri sunt Ioannis Angeli *Astrolabium planum in tabulis...* (Augustæ Vindelicorum 1488 ac postea Venetiis 1494, 1502, 1594) et *Tractatus de Cometis...* per Iacobum Angeli de Ulma, qui prodiit sine indicatione loci et anni, teste vero Thaddæo Hagecio (in *Dialexi*) prodiit a. 1475; hic maxime disputat de cometa, qui apparuit m. Feb. a. 1402.

ad p. 394,¹³] Nomen tantum subscripsit Tycho.

ad p. 394,³⁴] vid. hujus tomi p. 251,⁵ cum annotat.

ad p. 395,⁴] cf. hujus tomi p. 251,²⁹.

ad p. 396,³⁰] cf. Terentii *Andria* 920: »Si mihi perget quæ vult dicere, ea quæ non vult audiet.«

ad p. 398,¹⁵] Ipsam epistolam descripsit Antonius Favaro in *Bibliotheca mathematica* l. c.; ubi vero nunc lateat, investigare nos non potuimus.

ad p. 402,¹] Ipsius Braschii manu.

ad p. 403,¹] Nomen tantum subscripsit et pauca verba postscripta addidit Sturcius.

ad p. 404,¹ et 406,¹ et 407,¹] Ipsorum Bacmeisteri et Caminæi et Henniochi manu.

ad p. 411,⁹] Vergilii *Ecl.* 3,⁴¹.

ad p. 411,³⁰] vid. tom. I p. 148.

ad p. 412,⁷] Liber est *Catalogus imperatorum, regum ac principum qui astrologicam artem amarunt, ornarunt et exercuerunt...* Collecta ab Henrico Ranzovio ac edita a Theophilo Silvio (Antverpiæ 1580, 109 pp. in 12^o). Cf. Lalande, *Bibliographie astronomique* p. 109.

ad p. 414,²⁷] Ennii verba de Fabio Maximo afferunt Cicero, *De offic.* I 24,⁸⁴; *De senect.* 4,¹⁰; Vergilius *Æn.* VI 846.

ad p. 416,¹⁰] »Nobis hæc ocia fecit«: Vergil. *Ecl.* 1,⁶.

ad p. 416,¹⁵] Nomen tantum subscripsit Rollenhagius.

ad p. 416,³⁹] *Evang. Ioh.* 18,³⁶; 16,³³.

ad p. 417,³] De Gog et Magog vid. *Ezech.* 38—39.

ad p. 417,¹⁴] *Evang. Matth.* 24,¹⁵ sqq.; cf. *Daniel.* 9,²⁷; 11,³¹, 12,¹¹. Infra vero respicit *Daniel.* cap. 2.

ad p. 417,³⁵] »Qui amant...«: Vergil. *Ecl.* 8,¹⁰⁸.

ad p. 418,¹] Nomen tantum subscripsit Tycho. Partem epistolæ exscripsit Antonius Favaro, *Ticone Brahe e la corte di Toscana* (vid. annotat. ad p. 118,²⁵).

ad p. 418,²⁴] Hinc orta est fama illa, Tychonem de cantu nocturno mona-

chorum Capucinianorum conquestum esse. Venerunt illi Vindobona Pragam autumnno anni 1600, at ædes sacra eorum et monasterium non ante tertiam dominicam post Pascha anni 1602 dedicata sunt. Cf. J. Herain et H. Matiegka, *Tycho Brahe, esquisse biographique et compte rendu de la découverte de la dépouille mortelle de Tycho Brahe* (Pragæ 1902) p. 32 (sermone Bohemico ac Gallico).

ad p. 420,¹⁰] Tota epistula ipsius Rollenhagii manu scripta est.

ad p. 420,²³] cf. Kepleri *Opera* VIII p. 742.

ad p. 420,³²] »Domine . . .« : *Evang. Matth.* 8,²⁵.

ad p. 421,¹] Ioh. Garcæi *Astrologiæ methodus in qua secundum doctrinam Ptolemæi exactissima facillimaque genituras qualescunque iudicandi ratio traditur* (Basileæ 1576 in fol.).

ad p. 421,⁵] »Fertur equis . . .« : Vergil. *Georg.* I 514.

ad p. 421,¹⁶] Hessen est arx et oppidum ducatus Brunsvicensis, Lat. + 52° 1', Long. 10° 46' a meridiano Grenovicensi.

ad p. 421,¹⁸] Ipsius Schelei manu.

ad p. 421,²⁹] cf. Kepleri *Opera* VIII p. 742.

ADDENDUM.

Nota † in margine interiore editionis posita, qua ad has annotationes lectores reiciuntur, his locis deest: pp. 69,¹⁸; 74,¹²; 88,⁷; 101,¹³; 157,²⁰; 210,¹²; 211,¹; 216,¹⁵; 288,²²; 293,¹; 297,¹; 297,³⁷; 298,¹; 301,¹; 302,²⁷; 302,³⁰; 305,³⁰; 313,⁷; 335,¹; 343,¹⁰; 395,⁴.

INDEX VIRORUM DOCTORUM ATQUE ALIORUM HOMI- NUM INSIGNIUM, QUORUM IN TOMIS VII ET VIII MENTIO FIT.

Omisimus eorum hominum nomina, de quibus nihil aliud constat, quam quæ in epistulis leguntur, ut eorum, quos enumerat Riddershusius (VIII 219 sqq.), et nomina hominum nobilium Suecorum (VIII 214).

Ad indicem conficiendum adhibuimus inter alia *Dansk biografisk Lexikon*, Jøecheri *Allgemeines Gelehrten-Lexicon*, *Allgemeine deutsche Biographie*, Poggendorffii *Biographisch-literarisches Handwörterbuch zur Geschichte der exacten Wissenschaften*, *The Dictionary of National Biography*.

AALBURGENSIS, Ioannes, natus Aalburgi Daniæ 1542, Rostochii litterarum studiis operam dedit, 20 fere annos in variis Germaniæ academiis versatus bibliopola Hauniæ factus est. Mortuus est 1619.

ALBINOVANUS PEDO, Gajus, poeta epicus Romanus, vixit Ovidii temporibus. Nihil fere ex carminibus ejus relictum est.

ALOISIUS vid. Lilius.

ANGELUS, Iacobus, medicus Ulmæ. Tractatum conscripsit de cometis. Vixisse videtur circa a. 1400.

ANGELUS, Ioannes, professor astronomiæ Vindobonæ, mort. 1512. Libros conscripsit de astrolabiis et de astrologia.

APIANUS, Petrus (Bienewitz), nat. 1495, mort. 1552, professor math. Ingolstadii, scriptor astronomicus.

BACHATIUS, Martinus (Bochazius, Bachazek), dum Tycho in Bohemia versatur, rector erat academiei Pragensis.

BACMEISTER, Lucas, theologus, natus 1530, Wittembergæ studiis operam dedit, ab anno 1562 professor fuit Rostochii, ubi mortuus est 1608. Filius ejusdem nominis (1570—1638) episcopus fuit Rostochii.

BALDUS, Bernardinus (Baldi), natus Urbini 1553, abbas Guastallæ 1586, mortuus 1617. Vertit opera Arati, Heronis, aliorum.

BARNEFELDIUS, Ioannes (Jan van Oldenbarneveld), natus 1549, princeps propugnator liberæ reipublicæ Hollandicæ, supplicio affectus 1619.

BARTHOLINUS, Magnus, Tychonis domesticus, postea rector Herlufsholmii.

BATTUS, Levinus, natus Gannitæ Flandriæ 1545, professor artium mathematicarum Rostochii, mort. 1591.

BELOW, Henricus, homo nobilis Mecklenburgensis. Feudum nactus est in Jutlandia 1579, consobrinam Tychonis in matrimonium duxit 1583, mortuus est 1606.

BERNSSÖN, Ioannes, discipulus Tychonis. Hic fortasse is est »Ioannes Wardensis Cymber«, qui in catalogo discipulorum Tychonis (vid. tom. XIV) nominatur.

BILLE, Eschillus sive Ascanius (Eske) Jörgensen, dominus prædii, quod vocatur Ellinge in Scania, consanguineus Tychonis, negotia ejus procuravit, postquam Tycho e Dania discessit.

BILLE, Claudius (Claus), filius Ste-nonis Bille, avunculi Tychonis, a. 1599

per tres menses Pragæ versatus inde in Galliam profectus est.

BLAEV, Willem Janson, natus 1571, Hvenæ versatus est 1595—96, postea typographus fuit Amsterodami, mortuus 1638. Tabulas geographicas ab eo inceptas perfecit Janus filius ejus.

BLOTIUS, Hugo, nat. Delphii 1533, jurisconsultus, inde ab anno 1575 bibliothecarius fuit Imperatoris, mortuus est Vindobonæ 1608.

BOCHAZIUS, vid. Bachatius.

BŒKELIUS, Ioannes, natus Antverpiæ 1535, arti medicæ operam dedit Hauniæ et Wittembergæ, professor medicinæ Helmstadii 1575, mortuus 1605.

BONGARSIUS, Iacobus, jurisconsultus, natus Aureliani 1554, per multos annos apud principes Germanos legatus, mortuus Lutetiæ 1612.

BORDINGUS, Iacobus, nat. Hamburgi 1547, professor juris feudalis Rostochii 1579—1593, postea consul Lubecæ, mortuus 1616.

BRASCHIUS, Martinus, natus 1565, professor logices Rostochii, mortuus 1601. Auctor est carminum atque orationum multarum.

BRAUNIUS, Georgius, archidiaconus Dortmundi, postea decanus Coloniae, edidit amplum corpus tabularum geographicarum, quod inscribitur *Theatrum urbium* (6 voll. 1593—1616).

BRUCÆUS, Henricus, nat. in Flandria 1531, Lutetiæ et Bononiæ studii operam dedit, ab anno 1567 professor artium mathematicarum et medicinæ Rostochii, mortuus 1598.

BUCHANANUS, Georgius, historicus, natus in Scotia 1506, Lutetiæ stu-

diis operam dedit ac sæpius docuit. Ante annum 1563 in Scotiam revertit et ab ecclesia catholica defecit, rebus publicis ac sacris multum se dedit; mortuus est 1582.

BUCRETIUS, Daniel (Rindfleisch), homo nobilis e Silesia, multos per annos in Italia versatus est, deinde in Gallia, ordini Dominicanorum ascriptus est, mortuus 1631.

BYRGIUS, Justus (Joost Bürgi), mathematicus insignis, natus in Helvetia 1552, Cassellis versatus est 1579—1603, inde Pragam se contulit, mortuus Cassellis 1632. Cf. tom. VI p. 346.

CAMERARIUS, Ioachim (Liebhard), natus Bambergæ 1500, professor philologiæ Tubingæ 1535, Lipsiæ 1541, ubi mortuus est 1574. — Filius ejusdem nominis, natus 1534, arti medicæ operam dedit Paduæ, Norimbergæ medicinam exercuit, mortuus est 1598.

CAMINÆUS, Balthasar, nat. Cellæ, professor logices, postea historiarum et poeseos Francofurti apud Viadrum, mortuus 1613.

CAMPANUS, Ioannes, de Novara. Vixit circa annum 1150, opus confecit *De sphæra*, Euclidis opera ex sermone Arabico vertit.

CARDANUS, Hieronymus, natus Paduæ 1501, mathematicus, astrologus, medicus, vixit Mediolani, Paviæ, Romæ, ubi mortuus est 1575.

CASELIUS, Ioannes, natus 1533, Wittembergæ et in Italia studiis operam dedit, professor philosophiæ in academiis compluribus, postremum Helmstadii, ubi mortuus est 1613. Multos libros conscripsit ad philologiam et alias artes pertinentes.

CASTALIO, Sebastianus (Châtilon), natus in Sapaudia circa annum 1515, professor litterarum Græcarum Basileæ, totam Scripturam sacram in sermonem Latinum et Gallicum vertit, mortuus 1563.

CHRISTIANUS II, elector Saxonie inde ab anno 1591, uxorem duxit Hedvigam, filiam regis Friderici II, mortuus 1611.

CHRISTIANUS Ioannis Ripensis, discipulus Tychonis 1586—90. Postea peregre profectus Tychoni misit observationes deliquiorum et cometæ anni 1593. Hauniæ professor factus est primo artium mathematicarum, deinde litterarum Græcarum. Episcopus Aalburgensis mortuus est 1642.

CHRISTIANUS sive Christiernus vid. Longomontanus.

CHYTRÆUS, David (Kochhaff), theologus, natus in Suevia 1530, professor theologiæ Rostochii 1551, ecclesiarum Lutheranarum statum in Austria ordinavit, in formulam concordie conscribendam operam contulit, mortuus 1600. Cf. tom. II p. 453; tom. III p. 401.

CHYTRÆUS, Nathan, Davidis frater minor natus, nat. 1543, rector gymnasii Bremensis, carmina confecit Latina, mortuus 1598.

CLAVIUS, Christophorus (Klau), natus Bambergæ 1537, Jesuita, professor artium mathematicarum Romæ, inter principes fuit calendarii reformandi, mortuus Romæ 1612.

CLINGIUS, Bartholomæus (Klinge), natus Confluentiæ 1535, doctor philosophiæ et juris, auctor dissertationum juridicarum, per 51 annos professor Rostochii, ubi mortuus est 1610.

CORNELIUS vid. Gemma.

CRAGIUS vid. Krag.

CRAIGUS, Ioannes (John Craig), natus in Scotia, inter cives academie Wittembergensis receptus d. 11 m. Oct. a. 1570, professor artium mathematicarum et logices Francofurti apud Viadrum, in Scotiam reversus 1584 medicinam exercuit Edinburgi, medicus regius factus est, mort. 1620. Cf. tom. IV p. 516.

CRAIGUS, Thomas, frater Ioannis natu major, natus 1538, Lutetiæ studiis operam dedit, officiis civilibus functus est, mortuus 1608.

CRAMER, Daniel, theologus, natus 1568, archidiaconus et sacerdos Stettini, auctor multorum librorum, mortuus 1637.

CUNRADUS ASLACIUS (Cort Aslakssön), Bergensis e Norvegia, natus 1564, discipulus Tychonis 1590—1593, postea professor theologiæ Hauniæ, Tychonis *Orationem de disciplinis mathematicis* edidit 1610, mortuus 1624.

CURTIUS, Iacobus, a Senftenau, procancellarius Imperii, mort. 1594. In hujus domo Pragæ Tycho habitavit atque illic mortuus est. Cf. tom. V p. 119 sqq. et annotat. ad p. 121,²⁸.

CYPRIANUS vid. Leovitius.

DANZÆUS, Carolus (Charles de Dançay), natus circa annum 1509 prope Limonum Pictonum (Aquitanum eum vocat Tycho tom. V p. 143,¹⁵), Argentorati studiis operam dedit ibique ab ecclesia Romana defecit. Legatus in Daniam missus usque ad mortem ibi remansit (1589). Amicus fuit Tychonis et Uraniburgi fundamentalem lapidem posuit.

DASSELLIUS, Hardevigus (Hartwig von Dassell), natus 1557, inde ab anno 1590 consiliarius Imperatoris, mort. 1608.

DAVID PETRI (Pedersen) 1597 Hvenæ remansit, ut arcem Uraniburgum atque instrumenta a Tycho relictæ custodiret, deliquium Solis d. 25 Febr. a. 1598 observavit.

DEE, Ioannes, mathematic., astrologus, necromantis, natus 1527, Cantabrigiæ studiis operam dedit, peregrinationes multas suscepit, vixit in Polonia et Bohemia 1583—1589, deinde in Britanniam revertit, mortuus 1608. Cf. tom. III p. 203,³⁴ cum annotat.

DIETRICHSTEIN, Franz von, natus 1570, episcopus Olmutii et cardinalis 1599, princeps Imperii 1624, mortuus 1636.

DIGGESÆUS, Leonardus (Digges), Oxonii studiis operam dedit, artes mathematicas tractavit; filio teste constructio telescopii ei nota erat, mortuus est circa annum 1573.

DIGGESÆUS, Thomas, Leonardi filius, Cantabrigiæ studiis operam dedit, Copernici systema probavit, auctor fuit libri, qui inscribitur *Alæ seu scalæ mathematicæ* (Londini 1573), mortuus 1595. Cf. tom. III p. 167 sqq.

DOLDIUS, Leonhardus, medicus, natus 1565, doctor medicinæ Basileæ, medicinam exercuit Norimbergæ, ubi mortuus est 1611.

DOMINICUS MARIA vid. Novara.

DOUSA, Janus, filius philologi Batavi (van der Does, mort. 1604), natus 1572, bibliothecarius Lugduni Batavorum, auctor carminum et operum philosophicorum, mortuus 1597.

DRUSIUS, Ioannes (van den Dries-

sche), philologus, nat. in Belgica 1550. Oxonii et Cantabrigiæ studiis operam dedit, professor linguarum orientalium Oxonii 1572, Lugduni Batavorum 1577, mortuus 1618. Cf. tom. VII p. 229,⁴² cum annotat.

DUDITHIUS, Andreas (Dudith), nat. Budapestini 1533, episcopus Quinque Ecclesiarum Ungariæ, uxorem duxit et Lutheri fidei se addixit, auctor libelli de cometis, mortuus 1589.

DUNCANUS vid. Liddelius.

ERASTUS, Thomas (Liebler), natus prope Basileam 1523, professor medicinæ Heidelbergæ 1558, theologus quoque fuit Calvini partes secutus, Paracelsum et astrologiam oppugnavit, propter persecutiones theologorum Heidelbergam relinquere coactus est 1580, mortuus Basileæ 1583.

ERNESTUS, natus 1554, dux Bavarie 1577, archiepiscopus et elector Coloniensis 1583, mortuus 1612.

EXSECCIUS (Robert Devereux, comes Essex), natus 1567, vicarius Irlandiæ 1599, conjurationem iniit, ut Elisabethæ reginæ ministros a muneribus removeret, et cives Londinenses excitare conatus est. Perduellionis damnatus et supplicio affectus est m. Febr. a. 1601.

FABRICIUS, David, natus in Frisia orientali, sacerdos, observationibus astronomicis strenue se dedit, stellam variantem Miram Ceti m. Aug. a. 1596 primus animadvertit, Wandesburgi et Pragæ Tycho nem invisit, interfec- tus 1617.

FABRICIUS, Iacobus, natus Rostochii 1577, discipulus Tycho nis, postea medicus regis Christiani IV, mortuus 1652.

FABRICIUS, Paulus, mathematicus Imperatoris, novam stellam observavit 1572, mortuus Vindobonæ 1589.

FISCHER, Tobias, poeta, natus in Silesia 1559, mortuus 1616.

FRACASTORIUS, Hieronymus, natus Veronæ 1483, Paduæ studiis operam dedit, medicinam exercuit Veronæ, mortuus 1553. Auctor libri, qui vocatur *Homocentrica*.

FRANCISCUS, Ioan. (Hans Frandsen), profes. medicinæ Hauniæ 1560, amicus Tychonis, mortuus 1584.

FRANZIUS, Wolfgang, natus 1564, professor theologiæ Wittembergæ, mortuus 1628.

FREDER, Ioannes, natus 1544, professor eloquentiæ Rostochii 1572, theologiæ 1592, mortuus 1604.

FUGGER, Marcus, e gente nota patricia Augustana, natus 1529, mortuus 1597.

GARCÆUS, Ioannes (Gartze), natus Wittembergæ 1530, professor ordinis philosophorum Gryphiswaldæ 1561, episcopus Brandeburgi novi, mortuus 1574. Auctor fuit librorum ad astrologiam et theologiam pertinentium.

GELALÆUS (Gelâl-ed-dîn), cognomen honorificum regis Persarum Melik Shah, qui vixit circa annum 1100. Nomen dedit æræ Gelalææ (a d. 15 m. Mart. a. 1079 h. 6 A. M.), quam induxit astronomus et poeta Omar el Chajjami (mortuus 1123/24). Cf. tom. VIII p. 85,²⁴ cum annotat.

GELLIUS SASCERIDES, nat. Hauniæ 1562, filius Jani Sasgers Alcmariensis, Hvenæ versatus est 1582—1588, in Italia et Basileæ studiis operam de-

dit usque ad a. 1593, professor medicinæ Hauniæ 1603, mortuus 1612.

GEMMA, Cornelius, astrologus, natus Lovaniæ 1535, mortuus ibid. 1577.

GEMMA FRISIUS, Rainer, Cornelii pater, natus in Frisia 1508, professor artium mathematicarum, postea medicinæ Lovaniæ, mortuus 1555.

GEMPERLIN, Tobias, pictor Augustanus, Tychonis hortatu a. 1575 vel paulo post in Dania consedit.

GIPHANIUS, Hubertus (van Giffen), natus in Geldria 1534, philologus et jurisconsultus, professor Altdorfii 1583, Ingolstadii 1590, mortuus 1604.

GÆDELMANNUS, Ioannes Georgius, natus 1559, professor juris Rostochii 1580. Postea sæpius legatus missus est, ab anno 1592 consiliarius fuit in aula Dresdensi, comes Palatinus 1597, mortuus 1611.

GRAMINÆUS, Theodorus, professor artium mathematicarum Coloniae, auctor librorum de nova stella et cometis annorum 1577 et 1580. Cf. tom. III p. 289,⁴ cum annotat.

GRYNÆUS, Ioannes Iacobus, natus Bernæ 1540, professor veteris Testamenti Basileæ 1575, mortuus 1617.

GRYNÆUS, Simon, natus 1493, humanitatis studiis et theologiæ se dedit, professor litterarum Græcarum Heidelbergæ 1524, Basileæ 1529, Ptolemæi *Syntaxin* Græce edidit 1538, rector academici mortuus est 1541.

GUALTHERUS vid. Walter.

GYLDENSTJERNE, Axillus, consobrinus Tychonis, præfectus Norvegiæ.

GYLDENSTJERNE, Henric., sororem Tychonis in matrimonium duxit.

GYPHANIUS vid. Giphanius.

HAGECIUS, Thaddæus (Hayeck), medicus imperatorum Maximiliani II et Rudolphi II, auctor librorum de nova stella et cometis, mortuus d. 1 m. Sept. a. 1600.

HAGEN, Petrus, poeta carminum Germanicorum et Latinorum, natus in Borussia orientali 1569, mortuus Regiomonti 1620.

HAINZELIUS, Ioannes Baptista, consul Augustæ Vindelicorum.

HAINZELIUS, Petrus, septemvir urbis ejusdem. Quadrantem magnum hujus in usum Tycho construxit 1569.

HANNEVALT, Andreas, nat. circa annum 1560, minister imperatoris Rudolphi II 1594, eidem a consiliis interioribus 1606, mortuus 1613.

HANNIBAL RAIMUNDUS Veronensis, auctor libri de nova stella. Cf. tom. III p. 233 sqq.

HEERBRAND, Iacobus, theologus Lutheri partes secutus, natus 1521, Wittembergæ studiis operam dedit, ad concilium Tridentinum misso verba publice facere non licuit. Auctor fuit librorum multorum, mort. 1600. Cf. annotat. ad tom. VII p. 83,²¹.

HEGELUND, Petrus, episcopus Ripæ Daniæ, auctor librorum multorum, mortuus 1614.

HEMMINGIUS. Nicolaus (Niels Hemmingsen), natus 1513, professor theologiæ Hauniæ, a munere remotus est 1579, quia Calvinii decretis nimis favere insimulabatur, postea canonicus Roskildæ, mortuus 1600.

HERBERSTEIN, Adamus de, legatus publicus, Rudolphum II imperatorem Ratisbonam ad comitia comitatus est 1594, mortuus 1629.

HERMANNUS, Daniel, natus 1530,

secretarius regis Poloniæ, auctor librorum historicorum, mortuus 1601.

HERVARTUS AB HOHENBURG, Ioannes Georgius, natus 1553, duci Bavarie ab intimis consiliis et cancellarius, cum Keplero litteras commutavit, mortuus 1622.

HOMELIUS, Ioannes (Hummel), natus 1518, Argentorati et Wittembergæ studiis operam dedit, professor artium mathematicarum Lipsiæ 1551, mortuus 1562.

HORSTIUS, Dethardus, natus in Frisia orientali 1548, professor Helmstadii, postea causarum actor Wittembergæ, mortuus 1618.

HUNNIUS, Ægidius, theologus, natus 1550, Tubingæ studiis operam dedit, professor Marpurgi 1576, Wittembergæ 1592, mortuus 1603.

JANUS vid. Blaev.

JESSENIUS, Ioannes (Jesenský), natus Vratislaviæ 1566, arti medicæ operam dedit Lipsiæ, Wittembergæ et in Italia, professor medicinæ Wittembergæ 1596, Pragæ 1601, rector academici et medicus Imperatoris. Bello civili interfuit 1618, post pugnam Pragensem supplicio affectus est 1621.

JÆSTELIUS, Melchior, nat. Dresdæ, professor artium mathematicarum Wittembergæ, rationem prostaphæreseos cum aliis viris doctis invenit. Cf. tom. I p. 319.

JUNIUS, Petrus (Peter Young), natus in Scotia 1544, studiorum causa peregre profectus est, præceptor fuit regis Iacobi VI 1570. Legatus in Daniam missus est 1586 et 1587 et 1598, regem in Angliam comitatus est 1603, mortuus 1628.

KAAS, Nicolaus, homo nobilis Da-

nus, nat. 1535, cancellarius 1573, princeps quattuor procuratorum regni a senatu institutus 1588, mortuus 1594.

KEPLER, Ioannes, natus in Wirttembergæ 1571, Tubingæ studiis operam dedit, mathematicus provincialis in Styria 1594, cum Tycho in arce Benatica versatus est a mense Februario in mensem Junium 1600, Pragæ a mense Octobri 1600, Tycho successit mense Octobri 1601, mathematicus provincialis Lincii 1612—1626, mortuus 1630.

KRABBE, Ioannes, natus Myndæ, geometres Guelferbyti 1585, multas observationes instituit et indicem deliquorum annis 1581—1600 a se observatorum Tycho misit.

KRAG, Andreas, natus 1558, arti medicæ operam dedit in Monte Pessulano, professor artium mathematicarum Hauniæ, mortuus 1600.

KRAG, Nicolaus, Andreæ frater, historicus regius 1594, mortuus 1602.

LANGE, Christianus, canonicus Ripæ Daniæ, mortuus 1604.

LANGE, Ericus, dominus prædii Engelsholm, alchymix deditus, Hvenam adiit 1584 Raimarum Ursum secum ducens, Sophiam sororem Tycho sibi despondit 1590, peregre profectus 1592 Sophiam duxit 1602, mortuus est post 1613.

LAZARUS (tom. VIII p. 29,²⁸) videtur esse Petrus Antonius, natus Paviæ 1572, antistes S. Mariæ illius urbis, auctor librorum res sacras tractantium, mortuus 1630.

LEOVITIUS, Cyprianus (Lwowczyk z Lwowicz), natus 1514, auctor librorum ad astrologiam pertinentium, professor artium mathematicarum

Lauingæ, ubi Tycho eum invisit 1568, mortuus 1574.

LIDDELIUS, Duncanus (Duncan Liddel), natus in Scotia 1561, Francofurti apud Viadrum studiis operam dedit, discipulus Pauli Wittichii 1582—1584, professor artium mathematicarum Helmstadii 1591—1603, rector 1604, auctor librorum medicinalium, in Scotiam reversus est 1607, mortuus 1613.

LILIUS (Aloisio Lilio) calendarii reformati primus auctor fuit. Cf. annotat. ad tom. V p. 179,³³.

LINDANUS, Guilelmus Damasi, natus Dordrecti 1525, inquisitor ac postea episcopus Roermondæ, mortuus 1588.

LINDENOW, Otto, homo nobilis Danus.

LÆSERUS, Ioannes (Loeser), homo nobilis Saxonicus, dominus arcis, quæ vocatur Pretzsch.

LONGOMONTANUS, Christianus Severini (Chr. Sørensen Longberg), natus 1562, Tycho discipulus et administrator 1589—1597 et a mense Januario in mensem Augustum a. 1600, professor artium mathematicarum Hauniæ 1605, mortuus 1647.

LYCOSTHENES, Conradus (Wolfhardt), philologus et theologus, natus in Alsatia circa annum 1518, docuit Basileæ 1542, sacerdos ibidem 1545, mortuus 1561. Auctor fuit libri, qui inscribitur *Prodigiorum et ostentorum chronicon* (1557).

MÆSTLINUS, Michael, nat. 1550, Tubingæ studiis operam dedit, professor Heidelbergæ 1580, artium mathematicarum Tubingæ 1584 usque ad mortem 1631. Copernici rationes secu-

tus est, calendarii reformati executionem vehementer impugnavit. Cf. annotat. ad tom. VII p. 82, 9.

MAGINUS, Ioannes Antonius (Giovanni Antonio Magini), natus Paduæ 1555, Bononiæ studiis operam dedit et professor artium mathematicarum factus est 1588, mortuus 1617.

MAIOR, Ioannes, theologus, natus 1533, Wittembergæ studiis operam dedit et professor theologiæ factus est. Vexationibus obnoxius erat, quia Calvinii decretis nimis favere insimulabatur, mortuus est 1600.

MARINUS, Claudius (Claude de Marne), bibliopola, gener Andreæ Wechelii bibliopolæ.

MARIUS, Simon (Mayr), nat. 1572, mathematicus Marchionis Onoldinensis, Pragæ versatus est 1601, satellites Jovis inter primos observavit, mortuus 1624.

MARNIX, Philippus van, legatus principis Oragnia ac theologus, natus Bruxellæ 1538, consul Antverpiæ 1583, mortuus 1598. Auctor fuit libri *De Byencorf der H. Roomsche Kercke*, quem Germanice vertit Io. Fischart.

MATTHIAS vid. Seiffart.

MAURITIUS, Landgravius Hassiæ, »doctus« appellatus, filius Guilelmi IV, natus 1572, mortuus 1632.

MELISSUS, Paulus (Paul Schede), poeta, natus 1539, bibliothecarius Heidelbergæ, mortuus 1602.

MERCATOR, Gerhardus (Krämer), natus in Flandria 1512, geographus, auctor *Chronologiæ a mundi exordio ad a. 1568 ex eclipsibus et observationibus astronomicis* (Coloniæ 1568), mortuus 1594.

METELLUS sive Metellanus, Ioannes (Sir John Maitland), natus circa annum 1545, cancellarius Scotiæ, nominatus baro Maitland of Thirlestane 1590, mortuus 1595.

METHODIUS, episcopus Olympi Lyciæ, mortuus 311. Auctor fuit *Convivii decem virginum*, *De resurrectione contra Origenem* etc. *Revelationes* vero injuria ei ascribuntur. Opera ejus Græce et Latine edita sunt Parisiis 1644 et sæpius (*Revelationes* jam 1496).

MICHAELIUS sive Michaelides, Ioannes (Hans Mikkelsen), aliquamdiu præceptor regis Christiani IV, postea rector scholæ Soranæ, mortuus 1601.

MÆSTLINUS vid. Mæstlinus.

MOLLERUS sive Müllerus, Ioannes, mathematicus electoris Brandenburgici usque ad annum 1608 vel etiam post. Tychonem Hvenæ invisit m. Sept. a. 1596, Wandesburgi 1598, Pragæ 1600—1601.

MOLLERUS, Vincentius, consul Hamburgi.

MONAVIUS, Iacobus (Monaw), e societate Iesu, natus Vratislaviæ 1546, mortuus ibidem 1603.

MORSIANUS, Christianus, natus 1485 in insula Mors, professor Havnæ 1520, quia Lutheri partes sequebatur, in exilium ire coactus est, revertit 1530, professor medicinæ 1537, mortuus 1560.

MUFETIUS, Thomas (Moffet), natus 1553, Cantabrigiæ et Basileæ studiis operam dedit, medicinam exercuit. Hvenam adiit 1582, mort. 1604.

MULÆUS, Bartholdus Ivári, filius fuisse videtur Ivári Bertelsen, qui professor fuit ac postea sacerdos.

MULÆUS, Claudius, frater fuisse videtur Jani Mulæi.

MULÆUS sive Mulus, Janus, natus 1564, medicinam exercuit Othaniæ Daniæ ab anno 1605 usque ad mortem (1633).

MUNOSIUS, Hieronym. (Muñoz), professor linguæ Hebraicæ Valentia, postea artium mathematicarum et linguæ Hebraicæ Salmanticæ, auctor libri de nova stella.

MYLIUS, Martinus, poeta coronatus ab Imperatore, rector gymnasii Gorlicii, mortuus 1611, annum agens 69. Cf. annotat. ad tom. IV p. 287,¹².

NOLTHIUS, Andreas, Embeccensis, auctor libelli de nova stella, quam Terræ multo propiorem quam Lunam esse opinatus est.

NOVARA, Domenico Maria, natus 1454, professor Bononiensis, amicus et præceptor Copernici, mort. 1504.

ORIGANUS, David, filius Tostii, natus 1558, professor linguæ Græcæ ac postea artium mathematicarum Francofurti apud Viadrum. Edidit *Ephemerides*; *Novarum cælestium motuum Ephemeridum* tom. I (Francofurti 1609) utilis est ad astrologiam perdiscendam. Mortuus est 1628.

ORTELIUS, Abraham, geographus, natus Antverpiæ 1527, mortuus ibid. 1598. Negotiorum causa ab anno 1575 multum in peregrinationibus versatus est. Auctor est *Thesauri orbis terrarum*, quæ prima fuit magna collectio tabularum geographicarum (1570 ac postea auctor).

OTHO, Valentinus, natus circa annum 1550, discipulus Rhætici, mathematicus electoris Palatini. Auctor est *Operis Palatini de triangulis* (Neo-

stadii 1596), quo Rhætici opus ita perfecit, ut pro singulis 10" sex quantitates trigonometricas præberet, posito radio 10000000000.

PATRITIUS, Franciscus (Francesco Patrizio), philosophus, natus 1530, docuit Ferraræ et Romæ, ubi mortuus est 1597. Cf. annotat. ad hujus tomi p. 206,³⁸.

PENA, Ioannes, natus in Provincia circa annum 1528, professor artium mathematicarum in collegio regio Lutetia, mortuus 1558. Edidit et interpretatus est Euclidis *Optica* et *Catoptrica* (Lutetia 1557). Opinionem ejus, cælum aëre repletum esse, sæpius affert Tycho (e. g. tom. II p. 77,²⁸; III p. 154,²⁴).

PEPLER, Christophorus, negotia Tychonis procuravit in feudo ejus Nordfjord Norvegiæ.

PETKUM, Simon von, negotia Tychonis Hamburgi procuravit.

PETRUS SEVERINI (Peder Sørensen), natus 1542, ab anno 1570 medicus regis Daniæ, mortuus 1602. Sicut Tycho adversarius erat medicinæ Galenianæ.

PEUCER, Caspar, nat. 1525, artibus mathematicis et astronomicis operam dedit Wittembergæ, professor artium mathematicarum 1554, medicinæ 1559; gener fuit Philippi Melanchthonis. Calvini decretis nimis favere simulabatur et ab anno 1574 ad annum 1586 in carcere tenebatur. Mortuus est 1602.

PINELLUS, Vincentius (Vincenzo Pinelli), nat. Neapoli 1535, ab anno 1558 Paduæ vixit, in multis disciplinis versatus est, libros et codices manu scriptos strenue collegit, mortuus est 1601.

POMERIUS, Ioachimus, natus in Scotia, professor medicinæ Hauniæ 1541.

PONTANUS, Ioannes Isacii, natus mari prope Helsingoram 1571 parentibus Batavis, Hvenæ fuit 1593—1595 ac sæpius in Dania versatus est, historicus regius 1618, auctor *Historiæ rerum Danicarum* (Amsterodami 1631), mortuus in Batavia 1639.

PRÆTORIUS, Ioannes (Richter), natus 1537, Wittembergæ studiis operam dedit, instrumentorum mathematicorum confector fuit Norimbergæ, professor artium mathematicarum Wittembergæ 1571, Altdorfii (prope Norimbergam) 1576, mortuus 1616. Auctor fuit multorum librorum. Cf. tom. I p. 319.

PRATENSIS, Ioannes, filius Philippi du Pré e Normannia oriundi, natus in Dania circa annum 1538, professor medicinæ Hauniæ 1571, mortuus in academia docens 1576.

PRUGNER, Nicolaus, tabulas edidit, quæ Alphonsinis nitebantur (Basilæ 1553).

QUATTUOR, SS. (cardinalis titulum gerens Santi Quattro) illo tempore fuit Antonius Facchinetti, filius fratris papæ Innocentii IX (non VIII, ut ait Maginus in hujus tomi p. 251,³⁰). Natus est 1575, cardinalis creatus est a patruo 16 annos natus 1591, mortuus 1606.

RAIMARUS vid. Ursus.

RAIMUNDUS, vid. Hannibal Raimundus.

RAMELIUS, Henricus (Ramel), in Pomerania natus, præceptor regis Christiani IV 1583, ad politica negotia adhibitus est in Dania et in regni

senatum acceptus est 1596, mortuus 1610.

RAMUS, Petrus (Pierre de la Ramée), natus 1515, Lutetiæ studiis operam dedit, professor philosophiæ 1551, aliquoties a munere remotus ac rursus restitutus est, adversarius fuit Aristotelis, interfectus est nocte S. Bartholomæi 1572.

RANZOVIUS, Henricus (Heinrich Rantzau), natus 1526, vicarius regis in Slesviga et Holsatia, vir doctrina clarus, amicus Tychonis, quem in arcem suam Wandesburgum recepit, mortuus d. 1. m. Jan. a. 1599.

RANZOVIUS, Gerardus (Gert Rantzau), filius Henrici, natus 1558, patri in munere vicarii successit, mortuus 1627.

REINHOLDUS, Erasmus, natus Salfeldiæ Thuringæ 1511, mortuus pestilentia ibidem 1553. Wittembergæ studiis operam dedit ac professor artium mathematicarum superiorum factus est 1536. Auctor fuit *Prutenicarum tabularum cœlestium motuum* (Tubingæ 1551).

RHÆTICUS, Georgius Ioachimus, natus in Rhætia superiore 1514, Wittembergæ studiis operam dedit, professor artium mathematicarum inferiorum 1536, Fruenburgi apud Copernicum versatus est 1539—1541, *Narrationem primam* de novo systemate edidit 1542, professor Lipsiæ 1542, mortuus in Ungaria 1576. Tabulas ejus magnas perfecit Valentinus Otho.

RHEDERUS, Melchior (v. Rödern), magister militum Imperatoris, in defensione oppidi Ungarici Nagy-Várad (Grosswardein) optime se gessit 1598, qua de causa a Braschio poeta cognov-

mine Varadini ornatus est, mortuus 1600.

RHODIUS, Ambrosius (Rhode), natus in Saxonia 1577, Wittembergæ et Pragæ studiis operam dedit, administrator Tychonis usque in ætatem 1601, postea professor artium mathematicarum Wittembergæ, mortuus 1633.

RINDSKAT sive Rindschat sive Reindskat, Sievert, in Styria natus, in Daniam profectus per matrimonium in possessionem venit prædii 1586. Pragæ versatus est 1600—1601. In Daniam reversus propter vexationem colonorum custodiæ perpetuæ damnatus est 1609, mortuus inter 1620 et 1626. Cf. Kepleri *Opera* ed. Frisch VIII p. 739, v. 4 ab imo.

RINGELBERG, Ioachimus, natus Antverpiæ, mortuus 1536, auctor librorum mathematicorum et philologorum.

RIPENSIS, vid. Christianus Ioannis Ripensis.

RÆSLIN, Elisæus, medicus Hanoviæ, præter alia librum scripsit de cometis, quos in cælo supralunari versari arbitrabatur. Cf. tom. IV p. 251 sqq.

ROGERS, Daniel, legatus Anglus, nat. Wittembergæ circa annum 1538, filius Ioannis, qui a. 1555 propter defectionem a fide catholica igni crematus est. Daniam adiit aliquoties; quæ in itinere a. 1588 in libellum retulerat, edita sunt in *Danske Magazin* ser. 6, tom. I (vid. annotat. ad tom. VI p. 142, ¹²). Mortuus est 1591.

ROLLANDUS sive Rolandus, Ioachimus, medicus Machlinii.

ROLLENHAGIUS, Georgius (Rollenhagen), natus 1542, Wittembergæ

studiis operam dedit 1560—1567, rector gymnasii Magdeburgi, ubi mortuus est 1609. Auctor fuit carminum et librorum ad astrologiam atque itinera fabulosa pertinentium.

ROMANUS, Adrianus (van Roomen), natus Lovaniæ 1561, mathematicus regius in Polonia, auctor librorum utilium ad trigonometriam pertinentium, mortuus Moguntiaci 1615.

ROSENCRANTZIUS, Fridericus, patruelis Oligeri, in Ungariam profisciscens, ut in bello Turcico stipendia faceret, in Moravia mortuus est 1602.

ROSENCRANTZIUS, Oligerus (Holger Rosenkrantz), homo nobilis Danus, »doctus« appellatus, natus 1574, auctor librorum theologicorum et magnæ bibliothecæ possessor, mortuus 1642.

ROSENCRANTZIUS, Iacobus, patruelis Oligeri, natus 1567, mortuus 1616.

ROTHMANNUS, Christophorus, natus Bernburgi circa annum 1550, Landgravii Hassiæ astronomus a m. Nov. a. 1584, ut videtur (cf. tom. VI p. 346), usque ad a. 1590, quando Tychonem Hvenæ invisit. Cassellas non revertit, nec satis constat, quid postea egerit. Mortuus esse videtur circa annum 1605.

ROTHMANNUS, Ioannes, Erfurdensis, auctor *Chiromantiæ Theoricæ et Practicæ* (1595).

ROYDON, Matthias, poeta Anglus, mortuus circa annum 1622.

RUD, Knud, natus 1556, mortuus 1611, prædia possedit in Dania.

RUMPFIIUS (Wolfgang Siegmund Rumpf zum Wülross), natus in Carinthia, præpositus cubiculi et Rudolpho

II imperatori ab interioribus consiliis et qui privata eiusdem negotia procuravit ab a. 1576, præterea aulæ magister ac summæ rei publicæ gubernator 1591, a muneribus remotus m. Oct. a. 1600, mortuus 1606.

SAGER, medicus Lubecæ.

SAGREDO, Giovanni Francesco, homo nobilis Veneticus, natus 1571, Paduæ discipulus fuit Galilei, qui nomen ejus clarum reddidit, eo quod in dialogis suis *De systemate mundi* et *De duabus novis disciplinis* loquentem eum fecit.

SAVILLE, Thomas, homo rerum antiquarum peritus, Henrici Savillii frater, Oxonii studiis operam dedit, mortuus 1593.

SCALIGER, Iosephus Iustus, philologus, natus Aginni Aquitanicæ 1540, professor Lugduni Batavorum 1593, ubi mortuus est 1609. Præcipuum ejus opus fuit *De emendatione temporum* (Parisiis 1583, ed. altera auctior Lugduni Batavorum 1598).

SCHISLERUS, instrumentor. confector Augustæ Vindelicorum.

SCHÆNER, Andreas, filius Ioannis, natus Norimbergæ 1528, mort. 1590, gnomonicæ maxime operam dedit.

SCHÆNER, Ioannes, natus 1477, Walthero moderante Norimbergæ studiis operam dedit, professor artium mathematicarum gymnasii illius urbis 1526, mortuus 1547. Opera aliquot Regiomontani edidit e libris manu scriptis, qui Waltheri fuerant.

SCHRECKENFUCHS, Erasmus Oswaldus, natus in Austria 1511, professor linguæ Hebraicæ Tubingæ et Basileæ et Friburgi Brisgaviæ, ubi mortuus est 1579. Edidit Abrahami ben

Chija *Sphæram Mundi* (Basileæ 1546) et Ptolemæi *Opera* (ibidem 1551).

SCHWALMIUS, medicus Gorlicii.

SCULTETUS, Barthol. (Schultz), natus Gorlicii 1540, Homelio moderante Lipsiæ studiis operam dedit, deinde Wittembergæ. Gorlicium migravit 1570 ibique consul factus est; mortuus 1614.

SEIFFART, Matthias, Tychonis administrator Pragæ fuit, deinde Kepleri. Mortuus est ante Keplerum.

SEVERINUS vid. Petrus.

SKYNENS (fortasse Skynner, i. e. Skinner), amicus Ioannis Craigi.

SNELLIUS, Rudolphus (Snel van Roijen), natus 1546, professor artium mathematicarum Lugduni Batavorum ab anno 1578, mortuus 1613.

SNELLIUS, Willebrordus, filius Rudolphi, natus 1580 vel 1581, 19 annos natus Ptolemæi *Syntaxin* docuit, patri successit 1613, mortuus 1626. Tychonem invisit fortasse 1599. Hic primus per artem trigonometriæ Terræ quantitatem metitus est.

SOMMER, Iacobus (de Somere), poeta Belga.

STADIUS, Georgius, natus in Austria 1550, professor astronomiæ et mathematicus provincialis Græcii 1582, mortuus 1593. Auctor est calendariorum.

STADIUS, Ioannes, natus prope Antverpiam 1527, professor Lovaniæ et Lutetiæ, mortuus 1579. Auctor est Ephemeridum a. 1554—1606.

STUART, William, ab Houston, amicus regis Iacobi VI, legatus missus est in Daniam, Germaniam, Hollandiam. Cf. tom. IV p. 515.

STURMIUS, Ioannes, natus 1507,

docuit Argentorati ab anno 1537, in humanitatis studiis versatus est, mortuus 1589.

STURCIUS, Christophorus (Sturtz), natus in Livonia, doctor juris Rostochii 1584, multos per annos Hauniæ versatus professor historiarum Rostochii factus est, ubi mort. est 1602.

STYGGIUS, Ioannes (Stygge), homo nobilis Danus.

SWALBIUS, Bartholomæus, fortasse Bernhardus Swalue, medicus Embdensis, qui studiis operam dedit Lugduni Batavorum et auctor fuit complurium librorum ad medicinam pertinentium.

TAUBMANN, Fridericus, vir humanitatis studiorum peritus, natus 1565, professor poeseos Wittembergæ 1595, mortuus 1613.

TENGNAGEL, Franciscus (Franz Gansneb T. von Camp), natus in Westphalia, Hvenæ versatus est ab anno 1595 et cum Tychone in Germaniam et Bohemiam profectus. Filiam ejus Elisabetham in matrimonium duxit m. Jun. a. 1601. Post mortem Tychonis Imperatori ministeria fecit. Mortuus est 1622.

THURNEISSER, Leonhardus, natus Basileæ 1530, medicus fuit et alchymiae deditus, multum in peregrinationibus versatus est, medicus fuit electoris Brandenburgici 1571, in Italiam fugit 1584, mortuus est Coloniae 1596. Liber ejus de nova stella nullius pretii est.

TRAPEZUNTIUS, Georgius, natus in Creta 1395, in Italia habitavit, Romæ mortuus est 1483. Ptolemæi *Syntaxin* (quæ edita est 1528 et 1551) aliosque libros Græcos vertit.

TRAUTSONIUS, Paulus Sixtus (Trautson), comes, natus circa annum 1550, aulæ mareschallus, simul cum Rumpffio minister imperatoris Rudolphi usque ad m. Oct. a. 1600, mortuus 1621.

TREUTLER, Hieronymus, natus 1566, professor eloquentiæ Marpurgi, auctor librorum ad jura pertinentium, mortuus 1607.

URSUS, Nicolaus Raimarus (Reymers Bär), natus in Ditmarsia, in comitatu Erii Langii Hvenam venit 1584, mathematicus Imperatoris Pragæ 1591. Edidit *Fundamentum astronomicum* (Argentorati 1588), in quo Tychonis systema sibi vindicavit, et *De astronomicis hypothesibus* (Pragæ 1597), libellum calumniis repletum. Mortuus est Pragæ m. Aug. a. 1600.

VALESIUS, Franciscus, natus in Castilia vetere, medicus regis Philippi II. Auctor fuit libri de nova stella (vid. tom. III p. 87 sqq.). Cf. annotat. ad tom. VI p. 185,³⁰.

VALLA, Georgius, medicus, vixit circa annum 1500. Procli *Hypotyposin* vertit. Cf. annotat. ad tom. VII p. 85,³⁸.

VARADINUS vid. Rhederus.

VELLEJUS, Andreas Severini (Anders Sørensen Vedel), præceptor Tychonis 1562—1565, a sacris regiis orator 1558—1581, deinde canonicus et historicus regius usque ad 1595, mortuus 1616.

VIETA sive Vietæus (François Viète), mathematicus insignis, nat. 1540, senator in Aremorica, regi Henrico IV a consiliis intimis Lutetiæ, mort. 1603.

VOGELINUS, Ioannes (Vögelin), natus exitu sæculi XV, in gymnasio

cathedrali Augustæ Vindelicorum docuit ab anno 1517, professor artium mathematicarum Vindobonæ 1528, mortuus ibidem 1549. Auctor fuit Geometriæ elementaris, quæ Euclidis *Elementis* nitebatur, et libelli de cometa anni 1532.

WALTHER, Bernhardus, natus Norimbergæ circa annum 1430, adjutor ac socius fuit Regiomontani ab anno 1471 et post hujus mortem (1476) observationes ejus continuavit. Mortuus est 1504.

WELSER, gens patricia Augustæ Vindelicorum. Maxime notus est Marcus Welser, natus 1558, consul 1594, senator 1598, mort. 1614. Historiæ et rerum antiquarum peritus erat, eique epistulas de maculis Solis conscriptas inscripserunt Galileus et Scheiner.

WERNER, Ioannes, natus Norimbergæ 1468, per quinque annos in Italia studiis operam dedit, sacerdos Norim-

bergæ 1498, a fide catholica defecit, mortuus est 1528. Cf. tom. I pp. XXXII et 319 sq. et tom. II p. 223,³¹ sqq. cum annotat.

WINCKLER, Nicolaus, medicus Halis Suevorum, auctor *Cometæ Pogniæ* (vid. tom. IV p. 348 sqq.).

WINSHEMIUS, Vitus, natus Wittenbergæ 1521, professor juris ibidem 1560, consiliarius regis Daniæ et decanus ædis cathedralis Hamburgi 1587, mortuus 1608. Etiam Pragæ legatus fuisse videtur.

WITTICHIUS, Paulus, Vratislaviensis, natus circa annum 1550, Wittenbergæ primum cum Tychone congressus per menses complures Hvenæ versatus est 1580, rationem prosthæreticam excoluit inter primos (cf. tom. I p. XXXII). Mortuus est 1587.

WOLFIUS, Hieronymus, nat. 1516, mortuus 1590. Basileæ et Augustæ Vindelicorum maxime habitasse videtur.

CORRIGENDUM.

P. 210,¹² pro 99 scribi debuit 98.

QUÆ OCTAVO TOMO CONTI- NENTUR.

	Pag.
Epistola a Davide Chytræo 16 Iun. 1597.....	3
— ad Oligerum Rosencrantzium 10 Iul. 1597	3-4
— ab Iacobo Bordingo 2 Aug. 1597.....	5
— ad Henricum Ranzovium 17 Sept. 1597	5-6
— ad Ioh. Iac. Grynæum 8 Oct. 1597	6-8
— ad Oligerum Rosencrantzium 7 Nov. 1597.....	8-10
— ad Oligerum Rosencrantzium 16 Nov. 1597	10-12
— a Davide Fabricio 23 Nov. 1597	13-14
— ab Ioanne Keplero 13 Dec. 1597	14-15
— ab Oligero Rosencrantzio 16 Dec. 1597	15-17
— ad Oligerum Rosencrantzium 26 Dec. 1597	17-18
— ad Imperatorem Rudolphum 2 Ian. 1598	18-20
— ab Ioanne Isacio Pontano 1598.....	20
— ab Henrico Ellenbergero 18 Ian. 1598	21-22
— ad Oligerum Rosencrantzium 22 Ian. 1598.....	22-24
— ad Oligerum Rosencrantzium 14 Febr. 1598.....	24-25
— ad Andreæm Velleium 18 Febr. 1598	25-27
— ab Iacobo Monavio 25 Febr./7 Mart. 1598	28-31
— a Vito Winshemio 11 Mart. 1598.....	31
— ad Iosephum Scaligerum 14 Mart. 1598.....	31-33
— ad Christianum Longomontanum 24 Mart. 1598	34-35
— ad Vitum Winshemium 28 Mart. 1598	35
— ad Iacobum Bordingum 29 Mart. 1598	36-37
— Danielis Crameri ad Oligerum Rosencrantzium 31 Mart. 1598	37-43
— ad Ioannem Keplerum 1 Apr. 1598.....	44-48
— ad Andreæm Velleium 10 Apr. 1598.....	48-50
— a Georgio Rollenhagio Apr. 1598.....	50-52
— ad Michaelæm Mæstlinum 21 Apr. 1598	52-55
— ad Thaddæum Hagecium 1598.....	56-59
— ad Oligerum Rosencrantzium 8 Mai. 1598.....	59-68
— a Thaddæo Hagecio 20/30 Mai. 1598.....	68
— a Daniele Cramero 24 Mai. 1598	69
— ad Ioh. Iac. Grynæum 7 Iun. 1598	69-71
— ab Ernesto Archiepiscopo Coloniensi 15/25 Iun. 1598 .	71-72
— a Georgio Rollenhagio 18 Iun. 1598.....	72
— (a Casparo Lehmanno ad Georgium Rollenhagium 21/31 Mai. 1598).....	73

	Pag.
Epistola ad Oligerum Rosencrantzium 23 Iun. 1598.....	74-76
— a Nicolao Hemmingio 27 Iun. 1598.....	77
— ad Oligerum Rosencrantzium 28 Iun. 1598.....	77-79
— a Francisco Tegnaglio 6 Iul. 1598.....	80-83
— ab Iosepho Scaligero 9 Iul. 1598.....	83-87
— ad Oligerum Rosencrantzium 10 Aug. 1598.....	88-92
— ad Nicolaum Cragium 20 Aug. 1598.....	92-100
— ad Iosephum Scaligerum 23 Aug. 1598.....	100-109
— ad Oligerum Rosencrantzium 5 Sept. 1598.....	109-110
— ad Oligerum Rosencrantzium 9 Sept. 1598.....	110-113
— ad Oligerum Rosencrantzium 14 Sept. 1598.....	113-114
— ad Oligerum Rosencrantzium 25 Sept. 1598.....	114-116
— a Davide Chytræo 7 Oct. 1598.....	116-117
— ab Ioanne Georgio Gœdelmanno 2/12 Nov. 1598....	118
— ad Ferdinandum Ducem Etruriæ 8 Nov. 1598.....	118-119
— a Thaddæo Hagecio 21 Nov./1 Dec. 1598.....	119-120
— ad Ioannem Antonium Maginum 28 Nov. 1598....	120-125
— ad Oligerum Rosencrantzium 5 Dec. 1598.....	125-126
— ad Nicolaum Cragium 5 Dec. 1598.....	127-131
— ad Andreæ Velleium 30 Dec. 1598.....	131-133
— ad Christianum Longomontanum 31 Dec. 1598....	133-134
— ad Oligerum Rosencrantzium 31 Dec. 1598.....	134-135
— ad Christianum Longomontanum 11 Ian. 1599.....	136
— a Rudolpho Corraducio 17/27 Ian. 1599.....	136-137
— ab Hardewigo Dasselio 28 Ian. 1599.....	137-141
— ab Ioanne Keplero Febr. 1599.....	141-144
— ad Thaddæum Hagecium 16/26 Febr. 1599.....	145-147
— ad Vitum Winshemium 2 Mart. 1599.....	147-148
— ab Oligero Rosencrantzio 7 Mart. 1599.....	148-149
— ad Christianum Longomontanum 21 Mart. 1599....	149-151
— ad Iosephum Scaligerum 17 Apr. 1599.....	151-153
— ab Iacobo Bongarsio 1 Mai. 1599.....	153
— ad Oligerum Rosencrantzium 7 Mai. 1599.....	154-156
— a Ferdinando Duce Etruriæ 1599.....	156
— ab Io. G. Herwarto ab Hohenburg 13/23 Iul. 1599....	157-158
— ad Christianum Longomontanum 10/20 Aug. 1599... 158-159	
— ad Io. G. Herwartum ab Hohenburg 21/31 Aug. 1599. 159-163	
— ad Oligerum Rosencrantzium 30 Aug./9 Sept. 1599.. 163-172	
— ab Io. G. Herwarto ab Hohenburg 7/17 Sept. 1599... 172-175	
— ad Andreæ Velleium 8/18 Sept. 1599.....	175-181
— ad Christianum Longomontanum 12/22 Sept. 1599... 182-184	
— ad Daniele Cramerum 16/26 Sept. 1599.....	184-187

Epistola ad Iosephum Scaligerum 14/24 Oct. 1599	187-190
— ab Ioanne Antonio Magino 25 Oct./4 Nov. 1599	190-191
— a Davide Fabricio 1599.	191-192
— ad Io. G. Herwartum ab Hohenburg 6/16 Nov. 1599	192-203
— ad Ioannem Keplerum 29 Nov./9 Dec. 1599.	203-211
— a Nicolao Cragio 4/14 Dec. 1599.	211-215
— ad Hugonem Blotium 4/14 Dec. 1599.	215-216
— a Ludolpho Riddershusio 16/26 Dec. 1599.	216-221
— a Christophoro Henniocho 19/29 Dec. 1599.	221-222
— ad Io. G. Herwartum ab Hohenburg 21/31 Dec. 1599	222-226
— ad Vincentium Pinellium 24 Dec. 1599/3 Ian. 1600 ..	226-228
— ad Ioannem Antonium Maginum 24 Dec. 1599/3 Ian. 1600.	229-232
— a Daniele Felso 27 Dec. 1599/6 Ian. 1600.	232-233
— ad Bartholomæum Scultetum 28 Dec. 1599/7 Ian. 1600	234-236
— ad Iacobum Monavium 31 Dec. 1599/10 Ian. 1600 ...	236-237
— ad Martinum Bochazium 7/17 Ian. 1600	238-240
— ad Anonymum 10/20 Ian. 1600	240-241
— ad Ferdinandum Ducem Etruriæ 14/24 Ian. 1600 ...	242-244
— ad Ioannem Fridericum Hoffmannum 16/26 Ian. 1600	244-245
— ad Ioannem Keplerum 16/26 Ian. 1600.	246-247
— ab Ioanne Friderico Hoffmanno 24 Ian./3 Febr. 1600	247-248
— ad Paulum Melissum 7/17 Febr. 1600.	248-250
— ab Ioanne Antonio Magino 23 Febr./4 Mart. 1600 ..	250-254
— ad Ioannem Fridericum Hoffmannum 25 Febr./6 Mart. 1600	254-256
— ad Anonymum 25 Febr./6 Mart. 1600	256-257
— ad Rudolphum Corraducium 27 Febr./8 Mart. 1600	257-259
— ad Anonymum 27 Febr./8 Mart. 1600	259
— ad Iacobum Bongarsium 28 Febr./9 Mart. 1600.	260
— ad Anonymum 28 Febr./9 Mart. 1600	261
— ab Iosepho Scaligero 29 Febr./10 Mart. 1600.	261-264
— a Wolfgango Franzio 2/12 Mart. 1600	264-265
— ab Iacobo Monavio 4/14 Mart. 1600.	265-267
— a Paulo Melisso 5/15 Mart. 1600.	267-268
— a Tobia Fischero 8/18 Mart. 1600	268-270
— ab Ioanne Iessenio a Iessen 14/24 Mart. 1600.	270-271
— a Francisco Tegnaglio 1600.	272
— ad Nicolaum Cragium 14/24 Mart. 1600	272-278
— ad Melchiorem Iæstelium 17/27 Mart. 1600	278-280
— ad Wolfgangum Franzium 17/27 Mart. 1600	280-281
— ad Ioannem Iessenium a Iessen 18/28 Mart. 1600 ...	281-282

	Pag.
Epistola ad Davidem Chytræum 18/28 Mart. 1600	283-286
— ad Anonymum (L. Bacmeisterum?) 19/29 Mart. 1600	286-288
— ad Christophorum Sturcium 19/29 Mart. 1600	288-289
— ad Christophorum Henniochum 19/29 Mart. 1600 ..	289
— ad Martinum Braschium 19/29 Mart. 1600	290-291
— ad Danielelem Cramerum 22 Mart./1 Apr. 1600	291-292
— ab Io. G. Herwarto ab Hohenburg 24 Mart./3 Apr. 1600	293
— ad Georgium Rollenhagium 26 Mart./5 Apr. 1600 ..	293-295
— ab Ioanne Keplero 26 Mart./5 Apr. 1600	296
— ad Ioannem Fridericum Hoffmannum 27 Mart./6 Apr. 1600	297
— ad Ioannem Iessenium a Iessen 29 Mart./8 Apr. 1600	298-299
— ab Io. G. Herwarto ab Hohenburg 1/11 Apr. 1600 ...	300
— ad Cosmum Concinium 4/14 Apr. 1600	301
— ad Raphaellem Ciaparenium 4/14 Apr. 1600	302
— ab Io. G. Herwarto ab Hohenburg 8/18 Apr. 1600...	302
— ad Vitum Winshemium 10/20 Apr. 1600	303
— ad Ludolphum Riddershusium 10/20 Apr. 1600	304-305
— ab Io. G. Herwarto ab Hohenburg 16/26 Apr. 1600..	305
— ab Ioanne Keplero Apr. 1600	305-307
— ad Matthiam Archiducem Austriæ 22 Apr./2 Mai. 1600	307-309
— ad Cosmum Concinium 24 Apr./4 Mai. 1600	309-310
— ad Galilæum de Galilæis 24 Apr./4 Mai. 1600	311-312
— ab Io. G. Herwarto ab Hohenburg 24 Apr./4 Mai. 1600	312-313
— ad Christianum Electorem Saxonix 26 Apr./6 Mai. 1600	313-314
— ad Rudolphum Corraducium 26 Apr./6 Mai. 1600 ..	314-315
— ad Ioannem Barvitium 27 Apr./7 Mai. 1600	315-316
— ad Ioannem Iessenium a Iessen 27 Apr./7 Mai. 1600	316-317
— ad Georgium Wolframsdorf 28 Apr./8 Mai. 1600 ...	317-318
— ab Iacobo Bongarsio 1/11 Mai. 1600	318
— ad Anonymum 5/15 Mai. 1600	319
— ad Iacobum Monavium 6/16 Mai. 1600	320-321
— ad Tobiam Fischerum 6/16 Mai. 1600	321-323
— ad Danielelem Bucretium 6/16 Mai. 1600	323-324
— ad Ioannem Keplerum Iun. 1600	324-325
— ab Iacobo Monavio 4/14 Iun. 1600	325-326
— a Georgio Rollenhagio 9/19 Iun. 1600	327
— ad Iosephum Scaligerum 13/23 Iul. 1600	328-330
— ab Octavio Cauriano 23 Iul./2 Aug. 1600	330

Epistola ad Oligerum Rosencrantzium 24 Mai./3 Iun. et 24 Iul./3 Aug. 1600.	330-335
— ad Christianum Longomontanum 25 Iul./4 Aug. 1600	335
— ab Ioanne Oswaldo 6/16 Aug. 1600.	336
— a Martino Braschio 8/18 Aug. 1600	337-339
— a Vito Winshemio 13/23 Aug. 1600.	339-340
— ad Ioannem Keplerum 18/28 Aug. 1600.	340-344
— ad Io. G. Herwartum ab Hohenburg 18/28 Aug. 1600	344-353
— ab Io. G. Herwarto ab Hohenburg 29 Aug./8 Sept. 1600.	353-354
— ab Io. G. Herwarto ab Hohenburg 1/11 Sept. 1600...	354-357
— ad Martinum Braschium 5/15 Sept. 1600	357-360
— ad Christophorum Sturcium 6/16 Sept. 1600	360-361
— ad Lucam Bacmeisterum 6/16 Sept. 1600.	361-363
— ad Melchiorem Ioestelium 8/18 Sept. 1600.	363-364
— ad Taubmannum 10/20 Sept. 1600	365
— ab Io. G. Herwarto ab Hohenburg 13/23 Sept. 1600	366
— ad Ottonem Ducem Brunsvicensem 16/26 Sept. 1600	366-367
— ad Vitum Winshemium 16/26 Sept. 1600.	367-368
— ad Georgium Rollenhagium 16/26 Sept. 1600.	369-375
— a Christophoro Sturcio 19/29 Sept. 1600	375-376
— a Luca Bacmeistero 19/29 Sept. 1600	377-379
— a Martino Braschio 20/30 Sept. 1600	379-380
— ad Melchiorem Ioestelium 28 Sept./8 Oct. 1600	381-382
— ad Decanum et Doctores Witembergenses 29 Sept./9 Oct. 1600	382
— ab Ioanne Keplero 7/17 Oct. 1600	383-385
— ab Io. G. Herwarto ab Hohenburg 29 Oct./8 Nov. 1600	385-386
— ad Mauritium Landgravium Hassiæ 31 Oct./10 Nov. 1600.	387-388
— ad Lucam Bacmeisterum 6/16 Nov. 1600	389-390
— ad Christophorum Sturcium 6/16 Nov. 1600.	390
— ad Martinum Braschium 6/16 Nov. 1600.	391
— ad Melchiorem Ioestelium 8/18 Nov. 1600.	391-393
— ab Io. G. Herwarto ab Hohenburg 17/27 Nov. 1600	393
— ab Io. G. Herwarto ab Hohenburg 30 Nov./10 Dec. 1600.	393-394
— ad Ioannem Antonium Maginum 14/24 Ian. 1601	394-398
— ad Ferdinandum Ducem Etruriæ 18/28 Ian. 1601	398-399
— ab Ioanne Antonio Magino 10/20 Febr. 1601	399-401
— a Martino Braschio 8/18 Mart. 1601	402
— a Christophoro Sturcio 10/20 Mart. 1601	403

QUÆ OCTAVO TOMO CONTINENTUR

471

	Pag.
Epistola a Luca Bacmeistero 11/21 Mart. 1601	404-405
— a Balthasaro Caminæo 12/22 Mart. 1601	406
— a Christophoro Henniocho 21/31 Mart. 1601	407-408
— ad Oligerum Rosencrantzium 26 Mart./5 Apr. 1601 .	408-410
— ad Martinum Braschium 4/14 Apr. 1601	410-413
— ad Lucam Bacmeisterum 5/15 Apr. 1601	413-415
— ad Christophorum Sturcium 5/15 Apr. 1601	415-416
— a Georgio Rollenhagio 18/28 Apr. 1601	416-417
— ad Ferdinandum Ducem Etruriæ 20/30 Apr. 1601 ..	418-420
— a Georgio Rollenhagio 15/25 Mai. 1601	420-421
— ab Eberarto Schele 12/22 Iun. 1601	421-422
Annotationes Editorum	423-451
Index virorum doctorum	452-465



TYPIS DESCRIPSERUNT NIELSEN & LYDICHE
(AXEL SIMMELKIÆR)
CHARTAM PRÆBUERUNT OFFICINÆ CHARTARIÆ
CONSOCIATÆ (DE FORENEDE PAPIRFABRIKKER)
QUÆ LUCIS OPE EXPRIMENDA ERANT
EXPRESSIT F. HENDRIKSEN
NUMERUS EXEMPLORUM VENALIUM: 225

OCTAVUS TOMUS PRELUM RELIQUIT
D. 14. M. NOVEMBRIS
ANNO
MCMXXV

QB
3
B83
t.8

Brahe, Tyge
Opera omnia

P&ASci

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
